






R 12

Ex Bibliotheca
majori Coll. Rom.
Societ. Jesu

~~10-8-3.~~



Amici
Carli & Act
Friedrich Schlegel




PAVLI
OROSII PRES-
BYTERI HISPANI,
ADVERSUS PAGANOS,
HISTORIARVM LI.

bri septem: 10-4-A-3

*Vetustorum librorum auxilio à mendis vindica-
ti, & annotationibus ex vtriusq; lingua hi-
storicis illustrati, opera & studio*

FRANC. FABRICII MAR-
CODVRANI.

Quibus nunc accessit eiusdem Orosij Apologcticus
contra Pelagium, de arbitrij libertate.



COLONIAE
Apud Maternum Cholinum
M. D. LXXIII.
Cum gratia & priuilegio Cas. Maieſt.



10. 4. A. 3. 7. 1. 7. 1.

GRAND PRINCE

PRINCE OF MONTE

ADOLPHUS

1871

1871

1871

1871

1871


1871

1871

1871



C. A.



1871

AMPLISSIMO ORNATISSIMOQVE

*VIRO D. IOANNI VLATTENO, PRAE-
posito Aquensi, Cranenburgensi, & Carpenſi: Illu-
ſtriſſ. Principis Guilielmi Ducis Iul. Cliv. Mont.*

&c. Cancellario, patrono ſuo, Franc.

Fabricius Marcoduranus.

S. D.



Cum omnes, qui res à se
vel inuentas primum vel
deinde excultas ac illu-
stratas literis consigna-
runt, bene de posteritate
sunt meriti, vir amplissime: tū haud
scio an nūli melius, quā qui res ge-
stas historiae mandarunt, memoriaeque
proptulerunt. Magnificent, ut merito
fieri debet, quae grauiſſimi viri Socra-
tes, Plato, Aristoteles, alijque philoso-
phi de appetenda virtute, aspernanda-
que vitiositate literis prodiderunt: quae
tamen Herodotus, Thucydides, The-
opompus, Ephorus & ceteri historici
monimentis annalium consignerunt,
maiores vim ad res praecelaras sectan-
das, contrariasque declinandas habere,
nemo inficias opinor, ibit: illi enim
* 3 quid

EPISTOLA

quid agere homines debeant, hi quid
præclare egerint, docent. illi de colen-
da iustitia, fortitudine, temperantia
multa præcepta dederunt, hi, quis ius-
tè, fortiter, moderatè vixerit, demon-
strant. Neque vero qui ad iustitiā hor-
tabitur, plus Socratica ratione, quàm
Aristidis, Fabricij, & aliorū documētis
efficiet. Recte igitur Antonius apud
Ciceronē historiam suis laudibus ex-
ornās, eā **MAGISTRAM VITAE**
nominat. estque magna gratia re-
rum gestarum scriptoribus habenda,
qui suo studio effecerūt, vt rebus præ-
teritis cognoscendis, quid in vita ho-
minū laudetur aut vituperetur, quid
probetur aut offendant, tanquā in spe-
culo intueremur. Quanquā non eo-
dem loco omnes, qui historias scripse-
runt habendos, neque eandem utili-
tatem ex omniū illorum scriptis ex-
pectandam, nemo rerū adeo ignarus,
aut à literis ita alienus est, qui nesciat.
Sed cum eorum alij rerum priscarum
narratione aures tantum quasi volu-
ptate quadam perfundere, verborum-
que illecebris captare voluerint, alij
res sapienter, iustè, piè, fortiter, mode-
rateque

rateque gestas, sint splendida & illustri oratione persecuti: alij neglecto verborum ornatu res, vtilis illas quidem, sed orationis luminibus non illustratas proposuerint: deligendi sunt in primis omniq; studio euoluendi, qui non modo linguam excolere, verum etiam pectus plurimarum & maximarum rerum copia instruere possunt. Quod si tamen eos non aspernamur, à quibus præter verborum ornatum nihil omnino suppeditatur, certe valde lauti sunt, qui ab illis abhorrent, qui breui simplici que oratione rescognitione dignissimas comprehendunt. præsertim si constet, eos veritatis cancellos ita sibi circumdedit, ut extra illos nunquam sint egressi, nulla gratia, nulla similitudine in scribendo sint permoti. quod quidem ut de Paulo Orosio in hoc tempore pluribus verbis planum faciam, necessarium esse non arbitror: sed ea quæ adulescentes de hoc nostro auctore scire laborabunt, minime prætermittam. Vita eius descripta breuiter à Gennadio in Catalogo illustrium virorum extat: quæ etiam in scriptis exemplaribus initio historię inuenitur,

sicut à nobis est edita. Fuit is Christianus, in Hispania natus & educatus: sed discendi cupidus, suos patriamq; reliquit. atq; vtea, quæ in religione enodatus scire cupiebat, plane cognosceret, in Africam ad Aureliū Augustinū traiecit. Fuit hoc circa annū Christi CCCC. Cum apud Augustinū esset, consuluit eum de Priscillianistis, & de quibusdā Origenis sensibus. Cui consultationi ille respōdit libro, qui extat ad Orosium contra Priscillianistas & Origenistas. Capitur interim Roma à Gothorum rege Alarico, & magnam Romani cladem accipiunt: causamq; hostes Christianæ religionis in eā conferunt. aduersus illos tū Orosius Augustini iussu hos septē libros historiarum cōscripsit. de quibus Gelasius primus cū LXX. episcopis sententiā tulit, eiusq; decreti verba sunt
 „ hæc: Orosiū virum eruditissimū col-
 „ laudamus, quia valde necessaria ad-
 „ uersus paganorum calumnias ordina-
 „ uit, miraq; breuitate contexuit. Augu-
 stini deinde cōsilio, vt ipse ad Euodiū scribit, Orosius Bethleemum ad D. Hieronymum profectus est, cum hac
 eius

eius cōmendatione: Ecce venit ad me
 religiosus iuuenis, catholica pace fra-
 ter, ætate filius, honore cōpresbyter,
 noster Orosius, vigil ingenio, paratus
 eloquio, flagrās studio, vtile vas in do-
 mo domini esse desiderās, ad refellen-
 das falsas perniciosasq; doctrinas, quæ
 animas Hispanorū multo infelicius,
 quàm corpora barbaricus gladius tru-
 cidarunt. &c. Non hic cōmemorabo,
 quàm sæpe, quamq; libenter homines
 eruditi huius scriptoris auctoritate ac
 testimonio vtantur: quàm multarū
 rerum memoria in Orosio extet, quæ
 apud alios post tantam Liuij, Taciti,
 atque aliorū historicorum iacturā fa-
 ctā non inueniantur. hoc dico, dolen-
 dum fuisse, tanti viri tam fructuosam
 historiā adeo mēdosè hætenus in ma-
 nibus versari. Contulerat eā cum ali-
 quot manuscriptis exēplaribus ante
 annos XXXV. Gerardus Bolsuinge: la-
 borauit deinde in eadem emēdanda
 doctiss. vir Ioannes Cæsarius: sed pro-
 fecto necesse est, vt vel eorum exem-
 plaria non fuerint diligenter satis de-
 scripta, vel ipsi parum accurate opus
 perspexerint. Tot menda relicta ab

illis deprehendi, postquam eorum libros cum tribus manuscriptis conferre cœpi. Neque vero satis habui vetustos libros ad huius tã præclaræ historiæ emendationem aduocare: sed cū iam pridem multorū græcorum & latinorum auctorum collatione didicissem, ipsos libros scriptos multis sæpe mēdis fœdatos esse, cōduxi, & quasi conuocanti in vnū locū omnes, quos de his rebus, quas Orosius attigit, scripsisse aliquid potui recordari. qui aut illi, & quot fuerint, ex Annotationibus nostris apparebit. in quibus non tantū hanc editionē fulcire, sed & historiam illustrare sum conatus: vt adulescentes, qui cuperēt ea, quæ Orosius breuiter cōplexus est, plenius cognoscere, hac nostra admonitione instructi scirēt, vnde illa essent petenda, eorumq; lectione sitim suā expleant. Atq; hoc quidem ego magno conatu studioq; egi: quid vero siui consecutus aliorū iudicio lubens permitto. in quibus vnus tu, Patrone ampliss. es mihi instar omnium. tua mihi beneuolentia, tuū iudicium harū vigiliarum fructus erit vberissimus. Habui equidē
in hu-

in huius laboris nō modo susceptio-
ne, verū etiā molitione ac perfectione
publicā iuventutis vtilitatem mihi
propositam, sed in te ipsum simul, cū
Orosio operam darem, cū grata qua-
dam beneficiorum tuorum in mere-
cordatione spectavi. nec id sine causa.
Si enim ab eo tēpore, quo me primū
cōplexus es, tibi omnia, quæ à me pro-
ficiscerentur, deberi statui: quanto cu-
mulatior nunc ea volūtas esse debet,
postquā filiū à sacrosancto baptisma-
te suscipere maxima beneuolentiæ si-
gnificatione voluisti? Quod necessitu-
dinis vinculū, quando Iustiniani Im-
peratoris sanctione arctissimum ha-
betur, ego illo grauissimū onus obser-
uantiae mihi impositum statuo. Cu-
ius testem Orosiū hoc tempore ad te
mitto: quē in tuo nomine merito ap-
parere existimo, quod tu, qui summā
istam prudentiā, qua in altissimo di-
gnitatis gradu positus, patriæ trāquil-
litati bene cōsulis & praesides, te histo-
riarū cognitione à primā ætate incho-
asse, aluisse, auxisse ac cōfirmasse me-
ministi, ne nunc quidem, cum per gra-
uissimas Reip. occupationes licet, hi-

corum lectionem refugere consue-
 sti, quod cum non cognoscēdi, sed re-
 colendi gratia facias, nulli cōmodius
 leguntur, quā qui ^{ἐπιτομῇ} res gestas
 clarorū virorū ac populorū scrip-
 serūt. Id vero cum Orosius grauissi-
 morū virorū testimonio summa
 fide præstiterit, opus esse nō arbitror,
 vt hoc pluribus verbis hic demon-
 stre: nec dubito, quin tibi satis com-
 mendatus sit is, qui historiam ab ini-
 tio mundi exorsus, ad sua tēpora per
 quinque millia annorum supra DC.
 fere deduxit: confido etiā te nostrum
 laborē approbaturum: vnde, vt Timā-
 thes Agamemnonis dolorem, sic nos
 amorem & obseruantiam erga te no-
 stram æstimandā relinquimus. Chri-
 stu Opt. Max. precamur, vt te patriæ,
 nobisq̃ue diu incolumem conseruet.
 Vale patrone mihi inprimis ob-
 seruande. Dusseldorpij, po.

fridic Idus Mart. An.

no a CHR. N.

M.D.LXI.

AD LE.

AD LECTOREM.

Siluuat extrema scriptis ab origine mundi
 Plenius historijs Lector amice frui:
 Quid nimis in Veterum mutilata volumina pēdes,
 Quæ nequeunt vlla parte leuare famem?
 En redit Orosius tenuis emissus in auras,
 Lumine Francisci splendidiore nitens.
 Ante licet populi fuerit delatus in ora,
 Non tamen exutus sordibus ipse fuit.
 Sed veluti malum roseo plerunque colore,
 Brachia quod matris deserit ante diem,
 Quæ coquitur Phœbo cutis alma linquit honorem,
 Cætera pars veteri plena vigore manet:
 Sic hinc Orosium multus labefecerat error,
 Illinc à maculis semirefectus erat.
 En tibi nunc posito labum squalore, situq;
 Fabricij docto factus honore venit.
 Si possunt Veteres aliquem meruisse fauorem,
 Qui tamen historia vincula saepe leuant:
 Non placet Orosius lima iam vindicè rasus,
 Qui sua pro Christo fortiter arma tulit?
 Nam simul ac flueret Romana potentia retro,
 Plebsq; mali Christum diceret esse caput,
 Texuit annales à primo semine mundi,
 Semper humum monstrans cladibus isse grauem:
 Ac ut dilueret stolidi mendacia vulgi,
 Quæ Christi poterant obtenebrare iubar,

Edocuit

Edocuit mira fraudes breuitate refellens
Romula Christi adum sceptrum virere fide.
Hinc nos qui tegimur densa ceu nube dolorum,
Semper & arumnis turba sepulta sumus.
In Christum fugimus causas torquere malorum,
Discimus & clades ferre, subire, pati.
Ergo cape Orosium vitij de puluere raptum,
Site parua tui tangere cura potest.
Non vanus pariet tibi tadia sermo legendi,
Eloquij currit gratia viua sui.
Non te mendorum iam triste morabitur agmen,
Quorum Fabricij munere prodit egens.
Si qua videbuntur cecis immersa tenebris,
Quae nequit ingenij captus inire tui:
Hac tibi Gymnasi lux illustrissima nostri
Franciscus scholij clara nitore facit.
In quibus vt sequitur veterum monimenta virorum,
Sic loca de rerum nubila nocte trahit.
Cur tibi si possint huius placuisse labores,
Et sensus dempto fine mouere tuos:
Orosii sumas Lector studiose libellos,
Quos fert hic studio gratificante tibi.

Io. Ruremund. Discipul.

PAYLI

PAVLI OROSI PRE-
SBYTERI VITA, EX CATALO.

go illustrium virorum Gennadij.



Rosius presbyter Hispani generis, vir eloquens & historiarum cognitor, scripsit aduersum querulos & infamatores Christiani nominis, qui dicunt defectū Romanæ Reipub. Christi doctrina inuectū, libros septem. in quibus totius penè mundi calamitates & miseras bellorumq; inquietudines replicans, ostendit magis Christianæ obseruantiaē esse, quod contra meritum suum Resp. Romana adhuc duraret, & pace culturæ dei pacatū retineret imperium. Sane in primo libro descripsit positionē orbis, oceani interfusione & Tanai limitibus intercisum, sitū locōrum, nomina vrbiū moresq; gentiū, qualitates regionū, initia bellorum & tyrannidis exordia, finitimorum sanguine dedicata. Hic est Orosius, qui ab Augustino pro discenda animæ ratione ad Hieronymum missus, rediens, reliquias beati Stephani primi martyris, tunc nuper inuentas, primus intulit occidenti.

Claruit extremo Honorij
imperatoris tem-
pore.

IN

IN OROSII HISTO- RIAM RERVM MEMORA- bilibium Index.

A Bderitæ	204.	flus	396.
Abenne	24.	Aeneæ aduentus in Ira-	
Abraami ætas &		liam	52.
tempus	6.	Aetna æstuat 106. eius	
Acesines fl.	189. 233	ignis 120. eius incen-	
achaia	17.	dium 374. 384. 389.	
achaicum bellum	363.	Africa Europæ pars 21.	
acroceraunij mōres	14.	22	
17. 69.		africanus maior, eiusq;	
actiacum bellum	531.	res 292. 299. 304.	
Adama	31.	mors 309.	
adraftæ	189. 232	african. minor, eiusq; res	
adrumetus	23.	312. 354. 375. mora 385	
L. Acbutius Cos. mor-		africę descriptio 9. 21. 22	
tuus	102. 135	africum bellum Cęsaris	
Aegyptiorum plagæ x.		518.	
38. 39		Agathocles Syracusanus	
Aegypti sterilitas & fa-		rex 252. 323. eiusq; res	
mes	34. 35.	263	
Aegypti vestigal	36.	agesilaus dux, eiusq; res	
Aegyptus	12. 13	148. 149	
Aegyptus Persarū sub-		agis Lacedæmonius 186.	
iecta imperio	162.	agrigentum, eiusq; ob-	
Aemilius Barbula Cos.		sidio	207.
248 322.		Agrippa, eiusq; res 527.	
Aemilius Mamermerein		528. 531. 542	
Dictator	105. 136	agrippina Galliæ vrbs	
Aemilius Paullus Perse-		601.	
um vincit	312.	Alania	16.
Aemilius Paullus Cos.		alaricus rex Gothorum	
274.		79. 667. 672. Romam	
Aemiliæ Vestalis ince-		capit 673. 677	
		Alba-	

INDEX.

IX

albania	16.	ambrosius	665
albani	13.14	amilcar dux Pœnorum	
albinus Cæsar	610.	270. 274	
alceta frater Perdicæ		ammonis Iouis templū	
202.		183. 227	
alcibiades dux, eiusq; res		ammonis oraculum 39.	
gestæ 110. 111 112 113		ἀμυνσία	118. 142
alexander Epirota 166.		amomū ubi nascatur 14.	
alexander Magnus na-		amphiçtyon Athenienfi-	
tus 161. 217. eius arç 9.		um rex 37. 67	
eiusq; res gestæ 181.		Anasitæ	9.
& deinceps vsq; 190.		ancus Marcius	83.
crudelitas 187. mors		androgynus	367.
190. 236. eius successo-		annibal Pœnorum Imp.	
res 198.		287. eius res gestę 288.	
alexander Seuerus Imp.		eius reditus in Africā	
612.		303. eius mors 309. 310	
alexandria in Aegypto		annibal senior 267. eius	
cōdita 183. & super Ta-		mors 270.	
naim amnem constitu-		anno nouus Imperator	
ta 187.		Cathaginenfis 267.	
alexandrinum bellū Cæ-		270	
saris	518	anno vir quidā Cartha-	
alexādrī Epiri mors 186.		ginienfis	261.
230		antalcidæ pax	212.
alia flu.	122.	antander Agathoclis fra-	
aliensis dies	144	ter	254.
allobrogicum bellū 389.		antichristi apparitiō 4.	
447		Antigoni res gestæ 202.	
Amasis rex Aegyptiorū,		204. 205. mors 206.	
dictus Diapolita 36.		antiochus rex Syrię 306.	
amazonum incursus in		vincitur à Romanis	
Asiā 56. earū regio 16.		308.	
amazones vnde dictæ		antiochum bellum 307.	
48. 70. 71. ab Amazo-		antiopa Amazon	49.
nibus conditæ vrbes		antipater Macedon. præ-	
Ibidem,		fectus 186. eius res ge-	
		stæ 200.	

INDEX.

stæ 200. 201.		aristides Atheniēsis 603.	
antoninus Caracalla		aristobulus Iudæorū rex	
Imp. 611.		483.	
antonius Verus Impera-		Aristonicus, eiusq; bellū	
tor	605.	cū Roman. 382. 383. 443	
antonius Mutinam obsi-		aristoteles	188.
det 523. eius res gestæ		arius 638. 639. 640. 641.	
526. 527. cum Augusto		armenia	11.
ad Actiū pugnat 531.		armeniæ pilæ	14.
eius mors 533.		arridēus rex Macedonię	
antonius Pius Imp. 604.		203. 242	
Apis Argiuorum rex 36.		artabanus Xerxem occi-	
Ap. Claudius Decēuir,		dit	100.
103. eius libido 104.		artaxerxes, Ochus di-	
ἀποβατήριον	64.	ctus	161. 217
L. Apuleius Saturninus		artaxerxis & Cyri fra-	
403.		trum bellum	119.
Aquitannia	18.	artemidora regina Ali-	
Arabicus sinus	13.	carnasi	97. 133
aiarath Armonia	64.	artemisia regina	133.
arbatus Sardanapali p-		arubas Molossorum rex	
fectus	52. 73	168. 220	
arbatus 77. 125		aruns Superbi filius	84.
arbela	228.	arufini capi	252. 324.
arbis fl.	10.	arzuges	22. 63.
arcadius Imp.	663.	Asdrubal Annibalis fra-	
archelaus dux Mithrida-		ter occisus 390. dāna-	
tis 472.		tur 276. victus 294.	
archidamus dux Lacæd.		asia minor	12.
153.		asiæ descriptio	8. 9. 12
ardea	83.	assyriorum regnum in	
arelas	18.	Medos concessit	53.
aremulus Latinorū rex		astrixis mons	23.
56.		astures	20.
argyraspides qui?	202.	astyages capitur	54.
arriobarzanes Cappado-		astyages Medorum rex	
ciæ rex	471.	53. 54. 74.	
		Ataul-	

INDEX.

Ataulphus Goth, rex	686	auloles	24
athanaricus rex Gothorū		aurelianus Imp.	620
647			
athenæ 17. captæ à Sylla		B Abylonia 11. eius magnitudo 88. capitur & euertitur	78.88
472. incensæ à Mardonio	99	Bagrada flumen	271
athenien. & Lacedæm. bellum	58	balcares insulæ	26
athenien. Lacedæmonijs se dedunt	114. 139	balcaricum bellum	389
atheniensium bellum cū Dario	98. 130	balcus Assyriorum rex	36
atheniensium & Creten- sium bellum	46	basillus, non Basilius Mu- niciorū cognomē	563
atheniensium & Pelopō- neasium bellum	56	basternæ deleti	310
atheniensiu profectio in Siciliam, & res ibi gestæ	107. 108	Belgica	18
atheniensium victoria de Lacedæ.	112. 139	belus Nini pater	5
atlas mons 9. insula facta	119. 120. 143	Bibuli mors	512
atrcus	45	bituitus rex Gallorum vi- ctus	390
atropatus	199. 238	Bocchoris Aegypti rex	39
attalus Eumenis populū hæredem facit	104	bocchus rex Maurorum	393. 422
attyrus Scytharū rex	92	boij deleti	506
Auentinus mons, & in eū secessio plebis	104	bomilcar dux Pœnorum	265. eius mors 329
augustini libri de Ciuitate Dei	361	Brigantia Callectiæ	19. 63
augustus Cēsar eiusq; res	522. 523. 529.	britannia	20
ad Actiū vincit	531. mo- narcha fit 534.	brutus primus Consul, c- iusq; res 84. à Pompeio occisus	425
Hispania gestæ	537. 538	D. Brutus Mutinē obside- tur. 523. occiditur	524
		M. Brutus	525
		bucephala	189. 232
		bura vrbs	156. 214
		burgundiones	648
		busiridis crudelitas	43. 68
		Byzaciū	23. 63 (fidetur 173
		byzatiū	16. à Philippo ob-

Cæni-

INDEX.

C Aeninenſes	82	etus 419.	occifus 421.
Cæſar Conſul Gal-	422		
liam ſortitur, eius-	carpathus		24
que res geſtæ 485. vſque	carpathij		33
ad 505. bellum ciuile	carræ		14
cum Pompeio gerit 509.	Carthago noua	In litore	
510. Dyrrachium vinci-	maris poſita	20. quando	
tur 514. Pompeium vin	condita	259. 327	
cit 515. 516. Alexandri-	carthago noua	capta	
num bellum gerit 518.	229. euerſa	318. reſtituta	
Africanū gerit 518. qua-	386		
tuor triūphos agit 519.	carthaginis ſitus		315
occiditur	520 carthaginiensium	origo	
Calcartium	9	& res 258. 259. 260. co-	
caligula Cæſar 581. occi-	rum fœdus cum Roma-		
ditur	583 nis		160. 161
caligardamana promōto	caryatides virgines		74
rium	10 caſpiæ portæ		14
calliſthenis interitus	188 caſpium mare		13 14
calpe	24. 63 caſſander 199. eius res ge		
calpurnius Flamma	269 ſtæ		205
calypſo Inſula	22 caſſiopa Inſula		17
cambyſes Cyri filius 91.	C. Caſſius Syriam contra		
130	Parthos deſedit 507. 508		
camerina vrbs Sicilia	558		
269	catana Aetnæ incēdio op		
camillus Dictator, eius-	preſſa		389
que exilium 121. 143.	catanenſes		107
157	cathæi		189. 232
cannenſis pugna 291.	cathippi		14
371	catilina inceſti reus 477.		
cantabri	20 550		
cantabricum bellum Au-	catilinaria coniuratio		
guſti	538 484		
capadocia	11 12 cato ſc Vtriq; occidit		519
capua capta	298 carus Imperator		622
carbo 414. à Pompeio vi-	caucasus mons		13
	caucaſi		

INDEX.

XI

caucasi descriptio	13.14	cimmericum mare	12.13
caudinae furculæ	178	cimmeriorû incurfus in	
Cecrops Atheniens. rex	Asiam		36
37 67		cinna Cos. eiusque faci-	
celia potus	377	nora 414. cædes 416.	
centauri	46 70	456	
centenius Penula	294	circenses ludi	33
cephalenia	17	citta vrbs	393
cesennius Lento	362	ciuile bellum primû	412.
Chæronensis pugna	223	Marianum & Syllanum	
chaldæa	11	413. cinnanum & Octa-	
chaldæorum regnum	78	uianum 414. Lepidi &	
charœades dux Athenië.		Catuli 425. Pompeij &	
107.137		Cæsar	509.510
chaotras	62	Claudius Cæsar	584
christus nascitur	522.	cleopatra Aegypti regi-	
544. 573. 574. patitur		na	518.530
580		clitus occiditur	187
christiani Roma exter-		cloelia virgo	85
minantur 579. suppli-		clypea vrbs	270
cijs afficiuntur 591. 610.		clymax mons	12
617.726. vexantur 599.		Codri mors	52.73
602.606.613. 615. 621.		M.Cœlius	512.558
644		colchi	14
Ciceronis mater Heluia		commagena	11
449		commodus Imp.	608
cicero Arpini nascitur I-		Cono dux Athenien.	113.
bid.Mâliam legem sua-		148.149	
fit 551. Consul 483. Ca-		constans Constantini fili-	
tilinam opprimit 484.		us ex monacho Cæsar	
proscriptus occiditur		factus	679
514.525. ἀμυσία sua-		constantinopolis	16
fit	142.585	constantinopolis prius By-	
cilicia	12	zantium	173
cimbricum bellum	397.	constantius Imp.	626
398		constâtinus Imp.	627.635
cimbrorû cædes 400. 401		constantinus. Constanti-	

INDEX.

us, & Constās Imp.	640	Dædali montes	188
corinthius sinus	17	Dacia	16
corinthus ibid.	capta &	Dacusa	11.62
uerfa	364.436	dalmatia	17
corfica	25.26	dalmatia domita	430
coruinus M. Valerius vn-		dalmatius Cæsar	640
de	160.216	damasippus prætor	418
cosconius Illynici procō-		danai historia	43.68
ful	430	danubius, qui & Ister vo	
coſſura Insula	421.459	catur	16
cottiæ Alpes	18	dara	13
cotta Cos.	276	dardania	17
M. Crassus prætor fugiti-		darius Persarū rex	91.92.
uos vincit, & Spartacū		uictus ab Alexādro	181.
occidit	431.	In Parthos	184. eius mors
proficiscitur	506.	occidi-	62
tur	507	Decemviri creantur pro-	
Cremera fl.	128	cos.	103.135. 136
creta 24. prouincia facta		decentius	642
478		decius Imp.	614. eius filij
creticum bellum	ibid.	deuotio	194.235
cræsus Babylonij auxi-		P. Decij deuotio	164.218
lio venit 83. à Cræso ca-		deiotarus rex Gallogræ-	
pitur	ibid. & 84	ciæ	475
Curius Cos. cum Pyrrho		demaratus Lacedæ.	94
dimicat	252	demetrius Antigoni fili-	
M. Curtius	158	us, eiusq; res gestæ	206.
Cydmus fl.	181.226	207.242	
cyclades Insulæ	24	demosthenes dux Athen.	
cyprus	Ibid.	108.137	
Cyrus Babylonē euertit		demosthenes Orator	180.
78. Persarum rex	53. 54.	224	
87. eius res gestæ	Ibid.	deorum multitudo vnde?	
cyrus minor 113. eius bel-		464.465	
lū cum fratre	119.143.	dercillodas dux Lacedæ-	
eius mors	91	moniorum	148
cythera	24	deucaliō rex 37. ab eo ge-	
		nus	

INDEX.

humanum repara-	epidaurius anguis	196.	
tum cur dicatur	38	236	
Diana Taurica	260	Eteocles	45
diapolita rex Aegyptio-	Euagoras Cyprius	114.	
rum	35	140	
dictator primus, eiusque	eudoxius	647	
potestas	85.128	eumenes 199. eius res ge-	
dido	327	stæ	201.202
diluuium sub Noë	27	eumenes Attali filius	308.
diluuium Ogygiū in A-	441		
chaia	34	eunus Syrus auctor belli	
diluvium Thessaliæ	37	seruilis	439.493
diocles Medorū rex	53.74	euphrates fl.	11
diocletianus Imp.	622.	europæ descriptio	8.9.16
discessio plebis	87	eurydices	203
Domitianus Imp.	599	curymedon dux Atheni-	
Dropanum	277.278	ensium	108.137.
dromichætes rex Thra-		curystheus Herculis do-	
cum	243	minus	71
drusus Germanos vincit		F Abia vestalis	477.550
540		Fabij CCCVI. occisi	86
drusus tribunus pl.	406.	M. Fabius Cos. ibidem	
453		fabius Gurges Cos.	196.
Duilij naualis victoria	252		
268		fabius historicus	285.339
duodecim tabulæ	104	fabius Maximus, eiusque	
E Busus	26	res	299.307
Ecbatana	480	faliscorum bellum	285
Elephanti primū visi		fames Romæ	576.589. In
Romanis	248	Syria	587
eleusinæ cōditor Ogygi-		Fidenæ captæ	105.136
us	34	fidenate bellum	105
elis Græciæ vrbs	81	fimbria Marianus, eiusque	
elisa Carthaginem condi-		res	473. 474. 548. eius
dit	259	mors	474
Epaminondas Thebanus		Futetius	82
153		fugitiuorū bellū	430.434
		** 3	ful-

INDEX.

fulvia vxor Antonij	526	germani à Druso	
fulvius Flaccus cū C. Grac	540.	Quintiliū Var-	
cho cæsus	387.388	vincunt	542
fulvius Nobilior Cos.	274	getæ, qui postea Gothi	
furius Pacilus Cos.	276	50.72	
furti reus filius, à patre		getuli	24
occisus	287	Gildo comes	663
G Abinius Pompeij le-		Gladiatorū ludus Capuæ	
gatus	483	450	
Gabij	83	glaucia prætor	403. eius
gasata	338	cædes	404
galaules	24	Gomorra euerfa	30.31
galba Imp.	592	gordianus Imp.	613
gallia	18.19	gordius nodus	226
gallienus Imp.	616	gothia	16
Gallicum bellum	281.284.	gothi olim Gethæ	50.72.
285.286		Valentē vincūt	651 652.
galli & omā capiunt	122	Romanis se dedunt	655.
Galli ad Anienē cæsi	159	Romam capiunt	673
gallogræcia quæ	309.352	C. Gracchit editio & cæ-	
gallus & Galla viui defo-		des	387
diuntur	284.285	Ti. Gracchus Tribunus pl.	
gallus Hostilianus Imp.		seditiosus	579. 440.222.
615		eius interitus	381
gandaridæ	15	Græciæ pax iussu Artax-	
ganges fl.	14	erxis	146
ganymedis raptus	44	græciæ libertas crepta	
garamantes	22.23	177	
gaugamela	228.229	græcorum classis	37
T. Geganius Cos.	85.	gratianus Imp.	647. 648.
128		654	
Gelanor Argiuorum rex		gratidius occiditur	413.
68		455	
gentiles	3	Gylippus Lacedæm.	108
C. Genucius Clepsina		gyndes fl.	87.128 129
Cos.	252	H Adrianus Imp.	603
germania	16	Harpagus Astyagis	
		exerci-	

INDEX.

XIII

exercitum Cyro prodit	hirtius Cos occiditur	523
53. 54	hispaniæ descriptio	19. 20
Helena Adiabenorum re-	hispaniense bellū Cæsaris	
gina		587. 519
helenæ raptus	51 Homerus poëta clarus	1
helice vrbs	156. 214 honorius Imp.	663
heliogabalus Imp.	611 Hunni	14. 651
heluia Ciceronis mater	Hydaspes flumen	10
449	hyrcani	15. 54
L. Heluius eques Roman	Hircanus sacerdos Iudæ-	
395. 448	orum	483
heraclea Campaniæ vrbs	Ani portę clausę	6. 162.
249	217. 282. 537. 540. 543.	
herculis prælium cum A-	597	
mazonibus	49 Ilij expugnatio & clades	
herculis colūne	9. 24. 63	474
hercynio rex Aegypti	148 illyricum bellum	284
herdonius Capitoliū oc-	Imai montes	10
cupat	102. 135 imaus mons	15
herodes Hierosolymorū	imilco rex Carthaginien-	
rex	275. 527 fium	260
herennius Samnis	178 Inarimi campi	457
Hiero. Syracusarum rex	incendium Romę	509.
267	558. 608. 609	
hieronymus Presbyter	indiæ descriptio	10
687	Indicus Oceanus	Ibid.
hierosolyma à Pompeio	indus flumen	Ibid.
capitur 483. à Vespasia-	Iohannes Apostolus in	
no & Tito obsidetur	Pathmū insulam relega-	
atq; eueritur	595. 596. tur	600
597. instaurata ab Hadri-	iones victi à Dario	93
ano Aelia dicitur	604 ioseph	34. 35. 36. 37
hierta Numidiæ rex	422 iosephus Iudeorū dux	598
himera vrbs Siciliæ	106 Iphicrates Atheniensium	
hippo regius	23 dux	151. 212
hippolitæ Amazonis cin-	Isauria	12
gulum	71 isaurici cognomen	430
	*** 4	istcr

INDEX.

ister, idē qui Danubius	16	leonnatus	199. eius mors
istria	17	(287	200. 201. 240
istri hostes Romanorum		leosthenes Atheniensium	
Italia	18	dux	200
italicum bellū, siue Mar-		lepidus bellum ciuile mo-	
sicum	406	uct	425
Iuba rex	512	leptis ciuitas magna	22
iudæi ob passionem Chri-		leuinus Cos.	249
sti vexantur 583. 596. 588.		Liber pater Indiā vastat	
eorum furor, & clades	38. 67. 68		
602. 603		liburnicæ insulæ	17
iugurtha rex Numidarū		libya Cyrenaica	22
391. capitur	395	libyæ Aegyptiæ	13
iugurthinum bellum	391	libyætiopes	22
iulianus Carthaginiēsis	3	ligiris flu.	19
iulianus Imperator	609.	lipara insula	268. 384
644		Locustarum multitudo	
iustinus philosophus &		in Africa	385
Martyr	605	lollius proscriptus	420
Lætorius	388. 446. 458	Luceni	21
Lacedæmoniorū bel-		M. Luculli res gestæ	477
lum cū Messenijis	56.	L. Lucullus Mithridaticū	
cum Atheniensibus	58.	bellum gerit	474. 475.
59. eorum auaritia	147	476. 478	
lachēs dux Atheniēsiū		lugdunensis Gallia	18
107. 137		lutatius Catulus Consul	
lamachus dux Athenien-		278. 335	
sium	107. 108	Lyfander, eiusque res ge-	
lamiacum bellum	240	stæ 112. 113. eius mors	
Laomedon Mitylenæus		150. 211	
199. 238		lyfias Orator	116. 141
lapithæ	46	lysimachia vrbs	207
laser vbi nascatur	14	lysimachus 199. 239. 206.	
lauro ciuitas	427	eius res gestæ	205. eius
Lemniadum flagitia	45	mors	208
leonidas rex Spartanorū		Macedonia	17
24. 132		Macedonicum bel-	
		lum	

INDEX.

XIV

lum	304	massilia à Cæsare captâ	
macedonicum bellum se-	311		
cundum	311.353.429	mauritania Sitifensis &	
macedonicum bellū ter-		Cæsariensis	23
tium	316.354.	maxentius	636
mæotides paludes	15	maximianus Imp.	626
magnentius	642	maximinus Imp.	612
malli	189	mazeus dux	260
malua flumen	23	Medæ amor	45.69
mamertum	267	mediæ nomen in scriptu-	
mancinus, eiusq; res ge-		ris sacris	11
stæ	369.370	medorum regnum	53
Cn.Manlius Cos. 36. eius		medorū imperij finis	54
mors	Ibid.	memarinali mons vbi a-	
manlius Torquatus	159.	momum nascitur	14
filium suum occidit	164	memmius quæstor Pom-	
manlia lex	551	peij	428.461
marcellus cōsul cum Han		mena libertus Pōpeij	526
nibale per triduum di-		menalippa Amazon	49
micauit	299	meroe	12
C.Marcus Rutilus Di-		messana	267
ctator	160	messena expugnata	57
mardonius	97.98.99	messeniacum bellum	58
marianum bellum & Syl		mesopotamia	11
lanum	413	metellus Creticus	478
marius Cos. Iugurtham		metellus Macedonicus	
vincit & capit	305.		
cuius	363		
bellum Cimbricum	399.	metellus Numidicus	392.
Saturninum & Glauci-		cuius exilium	403.
am occidit	404.	cuius fu-	
ga	413.	reditus	405
mors	417	methona vrbs	168
marius minor cæsus	421	mettus Fufetius	82
marpesia regina Amazo-		mevania	21
num	48.49	Micipsa rex Numidiæ	385
marficum bellum	406	milo exul	512
massanisa	302.	miltiadis victoria	93.131
cuius mors		minas rex Cretensium	69
	316		

** § mino-

INDEX.

minotaurus	46	Nicaea	189. 232. 639
minucia Vestalis incestus		nicenum concilium	ibid.
damnata	165	nicias dux Atheniensium	
minucius hastatus	249. 107		
322		nicopolis	489
L. Minucius Cos.	102	nilus fl.	12. 13
Mundi partes tres	8	nilus Beli F.	5. 28. 64. 76.
Mithridaticum bellū	412. 77		
455		ninvas Nini F.	64
mithridates rex, eiusque		nisibis capta	478
res gestae	471. inors 481	Noë egressus ex arca	64
Mæsia	16	noricus	17
Mossilon emporium	12	Nuchui	13
moyses	35. 39	numantiae euerfio	370. 375
Mummus Corinthū ex-		numantinum bellum	368
pugnat & euerit	364	numitor interfectus	81
mucius Scauola vnde di-		Nyssa vrbs	188. 231
ctus	84. 128	O	
P. Minutius Cos.	85. 128	Bsidius	410
Mycale mons vbi Persae à		Ochus, qui & Artaxerxes dicitur	161
Græcis victi	99. 134	Oericolum	83. 127
N Abartæi	11	octavianus Cæsar	522
Nabis dux Lacædæ.		octavianum bellum	414
305		Oedipus	45
nabuchodonosor	78	Ogygius rex	34
narbonensis prouincia	18	ogygium diluuium	ibid.
nasica Ti. Gracchum in-		Olbia oppidum	331
teremit	380	olympias quid	81
natiuitas Christi	6	olympias Alexandri Ma-	
naufragium classis Rom.		gni mater	166. 203
274		olympus	12
Nearchus	199. 238	olynthus à Persis expu-	
nemrod gigas	88	gnata 99. 133. Philippo	
neoptolemi res gestae	201	capta	170. 222
nepotianus	642	Onomarchus	169
nero Cæsar	589	Ophellas rex Cyrenarum	
nerua Imp.	601	264. 329	

ophi-

INDEX.

ophiussa insula	34.56	parthi Augusto se dedunt.	
opilius Macrinus Imper.	542		
611		paulus Apostolus occidi-	
opimius Cos. Gracchum	tur	591	
interficat	388	pausanias dux Laced.	150
oppia lex	307	Peloponnesium & Athe	
oppia virgo vestalis	131	nien.bellum	54
Orcades insulæ	20 587	pelopis facta	44.45
oretani	20	pentapolis	22
origenes	612 613	pentapolis igne cœlesti	
orithyia Amazon	49.71	asit	30
orodes Albanorum rex		penthesilea Amazon	49.
480.552	72		
orodes rex Parthorū	507	perdicæ res gestæ	201
orosius quādo scripsit	61.	pericles Atheniensium dux	
iussu Augustini scripsit	59		
1. ci9 historiæ summa	2.7	perillus tauri ænei fabri-	
Otho Imp.	553	cator	55 74
ottorogerra fl.	10.14	perperna non Perpenna	
Oxyartes	200, 299	461	
oxydrace	189.233.234	persæ vnde dicti	44.
P Agani qui?	3	69	
Palæstina	11.12	persepolis	184
pandionis fuga	45	perseus Macedonum rex,	
pannonia	17	cuius res & mors	311. 312
panfa Cos.	523	persicum aurū corruptio	
L.Papirius Samnites vin		Græciæ	99
cit	180	pertinax Imp.	609.610
parapasij	33.56	pescennius Niger	Ibid.
parætonium	22	pestilentia Romæ	102.
parchoatras	14.62	103.135.157.136. 215.252.	
parmenio	183	257.367.591	
parnassus	37.35	petrus Apostolus Romā	
paropamisadæ	14.63	venit 587. occiditur	591
parricidarum supplicium		Phæthontis fabula vnde	
402		42.68	
parthia	10	phalaris tyrannus	55
		phano-	

INDEX.

phanocles poëta	45	polybius	363
pharnabazus	148	polymnestor	360
pharnaces rex Ponti	518	polynices	45
pharsalicum prælium	515	Cn. Pōpeius Carbonē occidit, & in Africā trajicit	
philenorū aræ	22	421. 422. Brutū occidit	
philippense prælium	525.	425. Sertorianum bellū gerit	
563		426. Piratas vincit	
Philippus Macedonum rex eiusq; res gestæ	166.	478. Mithridaticum bellū suscipit & gerit	
167		479. eius res gestæ in Syria & Iudæa	
philippus Imp.	614	483. bellū ciuile cū Cæsare gerit	
philo Iudæus	583	510. à Cæsare vincitur, & in Aegypto occiditur	
philomela	43	516	
philemelus Phocensium dux	169	Cn. Pompeius F. occiditur	
philopœmen	310	520	
philotas	199	pōpeius Bithynicus	
phocicum bellū	169. 221	560	
phœnicia	11	Sex. Pompeius Cn. F.	
phoroneus Argiuorū rex		520. proscriptus Italiam vastat	
33. 66		526. occiditur	
phraortes Medorum rex		530	
53		pontius Samnis	
phyle Atticæ castellum		178. 157	
116. 141		popillia virgo viua defossa	
Picentes victi	255	94. 131	
pilatus præses Palæstinæ		porus Indorū rex	
576. se interfecit	583	188. 232	
piræei portus muri	115.	porfena rex Etruscorum	
140		84. 127	
piraticum bellum	478. 551	Præsidæ	
pisander dux	150. 211	189. 292	
Plinius Secundus	602	probus Imp.	
plynos	47	621.	
Poblicius Malleolus matrem occidit	402	procas Latinorum rex	
pœninæ Alpes	18. 19	77	
		progne	
		43	
		proletarij qui	
		248	
		proscriptio Syllana	
		422.	
		Triumuirorum	
		524	
		Pseudophilippus	
		317.	
		Ptolemæus Lagi F.	
		399.	
		238. eius	

INDEX.

XVI

238. eius res gestæ	201. Rutilij exilium	405. 458
Punicum bellū primum	Abinæ raptæ	31
267. 330. eius exitus	Sabini à Rom. victi	197
secundū 287. 288. eius fi-	bellū Romanis infe-	
nis 304. tertium 315. 354	runt	85
Pyrenæi saltus	19 sacer mons	85
pyrrhus Epiri rex 207. in	sadrocottus	205. 243
Italiā venit 248. victus	sagunti expugnatio	287.
Italia excedit	253 288	
pythicum oraculum	513 salassi Galli Ap. Claudiū	
pytho serpens	513. 559 vincunt	366
Vadi	618 samara promōtorium	10
Q Quadratus discipu-	samnites Rom. vincūt	179
lus Apostolorū 603	samnitici belli tēpus	197
quinctilius Varus à Ger-	saraceni	11
manis victus	542 sardanapalus	52. 73
T. Quinctius Cincinna-	sardi subacti	281
tus	102. 157. 214. 215 sardinia	25
quinquegentiani	624 sardis	181
Egulus Consul	271 sarnus fl.	290
R Religionis ius	4 saturnini seditio & cēdes	
remus interfectus	81 403. 404	
regna quatuor p̄cipua	76 saxones	647
Rhea Siluia	77 Scēuolæ cognomen vnde	
rheginorū discordia	106. 84. 128	
clades	254 scænici ludi	158
rhetia	17 scena fl.	21
rhodus 24. Ophiussa di-	sceleratus campus	165
cta	34. 66 scipio Nasica	313
Roma quando cōdita	81. scipio Consul	269
126. à Gallis & Gotthis	scipiones in Hispania oc-	
capta	122. 673 cisi	297. 345
romæ & Sodomę compa	scolopythus	47. 70
ratio	32. 571 scoti	21
romæ vrbis incendiū	590 scythæ	15
romani & Babylonij re-	scythæ victi à Philippo	
gni collatio	79 176	
	scythæ	

INDEX.

scytharum res gestæ	47	sitifensis Mauritania	23
Seboim	31	Socratis mors	118. 142
segor	Ibid.	sodoma-cum finitimis ci-	
segericus rex Gotho.	688	uitatibus euerfa	31
seleucus, eiusq; res	205.	sophocles	59
eius mors	205	sothimus rex Thracū	412
Semiramis	29. 65. 77	Sparta	38. 59
sempronius Blæsus Cos.		spartaci bellum	431
275		spartacus victus & inter-	
senense pralium	347	fectus	432
C. Sentius prætor in Mace		Stafanor	200
donia	412	statilius Taurus	526. 564
Sericus oceanus	10. 15	sthenelas Argiuorum rex	
serpens miræ magnitudi-	43. 68		
nis	272	stilico	667. 671
sertorius	414	bellū in His Sueffa Pometia	83. 127
pania mouet	426.	occiditur	Ibid.
428		sueui	15
P. Seruilius Consul mor-		P. Sulpicius occiditur	413
tuus	102. 135	C. Sulpicius Dictator	160.
P. Seruilius Isauricus	429	215	
seruius Tullius rex	83	Sylla Iugurthā capit	395.
serui militant	293	Consul Mithridaticum	
seruorum Romanorum		bellum sortitur, & Mari-	
coniuratio	269	um fugat	412. crudeli-
seruile bellum in Sicilia		tas in ciues	418. 419.
374. 439. 442. 380		proscriptio	420. Mithri-
seuerus Imp.	609	daticū bellū gerit	472.
sextilia Vestalis incesti		eius mors	425
damnata	253	syphax	302
Sibi	233	syracusæ à Marcello ca-	
sibyrtius	200. 239	ptæ	295. 296
sicilia	25	syrria	11. 12
siciliæ res gestæ	105. 106	syrtes maiores	22
sidon Phœnicia	161	Tacitus Imp.	621
silarus fl.	432	Tantali facta	44
siris fl.	249	taprobane	10
		taren-	

INDEX.

KVII

tarētini Romanorū clas-	therames	115.141
fem inuadunt	247	thermopylarum angustie
tarētini belli origo	247. 94	
248	theſei vxor Hippolyt	49
tarētīnorum origo Ibid.	72	
tarquinius Priſcus	83	theſſaliæ inundatio
tarquiniij Superbi regnū	thracia	37
Ibidem	thraſybulus	16.17.
tarraco	26	116.117.141
tarus	181	thule
T. Tatius Sabinorū dux	(82	thyestes
taurorum crudelitas	435	45
taxiles	200	Tiberis inundatio
Telchines	33.65	280
tenodus	24	tiberius Imper. 578. Pan-
terentius Comicus	304	nonios delet 542. eius
tereus	43	crudelitas
terremotus in Achaia	156.	57 58
Asia 602. Bosphoro	480	tigranes
Caria & Rhodo	286.	478. 480
Cōſtantinopoli	156. Cy-	tigris fl.
pri	598	10 11
teutones	397	tigurini vincunt Roma-
des	400 401	nos
Theatrū lapideū Romæ	981. 30	396
thebani bel. ū Lacedæ. in-		tingitana Mauritania
ferunt 150. Bæotiorum		23
imperīū amittunt	59	tiſſaſernes
thebæ dirutæ ab Alexan-		110. 138
dro	181	titus Imper.
theodoſia vrbs	9	598
Theodoſius Imp.	656	Toloſa capta
themifurij campi	11.12	397
themifcyra, & Cāpi The		tbloſanū aurū
miſcyrij	48.70	397. 449
themiftocles dux Atheni-		(313 tomyris regina Scytharū
enſium	96	981. 30
		Traianus Imp.
		601
		ad Traſimenum lacū pu-
		gna
		296
		trebia fl.
		289
		trebonius occiditur
		524
		triginta tyranni Athenis
		115
		tripolis
		217
		tripolitana regio
		22
		trogloдитæ
		22.21
		trogus Pompeius
		34.38
		troianum bellum
		51
		Tuſciæ

INDEX.

Tusciæ populi xij. 83.	127	70	
Tyrus vrbs	262	vespasianus Imper.	594
tyrus capta	183.227	vestæ ignis æternus	280
tyrtæus poëta	57.58.74	vestales incestus damna-	
V Accæi	20	tæ	396
Vadimonis lacus		vesuuij montis incendiū	
237		598	
Valens Imp.	646	L. Vettius Iudex	484. 553
valentinianus Imp. Ibid.		Victorinus tyrannus	619
valentinus hæresiarches		virdomarus Gallorū rex	
605		287.340	
valerianus Imp.	616	virginia stuprum ab Ap.	
M. Valerius Coruinus		Claudio illatum	104
160		virginus	Ibid.
M. Valerius Dictator	85.	virriathus.ciusque bellum	
128		365.366	
P. Valerius Poplicola		vitellij iuuenes occisi	84
Cos.	102.135	vitellius Imp.	593
P. Vatinius Tribunuspl.		Vlpianus Iurifcon.	612
553		Vulfiniensium clades	256
Veientanum bellum	84	X Anthippus Lacedæ-	
veiarum obsidio & expu-		mon. rex	273
gnatio	121	Xerxes Persarū rex,	
velabri	21	ciusque res 94. eius co-	
velites	300.301.347	pie 94.131.132. eius mors	
ventidius Parthos vincit		100. 134.	
527		Z Eugis	23
verres	477	Zopyrion	186
vesores rex Aegypti	46.	Zoroastres	29

FINIS INDICIS.

PAVLI

PAVLI ROSII HISPANI HISTO- RIARVM

LIBER PRIMVS.

AD AVRELIVM AV-
GVSTINVM.

Ræceptis tuis parui, beatif-
sime pater Augustine : at-
que vtinam tam efficaciter
quàm libenter. Quanquam
ego in vtramuis partem pa-
rum de explicito mouear, recte ne, an se-
cus egerim : tu enim iam isto iudicio la-
borasti, vtrum ne hoc quod præciperes
possem : ego autem solius obedientiæ, si
tamen eam voluntate conatuq; decorauì,
testimonio contentus sum. nam & in ma-
gna magni patris familias domo, cum sint
multa diuersi generis animalia, ad iumen-
to familiaris rei commoda, non est tamen
canum cura postrema : quibus solis natura
insitum est, volutariè ad id ad quod præ-
parantur vrgeri, & per ingenitam quan-
dam

dam obedientiæ formulam, sola discipli-
 nati timoris expectatione suspendi, do-
 nec ad peragendi licentiâ nutu signouè
 mittantur. Habent enim proprios appeti-
 tus quantû brutis excellentiores, tantû ra-
 tionabilibus propinquâtes, hoc est, discer-
 nere, amare, seruire. Nam discernētes in-
 ter dominos atq; extraneos, non eos quos
 insectantur, oderunt: sed his, quos amant,
 zelant: & amantes dominum ac domum,
 non quasi ex natura apti corporis vigi-
 lant, sed ex cōscientia solliciti amoris in-
 uigilant. Vnde etiam mystico sacramen-
 to in euangelijs, quod edant micas catel-
 li sub mēsa dominorū suorum, & Chana-
 nœa non erubuit dicere, & dominus non
 fastidiuit audire. Beatus etiā Tobias, du-
 cem angelum sequens, canem comitem ha-
 bere non spreuit. Igitur generali amorī
 tuo speciali amore connexus, voluntati
 tuæ volēs parui. Nam cum subiectio mea
 præcepto paternitatis tuę factum debeat,
 totumq; tuum sit, quod ex te ad te redit,
 opus meum hoc solo meo cumulatiuè red-
 didi, quod libens feci. Præceperas mihi,
 vti aduersus vaniloquam prauitatem eo-
 rum, qui alieniâ ciuitate dei, ex loco-
 rum agrestium compitis. & pagis pagani
 vocan-

vocantur, siue gentiles, quia terrena sapi-
 unt: qui cum futura non quærant, præte-
 rita autem aut obliuiscantur, aut nesciât,
 præsentia tantum: tempora veluti malis
 extra solitum infestissima, ob hoc solum,
 quòd creditur CHRISTVS, & co-
 litur deus, idola autem minus colun-
 tur, infamant: præceperas ergo, vt ex
 omnibus, qui haberi ad præsens possunt,
 historiarum atque annalium fastis, quæ-
 cunque aut bellis grauias, aut corrupta
 morbis, aut fame tristia, aut terrarum
 motibus terribilia, aut inundationibus a-
 quarum insolita, aut eruptionibus igni-
 um metuenda, aut ictibus fulminum pla-
 gisque grandinum sæua, vel etiam par-
 ricidijs flagitijsque misera, pertrans-
 acta retrò sæcula reperissem, ordinato
 breuiter voluminis textu explicarem: ma-
 xime cum reuerentiam tuam perficiendo
 aduersum hos ipsos paganos vndecimo
 libro insistentem (quorum iam decem
 * orientes radij, mox vt de specula ec-orientales,
 clesiasticæ claritatis elati sunt, toto or-
 be fulserunt) leui opusculo occupari
 non oporteret: & sanctus filius tuus
 Iulianus Carthaginensis, seruus dei sa-
 tis fieri super hac re petitioni tuæ ea-

*Vnde cateri historias exorsi sint, & vnde ipse
eam exordiri, quatenusq₃ prosequi velit, ostendit:
admiscens interim de primis temporibus origi-
neq₃ seu causa malorum.*

CAPVT I.

ET quoniam omnes prope-
modum tam apud Græcos
quàm apud Latinos studio-
si ad scribendum viri, qui
res gestas regum populo-
rumque ob diuturnam memoriam verbis
propagauerunt, initium scribendi à Ni-
no Beli filio, rege Assyriorum, fecêre:
qui cum opinione cæca mundi originem
creaturamque hominum sine initio credi
velint, cœpisse tamen ab hoc regna bel-
laque definiunt: quasi verò eatenus huma-
num genus ritu pecudum vixerit, & tunc
primum veluti ad nouam prouidentiam
concussum suscitatumque vigilârit: ego
initium miseræ hominū ab initio peccan-
tis hominis ducere institui, paucis dunta-
xat, ijsdemq₃ breuiter delibatis. Sunt autē
ab Adam primo homine vsq₃ ad Ninum,
magnum (vt dicunt) regem, quando natus
est Abrahā, anni tria millia CLXXXIII,
qui ab omnibus historiographis vel o-
missi,

missi, vel ignorati sunt. A Nino autē vel
Abraam vsque ad Cæsarē Augustum, id
est, vsque ad Natiuitatē Christi, quæ fuit
anno imperij Cæsaris XLII. cū, facta
pace cum Parthis, Iani portę clausę sunt,
& bella toto orbe cessarunt, colliguntur
anni duo millia XV. in quibus se inter
auctores scriptoresque omnium otia ne-
gotiaque triuerunt. Quapropter res ipsa
exigit ex his libris quam breuissime vel
pauca contingere eorum, qui originem
mundi loquentes præteritorum fidem an-
nuntiatione futurorum, & post subsequa
probatione fecerūt: non quod auctorita-
tem eorum cuiquam videamur ingerere,
sed quod operæpretium sit de opinione
vulgata, quæ nobis cum omnibus commu-
nis est, cōmonere. Primū, quia si diuina
providentia, quæ sicut bona, ita pia & iu-
sta est, agitur mundus & homo: hominem
autem, qui conuertibilitate naturæ & li-
bertate licentiæ & infirmus & contumax
est, sicut piē gubernari egenum opis oportet,
ita iustē corripī immoderatū liberta-
tis necesse est: iure ab initio hominis per
bona malaque alternantia, exerceri hūc
mundum sentit, quisquis per se atque in se
humanum genus videt. Deinde cum ab
ipso

ipso primo homine peccatum punitio-
nemq; peccati cœpisse doceamur: porro
autem cum etiam isti, de medijs tempori-
bus inchoantes, quamvis superiorū nus-
quam meminerint, nihil nisi bella clades-
que descripserint (quæ bella quid aliud
dicenda sunt, nisi vergētia in alterutrum
mala: mala autem huiusmodi quæ tunc
erant, sicut & nūc sunt, in quantū sunt, si-
ne dubio aut manifesta peccata sunt, aut
occultæ punitiones peccatorū) quid im-
pedimenti est, nos eius rei caput pandere,
cuius illi corpus expresserint: & priora il-
la sæcula, quæ multo numerosiora mon-
strabimus, vel tenuissimo testari relatu si-
miles miseras pertulisse? Dicturus igitur
ab orbe condito vsque ad urbem condi-
tam, de hinc vsque ad Cæsaris principa-
tum, natiuitatemque Christi, ex quo sub
potestate vrbis orbis mansit imperium:
vel etiam vsque ad dies nostros, in quan-
tum ad cognitionē vocare suffecero, con-
flictationes generis humani, & veluti per
diuersas partes ardentem malis mundum,
face cupiditatis incensum, è specula o-
stentaturus, necessarium reor, vt pri-
mum ipsum terrarum orbem, quem in-
habitat humanum genus, sicut est à maio-
ribus

ribus trifariam distributus, deinde regionibus prouincijsque determinatus expeditur: quo facilius cum locales bellorum morborumque clades ostentabuntur, studiosi quique non solum rerum ac temporum, sed etiam locorum * scientiam consequantur.

* notitiā.

Maiores mūdum in tres partes diuifisse: quarum situm, regiones, locaq³ celebriora succinctè admodum describit.

CAPVT II.

MAiores nostri orbem totius terræ, Oceani limbo circumseptū, triquadrum statuere: eiusque tres partes, Asiam, Europam, & Africā, vocauerunt: quamuis aliqui duas, hoc est, Asiam, ac deinde Africam in Europam accipiendam putarint. Asia tribus partibus oceano circuncincta, per totam transuersi plagam oriētis extenditur. Hęc occasum versus, à dextra sui, sub axe septentrionis, incipientem contingit Europam: à sinistra autē Africam dimittit: sub Aegypto verò & Syria mare nostrum, quod magnū generaliter dicimus, habet. Europa incipit, vt dixi, sub plaga septentrionis à flumine Tanai, qua Riphæi montes, Sarmatico auersi

auerſi oceano, Tanaim fluuium fundunt: qui præteriens aras ac terminos Alexandri Magni, in Roxolanorum finibus ſitos, Mæotidas auget paludes: quarū immenſa exundatio iuxta Theodoſiam urbem Euxinum pontum latè ingreditur. Inde iuxta Cōſtantinopolim longè emittitur anguſtiæ, donec eas mare hoc quod dicimus noſtrum, accipiat. Europæ in Hiſpania occidentalis oceanus terminus eſt, maximè vbi apud Gades inſulas Herculis columnæ viſuntur, & Tyrreni maris faucibus oceani æſtus immittitur. Africæ principiū eſt à finibus Aegypti urbique Alexandria, vbi Parætonium ciuitas ſita eſt; ſuper mare hoc magnum, quod omnes plagas terraſq; medias interluit. Vnde per loca q̄ accolæ Catabathmôn vocant, haud procul à caſtris Alexandri Magni, & ſuper lacum Caleartiū, deinde iuxta ſuperiorum fines Auaſitarum, miſſa in tranſuerſum per Aethiopica deſerta, meridianum contingit oceanum. Termini Africæ ad occidentem ijdem ſunt, qui & Europæ, id eſt, fauces Gaditani freti. Vltimus autem finis eius eſt mons Atlas, & inſulæ quas fortunatas vocant. Et quia breuiter generales

tripartiti orbis diuisiones dedi, ipsarum quoque partiū regiones, sicut pollicitus sum, significare curabo. Asia ad mediam frontē orientis habet in oceano Eoo ostia fluminis Gangis, à sinistra promontoriū Caligardamana, cui subiacet ad eurū insula Taprobane: ex qua oceanus Indicus vocari incipit, à dextra habet Imai montes, vbi Caucasus deficit, promontorium Samaram: cui ad aquilonem subiacent ostia fluminis Ottorogorræ: ex quo oceanus Sericus appellatur. In his finibus India est, quæ habet ab occidente flumen Indū, quod rubro mari accipitur: à septentrione montem Caucasum: reliqua (vt dixi) Eoo & Indico oceano terminatur. Hæc habet gentes quadragintaquatuor, absq; insula Taprobane, quæ habet decē ciuitates: & absq; reliquis insulis habitabilibus plurimis. A flumine Indo, quod est ab oriente vsque ad flumen Tigrim, quod est ad occasum, regiones sunt istæ: Aracosia, Parthia, Assyria, Persis & Media, situ terrarum montoso & aspero. Hæ à septentrione habent montem Caucasum, à meridie mare rubrum & sinum Persicum: in medio autem sui, flumina præcipua Hydaspem & Arhim. In his sunt gentes

XXXII Sed generaliter Parthia dicitur, quamuis scripturæ sanctæ vniuersam sæpe Mediam vocent. A flumine Tigri; vsq; ad flumen Euphratem, Mesopotamia est, incipiens à septentrione inter montem Taurum & Caucasum: cui ad meridiem succedit ad Babylonia, deinde Chaldæa, nouissimè Arabia eudæmon: quæ inter sinum Persicum & sinum Arabicum angusto terræ tractu orientem versus extenditur. In his sunt gentes viginti octo. A flumine Euphrate quod est ab oriente, vsque ad mare nostrum quod est ab occasu, deinde à septentrione, id est, à ciuitate Dacula, quæ in cōfinio Cappadociæ & Armeniæ sita est, haud procul à loco vbi Euphrates nascitur, vsq; ad Aegyptum & extremum sinum Arabicum, qui est ad meridiem, longo angustoque sulco saxis insulisq; creberrimo, à rubro mari, id est, ab oceano occasum versus extenditur. Syria generaliter nominatur, habens maximas prouincias, Commagenam, Phœniciam & Palestinam, absque Saracenis & Nabateis, quorū gētes sunt duodecim. In capite Syriæ Cappadocia est, quæ habet ab oriente Armeniam, ab occasu Asiam, ab Aquilone The-
misc-

miscirios campos & mare Cimmericum:
 à meridie Taurum montem, cui subiacet
 Cilicia & Isauria vsq; ad Cilicum sinum,
 qui spectat contra insulam Cyprum. Asia
 regio, vel (vt propriè dicam) Asia mi-
 nor, absque orientali parte qua ad Cappa-
 dociam Cyriamque progreditur, vndiq;
 circumdata est mari: à septentrione ponto
 Euxino, ab occasu Propontide atq; Hel-
 lesponto, à meridie mari nostro, vbi est
 mons Olympus. Aegyptus inferior ab
 oriente habet Syriam Palæstinam, ab oc-
 casu Libyam, à septentrione mare nostrū,
 à meridie mōtem, qui appellatur Clymax,
 & Aegyptum superiorem, fluuiumque
 Nilum, qui de littore incipiētis maris ru-
 bri videtur emergere in loco qui dicitur
 Mossilon emporiū: deinde diu ad occa-
 sum profluens, faciens insulam nomine
 Meroen in medio sui: nouissimè ad septen-
 trionem inflexus, tempestiuis auctus in-
 crementis, plana Aegypti rigat. Hunc ali-
 qui auctores ferunt haud procul ab At-
 lante habere fontem, & continuo arenis
 mergi: inde interiecto breui spacio, vastis-
 simo lacū exūdare, atque hinc oceano te-
 nus, orientem versus, per Aethiopica de-
 ferta prolabi, rursusque inflexum ad fini-
 stram

fram, ad Aegyptum descendere. Quod quidem verum est, esse huiusmodi fluvium magnum, qui tali ortu taliq; cursu sit, & reuera omnia Nili monstra gignat, quæ utique propriè fontem barbari Dara nominât, ceteri vero actolæ * Nuchul vo * Nuhul; cant. Sed hic in regione gentium quæ Libyæ Aegyptiæ vocâtur, haud procul ab illo fluuio, quem à littore maris rubri prorumpere diximus, immenso lacu acceptus absumitur: Nisi fortè occulto meatu in alueum eius, qui ab oriente descendit, eructat. Aegyptus superior in orientem per longum extenditur, cui est à septentrione sinus Arabicus, à meridie oceanus. Nam ab occasu ex inferiore Aegypto incipit, ad oriëntem rubro mari terminatur: vbi sunt gentes viginti quatuor. Et quoniam meridianam partem vniuersæ Asiæ descripsimus, superest vt ab oriente ad septentrionem pars, quæ restat, expediat. Mons Caucasus inter Colchos, qui sunt super Cimmericû mare, & inter Albanos, qui sunt ad mare Caspium, primû attollitur: cuius quidem vsque in vltimum orientem vnum videtur iugum, sed multa sunt nomina: & multi hoc ipsum iugum Tauri montis credi volunt: quia reuera

vera Parchoatras mons Armeniae, inter Taurum & Caucasum medius, cōtinuare Taurum cum Caucaso putatur: sed hoc ita non esse, discernit fluuius Euphrates, qui radice Parchoatræ mōtis effusus tendens in meridiem, ipsum ad sinistrā, Taurum excludit ad dexteram. Itaque ipse Caucasus inter Colchos & Albanos, vbi & portas habet, mons Caucasus dicitur: à portis Caspijs vsque ad Armenias pylas, vel vsque ad fontem Tigridis fluminis, inter Armeniam & Iberiam, mōtes Acroceraunij dicuntur: à fonte Tigridis vsque ad Carras ciuitatem, inter Massagetas & Parthos, mons Ariobarzanes: à Carris ciuitate vsq; ad oppidum Cathippi, inter Hyrcanos & Bactrianos, mons Memarmali, vbi amomum nascitur: à quo proximum iugum, mons Parthau dicitur: ab oppido Cathippi vsque ad vicū Saphrim, inter Danas ac Araucas & Parthyenas, mons Oscobares, vbi Ganges fluuius oritur, & laser nascitur: à fonte fluminis Gangis vsque ad fontes fluminis Ottorogorræ, qui sunt à septentrione, vbi sunt montani Paropamisadæ, mons Taurus: à fontibus Ottorogorræ vsque ad ciuitatem Ottorogorram, inter Hunnos & Scy-

& Scythas & Gandaridas, mons Caucasus. Vltimus autem inter Eoas & * Pafia-Peffydras, mons Imaus, vbi flumen Chryso-
 rhoas, & promontorium Samara orientali excipiuntur oceano. Igitur à monte Imao, hoc est, ab imo Caucaso, & dextra orientis parte, qua oceanus Sericus tenditur, vsque ad promontorium Boreum & flumen Boreum, inde tenus Scythico mari, quod est à septentrione vsque ad mare Caspium, quod est ab occasu, & vsque ad extentum Caucasi iugum quod est à meridie, Hyrcanorum & Scytharum gentes sunt quadragintaduæ, propter terrarum infœcundam diffusionem late oberrantes. Mare Caspium sub aquilonis plaga ab oceano oritur, cuius vtraque circa oceanum littora, & loca deserta incultaque habentur: inde meridiẽ versus per longas angustias tenditur, donec per magna spacia dilatatũ, Caucasi montis radicibus terminetur. Itaq; à mari Caspio quod est ad orientem, per orã oceani septentrionalis vsque ad Tanaim fluuium & Mæotidas paludes, quæ sunt ad occasum, per litus Cimmerici maris, quod est ab Africo vsque ad caput & portas Caucasi quæ sunt ad meridiem, gentes sunt
 triginta-

triginta quatuor. Sed generaliter regio proxima Albania vltior, sub mari & monte Caspio, Amazonum nuncupatur.

Expliciti sunt quàm breuissimè fines Asiæ: nunc Europam, in quantum cognitioni hominis concenditur stilo peruagabor.

A montibus Riphæis ac flumine Tanai Mæotidisque paludibus, quæ sunt ad orientem, per litus septentrionalis oceani vsque ad Galliam Belgicam & flumen Rhenum, quod est ab occasu, deinde vsq; ad Danubium, quem & Istrum vocant, qui est à meridie & ad orientem directus, ponto accipitur: ab oriente Alania est, in medio Dacia, vbi & Gothia: deinde Germania est, vbi plurimam partem Sueui tenent, quorum omnium gentes sunt quinquaginta quatuor. Nunc quicquid Danubius à barbarico ad mare nostrum secludit, expediam. Mœsia ab oriente habet ostia fluminis Danubij, ab euro Thraciam, à meridie Macedoniam, ab africo Dalmatiam, ab occasu Istriam, à circio Pannoniam, à septentrione Danubium.

Thracia habet ab oriente Propontidis sinum & ciuitatem Constantinopolim, quæ Byzantium prius dicta est: à septentrio-

ptentrione partem Dalmatiæ, & sinum Euxini ponti: ab occasu & Africo Macedoniam, à meridie Aegæum mare. Macedonia habet ab oriente Aegæum mare, à borea Thraciam, ab euro Euboeam, & Macedonicum sinum, à meridie Achaiam, à fauonio montes Acroceraunios, in angustijs Adriatici sinus, qui mōtes sunt contra Apuliam & Brundisium: ab occasu Dalmatiam, à circio Dardaniam, à septentrione Mœsiam. Achaia vndique propemodum cincta est mari: Nam ab oriente habet Myrtoum mare, ab euro mare Creticum, à meridie Ionium mare, ab africo & occasu Cephaleniam & Calsiopam insulas, à septentrione sinum Corinthium, ab aquilone angustum terræ dorsum, quo Macedonia coniungitur, vel potius Atticæ, qui locus Isthmos vocatur, vbi est Corinthus, habens in Attica ad boream non longe Athenas ciuitatem. Dalmatia habet ab oriente Macedoniam, ab aquilone Dardaniam, à septentrione Mœsiam, ab occasu Istriam & sinum Liburnicum & insulas Liburnicas, à meridie Adriaticum sinum. Pannonia, Noricus, & Rhetia habent ab oriente Mœsiam, à meridie Istriam, ab africo Alpes Poeninas,

nas, ab occasu Galliam Belgicam, à circio Danubij fontem, & limitem qui Germaniam à Gallia inter Danubiū Galliamque secernit, à septétrione Danubium & Germaniam. Italię situs à circio in eorum tenditur, habens ab africo Tyrrhenum mare, à borea Adriaticum sinum: cuius ea pars qua continenti terrę communis & contigua est, Alpium obicibus obstruitur: quę à Gallico mari super Ligusticum sinum exurgentes, primū Narbonensium fines, deinde Galliam Rhetiamque secludunt, donec in sinu Liburnico defigantur. Gallia Belgica habet ab oriente limitem fluminis Rheni & Germaniam, ab euro Alpes Poeninas, à meridie prouinciam Narbonensem, ab occasu prouinciam Lugdunensem, à circio oceanum Britannicum, à septentrione Britanniam insulam. Gallia Lugdunensis ducta per longum, & per angustum inflexa, Aquitanicam prouinciam semicingit. Hęc ab oriente habet Belgicam, à meridie partem prouincię Narbonensis qua Arelas ciuitas sita est, & mari Gallico Rhodani flumen accipitur. Narbonensis prouincia, pars Galliarum, habet ab oriente Alpes Cortias, ab occidente

dente Hispaniã, à circio Aquitanicam, à septentrione Lugdunensem, ab aquilone Belgicam Galliam, à meridie mare Gallicum, quod est inter Sardiniã & insulas Baleares, habens in fronte quã Rhodanus fluuius in mare exit, insulas Stęchadas. Aquitanica prouincia obliquo cursu Ligeris fluminis, qui ex plurima parte terminus eius est, in orbem agitur. Hęc à circio oceanũ, qui Aquitanicus sinus dicitur, ab occasu Hispanias habet, à septentrione & oriente Lugdunensem, ab euro & meridie Narbonensem prouinciã contingit. Hispania vniuersa terrarum situ trigona est, & circumfusione oceani Tyrrenique pelagi pene insula efficitur. Huius angulus prior spectans ad orientem, à dextris Aquitanica prouincia, à sinistris Balearico mari coartatus, Narbonensium finibus inseritur. Secundus angulus circium intendit: vbi Brigantia Calecię ciuitas sita, altissimam pharum, & inter pauca memorandi operis, ad speculam Britanię erigit. Tertius eius angulus est, quã Gades insulę intentę in africanum, Atlantem montē interiecto sinu oceani prospiciunt. Hispaniã citeriore ab oriente incipientem, Pyrenęi saltus à parte septen-

trionis vsque ad Cantabros Asturesque deducit, atque inde per Vaccæos & Oretanos, quos ab occasu habet, posita in nostri maris littore Carthago, determinat. Hispania vltior habet ab oriente Vaccæos, Celtiberos, & Oretanos, à septentrione oceanum, ab occasu oceanum, à meridie Gaditanum oceani fretum: vnde mare nostrum, quod Tyrrhenum vocatur, immittitur. Et quoniam oceanus habet insulas, quas Britanniam & Hiberniam vocant, quæ in auersa Galliarum parte ad prospectum Hispaniæ sitæ sunt, breuiter explicabuntur. Britannia oceani insula, per longum in boream extenditur. A meridie Gallias habet; cuius proximū littus transmeantibus ciuitas aperit, quæ dicitur Rhutubi portus: vnde haud procul à Morinis in austro positos Menapios Batavosque prospectat. Hæc insula habet in longum millia passuum octingenta, in lato millia ducenta: à tergo autem, vnde oceano infinito patet, Orcadas insulas habet, quarum viginti desertæ sunt, tredecim incoluntur. Deinde insula Thule, quæ per infinitum à cæteris separata, circum versus medio sita oceani, vix paucis nota habetur. Hibernia insula inter Britanni-


am &

am & Hispaniam sita longiore ab africo
in boream spacio porrigitur. Huius par-
tes priores intentæ Cantabrico oceano,
Brigantiam Calleciæ ciuitatem ab africo
sibi in circium occurrentem, spatio solo in-
teruallo procul spectant: ab eo præcipuè
promontorio, vbi Scenæ fluminis osti-
um est, & Velabri Lucenique consistunt.
Hæc propior Britannia, spacio terrarum
angustior: sed cæli solisque temperie ma-
gis utilis, à Scotorum gentibus colitur.
Huic etiam Meuania insula proxima est,
& ipsa spatio nō parua * solo commoda, * sole
æquè à Scotorum gentibus habitatur. Hi
sunt fines totius Europæ. Africam vt di-
xi, cum tertiam orbis partem maiores no-
stri accipiendam descripserint, non spati-
orum mensuras, sed diuisionum rationes
secuti sunt. Mare hoc siquidem magnum,
quod ab occasu ex oceano oritur, in meri-
diem magis vergens, angustio rem inter
se & oceanum coartatæ Africæ limitem
facit. Vnde etiam aliqui, quamuis eā lon-
gitudine parem, tamen multò angustiorē
intelligentes: inuerecundum arbitrati
sunt tertiam vocare partem, sed potius in
Europa Africā deputantes, secundæ por-
tionis portionem appellare maluerunt.

B

3

Præte-



Præterea cum multo amplius terræ in Africa ardore solis, quàm in Europa rigore frigoris incultum atque incognitum sit, (quippe cū omnia penè animantia vel germinantia, patientius & tolerabilius ad summum frigoris quàm ad summum caloris accedant) ea scilicet causa est, Africam per omnia situ & populis minorem videri: quia & natura sui minus habeat spatij, & cœli inclementia plus deserti: cuius descriptio per prouincias & gentes hæc est: Libya Cyrenaica & Pentapolis, post Aegyptū in parte Africæ prima est. Hæc incipit à ciuitate Perætonio & montibus Catabathmôn: inde secundo mari vsque ad aras Philenorum extenditur. Post se habet vsque ad oceanum meridianum, gentes Libyæthiopum & Garamantum. Huic est ab oriente Aegyptus, à septentrione mare Libycum, ab occasu Syrtes maiores & Troglodytæ, contra quos insula Calypso est: à meridie Aethiopicus oceanus. Tripolitana prouincia quæ & Subuentana, vel regio Arzugum dicitur, vbi Leptis magna ciuitas est, quamuis Arzuges per longū Africę limitem generaliter vocentur, habet ab oriente aras Philenorum inter Syrtes maiores & Troglodytas,

ditas, à septentrione mare Siculum, vel potius Adriaticum, & Syrtes minores, ab occasu Byzacium vsque ad lacum Salinarum, à meridie barbaros Getulos, Nothabres, & Garamantas, vsq; ad oceanū Aethiopicū pertingētes. BYZACIVM, ZEUGIS, & NVMDIA. Zeugis autem prius non vnius cōuentus, sed totius provinciae generale fuisse nomen inuenimus. Byzaciū ergo, vbi Adrumetus ciuitas, Zeugis vbi Carthago magna, Numidia vbi Hippo regius & Rusiccada ciuitates sunt: habent ab oriente Syrtes minores & lacū Salinarum, à septentrione mare nostrum, quod spectat ad Siciliam & Sardinia insulas, ab occasu Mauritania Sitifensem, à meridie montes Vzaræ: & post eos Aethiopum gentes, peruagātes vsque ad oceanum Aethiopicum.

Sitifensis & Cæsariēsis Mauritania habent ab oriente Numidiam, à septentrione mare nostrum, ab occasu flumen Maluam, à meridie montem Atrixim, qui diuidit inter viuam terram & arenas iacentes vsque ad oceanum: in quibus oberrant Gangines Aethiopes. Tingitana Mauritania vltima est Africae. Hec habet ab oriente flumen Maluam, à septentrione mare

nostrum vsque ad fretum Gaditanū, quod inter Abennen & Calpen duo contraria sibi promontoria coartatur: ab occidente Atlantem montem, & oceanum Atlanticum, sub africo Hesperium montem, à meridie gentes Aulolum, quas nunc Gallaules vocant, vsque ad oceanum Hesperium contingentes. Hic est vniuersus terminus Africæ. Nunc insularum quæ in nostro mari sunt, loca, nomina, & spatia dimetiar. Insula Cypros ab oriente mari Syrio, quem Illicum sinum vocât, ab occidente mari Pamphylico, à septentrione Aulone Cilico, à meridie Syriæ & Phœnices pelago cingitur: cuius spatium in longo tenet millia passuum centum septuaginta quinque, in lato millia passuum centum viginti quinque. Insula Creta finitur ab oriente Carpathio mari, ab occasu & septentrione mari Cretico, à meridie Libyco, quod & Adriaticum vocât: habet in longo millia passuum cētum septuaginta duo, & in lato quinquaginta. Insulæ Cyclades, quarum est ab oriente prima Rhodos, à septentrione Tenedos, à meridie Carpathos, ac occasu Cythera, ab oriente finiuntur littoribus Asiæ, ab occidēte mari Icario, à septentrione mari

Ægæo,

Aegæo, à meridie mari Carpathio. Sunt autem omnes Cyclades numero quinquaginta tres. Hæ tenent à septétrione in meridiem millia passuum * quinquaginta, ab ^{quingenta} oriente in occasum millia ducenta. Sicilia insula tria habet promontoria, vnum quod dicitur Pelorum, & aspicit ad aquilonem, cui Messana ciuitas proxima est. Secundum quod dicitur Pachynum, sub quo ciuitas Syracusana respicit ad Euroton. Tertiū quod appellatur Lilybæū, vbi & ciuitas eiusdem nominis sita est, dirigitur in occasum. Hæc habet à Peloro in Pachynum millia passuum centū * quin **XLIX.** quaginta nouem, à Pachyno in Lilybæum centum septuaginta septem. Hæc ab oriente cingitur mari Adriatico, à meridie mari Africo quod est contra Subuentanos & Syrtes minores: ab occidente & septentrione habet mare Tyrrenum: à borea vsque sub solanum, fretum Adriaticum, quod diuidit Tauromenitanos Siciliae & Bruttios Italiae. Sardinia & Corsica insulae paruo freto, hoc est, millium viginti, diuiduntur: ex quibus Sardinia habet à meridie contra Numidiam Caralitinos: cōtra Corsicam insulam, hoc est, septétrionem versus, habet Vlbienfes: cuius

ius in longo spatium tenet millia passuum
ducēta triginta, in lato millia CCLXXX.
Hæc habet ab oriente & à borea Tyrrhe-
nicum mare, quod spectat ad portum
vr̄bis Romæ: ab occasu mare Sardum,
ab africo insulas Baleares longè positas,
à meridie Numidicum sinum, à septen-
trione (vt dixi) Corsicam. Corsica insu-
la multis promontorijs angulosa est.
Hæc habet ab oriente Tyrrhenicum ma-
re, & portum vr̄bis, à meridie Sardiniam,
ab occasu insulas Baleares, à circio & se-
ptentrione Ligusticum sinum. Tenet au-
tem in longo millia passuum centum se-
xaginta, in lato millia viginti sex. Insulæ
Baleares duæ sunt, maior & minor, qui-
bus insunt bina oppida: maior Tarraconē
Hispaniæ ciuitatem, minor Barcinonem
in septentrionem versus contra se habet.
Maiori subiacet insula Ebusus. Deinde ab
oriente Sardiniam, ab aquilone mare Gal-
licum, à meridie & africo Mauritanicum
pelagus, ab occasu Ibericum pelagus spe-
ctat. Hæ sunt insulæ ab Hellesponto vsque
ad oceanum per totum magnum pelagus
cōstitutæ: quæ & cultu & memoria ma-
gis celebres habentur. Percensui breuiter
(vt potui) prouincias & insulas orbis v-
niuersi:

niuersi: nunc locales gentium * singula- * Insula-
rū miseras, sicut ab initio incessabiliter rumque.
extiterunt, & qualiter quibulque exortæ
sunt, in quantum suffecero, proferam.

De dilunio sub Noë.

CAPVT III.

CVM post fabricam ornatamq; mun-
di huius, homo, quem rectum atque Genes. 6.
immaculatum fecerat deus, ac perinde
humanum genus, libidinibus depraua-
tum peccatis obsorbuiſſet, continuo iniu-
ſtam licentiam iuſta punitio cōſecuta eſt.
Sententiam creatoris Dei & iudicis, pec-
canti hominī ac terræ propter hominem
deſtinatam, ſemperque dum homines ter-
ram habitauerint duraturā, omnes, inuiti
licet, aut probamus negando, aut confi-
tendo toleramus: obſtinatisque mentibus
teſtis ſibi infirmitas ſua inurit, quibus fi-
delis ſcriptura non ſuaſerit. Deinde reſu- Gene. 7.
ſo in omnē terram mari, immiſſo que dilu Eccleſ. 44.
uio, cū toto orbe conteſto vnum ſpatium
cœli eſſet ac pelagi, deletum fuiſſe vniuer-
ſum humanum genus, paucis in arca fidei
ſuæ merito ad ſubſtituendam originem
reſeruatis, euidentiffimè veraciſſimi ſcri-
ptores docent. Fuiſſe tamen etiam illi
conteſtati ſunt, qui præterita quidem
tempora,

tempora ipsumque auctorem temporum
nescientes, tamen ex indicio & conie-
ctura lapidum, quos in remotis monti-
bus conchis & ostreis scabros, sæpe etiã
cauatos aquis visere solemus, coniiciendo
didicerunt. Et quamvis huiusmodi adhuc
& relatu digna & fide certa proferri à no-
bis queant, tamen hæc veluti principalia
duo de præuaricatione primi hominis, &
condēnatione generationis vitæq; eius,
ac deinde perditione totius generis hu-
mani dicta sufficiant: tantū, vt si quã gen-
tiles historici de nostris aliquo ordine
contigerunt, hæc plenius cū cæteris ipso,
quo incurrerint, ordine proferantur.

De Nino & Semiramide, eorumq; regnis.

CAPVT IIII.

ANte annos vrbs conditæ MCCC.
Ninus rex Assyriorum, primus (vt
ipsi volunt) propagandæ dominationis
libidine arma foras extulit, cruentamque
vitam quinquaginta annis per totam A-
siam bellis egit: à meridie atque à rubro
mari surgens sub vltimo septentrione Eu-
xinum pontum vastando perdomuit, Scy-
thicamque barbariem, adhuc tunc & im-
bellem & innocentem torpentemque ex-
citauit, sæuitiam, vires suas nosse, & non
lacte

lacte iam pecudum, sed sanguine hominū
viuere, ad postremum vincere, dum vin-
cit, edocuit. Nouissime Zoroastrem Ba-
ctrianorum regem, eundemque magicæ
(vt ferunt) artis repertorem, pugna op-
pressum interfecit. Pòst ipse dum deficien-
tem à se oppugnat urbem, sagittæ ictu in-
terijt. Huic mortuo Semiramis vxor suc-
cessit, virum animo, habitu filium gerēs:
auidoſque iam vſu ſanguinis populos, per
duos & quadraginta annos cædibus gen-
tium exercuit. Non cõtenta terminis mu-
lier, quos à viro ſuo tunc ſolo bellatore,
in quinquaginta annis acquiſitos ſulce-
perat, Aethiopiam bello oppreſſam, ſan-
guine interlitam, imperio adiecit. Indis
quoque bellum intulit: quò præter illam
& Alexandrum Magnum nullus intrauit.
Quod eo tempore ideo crudelius graui-
uſque erat quàm nunc eſt, perſequi & tru-
cidare populos in pace viuentes, quia tñc
apud illos nec foris erant vlla incēdia bel-
lorum, nec domi tanta exercitia cupi-
ditatum. Hæc libidine ardens, ſanguinem
ſitiens, inter inceſſabilia ſupra & homi-
cidia, cum omnes quos regiæ arceſſitos
meretriciæ habitos cõcubitu oblectaſſet,
occideret, tandem filio flagitiõſè conce-
pto,

OO,

O' OO'

P, OO,

pto, impiè exposito, incestè cognito, priuatam ignominiam publico scelere obtexit. Præcepit enim, vt inter parentes ac filios nulla delata reuerētia naturæ, de cōiugijs appetendis, vt cuique libitum esset,

Licetum. * liberum fieret.

Pentapolim regionem ob nefanda libidinis scelera de cœlo tactam & exustam fuisse.

CAPVT V.

ANte annos vrbis conditæ MCLX. confinem Arabiæ regionem, quæ tunc Pentapolis vocabatur, arsisse penitus igne cœlesti, inter alios etiam Cornelius Tacitus refert, qui sic ait: Haud procul inde campi quos ferunt olim vberes, magnisq; vrbibus habitatos, fulminū iactu arsisse: sed manere vestigia, terramq; ipsam specie solidā vim frugiferam perdidisse. Et cum hoc loco nihil de incensis propter peccata hominum ciuitatibus quasi ignarus expreslerit, paulopost velut oblitus consilij, subiicit & dicit: Ego sicut inclytas quondam vrbes igne cœlesti flagrasse concesserim: ita halitus lacus infici terram & corrumpi reor. Quo dicto, inuitus licet, de exustis vrbibus, quæ procul dubio peccatorum noxa conflagrauerunt, & scisse se & concessisse confessus,

fessus, palàm prodidit non sibi cognitio-
nis fidem defuisse, sed exprimendæ fidei
voluntatem: quod nunc à me plenius
proferetur. In confinio Arabiae & Palæ-
stinæ, qua dimissi altrinsecus montes, sub-
iectis campis excipiuntur, quinque ciui-
tates fuere, Sodoma, Gomorra, Adama, Genes. 19.
Seboim, & Segor. sed Segor ex his parua, Isaia 13.
illæ amplæ & magnæ: quippe quibus &
solī fœcunditas suberat, & Iordanis flu-
uius per plana diffusus, ac per opportuna
diuisus augmentis vbertatis impendeba-
tur. Huic vniuersæ regioni bonis male-
vnti, abundantia rerum causa malo-
rum fuit. Ex abundantia enim luxuria,
ex luxuria fœdæ libidines adoleuere: ad-
eo, vt masculi in masculos operantes tur-
pitudinem, nec consideratis quidem lo-
cis, conditionibus, ætatibusque, pro-
ruerunt. Itaque iratus deus, pluit super
hanc terram ignē & sulfur, totamq; regi-
onem cum populis atque vrbibus exu-
stam, testem iudicij sui futuram, æter-
na perditione damnauit: vt nunc quoque
appareat quidem forma regionis, sed in-
ueniatur regio cineris, mediamque con-
uallem, quam Iordanis irrigauerat, nunc
mare superfusum tegat. Tantumque de
rebus

rebus (vt putatur) paruis diuinæ indignationis furor accensus est, vt propter hoc quod illi male vtentes bonis, fructus miseriarum, nutrimenta libidinum fecerant, terra quoque ipsa quæ has habuerat ciuitates, primû exusta ignibus, pòst oppressa aquis, in æternam damnationem communi periret aspectui.

Comparatio cladis Sodomitica & Romana.

CAPVT VI.

ITaque nunc si placet, hi qui in Christum, quem nos iudicem sæculorum ostendimus, quantum in ipsis est, (puta conijciunt, inter Sodomam & Romã discernant causas, & conferant pœnas: quæ à me vel maximè ob hoc retractandæ non sunt, quia omnibus notæ sunt. Et tamen quàm libenter sententias eorum acciperem, si illi fideliter ita vt sentiunt faterentur: quanquam quid de temporibus Christianis rari: & hoc in angulis murmurent, non vsque adeo molestè accipiendum putem, cum totius populi Romani consona voce, parique iudicio sensus ac sermo sit cognitus. Adeò autem paruo quodam & leui motu hæsitasse erga se parumper consuetudinem voluptatum, indubitatissimè

simè contestatus est, vt liberè conclamaret, si reciperet Circum, nihil esse sibi factum: hoc est, nihil egisse Romæ Gotthorumenses, si concedatur Romanis spectare Circenses. Nisi fortè (vt se habet apud plerosque hoc præcipue tempore) qui ex longa requie vel paruam obortam solitudinem, intolerabilem laborem putant, has clementissimas admonitiones, quibus omnes aliquândo perstringimur, aliorum punitionibus auditis lectisque præponūt: quos saltem de hoc ipso exitu Sodomorum & Gomorræorum moneo, vt discere atque intelligere queant, qualiter deus peccatores punierit, qualiter punire possit, qualiter puniturus sit.

De prælio inter Telchines & Carpathios & Phoroneum regem. Item de diluio Achaia.

CAPVT VII.

ANte annos vrbs conditæ MLXX. Telchines & Carpathij peruicax prælium aduersus Phoroneum regē Argiuorum, & Parapasios ancipiti spe sine fructu victoriæ gesserunt. Idemque Telchines & Carpathij. post paululum bello victi, patria profugi ignarique rerū, credentes quia se penitus à congressu totius humanæ habitationis abstraherent, Rhodum

dum insulam quæ Ophiussa antea vocabatur, quasi tuta possessione ceperunt. Ante annos vrbis conditæ MXL. in Achaia sæuum diluviū, vastatione plurima totius penè provinciæ fuit. Quod quia Ogygij, qui tunc Eleusinae conditor & rex erat, temporibus effusum est, nomen loco ac tempori dedit.

De sterilitate & fame Aegypti, cui Ioseph solertia sua consuluit: & de vanitate Aegyptiorum sacerdotum.

CAPVT VIII.

ANte annos conditæ vrbis MVIII. fuisse apud Aegyptum primum insolitam fastidiendamque vbertatem, dein de iugem atque intolerabilem famem, cui Ioseph vir iustus & sapiens diuina prouisione subuenerit, Pompeius historicus, eiusque breuiator Iustinus docet: qui inter cætera sic ait: Minimæ ætate inter fratres Ioseph fuit, cuius excellens ingenium fratres veriti, interceptum peregrinis mercatoribus vendiderunt. A quibus deportatus in Aegyptum, cum magicas ibi artes solerti ingenio percepisset, breui ipsi regi percharus fuit. Nā & prodigiorum sagacissimus erat, & somniorum primus intelligentiā condidit: nihilque

Iustin lib.

56.

que diuini iuris humaniq; ei incognitum videbatur: adeo, vt etiam agrorum sterilitatem futuram ante multos annos prospiciens, fruges congregasset. Tantaq; experimenta eius fuerunt, vt nō ab homine, sed à deo responsa dari viderentur. Filius Ioseph Moyles fuit, quem præter paternæ scientiæ hæreditatem etiā formæ pulchritudo commendabat. Sed Aegyptij cum scabiem & vitiliginem paterentur, responso mōiti, eum cum ægris, ne pestis ad plures serperet, terminis Aegypti pellunt. Hæc Iustinus. Sed quoniam hæc idem Moyles, quem isti sapientem scientemque fuisse attestantur, plenius veriusque, tanquā per se suosque gesta, conscripsit, primum fide eius atque auctoritate, quam etiā isti probant, horum ignorātia supplenda est: dehinc sacerdotum Aegyptiorum fallax malitia cōfutanda est, qui vel astu, quod manifestius est, euidentem iram misericordiamque veri dei memoriæ subtrahere conati sunt, particulatim expositione confusa, ne in contumeliam idolorum suorum eum colendum meritò ostenderent, cuius cōsilio annuntiata hæc mala & auxilio euitata docuissent: vel forte, vt indulgentius accipiamus, ob-

C 2 liti

liti sunt. Illius enim nostri Ioseph, qui fuit
veri dei seruus, & pro creatura domini
sui piè intenteque sollicitus, prouisione i-
psi abundabant frugibus quasi sacerdo-
tes: sed quia falsi sacerdotes erant, cum
cæteris esurientibus nõ dolebant. Enim-
uero cui placet, obliuiscitur: cui dolet,
meminit. Quanquam huius temporis ar-
gumentum historijs fastisque reticenti-
bus, ipsa sibi terra Aegypti testis pronun-
tiat: quæ tunc redacta in potestatem regi-
am, restitutaque cultoribus suis, ex omni
fructu suo usque ad nunc quintæ partis in-
cessabile vectigal exoluit. Fuit itaque hæc
fames magna sub rege Aegyptiorum. Dia-
polita, cui nomen erat Amasis, quo tem-
pore Baleus Assyrios, Argiuos Apis re-
gebat. Fuerunt autem ante annos famis se-
ptem, præcedentes alij septem vbertatis
anni: quorum affluentiam tanto negligen-
tius perituram, quanto vberius natam Ioseph
noster solertia sua collegit, & con-
didit, totamque Aegyptum conseruauit.
Acquisiuit vniuersam Pharaoni pecuni-
am, & deo gloriam reddens dispensatio-
ne iustissima, cui vectigal, vectigal, cui
honorem, honorem: omniumque pecora,
terras, censumque collegit: ipsos autem,
qui

qui semet cum terris suis accipiendæ sti-
 pis taxatione vendiderant, statuta quintę
 partis pactione laxauit. Hunc Ioseph, quę
 constituit deus Aegyptijs conseruatę sa-
 lutis auctorem, quis credat ita in breui e-
 orum excidisse memoria, vt filios eius at-
 que vniuersam cognationem paulò post
 seruitio addixerint, laboribus * affice- * afflic-
 rint, internecionibus profligarint? Quā- rint.
 obrem non est mirandum, si nūc quoque
 aliqui reperiuntur, qui cum à ceruicibus
 suis impendentem gladiū pretento Chri-
 stiano nomine auerterint, ipsum nomen
 Christi, quo solo salui sunt, aut dissimu-
 lent, aut infament: grauarique se eorum
 temporibus asserant, quorum meritis li-
 berantur.

*De inundatione sub Amphictyone & Deucali-
 one regibus, peste Aethiopica, Libero patre Indiam
 vastante.*

CAPVT IX.

ANno DCCCX. ante urbem condi-
 tam Amphictyon Athenis tertius à
 Cecrope regnavit, cuius temporibus a-
 quarum illuies maiorem partem popu-
 lorum Thessalię absumpsit, paucis per re-
 fugia montium liberatis, maxime in mon-
 te Parnasso, in cuius circuitu Deucalion

tunc regno potiebatur : qui tunc ad scra-
tibus confugientes susceptos , per gemi-
na Parnassi iuga fouit aluitque , à quo
propterea genus humanū reparatum fe-
runt. Tunc etiam in Aethiopia pestes plu-
rimas dirosque morbos, penè vsq; ad de-
solationem exæstuauiſſe, Plato testis est.
Et ne fortè diuisa tempora credantur iræ
dei furorisque bellici, ea tempeſtate ſuba-
ctam Indiam Liber pater ſanguine made-
fecit, cædibus oppleuit, libidinibus pol-
luit, gentem vtique nulli vnquam hominū
obnoxiam, vernacula tantum quiete con-
tentam.

*De populo dei in Aegypto afflicto, X. plagis Aegy-
ptiorum, & transitu ſinus Arabici, ac reliquijs e-
iuſdem, de ſolii ardore quodam inſeſto.*

CAPVT X.

ANno ante vrbē conditā DCCCV.
infanda Aegyptijs mala, atque into-
lerabiles plagas incubuiſſe , Pompeius
Corneliuſque teſtantur: qui quidem cum
hæc ambo de Iudæis referenda propo-
nant, aliquantulum me pro ſui diuerſita-
te mouerunt. Ait enim Pompeius, ſiue Iu-
ſtinus, hoc modo: Aegyptij cum ſcabiem
& vitiliginem paterentur, reſponſo mo-
niti, Moysen cum ægris, ne peſtis ad plu-
res

res serperet, terminis Aegypti pellunt. Dux igitur exulum factus, lacra Aegyptiorum furto abstulit: quæ armis repetentes Aegyptij, domum redire tempestatibus compulsi sunt. At vero Cornelius de eadem re sic ait: Plurimi auctores consentiunt, orta per Aegyptum tabe, quæ corpora, fœdaret, regem Bocchorim adito Ammonis oraculo, remedium petentem, purgare regnum, & id genus hominum, ut inuisum dijs, alias in terras auertere iussum: sic cōquisitum collectumq; vulgus, postquam vastis locis relictum sit, cæteris per lachrymas torpentibus, Moysen unum exulum monuisse, ne quam deorum hominumve opem expectarent, ab utrisque deserti, sed sibi met ut duci cœlesti crederent, primo cuius auxilio credentes, præsentes misérias pepulissent. Itaque Cornelius dicit, quod ipsis Aegyptijs cogenitibus, Iudæi in deserta propulsi sint: & postea subiungit incaute, quod ope Moysi ducis in Aegypto misérias propulissent. Quare ostenditur, quæ dñ, quæ per Moysen strenue acta sunt, fuisse celata. Itē Iustinus asserit, pulsum esse cum populo Moysen, lacra Aegyptiorum fuisse furatum: quæ Aegyptios armis recipere molientes, co-

* notitiā,

ctos tempestatibus ac repulso domum
redisse. Et hic aliquid amplius, & si non
totum, prodidit quod ille celauit. Qua-
propter quia Moyse magno illi duci te-
stimonium ambo dixerunt, ab ipso sicut
per eum & gesta & dicta sunt, proferen-
tur. Cum populum dei, hoc est, genus Io-
seph Aegyptij, cuius ope salui erant, ser-
uitio oppressum labore cruciarent, insu-
per etiam ad necandam sobolem suam, cru-
deli imperio cogerent, dimitti deus popu-
lum suum liberum, ad seruiendum sibi per
Moysem nuncium iubet: contemptusque
durissimis cōtumaces supplicijs agit: qui
decem plagis onerati ac protrititi, tandem
quos dimittere noluerant, etiam festinare
coegerunt. Post aquas in sanguinem ver-
sas, ardentibus siti grauiora afferētes pœ-
narum remedia quàm pœnas: post horri-
dos ranarū squalores, per omnia munda
immundaque reptantes: post ignitos cy-
niphes, & nusquam toto aëre vibrante eui-
tabiles: post muscas caninas, etiam per in-
teriora membrorum horridis motibus
cursitantes, acerbeque inferentes tā gra-
uia tormenta quàm turpia: post omnium
pecorum & iumentorum repentinam ru-
inam, stragemque generalem: post vesi-
cas

cas efferuescentes, hulneraque manantia,
& (vt ipsi dicere maluerunt) scabiem ac
vitiliginem totis corporibus erumpen-
tem: post grandinem cum igne permix-
tam, palsim homines, armenta atq; arbo-
res proterentem: post locustarum nubes,
exhaustis omnibus, ipsas quoque radices
seminum persequentes: post tenebras ima-
ginibus diras, crassitudine palpabiles, di-
uturnitate ferales: postremo post vniformem
in tota Aegypto primitiue sobolis
neccem, paremque per vniuersos orbitatu
tempestatem, qui iubenti deo non cesserant,
cessere punienti: sed mox pessima poenitentie
dimissos persequi ausi, vltima nefande
peruicacie expendere supplicia!
Nam rex eorum vniuersum Aegypti exercitum,
curribus atque equitibus instructum,
in circum errantes egit: cuius numerum
hoc solo vel maxime argumento conijcere
possumus, quod eum sexcenta millia virorum
timuerunt atque fugerunt. Sed protector
depressorum, & ultor contumacium deus
diuisit subito rubrum mare, ac dilatatus
vtrinque marginibus rigentium vndarum,
in montis faciem latera erecta suspedit,
vt inoffensi spe limitis provocati, pij
viam desperatae salutis, impij
C 5 foueam

foueam insperatæ mortis intrarent. Itaque Hebræis tutò per sicca gradientibus; refusis à tergo aquarum astantium mobilibus, obruta est & interfecta cum rege suo vniuersa Aegypti multitudo: totaque prouincia plagis antè cruciata, hac postremò interfectione vacuata est. Extant etiam nunc certissima horum monimenta gestorum. Nam tractus currum rotarumque orbitæ non solum in litore, sed etiam in profundo, quousque visus admittitur, peruiidentur. Etsi forte ad tempus vel casu, vel curiositate turbâtur, continuo diuinitus in pristinam faciem ventis fluctibusque reparantur, vt quisquis non docetur timorem dei propalatæ religionis studio, iræ eius transactæ vltionis terreatur exemplo. His etiã temporibus adeo iugis & grauis æstus incanduit, vt sol per deuia transuectus, vniuersum orbem non calore affecisse, sed igne torruisse dicatur: impressumq; feruorem & Aethiops plus solitum, & insolitum Scythæ non tulerit: ex quo etiam quidam, dum non concedunt deo ineffabilem potentiam suam, inanes ratiunculas conquirentes, ridiculam Phaëtonis fabulam texuerunt.

De parricidio Darnaidum, de Busiridis crudelitate, de Tereo, Progne, & Philomena, & Perseo Asiam populante.

CAPVT XI.

ITem anno ante urbem conditā DCC·LXXV. inter Danai atque Aegypti fratrum filios quinquaginta parricidia vna nocte commissa sunt. Ipse deinde tantorum scelerum fabricator Danaus, regno, quod tot flagitijs acquisierat, pulsus, Argos concessit. Ibiq̃ue indignè persuasis in facinus Argiuis, Sthenelam, qui cū profugum egentemq̃ue * suscep̃erat, regno * excep̃rat, expulit, atque ipse regnavit.

Busiridis in Aegypto cruentissimi tyranni crudelis hospitalitas, & crudelior religio tunc fuit: qui innocentū hospitem sanguinem dijs, scelerum suorū participibus propinabat: quod execrabile sine dubio hominibus videtur, quā ipsis etiam dijs execrabile videretur. Tunc etiam Terei Prognæ & Philomelæ incesto parricidium adiūctum, atq; execrabilius utroq; conuiuiū per infandos cibos, additū est; cum propter sororis pudicitiam ereptam præcisamq̃ue linguam filium paruulum mater occidit, pater comedit. Iisdem temporibus Perseus à Græcia in Asiam transuectus,

uectus, ibi barbaras gentes graui diuturnoque bello domuit: & nouissimè victor nomen subiectæ genti dedit: namq; à Perseo Persæ sunt vocati.

Congeries multorū facinorū per præteritionē.

CAPVT XII.

ATego nunc cogor fateri, me prospiciendi finis commodo, de tanta malorum sæculi circumstantia præterire plurima, cuncta breuiare. Nequaquam enim tam densam aliquando siluam prætergredi possem, nisi etiam crebris interdum saltibus subuolarem. Nam cum regnum Assyriorum per MCLX. annos usque ad Sardanapalum, per quinquaginta propemodum reges actum sit, & nunquā pene vel inferendis vel excipiendis usque in id tempus bellis quieuerit, quis finis reperietur, si ea commemorare numerando, ut non dicam describendo conemur? præsertim cum & Græcorum prætereunda non sint, & Romanorū vel maximè recedenda sint. Nec mihi nūc enumerare opus est Tantalī & Pelopis facta turpia, & fabulas turpiores: quorum Tantalus rex Phrygiorum Ganymedem Troiis Dardaniorum regis filium cum flagitiosissimè rapuisset, maiore conserti certaminis fœditate

ditate detinuit, sicut Phanocles pœta cōfirmat, qui maximum bellum excitatum ob hoc fuisse commemorat: siue quia hūc ipsum Tantalum, vtpote affecclam deorū, videri vult raptum puerum ad libidinem Iouis familiari lenocinio præparasse, qui ipsum quoque filium Pelopem epulis eius non dubitarit impendere. Tædet etiam ipsius Pelopis contra Dardanum atq; Troianos, quamlibet magna referre certamina: quæ, quia in fabulis celebrari solita sunt: negligentius audiuntur. Illa quoque prætereo, quæ de Perseo, Cadmo, Thebanis, Spartanisque per inextricabiles alternantium malorum recursus, Palæphato scribente, referūtur. Taceo flagitia Lemniadum, prætermitto Pandionis Atheniensium regis flebilem fugam, Atrei & Thyestis odia, stupra & parricidia, cœlo quoque inuisa, dissimulo. Omitto Oedipum interfectorem patris, matris maritum, filiorum fratrem, vitricum suum. Sileri malo Eteoclem atque Polynicē mutuis laborasse concursibus, ne quis eorum parricida nō esset. Nolo meminisse Medæ amore læuo sauciæ, & pignorū paruulorum cæde gaudentis, & quicquid illis temporibus perpetratum conijci datur:

tur: qualiter homines sustinuerint, quod etiam astra fugisse dicuntur.

Certamen inter Cretenſes & Athenienſes. Lapithas & Theſſalos.

CAPVT XIII.

ANno ante urbē conditā DLX. atrocissimum inter Cretenſes atq; Athenienſes certamen fuit: vbi populis vtrinq; infœliciter proſtigatis, cruentiorē victoriam Cretenſes exercuerunt: qui nobiliū Athenienſium filios Minotauro, vtrum ferro homini, an inhumanæ beſtiæ aptius dicā nescio, deuorandos crudeliter addicebant, atque informe prodigium effoſſis Græciæ luminibus ſaginabant. Iſdē diebus Lapithæ & Theſſali famoſis nimium certauēre conflictibus. Sed Theſſalos Palæphatus, in libro primo incredibilium, prodit ipſos à Lapithis creditos dictosq; fuiſſe centauros, eo quod diſcurrentes in bello equites, veluti vnum corpus equorum & hominum viderentur.

Vefores rex Aegypti Scythas bello infeſtans, vincitur. Scythæ Aſiam ſibi ſubijciunt.

CAPVT XIII.

ANno ante urbē conditam CCCC. LXXX. Vefores rex Aegypti meridie & ſeptentrionem, diuiſas penē toto

toto cœlo ac pelago plagas, aut miscere bello, aut regno iungere studens, Scythis bellum primus indixit, missis prius legatis, qui hostibus parendi leges dicerēt. Ad quæ Scythæ legatis responderunt, stolidè opulentissimū regem aduersus inopes sumpsisse bellū, quod timendū ipsi magis versa vice fuerit, propter incertos belli euentus: nulla præmia, & damna manifesta. Porro sibi non expectandum, dum ad se veniatur, sed vltro prædæ obuiam ituros. Nec moram: nā dicta factis insequuntur. Primum ipsum Vesorē territum refugere in regnū cogunt: destitutum vero exercitū inuadunt, omnemque belli apparatus capeffunt. Vniuersam quoque Aegyptum populassent, nisi paludibus impediti, repellerentur. Inde cōtinuo reuersi perdomitā infinitis cædibus Asiam, vectigalem fecēre: vbi per XV. annos sine pace immorati, tandem vxorum flagitatione reuocantur, denunciantium, ni redeant, sobolem se à finitimis quæsituras.

Amazonum origo, mores & facinora.

CAPVT XV.

Medio autem tēpore, apud Scythas duo regij iuuenes Plynos & Scolopythus, per factionem optimatum domo pulsi,

pulsi, ingentem iuventutem secum traxere, & in Cappadociæ Ponticæ ora iuxta amnem Thermodoontem confederunt, campis Themiscyrijs sibi subiectis: vbi diu proxima quæque populati, conspiratione finitimorum per insidias trucidantur. Horû vxores exilio ac viduitate permotæ, arma sumunt, & vt omnibus par ex simili conditione animus fieret, viros qui superfueraut, interficiunt: atque accensæ in hostem, sanguine suo ultionem cælorum coniugum, finitimorum excidio consequuntur. Tunc pace armis quæsitæ, externos concubitus ineunt, editos mares mox necant, feminas studiosè nutriunt, inustis infantium dexterioribus mamillis, ne sagittarum iactus impediretur: vnde Amazones dictæ. Harum duæ fuere reginæ, Marpesia & Lampetoo, quæ agmine diuiso in duas partes, vicissim curam belli & domus custodiam sortiebantur. Igitur cum Europam maxima ex parte domuissent, Asiæ vero aliquantis ciuitatibus captis, ipsæ Ephesum aliasque vrbes condidissent, præcipuam exercitus sui partem onustam opulentissima præda, domum reuocant: reliquæ ad tuendû Asiæ imperium relictæ cum Marpesia regina

gina concursu hostiū trucidantur. Huius locum capessit Orithya filia, quæ singularem virtutis gloriam perpetua virginitate cumulauit. Hac fama excitas gentes tanta admiratio & formido inuaserat, vt Hercules quoque cū iussus fuisset à domino suo exhibere arma reginæ, quasi ad ineuitabile periculum destinatus, vniuersam Græciæ lectam ac nobilem iuuentutem contraxerit, nouē longas naues præpararit: nec tamen contentus examine viriū, ex improviso aggredi, & insperatas circumuenire maluerit. Duæ tunc sorores regno præerāt, Antiopæ & Orithyia. Hercules mari aduectus, incautas inermesq; & pacis incuria desides, oppressit. Inter cælas captasq; complurimas duæ sorores Antiopæ, Menalippe ab Hercule, Hippolite à Theseo retentæ. Sed Theseus Hippolytan matrimonio asciuit. Hercules Menalippen sorori reddidit, & arma reginæ prætio redēptionis accepit. Post Orithyiam Penthesilea regno potita est: cuius Troiano bello clarissima inter viros documenta virtutis accepimus.

Epilogus historia Amazonū: in quo præsentem Romanorum cecitatem insectatur.

CAPVT XVI.

D

Proh

Prohdolor, pudet erroris humani.
Mulieres patria profugæ Europam
atque Asiam, id est, plurimas fortissimas-
que mundi partes intrauerunt, peruagatæ
sunt, deleuerunt, centū penè annis euertē-
do vires plurimas, atq; alijs constituen-
do tenuerūt: nec tamen miserię hominum
prelura temporū deputata est. Modo au-
tem Getæ illi, qui & nunc Gothi, quos
Alexander euitandos pronuntiauit, Pyr-
rhus exhorruit, Cæsar etiam declinauit,
relictis vacuefactisq; sedibus suis, ac totis
viribus toti Romanas ingressi prouinci-
as, simulq; ad terrorem diu ostentati soci-
etatem Romani fœderis precibus sperāt,
quā armis vindicare potuissent. Exiguę
habitationis sedem, non ex sua electione,
sed ex nostro iudicio rogant: quibus sub-
iecta & patente vniuersa terra, præsume-
re, quā esset, libitum, liberum fuit. Semet-
ipsos ad tuitionem Romani regni offe-
runt, quos solos inuicta regna timuerūt:
& tamen cæca gentilitas, cū hæc Roma
na virtute gesta non esse videat, fide Ro-
manorū impetrata non credit, nec acqui-
escit, cū intelligat, confiteri beneficio
Christianę religionis (quæ cognatā per
omnes populos fidem iungit) eos viros
sine

sine pręlio sibi esse subiectos, quorū fœminæ maiorem terrarum partem immensis cædibus deleuerunt.

De raptu Helena & Troia excidio, cum admonitione ad lectorem.

CAPVT XVII.

AT vero ante urbē conditā CCCC.
XXX. anno, raptus Helenæ, coniu-
ratio Græcorum, & concursus mille na-
uium, dehinc decennis obsidio, ac postre-
mo famosum Troiæ excidium prædica-
tur. In quo bello per decem annos cruen-
tissimè gesto, quas nationes, quantosque
populos idem turbo inuoluerit, atque af-
flixerit, Homerus poeta in primis clarus,
luculentissimo carmine palā facit: nec per
ordinem nunc retexere nostrū est, quia &
operi longum & omnibus notū videtur.
Veruntamē qui diuturnitatem illius obsi-
dionis, euerfionis atrocitatē, cædem, ca-
ptiuitatemque didicerunt, videant, si recte
isto, qualiscunq; est, præsentis temporis
statu offenduntur, quos hostes, occulta
misericordia dei, cū per omnes terras in-
structis copijs bello psequi possint, pacis
gratia prætētis obsidibus p omnia maria
sequuntur: & ne forte hæc quietis amore
facere credantur, seipsos ad pericula sua
D a pro

pro Romanorum pace aduersus alias gentes offerunt.

Aeneæ in Italiam aduentus, & varia clades eiusdem temporis.

CAPVT XVIII.

PAUCIS præterea annis interuenientibus, Aeneæ ex Troia profugi aduentus in Italiam, quæ arma commouerit, qualia per triennium bella excitauerit, quantos populos implicuerit, odio excidioque afflixerit, ludiliterarij disciplina nostræ quoque memoriæ * insitum est. Horum præterea temporū medio interiacente exilia naufragiaque Græcorum, Peloponnesium clades Codro moriente, fatorum ignari Thraces, noua in bella surgentes, & generalis tunc per totam Asiam Græciamque commotio.

De Sardanapolo rege Assyriorum. De Pharaorte, Diocle, & Astyage regib. Medorum. De Cyro rege Persarum.

CAPVT XIX.

ANNO ante urbem conditam LXIII. nouissimus apud Assyrios regnauit Sardanapalus, vir muliere corruptior: * fœminę. qui inter scortorum greges * femineo habitu purpuram colo tractans, à præfecto suo Arbato, qui tunc Medis præerat, visus

sus atque execrationi habitus, mox etiam excitis Medorum populis ad bellum pro-uocatus, & victus, ardenti pyræ se iniecit. Exin regnum Assyriorum in Medos concessit. Deinde multis prælijs vndique scatescentibus, quæ per ordinem differere nequaquam aptum videtur, per varios pro-uentus ad Scythas Chaldaeosque, & rursus ad Medos parili via redit. In qua breuitate pensandum est, quantæ ruinæ cladesque gentium fuere, quanta bella fluxerunt, vbi toties tot & talia regna mutata sunt. Post hæc Medis Phraortes imperitavit, qui creberrimis Persarum Assyriorumque bellis viginti & duos regni sui annos consumpsit. Post hunc Diocles regnavit, vir armis experientissimus, semperque bellis immoratus, qui auctum latè imperium moriens Astyagi dedit. Astyages virili prole vacuus, Cyrum nepotem apud Persas genitum habuit. Sed Cyrus, mox ut adoleuit, congregata Persarum manu, auo certamen indixit. Porro Astyages oblitus sceleris sui, quod in Harpagum dudum admiserat, cum filium eius vnicum & paruulum interfecit, epulandumque patri apposuit, ac ne quid infelicitissimæ orbitati foelix ignorantia subtraheret, in-

fames epulas, ostensis patri cum capite manibus, impropertavit. Huius ergo facti immemor, ipsi Harpago summam belli committit, qui acceptum exercitum statim Cyro per proditionem tradit. Quo comperto, Astyages raptis secum copijs, in Persas ipse proficiscitur, acriusque certamen instaurat, proposito suis metu, si quis è prælio cedere moliretur, ferro exciperetur. Qua necessitate instanter Medis pugnantibus, pulsa iterum Persarum acies, cum paulatim cederet, matres & vxores eorum obuiam occurrunt, orant, in prælium reuertantur: cunctantibus, sublata veste, obscœna corporis ostendunt, quærentes, num in vteros matrum vel vxorum vellent refugere. Quo facto erubescences in prælium redeunt: & facta impresseione, quos fugiebant, fugere compellunt. Ibi tunc Astyages capitur, cui Cyrus nihil aliud quàm regnum abstulit, eumq; maximè Hyrcanorum genti præposuit. In Medos vero ipse reuerti noluit. Is finis imperij Medorum fuit. Sed ciuitates quæ tributariæ Medorum erant, à Cyro defecerunt: quæ res Cyro multorum bellorum causa & origo extitit.

*De Phalaridis tyrannide, & Aremuli Latino-
rum regis flagitijs.*

CAPVT XX.

EA tempestate Phalaris Siculus Agri-
gentinos arrepta tyrannide popula-
batur. Qui crudelis mente, commentis
crudelior, omnia nefariè in innocentes a-
gens, inuenit aliquando quem iustè puni-
ret iniustus. Nā Perillus quidam æris opi-
fex affectans tyranni amicitiam, aptū mu-
nus crudelitati illius ratus, taurum æne-
um fecit cui adfabre ianuam è latere com-
pouit, quæ ad contrudendos damnatos
receptui foret: vt cum inclusus ibidē sub-
iectis ignibus torreretur, sonū vocis ex-
tortæ capacitas concaui æris augeret, pul-
suq; ferali competens imagini murmur e-
mitteret, nefarioq; spectaculo mugitus pe-
cudis, nō hominis gemitus videretur. Sed
Phalaris factū amplexus, factorem execra-
tur, & vltioni materiam præbuit, & cru-
delitati: nā ipsum opificē sua inuentione
puniuit. Fuerat etiā paulò superiore tem-
pore apud Latinos rex Aremulus, qui per
annos octodecim flagitijs impietatibus-
que crelcens, ad postremum diuino iudi-
cio fulmine interceptus, matura suppli-
cia immatura ætate dissoluit. Eligant

nunc (si videtur) Latini & Siculi, vtrum in diebus Aremulī & Phalaridis esse maluissent, innocentum vitas pœnis extorquentium, an his temporibus Christianis, cū imperatores Romani ipsa in primis religione compositi, post communitas reipublicæ bono tyrannides, ne ipsorum quidem iniurias exigunt tyrannorum.

Bellum inter Peloponnenses & Athenienses, de Amazonum & Cimmericorum in Asiam incursum, de diutina obsidione & expugnatione Messenæ. Bellum Atheniense contra Lacedæmonios, Peloponnense & Bæotiorum contra Athenienses.

CAPVT XXI.

ANno ante urbem conditam XXX. Peloponnensem Atheniensiumq; maximum bellum totis viribus animisque commissum est: in quo mutuis cēdibus ad hoc coacti sunt, vt velut victi se ab alterutro subtraherent, bellumque desererent. Tunc etiam Amazonum gentis & Cimmericorum in Asiam repentinus incursum plurimam diu latē vastationem stragemque edidit. Anno vicesimo ante urbē conditam, Lacedæmonij contra Messenios propter sp̄retas virgines suas in solenni Messeniorū sacrificio, per annos viginti inde-

indefesso furore bellantes, ruinæ suæ totas Græciæ vires implicuerunt: qui cum se magnis execrationibus deuouissent, sacramentisque obstrinxissent, domum, nisi Messena expugnata, nunquam esse redituros, ac per decē annos longa fatigati obsidione, nec tamen aliquem vincendi fructum adepti, porro autem & querelis vxorum super longa viduitate, & periculo sterilitatis contestantium permoti reuocarentur, consultatione habita, veritine intercepta spe sobolis sibi magis hac perseuerantia, quàm Messenijs perditio nutriretur, selectos in exercitu eos, qui post iusiurandum in supplementum militiæ venerant, Spartam remittunt, quibus promiscuos omnium foeminarum concubitus permiscere, infami satis, nec tamen inutili licentia. Ipsi autem proposito insistentes, expugnant fraude Messenios, victos seruitio premunt. At illi cruētam diu dominationem inter verbera, & vincula perpressi, iugum excutiunt, arma sumūt, bellum instaurant. Lacedæmonij Tyrtæum poetam Atheniensem ducem prælio legunt: qui tribus conflictibus fusi, amissum exercitum, vocata in libertatem feruorum manu suppleuerunt. Sed cum sic

D 5

quoque

one

ic
icone
one

quoque desistendum certamini propter metum periculi arbitrarentur, Tyrteï poetæ & ducis cōposito carmine & pro cōcione recitato, rursus accēsi, mox in certamen ruunt: tantaq; vi animorum concursus est, vt raro vnquam cruetius prælium exarserit. Ad postremum tamen victoria Lacedæmoniorū fuit. Tertio Messenij reparauēre certamē. Nec Lacedæmonijs mora. Multas in auxiliū copias vtrinq; duxerūt. Athenienses vero Lacedæmonios alibi intentos è diuerso aggredi parant. Nec Lacedæmonij quieuēre: nam ipsi in Messenios occupati, Peloponnēses immiserunt, qui Athenienses prælio exciperent. Athenienses aut missi in Aegyptū parua classe, impares viribus nauali congressu facile vincuntur. Dehinc recepta classe, aucti etiā militum robore, victores in præliū vocant. Lacedæmonij quoq; omīssis Messenijs, in Atheniēses arma conuertunt. Diu graues & variæ pugnæ, & anceps victoriæ status: ad postremū pendente euentu, vtrinq; discessum est. Scien dum tamen est, maxime ipsam esse Spartam, quam & Lacedæmoniam ciuitatem dicunt, atque inde Lacedæmonios, Spartanos dici. Igitur inde reuocati Lacedæmonij

monij ad Messeniorum bellum, ne medium tempus otiosum Atheniensibus relinquerent, cū Thebanis paciscuntur, vt Boeotiorū imperiū eis restituerent, quod tēporibus belli Perfici amiserāt, si illi Atheniensium bella susciperent. Tantus furor Spartanorum erat, vt duobus bellis impliciti, suscipere tertium non recularent, dūmodo inimicis suis hostes acquirerent. Athenienses tanta bellorum tempestate permoti, duos duces delegerunt: Periclem spectatæ virtutis virum, & Sophoclem scriptorem tragœdiarum: qui diuiso exercitu, & Spartanorum fines latè populiati sunt, & multas Asiæ ciuitates Atheniensium imperio adiecerunt. Hinc porrò per annos quinquaginta in certa semper victoriâ terra mariq; pugnatum est, donec Spartani & opibus imminutis & fide profligata, socijs quoque probro fuere. Sed hæc per tot ætatum volumina incubuisse Græciæ parui penditur. Nunc autem interpellari interdū voluptates, & impediri parumper libidines non sustinetur. Quanquam inter illius tēporis homines atque istius hoc interest, quod illi æquo animo hæc intoleranda tolerabant, quia in his nati vel enutriti erant, & meliora
non

non nouerant: isti autem perpetuo in vita
sua tranquillitatum & deliciarum sereno
assuefacti, ad omne vel modicum obdu-
ctæ sollicitudinis nubilum commouetur.
Atque utinam ipsum depulso rem huius
vel modicæ inquietudinis precarentur,
cuius munere hanc ignoratam alijs tem-
poribus iugitatem pacis habuerunt. Et
quoniam spondidisse me memini, cum
veluti articulis quibusdam dicendi ordi-
nem definirem, dicturum me esse ab orbe
condito usque ad urbem conditam, huic
volumini, quod ab orbe condito explicu-
imus, finis hic sit: ut ab urbe condita sequens
libellus incipiat, qui contextiora illo-
rum temporum mala, exercitatio-
ribus quippe ad nequitiam
atque eruditioribus ho-
minibus, conti-
nebit.

FRANC.

FRANC FA=

BRICII MARCO=

DVRANI IN PAVLI

Orosij Historiarum li-
brum primum

Annotationes.

SED his, quos amant, zelant.) His, non hos, *est in nostris manuscriptis.* *ζηλοῦν etiam in sacris literis cum datiuo legitur.* Catelli sub mensa) *Legitur & de mēsa. Apud Matth. cap. 15. est, τὰ κυνάρια ἐσθίει ἀπὸ τῆς ψυχίων τῆς πίπτον τῆς ἀπὸ τῆς τραπέζης τῆς κυρίων αὐτῶν.* Beatus etiā Tobias.) *Tobia. 6. Aduersum hos ipsos.)* Hinc cognoscitur quo tempore hanc historiam conscripserit Orosius, nimirum post Romam captam sub Honorio Imperatore, anno Christi CCCCX. qua de re dicemus lib. vlt. cap. 29. Cum ergo Augustinus iam decimum de Ciuitate Dei perfecisset, atq; vndecimum conscriberet, tum Orosius noster hac scribere aggressus est.

In Caput primum.

Anni tria millia CLXXXIII.) Hunc numerum nos in omnibus libris inuenimus. quod propter varietatem, qua in primis temporibus inuenitur, testatum relinquere voluimus. Varietatem Hebræorum & Græcorum librorum diuersitas peperit. Lege
pra-

præter alios Augustinum de Ciuitate dei lib. 15. cap. 10. Eusebius, Orosius, Cassiodorus & posteriores magis Græcos quàm Hebræos secuti sunt. Abraham, auctore Eusebio, natus est anno XLIII. imperij Nini regis.

In Caput Secundum.

In hoc capite, quo orbis terrarum summatim describitur, sunt nonnulla vocabula barbara, quæ apud alios scriptores non facile inuenias. in ijs nos antiquorum librorum auctoritati plurimum tribuendum putauimus. In eo tamen quod hic legitur, In Roxolanorum finibus, impressam lectionem retinuimus. Nam in manuscriptis est, Rhobasco- rum, ut alij quoque annotarunt. Super lacum Caleartium.) Gerardus Bolsuinge, qui primam Hit- torpianam editionem è vetustis libris emendauit, ex illis annotauit legi, Alearsum & Chalearsum. Nos in manuscriptis, Halearzum, Calearsum, &, Caleartum, inuenimus. Promontorium Caligardamana.) Sic est in vetustis, cum in vulgatis legatur, Calligicum. A ciuitate Dacus.) Ita nos ex ijsdem libris, pro quo vulgo, Dascuta, &, Dagusa, legitur. Apud Plinium lib. 5. cap. 24. & lib. 6. cap. 19. hoc oppidum, Dascusa, nominatur. Libyæ Aegyptiæ.) In duobus manuscriptis est, Libyo Aegyptiæ: apud Plinium lib. 5. cap. 7. Libyægyptij, eosq; super Getulos habitare tradit. Parchoatras.) Hic Straboni est Parchoatras, Plinio Choatras, Dahas ac Araucas.) Ita Bolsuinge scripsit, cum ante, Dahassacarancas, & Dacha-

Dachastauriocas, legeretur. Nostri antiqui partim, Daassacauracas, partim, Daassacauracas, habent. Montani Paropamisadæ.) Vulgo legitur, montana Paropamissada: nos libros vetustos secuti sumus. Stephanus, παροπάμμοςος πόλις ὅρος ἰνδικῆς, ἀφ' οὗ περ παροπάμμοςος αἰοὶ παροικοῦντες. Ἀπολλόδωρος δὲ ἐν δευτέρῳ περὶ γῆς, ἀπ' αὐτοῦ φησι τὸ ὅρος κεκληῖσθαι. αἱ δὲ τοιοῦτοι κουντες, παροπαμμοσάδα. Apud Arrianū hoc nomen modo vnico σ, modo gemino σ scribitur: sed apud Diod. & Eusthatium Dionysij interpretū vnicum σ habet. Montes Acroceraunios.) Legitur & Acroceraunia. Horat. lib. 1. Carm. Qui vidit mare turgidum, & infames scopulos Acroceraunia. Dio lib. 41. ἐπερωώδη πρὸς τὰ ἄκρα τὰ κεραύνια ὠνομασμένα. Vbi Brigantia Callæciæ.) Ita scripsimus ex libro vetusto, pro quo in vulgatis est, Galleciæ. Dio lib. 37. βριγάντιον πόλιν ἑλλαχίας dicit. In auersa Galliarum parte.) Auersa non aduersa, recte est in manuscriptis. Regio Arzugum) Azotum, quod alij ascripserunt, nos in nullis antiquis inuenimus. Byzacium.) Vulgo mēdose Byzantium legitur. De Byzacio Plinius lib. 5. cap. 4. In vetusto Indice dignitatum & administrationum Romanarum, iam Bizacium, iam Bisacium legitur. Rusiccada.) Apud Plinium li. 5 cap. 3. & Mellam lib. 1 cap. 7. est, Rusiccade. Inter Abennen & Calpen.) Hakennen, Habennen, & Abennen scriptum inuenitur. Intelligit duas columnas Herculis: quarū vna Europæ à barbaris Calpe, à grecis ἀλύβη nominatur: altera Libyca ab illis Abenne, ab his κυνηγετικὰ dicitur, auctore Eustathio in Dionysi-

Dionysium, APeloro in Pachynū millia passuum CLIX.) In vno manuscripto est, CXLIX. in alijs CLIX. Si Strabonis stadia sequamur, minor numerus verior videbitur.

In Caput Tertium.

Ac perinde humanum genus.) Ante hac verba in vulgatis additur, morti se substrauisset: quæ quando in nullis libris antiquis inuenimus, tanquā supposititia, nihil tamen praiudicantes, deleuimus. Deinde refuso sub Noë) Dua postrema voces in lib. vet. non leguntur & possunt non incommodè abesse. Ex iudicio & coniectura lapidum.) Genes. 8. legimus arcam Noë requieuisse super montes Ararath, id est, Armenia. vbi, auctore Hieronymo, vsque hodie eius permanent vestigia. de Ararath idem vndecimo Commētariorum in Esaïam, Iosephus lib. 1. Antiquit. scribit Armenos loco, in quo Noë ex arca egressus est, ἀποβατήριον nomen fecisse.

In Caput Quartum.

Ninus rex Assyriorum.) Ninus uō primus, sed tertius Assyriorum rex fuit, vt ex Beroso notum est. Sed quia Ninus est πρῶτος τῶν εἰς ἰσορίαν & μνημὴν παραδεδομένων, vt scribit Diodorus initio lib. 2. iccirco à Nino historici, in quibus Ctesias, Diodorus, Eusebius, Iustinus, Orosius, Cassiodorus & alij, initium fecerunt. Torpentemque excitauit.) Hunc locum nos ex fide librorum manuscriptorum emendauimus, quamuis vulgata lectio ferri posse videretur. Nouissimè Zoroastrem) Zoroastrem hunc regem Trogius Pompeius nominauit, qui in Græcis Dio-
dori

dori Siculi libris, quos beneficio Henrici Stephani habemus, οὐραγρὺς appellatur, cum à Latino Interpretæ Zoroastes vocetur. Berofus lib. 5. Camefennum nominat, qui in Bactrianis magno presidio regnum stabilivit, eumq; non à Nino, sed à Ninia Nini filio victum & interfectum scribit Huic mortuo Sethi ramis successit.) De Semiramide copiosè Diodorus lib. 2. Indis bellum intulit.) Præter Diodorū lege Augustinum de Ciuit. Dei lib. 18. cap. 2. Strabo lib. 15. ex Megasthene refert, Semiramidem prius quàm ex India egrederetur, perijſſe.

In Caput quintum.

Inter alios etiam Cornelius.) In alijs mendose legitur, inter alia. Locus est apud Tacitum lib. 21. De hac regione legendus etiam Egesippus. lib. 4. cap. 18. Specie solidam.) Vulgo legitur, solida. in Tacito est, terramque specie torridam. Ego sicut inclytas.) Inclytas, est etiam in vetustis. At in Tacito est, Iudaicas. In confinio Arabiæ.) De euersione harum ciuitatum Moses Genes. 19. Indignationis furor accensus.) Vulgo legitur, iudicium accensum est. Vocem, iudicium, in nullis manuscriptis reperi: sed quod est in optimo libro Corneliij Gualteri reposui.

In Caput septimum.

Telchines & Carpathij.) Telchines non Telchises, ideo scripsimus, quod ab his Rhodum occupatam Orosius statim scribat: qui autem Rhodum occuparunt, à grecis Telchines dicuntur, de qui-

bus præter Strabonem Diodorus lib. 5. τὴν δὲ νῆσον
τὴν ὀνομαζομένην ῥόδον πρῶτοι κατέκχσαν οἱ
προσαγορευόμενοι τελχῖνες. id est, Rhodum insu-
lam primi tenuerunt, qui Telchines appellantur. In
Eusebii Chronico hæc res ita descripta legitur, Tel-
taphis & Carsatis aduersus Phoroneum & Parrha-
sios instituunt bellum. in vno manuscripto, Car-
satij, legitur. Aduersus Phoroneum.) Secun-
dus hic Argiuorum rex fuit, auctore Eusebio cuius
meminit Plato in Timæo. Pausanias lib. 2. scribit,
hunc dispersos antè Argiuos, & seorsum habitantes
in vnius ciuitatis ius compulisse. Apud Dionysium
Alicarnasseum lib. 1. legimus, αἰζέον & φορωνέα pri-
mos in Peloponneso regnasse. Parapasios.) Alij ascri-
pserunt legi etiam, Paphasios. Ego in vno manu-
scripto, Parapasios, scriptum inueni: in alijs, Par-
phasios. Quæ Ophiussa) Stephanus, ῥόδος νῆσος ἐ-
πιφανέστατη. ἐκαλεῖτο ὀφίτσα δὲ αἰθαλία. Apud
Strabonem, & Dionysij Afri interpretem ὀφίτσα
legitur. Quod quia Ogigij.) Augustinus lib. 18.
de Ciuit. Dei cap. 3. ait inter scriptores non conueni-
re, quando Ogygius ipse fuerit, cuius temporibus di-
luium fuit. Orosius eandem rationem cum Eusebio
secutus est.

In Caput octauum.

Adeo, vt etiam agrorum sterilitatem.) Apud
Iustinum lib. 36. hæc plenius ita leguntur, Adeo, vt
etiam agrorum sterilitatem ante multos annos pro-
uiderit, perissetq; omnis Aegyptus fame, nisi moni-
tu eius rex edicto seruari per multos annos fruges
iussit-

inisset. Scabiem & vitiliginem.) Sic etiam infra cap. 10. legitur, cum in vulgatis Iustini libris sit, scabiem & pruriginem. Sed habeo manuscriptum Iustini exemplar, in quo, scabiem & vliginem, mendosè quidem legitur, sic tamen ut vera lectionis vestigia appareant Cui placet, obliuiscitur.) Sententia Ciceronis ex oratione pro Murena. Fuit itaque hæc fames.) Hæc temporis notatio ex Eusebii Chronico sumpta est, atque apud Augustin. quoque legitur li. 18. de Ciuit. ca. 4. Historia ipsa extat Gen. 44. & li. 2. Antiq. Iosephi. Cui vestigal, vestigal.) Locus est apud Paulum ad Rom. 13.

In Caput nonum.

Amphictyon.) Vulgo hic, & lib. 2. Iustini mendosè, Amphitryon scribitur, cum Amphictyon, legendum esse non modo è libris vet. verum etiam è Pausania lib. 1. constet: ubi scribit, Cecrope mortuo Cranaum regno Athenarum potitum fuisse, quem Amphictyon per vim expulerit. De hoc diluuius Augustinus de Ciuitat. Dei. libr. 18. cap. 10. His temporibus, inquit, ut Varro scripsit, regnante Athenis Cranao successore Cecropis, ut autem nostri Eusebius & Hieronymus, adhuc eodem Cecrope permanente diluuium fuit, quod appellatū est Deucalionis, eò quod ipse regnabat in eadē earū terrarū partibus, ubi maximè factum est. Tunc etiam in Aethiopia.) Hæc ex Eusebii Chronico descripta sunt. Subactam Indiam Liber pater.) Liberum patrem Indos subegisse Clitarchus quoque in suis historijs de Alexandro scripsit, ut refert Apollonij

lonij Rhodij Scholiastes lib. 2. Argonaut. Verùm quis hic liber pater, siue διόνυσος, fuerit, non sine causa querit Arrianus initio lib. 5.

In Caput Decimũ.

At vero Cornelius.) Hæc sunt apud Cornelium Tacitum initio lib. 2. Quomodo autem nos locum descripsimus, ita in Taciti & Orosii manuscriptis libris legitur. Ab utrisque deserti.) Hæc verba, quamuis in nostris vetustis non legantur, tamen quia sunt apud Tacitum, reliquimus. Sicut per eum dicta.) Exposuit hæc Moses in Exodo. Ridiculam Phaëtonis fabulam.) Cum hac narratione conueniunt quæ Plato in Timæo de Phaëtonte scribit.

In Caput XI.

Inter Danaï atque Aegyptij.) Danaïdum notum facinus est, de quo etiam Virg. lib. 10. Aen. Impressumq; nefas, vna sub nocte iugali Cæsa manus iuuenum scædè, thalamiq; cruenti.

Sthenelam, qui eum profugum.) Sthelenum, vulgo hic corruptè legitur, sicut & in Eusebij Chronico hoc nomen deprauatum est. Caterum Pausanias in Corinthiacis scribit, Danaum ex Aegypto venientem, non Sthenelam, Sthenela filium Gelanorem regno exputisse. Busiridis in Aegypto.) De Busiridis ζευχτορία præter Socratem Diodorus in posteriore parte lib. 1. Augustinus de Ciuitat. dei lib. 18. cap. 12. illo, inquit, tempore vel rex, vel potius tyrannus Busiris suis dijs suos hospites immolabat.

labat. Quod execrabile hominibus.) Hic locus aliter in libris impressis legitur: sed nos religioni habuimus à veteri scriptura vel vnguem discedere. Terei facinus notum est ex Ouidiana Metamorphosi. libr. 6. Iisdem temporibus Perseus.) Perseus Iouis & Danaes filius profectus ad Cepheum Beli F. eius filiam Andromedam uxorem duxit, ex eaq; filium Persen sustulit: à quo Perse, qui antea Cephene & Artai appellabantur, nomē sortiti sunt, Herodot lib 7.

In Caput XII.

Tantalus rex.) Quæ hoc capite de Tantalos Cadmo alijsq; dicuntur, de illis, cum in vulgus nota sint, putidum est aliquid scribere. Medæ amore seu sauciæ.) Respicit illum locū Ennii ex Medea, Nam nunquam hera errans mea domo efferret pedē Medea animo agra, amore seu saucia Qui locus extat lib. 2. Rhetoricorum ad Herēnium, atque de illis Euripidianis expressus est.

Οὐ γὰρ ἀνδρῶν ποιν' ἐμὴ
Μυδία πύργος γῆς ἐπ' αὐτῷ
ἔρωτι θυμὸν ἐκπλαγῆς ἰατρονός.
Meminit & Cicero in Cæliana.

In Caput XIII.

Atrocissimum inter Cretenſes) Hoc bellum Minos rex Cretenſium contra Athenienſes mouit propter androgei interitum, de quo & Minotauro Diodor libr. 4. Plutarchus in Theseo, Pausanias lib. 1. Iisdem diebus Lapithæ) De Lapithis & Cen-

tauris prater Palaphatum, quem Orofius laudat, est legendus Diod. lib. 4.

In Caput XIII.

Vefores rex Aegypti.) Libri veteres partim Vefozes, partim Vefoges habent. In Iustini libris impressis est Vexores, in nostro manuscripto, Vizores: ut fortasse Vezores rectum sit. Quidam putant hunc esse eum, quem Herodot. lib. 2. σέσω-
σεν nominat, & Scythas domuisse scribit. Tu lege Iu-
stinum lib. 2.

In Caput XV.

Plynos & Scolopythus.) Posterius nomen variè hic & apud Iustin. à quo hæc desumpta sunt, scriptum inuenitur. Nam & Scolpithus, & Scolopitus, & Scolopesus, & Scolopetius in diuer-
sis libris legitur. In Cappadociæ Ponticæ ora.) In Iustini libris est, In Cappadociæ ora. De Themiscyra prater alios Diodor. libr. 2. & Stephanus, θεμισκυρα πόλις, ἥ ἐστιν ἀντίον θερμώδοντος: καὶ οἱ οἰκοῦντες τὴν χώραν θεμισχύριοι. Viros qui super-
fuerant.) Superfuerant, non, supererant, est in vetustis. Ephorus, lib. 9. ut est in Scholijs Argonauticorum Apollonij, scripsit Amazonas contumelijs affectas à viris, cum illi ad bellum quod-
dam extra fines profecti essent, eos qui domi re-
manserant interfecisse, ceterosq; redeuntes non recepisse. In Iustis inf. dexterioribus mamillis.) Sic Diodorus libr. 2. scribit, Amazonas τῶν δε-
λυντῶν τὸν δεξιὸν μαζὸν ἐπιχαίειν, ἵνα μὴ χατὰ
τὰς

τὰς μάχας τῷ σωματὶ ἐπαρόμεινος ἐνοχλῇ.
 ἀφ' ἧς αἰτίας συμβῆναι τὸ ἔθνος τῷ ἀμαζόνων
 ταύτης τυχεῖν τῆς προσηγορίας. Hoc est, virgini-
 bus dextram mammam inurere, ne in praelijs tu-
 more suo corporis agilitatem impediatur. eaq̃ de
 causa factum, ut Amazonum gens hoc nomen inue-
 nerit. Marpesia & Lampeto.) Ita sine vlla va-
 rietate in nostris manuscriptis libris Orosij & Iu-
 stini harum reginarum nomina descripta legun-
 tur, non ut in vulgatis, Marthesia & Lampe-
 do. Ipsæ Ephesum, aliasque vrbes.) Ab A-
 mazonibus, auctore Strabone lib. 11. conditas & co-
 gnominatas ferant, Ephesum, Smyrnam, Myrrhi-
 nam & Paphen. Meminit Eustathius quoque in Dio-
 nysium. Huius locum capessit Orithyia.) Sic
 Iustinus scribit in locum Marpesia filiam eius Ori-
 thyiam regno successisse. Hic tamen in vetustis li-
 bris est, Huius locum Sinope filia capessit. Ut
 Hercules quoque cum iussus, &c.) Herculis
 dominus fuit Eurystheus, qui illi duodecim labores
 exantlandos præscripsit. Hunc autem laborem
 Diodorus libr. 4. exponens ait, ἡρακλῆς δὲ λαβὼν
 πρόσαγμα τὸν ἱππολύτης τῆς ἀμαζόνος ἐνεγκεῖν
 ζωστῆρα, τὴν ὑπὲρ τὰς ἀμαζόνας στρατείαν ἐποι-
 ῆσατο. Id est, Cum Herculi mandatum esset, ut
 Hippolyte Amazonis cingulum afferret, expedi-
 tionem contra Amazonas suscepit. Itaque Orosius
 per arma intelligit, ἱππολύτης ζωστῆρα πανάρο-
 λον, ut Apollonius libr. 2. Argo. vocat. Lege etiam
 doctissimum Commentarium Isacij Tzetza in Ly-
 cophronis Cassandram. Duæ sorores Antiopæ.)

Diodorus scribit, Herculem è captiuis Antiopam Theseo donasse, Menalippam accepto baltheo liberaſſe. Apollonius Rhodius canit, Hippolytam Herculi baltheum donasse, vt Menalippam per insidias captam liberaret. Tzetzes mauult, Antiopam fuisse, ex qua Theseus Hippolytum suscepit, quàm Hippolytam, vt Lycophoron scripsit. ἀλλὰ θαυμαστὸν οὐκ ἔστιν ὕδαί πρᾶγμασιν οὕτω παλαιοῖς πλανᾶσαι τὴν ἱστορίαν, ait Plutarchus in Theseo de hoc ipso agens: quem lege. Post Orithyiam Penthesilea.) Penthesilea Amazonum regina post Hectoris cadem Troianis auxilio venit, magnòq; numero Græcorum occiso. tandem ipsa fortiter pugnans ab Achille interfecta fuit, Diodorus lib. 2 Dictys Cretensis lib. 4.

In Caput XVI.

Getæ, qui & nunc Gothi.) Sic Hieronymus in Genesin, Gothos ab eruditioribus antiquis Getas nominatos esse testatur. Getas autem trans Aemum apud Danubium sedes habuisse auctor est Diodorus libro. 51. & in Domitiano Xiphilinus ex eodem. Idem Diodorus librum de rebus Gothorum γερικὸν inscripserat, vt ex Suida cognoscitur. Claudianus etiam passim Getarum nomine Gothos intelligit. Sed græci rerum ecclesiasticarum scriptores illos γότθους vocant. Quos Alexander euitandos.) Strabo lib. 7. scribit, Alexandrum in ea expeditione, quàm aduersus Thracas trans Aemum incolentes suscepit, ad Getas penetrasse, eorumq; ciuitatem in suam potestatem redeſſe.

In Caput XVII.

CCCCXXX.anno.) Ita scripsimus ex auctoritate librorum manusccriptorum, cum vulgo legatur. CCCCXXX. & amplius anno. De hoc numero plura dicemus libro sequente, cap. 4. Concurfus mille nauium.) Rotundus numerus classis Græcorum, vt apud Virg. 2. Aeneid. & apud Ouid. 13. Metam. mille carinae. Apud Euripidem in Oreste Chorus Menelaum sic affatur. Ω χιλίοναυ στρατὸρ μέσας
 Εἰς γῆν Ἀσίαν, χαίρει'. vbi in Scholijs notatur, ἀπὸ
 τισμὲν ἐχρήσατο ἀριθμῶ. τοσαῦται γὰρ ἦσαν αἱ
 νῆες τῆς ἐλλύνων, χίλια πρὸς ταῖς ρε. Ergo ille voluit, naues fuisse, MCLV.

In Caput XVIII.

Aeneæ ex Troia profugi. Quod Orosius sua memoria ludi literarij disciplina insitum de Aenea scribit, id hodie quoque ex Virgilio in Scholis pueri cognoscunt. Codro moriente.) Nota historia est ex Eusebij Chronico, Iustini lib. 2. Velleij. 1. à quibus nonnihil discrepat Valerius Max lib. 5. cap. 7. Elegantissimè rem persecutus est Lycurgus in Leocratē Pausanias lib. 1. scribit, Codrum non longe ab Ilisso à Peloponnesibus interfectum.

In Caput XIX.

Sardanapalus.) De Sardanapalo Iustinus lib. 1. Diodorus lib. 2. copiosè & Velleius Paterculus lib. 1. A præfecto suo Arbato.) Vulgo hic Arbasto & Arbæto, sicut libro seq. cap. 2. Arbastus & Arbæ-

Etus legitur. sed quod scripsimus, id est in libris manuscriptis utroq³ loco. Post hæc Medis Phraortes. Orosius hic secutus nescio quem, dissentit ab Herodoto & Eusebio, qui Phraortem Deioclis, siue Deiocis filium faciunt, ei³ in regno Medorum successisse tradunt. Apud Metasthenem & Diodorum sunt alia nomina horum regum. Post hunc Diocles.) Diocles est etiã in manuscriptis. In Eusebij Chronico Deiocles legitur. ab Herodoto δειόκλης nominatur. Astyages virili prole vacuus.) Hæc historia scribitur ab Herodoto li. 1. & Iust. item lib. 1. Per proditiōē tradit.) Legitur & tradidit, ut est apud Iustinum: in cuius libris impressis mendosè, deditiōem, legitur, cum in antiquis rectè sit, proditiōem.

In Caput XX.

Nam Perillus.) Hic Perillus æris opifex Plutarcho in Par. est, περίλλος τῇ τέξει χαλκοργγός. quæ Luc. in Phalar. 1. περίλαον nominat. De eodem Plin. libr 34. cap. 8. Aremulus.) Fuit hic xij. rex Latinorum: qui in Liuij lib. dicitur, Romulus Silvius. Dio. ἀλλαδην nominat, de³ illius impietate plura scribit.

Caput
XXI.

Propter spretas.) Apud Iusti. lib. 3. vnde hæc descripta sunt, legitur, propter stupratas virgines. Paus. lib. 4. scribit in ipso bello Caryatidas virgines Diana choros agitantes à Messenijs raptas fuisse, quas iuuentus quidem vino calefacta stuprare voluit, sed Aristomenes dux integras suis reddidit. Tyrtæi carm.) Hoc carmen alternis versibus longiusculis cōpositū fuit, q³ ut armatis militib. Spartanis ad regis taber-

*tabernaculū cōuocatis recitaretur lege sancitū fuit
vt ait. Lyc. κατὰ λέω κρατὺς vbi carmē illud extat.*

PAULI OROSII
LIBER II.

De regnorum mutatione dei prouidentia facta.

CAPVT I.

NEminem iam esse hominū arbitror,
quem latere possit, quod hominem
in hoc mundo deus fecerit: vnde etiā pec-
cante homine mundus arguitur, ac pro-
pter nostrā intemperantiā comprimendā
terra hæc, in qua viuimus, defectu cæte-
rorū animalīū, & sterilitate suorū fructu-
um castigatur. Itaq; si creatura dei, meri-
to & dispensatio dei sumus, quis enim ma-
gis diligit, q̄ ille qui fecit? Quis aut ordi-
natus regit, q̄ is qui & fecit & diligit?
Quis vero sapientius & fortius ordinare
& regere facta potest, q̄ qui & faciēda p-
uidit, & prouisa perfecit? Quapropter o-
mnē potestātē à deo esse, omnemq; ordina-
tionē, & q̄ nō legerunt sentiūt, & qui lege-
rūt cognoscunt. Quod si potestates à deo
sunt, quāto magis regna, à quibus reliquę
potestates progrediūtur? Si aut regna di-
uersa, quāto eq̄us regnū aliquod maximū
cui

cui reliquorum regnorum potestas vniuersa subijctum: quale à principio Babylonium, & deinde Macedonicum, fuit, post etiam Africanum, atque in fine Romanum, quod vsque ad nunc manet: eademq; ineffabili ordinatione per quatuor mundi cardines, quatuor regnorum principatus, distinctis gradibus eminentes: vt Babylonium regnum ab oriente, à meridie Carthaginense, à septentrione Macedonicum, ab occidente Romanum: quorum inter primum & nouissimum, id est, inter Babylonicum & Romanum, quasi inter patrem senem ac filium paruum, Africanum & Macedonicum breuia & media, quasi tutor curatorque venerunt, potestate temporis, non iure hæreditatis, admissa. Quod vtrum ita sit, apertissimè expeditur curabo.

Supradictorum quasi epilogus, diuersorumq; regnorum ac temporum collatio, deq; vicissitudine regnorum.

CAPVT II.

Rex primus apud Assyrios, qui eminere cæteris potuit, Ninus fuit. Occiso Nino, Semiramis vxor eius, totius Asiæ regina, Babyloniam urbem instaurauit, caputque regni Assyrij vt esset instituit.

tuit. Regnum Assyriorum diu inconculsa potentia stetit. sed cum Arbatus, quem alij Arbacem vocant, præfectus Medorum, idemque natione Medus, Sardana-palum regem suum apud Babyloniam interfecisset, regni nomen & summam ad Medos transtulit. ita Nini & Babylonis regnum eo anno in Medos deriuatū est, quo anno apud Latinos Procas Aemulij & Numitoris pater, auus autē Rheæ Siluiæ, quæ mater Romuli fuit, regnare cœpit. Vt autē omnia hæc ineffabilibus mysterijs & profundissimis dei iudicijs disposita, nō autem humanis viribus, aut incertis casibus accidisse perdoceam, omnes historiæ Romanæ à Proca exoriuntur. Deinde à primo anno imperij Nini vsque quo Babylon à Semiramide instaurari cœpta est, interueniunt anni LXIII. Et à primo anno Procæ, cum regnare cœpit vsque ad conditionem vrbis, factam à Romulo, intersunt anni æque LXIII. Ita regnante Proca futuræ Romæ sementis iacta est, etsi nondum germen appareret. Eodem anno regni ipsius Procæ, Babylonis regnum defecit, etsi adhuc Babylon ipsa consistit. *Discedente autem Arbato in Medos, partem regni penes se retinere

Descen-
dente.

re

cardine.

re Chaldæi, qui Babyloniã sibi aduersum Medos vindicauerūt. Ita Babyloniæ potestas apud Medos proprietas apud Chaldæos fuit. Chaldæi aut propter antiquã regię vrbis dignitatem, non illã suam, sed se illius vocare maluerunt: vnde factũ est, vt Nabuchodonosor, cæteriꝑ; post eum vsque ad Cyrum reges, quãuis Chaldæorum viribus potentes & Babyloniæ nomine clari legantur, in numero tamen & * ordine regũ non habentur illustrium. Babylon itaq; eo anno sub Arbato præfecto dehonoreta, quo Roma sub Proca rege (vt propriè dixerim) seminata est. Babylon nouissimè eo tẽpore à Cyro rege subuersa, quo primũ Roma à Tarquiniorum regũ dominatione liberata est. Siquidem sub vna eademq; conuenientia temporũ illa cecidit, ista surrexit: illa tunc primum alienigenarũ perpeffa dominatum, hæc tunc primũ etiam suorum aspernata fastidium: illa tunc quasi moriens, dimisit hæreditatem: hæc vero pubescens, tunc se agnouit hæredem: tunc orientis occidit imperium, & ortum est occidentis. Et ne diutius verbis morer, committo me dentibus insanientium, sed veritatis præsidio liberandum.

Simi-

*Simile penè initium, conditio & status regni
Babylonij & Romani, sed exitus diuersus.*

CAPVT III.

REgnauit Ninus annis LII. Cui successit (vt dixi) vxor sua Semiramis: quæ cum & ipsa quadraginta & duobus annis regnauerit, medio imperij sui tempore Babyloniam caput regni condidit. Ita Babylon post annos M. CLX. & prope modum quatuor, quàm condita erat, à Medis, & Arbato rege eorum, præfecto autem suo, spoliata opibus & regno, atque ipso rege priuata est: ipsa tamen postea aliquandiu mansit incolumis. Similiter & Roma post annos totidem, hoc est, M. C. LX. & ferè quatuor, à Gothis & Alarico rege eorum, comite autem suo, irrupta & opibus spoliata, non regno, manet adhuc, & regnat incolumis: quamuis in tantum arcanis statutis inter vtranque urbem conuenientiæ totius ordo seruatus sit, vt & ibi præfectus eius Arbatus regnum inuaserit, & hic huius præfectus Attalus regnare tentauerit: tamen si apud hanc solam merito Christiani imperatoris attentatio profana vacuata sit: Itaque hæc ob hoc præcipue cômemoranda credidi, vt tanto arcano ineffabili iudi-

iudiciorum dei ex parte patefacto, intelligant hi, qui insipienter utique de temporibus Christianis murmurant, vnum deum disposuisse tempora, & in principio Babylonij, & in fine Romanis, illius clementiæ esse, quod viuimus: quòd autem miserè viuimus, intemperantiæ nostræ. Ecce similis Babylonix ortus & Romæ, similis potentia, similis magnitudo, similia tempora, similia bona, similia mala,
* tamen. * tametsi non similis exitus, simili sue defectus. Illa enim regnum amisit, hæc retinet: illa interfectione regis orbata, hæc incolumi imperatore secura est. Et hoc quare? Quoniam ibi in rege libidinum turpitudine punita, hic Christianæ religionis continentissima æquitas in rege seruata est: ibi absque religionis reuerentia, auiditatem voluptatis licentia furoris impleuit: hic & Christiani fuere qui parcerent, & Christiani quibus parcerent, & Christiani propter quorum memoriam, & in quorum memoria parceretur. Quapropter desinant religionem lacerare, & laceßere patientiam Dei: propter quam habent uti & hoc quoque impunitum habeant, si aliquando desistant. Recolant sanè mecum maiorum suorum tempora bellis inquietissima,

tissima, sceleribus execrabilia, dissensionibus foeda miseris continuatissima, quæ & merito possunt horrere, quia fuere, & necessario debent rogare ne sint: eum sane rogare solum Deum, qui & tunc occulta iustitiam permisit ut fierent, & nunc aperta misericordia præstat, ut non sint: quæ modo à me plenius, ab ipso urbis exordio reuolutis per ordinem historiis, proferentur.

De Roma condita, & tempore quo regum imperio paruit.

CAPVT IIII.

ANno post euerfionem Troie CCCC
XIIII. Olympiade autem VI. quæ
V. demum anno, quatuor in medio exple-
tis, apud Elidem Græciæ ciuitatem, ago-
ne & ludis exerceri solet, urbs Roma in
Italia à Romulo & Remo geminis aucto-
ribus condita est. Cuius regnum continuo
Romulus parricidio imbuat: parique suc-
cessu crudelitatis sine more raptas Sabinas
improbis nuptiis confederatas, maritorum & parentum cruore dotauit. Ita-
que Romulus interfecto primùm auo Numitore, dehinc Remo fratre, arripuit imperium, urbemque constituit: regnum aui, muros fratris templum soceri sanguine
F dedi-

dedicauit: sceleratorum manum promissa
impunitate collegit. Primus illi cāpus ad
bellum, forum vrbis fuit, mira simul ex-
terna ciuiliaque bella nunquam defutura
significans. Sabinorum, quos sceleris lu-
disque pellexerat, scēminas tā inhonestē
presumpsit, quā nefariē defendit. Ducen-
eorum Titum Tatium senem, honestis pi-
etatis causis insistētem, diu armis propul-
satum, mox vt in societatem regni assump-
sit, occidit. Cum Veientibus praeliū ad-
huc paruo nomine magnis viribus agita-
tū est. Cæninensium captum ac dirutum
oppidum. Assumptis semel armis, nun-
quam quies fuit: quippe quibus egestas
turpis, atque obscœna fames domi time-
retur, si vnquā paci acquieuisent. Iā hinc
incessabilia certamina, & iuxta quantita-
tem virium semper grauiā, quā breuissi-
mē strinxerim. Tullum Hostilium mili-
taris rei institutorem, fiducia benē exer-
citæ iuuentutis Albanis intulisse bellum:
& diu altrinsecus spe incerta, certa clade,
tandem pessimos exitus & dubios euen-
tus compendiosa Tergeminorum cōgres-
sione finisse. Rursus pace dirupta, Met-
tum Fufetium Fidenate bello, meditata
etiam proditione suspectum, curribus in
diuersa

diuerſa raptantibus, duplicis animi no-
xam pœna diuiſi corporis expendiſſe. La-
tinos Anco Marcio duce læpe congreſ-
ſos, aliquando ſuperatos. Tarquini-
um Prilcum omnes finitimos & potentes tūc
XII. Tuſciæ populos innumeris concidiſſe
conſiſtētib. Veientes Ser. Tullio inſiſtēte, viſtos fuiſſe, nec domitos. Tar-
quiniꝝ Superbi regnum, occiſi ſoceri ſce-
lere aſſumptum, habitā in ciues crudeli-
tate detentum, flagitio adulteratæ Lucre-
tiæ amiſſum, & * intus domeſtica vitia, * inter.
virtutēſque forinſecus emicantes, id eſt,
oppida valida in Latio per eū capta, Ar-
deam, Ocriculum, Sueſſam Pometiam, &
quicquid in Gabios vel fraude propria,
vel pœna filij, vel Romanis viribus per-
petrauit. Sed Romani quanta mala per
CCXL. & III. annos continua illa regum
dominatione pertulerint, non ſolum vni-
us regis expulſio, verum etiam abiuratio
* regij nominis & poteſtatis oſtendit. * ciuratio;
Nam ſi vnius tantum ſuperbia fuiſſet
in culpa, ipſum ſolum oportuiſſet expel-
li, ſeruata regia dignitate melioribus. Igi-
tur regibus vrbe propulſis, Romani
conſulendum ſibi quā cuiquam ſuæ li-
bertati dominandum rati, conſules crea-
uerunt:

uerunt: quibus veluti adulta reipublicæ
crescentis ætas, robustioribus ausis exer-
cebatur.

*Bruti primi COS. facinora. Tarquinienſium & Sa-
binorum bellum. Diſceſſio plebis. Fames & pe-
ſtilentia ingens Romæ. Veientum &
Etruſcorum bellum, quo fami-
lia illa Fabiorum in-
terijt.*

CAPVT V.

ANno poſt urbem coditam CCLX
IIII. Brutus primus apud Roma-
nos conſul, primum conditorem regem-
que Romæ non ſolum exequare parrici-
dio, ſed & vincere ſtudit, quippe duos
filios ſuos adoleſcentes, totidemque vxor-
is ſuæ fratres Vitellios iuuenes, reuocan-
dorum in urbem regum placito inſimula-
tos, in concionem protraxit, virgis ceci-
dit, ſecurique percuſſit. Ipſe deinde Ve-
ientum Tarquinienſiumque bello cum A-
runte Superbi filio, cōgreſſo ſibi cōmor-
tuoque, procubuit. Poſena rex Etruſco-
rum, grauiffimus regij nominis ſuffraga-
tor, Tarquinium manu ingerens, tribus
continuis annis trepidam urbem terru-
it, concluſit, obſedit: & niſi hoſtem vel
Mucius conſtanti vrendæ manus patien-
tia

tia, vel virgo Cloëlia admirabili trāsmeati fluminis audacia permouissent, profecto Romani compulsi fuissent perpeti aut captiuitatem, hoste insistente superati: aut seruitutem, recepto rege subiecti. Post hæc Sabini corrasis vndique copijs, magno apparatu belli, Romam contendunt: quo metu consternati Romani dictatorem creant, cuius auctoritas & potentia consulem præiret: quæ res illo tunc bello plurimum emolumenti tulit. Sequitur discessio plebis à patribus. Cum M. Valerio dictatore delectum militum agente, varijs populus stimulatus iniurijs, Sacrum montem insedit armatus: qua perniciæ quid atrocius, cum corpus à capite defectum, perditionem eius per quod spirabat, meditaretur? actumque de Romano nomine intestina perniciæ foret, nisi maturata reconciliatio subrepisset prius, quàm se discessio ipsa cognosceret. Vrget se atque imminet sibi extra illas apertas bellorum clades successu misero clandestina perniciæ: quippe T. Gegano & P. Minucio consulibus, duo vel maxima omnium malorum abominamenta, fames & pestilentia fessam urbem corripuere. Cessatum est paulisper à prælijs, cessatum tamen à mortibus

bus non est. Veientes & Etrusci graues hostes, adiunctis sibi finitimorum copijs, in bella surgêtes, obuijs M. Fabio, & Gn. Manlio consulibus excipiuntur: vbi post sacramentum iurationis, quo se Romani deuouerant, non nisi post victoriam ad castra redituros, adeo atrox certamen fuit, & victis victoribusque par forma, vt amisso plurimo exercitu, occisisque in pugna Manlio consule & Fabio consulari, M. Fabius consul oblatum sibi à senatu triumphum suscipere recusaret, quia tantis reipublicæ detrimentis luctus potius debebatur. Gloriosissima illa numero & viribus Fabiorum familia Veientum sortita certamen, quantam reipublicæ orbitatem occasu suo intulerit, infamibus vsque ad nunc vocabulis testes sunt fluuius qui perdidit, & porta quæ emisit. Nam cum sex & CCC. Fabij verè clarissima Romani status lumina, speciale sibi aduersus Veientes decerni bellum expetiuisent, spem temerè sumptæ expeditionis primis successibus firmauerunt: dehinc inducti in insidias, circumuentique ab hostibus, omnes ibidem trucidati sunt: vno tantum ad enuncian-
dā cladem reſeruato, vt miserius audiret
patriæ

patria perditos, quàm perdidisset. Adhęc non Romæ tantum talia gerebantur, sed quæque prouincia suis ignibus æstuabat: & quod poëta præcipuus in vna vrbe descripsit, ego de toto orbe dixerim: Cru-
delis vbique Luctus, vbique pavor, & plu-
rima mortis imago.

*Cyrus rex Persarum totum orientem popula-
tur, Babylonem urbem munitissimam
capit, Cræsum vincit.*

CAPVT VI.

Igitur eodem tempore Cyrus rex Per-
sarum, quem superius explicadæ histo-
riæ causa commemoraueram, qui tunc
Asiam, Scythiam, totumque orientem
armis peruagabatur, cum Tarquinius Su-
perbus urbem vel rex vel hostis aut ser-
uitio premebat aut bello, Cyrus (vt
dixi) cunctis, aduersum quos ierat, per-
domitis, Assyrios & Babyloniam petit,
gentem, urbemque tunc cunctis opulen-
torem: sed impetum eius Gyndes fluui-
us, secundæ post Euphratem magnitu-
dinis, interceptit. Nam cum vnum regio-
rum equitum candore formaque excel-
lentem transmeandi fiducia, persuasum,
quà per rapacem alueum offensi vado
vortices attollebantur, abreptū præcipi-

tatumque merisset, rex iratus vlcisci in
amnem statuit, contestans eum qui nunc
tam præclarum equitem vorauisset, femi-
nis vix genua tingentibus permeabilem
relinquendum. Nec peragendo segnior,
totis copijs perpeti anno Gynden fluui-
um per magnas concisum deductumque
fossas, in CCCCLX. alueos comminuit.
Eo opere prædoctis fossilibus, etiam Eu-
phratem longe validissimum, & mediam
Babyloniam interfluentem, deriuauit. Ac
sic meabilibus vadis siccum, etiam paten-
tibus aluei partibus iter fecit: cepitque vr-
bem, quam vel humano opere extrui po-
tuisse, vel humana virtute destrui posse,
vtrunque penè incredibile apud mortales
erat. Namque Babyloniam à Nemrod gi-
gante fundatam, à Nino vel Semirami-
de reparatam, multi prodidere. Hæc cam-
pi planitie vndique conspicua, natura lo-
ci latissima, castrorum facie mœnibus pa-
ribus per quadrum disposita, murorum
eius vix credibilis relatu firmitas & ma-
gnitudo, id est, latitudine cubitorum quin-
quaginta, altitudine quater tanta. Cæte-
rum ambitus eius, CCCC. LXXX. stadi-
is circumuenitur. Murus coctili latere at-
que interfuso bitumine compactus, fossa
extrin-

extrinsecus latè patens, vice amnis circū-
fluit. A fronte murorum, C. portæ æreæ.
Ipsa autem latitudo in consummatione
pinnarum vtroque latere habitaculis de-
fensorum æque dispositis, media interca-
pedine sui citas quadrigas capit. Domus
intrinsecus quatergeminæ, habitationis
minaci proceritate mirabiles. Et tamen
magna illa Babylon, illa prima post repa-
rationem humani generis condita, nunc
penè etiā minima mora victa, capta, sub-
uerſa est. Ibi tunc Crœsus rex Lydorum
famosus opibus, cum ad auxiliandum Ba-
bylonijs venisset, victus sollicitè in regnū
refugit. Cyrus autem postea quā Babyloniam
vt hostis inuasit, vt victore euertit,
vt rex disposuit, bellum transtulit in Ly-
diam: vbi contreritum superiore iam præ-
lio exercitum, nullo negotio superauit.
Ipsum etiam Crœsum cœpit, captumque
& vita & patrimonio donauit. Exaggera-
re hoc loco mutabilium rerum instabiles
status non opus est: quicquid enim est o-
pere & manufactum, labi & consumi ve-
tustate, Babylon capta confirmat: cuius
vt primum imperium ac potentissimum
extitit, ita & primū celsit, & veluti quo-
dam iure succedentis ætatis debita poste-

ris traderetur hæreditas, ipsis quoque eandem tradendi formulam seruaturis. Ita ad proxima aduentantis Cyri tentamenta succubuit magna Babylon, & ingens Lydia, amplissima orientis cū capite suo brachia, vnius prælij expeditione ceciderunt: & nostri incircūspecta anxietate cauantur, si potētissimæ illæ quondā Romanæ reipublicæ moles, nūc magis imbecillitate propriæ senectutis, quàm alienis concussæ viribus contremiscunt.

Cyrus Scythis bellum intulit, & à Tomyri regina victus & occisus est.

CAPVT VII.

IGitur idem Cyrus proximi temporis successu, Scythis bellum intulit: quem Tomyris regina, quæ tunc genti præerat, cum prohibere transitu Araxis fluminis posset, transire permisit. Primum propter fiduciam sui, dehinc propter opportunitatem ex obiectu fluminis hostis inclusi. Cyrus itaque Scythiam ingressus, procul à transmissio flumine castra metatus, insuper astu eadē instructa vino epulisque deseruit, quasi territus refugisset. Hoc comperto, regina tertiam partem copiarum & filiū adolescentulum ad persequendum Cyrum mittit. Barbari veluti ad

ti ad epulas inuiati, primum ebrietate vincuntur: mox reuertente Cyro, vniuersi cum adolescente obtruncantur. Tomyris exercitu ac filio amisso, vel matris vel reginæ dolorem sanguine hostium diluere * promptius, quàm suis lachrymis parat. * potius, Simulat diffidentiâ desperatione cladis illatæ, paulatimq; cedendo, superbum hostem in insidias vocat. Ibi quippe compositis inter montes insidijs, CC.M. Persarū cum ipso rege deleuit: adiecta super omnia illius rei admiratione, quod ne nūtiū quidem tantæ cladis superfuit. Regina caput Cyri amputari, atque in utrū humano sanguine oppletum conijci iubet, non muliebriter increpitans: Satiāte, inquit, sanguine quem sitisti, cuius per annos triginta insatiabilis perseueraſti.

Darius rex Persarum Scythas infestans, fugatur. Asiam, Macedoniam, & Ionas vincit.

Athenienses cū vita sua multorumq; discrimine aggreditur.

CAPVT VIII.

ANno ab vrbe condita CCXLV. Darius Cyro apud Scythas interfecto, post aliquantum interuallum forte regnum adeptus est. Regnavit enim medius eorum Cambyſes Cyri filius: qui

qui deuicta Aegypto, cunctam Aegypti religionem abominatus, ceremonias eius & templa deposuit. Post hunc etiam Magi sub nomine quem occiderant regis, regno obrepere ausi: qui quidem mox deprehensi & oppressi sunt. Darius itaque vnus ex his, qui Magorum audaciam ferro coërcuerant, consensu omnium rex creatus est, qui postquam Assyrios ac Babyloniam à Persarum regno deficientem, bello recuperauit,* Attyro regi Scytharum hac vel maximè causa bellum intulit, quòd filiae eius petitas sibi nuptias nō obtinuisset. Magna scilicet necessitas, pro vnus libidine hominis DCCM. virorum periculo mortis exponi. Incredibili quippe apparatu cum DCC. M. armatorum Scythiam ingressus, non facientibus hostibus iustæ pugnae potestatem, insuper repentinis incurfibus extrema copiarum dilacerantibus, metuēs ne sibi reditus interrupto ponte Istrī fluminis negaretur, amissis LXXX. M. bellatorum, trepidus refugit, quamuis hunc amissorum numerum inter damna non duxerit: & quem habendum vix quisquam ambire ausus esset, perditum ille non sensit. Inde Asiam Macedoniamque aggressus, perdomuit.

Ionas

Antyro.

Ionas quoque nauali congressione superavit. Deinde in Athenienses, quod Ionas aduersum se auxilio iuissent, impetum fecit, atque arma direxit. Porro Athenienses ubi aduentare Darium compererunt, quamuis auxilium à Lacedæmonijs poposcissent, tamen cum detineri quadriduam religionis otio compertū haberent, spem occasione sumentes, instructis tantum XM armatorum ciuium, & Plataënsibus auxiliaribus M. aduersum DC. millia hostium campis Marathonij proruperunt. Miltiades ei tunc bello præfuit, qui celeritate magis quàm virtute fretus, alacris satis expeditione prius hosti comminus inhæsit, quàm posset, expedito sagittarū iactu propulsari. Tanta in eo bello diuersitas certandi fuit, vt ex alia parte viri ad occidendum parati, ex alia pecudes ad moriendū præparatæ putarentur. CCM. Persarum apud campos Marathonios ea tempestate ceciderunt. Sensit Darius hoc damnum: nam victus fugatusque arreptis nauibus, refugit in Persas. Cum autem instauraret bellum, & vlcisci in victores moliretur, in ipso apparatu concidit, olympiade septuagesima quarta, hoc est, post urbem conditam anno CCLXXV. quo

quò tempore Romæ Popillia, virgō ob crimen stupri viua defossa est.

*Xerxes rex Persarum cum numerosiss. exercitu
à Spartanis paucis duce Leonide, ingentem cla-
dem accipit, astuq; vincitur.*

CAPVT IX.

Xerxes Dario patri in regnum succedens, bellum aduersus Græciam à patre susceptum, per quinquennium instruxit: quod Demaratus Lacedæmonius, qui tunc fortè apud Xerxem exulabat, per tabellas primū scriptas, deinde ceras, suis perdidit. Igitur Xerxes DCCM. armatorum de regno, & CCCM. de auxilijs, rostratas etiam naues MCC. onerarias autem tria M. numero habuisse narratur: vt merito inopinato exercitui immensæque classi vix ad potum flumina, vix terras ad ingressum, vix maria ad cursum suffecisse memoratum sit. Huic tam incredibili temporibus nostris agmini, cuius numerum nūc difficilius est astrui, quàm tunc fuit vinci, Leonidas rex Spartanorum cum IIII. M. hominum in angustijs Thermopilarum obstitit. Xerxes autem contemptu paucitatis obiectæ, iniri pugnam, consèri manum imperat. Porro illi, quorum cognati & commanipulares

lares in campis Marathonijs occubuerāt,
& certaminis simul & cladis extitēre
principium. Deinde succedens sibi turba
maior ac segnior, cum iam neque ad pro-
currendum libera, neque ad pugnandum
expedita, neque ad fugiendum prom-
pta, solis mortibus subrigeretur, triduo
continuo non duorum pugna, sed cædes
vnius populi fuit. Quarto autem die cum
videret Leonidas vndique hostem cir-
cunfundi, hortatur auxiliares socios, vt
subtrahentes se pugnae, in cacumen mon-
tis euadant, ac se ad meliora tempora re-
feruent: sibi vero cum Spartanis suis ali-
am sortem esse subeundam: plus se pa-
triæ debere quàm vitæ. Dimissis socijs,
Spartanos admonet de gloria plurimum,
de vita nihil sperandum: neque expectan-
dum, vel hostem vel diem, sed occasione
noctis perumpenda castra, commiscen-
da arma, conturbanda agmina fore. Nus-
quam victores honestius, quàm in castris
hostium perituros. Persuasi igitur mori
malle, in ultionem futuræ mortis ar-
mantur, tanquam ipsi interitum suum &
exigerent & vindicarent. Mirum dictu!
sexcenti viri castra sexcentorum M. ir-
rumpunt. Tumultus totis castris oritur.
Persæ

Persæ quoque ipsi Spartanos adiuuāt mutuis cædibus suis. Spartani quærentes regem, nec inuenientes, cædunt sternuntq; omnia castra peruagantur vniuersa, & inter densas strues corporū raros homines vix sequuntur. Victores sine dubio, nisi mori elegissent. Prælium à principio noctis in maiorem partem diei tractum: ad postremum vincendo fatigati, vbi quisq; eorum, deficientibus membris visus est sibi mortis suæ ultione satiatus, ibi inter impedimenta cadauerum, campumque crasso & semigelato sanguine palpitantem, lassus, lapsus & mortuus est.

Xerxem Themistocles dux Atheniensium bello excepit. Dein, cum Iones ab eo alienasset, fugat.

CAPVT X.

XErxes bis victus in terra, nauale prælium parat. Sed Themistocles dux Atheniensium, cum intellexisset Iones (quibus dum auxiliū superiori bello præbet, in se Persarum impetum verterat) in auxilium Xerxis instructam classem deducere, sollicitare eos parti suæ, hostiq; subtrahere statuit. Et quia colloquendi facultas negabatur, locis quibus Iones accessuri nauibus videbātur, proponi symbolos, faxil-

saxiſque affligi iubet, ſocios quondam & participes periculorum, nunc autem iniuſtè * agentes apta increpatione corripiens, atque ad antiquorum iura fœderum religioſa adhortatione perſuadens: præcipueque admonens, vti commiſſo prælio cedentium vice inhiſcant remos, ſeleque bello auferant. Igitur rex partem nauium ſibi detinens, ſpectator pugnae in littore manet. Contra autem * Artemi- Artemiſis?
dora regina Alicarnaffi, quæ in auxilium Xerxi venerat, inter duces primos acerrimè bello immiſcetur, ita vt verſa vice in viro fœminea cautela, in fœmina virilis audacia ſpectaretur. Cum autem anceps pugna eſſet, Iones iuxta præceptum Themistoclis, paulatim ſe certamini ſubtrahere cœperūt: quorum defeſtio Perſas iam fugam circunſpiciētes, apertè fugere perſuaſit. In qua trepidatione multæ naues captæ merſæque ſunt: plures tamen ſeuitiam regis, velut immanitatem hoſtis timētes, domos dilabuntur. Anxium tot malis regem Mardonius aggreditur, ſuadens regem in regnum redire oportere, prius quàm auerſa ſama nouas res domi moliretur. Se autem, ſi reſiduæ ſibi copiae traderentur, & ultionem ab hoſte exactu-

rum, & ignominiam domesticam propul-
saturum: aut si aduersa belli perseueras-
sent, cessurum, se quidem hosti, sed tamen
sine regis infamia. Probato consilio, ex-
ercitus Mardonio traditur. Rex Abydū,
vbipōtem veluti victor maris conserue-
rat, cum paucis proficiscitur. Sed cum
pontem hibernis tempestatibus dissolu-
tum offendisset, piscatoria scapha trepi-
dus transijt. Erat sane quod spectare hu-
manum genus & dolore debuerat, muta-
tiones rerum hac vel maximè varietate
permetiens, exiguo contentum latēre
nauigio, sub quo ipsum pelagus antè la-
tuisset, & iugum captiuitatis suæ iuncto
portasset, vilissimo vnus seruuli egere
ministerio: cuius potentia, dum montes
exciduntur, valles replentur, amnes ex-
hauriuntur, ipsa etiam rerum natura ces-
sisset. Pedestres quoque copiae, quæ duci-
bus commissæ fuerant, labore, fame, ac
metu ita distabuerunt, & crudescente
morbo, tanta pestis, tantaque fœditas
morientium exorta est, vt viæ cadaueri-
bus replerentur: diræ etiam alites atque
improbæ bestiae, escarum illecebris soli-
citæ, moribundum sequerentur exer-
citus.)

Mardo-

*Mardonius Xerxis praefectus, dum reliqua
belli exequitur, copijs amissis, aufugit.*

*Xerxes dum à suis vt infortuna-
tus contemnitur, occi-
ditur.*

CAPVT XI.

AT vero Mardonius, cui reliqua bel-
li Xerxes commiserat, afflatus pri-
mum successu breui, mox in extrema de-
iectus est. Olynthum siquidem Græciæ
oppidū expugnauit. Athenienses varia so-
licitatione adducere in spem pacis ag-
gressus, vbi inexpugnabilē eorum liber-
tatem videt, incensa vrbis parte, in Bœo-
tiam omnem belli apparatus deducit. Il-
luc quoque eum centum millia Græco-
rum infecuta sunt, & commisso sine mo-
ra prælio, Mardonium, deletis copijs
ipsius, velut è naufragio nudum, cū pau-
cis fugere cōpulerunt: castra regijs opi-
bus referta cœperunt, non paruo qui-
dem antiquę industrię damno. Nam post
istius prædæ diuisionem, aurum Persicū
prima græciæ virtutis corruptio fuit. Vr-
get igitur inceptus miseros extrema per-
ditio. Nam fortè eodē die quo in Bœo-
tia Mardonij copiæ deletæ sunt, pars
Persici exercitus in Asia sub monte My-

cale nauali prælio dimicabat. Ibi nouus repente rumor vtriusque classis & populi impleuit aures, Mardonij extinctas copias, Græcos extitisse victores. Mira diuini iudicij ordinatio, in Bœotia oriente sole bellum fuisse commissum, in Asia meridianis horis sub eadem die, tantis spatijs maris terræque interiacentibus, nunciatum: qui rumor ei vel maximè rei astipulatus est, quòd Persas audita clade sociorum, primū dolore, dehinc desperatione correptos, nec bello expeditos, nec fugæ habiles reddidit. Atque ita cōsternatos profligatosque, constantior factus hostis successu fœlicitatis, inuasit. Xerxes bello in Græcia infœliciter gesto, contemptibilis suis factus, per Artabanum præfectum suum in regia circumuentus occiditur. O tēpora desiderio & recordatione dignissima. O dies illos inoffensæ serenitatis, qui nobis veluti è tenebris respiciēdi proponuntur, quibus breuissimo interuallo de visceribus vnus regni decies nouies centena millia virorum, tribus proximis regibus, tria bella rapuerunt: vt taceam de infœlicissima tunc Græcia, quæ totū hunc de quo nunc hebescimus numerum, moriendo superauit. Leonidas ille clarissimus

simus Lacedæmoniorum in bello isto aduersus Xerxem, quod supremum ipsi atque hostibus fuit, cum sexcentis suis famosissima illa incitamenta dixisset: Prandete tanquam apud inferos cœnaturi, auxiliariis tamen, quos excedere bello iubebat, misericorditer suavit, ut se ad meliora tempora reseruarent. Ecce cum ille promisit futura meliora, isti asserunt meliora præterita, quid aliud colligi datur, utroque in suis detestante præsentia, nisi aut semper bona esse, sed ingrata, aut nunquam omnino futura meliora?

Roma graui pestilentia, bellis intermissis, diuexata. De bello exulum & fugitiuorum, item Aequorum & Volscorum.

CAPVT. XII.

AT Romæ, ut ad id tempus redeam unde digressus sum: (neque enim interuallo miseriarum ad alios transire cōpellor, sed sicut se quondam effervescentia ubique mala ipsis actibus colligarunt, ita etiam permixta referuntur: nobis quippe conferre inter se tempora orbis, non cuiusquam partis eius laboribus insultare propositum est) Romæ ergo post urbem conditam anno CCXC. suspenso ad mo-

dicum bello, grauis pestilentia, quæ semper ibi raras inducias aut factas intercepit, aut vt fieret coëgit, per vniuersam ciuitatem violenter incanduit, vt merito præcedente prodigio cœlū ardere visum sit, quando caput gentiū tanto morborū igne flagrauit. Nam eo anno Acbutium & Seruilium ambos consules pestilentia consumpsit, militares copias plurima ex parte confecit: multos nobiles, præcipueque plebem scæda tabe deleuit: quamuis etiam superiore quarto anno oborta lues, eundem populum depopulata sit. Proximo dehinc anno ciues exules, seruique fugitiui, duce Herdonio viro Sabino, inuasērunt, incenderuntque Capitolium. vbi fortissimè quidem, Valerio consule & imperatore, obstitere iuniores: sed adeo atrox & graue discrimen prælij fuit, vt ipse quoque consul Valerius ibi fuerit occisus, & indignam de seruis victoriam insuper etiā sua morte scædauit. Sequitur annus in quo cū victo exercitu consul obfessus est. Nam Minucium consulē congressum prælio Aequi Volscique superarunt: & fugientem, in Algidō fame ferroque cinxerunt: actumque infelicitè foret, ni Quinctius Cincinnatus, præcipuus ille

ille dictator, artatam obsidionē oppresso
 hoste soluisset: qui repertus ruri, ab ara-
 tro accersitus ad falces, sumpto honore,
 instructoque exercitu, mox victor effe-
 ctus, iugum bouum equis imposuit, victo-
 riamque quasi stiuam tenens, subiugatos
 hostes præ se primus egit.

*Fames & pestilentia Roma. Potestas cōsulum in de-
 cem viros trāsata, perniciofa reipublica. Cre-
 bri in Italia terremotus Fiden-
 tium bellum.*

CAPVT XIII.

ANno, qui proximus trecentesimo
 ab V.C. fuit, dum legati ad Atheni-
 enses propter Solonis leges deferendas
 missi expectantur, arma Romana fames
 pestilentiaq; compescuit. Ipso autem tre-
 centesimo anno, hoc est, olympiade * no- * 85.
 nagesima quinta, potestas consulum decē
 viris tradita, cōstituendarum legum At-
 ticarum gratia magnam perniciem reip.
 inuexit. nam primus ex decemuiris, ce-
 dentibus cæteris, solus Appius Claudius
 sibi continuauit imperium: statimq; alio-
 rū coniuratio subsecuta est, vt more con-
 tempto, quo insigne imperij penes vnum,
 potestas autem communis erat, omnes
 omnia proprijs libidinibus agitent.

* impera-
torijs.

Itaque inter cætera quæ insolentissimè
cuncti præsumebant, repente singulicū
duodenis fascibus cæterisque * imperij
insignibus processerunt: & nouo impro-
bæ ordinationis incepto ablegata reli-
gione cōsulum, emicuit agmen tyranno-
rum. duabustabulis legum ad decem pri-
ores additis, agentes insolentissimo fastu
plurima, die quo deponere magistratus
mos erat, cum ijsdem insignibus processe-
runt. Maxima etiam Appij Claudij libi-
do auxit inuidiam, qui vt Virginix virgi-
ni stuprum inferret, prius seruitutis cau-
sam intulit: quamobrem adactus Virgini-
us pater dolore libertatis, & pudore de-
decoris, protractam ad seruitutem filiam,
in conspectu populi pius parricida pro-
stravit: qua populus necessitatis atroci-
tate permotus, & periculo libertatis ad-
monitus, montem Auentinum occupauit
armatus. Nec tueri libertatem armis de-
stitit, nisi postquam se coniuratorum con-
spiratio ipsis quoque honoribus abdicauit.
Tertia & quinta post centesimam o-
lympiade, per totum ferè annum tam cre-
bri, tamque etiam graues in Italia terræ-
motus fuerunt, vt de innumeris quassati-
onibus ac ruinis villarū oppidorumque
alsi-

assiduis Roma nuntijs fatigaretur. Deinde ita iugis & torrida siccitas fuit, vt presentis tunc futuriq̃ue anni spem gignendisterræ fructibus abnegarit. Idemq̃ue temporibus, cum Fidenates hostes maximorum auxiliorum manu stipante, terribiles Romanis arcibus imminerent, Æmilius III. dictator, magnā mali molem ipsis Fidenis vix captis depulit, & sanauit: tanta in ipsis erat malorū animorumq̃ue contentio, vt vel domesticas clades superfusa forinsecus bella obliterarēt: vel post damna bellorum inducias relaxatas diuersæ pestes cœlo terraq̃ue excandescentes, incessabili infestatione corrumpere.

*De Sicilia imperio rebusq̃ in
ea gestis.*

CAPVT XIII.

Sicilia ab initio patria Cyclopum, & * * postea.
post eos semper nutrix tyrannorum fuit. Sæpe etiam captiua seruorum, quorum primi carnibus hominum, medij cruciatibus, postremi mortibus pascebantur: excepto eo, quod externis bellis aut præda habebatur, aut præmiū. Hæc vt quàm breuissimè absoluaui, requiem malorum, nisi nunc, nescit: imò vt euidentius diuersitates

fitates temporum declarentur, sicut antea vel intestinos vel externos tumultus perpeſſa eſt inter omnes ſola ſemper, ita nunc ex omnibus ſola nunquam. Nam etiam (vt ſileam de diuturnitate vel illius calamitatis, qua preſſa eſt, vel iſtius è contrario, qua fruitur, pacis) Aetna ipla, quæ tunc cum excidio vrbiũ atque agrorum crebris eruptionibus æſtuabat, nunc tantum innoxia ſpecie ad præteritorum fidem ſumat. Igitur vt præteritam interim de tyrannis, quorum mox qui fuit ultor, ſucceſſor effectus eſt, medio tempore, hoc eſt, anno ab vrbe condita CCCXXXV. cum Rhegini apud Siciliam diſcordia laborarent, ciuitasq; per diſſenſionem diuiſa in duas partes eſſet, pars vna veteranos ab Himera vrbe Siciliae in auxilium vocauit. Porrò illi pulſis ciuitate primum his, contra quos implorabantur, deinde mox cæſis etiam illis, quibus ad auxiliandum conuenerant, urbem cum coniugibus & liberis ſociorum occupauere, auſi facinus nulli tyranno cõparandum: quippe cũ Rheginis quiduis perpeti ſatius fuerit, quàm vt ultro inuitarent, quibus patriam, coniuges, liberos ac penates, ipſi extorres ad prædã relin-

relinquerent. At etiam Catanenses, cum Syracusanos graues infestosque paterentur, ab Atheniensibus auxilia poposcerunt. Sed Athenienses suo magis quam sociorum studio instructam classem, in Siciliam misere: cum & sibi propagare molirentur imperium, & Syracusanam classem nuper instructam Lacedæmonijs proficere viderentur. Et quoniā Athenienses qui missi erant, cæsis hostibus; prospera initia sumplerāt, maiores copias robustioremque exercitū cum Lachete & Charœade ducibus in Siciliam reduxerunt. Sed Catanenses belli tædio permoti, cum Syracusanis, foedus ineunt, auxilia Atheniensem spernunt. Post autē Syracusanis, conditiones pacis meditatione dominationis transgredientibus, denuo legatos Athenas mittunt: qui capillo barbaque squalidi, & lugubribus induti, misericordiam atque auxilium & sermone & habitu precarentur. Igitur magna classis instruitur, ducibus Nicia & Lamacho: tantisque viribus Sicilia repetitur, vt suffragia sua & hi timerent, qui impetrauissent. Athenienses duas ilico pedestres pugnas secundis successib. faciūt, confertosque in vrbe hostes, & obiecta classe circūdatos, terram marique

con-

concludunt. At Syracusani fractis fessisque rebus, auxilium à Lacedæmonijs petunt: à quibus mox mittitur Gylippus, solus quidem, sed in quo omnium præsidiorum instar præferebatur: qui veniens, ut audiuit inclinatum iam belli statum, auxilijs partim in Græcia, partim in Sicilia contractis, opportunabello loca occupavit. Deinde duobus prælijs victus, nec territus, tertio congressu Lamachum occidit, hostes in fugam vertit, socios obsidione liberavit. Hinc Athenienses terrestri prælio victi, experimenta maris ineunt, & nauali certamine congregi parant. quo cognito, Gylippus classem instructam à Lacedæmonijs accersit: æque Athenienses in locum amissi ducis, Demosthenem & Eurymedonta cum supplemento copiarum mittunt. Peloponnesij quoque cum multarum urbium consensu & decreto ingentia Syracusanis auxilia misere. Ita sub specie socialis belli domesticos motus exequentur, & quasi placito de Græcia translatum certamen in Siciliam fuerit, sic ex utraque parte summis viribus dimicatur. Igitur Athenienses prima congressione vincuntur: castrâ quoque cū omni pecunia vel publica vel privata,

uata, & cum vniuerso instructu diuturnæ expeditionis amittunt. fractis opibus & in angustum reductis, suadet Demosthenes; dum nondum omnino res perditæ sint, quamlibet videatur afflictæ, domum redeant, Siciliaque decedant. Nicias autem pudore male gestarum rerum ab initio desperatior redditus, manere contendit. Reparant nauale certamen: & mox per inscitiam in angustias Syracusani maris deducti, insidijs hostium circumueniuntur. Eurymedon dux primus occiditur: vndecim naues incenduntur. Demosthenes & Nicias classem dimittunt, quasi tutius terrena expeditione fugituri. Gylippus autem primum naues eorum relictas CXXX. inuadit: dehinc ipsos fugientes persequi aggressus capit, cæditque quam plurimos. Demosthenes dedecus seruitutis voluntaria morte declinat, Nicias vero indignam turpemque vitam dedecore captiuitatis accumulatur.

Athenienses bello Lacedæmoniorum, adhortante seseq; ob exilium vlcescente Alcibiade excipiuntur.

CAPVT XV.

Igitur

Igitur Athenienses biennio apud Siciliam non sine Lacedæmoniorum dāno conflictati, alijs domi malis circumueniuntur. Alcibiades enim dux pridem aduersus Siracusas pronunciatus, mox ad iudiciū pro quadam in simulatione detētus, voluntario exilio Lacedæmonem se contulit, impulitq; Spartanos, vt turbatis Atheniēsis, nouo rursus bello insisterēt: neque eis respirandi spacium, quin opprimerētur, relaxarent. cui incepto ita Græcia omnis astipulata est, quasi ad commune incendium restinguendum, bono publico congestis viribus cōsuleretur. Darius etiam rex Persarum memor paterni auitiq; in hanc urbē odij, per Thissafernem præfectum Lydiæ cum Lacedæmonijs fœdus paciscitur, eisq; sumptus belli & copias pollicetur. Mirum dictu, Atheniensium tantas ea tempestate opes fuisse, vt cū aduersus eos, hoc est, aduersus vnam urbem Græciæ, Asiæ totiusq; orientis viribus incursum sit, pugnando sæpe, nec vnquam cedēdo, consumpti magis videantur fuisse quàm victi. Principio enim Alcibiades omnes socios deficere ab his ad Lacedæmonios coegit: sed & ab his quoque per inuidiam insidijs appetitus aufer-

ausugit, & ad Thissasernem in Mediã concessit: cui statim accommodato ingenio & apti eloquij gratia familiarior factus, persuadet, ne Lacedæmonios tam profusis opibus iuuet: eum potius istius certaminis arbitrum spectatoremq; fieri debere, integrasq; Lydiæ vires aduersus victorem reseruandas. Quamobrẽ Thissasernes partem classis cū aliquanta manu deduci Lacedæmonem iubet: ne vel abundantes suffragijs, alieno tuti periculo dimicarent, vel in totum destitui, susceptum certamen omitterent.

*Atheniensium aduersus Lacedæmonios praelia
grauia, horrendaq; calamitates ac strages
vtrinq; acceptæ.*

CAPVT XVI.

A Pud Athenienses vero cum diu domestica discordia agigaretur, imminente periculo, summa imperij ad senatum populi volūate transfertur. quippe otio discordiæ nutriuntur: at ubi necessitas incubuit, postpositis priuatis causis atq; odijs, in commune cōsultitur. Sed hoc ipsum cum propter insitam genti superbiam & tyrannicas libidines perniciosum foret, tandem Alcibiades exul ab exercitu reuocatur, & dux classis cōstituitur.

tur. Quo cōperto, principes primo Spartanis urbem prodere moliti sunt: deinde cum id frustra cogitassent, in exiliū sponte cesserunt. Igitur Alcibiades patria liberata, classem in hostes dirigit. Commisso prælio, victoriam Athenienses capessunt. Porro autem maior pars Spartani exercitus cæsa, duces quoque penè omnes interfecti, & octoginta naues captæ, absque his quæ in conflictu incensæ demersæque perierunt. Rursus bellum in terram translatum, Spartanis æque infeliciter cessit: quibus rebus fracti Lacedæmonij, petiēre pacem, nec tamē impetrare potuerunt. Præterea Syracusana præsidia in Siciliā, audita Chartaginenfis belli infestatione, reuocata sunt. Quamobrem Alcibiades classē victrici totam Asiam peruagatur, bellis, incendijs, cædibus rapit sternitque omnia. Urbes quæ dudū à societate defecerant, capit recipitque quàm plurimas. Sic Alcibiades magni nominis factus, Athenas cum admiratione & gaudio omniū victor ingreditur. Paruo post interuallo auget vires, exercitum classemque numero prouehit, rursusque Asiam petit. Lacedæmonij vero Lyfandrum ducem, classi belloque præficiunt.

Cyrus

Cyrus etiam filius Darij, in locum Tispha-
fernis, Ioniæ Lydiæque præpositus, ma-
gnis eos opibus auxilijsque cōfirmat. Ly-
sander itaque Alcibiadis exercitum præ-
dæ intentum, ac per hoc vbiq; disper-
sum ac vagum, repentino incurſu oppri-
mit, sine conflictu aliquo vincit, cæditq;
fugientem. Magna hæc clades Athenien-
sibus, & multo atrocius vulnus quàm du-
dum inflixerant, susceperunt: quo com-
perto, Athenienses opinati sunt Alcibia-
dem antiquum exilij sui dolorem, isto sce-
lere proditionis vindicare curasse: ideo-
que in locum eius Cononem constituūt,
cui residuam manum & summam belli
committunt: qui supplere saltem numero
exhaustas copias volens, senes ac pueros
legit, exercitumque conscribit. Sed hu-
iusmodi manus moram bello non attulit:
quippe quod robore, non numero con-
fici solet. Itaq; statim imbellis manus vel
capta vel cæsa est. tantaque strages occi-
sorum illo prælio facta est, vt deletum nō
solum regnum, sed etiam nomen Atheni-
ensium videretur. At illi desperatis rebus,
statuunt urbem peregrinis dare, vt qui
per totā Asiam pauloante dominati sunt,
nunc ex hac coluie muros saltem liber-

H

tatem:

tatemque tueantur: & quamuis vel suo iudicio ad hæc tuenda etiam obiectis muris non sufficiant, iterum tamen experiri nauale prælium parant. Expers cōsiliij furor, dolorem virtutem putat: quantumque meditatur ira, tantum promittit audacia. Itaque omnibus partim captis, partim interfectis, de ipsis quoque reliquijs nihil reliqui factum est. Solus dux Conon superstes bello & populo, timens ciuium crudelitatem, ad Cyprium regem concessit Euagoram. At dux Lacedæmoniorum, adeptis omnibus ciuitatibus, nihil Atheniensibus præter inanem vibem reliquit, ne hoc diu: nam & ipsam urbem postea obsidione circumdedit. Angebat intrinsecus fames, desolatio, & morbus obfessos. Et cum post omnia miseriarum abominamenta, quæ etiam dicere horror est, nihil spei præter mortem, occurreret, pacem petere.

*Atheniensibus certis legibus ac conditionibus
pax datur, trigintaque rectores constitu-
untur, qui cum tyrannidem ex-
ercerent, Thrasybuli indu-
stria eiekti
sunt.*

CAPVT XVII.

Magna

Magna hinc inter Spartanos & socios deliberatio fuit, cum plurimi inquietissimam ciuitatē sternēdam solo, populumque infestissimum cum ipso nomine abolendū pronuntiarent: Spartani negauerunt se permissuros, vt è duobus Græcię oculis vnus erueretur: in super etiam pacem promiserunt, si Piræ ei portus ducentia in urbē munimina euenterentur, nauesque reliquas vltro traderent: deinde si rectores sibi triginta lectos susciperēt. Huic conditioni addictis & succumbentibus, Lacedæmonij Lylandrum ad componendas in vrbe parendi leges constituerunt. Insignis hic annus & expugnatione Athenarum, & morte Darij Persarum regis, & exilio Dionysij Siciliae tyranni fuit. Igitur triginta rectores Atheniensibus ordinati, triginta tyranni exoriuntur: qui primo se tribus millibus satellitū stipant, mox etiā septingentos milites victoris exercitus lateribus suis circumponunt: cædem omnium pæssim futuram, occiso Alcibiade auspiciantur: qui fugiēs, in itinere clausus cubiculo, viuus incensus est. quo interfecto quasi sublato vltore securi, miseras vrbis reliquias cædibus rapinisque exhauriunt. Theramenē quo-

que vnum ex numero suo, cui hæc displicere senserunt, in exemplum timoremque reliquorum trucidant. Itaque omnes passim ex vrbe diffugiunt. sed interdictu Lacedæmoniorum, cum per totam Græciam exulibus negaretur hospitium, omnes se Argos ac Thebas contulerunt: vbi ita hospitalitatis obsequio foti sunt, vt non solum dolorem amissæ patriæ lenirent, verum etiam spem recuperandæ mediterentur. Erat inter exules ThraSybulus vir strenuus, & generis nobilitate inter suos clarus, qui autor audendi pro patria fuit. Itaque castellum Phylen Atticorum finium collecti exules capiunt, multarumque ciuitatum opibus adiuti, vires capeffunt: quibus Lysias quoque Syracusanus orator, quasi in auxilium vrbis, quæ esset patria communis eloquentiæ, quingentos milites cum stipendijs suis misit. Atrox id prælium fuit, sed his pro propria libertate, illis pro aliena dominatione certantibus, animorum atque causarum ipsa quoque tulit pugna indicium: nam victi tyranni, in vrbem refugerunt, omnesque quos ex Atheniēsis prius sibi satellites legerant, tunc suspectos proditiōis vrbis custodia remouerunt. ThraSybulum quoque
ipsum

ipsum tētare corruptione ausi sunt, quod
vbi frustra speratum est, accersitis à Lace-
dæmone auxilijs, rursus in bellum ru-
unt, vbi duo læuissimi omnium longe ty-
rannorum trucidantur. Cæteros victos
& in fugam versos, Thrasybulus vbi vel
maximè Athenienses esse intelligit, cla-
more consequitur, oratione retinet, pre-
cibus ligat, proponens ante oculos eo-
rum, quos fugere vel ad quos refugere
vellent, sibi aduersus triginta dominos,
non aduersus ciues miseros bellum esse su-
sceptum. Quin potius omnes qui se me-
minerint esse Athenienses, sequi oportere
Atheniensium libertatis ultores. Itaque
hæc adhortatio tantum apud eos valuit,
vt mox reuersi in ciuitatem, tyrannos ar-
ce decedere atque Eleusinam migrare cō-
pulerint: qui postquam in societatem vr-
bis ciues suos, eatenus exules receperunt,
tyrannos in bellum æmulatione suscitāt,
quibus libertas aliorum quasi ipsorum
seruitus videbatur. Tunc indicta pugna,
cum prius quasi ad colloquium cōueni-
rent, circumuenti insidijs, veluti pacis vi-
ctimæ, trucidantur. Ita reuocati in vnum,
post inexplebiles magnorum lachrymas
gaudiorum, hæc prima fundamina recu-
peratæ

peratæ libertatis instaurant, proposita iurisiurandi contestatione, vti discordiæ animositatesq; præteritæ, in obliuionē perpetuam atque immortale silentium deducantur. Quod pactionis genus quasi nouā vitæ institutionem, nouamque fœlicitatem status sui informantes, Amnestiam vocauerunt, id est, abolitionem malorū. Sapientissima Atheniensium, præsertim post tanta miseriarum documenta, prouisio : si quo pacto res humanæ manente consensu hominum, vt ordinantur, valerent. Sed adeo hoc idem placitum, inter ipsa penè placiti verba corruptum est, vt vix intercedente biennio, Socrates ille clarissimus philosophorum, adactus malis, veneno sibi apud eos vitam extorserit: deinde vix quadraginta annis interuenientibus, vt alia fileā, ijdem Athenienses adempta sibi penitus libertate, sub Philippo Macedonum rege seruierint. Veruntamen sapientissimi omnium Athenienses, etiam suis malis satis docti, concordia minimas res crescere, discordia maximas labi, cunctaque vel bona vel etiam mala, quæ foris geruntur, internis esse radicata & emissis principijs, domi abstersere odia, & foris bella presserunt, reliqueruntque
poste-

posteris suis de ruina sui exemplū, de reparatione consilium: si tamē ob infirmissimam humanæ mētis mutabilitatē, quod in afflictis rebus consulitur, in prosperis seruaretur.

*De bello ciuili inter Artaxerxem & Cyrum filios
Darij, quod parricidio finitum fuit. De
terramotu Sicilia, & Atalante
insula facta.*

CAPVT XVIII.

Iisdem ferē diebus bellum ciuile, immò etiam plusquam ciuile, vix parricidio terminatū, apud Persas gerebatur. Mortuo enim rege Dario, cum Artaxerxes & Cyrus filij eius de regno ambigerent, tandem magnis apparatibus, magnis prouinciarū ac populorum ruinis est vtrinq; certatum: in quo conflictu cum è diuerso cōcurrentes sibi ambo fratres mutuo casus obiectauissent, prior Artaxerxes vulneratus à fratre, equi velocitate morti exēptuseuasit. Cyrus autē mox à cohorte regia oppressus, finē certamini dedit. Artaxerxes ergo & præda fraternæ expeditionis, & exercitu potitus, potestatē regnī parricidio firmavit. Sic vniuersa Asia atq; Europa, partim in se singulę, partim inter se inuicē funeribus & flagitijs permiscēbantur.

bantur. Ecce paruissima pagina, verbis-
que paucissimis quantos de tot prouinci-
js populis atque vrbibus non magis expli-
cui actus operum, quàm implicui globos
miseriarum. Quis enim cladem illius tem-
poris, quis fando funera explicet, aut æ-
quare lachrymis posset dolores? Verun-
tamen hæc ipsa, quia multo interiectu sæ-
culorum exoleuerunt, facta sunt nobis
exercitia ingeniorum, & oblectamenta
fabularum. quanquam si quis intētius ad-
hibeat animum, seseque toto mentis affe-
ctu ipsis penè causis bellisque permisceat,
ac rursus velut in arce spectaculi constitu-
tus, vtrunque in suis qualitatibus tempus
permētiatur, facile dixerim eum iudica-
turum, neque illa, nisi irato atque auersa-
to deo posse tam inſœliciter perturbari
ac permisceri, neque ista sic, nisi propi-
tio & miserante, componi. His deinde tē-
poribus grauissimo motu terræ concussa
Sicilia, insuper ex æstuatibus Aetnæ mon-
tis ignibus, fauillisque calidis, cum detri-
mento plurimo agrorum villarumque va-
stata est. Tunc etiam Atalante ciuitas Lo-
cris adhærens, terræ contigua, repenti-
no maris impetu abscissa, atque in insulam
desolata est. Atheniensium quoque mise-
rabiles

rabiles reliquias pestis inuasit, diuque populata est.

Romanorum parum honesta ad Veios obsidio.

Vrbs à Gallis capta & vastata. Collatio

istius excidij cum presenti Gotho-

rum inuasionem.

CAPVT XIX.

ANno ab vrbe condita CCCLV. obsidio Veiorum decem continuis annis magis obsessores quàm obsestos detriuit. Nam Romani repentinis sæpe hostium irruptionibus cōminuti; præterea in hibernis bella sortiti, hiemare sub pel- libus, postremo famem ac frigus in conspectu hostium perpeti coacti sunt: urbem nouissimè sine vlllo digno Romanæ virtutis testimonio, cuniculis & clandestina obreptione ceperunt. Hanc vtilem magis quàm nobilem victoriam, primo dictatoris Camilli, qui eam de Veientibus patrauit, exilium, dehinc irruptio Gallorum, & incendium vrbis insequitur: cui cladi audeat quisquam, si potest, aliquos motus temporis huius comparare: quamuis non æque pendat præteriti mali fabulam præsentis iniuria. Igitur Galli Senones, duce Brenno, exercitu copioso & robusto nimis, cum urbem Clusini, quæ nunc

Tuscia dicitur, obsiderent, legatos Romanorum (qui tunc componendæ inter eos pacis gratia venerant) in acie aduersum se videre pugnantes: qua indignatione permoti, Clusini oppidi obsidione dimissa, totis viribus Romam contendunt. Hos ita ruentes Fabius cū exercitu consul excepit, nec tamen obstitit, immò potius hostilis ille impetus, quasi aridam segetē succidit, strauit & transijt. Testatur hanc Fabij cladē fluuius Alia, sicut Cremera Fabiorum. Non enim facile aliquis similem ruinam Romanæ militiæ recenseret, etiā si Roma insuper incensa non esset. Patentem Gallivrbem penetrant, trucidant rigentes simulachrorum modo in suis sedibus senatores: eosque incendio domorum crematos, lapsu culminum suorum sepeliunt. Vniuersam reliquam iuuentutem, quam constat vix mille hominum tunc fuisse, in arce Capitolini montis latitantem obsidione concludunt: ibique infœlices reliquias fame, peste, desperatione, formidine * terrent, subigunt, vendūt: nam mille libris auri discessionis pretium paciscuntur: non quo apud Gallos Roma parui nominis fuerit, sed quod illam sic iam antè detriuerint, vt amplius tunc

* terunt.

vale-

valere non posset. Exeuntibus Gallis, remanserat in illo quondam vrbis ambitu informium ruinarum obscœna congeries, & vndique impedita errantium, & inter sua ignotorum offensæ vocis imago respondens trepidos suspendebat auditus. Horror quatiebat animos, silêtia ipsa terrebant. Siquidem materia pauoris est raritas in spatiosis. Hinc illis mutare sedes, aliud incolere oppidû, altero etiam censi nomine cogitatum, placitû atque tentatum est. En tempora, quorum comparatione præsentia ponderantur. en quibus recordatio suspirat. en quæ incutiunt de electa, vel potius de neglecta religione pœnitentiâ. Reuera pares sunt & conferuntur inter se hæ duæ captiuitates, illa sex mensibus desæuiens, & tribus diebus ista transcurrentis. Galli extincto populo, vrbe deleta, ipsum quoq; Romæ nomê in extremis cineribus persequêtes, & Gothi relicta intentione prædandi, ad confugia salutis, hoc est, sanctorû locorum agmina ignata cogentes. Ibi vix quenquam inuentum senatorem, qui vel absens euaserit: hic vix quenquam requiri, qui fortè vt latens perierit. Recte sanè compararim, hunc fuisse ibi seruatorum numerum, qui
hic

hic fuerit perditorū. Planè quod repro-
ditur & fatendum est, in hac clade præsen-
ti plus deum sæuisse, homines minus, cū
peragendo ipse, quod illi non impleuis-
sent, cur eos miserit, demonstravit: quip-
pe cum supra humanas vires esset, incen-
dere æneas trabes, & subruere magnarū
moles structurarum, ictu fulminū forum
cum imaginibus vanis, quæ superstitione
miserabili, vel deum vel hominem menti-
untur, abiectum est: horumque omnium
abominamentorum, quod immissa per
hostem flamma non adiit, missus è cœlo
ignis euertit. Et quoniā vber dicendi ma-
teria est, quæ nequaquam hoc conclu-
di libro potest, hic præsentis vo-
luminis finis sit, vt in subse-
quentibus cætera
prosequa-
mur.

FRANC.

FRANC FABRICII MARCO- DVRANI IN PAULI

Orosij Historiarum li-
brum secundum

Annotationes.

In Caput secundum.

ARbatus, quem alij Arbacen vocant.) Ita esse in libris antiquis iam diximus. Diodorus hunc lib. 2. & Εαχλω nominat, sicut & Euseb. in Chronico. Vnde impressi libri Velleij Paterculi sunt emendandi, in quibus scriptum est, Sardanapalum Pharnaces Medus imperio vitæ priuauit: cum sit legendum, Arbaces Medus. Ita Nini & Babylonis regnum.) Hac ex Eusebij Chronico aperte cognoscuntur. Partem regni penes se Chaldæi.) Arbacen contra Sardanapalum iuuit Belochus Babylonia præfectus. Itaque victo Sardanapalo Arbaces Medorum & Persarum regno potitus est, Belochus Babylonem cum Assyria retinuit.

In Caput tertium.

Christiani Imperatoris.) Nomen, Honorij, vulgo additur, ex glossmate, ut puto, illius qui exprimere voluit, quis hic Imperator esset. quo de li. 7. cap. 40.

In

In Caput quartum.

Anno post euerfionē Troiæ CCCC. XIII.) Hunc numerum restituimus, non quod eum omnino verum iudicemus, sed quia illum in omnibus lib. vet. inuenimus, atque ab Orofio scriptum non dubitamus. Nam cum Eutropius scripsisset, Romam conditam XI. Kalend. Maias, Olympiadus sextæ anno tertio, CCCCXIX. post Troiæ excidium: Deinde Paulus Diaconus subiecit, Siue, vt placet Orofio, CCCC. XIII. Scio hac aliter & vulgo legi, & à Schonhouio edita: sed sequor fidem mei libri antiqui, in quo Eutropij historia ita descripta est, vt quæ Paulus adiecit, illius nominis appositione sint separatæ. Orofio igitur sua restituimus: quanquam non sine causa certiora iudicamus, quæ sunt apud Dionys. Alicarnasseum, & Solinum. cap. 2. Interfecto auo Numitore.) Hoc me alibi legere nō memini. Sceleratorum manū.) Nota res est de Asylo à Romulo patefacto Ducem eorum Titum Tatium.) Non com memorabo ea quæ vel pueris nota sunt: hoc tantum monebo, Tatium Lauinij interfectum fuisse, non à Romulo, sed ab ijs, qui per illius propinquos violati erant, Dionys. Liuius & Plutarchus. Mettum Fufetium.) Hæc nomina ita scripsimus, sicut ea in libris antiquis scripta inuenimus. Tu lege quæ de his Io. Pierius in libr. 8. Aeneid. & Sigonius lib. 1. Emendat cap. 52. doctissime scripserunt. Meditata proditione suspectum.) Suspectum, quod in libro veteri legitur, aptius visum est sententia illius qui Regum scelera auget, quàm suspensum, quod in alijs libris legi-

legitur De hoc supplicio *Liuius & Dionysius libr. 3.* Potentes tunc XII Tusciæ populos) *Florus lib. 1. cap. 5. de Tarquinio, XII. inquit, Tuscia populos frequentibus armis subegit. Ocriculum.) Stephanus, Οκρίκολα πόλις τυρρηνίων. διονύσιος ὀκρίωχαιδε κατω ρώμαϊκῆς ἀρχαιολογίας. τὸ ἐθνικὸν ὀκρικολανός, ὡς αὐτὸς φησιν. Sueffam Pometiam.) Ita scripsimus ex auctoritate librorum antiquorum. Vulgo legitur, Sinuessam, Pometiamq;. Eutropius, Gabios ciuitatem, & Sueffam Pometiam subegit Florus libr. 1. cap. 7. Sic valida oppida in Latio capta sunt, Ardea, Oriculum, Gabij, Sueffa Pometia. Dionysius libr. 4. ὁδὸν τοὺς καλουμένους πομπυρίνους, ἡγετὴν δύναμιν, διὰ πόλιν σούεσσάν ᾤκουσιν. Strabo libr. 5. σούεσσάν τῇ πομπυρίων vocat: quāquam locus ille vulgo admodum corruptus est. Hec autem Sueffa Pometia dicta est, ad differentiam illius quæ in Campania Sueffa Aurunca dicebatur. Mendose igitur apud Messallam legitur, Oppida Sueffam & Pometiam expugnauit.*

In Caput quintum

Anno post urbem conditā CCXLIIII. Idem numerus est apud Eutropium, Messallam, & Sex. Rufum. Sed Dionysius libr. 5. scribit Romanos regio imperio paruisse annos CCXLIIII. Liuius item lib. 1. extremo ait, Regnatum Romæ ab urbe condita ad liberatam annos CCXLIIII. Diuersitatis causam Sigonius indicauit. Porfena rex Etruscorū.) Porfena nominis mediā syllabā Latini poëta modo prodixerunt, modo corripuerunt. Vnde & variè scriptum inueni-

inuenitur. Apud Græcos πορσίνας & πορσίνοσ legi-
tur. Tarquinius manu ingerens.) Sic habent
libri veteres, non Tarquiniensium manum, ut est in
vulgatis. Mucius constanti vrendæ manus.) Hic
est C. Mucius, cui postea Scauola à clade dextra ma-
nus cognomen inditum, Liuius, & alij. Dictatorem
creant.) Eutropius, Nono anno post reges exactos
&c. Liuius & Cassiodorus scribunt primū Dictato-
rem creatum Posthumo Cominio & T. Lartio Coss.
Tu lege Sigonij Commentarium doctissimum in Fa-
stos. Cum M. Valerio Dictatore.) Huius Vale-
rij prænomen est, non Marcus, sed Manius, ut ex fra-
gmentis Triumphorum cognoscitur. Dionysius etiam
lib. 6 illum appellat μανίον οὐαλέριον ἀδελφὸν πο-
πλίου τῶ πρώτῳ ὑπατεύσαντες. Tu lege Ciceronem
in Bruto. T. Geganio & P. Minucio.) Prioris
Consulis nomen mendosè erat in libris Orosii. Fue-
runt hi Coss. an. ab V. C. CCLXI. Lege Dionys. initio
lib. 7. & Liuium in 2 Fluius qui perdidit, & por-
ta.) Fluius Cremiera fuit, porta Carmentalis, Liui-
us, Dionysius, & Ouid. lib. 2. Fast.

In Caput sextum.

Nam cum vnum regionum equitum.) Hunc
locum ut in omnibus libris antiquis descriptum inue-
nimus, sic imprimendum curauimus. Orosius rem ab
Herodoto sumpsit, qui de Gynde & Cyro ita scribit,
ἐν ταῦθ' αἱ οἱ τῶν τις ἰσθμῶν ἰππῶν τῶν λευκῶν ὑπὸ Ὑ-
βριος ἱσθμῶς ἐς τὸν ποταμὸν διαβαίνειν ἐπαρᾶτο. δ-
δέμιν συμψήσας ὑποβρύχτον οἰχώχεε φέρων. Hic
vnus sacrorum equorum candore excellens præfero-
cia

cia flumen ingressus transire conabatur: quem flumen vorticibus contorquens abripuit & merisit. Con-
teltans eum qui nunc &c.) Herodotus, καὶ οἱ ἐπη-
πέλητε οὗτω δὴ μιν ἀδενέα ποιήσεν, ὥστε τῶ λοιπῷ
καὶ γυναικάς μιν ἀυπελέως τὸ γόνυ μὴ βρεχέσας
διαβήσεσθαι Minatus est, se illud adeo debilitaturū,
vt in posterum fœminæ genua non tingentes facillè
sint transituri. In 460. alueos) Scribendum poti-
us, in CCCLX Nam apud Herod. est, ἐς τριηκοσίας καὶ
ἐξήκοντά μιν διώρυχας διαλαβών. Ac sic meabili-
bus vadis ficcum.) Hac scribit etiā Xenophon li. 7.
χόρυθα παδείας. Latitudine cubitorum L.) Q.
Curtius lib. 5. Murus instructus, Laterculo coctili bi-
tumine interlitus, spatium 30. & duorum pedum la-
titudinem amplectitur. quadrigæ inter se occurren-
tes sine periculo cōmeare dicuntur. Altitudo muri C.
cubitorum eminet spatio turris denis pedibus quàm
murus altiores sunt. Totius operis ambitus CCCLX-
VIII stadia complectitur. Strab. lib. 16. scribit muros
esse in crassitudinem pedum 32. in altitudinem cubi-
torum 50. Sed Orosius Herodotum sequitur. Plin. lib.
6. ca. 26. scribit Babylonis muros esse duceños pedes
altos, quinquagenos latos. Media intercapedine
sui citas.) Ita scripsi ex antiquo libro Cornelij Gual-
theri. Herodotus ita, ἐπάνω δὲ τῷ τείχους παρὰ τὰ
ἑσχατα, οἰκίματα μουνόκωλα ἔδιδμαν. τετραμμέ-
τα ἐς ἄλληλα. τὸ μέσου δὲ τῶν οἰκημάτων ἑλιπον τε-
θρίπῳ περιέλασιν. Valla, Super murum circa oras
extruxerunt, dietas singulares, altrinsecus conuer-
sas, inter quas tantum intercapedinis relinquebatur,
vt quadriga interagi posset.

In Caput septimum.

Tomyris regina) De rebus Cyri Persarum regis exceptā historiam ex Ctesia Persiciis edidit Henricus Stephanus. quā cum Xenophontis narratione magis quā cum Herodoti congruit. Græcè apud Herodotū li. 1. ἐστὶ τόμυρις, apud Lucian. in Charonte τόμυρις. Historia describitur etiam à Iustino li. 1. & Valerio Max li. 9. c. 10. Cum prohibere transitu) Sic in manuscripto libro Iustini est. Cū prohibere eos transitu Araxis fluminis posset, transire permisit: cū vulgo aliter legatur Filium adolescentulū) Hic filius ab Herodoto σπαργαπίσης nominatur.

In Caput octauum.

Regnavit medius eorum Cambyfes) In Ctesia excerptis Cambyfis regno anni XVIII. tribuuntur. Cambyfes regnavit annos septē, menses quinque. Herod. li. 3. De hoc quoque Lucianus in Charonte. Darius itaque vnus) De Dario Herodotus li. 3. & Iust. li. 1. extremo. Attyro regi) Scytharum rex, quē Herodotus Indathyrsum nominat, σκυθάρκης vocatur In libris veterib. partim, Anthiuro, partim, Antyro legitur. In impressis Iustini (nam in nostro manuscripto nomine regis Scytharum non inuenitur) rex Lanthinus vocatur Hero. li. 4. hoc bellum copiosè describens, regem Scytharum Ἰνδάθυρον nominat. Iones nauali congressione) De hoc pralio nauali, quo Iones à Persis victi fuerunt, lege Herodotū li. 6. Quod Iones aduersum se auxilio iuuiscent) Hæc eadem Iustinus li. 2. Plato in Menexeno, ἀγρία σάμῃος ἡ δαρειῶς ἡμᾶς τε καὶ ἑρεπείας, σάμῃος ἐπιβουλευσας

προφα-

πρεφαιζόμενος. &c. Plutarchus in Aristide ait, Dariū huius belli contra atheniēses causam attulisse ὅτι σάρδεις ἐνέπρησαν. Cū detineri quatríduanę religionis otio) Fædum mendum hic infederat addita voce, Persas. Neq, enim Persę, sed Lacedæmonij quatrīdus religione tenebātur, ut scribit iustinus, & Herodotus li. 6. apertius his verbis, ἦν γὰρ ἵσταμένη τῇ μύωδς εἰνάτη εἰνάτη ὅτε δὲ ἐξέλευσα ὁ μὲν ἔρασαν, μὴ δὲ πλῆρες ἐόντος τῆς κύκλῳ. i. Erat enim eo mense dies nonus luna. eo autem die se exercitum educturos negarunt, cum luna suum orbem nondum cōpleset. Lucianus De Astrologia, de Lycurgo ait, ἐν νόμον σφίσιν ἐποιήσατο, μηδ' αὖ μὴ δέες πόλεμον προχωρεῖν, πρὶν, τὴν σελλωκύλῳ πλῆρεα γενέσθαι. Legem ijs scripsit, ne usquā ad bellum ante plenilunium profisciscātur. Plato li. 3. de legib. cur tardius Lacedæmonij venerint, in causa fuisse putat bellum cū Mensesenij gestum. CCM. Persiarū apud cāpos Marathōnios) Hæc est nobilis illa in Marathone Miltiadis auspicijs reportata victoria, de qua multa passim apud omnes. Popillia virgo) Magna varietas est in huius Vestalis nomine. Quā enim Orosius hic Popilliā, Dionysius li 8. ὀπιμίααν, Liu. li. 2. Oppiā nominat. Dānata incesti fuit. M. Fabio. L. Valerio Cos. qui annus Dionysio est post urbem conditam CCLXXI.

In Caput nonum.

Quod Demaratus Lacedæmonius) Hoc præter Iustinum scribit Herodotus lib. septimo extremo. Igitur Xerxes DCCM.) Herodotus scribit pedestres copias Xerxis fuisse ἑβδομήκοντα καὶ ἑκατὼν
 1 2 3 μυριά-

μυριάδων. i. decies septies centena millia. Iſocrates in
 Panathebenais ait, Xerxem habuisse ἑβδομήκοντα
 μυριάδας ἤ μαχίμων. i. bellicosorum 1000000000
 000.000000. Diod. li. 11. ἡριθμήθησαν δὲ τὸ πεζῆς δυ-
 νάμεως μυριάδες πλείους ἢ ὀγδοήκοντα. pedestriū
 copiarū supra octingenta millia numerata sunt. Ro-
 stratas etiam naues M.DCC.) Lysias & Iſocrates
 scribunt Xerxē in Graciā appulisse classem M.DCC.
 nauīū. Apud Diod. li. 11. numerantur eiusdem classis
 νῆες σύμπασαι μακρὰ πλείους ἢ χιλίων καὶ διακοσί-
 ων. naues omnes 'onga amplius MDCC. Sed de hac re
 ex Herodoto & Aeschilo plura diximus in Scholijs no-
 stris in Lysia ἐπιτάφιον. Onerarias autē tria M.)
 Hæ sunt Diodoro πεικόντοροι πεισχίλια. Vix ad
 potum flumina) Notū est illud Iuuenalis Satyr. 10.
 Credimus altos

Defecisse amnes, epotaq₃ flumina Medo
 Prudente.

Leniodas rex Spartanorū cum IIII. M.) Horum
 trecenti Spartani fuerūt. Cicero de finib. 2. Leonidas
 rex Lacedæmoniorū se in Thermopylis trecentosq₃ e-
 os, quos eduxerat Sparta, cum esset proposita aut fu-
 ga turpis, aut gloriosa mors, opposuit hostibus. Verū
 de ratione pugna lege Herod. li 7. Diodorum 11. Pau-
 saniam 3. Conturbāda agmina fore) Quod, fore,
 hic in, esse, mutarunt, id equidem à Vallsensibus fa-
 ctū credo, quasi veri optimi scriptores ita non sint lo-
 cuti, atq₃ adeo parens lingua latina, M. Tullius non
 dixerit, Quasi diuinare fore mihi aliquando ex-
 petendum studiū tuum. &c. Sexcenti viri castra)
 Verba sunt Iustini. Diod. scribit Leonidam secum ha-
 buisse,

buisse, οὐ πλείους τῶ πεντακοσίων, id est, non amplius
 quingentos. Victores sine dubio) In vulgatis libris
 additur, nō essent. & in nullis manuscriptis inuenio.

In Caput X.

De praelio nauali, quod hoc capite describitur, con-
 sule Herodotū li. 8. Aeschylum πέρσεως. Diodorū 11.
 Plutarc. in Themistocle, & alios. Proponi symbo-
 los) Symbolos non symboli libri vet. quomodo est et-
 iā in impressis Iustini libris. Plautus Bacchid. Eo pra-
 sente homini extemplo ostendit symbolum. Quem tu-
 te dederas ad eū. Apud Herodo. de Themistocle est,
 ἐντάμνων ἐν τοῖσι λίθοις ῥάμματα, &c. Plutar-
 chus, ἐνεχάρητε κατὰ τῶν λίθων ἐπιφανῆ ῥάμ-
 ματα τῶς μὲν εὐρίσκειν ἀπὸ τύχης, τοῦς δὲ αὐτοῦς
 ἰσὰς περὶ τὰ ναύλοχα καὶ τὰς ὑδρείας. id est, literas
 perspicuas lapidibus insculpebat, quorū alios casu of-
 fendeat, alios ipse ad stationes & aquationes collo-
 cabat. Nunc autem iniuste agentes) Sic Herodo-
 tus, ἄνδρες ἴωνες οὐ ποιετέτε δίκαια. Iones iniuste agi-
 tis. Verū in nostris manuscriptis est, iniuste desides.
 Artemidora regina Alicarnassi) Artemidora no-
 men, quod in omnibus libris inueni, reliqui. Caterū
 non solū Herodotus, verum etiā Iustinus & Pausani-
 as in Laconicis hanc reginā Artemisiā nomināt. Me-
 minit & Plutar. ἀρτεμισίας in Themistocle. Iūcto
 pōte portasset) Ita scripsimus ex libro Cor. Gualthe-
 ri: quam verā esse lectionem alij quoq; suspicati sunt.

In Caput XI.

Olynthum siquidem Græciæ oppidum) Se-
 quitur Orosius Iustinum: Herodotus aut li. 8. scribit,

Olynthum nō à Mardonio, sed altero praefecto Artabazo expugnata esse. Incensa urbis parte) Partem illā intelligit, quā Athenienses iam re adificare coeperant. auctore Iustino. Herodotus & Diodorus scribunt, Mardonium incensis Athenis evertisse quidquid murorum adiuuq; tam sacrarum quā profanarum reliquum erat. Mardonium deletis copijs ipsius, &c.) Vereor equidē, ne Iustinus in sua epitoma deceptus, cū ea quae Artabazo tribuenda erant, ad Mardonium retulerit, Orosium quoq; in errorem induxerit. Nam Artabazum aufugisse, Mardonium in pugna ad Plateas cecidisse, Herodotus, Diodorus, Plut. aliq; omnes scribunt. Pausanias li. i ait, Mardonium à Spartanō milite interfectum fuisse. Interfectorem Herodotus li. 9. ἀείμνησον. Plutarchus in Aristide ἀρίμνησον nominat. Verū ab his dissentit Ctesias, qui Mardonium accepto vulnere fugisse tradit, ac deinde à Xerxe missum ad spoliandū Appollinis templum magna vigiliā opprēssum interiisse Eum igitur Iustinus & Orosius sequuntur. Sub monte Mycale) ἐν μυκάλη & ἰωνίης, est apud Herodotum li. vlt. vbi historia pluribus scribitur, sicut & apud Diod. li. 11. Lege praeterea Thucydide li. i. In Asia meridianis horis) Herodotus, τὸ μὲν ἐν πλάτανησι, πρῶτον ἐπὶ τῆς ἡμέρας γίνεται: τὸ δὲ ἐν μυκάλη, περὶ δέλην. id est, Res ad Plateas matutino tempore gesta est, ad Mycalen vespertino. Orosius Iustinum sequitur Per Artabanū) Artabanus Xerxem interfecit anno ante Olympiadē 79. ut scribit Diodorus. Prandete tanquam apud inferos) Hoc apophthegma refertur à Plutar. & M. Tullio li. i. Tuscul.

In Caput XII.

Anno CCXC.) Sic recte hic numerus descriptus est in manuscriptis, cū vulgo mendosè sit impressum, CCLX. Nam etiā in antiquis fastis Romanus annus quo P. Servilius Priscus & L. Aebutius Elua Coss. fuerant, post urbem conditā CCXC numeratur. De grauiſſima hac peste Liuius li. 3. & Dionys. li. 9. vbi scribit eā cœpiſſe ad K. Septemb actoto illo anno durasse. Proximo dehinc anno) Ap Herdonius Capitolium occupauit, P. Valerio Poplicola, C. Claudio Coss. an CCXCIII. Historia est apud Liuiū & Dionys. li. 10. Incenderuntque Capitoliū) Capitolium hoc tempore conflagraſſe nemo tradit. quare pura cōtra fidem etiā librorum legendum, incenderunt. Sequitur annus) Is annus consules habuit L. Minuciū & C. Nautium. De Quinctio Cincinnaro plena sunt omnia monumenta. Iugum boū equis imposuit) Hunc locū Diaconus Eutropiana historia inseruit.

In Caput XIII.

Anno qui proximus trecentesimo) Annum ab V.C. CCXCIX intelligit, Coss. Sp. Tarpeio & A. Aterio, quibus legatos in Graciā missos fuisse præter Liuium & Dionys. Cassiodorus scribit. Ipso aut trecentesimo) Consulare imperium ad Decemuiros translatum esse anno ab V.C. CCC. altero Liuius & Eutropius, scribunt, CCCII. Auctores fastorum Roman. Euseb. & Solinus. Olympiade XCV.) Varietatem numeri ab alijs notatam reliqui. In duobus manuscriptis XCV inueni: in tertio XXC. Cum Orosius Eusebium in hac refere auctorem sequatur, qui

decemuirum creationē confert in Olympiadē xxcii. vide nū ita hic quoq³ scribendū sit. Dionysio Decem-
 uiri creati sunt olymp. xxcii. anno secundo. Diod. li.
 12. olymp. octogesima quarta. Appij Claudij libi-
 do) Nota res est ex Dionysii li. 11. Diodori 12. Liuij 3.
 Eutropij 1. Adactus Virginius pater) Legitur &
 adductus. Cicero li. 2. de finib. L. Virginius sexagesi-
 mo anno post libertatē receptam Virginiam filiā sua
 manu occidit potius, quā ea App. Claudij libidini,
 qui tum erat summo in imperio, dederetur. Ro-
 ma nuntijs fatigaretur) Nūtijs rectē est in manu-
 scriptis, pro quo vulgo mendosē, intus legitur. Liuius
 scribit his temporibus M. Cornelio L. Papirio Cos. cre-
 bris motibus terrā in agris tecta corruisse, sed hi Con-
 sules alijs cadunt in annum secundū olymp. 84. Dio-
 doro in tertiū olymp 87. Ita iugis & torrida sicci-
 tas) Siccitate plurimū laboratū fuisse, a Cornel. Cos.
 T. Quinctio Penno, Cos. An. 325. Liui. li. 4. scribit.
 Cū Fidenates hostes) Legitur etiā Fidenas hostis:
 de quo Eutrop. li. 1. An. CCCXV. ab V. C. Fidenates
 contra Romanos rebellauerunt. Auxiliū præstabant
 his Vientes, & rex Vientiū Tolumnius. Coniunxerūt
 se ijs & Volsci. Plura Liui. lib. 4. Aemilius III. Dicta-
 tor) Mam. Aemilius Mamercinus Dictator primum
 an. CCCXVI. cū Fidenatibus acerrimē dimicauit, et
 triumphās in urbē redijt. Idem Dictator tertium an.
 CCCXVII. cum Fidenates iterū rebellauerunt. Fide-
 nas urbe cepit atq³ excidit. Hac Liui. li. 4. Domestica
 clades) In vulgatis est, domestica. nostrā lectio-
 nem ex libris antiquis acceptā & tribetis cōprobat.

In Caput XIII.

Quæ hoc capite ab Orosio explicantur, ea plenius à Iustino ex Irogo cōmemorantur li. 4. Antiquissimos esse in parte Sicilia Cyclopas Thucydes initio li. 6. scribit Lachete & Charæade ducib.) Hi duces extrema æstate anni quinti belli Peloponnesiaci in Siciliã missi fuerunt, auctore Thucydide li. 3. Apud Diod. li. 12. mendosè χαβρίας pro Charæade nominatur. Lugubribus induti) Πάνις, quod vulgo additur, in libris vet. nō legitur. Ducibus Nicia & Lamacho) Tertius dux fuit Alcibiades: sed is non ita multò postquã in Siciliã peruenerat, domum reuocatus, in exiliũ abiit. Thucydides li. 6. Diod. li. 13. Plutarchus in Alcibiade & Nicia. Vnde historia plenior petenda. Demosthenē & Eurymedonta) δημοσθένῳ τὸν ἀλκιδένεος, καὶ εὐρυμέδοντα τὸν θερχλέος. Thucyd. li. 7. Eurymedō dux primus occiditur) Ita ex Augustinianorū libro scripsimus. Nā reliqui ab impressis nō discrepant. quo nodo in manuscripto nostro Iustino Eurylochi nomen etiã pro Eurymedontis legitur. Notum verò est ex Thucydidis li. 7. Diodori 13. & Plutar. Nicia, Eurymedontē, qui in dextro cornu curabat, cum hostes circumuenire vellet, interclusum à suis interuisse. Vndecim naues incenduntur) Ita quidē constanter omnes libri Orosii: at apud Iust. à quo hæc desumpta sunt, legitur, Triginta naues, quibus præfuerat, incenduntur. Thucydides & Diod. incendiij parati ab hostibus meminerunt, sed de numero nauium, quæ flāma perierint, nihil scribūt. Naues eorū relictas CXXX) Idem numerus est in Iust. Thucydides scribit Atheniensibus reliquas fuisse naues circiter LX. Diod. L. naues relictas ait. Demo-

sthenes dedecus) Hac de re alij, præter Iustinum, nihil. Tantū Plutarchus in Nicia hæc scribit, αὐτὸς δὲ δημοῦ νῆς σπασάμενος τὸ ξίφος ἐπληξεν μὲν ἐαυτὸν, οὐ μὲν ἀπέθανε ταχὺ τῷ πολέμιον περισχόν. τῷ καὶ συλλαβόντι. Id est, Ipse Demosthenes stricto gladio se quidem percussit, verum non interfecit, subito ab hostibus circumuentus & captus. De morte Demosthenis & Nicia, Imaum diuersa à Thucydide & Philisto tradidisse. ibidem Plutarchus scribit.

In Caput XV.

Que hæc capite Orofius narrat, ea præter Iustinū Thucydides li 8 Diodorus 13. Plutarchus in Alcibiade. Darius rex Persarum) Sextus hic Persarū rex fuit, qui Artaxerxi Xerxis filio in regno successit. Tissafernem præfectū Lydiæ) τισσαφέρνης βασιλεὺς δαρείω τῷ ἀρταξέρξει στρατηγὸς ἦν τῶν κάτω. Tissafernes regis Darij Artaxerxis filij præfectus in ora maritima erat, Thucydides Ad Tissafernē in Mediam concessit) Thucydides, ὑποχωρεῖ δεισας παρὰ τισσαφέρνην, metu adductus clam se ad Tissafernem confert. Plutarchus, τισσαφέρνη δὲ τῷ βασιλέως σατράπῃ δοὺς ἐαυτὸν ὑπὲρ ἀσφαλείας ἐνθὺς ἦν παρ' αὐτῷ πρῶτος καὶ μέγιστος. vbi se Tissaferni, vt extra periculū esset, dedit, statim apud eum summum locum obtinuit.

In Caput XVI.

Summa imperij ad Senatū transfertur) Quomodo summa imperij ad Senatum quadringentorū hominum translata fuerit, item de reditu Alcibiadis, copiosè Thucydides, Diodorus & Plutarchus
locis

locis citatis. Commisso prælio) Duplicem victori-
 am describit, vnam naualem, alteram terrestrem,
 quas Athenienses ad cyzicum de spartanis reporta-
 runt, duce illorum Mindaro interfecto. Xenophon li.
 1. de rebus Græcorum, Diod. li 13. Plutar Alcibiade
 Lacedæmonij petiere pacem) Legationis de pa-
 ce Athenas missæ princeps fuit Endius: Athenis vero
 Cleophon maxime paci impedimēto fuit. Lege Diod.
 Syracusana præsidia) Post Atheniensium cladē in
 Sicilia Aegestæ socij Athenienses præsi à Selinuntijs
 & Syracusanis opē à Carthaginensibus petierūt: hiq;
 illis præsidium cum Annibale Gesconis F. duce mise-
 runt: itaq; Syracusani suos, quos auxilio Lacedæmo-
 nijs cōtra Athenienses miserāt, domū reuocarunt. Xe-
 nophon & Diod. Sic Alcibiades magni nominis)
 Magnificū Alcibiadis reditum in patriā præter Xeno-
 phontē, Diod & Plutar. describit Iust. li. 5. Cyrus et-
 iam filius Darij) Vulgo turpi errore legitur, Cyrus
 aut frater Darij. Lylander itaq; Alcibiadis) Hæc
 clades absente Alcibiade Antiochi, quē classi præfece-
 rat, temeritate accepta fuit. Xenop. li. 1. Diod. 13. Plu-
 tar. Alcibiade & Lyfandro. Pausanias. li. 3. Itaq; ita
 tim imbellis manus &c.) Vltimū hoc præliū naua-
 le inter Lacedæmonios & Athenienses bello Pelopōnesia-
 co (quod xxvii. annos durauit) cōmissum fuit ad Ae-
 gos flumina, quo Atheniensium classis deleta est: de quo
 eosdē auctores consule, quos modo nominaui. Statu-
 unt vrbē peregrinis dare) .i. peregrinos ciuitate
 donare. Diod. ἐποίησαντο πολίτας τοὺς μετοίκους,
 καὶ τῶν ἄλλων ξένων τοὺς βυλομένους συναγαγόντας.
 Ad Cypriū regē concessit Euagorā) Huius loci
 mendum

mendum alijs quoq; animaduertent, ac sine vllō negotio ex Iustino emendari potuit. Xenoph. li. 2. Κόνων οὐκ ἔω ναυσὶν ἀπέπλευσε παρ' εὐαγόραν ἐς κύπρον. Sed ne in re minimè dubia testibus videar uti non necessarijs. κόνωνα ᾧ τίς οὐκ ὤδεν, ὅτε δυσυχητασὺς τ' ὠλέως ὥς εὐαγόραν ἦλθε; ut ait Isocrates in Euagora.

In Caput XVII.

Spartani negauerunt) Sic quidē Iustini. at Xenoph. li. 2. ita, λακεδαιμόνιοι ᾧ οὐκ ἔφασαν πολιν ἐλλυίδα ἀνδραποδεῖν, μέγα ἀγαθὸν εἰργασμένῳ ἐν τοῖς μεγίστοις κινδύνοις γενομένῳ. (Sic enim legendum ē vetustis, nō γενομένῳ ut est impressum.) τῇ ἐλλάδι. Lacedæmonij negarunt se Graciam urbem, quæ in summis Graciae periculis optimè de illa esset merita, euersuros. Si Piræei portus) Iust. Si demissa Piræum versus muri brachia deiecerint. vbi muri brachia vocat, quæ Græci μακρὰ σκέλη, & μακρὰ τέχνη. Darij Persarum regis) Darius non ita multo post pacē inter Athenienses factam mortuus fuit, cum annos XIX. regnasset, Diod. li. 13. Dionysius vero, ut idem scribit, non tam exulauit, quam in extremū discrimen amittenda tyrannidis venit. Occiso Alcibiade) Trogus, cuius sententiam Orosius sequitur, videtur ideo scripsisse Alcibiadē à Trīginta viris occisum fuisse, quòd illi, & præcipue Critias, ut est apud Plutarch. Lyсандrum impulerint, ut Alcibiadem à Pharnabazo interficiendum curaret. Varia tamen eius necis causa commemorantur à Plutarcho & Diodoro li. 14. Viuis incensus est) Plutarchus scribit
Alcibia-

Alcibiadem in Phrygiæ quodam vico deprehensum ab ijs quibus Pharnabazus hanc eadem mādauerat. qui cum ad eū ingredi non auderent, adibus circumfusi eas incenderunt, Alcibiades sinistrā manū palio inuoluit, gladioq; districto integer à flāma erupit, & submotis intersectoribus eminus ab ijs telis oppressus est. Sed Ephorus li. 17. vt est apud Diod. tradidit adibus incensis ipsum quidem eruptionem tenuisse. verum flamma telisq; impeditū interijisse. The ramenem quoque) Theramenis præclara mors nō tantum à Xenophōte eleganter describitur, sed & à Cicerone Tusc. 1. magnificè laudatur. Thrasylbulus vir strenuus) θρασύβυλος ὁ τυριεύς ὀνομαζόμενος, ὦν Ἀθηναῖος, Diod. Castellum Phylen) Vulgo mendosè, phylenen, legitur, sicut apud Isocratem de pace τῇ φυλακὴν καταλαβόντων, Apud Dionē li. 44. οἱ τὴν φυλακὴν καταλαβόντες, πρὸ φυλὴν. Xenophon, φυλὴν χωρίον καταλαμβάνει ἰσχυρόν. Diod. καταλάβετο χωρίον τ' Ἀττικῆς ὀνομαζόμενον φυλὴν. ἦν δὲ τὸ φρούριον ὀχυρόν τε σφόδρα, καὶ τῶν Ἀθηνῶν ἀπέχον σαδίσ ἐκτόν. id est, Occupauit Atticæ castellū Phylen nomine: quod & bene munitum erat & Athenis aberat millia passuum fere XIII. Quibus Lysias quoque) Extant optimi huius Oratoris aliquot orationes: quarum lepidissimā Funebrem nos ante annos aliquot auxilio libri manuscripti integram edidimus, latinamq; vna cū Defensione cadis Erasthstenis fecimus. CCCCC. milites) Plutar. in Lysia auctor est, ipsum inuisse Thrasylbulum duobus millibus drachmarum, scutis ducentis, & militib. à se conductis trecentis. Thrasylbulum quoque ipsum)

Hunc

Hunc conatum exposuerat Diod. li. 14. ubi post occupatum Piræum scribit, magnum numerum exulum ad Thraſybulum cōfluxiſſe: ac deinde in Henrici Stephani libro ſequitur, φαίεσθαι μὲν περὶ τινῶν ἀρχαῶν τῷ διαλεξόμενοι. &c. ubi hæc verba, ἡλθον δὲ καὶ ἀπὸ τῶν περὶ αὐτοὺς τινες, aut his ſimilia deſunt. Duo ſæuiſſimi) Critias nimirum & Hippomachus, Xenophō, & Iuſtinus, Diodorus Critia tantū meminit. Thraſybulus clamore conſequitur) Hæc Cleocriti præconi voce pronuntiata fuiſſe Xenophon ſcribit. Amneſtiā) ἀμνηſία Valerius M. li. 4. ca. 1. de Thraſybulo. Plebis ſcitum interpoſuit, ne qua præteritarū rerū mentio fieret. Hæc obliuio, quā Athenienſes ἀμνηſία vocant, &c. Hinc Plutarchus in ciuilibus præceptis ſcitū illud Athenienſiū vocat, τὸ τῆς ἀμνηſίας ψήφισμα. Hoc Græcū verbum uſurpauit M. Tullius, cum poſt eadē C. Iulij Caſaris omnem memoriā diſcordiarum obliuione ſempiterna delendā cēſuit, Philip. 1. Hinc Paterculus li. 2. Et illud decreti Athenienſium celeberrimū exemplum relatū à Cicerone obliuionis præteritarū rerum decreto patrum cōprobātū eſt. Vopifcus in Aureliano, Amneſtia etiā ſub eo delictorum publicorum decreta eſt de exēplo Athenienſium. cuius rei etiam Tullius in Philippicis meminit. Hæc ideo pluribus, quod vidē eſſe qui affirmant, verbū illud, quod Cicero uſurpauit, eſſe non, ἀμνηſίαν, ſed, μὴ μνηſιχχεῖν. Socrates ille) Socrates ab Anyto, & Melito impietatis accuſatus, & condēnatus venenum bibit anno primo Olympiadis XCV. Laertius li. 2. & Diod. 14. Concordia minimas res creſcere) Sententia Salluſtiana ex Iugurthino.

In Caput XVIII.

Bellum hoc inter duos fratres Cyrum & Artaxer-
xē gestum Xenophon eius particeps & socius septē li-
bris κύριος ἀναβάσιως descripsit: quos bene Latinos se-
cit doctissimus Romulus Amasius. De eodem Diod. li.
14 & Plutarchus in Artaxerxe. Quis enim cladē)
παρωδία Virgiliana è libr. 2. Aeneid. His deinde
temporibus) Hic terramotus accidit an. tertio O-
lymp XXCVIII. anno quinto belli Peloponnesiaci, de
quo Diod. lib. 12. τηλικούτους δὲ συνέβη τοὺς σει-
μοὺς γενέσθαι κατὰ πολλὰ μέρη τῆς Ἑλλάδος, ὥστε καὶ
πολλοὶ τινὲς ἐπιθαλαττίους ἐπικλύσασαν τὴν θά-
λασσαν διαρθεῖν, καὶ κατὰ τὴν Λοκρίδα χερσονήσον
καθεσώσης ῥῆξαι μὲν τὸν ἰσθμὸν, ποταμὸν δὲ ἦσαν τὴν
ὀνομαζομένην ἀταλάντην. id est, Tū in plerisq, Gra-
cia partibus terra ita movit, ut nonnullas vrbes ma-
ritimas super infusa maria obruerint, & Locridis la-
tus, in quo Atalante oppidum in mare proiectum con-
tinenti adhaerebat, maris impetu abscissum in insu-
lam abierit.

In Caput XIX.

Anno ab V. C. CCCLV) Cuspinianus vult
in hoc numero errorem inesse. quē ego, qui puto Oro-
sium respexisse non tempus cœptæ obsidionis Veiorū,
sed capta urbis, contra fidem librorum mutare nolui.
Sigonio, cuius diligentiam in perficiendis Fastis ad-
miramur, annus captae urbis Veiorum est post R.
cond. CCCLVII. De Veiorū obsidione & expugnatio-
ne copiose Liuius libr. 5. Camilli exilium) M. Fu-
tius Camillus, die dicta ab L. Appuleio Tribuno pl. ob
prada v

pradam Veientanā iniquè diuisam, in exilium abiit quinto anno post quàm Veios ceperat, Liuius & Plutarchus in Camillo. Urbem Clusini, quæ nunc Tuscia.) Orosio hic suam lectionem reddidimus. Verum hoc oppidum ab alijs Clusium, oppidanos Clusinos dici, notius est, quàm vt sit admonendum. Fabius cum exercitu Consul) Nullus Fabius hoc tempore Consul fuit: sed eo anno, quo Roma capta est, tres Fabij Tribuni militum Consulari potestate fuerunt, Liuius li. 5. Diod. 14. Plutarchus in Camillo. Testatur hanc Fabij cladem) Eodem die, nempe XV. K. Sext. vtraque clades accepta fuit, id est dies à posteriore Aliensis dictus est, Liuius li. 6. Plutar. in Camillo, Tacitus li. 18. Seruius in VII. Aeneid. Et vndique per impedita.) Lectionem illam, quam hic Gerardus Bolsuinge in margine asscripsit, nos in antiquis non inuenimus: sed quod in illis sine vlla differentia legitur, nos bona fide descripsimus. Hinc illis mutare sedes) Intelligit consilium migrandi Veios: quo de Liuius libro quinto extremo. Illa sex mensibus defæuiens) Plutarchus Romam septem mensibus in Gallorū potestate fuisse, his verbis in Camillo scribit,

οὐλω μὲν ἢ ῥώμῃ παραλόγως ἦλω, καὶ πα-
ραλογώτερον ἐσώθη, μῆνας ἀπὸ
τοῦς πάντας ὑπὸ τοῖς βαρ-
βάροις γενο-
μένη.

PAVLI

PAULI OROSII
ADVERSUS PAGA-
NOS HISTORIARVM
LIBER TERTIVS.

P R A E F A T I O.

ET superiore iam libro con-
testatus sum, & nunc neces-
sarie repeto, secundum prae-
ceptum tuum de antea actis
cōsultationibus saeculi, nec
omnia nec per omnia posse quæ gesta, &
sicut gesta sunt explicari, quoniam magna
atque innumera copiosissime à plurimis
scripta sunt. Scriptores autem etsi non e-
andem causas, eandem tamen res habuere
propositas: quippe cū illi bella, nos bel-
lorum miseras euoluamus. Præterea ex
hac ipsa, de qua queror, abundantia, an-
gustia oritur mihi, & concludit me soli-
citus nodosior. Si enim aliqua studio
breuitatis omitto, putabuntur aut mihi
nunc defuisse, aut in illo tunc tempore
non fuisse. Si vero significare cuncta, nec
exprimere studens, compendiosa breui-
tate succingo, obscura faciam: & ita apud

K

pleros-

* dicta:

plerosque erunt * dubia, vt nec dicta videantur: maximè cum è contrario nos vim rerum, non imaginem commendare curemus. Breuitas autem atque obscuritas, immò vt est semper obscura breuitas, etsi cognoscendi imaginem præfert, aufert tamen intelligendi vigorem, Sed ego cum vtrūque vitandum sciam, vtrunque faciam, vt quocunque modo alterutra temperentur, si nec multa prætermissa, nec multum constricta videantur.

*De pace iussu Artaxerxis regis per Graciam
facta, deq; varijs bellis ante illam pacem
a Lacedæmonijs cum rege
& Thebani gestis, vbi
de Conone.*

CAPVT I.

ANno ab vrbe cōdita CCC.LXIII. quem annum sicut grauissimum propter ignotam sibi captiuitatem Roma perlensit, ita magnificum propter insolitam pacem Græcia habuit. Eo siquidem tempore, quo Galli Romam captam incensamq; tenuerunt ac vendiderūt, Artaxerxes rex Persarū discedere ab armis, & quiescere in pace vniuersam Græciam per legatos præcepit, denunciāns contra-

dicto-

dictorem pacis, bello impetendum: quem
ita iubentem potuissent utique Græci
tam constanter contemnere, quàm forti-
ter sæpe vicerunt, nisi porrectam vnde-
cunque occasione, quam avidè desidera-
uerant, tam libenter hausissent. ostende-
runt enim quàm ægre admiscere illa quæ
eatenus gesserunt, quæ tam facile indigna
etiam conditione deposuerunt: nam quid
tam indignum liberis & fortibus viris,
quàm longe remoti, sæpe etiam victi ad-
huc hostis, & deinde minitantis imperio
arma deponere, paci quæ servire, si non i-
plo tantum annuntiatae pacis sono per-
corda cunctorum ægra belli tabuisset in-
tentio: & post diuturnas laborum vigilias
oscitantes ac stupefactos quies inopinata
laxasset, priusquam ipsam quietem volun-
tas pacta componeret? Vnde autem tanta
fatigatio, omnium per totam Græciâ po-
pulorum corda corpora quæ oppresserit,
quæ efferos animos ignoto acquiescere o-
tio tam facile persuasit, quàm breuissimè
ostendam. Lacedæmonij, utpote homi-
nes, & Græci homines, quò plura habe-
bant, eò ampliora cupientes, postquam
Atheniensium potiti sunt, vniuersam A-
siam spe dominationis hauserunt. Itaque

toti oriēti bellum mouentes, Dercyllidā
ducem in hanc militiam legunt: qui cum
sibi aduersus duos potentissimos Artaxerxis Persarum regis præfectos, Pharnabazum & Tissafernem, pugnandum videret, prouiso ad tempus consilio, vt pondus geminæ cōgressionis eluderet, vnum denuntiato bello appetit, alterum pacta pace suspendit. Pharnabazus Tissafernem apud Artaxerxem, communem tunc regem desert vt proditorem, præsertim qui cum hoste belli tempore de fœderis conditione pepigisset: hortaturque regem vt in locum eius Cononem Atheniensem virum, qui tunc fortè apud Cyprum exulabat, ducem nauali bello constituat. Acceptis igitur quingētis argēti talentis, Conon per Pharnabazum euocatur, classi q; præficitur: quibus compertis, Lacedæmonij & ipsi auxilia naualis belli, à rege Aegypti Hercynione per legatos petunt: à quo centum instructas triremes & sex cēta millia modiū frumenti acceperunt: à socijs etiam vndique magna contraxere subsidia. Cui militiæ consensu omnium, Agesilaum ducem decreuerunt, virum pede claudum, sed qui in difficillimo rerum statu mallent sibi regem claudicare quam

quàm regnum. Raro vnquam ita pares omni industria duces in vnū coiêre bellū, qui acerbissimis inuicem prælijs fatigati, & multo sanguine obliti, velut inuicti ab alterutro recesserunt. Igitur Conon accepto iterum per se ipsum à rege magno stipendio, reuersus ad classē, inuadit hostiles agros, turres, castella, cæteraq; præsidia expugnat: & veluti effusa tempestas, quacumque incubuit, cuncta prosternit. Lacedæmonij vero domesticis malis circumuenti, externis inhiare desistunt, abijciuntque spem dominationis, imminente periculo seruitutis. Agesilaum, quem cum exercitu in Asiam miserant, ad subsidium patriæ reuocant. Interea Pisander dux apud Spartam, per Agesilaum regem relictus, maximam munitamque classem tunc instruxerat, motus æmulatione virtutis Agesilai, vt illo pedestrem expeditionem agitante, ipse quoq; nauali discursu oram maritimam peruagaretur. Conon vero suscepto negotio, duplicem curam impendebat, debens socijs sollicitudinem, patriæ fidem: vt huic exhiberet naturam, illis præberet industriam: in hoc propensior ciuibus, quod quieti libertatiq; eorum alieni sanguinis discrimen-

impenderet, & pugnaret aduersus insolentissimos hostes periculo regis, præmio patriæ. Conserunt itaq; nauale certamê Persæ Cononæ, Spartani Pisandro duce: milites, remiges, ipsiq; ductores vno pariter in mutuam cædem ardore rapiuntur. Magnitudine atq; atrocitate belli istius inclinatus, ex hoc semper in posterum Lacedæmoniorum status proruit. Namque ex illo fluere, ac retro sublapsa referri spes Spartanorum visa est, donec assurgendo ægre ac miserè recidendo confecta & potestate careret, & nomine. Atheniensibus verò hæc eadē pugna initium recuperandæ potentiæ, sicut Lacedæmonijs amittendæ, fuit. Primi igitur Thebani, auxilio Atheniensium fulti, superiore clade saucios ac trepidos aggrediuntur, multa animati fiducia propter virtutē atque industriam Epaminondæ ducis sui, cum quo sibi facile obtinere posse imperium totius Græciæ videbantur. Fit itaque terrestre prælium, Thebanis minimo negotio vincentibus. Vincitur etiam hoc conflictu Lyfander, & occiditur. Pausanias quoq; dux alter Lacedæmoniorum, insimulatus prodicionis, in exilium truditur. Thebani autem victoria potiti, collecta

Et a vniuersi exercitus manu, Spartam
contendunt, putâtes se vacuam præsidio
ciuitatem, nullo intraturos negotio, cu-
ius iam omnes penè copias cum ipso rege
delessent, atque ab omnibus socijs desti-
tutos viderent. Lacedæmonij periculo ci-
uitatis impulsî, habito in exercitati militis
qualicunq; delectu, obuiam hosti proce-
dunt. Sed victis semel, aduersus victores
obstistendi nec virtus nec animus erat.
Cum igitur cædes vnus tâtum penè par-
tis ageretur, repente rex Agésilâus accer-
sit ex Asia, improuisus bello superue-
nit: Thebanos iam successu duplicis vi-
ctoriæ lætiores segnioresq; aggreditur:
nec difficilè superat, maximè cum adhuc
apud ipsum penè integræ vires haberen-
tur. Ipse tamen Agésilâus grauiter vulne-
ratur. At vero Athenienses, cum compe-
rissent insperata Lacedæmonios victoria
subleuatos, pristinae seruitutis, de qua
tunc respirare vix cœperant, trepidi me-
tu, exercitum contrahunt, eumq; Bœo-
tîs in auxilium adiungunt, commissum
Iphicrati duci: qui adolescens admodum,
vix dum annos viginti natus, infirmita-
tem ætatis maturitate animi muniebat.
Conon quoque vir quidem Atheniensis,

dux autem Persici exercitus, audito Agesilai reditu, ad populandos Lacedæmōdiorū agros reuertitur. Ita Spartani strepitu circumsonantium vndique hostium clausi atque exterriti, vltima propemodū desperatione tabuerūt. Sed Conon postquam vasta hostilis solī populatione satiatū est, Athenas pergit, in maximo gaudio ciuium iplē tristis: quippe cum videret urbem populo quondam cultūque ornatissimam, nunc miserabili ruinarum ac desolationis squalore confectam. Itaque magnum pietatis miserationisque monumentum in reparatione eius operatus est. Namque eam à Lacedæmonijs exinanitā, Lacedæmoniorum prædis repleuit: Persis incendentibus concrematam, Persis edificantibus reformauit. Interea Artaxerxes rex Persarum, sicut principio dictum est, vniuersis Græciæ populis per legatos, vt ab armis discederēt, & paci acquiescerent, imperauit: non quod misericorditer fœsis consulcret, sed ne illo in Aegypto bellis occupato, aliqua in regnum suum tentaretur irruptio.

De Lacedæmoniorū offensione in Arcadia, victoria Thebanorum, Epaminonda morte cum epologo dictorum.

Caput

CAPVT II.

CVnctis igitur Græcis optatissima
quiete resolutis, domesticoque otio
torpentibus, Lacedæmonij inquieti ma-
gis quàm virtute intolerabiles, post bella
deposita tentât furta bellorum. Nam spe-
culati absentiam Arcadum, castellum eo-
rum repentina irruptione perfringunt.
Arcades vero exciti iniuria, iuncto sibi
Thebanorum auxilio, amissa furto, bello
repetunt. In eo prælio Archidamus dux
Lacedæmoniorum vulneratus, cum etiam
cædi suos iam vt victos videret, occiso ū
corpora per præconem ad sepulturâ pos-
cit: quod signum victoriæ traditæ inter,
Græcos haberi solet. Thebani autem hac,
confessione contenti, dato parcendî si-
gno, finem dedere certamini. Paucis de-
inde interuenientibus induciarū diebus,
Lacedæmonijs ad alia bella conuersis,
(Thebani cum Epaminonda duce, de inua-
denda Lacedæmonia quasi secura & de-
stituta, cepere fiduciam. Taciti, intempe-
sta nocte, Lacedæmonem veniūt: sed non
ita incautam vel indefensam sicut reban-
tur, offendunt. Armati enim senes cum
reliqua turba imbellis ætatis, præcognito
aduētu hostium, in ipsis se portarum an-
K s gustijs

gustijs obiecerunt, & aduersus quinde-
cim millia militum, vix centum confecti
duo homines proruperunt. His itaque
tantam belli molem sustinentibus, iuuen-
tus superueniens, cōgredi aduersus The-
banos aperto certamine incunētanter de-
creuit. Commisso prælio, cum Lacedæ-
monij vincerentur, repente Epaminon-
das dux Thebanorum incautius dimicās
vulneratur. Quare dum his ex dolore
metus, illis ex gaudio stupor nascitur,
veluti ex consensu tacito vtrinque disces-
sum est. Epaminondas autem grauitè
faucius, cum de victoria suorum com-
perisset, scutumque exosculatus esset, re-
mota manu quæ vulnus occluserat, egres-
sum sanguinis ac mortis patefecit introi-
tum: cuius mortem sic Thebanorum per-
ditio subsequuta est, vt non perdidisse du-
cem, sed ipsi cum eo tunc perisse videren-
tur. Cōtexui indigestæ historiæ inextri-
cabilem cratem, atq; incertos bellorū or-
bes huc atq; illuc lymphatico furore ge-
storum verbis è vestigio secutus implicui:
quoniā tanto (vt video) inordinatius scri-
psi, quanto magis ordinem cūstodiui. Im-
proba dominandi Lacedæmoniorum cu-
piditas, quantis populis, qualibus vrbi-
bus,

bus, quibus prouincijs, cuiusmodi odiorum motus, quantas causas certaminum fulcitarit, quis vel numero, vel ordine, vel ratione disponat? cum ipsi quoque non plus afflicti bellis quàm bellorum confusione referantur: siquidem tracto per aliquot ætates hoc continuo bello, Athenienses, Lacedæmonij, Arcades, Bœotij, Thebani, postremò Græcia, Asia, Persis, atq; Aegyptus cū Lybia, insulisque maximis, nauales simul pedestresq; conflictus indiscretis egere discursibus. Referre cæsa hominū millia non possem, etiam si bella numerarem. At nunc increpet hæc tempora, atque illa collaudet, quicumq; nescit hosce omnes istarum vrbium prouinciarumque populos, ita nunc in solis ludis ac theatris consenescere, sicuti tunc in castris maximè prælijsque tabuisse. Florentissima illa, & totius tunc imperium orientis affectans Lacedæmoniorum ciuitas, vix centum habere potuit senes: ita incessabilibus circumuenta malis, immaturas miserè expendebat ætates: & quæruntur nunc homines, quorum refertæ pueris & senibus ciuitates, securæ iuuenum peregrinatione ditantur, pacificisq; exercitijs stipèdia domesticæ voluptatis acqui-

acquirunt? nisi forte (vt assolent humanæ mutabilitati omnia sordere præsentia) nouitates rerum actu audituque pruriētibus ipsa etiam vita fastidio est.

*Terramotus Achaia collatus cum Constanti-
nopolitano. Romani ciuitates aliquot
capiunt.*

CAPVT III.

ANno ab vrbe condita CCC LX-
XVI. sæuissimo terræmotu Achaia
vniuersa concussa est, & duæ tunc ciuita-
tes, id est, Bura & Helice, abruptis loco-
rum hiatibus deuoratæ sunt. At ego nunc
è cōtrario poteram similia in diebus no-
stris apud Constantinopolim, æque mo-
do principem gentium, prædicta & facta
sed non perfecta narrare, cum post terri-
bilem denuntiationem conscientiamque
mali sui præsciam, subter commota fundi-
tus terra tremere, & desuper fusa cælitus
flamma perderet, donec orationibus Ar-
cadij principis & populi Christiani, præ-
sentem perditionem deus exoratus auer-
teret: probans se solum esse & conserua-
torem humilium, & punitorem malorū.
Sed hæc vt cōmemorata sint magis quàm
explicata, verecundiæ concesserim, vt &
qui scit, recolat: & qui nescit, inquireat.
Interea

Interea Romani, qui per septuaginta annos ab vrbe Volscorum, præterea Faliscorum, Aequorum, & Sutrinorum, subacti & attriti assidujs bellis conficiebantur, tandem in supra scriptis diebus Camillo duce easdem cepere ciuitates, & rediuiuo finem dedere certamini. Prænestinos etiam eodem tempore, qui usque ad portam Romæ bellando & cædendo peruenierant, ad flumen Aliam T. Quinctio pugnante, vicerunt.

*De pestilentia grauißima, eiusq;
expiatione.*

CAPVT IIII.

ANno ab vrbe condita CCCLXXX
IIII. L. Genucio, & Q. Seruilio Con
sulibus, ingens vniuersam Romam pesti
lencia corripuit: non (vt assolet) plus mi
nusue solito temporum turbata temperi
es, hoc est, aut intempestiua siccitas hye
mis, aut repentinus calor veris, aut incon
gruus humor æstatis, vel autumnii diuitis
indigesta illecebra, insuper etiam expira
ta de Calabris saltibus aura corrumpens,
repentinos acutarum infirmitatum affer
ret transcursus, sed grauis diuturna que
in nullo dispar sexu, in nulla ætate dissimi
lis, generali cunctos per biennium iugi
ter

ter tabe confecit: vt etiam quos non negit in mortem, turpimacie exinanitos afflictosque dimiserit. Conquerentur hoc (vt arbitror) loco obtrectatores temporis Christiani, si fortè silentio præterierim, quibus tunc cærimonijs Romani placauerint deos, & sedauerint morbos, cum pestilentia in dies crudesceret. Auctores suasere pontifices, vt ludî scænici dijs expectantibus ederentur: & ita pro depellenda temporali peste corporum accersitus est perpetuus morbus animarum. Vber nunc quidem mihi iste doloris atque increpationis locus est, sed in quo iam reuerentia tua studium sapiëntiæ & veritatis exercuit, mihi super eo audere fas non est. Commonuisse me satis sit, & ex qualibet intentione lectorem ad illius lectionis plenitudinem remisisse.

*Ingens terra hiatus medio Romæ apparuit,
quem Marcus Curtius precipitio
sui auertit.*

CAPVT V.

SEquitur hanc miseram luem, miserio-
remque eius expiationem proximo
anno satis triste prodigium. Repente si-
quidem medio vrbis terra dissiluit, vasto-
que præruptè hiantia subito inferna pa-
tuérunt.

tuérunt. Manebat diu ad spectaculū terroremque cunctorum patenti voragine impudens specus, nefariamque viui hominis sepulturam dijs interpretibus expetebat. Satis fecit improbis saucibus præcipitio sui Marcus Curtius, vir eques armatus: iniecitque crudeli terræ inopinatam facietatem, cui parum esset, quod ex tanta pestilentia mortuos per sepulchra susciperet, nisi etiam viuos scissaerberet.

*Gallorum ingentem multitudinem Romani
sternunt ac fugant. Tusci superantur.*

Galli tertio irruentes trucidantur.

CAPVT VI.

ANno ab vrbe condita CCCLXXXVIII. iterum terribilis Gallorum inundatio iuxta Anienem fluuium, ad quartum ab vrbe lapidem confedit, facile sine dubio, pondere multitudinis & alacritate virtutis, perturbatam occupatura ciuitatem, nisi otio & lenitudine torpuiisset: vbi atrocissimam pugnam Manlius Torquatus singulariter inchoauit, T. Quinctius Dictator cruētissima congressione confecit. Fugati ex hoc prælio plurimi Galli, instauratis iterum copijs in bellum

bellum ruentes, à C. Sulpicio Dictatore superati sunt. Post paululum quoque Tuscorum pugna sub C. Marcio consecuta est: vbi conijci datur, quantum hominum cæsum sit, quando octo millia sunt capta Tuscorum.

Tertia autem in ijsdem diebus Galli se in prædam per maritima loca, subiectosq; campos ab Albanis montibus diffuderunt: aduersum quos nouo militum delectu habito, conscriptisque legionibus decem, sexaginta millia Romanorum, negatis sibi Latinorum auxilijs, processerunt. Cōfecit hanc pugnam M. Valerius, auxiliante coruo alite, vnde postea Coruinus est dictus. Occiso enim prouocatore Gallo, hostes territi, sparsimque fugientes, grauius trucidati sunt.

*Fœdus Romanorum cū Carthaginiensibus cō-
plurium malorum causa. Inter alia mi-
ra, veris lapidibus pluit. Alexāder
Magnus nascitur. Rex Per-
sarū Iudeos captiuos
abducit.*

CAPVT VII.

* initum.

NVmerandum etiam inter mala cen-
seo, primum illud * iētum cum Car-
thaginiensibus fœdus, quod ijsdem tem-
poribus

poribus fuit, præsertim ex quo tam gra-
uia orta sunt mala, vt exin cœpisse vide-
antur. Anno siquidem ab vrbe condita
CCCCII. legati à Carthagine Romam
missi sunt, fœdusque pepigerunt. Quem
ingressum Carthaginensium in Italiam
malorum grandinem secuturam, conti-
nuarumque miseriarum tenebras iuges,
historiarum fides, locorumque infamia,
& abominatio dierum, quibus ea gesta
sunt, protestantur. Tunc etiam nox vsque
ad plurimam diei partem tendi visa est: &
faxea de nubibus grando descendens, ve-
ris terram lapidibus verberavit. Quibus
diebus etiam Alexâder Magnus, magnus
vere ille gurges miseriarum, atque atro-
cissimus turbo totius orientis est natus.
Tunc etiam Ochus, qui & Artaxerxes,
post transactum in Aegypto maximum
diuturnumque bellum plurimos Iudæo-
rum in transmigrationem egit, atque in
Hyrcania ad Caspiû mare habitare præ-
cepit: quos ibi vsque in hodiernum diem
amplissimis generis sui incrementis con-
sistere, atque exinde quandoque eruptu-
ros, opinio est. Cuius etiam belli tempe-
state, transcurrens & Sidonem opulentis-
simam Phœnicis prouinciæ urbem dele-

L

uit: &

uit:& Aegyptum quamuis prius victam,
tunc tamen subactam, comminutamque
ferro, Persarum subiecit imperio.

*Breuiter comprehendit sequentium bellorum
à Romanis gestorum clades: & de Ia-
ni portus clausis.*

CAPVT VIII.

IAm hinc statim à Romanis aduersum
Samnitas, gentē opibus armisque vali-
dam, pro Campanis & Sidicinis bella su-
scepta sunt. Samniticum bellum ancipiti
statu gestum, Pyrrhus vel maximus Ro-
mani nominis hostis, excepit. Pyrrhi bel-
lum mox punicum consecutum est: &
quamuis nunquam post mortem Numæ,
à bellorum cladibus fuisse cessatum, semel
patentes Iani portæ indicēt, ex eo tamen
veluti per meridiem, toto impressus cœ-
lo malorum feruor incanduit. Porro au-
tem inchoato semel bello Punico, vtrum
aliquando bella, cædes, ruinæ atque o-
mnia infandarum mortium genera, nisi
Cæsare Augusto imperante cessauerint,
inquirat, inueniat, prodat, quisquis in-
famanda Christiana tempora putat. Abs-
que illo tamen, inter bella Punica vnus
anni, veluti auis præteruolantis excur-
su, Romani propter Iani portas clausas
inter

inter febres morbosque reipub. adhuc bre-
uissimo pacis signo, velut tenuissimo a-
quæ gelidæ haustu illecti sunt, vt in peius
recalescentes, multo grauius vehementi-
usque affligerentur. At vero si indubita-
tissimè constat, sub Augusto primû Cæ-
sare, post * partam pacē vniuersarum ter-
rarum orbē positis armis, abolitisque dis-
cordijs, generali pace & noua quiete cō-
positû, Romanis paruisse legibus, Roma-
na iura quàm propria arma maluisse, spre-
tisque ducibus suis, iudices elegisse Roma-
nos: postremo omnibus gētibus, cunctis-
que prouincijs, innumeris ciuitatibus, in-
finitis populis, totis terris vnā fuisse vo-
luntatē, libero honestoque studio inseruire
paci, atque in cōmune consulere: quod pri-
us ne vna quidem ciuitas, vnusue populus
ciuiū, vel quod maius est, vna domus fra-
trum iugiter habere potuisset: quod si et-
iam cum imperante Cæsare ista prouene-
rint, in ipso imperio Cæsaris illuxisse or-
tū in hoc mūdo domini nostri Iesu Chri-
sti, liquidissima probatione est manife-
stū, inuiti licet illi, quos in blasphemiam vr-
get inuidia, cognoscere faterique cogun-
tur, pacem istam totius mundi & tranqui-
llissimam serenitatem non magnitudine

Cæsar, sed potestate filij dei, qui in diebus Cæsaris apparuit, extitisse, nec vnus vrbis imperatori, sed creatori orbis vniuersi, orbem ipsum generali cognitione paruisse: qui sicut sol oriens diem luce perfundit, ita adueniens misericorditer, extenta mundum pace vestierit. **Q**uod plenius cum ad ipsum perficiente domino ventum fuerit, proferemus.

*Romani Latinis bellum inferunt. Manlius
Torquatus filium occidit. Minucia Ve-
stalis virgo incesti dam-
nata.*

CAPVT IX.

Igitur anno ab vrbe cōdita CCCCIX.
Romani bellum Latinis rebellantibus
intulerunt, Manlio Torquato, & Decio
Mure consulibus: in quo bello vnus con-
sul interfectus est, alter extitit parricida.
Manlius enim Torquatus filium suum, iu-
uenem victorem, interfectoremque Me-
tij Tusculani nobilis equitis, & tum præ-
cipue prouocantis atque insultantis ho-
stis occidit. Alius vero consul, cum itera-
to conflictu illud cornu cui præerat, cæ-
di atque affligi videret, in confertissimos
hostes sponte prolapsus, occubuit. Man-
lius quamuis victor, occursum tamen no-
bilibium

bilium iuuenum Romanorum, qui legitime exhiberi solet, triumphans parricida non meruit. Anno autem post hunc subsequente Minucia virgo Vestalis ob admissum incestum damnata est, viuaque obruta in campo, qui nunc Sceleratus vocatur.

*Per multa matronæ Romanæ veneficij
accusata & damnata sunt.*

CAPVT X.

AT vero paruo ex in tempore interiecto, horresco referre quod gestum est: nam Claudio Marcello, & Valerio Flacco consulibus, incredibili rabie & amore scelerum Romanæ matronæ exarserunt. Erat utique fœdus ille ac pestilens annus, inflictaeque iam vndique cateruatim strages egerebantur, & adhuc tamen penes omnes de corrupto aëre simplex credulitas erat, cum existente quadam ancilla indice & conuincente, primum multæ matronæ ut biberent, quæ coxerant venena, compulsæ: deinde simul ut hausere, consumptæ sunt. Tanta autem multitudo fuit matronarum in his facinoribus consciarum, ut trecentæ septuaginta damnatæ ex illis simul fuisse referantur.

Alexander rex Epirotarum à Samnitibus victus & occisus est.

CAPVT XI.

ANno ab vrbe cōdita CCCCXXII. Alexander rex Epirotarum, Alexandri illius magni auunculus, traiectis in Italiā copijs cum bellum aduersus Romanos pararet, & circa finitimas Romæ vrbes firmare vires exercitus sui, auxiliaque vel sibi acquirere vel hostibus subtrahere studēs bellis exercebatur, à Samnitibus, qui Lucanę genti suffragabātur, maximo bello in Lucania victus atque occisus est. Sed quoniam aliquantum Romanas clades recēsendo progressus sum, vel Alexandri istius mentione commonitus, de Philippo Macedonū rege qui Olympiadem huius Alexandri Epirotæ sororem vxorem habuit, ex qua Alexandrum Magnum genuit, paucissimis annis retro repetitis, magna paruis, in quantum poterō colligam.

Philippi regis Macedonia res gesta, & quas gentes seu vrbes subegerit.

CAPVT XII.

ANno ab vrbe condita CCCC. Philippus Amyntæ filius, Alexādrī pater,

ter, regnum Macedonum adeptus, viginti quinque annis tenuit: quibus hos omnes acerbitatum aceruos cunctasque malorum moles struxit. Hic primum ab Alexandro fratre obles Thebanis datus, per triennium apud Epaminondam strenuissimum imperatorem, & summum philosophum eruditus est. Ipso autem Alexandro scelere Eurydices matris occiso, quamvis ea iam commisso adulterio, & altero primum filio interfecto, filiaque viduata, generi nuptias mariti morte pepigisset, compulsus a populo regnum, quod paruo occisi fratris filio tuebatur, suscepit. qui cum foris concursu exurgentium undique hostium, domi autem deprehen sarum sæpe insidiarum metu fatigaretur, primum bellum cum Atheniensibus gessit. Quibus victis, arma ad Illyrios transtulit, multisque millibus hostium trucidatis, Larissam urbem nobilissimam cepit. Inde Thessaliam non magis amore victoriæ, quam ambitione habendorum equitum Thessalorum, quorum robur ut exercitui suo admisceret, inuasit. Ita Thessalis ex improviso præoccupatis atque in potestatem reductis, iungendo equitum peditumque fortissimas turmas & copias, inuictissimum

fecit exercitum. Igitur victis Atheniensibus, subiectisque Theffalis, Olympiadem Arubæ regis Molossorum sororem duxit uxorem. Qui Aruba cū per hoc quod societatem Macedonum affinitate regis paciscebatur, imperium suum se dilataturum putaret, per hoc deceptus amisit, priuatulque in exilio consenuit. Deinde Philippus cum Methonam urbem oppugnet, ictu sagittæ oculū perdidit. Ipsam vero urbem mox expugnauit & cepit. Exin Græciam totam prope, consilijs præuentam, viribus domuit. Quippe Græciæ ciuitates, dum imperare singulæ cupiunt, imperium omnes perdiderunt: & dum in mutuum exitium sine modo ruunt, omnibus perire, quod singulæ amitterent, oppressæ demum seruiensque senserunt: quarum dum insanas cōcursationes Philippus velutiè specula obseruaret, auxiliūque semper inferioribus suggerendo, contentiones, bellorum fomites, callidus doli artifex foueret, victos sibi pariter victoresque subiecit. Huic autē ad obtinendam totius Græciæ dominationem, immoderata Thebanorum dominatio facultatem dedit, qui victos Lacædemonios ac Phocenses, cædibus etiam rapinisque

confe-

confectos, cum insuper in communi Græciæ concilio tanta pecuniæ multa oneravissent, quantam illi solvere nullo modo possent, ad arma confugere coegerunt. Itaque Phocenses & Philomelo duce & auxilijs Lacedæmoniorum Atheniensiumque fulti, commissa pugna hostibusque fugatis, Thebanorum castra ceperunt. Sequenti prælio inter immensas vtriusque populi strages Philomelus occisus est: in cuius locum Phocenses Onomarchum ducem creaverunt. Porro autem Thebani & Thessali omisso delectu civium, Philippum Macedoniæ regem, quem hostem prius repellere laborabant, ultro sibi ducem expetiuerunt. Commisso prælio, & Phocensibus penè ad internecionem cæsis, victoria ad Philippum concessit. Sed Athenienses audito belli euentu, ne Philippus transfret in Græciam, angustias Thermopylarum pari ratione, sicut aduentantibus antea Persis, occupauere. Igitur Philippus ubi exclusum se ab ingressu Græciæ, præstructis Thermopylis videt, paratum in hostes bellum, vertit in socios: nam ciuitates quarum paulò antè dux fuerat ad gratulandum ac suscipiendum patentes, hostiliter inuadit, crudeli-

L S ter di-

ter diripit: omniq̃ue societatis cōsciētia
penitus abolita, coniuges liberosq̃; omni-
um sub coronā vendidit, templa quoq̃; v-
niuersa subuertit, spoliauitq̃ue, nec tamen
vnquā per viginti quinq̃; annos quasi ira-
tis dijs victus est. Post hæc in Cappadociā
transijt, ibiq̃ue bellum pari perfidia ges-
sit, captos per dolum finitimos reges in-
terfecit, totamq̃; Cappadociam imperio
Macedonię subdidit. Inde post cædes, in-
cendia deprædationesq̃; in socijs vrbibus
gestas, parricidia in fratres cōuertit, quos
patri ex nouerca genitos cum cohæredes
regni vereretur, interficere aggressus est.
Cum autem vnum ex his occidisset, duo
Olynthum confugerunt: quam mox Phi-
lippus hostiliter aggressus vrbē antiquis-
simam & florentissimam, cædibus ac san-
guine repletam, opibus hominibusq̃ue va-
cuauit, abstractos etiam fratres supplicio
& neci dedit.

Dein cum excidio sociorum & parri-
cidio fratrum elatus, licere sibi omnia, quæ
cogitauisset, putaret, auraria loca in Thes-
salia, & argēti metalla in Thracia inuasit:
ac ne quod ius vel fas inuiolatum præter-
mitteret, præoccupato mari & classe dis-
persa, piraticā quoque exercere instituit.

Præ-

Præterea cum cum fratres duo Thraciæ reges, de regni terminis ambigētes, iudicem ex consensu præoptauissent, Philippus more ingenij sui ad iudicium tanquā ad bellum, cum instructo exercitu ingressus, inscios iuuenes vita regnoque priuauit. Athenienses vero, qui prius Philippi ingressum Thermopylarū munitione repulerant, vltro pacem eius expetentes, fraudulentissimum hostē de neglecta introitus custodia commonuerunt. Cæterę etiā Græciæ ciuitates, vt intentius ciuilibus bellis vacarent, sub specie pacis & scøderis, sponte se externę dominationi subiecerunt: maximè, cum Thessali Bœotię; poscerent Philippum, vt professum se aduersum Phocenses ducem exhiberet, susceptumque bellum gereret: contrā Phocenses, adhibitis secum Atheniensibus & Lacedæmonijs, vel differre bellum, vel auferri, & precio & precibus laborarent. Philippus tacitè vtrisque diuersa promissit, Phocensibus pacem & veniam se daturum sacramento confirmans, Thessalis vero affuturum se mox cum exercitu spondet: bellum tamen ab vtrisque parari vetat. Igitur Philippus instructis copiis, angustias Thermopylarum securus ingredi-

greditur, easq; occupatas dispositis præ-
sidijs emunijs. Tunc primum se non Phoc-
censes soli, sed & omnis Græcia captam
esse persensit: siquidem primos Phocen-
ses Philippus, rupta fide calcatoque sa-
cramento, infandæ dilacerationi dedit.
Inde omnium vrbes finesque populatus,
cruenta præsentia effecit, vt etiam absens
timeretur. Vbi vero in regnum redijt, mo-
re pastorum, qui pecora sua nunc per æ-
stiuos, nunc per hibernos saltus circun-
ducunt, populos & vrbes, vt illi replen-
da vel relinquenda quæque loca videban-
tur, ad libidinem suam transfert. Mife-
randa vbique facies, & atrocissimum mi-
seriarum genus obseruabatur, perpeti ex-
cidium sine irruptione, sine bello captiui-
tatem, sine crimine exilium, sine victore
dominatum. Præmit miseros inter iniuri-
arum stimulos superfusus pauor, ipsaque
dissimulatione dolor crescit: hoc altius
demissus, quo minus profiteri licet, timē-
tibus ne ipsæ quoque lachrymæ pro con-
tumacia accipiantur. Alios populos auul-
sos à sedibus suis, finibus hostium oppo-
nit: alios in extremis regni terminis statu-
it: quosdam æmulatione virium, ne pos-
sent quod posse credebantur, in supple-
menta

menta exhaustarum vrbium diuidit. Ita gloriosissimum illud quondam florentis Græciæ corpus in multas laceratasque particulas, extincta primum libertate, cōcidit.

Byzantium Philippus frustra obsidet. Scythiam bello aggreditur, & vincit. Triballi prædam ei eripiunt.

CAPVT XIII.

SEd hæc cum per aliquantas Græciæ ciuitates exercuisset, & tamen omnes metu premeret, conijciens ex præda paucorum, opes omnium, ad perficiendam æqualem in vniuersis vastationem, vtili emolumento necessariam maritimam urbem ratus Byzantium, nobilem ciuitatē, aptissimam iudicauit, vt receptaculum sibi terra marique fieret, eamque obsistentem ilicò obsidione cinxit. Hæc autem Byzantium quondā à Pausania rege Spartanorum condita, post autem à Constantino Christiano principe in maius aucta & Constantinopolis dicta, gloriosissimi nunc imperij sedes & totius caput orientis est. Philippus vero post longam & irritam obsidionem, vt pecuniam quam obsidendo exhauserat, prædando repararet, piraticam aggressus est. Captas itaque

CLXX. naues mercibus confertas, distra-
xit, & anhelâti inopiæ parua recreatione
subuenit. Inde propter agendam prædam
& curandâ obliuionem diuisit exercitû.
Iple autem cû fortissimis profectus, mul-
tas Cherronesi vrbes cœpit: profligatisq;
populis opes abstulit. Ad Scythiam quo-
que cum Alexandro filio prædandi inten-
tione pertransijt. Scythis tunc Etheas re-
gnabat: qui cum Istriarum bello pre-
meretur, auxilia à Philippo per Apollo-
nienfes petijt: sed continuo Istriarum
rege mortuo, & belli metu & auxilio-
rum necessitate liberatus, pacem fœ-
deris cum Philippo habitam dissoluit.
Philippus dimissa obsidione Byzantijs,
Scythicum bellum totis viribus aggredi-
tur. Commissoque prælio cû Scythæ &
numero & virtute præstarent, Philippi
fraude vincuntur. In ea pugna XX. M. pue-
rorum ac fœminarû Scythicæ gentis ca-
pta, pecorû magna copia abducta, auri at-
que argenti nihil repertû: nam & ea res pri-
mo fidem inopiæ Scythicæ dedit. XX. M.
nobilium equarum sufficiendo generi in
Macedoniam missa, sed reuertenti Philip-
po Triballi bello obuiant, in quo ita Phi-
lippus in femore vulneratus est, vt per
corpus

corpus eius equus interficeretur. Cum omnes occisum putarent, in fugam versi, prædam amiserunt. Aliquantula deinde mora dum conualefcit à vulnere, in pace conquieuit. Statim vero vt conualuit, Atheniensibus bellum intulit: qui in tanto discrimine positi, Thebanos quondam hostes, tunc socios adsciscunt: totiusque Græciæ ciuitates legationibus fatigant, vt communem hostem communibus viribus petant. Itaque aliquantæ vrbes Atheniensibus sese coniungere, quasdam vero ad Philippum belli metus traxit. Prælio commisso, cum Athenienses longe maiori numero militum præstarent, assiduis tamen bellis indurata Macedonum virtute vincitur: quam pugnam longe omnibus anterioribus bellis atrociolem fuisse, ipse rerum exitus docuit. Nam hic dies apud vniuersam Græciam, acquisitæ dominationis gloriam, & vetustissimæ libertatis statum finiuit.

Philippi crudelitas in Thebanos, & interitus.

CAPVT XIII.

POSTEA Philippus cruentissimam victoriam in Thebanos & Lacedæmonios

nios exercuit: siquidem principes ciuitatum alios securi percussit, alios in exilium egit, omnes bonis priuauit. Pulsos dudū à ciuibus, in patriam restituit: ex quibus CCC. exules iudices rectoresque præfecit, qui ut antiquum dolorem noua potestate curarent, pressos infœliciter populos in spem libertatis respirare non ficerent. Præterea magno delectu militum in subsidium regiæ dispositionis, ex tota Græcia habito, CC. M. peditum, & XV. M. equitum, absq; exercitu Macedonum & infinita gentium barbarie, Persicæ expeditioni in Asiam missurus instruxit. Tres duces, hoc est, Parmenionē, Amyntam & Attalum, præmittendos in Persas, legit. Et dum superscriptæ copię de Græcia congregantur, Alexandri, qui erat Olympiadis vxoris suæ frater, & post à Sabinis in Lucania prostratus est, quem Epiri regem ob mercedem stupri in eum perpetrati constituerat, nuptias in copulando ei filiam suam Cleopatram, celebrare decreuit: qui cum pridie quàm occideretur interrogatus fuisset, quis finis homini esset magis optandus, respondisse fertur, eum esse optimum, qui viro forti post virtutum suarum gloriam in pace regnanti,

gnanti, sine cōflictatione corporis & dedecore animi subitus & celer, inopinato ferro potuisset accidere, quod ipsi mox contigit. Nec ab iratis dijs, quos semper paruipenderat, quorumque aras, tēpla & simulachra subuerterat, quin lectilsimā, ut ipsi videbatur, mortem adipisceretur, potuit impediri. Nam die nuptiarum, cū ad ludos magnificē apparatus inter duos Alexandros filium generumque contenderet, à Pausania, nobili Macedonum adolecente, in angustijs sine custodibus circumuentus, occisus est. Afferant nunc, multisque hæc vocibus efferrant, quasi virorum fortium laudes & facta foelicia, quibus amarissimæ aliorum calamitates in dulces fabulas cedunt, si tamen nunquam ipsi iniurias, quibus aliquando vexantur, relatu tristiori deplorant. Si vero de proprijs quærimonijs tantum alios audientes affici volunt, quantum ipsi perpetiendo senserunt, prius ipsi non præsentibus præterita, sed gestis gesta comparent: & vtraque ex auditu, velut certi alienorum arbitri iudicent, per XXV. annos incendia ciuitatum, excidia bellorum, subiectiones prouinciarum, cædes hominum, opum rapinas, prædas pecorum, mortuo-

M

rum

rum mortes, venditiones captiuitatesque viuorum, vnius regis fraus, ferocia & dominatus, agitauit.

Samnites Romanorū copias capiunt. Romani iſtum ſædus rumpunt. Satricum expugnant.

CAPVT XV.

SVfficerent iſta ad exemplum miſeria-
rum inſinuata memoriæ noſtræ, ge-
ſta per Philippum, etiam ſi Alexander ei
non ſucceſſiſſet in regnū. Cuius bella, im-
mo ſub cuius bellis mūdi mala ordine ſe-
quentia ſuſpendo pauliſper, vt in hoc lo-
co pro cōuenientia temporum, Romana
ſubiſciam. Anno ab vrbe cōdita CCCC-
XXVI. Caudinas furculas ſatis celebres
& famoſas, inſignis Romanorum fecit in-
famia. Nam cum ſuperiore bello viginti
millia Samnitum, Fabio magiſtro equi-
tum pugnam conferente, cecidiſſent, cir-
cumſpectiore cura Samnites ac magis in-
ſtruſto apparatu apud Caudinas furculas
conſederunt, vbi cum Veturium & Po-
ſtumium cōſules, omneſq; copias Roma-
norum anguſtijs locorum armisq; clau-
ſiſſent, Pontius dux eorum in tantum abu-
ſus eſt victoriæ ſecuritate, vt Herenniū
patrem conſulendum putaret, vtrum oc-
cideret clauſos, an parceret ſubiugatis: vt
viuos

viuos tamen dedecori referuaret, elegit. Romanos enim antea læpissime vinci & occidi, nunquam autem capi, aut ad dedicationem cogi potuisse cōstabat. Itaq; Samnites victoria potiti, vniuersum exercitū Romanum turpiter captum, armis etiam vestimentisq; nudatum, tantum singulis vilioribus operimentis ob verecūda corporum tegenda cōcessis, sub iugum missum seruitioq; subiectum, longum agere pompæ ordinem præceperunt. Sexcentis autem equitibus Romanis in obsidatum receptis, oneratos ignominia, cæteris rebus vacuos, consules remiserunt. Quid de exaggeranda huius scēdissimi scēderis macula verbis laborem, qui tacere maluissem? Hodie enim Romani aut omnino non essent, aut Samnio dominante seruirent, si fidem scēderis, quam sibi seruari à subiectis volunt, ipsi subiecti Samnitibus seruauissent. Posteriore anno infringunt Romani firmatam cū Samnitibus pactiōem, eosq; in bellum cogunt, quod Papirio consule insistente commissum, magnas strages vtriusq; populi dedit. Cum hinc ita recētis infamiae, inde gloria proximæ victoriæ pugnantibus instimularet, tandem Romani perti-

naçiter moriendo vicerunt : nec cædi pa-
 riter vel cædere destiterunt , nisi postquã
 victis Samnitibus , & capto duce eorum ,
 iugum reposuerunt. Idem deinde Papiri-
 us Satricum , expulso inde Samnitico præ-
 sidio expugnauit , & cœpit. Hic autem
 Papirius adeo tũc apud Romanos belli-
 cosissimus ac strenuissimus habebatur , vt
 cum Alexander Magnus disponere dice-
 retur ab oriente descendens obtinere vi-
 ribus Africam , atque inde in Italiã tran-
 uehi , Romani inter ceteros duces tunc in
 republica sua optimos , hunc præcipuum
 fore , qui Alexandri impetũ sustinere pos-
 set , meditarentur.

*Alexander Philippo succedens , Thebanos , Illyri-
 os , Thracas , vrbesq; alias perdomuit. Datium
 vincit.*

CAPVT XVI.

Igitur Alexander , Anno ab vrbe cõdita
 CCCCXXVI. patri Phlippo successit
 in regnum , qui primam experiẽtiam ani-
 mi & virtutis suæ , comprellis celeriter
 Græcorum motibus , dedit : quibus au-
 ctor vt ab imperio Macedonum defice-
 rent , Demosthenes orator auro Persarũ
 corruptus , extiterat. Itaque Atheniẽsibus
 bellum deprecantibus remisit , quos insu-
 per

per etiam multo metu soluit: Thebanos cum diruta ciuitate deleuit, reliquos sub corona vendidit: cæteras vero vrbes Achaia & Thessalia vectigales fecit. Illyrios quoque & Thracas, translato mox ab hinc bello, domuit. Inde profecturus ad Persicū bellum, omnes cognatos ac proximos suos interfecit. In exercitu eius fuere peditum XXXII. millia, equitum IIII. M. D. nauēs C. LXXX. hac tā parua manu vniuersum terrarū orbem, vtrum admirabilius sit quod vicerit, an quod aggrediausus fuerit, incertum est. Primo eius cum Dario rege congressu, D C. M. Persarum in acie fuere, quę non minus arte Alexandri superata, quam virtute Macedonum, terga verterunt. Magna igitur cædes Persarum fuit. In exercitu autem Alexandri, CXX. equites, & nouem tantum pedites defuere. Deinde Gordien Phrygia ciuitatem, quæ nunc Sardis vocitatur, obsessam expugnatamque cepit, ac direptioni dedit. Inde nūciato sibi Darij cum magnis copijs aduentu, timens angustias quibus inerat locorum, Taurū montem mira celeritate transcendit, & D. stadijs sub vna die cursū transmisis, Tarsum venit: ibique cum sudans in Cyd-

num præfrigidum amnem descendisset, obriquit, contractuque neruorum proximus morti fuit. Interea Darius cū CCC. M. peditum & C. M. equitum in aciem procedit. Mouebat hæc multitudo hostium etiam Alexandrum maximè respectu paucitatis suæ, quamuis iam pridem DC. M. hostium eadem paucitate superatis, non solum non timere pugnam, sed etiam victoriam sperare didicisset. Itaque cum intra iactum teli vterque constitisset exercitus, & intentos ad signum belli populos discurrentes principes varijs incitamentis acuerent, ingentibus vtrunque animis pugna committitur. In qua ambo reges & Alexander & Darius vulnerantur: ac tam diu certamen anceps fuit, quo adusque fugeret Darius. Exinde cædes Persarum secuta est. Ibi tunc peditum octoginta millia, equitum decē millia cæsa, capta autem quadraginta millia fuere. Ex Macedonibus vero cecidere pedites centum triginta, equites CL. In castris Persarum, multū auri cæterarumque opum repertum est. Inter captiuos castrorum, mater & vxor eademque soror & filiæ duæ Darij fuere. Quarum redemptionem Darius cum etiam oblata regni dimi-

dimidia parte non impetrauisset, tertio cunctis Persarum viribus sociorumque auxilijs contractis, bellum instaurat. Sed dum hæc Darius agit, Alexander Parmenionem adinuadendam Persicam classem cum copijs mittit, ipse in Syriam proficiscitur. ibi ex multis sibi regibus cū insulis vltro occurrentibus, alios allegit, alios mutauit, alios perdidit. Tyrum urbem antiquissimam & florentissimam, fiducia Carthaginensium cognatorum sibi obsistentem, oppressit & coepit. Exin Ciliciam, Rhodum atq; Aegyptum pertinaci furore peruadit. Inde ad templum Iouis Ammonis pergit, vt mendacio ad tempus composito, ignominiam sibi patris incerti & infamiam adulteræ matris aboleret. Nam accersitum ad se fani ipsius antistitem ex occulto monuit, quid sibi tanquam consulenti responderi velit, sicut historici eorum dicunt. Ita certus Alexander fuit, nobisq; prodidit, dijs ipsis mutis & surdis, vel in potestate esse antistitis quid velit fingere: vel in voluntate consulentis, quid malit audire. Reuertens ab Ammone ad tertium Persicum bellum, Alexandriam in Aegypto condidit.

*Darij vltimum cum Alexandro praliū, eiusq;
interitus.*

CAPVT. XVII.

DArius vero spe pacis amissa, CCC. CIII. millia peditum, & C. M. equitum Alexandro ab Aegypto reuertenti, apud Tarsum bello opponit. Nec pugnae mora, omnes caeca rabie in ferrum ruunt. Macedones, toties à se victis hostibus, animosi: Persae, nisi vincant, mori praoptantes. Raro in vlllo praelio tantum sanguinis fusum est. Sed Darius cum vincere suos videret, mori in bello paratus, persuasu suorum fugere compulsus est. Hoc praelio Asiae vires & regna ceciderunt, totusque oriens in potestatem Macedonici cessit imperij. atque ita attrita est in hoc bello Persarum omnis fiducia, vt post hoc nullus rebellare aulus sit, patienterq; Persae post imperium tot annorum iugum seruitutis acceperint. Alexander trigintaquatuor continuis diebus castrorum praedam percensuit: Persepolim caput Persici regni, vrbem famosissimam confertissimamque opibus totius orbis, inuasit. Darium vero cum à propinquis suis victū compedibus aureis teneri comperisset, perlequi statuit. Itaque iussu vt subsequeretur

retur exercitu, ipse cū sex millibus equitum profectus inuenit in itinere solū relictum, multis confossum vulneribus, & extrema vitæ per vulnera efflantem. Hunc mortuum inani misericordia referri in sepulchra maiorum, sepeliriq̃ præcepit: cuius non dicam matrem vel vxorem, sed etiam paruulas filias crudeli captiuitate retinebat. In tanta malorum multitudine, difficillima dictis fides, tribus prælijs totidemq̃ue annis quinquies decies centena M. peditum equitumq̃ue consumpta sunt: & hæc quidem ex eo regno illisq̃ue populis, vnde iam ante annos non multo plures decies nouies centena millia profli-gata referuntur: quanquam extra has clades per eosdem tres annos & Asiæ ciuitates plurimæ oppressæ sint, & Syria tota vastata, Tyrus excisa, Cilicia exinanita, Cappadocia subacta, Aegyptus addicta sit: Rhodus quoque insula vltro ad seruitutem tremefacta successerit, plurimæq̃ue subiectæ Tauro prouinciæ, atque ipse mons Taurus, diu detrectatum iugum domitus & victus accepit.

De bellis Agidi regis Spartanorum, Alexandri Epiri, Zopyrionis præfecti. de populis post Darij mortem ab Alexandro subactis, eiusq; in suis crudelitate.

CAPVT XVIII.

ET ne fortè nunc quisquam opinetur vel orientem solum Alexandri viribus subactum, vel Italiam tantummodo Romana inquietudine fatigatam, tunc etiam bellum Agidis, Spartanorum regis in Græcia, Alexandri regis Epiri in Lucania, Zopyrionis præfecti in Scythia gerebatur: quorû Agis Lacedæmonius, excitata & rebellante secum vniuersa Græcia, cum Antipatri fortissimis copijs congressus, inter magnas vtrorunq; strages & ipse procubuit. Alexander autem in Italia affectans occidentis imperium, æmulans Alexandrum Magnum, post numerosa & grauius bella ibidè gesta, à Brutijs Lucanisq; superatus est, corpusq; eius ad sepulturam venditum. Zopyrion vero præfectus Ponti, adunato XXX. M. exercitu, Scythis bellum inferre ausus est: & vsque ad internecionem cæsus, funditus cum omnibus copijs suis abrafusest. Igitur Alexander Magnus post Darij mortem Hyrcanos & Mardos subegit:

egit: vbi etiam illum adhuc bello intentum, Thalestris siue Minothæa regina, excita suscipiendæ ab eo sobolis gratia, cum trecentis mulieribus procax Amazon inuenit. Post hæc Parthorum pugnam aggressus: quos diu obnitentes, deleuit propemodum antequàm vicit. Inde Drangas, Evergetas, Parimas, Parapamēnos, Adasprios, cæterosque populos qui in radice Caucaſi morabantur, subegit, vrbe ibi Alexandria super amnem Tanaim constituta. Sed nec minor eius in suos crudelitas, quàm in hostem rabies fuit. Docent hoc Amyntas consobrinus occisus, nouerca fratresque eius necati, Parmenio & Philotas trucidati, Atralus, Euryloclus, Pausanias, multi que Macedonia principes extincti: Clitus quoque annis grauis, amicitia vetus, nefariè interfectus. Qui cum in conuiuio fiducia amicitia regis aduersus regem, sua opera patri Philippo præponentem, memoriam patris tueretur, ab offenso frustra rege venabulo transfossus, commune conuiuium moriens cruentauit. Sed Alexander humani sanguinis inexturabilis, siue hostium siue etiam sociorum, recentem tamē semper sitiebat cruorem. Itaque
 pertina-

3000
 4< >E03< >
 0E 300E 300
 3< >E03< >E03<

pertinaci impetu in bella procurrēs, Choralmos & Dahas indomitam gentem in deditionem accepit: Callisthenem philosophum, sibi que apud Aristotelem condiscipulum, cū plurimis alijs principibus, quod cum deposito salutadi more, vt deum non adoraret, occidit.

Alexander Indiam domat: Porum regem superat: Vrbes gentesq; subigit.

CAPVT XIX.

POST hæc Indiam petit, vt oceano ultimoque oriente finiret imperium. Nyssam urbem adiit. Dædalos montes, regnaque Cleophridis reginæ expugnauit: quæ cū se dedidisset, concubitu regnū redemit. Peragrata perdomitaque, Alexander India, cum ad saxum miræ asperitatis & altitudinis, in quod multi populi confugerant, peruenisset, cognoscit Herculem ab expugnatione eiusdem saxi terræ motu prohibitum: æmulatione permotus, vt Herculis acta superaret, cum summo labore ac periculo saxo potitus, omnes loci eius gentes in deditionem accepit: cum Poro fortissimo Indorum rege cruentissimum bellum gessit: in quo Alexander cū ipso Poro singulariter congressus, occisoque deiectus equo, concursu fatel-

satellitum præsentiam mortis euasit. Porus multis vulneribus confossus, & captus est : quo ob testimonium virtutis in regnum restituto, duas ibi condidit ciuitates, Nicæam & Bucephalam, quam de nomine equi sui ita vocari præcepit. Inde Adrestas, Cathæos, Præsidas & Gandaridas, cæsis eorum exercitibus, Macedonès expugnauère. Cumque ad Chosides ventum esset, ibi contra CC. millia equitum hostium pugnam conseruerunt. Et cum iam ætate detriti, animo ægri, viribus lassì, difficilè vicissent, castra ob memoriam plus solito magnifica condiderunt. Exin Alexander ad amnem Acesinem pergit. Per hunc in oceanum deuehitur. ibi Gessonas Sibosque, quos Hercules condidit, oppressit. Hinc ad Mallos & Oxydracas nauigat : quæ gentes eum armatis octoginta millibus peditum, & sexaginta millibus equitum, excipiunt. Commissoque prælio, diu anceps & cruenta pugna, tandem tristem penè omnem victoriam Macedonibus dedit. Nam fufis hostium copijs, Alexander exercitum ad urbem duxit. Et cum murum ascendisset primus, vacuam ciuitatem ratus, solus introrsum desiluit. quem cum vndique infesti hostes circum-

circundedit, incredibile dictu est, ut eum non multitudo hostium, non vis magnatelorū, non tantus lacerantiū clamor terruerit, solus tot millia ceciderit ac fugarit. At ubi se obrui à circumfusa multitudine perlenſit, muri obice posteriora tutatus, contrarios facilius eo vsq; sustinuit, donec ad periculum eius clamoremque hostium, perfractis muris exercitus omnis irrūperet. In eo prælio sagitta sub mamma traiectus, fixo genu eatenus pugnavit, donec eum à quo vulneratus esset, occideret. Inde conscensis nauibus cum oceani littora peragraret, ad urbem quandam, cui Ambyra rex præerat, peruenit. Sed in expugnatione ciuitatis magnā partem exercitus, sagittis hostium veneno illitis, amisit: ac post herba per somnium sibi ostensa & in potum saucijs data, cum reliquis lubueniretur, urbem expugnauit & cœpit.

Omnes prouinciæ ad Alexandrū territe legatos pacem petentes miserunt. Alexander veneno interiit. Apostrophe ad lectores.

CAPVT XX.

Post quasi circumacta meta, de oceano Indum flumen ingressus, Babylona celeriter redijt: ubi eum exterritarum toti-

totius orbis prouinciarum legati opperiebantur, hoc est, Carthaginensium totiusque Africæ ciuitatum: sed & Hispanorum, Gallorum, Siciliæ, Sardiniaque: plurimæ præterea partis Italiæ. Tantis timor in summo oriente constitui ducis populos vltimi occidentis inuaserat, vt inde peregrinam toto mundo cerneret legationem, quo vix crederes peruenisse rumorem. Alexander vero apud Babyloniam, cum adhuc sanguinem sitiens, male castigata auditate, ministri insidijs venenum potasset, interijt. O dura mens hominum, & cor semper inhumanum. Ego ipse qui hæc pro asserenda omnium temporum * al- * alternata calamitate percenseo, in relatu nanti. tanti mali, quo vel ipsa morte vel formidine mortis accepta totus mundus intremuit, num quid illachrymaui oculis? num quid corde condolui? num quid reuoluens hæc, propter communem viuendi statum, maiorum miseras meas feci? cum tamen si quâdo de meipso refero, vt ignotos primum barbaros viderim, vt infestos declinauerim, vt dominantibus eblanditus sim, vt infideles præcauerim, vt infidantes subterfugerim, postremo vt persequentes

quentes in mari ac faxis, spiculisque appetentes, manibus etiam penè iam apprehendentes, repentina nebula circumfusus euaserim, cunctos audientes me, in lachrymas commoueri velim, & tacitus de non dolentibus doleam, reputans duritiam eorum, qui, quod non sustinuère, non credunt. Hispanus Maurinus ad supplicandum Alexandro Babyloniam adiit, cruentumque ultro dominum ne hostem exciperet, per Assyriam Indiamque quæ fuit: terrarum metas lustrans, & vtrique infœliciter notus oceano, & tamen tam violentæ necessitatis memoria, vel obliuione defecit, vel viluit vetustate. Et nos perpetuæ recordationi hæsurû putamus, quod plurima orbis parte secura, vnum angulum fugax latro violauit: quasi vero Gothorum & Sueuorum pacem, vt non dicam versa vice Indus vel Assyrius, sed etiam vel ipse, qui hostem patitur, Hispanus orauerit. At vero si illa Alexandri tempora laudanda potius propter virtutem, quam totus orbis obtentus est, quam detestanda propter ruinam, quam totus orbis euersus est, iudicantur: inuenientur & modo plurimi, qui hæc laudanda censeant, quòd multa vicerunt, & milerias aliorum foelicitatem

citatem suam reputent. Sed dicat quispi-
am: Isti hostes Romanis sunt. Responde-
bitur: Hoc & tunc toto orienti de Alexā-
dro videbatur: talesque & Romani alijs
visi sunt, dum bellis quietos ignotosque
petiuerunt. Sed illi acquirere regna, isti
euertere studēt. Separata sunt hostis exci-
dia, & iudicia victoris: siquidē & illi prius
eos bellis affixerūt, quos postea suis legi-
bus ordinarunt: & hi nunc hostiliter tur-
bant regna, quæ * quod nō permiserit de- in quo ad
us, si edomita obtinerent, ritu suo compo-
nere molirentur, dicendi posteris magni
reges, qui nūc nobis scruissimi hostes ad-
iudicantur. Quolibet autem gesta talia
nomine censeantur, hoc est, siue dicantur
miseriæ, siue virtutes, vtraque prioribus cō-
parata in hoc tempore minora sunt: atque
ita vtraque pro nobis faciunt in compara-
tione Alexandri atque Persarum: si virtus
nūc vocāda est, minor est hostium: si mi-
seria, minor est Romanorum.

*Etruscorum, Vmbroꝝ, Samnitum, & Gallo-
rum contra Romanos coniuratio, & clades.*

CAPVT XXI.

Anno ab vrbe condita CCCCL. Fa-
bio Maximo V. Decio Mure III. cō-
sulibus, quatuor fortissimi florentissimique;
N Italicæ

Italiæ populi in vnū agmen fœdusq; coi-
erunt. Nanque Etrulci, Vmbri, Sānites &
Galli, vno agmine conspirantes, Roma-
nos delere conati sunt. Tremefacti hoc
bello Romanorum animi, & labefactata
fiducia est: nec ausi sperare totum de viri-
bus, dolo diuifere hostes, tutius rati pluri-
bus se bellis implicare quàm grauibus.
Itaque cum quibusdam suis ad populando
hostiles agros, in Vmbriam Etruri-
amq; præmissis, Vmborum Etrusco-
rumq; exercitū redire ad tuitionē suo-
rū cōēgissent, cum Samnitibus & Gallis
bellum inire properarunt. In quo bello
cū Gallorū impetu Romani premeren-
tur, Decius consul occisus est. Fabius ta-
men post magnam Decianæ partis stra-
gem tandem vicit. Eo prælio XL. millia
Samnitum siue Gallorum cæsa, Romano-
rum verò septem millia, ex Decij tan-
tummodo parte, qui occisus est, extin-
cta referuntur. Fuisse autem absque E-
truscis & Vmbis, quos astu Romani
bello auocauerunt, Gallorum & Sam-
nitum peditum CXL. millia CCCXXX,
equitum vero XLVI. millia, Liuius re-
fert: & carpentarios mille in armis con-
tra aciem stetisse Romanam. Sed vt sæpe
dictum

ictum est, semper Romanorum aut domesticam quietem extraneis bellis interpellatam, aut externos proventus morbis interioribus aggrauatos, tantū, vt omnimodis ingentes animi vndecunque premerentur. Hanc cruentam tristēque victoriam pestilentia ciuitatis onerauit, & triumphales pompas obuiæ mortuorum exequiæ polluerūt. Nec erat cui de triumpho gaudium suaderetur, cum tota ciuitas aut ægris suspiraret, aut mortuis.

Romani à Samnitibus victi eosdem vincunt. Intolerabilis Romanos pestilentia affligit. Rursum Samnites superant, & cadunt. Curius consul bellum in Sabinos feliciter gerit. Romani à Gallis socijsq; eorum, sedam cladem accipiunt.

CAPVT XXII.

Sequitur annus, quo Romani, instaurato à Samnitibus bello, victi sunt, atque in castra fugerunt. Postea vero Samnites nouum habitum, animumq; lumentes, hoc est, deargētatis armis ac vestibus, paratoque animo, ni vincant, mori bello sese offerūt. Aduersum quos Papirius consul cū exercitu missus, cum à pullarijs auguribus vana coniectantibus congregi prohiberetur, irridens eos tam feliciter cōfecit bellum, quàm cōstanter arripuit.

N

a

Nam

Nam in hoc prælio duodecim millia hostiū cæsa, tria millia capta referuntur. Sed hanc quoq; istius verè laudandam victoriam, quam vani auspices impedire non potuerunt, oborti subito corrumpere morbi. Nam tanta ac tam intolerabilis pestilentia tunc corripuit ciuitatem, vt propter eam quacunque ratione sedandam, libros Sibyllinos cōsulendos putarint, horrendumque illum Epidauriū colubrum, cum ipso Aesculapij lapide aduexerint: quasi verò pestilentia aut antè sedata non sit, aut post orta non fuerit. Præterea altero ab hinc anno Fabius Gurges consul male aduersus Samnitas pugnavit. Namque amisso exercitu, victus in urbem refugit. Itaque cum senatus de submouendo eo deliberaret, pater eius Fabius Maximus ignominiam filij deprecatus, legatum se filio iturum vltro obtulit, si illi depellendæ ignominia, & gerendi iterum belli facultas daretur. Qua impetrata, prælioq; cōferto, cum subito pugnantem filium consulem, insistente Pontio Samnitium duce, & infestis hostium telis conclusum videret, in medium se agmen pius senex equo vectus ingessit. Quo facto permoti Romani, tota ibi incubuere acie, donec ipsum ducem

ducem Pontium deleto hostili exercitu
victum oppressumque ceperunt. Cæla
sunt in eo prælio Samnitium viginti mil-
lia, capta autem quatuor millia cum rege
suo: tandemque Samniticum bellum, quod
per XLIX. annos multa Romanorum cla-
de trahebatur, capti ducis destitutione
finitum est. Anno subsequente cum Sabinis
Curio consule bellum gestum est, ubi
quot millia hominum interfecta, quot ca-
pta sint, ipse consul ostendit: qui cum in
senatû magnitudinē acquisiti agri Sabini,
& multitudinem capti populi referre vel-
let, numerum explicare non potuit. Anno
ab vrbe condita CCCCLXII. Dolabella
& Domitio consulibus Lucani, Bruttij,
Samnites quoque cum Etruscis & Seno-
nibus Gallis facta societate, cum rediui-
uum contra Romanos bellum moliren-
tur, Romani ad exorandos Gallos misere
legatos. Quos cum Galli interfecissent,
Cæcilius prætor obvlescendam legato-
rum necem, & comprimendum tumultû
hostium cum exercitu missus, ab Etruscis
Gallisq; oppressus interiit. Septem præ-
terea tribuni militum in ea pugna occisi,
multi nobiles trucidati, tredecim millia
etiam militum Romanorû illo bello pro-

strata sunt. Ita autem quotiescunque Galli exarserunt, totis opibus suis Roma detrita est, ut sub præsentis nunc concurfatione Gothorum magis debeat meminisse Gallorum.

Veneno Alexandro rege Macedonia perempto, duces eius totum inter se orbem diuiserunt, seseq; mutuis bellis consumpserunt.

CAPVT XXIII.

AT ego nunc reuocor, ut per hæc eadem tempora, quibus Romani ista perpessi sunt, quæ inter se bella gesserint Macedonum duces, reuoluam: qui mortuo Alexandro diuersas sortiti prouincias, mutuis se bellis consumpserunt. quorum ego tumultuosissimum tempus ita mihi spectare videor, quasi aliqua immensa castra per noctem de specula montis aspectans, nihil in magni campi spatio præter innumeros focos cernam. Ita per totum Macedoniae regnum, hoc est, per vniuersam Asiam & plurimam Europæ partem, Libyæque vel maximam, horrendi subito bellorum globi * colluxerunt: qui cum ea præcipue loca, in quibus exarsere, populati sunt, reliqua omnia terrore rumoris, quasi fumi caligine turbauerunt. Sed nequaquam tantorum regum

confluxerunt.

ac regnorum bella excidiaque explicabo, nisi prius ipsa cum regibus regna prodidero. Igitur Aléxander per duodecim annos tremétem sub se orbem ferro prescit. Principes vero eius XIIII. annis dilaniauerunt, & veluti opimam prædam à magno leone prostratam auidi discerpere catuli: seque ipsos inuicem in rixam irritatos prædæ æmulatione fregerunt. Itaque prima Ptolemæo Aegypti & Africæ Arabiæque pars sorte prouenit. Confinem huic prouinciæ Syriam Laomedon Mitylinæus, Ciliciam Philotas, Philo Illyriôs accipiunt. Mediæ maiori Atropatus, minori socer Perdiccæ præponitur. Susiana gens Scyno, Phrygia maior Antigono Philippi filio assignatur. Lyciam & Pamphylia Nearchus, Cariam Cassander, Lydiam Menander sortiuntur. Leonnatus minorem Phrygiam accipit. Thracia & regiones Pontici maris Lysimacho, Cappadocia cû Paphlagonia Eumeni data: summa castrorû Seleuco Antiochi filio celsit: stipulatoribus regis satellitibusque Cassander filius Antipatri præficitur. In Bactriana vltiore & Indiæ regionibus præfecti priores, qui sub Alexandro esse ceperant, permanserunt. Seras

inter duos amnes Hydaspem & Indum cōstitutos, Taxiles habuit. In colonias in Indis conditas Pithon Agenoris filius mittitur. Parapamēnos fines Caucaſi montis Oxyartes accepit. Arachofij Gedroſijq; Sibyrtio decernuntur. Drangas & Arcos Staſanor, Baſtrianos Amyntas fortitur, Sogdianos Scythæus, Nicanor Parthos, Philippus Hyrcanios, Phrataphernes Armenios, Tlepolemus Perſas, Peuceſtes Babylonios, Archon Pelagios, Arcelaus Meſopotamiam adepti ſunt. Igitur cauſa & origo bellorum epiſtola Alexandri regis fuit, qua iuſſit omnes exules patrię libertatiq; reſtitui. Potentes enim ciuitatū Græciæ timentes, ne exules recepta libertate vltionem meditarentur, à regno Macedonum defecerunt. Primi Athenienſes, contraçto XXX. M. exercitu & CC. nauibus, bellum cum Antipatro, cui Græcia ſorte obuenerat, gerunt: per Demofthenem quoque oratorem Sicyona, Argos & Corinthum, cæterasq; ciuitates ſibi ſocias adiungūt, Antipatrum obſidione cingunt. Ibi dux eorum Leofthenes telo è muris iactō perſoſſus, occiditur. Athenienſes Leonnato, qui Antipatro auxilium ferebat, occurrunt, eiulq; copijs

pijs comminutis ipsum interficiunt. Perdicca verò bellum Ariarathi Cappadocum regi intulit, eumque vicit, in qua victoria nihil præter vulnera & pericula cōquisiuit. nam omnes ante irruptionem vrbs suæ, succensis domibus suis, se suaq; omnia concremauerant. Post hæc bellum inter Antigonum & Perdiccam oritur grauissimè, multis prouincijs & insulis ob auxilia vel negata, vel præstita dilaceratis. Diu deliberatum, vtrum in Macedonia bellum transferretur, an in Asia gereretur: nouissimè ipse Perdicca Aegyptū cum ingenti exercitu petit. Sic Macedonia, in duas partes discurrētibus ducibus, in sua viscera armatur. Ptolemæus Aegypti viribus & Cyrenēsis copijs instructus, occurrere bello Perdiccæ parat. Inter hæc Neoptolemus & Eumenes cruentissimo inter se prælio digladiati sunt. Victus Neoptolemus, ad Antipatrum fugit: quem, vt Eumenem de insperato opprimat, perurget: quod Eumenes futurum ratus, insidiantes insidijs capit. In eo bello Polyperchon occiditur, Neoptolemus & Eumenes mutuis vulneribus confossi: sed Neoptolemus interiit, Eumenes victore euasit. Perdicca cū Ptolemæo acer-

bisimo bello congressus, amissis copijs, ipse quoque interfectus est. Eumenes, Phiton, & Illyrius, & Alceta frater Perdiccæ, à Macedonibus hostes pronuntiantur, bellumque aduersum eos Antigono decernitur. Itaque Eumenes & Antigonus collatis aduersum se maximis copijs conflixerunt: Eumenes victus, in quoddam castellum munitissimum fugit, vnde auxilia Antipatri tunc potentissimi per legatos poposcit: quo nuntio territus Antigonus, ab obsidione discessit. Sed nec sic Eumeni spes firma aut salus certa. Quare vltimo consilio Argyraspidas, ob arma deargentata sic dictos, hoc est, milites qui sub Alexandro militauerant, in auxilium rogat. Qui fastidiosè ducem in disponendo bello audientes, ab Antigono victi, castrisq; priuati, & vxores & liberos, simulq; omnia quæ sub Alexandro acquisiuerant, perdiderunt. Qui postea turpiter per legatos reddi sibi quæ perdiderāt, victorem rogant. Antigonus autem se redditurum pollicetur, si sibi victum Eumenem pertraherent. Ita illi spe recuperationis illecti, dedecorissima proditione ducem suum, cuius signa paulo antè secuti fuerant, captiui ipsi captum catena-

catenatumque duxerunt, & mox cum foedissima ignominia in exercitu Antigoni dispersi sunt. Interea Eurydice Arridæi regis Macedonum vxor, multa sub nomine viri nefaria egit per Cassandrum: quem flagitiosè cognitum, ad summum fastigium per omnes honorum gradus prouexerat, qui ex libidine mulieris multas Græciæ ciuitates afflixit. Tunc Olympias mater Alexandri regis, hortante Polyperchonte, cum ab Epiro in Macedoniam prosequente Aeacida rege Molossorum veniret, & ab Eurydice finibus prohiberetur, adnitētibus Macedonibus, Arridæum rege & Eurydicen iussit occidi: quanquam & ipsa Olympias continuo meritis crudelitatis pœnas luit. Nam cum muliebri audacia multas principū cædes ageret, audito aduentu Cassandri, diffisa Macedonibus, cū Rhoxane nuru sua & nepote Hercule, in urbem Pydnam concedit: ibique continuo per Cassandrum capta, interfecta est. Filius Alexandri Magni cum matre in arcē Amphipolitanam custodiendus est missus. Perdicca, Alcesta & Polyperchonte, cæterisque ducibus, quos commemorare longum est, diuersæ partis occisis, finita bella inter successores

fores Alexandri videbātur. Tū Antigonus ardēs cupiditate dominandi, liberandū bello Herculem regis filiū ab obsidione simulat. His cognitis Ptolemæus & Cassander, inita cum Lyfimacho & Seleuco societate, bellum terra marique enixè instruunt. Antigonus in eo bello cum filio Demetrio vincitur. Cassander Ptolemæo in victoria particeps factus, cum Apolloniā rediret, incidit in Abderitas: qui propter intolerandę multitudinis raras & mures, relicto patrio solo, & antiquis habitaculis, emigrantes, novas sedes prætentā interim pace requirebant. Sed Cassander & virtutem, & multitudinem gentis agnoscens, ne adacti necessitate Macedoniā bello quaterent, atque inuaderent, receptos in societatem, in vltimis Macedoniæ finibus collocat. Inde cum iam Hercules Alexandri filius, XIII. esset annorum, timens ne cum * Macedones quasi legitimū regem præoptarent, occidendū tacitè cum matre curauit. Ptolemæus iterum cum Demetrio nauali prælio confligit, & cum omnem penè classē atq; exercitū perdidisset, victus in Aegyptum refugit. Hac victoriā elatus Antigonus, regem se cum Demetrio filio appellari

* omnes.

pellari iubet: quod exemplum omnes secuti, regium nomen sibi dignitatemque sumperunt. Igitur Ptolemæus & Cassander, cæteri que alterius factionis duces, cū decipi se ab Antigono singillatim viderent, per epistolas se inuicem confirman-tes, coeundi in vnum tempus locumque condicunt: & bellum aduersus Antigonom communibus viribus instruunt. Cassander finitimorum bellis implicitus, Lysimachum clarissimum inter omnes du- cem, cum ingenti manu pro se socijs in au- xilium misit. Seleucus quoque ex Asia ma- iore descendens, nouus Antigono hostis accessit. Hic siquidem Seleucus plurima per orientem inter socios regni Macedonici bella gessit. Principio Babyloniam bello expugnauit & cepit. Bactrianos nouis motibus assurgentes perdomuit. Transitum deinde in Indiam fecit: quæ post mortem Alexandri, veluti detracto excussoque à ceruicibus iugo præfectos eius occiderat, Sadrocotto quodam ad vindicandam libertatem duce: qui postea crudeliter in ciues agens, quos de externa dominatione defenderat, ipse seruitio premebat. Cum hoc ergo Sadrocotto Seleucus quamuis multa & graua bella gessisset,

fisset, nouissimè firmitatis regni condici-
 onibus, & pacta pace discebat. Adunatis
 itaque copijs Ptolemæi sociorumque e-
 ius, pugna committitur: cuius quanto po-
 tentior apparatus, tanto ruina grauior
 fuit. Nam in ea tunc totius penè Mace-
 donici regni vires conciderunt. In ipso
 bello Antigonus occisus est: sed finis bel-
 li huius initium alterius fuit. Nam cum vi-
 ctoribus de præda non conueniret, ite-
 rum in duas factiones diducuntur. Seleu-
 cus Demetrio, Ptolemæus Lyfimacho iū-
 gitur. Cassandro defuncto, filius Philip-
 pus succedit. Sic quasi ex integro noua
 Macedonia bella nascuntur. Antipater
 Thessalonicen matrem suam, Cassandri
 uxorem, quamuis miserabiliter pro vita
 precantem, manu sua transuerberauit.
 Alexander frater eius, dum bellum ad-
 uersus fratrem ob ultionem matris instru-
 it, à Demetrio, cuius auxilium petierat,
 circumuentus occiditur. Lyfimachus cū
 *Doricetis regis Thracū infestissimo bel-
 lo vrgeretur, aduersus Demetriū pugnare
 non potuit. Demetrius augmento Græ-
 ciæ, & totius Macedoniae elatus, in A-
 siam transire disponit. Ptolemæus au-
 tem & Seleucus & Lyfimachus experti
 priore

*Dori.

priore certamine, quantæ vires essent cõ-
cordiæ, iterum societate facta, aduna- * pacta.
tisque exercitibus, bellum in Europam
transferunt aduersus Demetrium. His
se comitem & belli socium Pyrrhus rex
Epiri iungit, sperans Demetrium Ma-
cedonia posse depelli, nec spes frustra
fuit: quippe exercitu eius corrupto, i-
psoque in fugam acto, regnum Macedo-
niæ Pyrrhus inuasit. Deinde Lyfimachus
generum suum Antipatrum insidiantem
sibi, interfecit, filiumque suum Aga-
thoclem vltra humanum morem pero-
sus occidit. Quibus quidem diebus Ly-
simachia ciuitas formidolosissimo ter-
ræmotu euersa, oppressoque populo suo,
crudele sepulchrum fuit. Lysimachum
autem assiduus se parricidijs cruentantē
omnes socij deseruerunt, & ad Seleu-
cum deficientes, prouum iam regē æmu-
latione regni, vt bellum Lysimacho inser-
ret, hortati sunt. Res fœdissimi specta-
culi erat, duos reges, quorum Lysimachus
annos natus LXXIII, Seleucus au-
tem LXXVII, de eripiendis alterutrum
regnis concurrere, in acie stare, arma ge-
rere. Vltimum hoc quidem bellū Alexan-
dri commilitonum fuit, sed quod ad ex-
emplum

emplum humanæ miseriæ fuerit referuat-
tum: quippe cū orbem terrarum extin-
ctis iam XXXIII. ducibus Alexandri, so-
li polysiderent, & angustissimos senectutis
ac vitæ suæ terminos non aspicientes, an-
gustiores esse imperio suo totius mundi
terminos arbitrabantur. In eo bello Lysimachus vel amissis vel interfectis prius
ante hanc pugnam X V. liberis, postre-
mus occisus est. Sic Lysimachus solutio
pugnæ Macedonicæ fuit Sed ne Seleucus
quidem tāta victoria impunè lætatus est:
nam neq; ipse post LXXVII. annos quietē
naturalis mortis inuenit: sed extortam si-
bi infœliciter vitam velut immatura mor-
te finiuit: quippe insistente Ptolemæo, cu-
ius sororem Lysimachus in matrimonio
habuerat, insidijs circumuentus & occi-
sus est. Hæc sunt inter parentes, filios, fra-
tres ac socios consanguinitatis societatis-
que commercia, Tanti apud illos diuina
atque humana religio pendebatur. Eru-
belcant sanè de recordatione præteri-
torum, qui nunc interuentu solius fidei
Christianæ, ac medio tantum iuratio-
nis sacramento viuere se cū hostibus, nec
pati hostilia sciūt: quibus indubitatisimè
probatur, quia non sicut illi antea, Cæsa
iunge-

iungebant fœdera porca, sed quia nunc inter barbaros ac Romanos creatorem ac dominum suum contestantes, tantam fidem adhibita in sacramentum servant euangelia, quantam tunc nec inter parentes ac filios potuit seruare natura. Nunc autem finis Macedonici belli, finis etiam libri fiat, præsertim cum iam ab hinc Pyrrhi bella incipiant, & mox Punica consequantur.

FRANC. FA=

BRICII MARCO-

DVRANI IN PAULI

Orosij librum

tertium

Annotationes.

In Caput primum.

A Nno ab vrbe condita CCCLXIII.)
 Hic numerus est quoque apud Plinium libr.
 34. ca. 1. Liusus lib. 5. in orat. Camilli Romam
 captam significat anno ab vrbe condita CCCLXV.
 Propter insolitam pacem.) Quo anno Roma
 capta fuit, eo Lacedæmonij τὴν ἐπὶ ἀνταλκίδος γενο-
 μένην εἰρήνην πρὸς βασιλέα τῶν πεισῶν ἐκύρωσαν,

id est pacem, per Antalcidam cum Rege Persarum factam ratam habuerunt. ait Polybius libr. 1. Verum de hac pace inferius dicitur. Lacedæmonij utpote homines.) Orofius hac è Iustini libr. 6. descripsit. pluribus eadem Xenoph. libr. 3. Isidorus 14. Dercyllidam ducem) Vulgo mali hic dux, Hircilides, nominatur, qui græcis est δερκυλλιδας. Unum denuntiatio bello appetit) Dercyllidas certis conditionibus factus cum Tissaferne, in Pharnabazæ fines exercitum duxit, Xenophon & Iustinus. Cononem Atheniensem) Hac eadem leges apud Diod. libr. 14. Acceptis quingentis argenti talentis.) Sic Diod. λαβὼν ἑξαμυριάδας τάλαντα πενταχόσια. A rege Aegypti Hercynione) Apud Iust. est, à rege Aegypti Hercymone Diodor hunc regem, qui Lacedæmonijs dedit σκευὴν ἐκ τὸν τριήρεσι, τίτην δὲ μυριάδας πρὸς τήν οὐκ ἐστίν, vocat Νεφέα, vel ut est in alijs libris Νεφέα. Virum pede claudum) Nota est contentio de regno Spartano inter Leorychiden Agidis filium, & Agesilaum eiusdem fratrem: cum Leorychides Agesilaum regno prohibere ex oraculo vellet, quod altero pede claudicaret: sed vicit hic illum. cum oraculum in eum convenire contendisset, qui neque legitimus, neque ab Agide esset genitus. Xenoph. libr. 3. & in Agesilao, Plutarchus in eodem & Lysandro, Pausanias libr. 3. Igitur Conon) Quare Conon ad regem profectus fuerit, copiose Lucianus libr. 6. Lacedæmonij vero domesticis malis) Significat tempus illud quando circa Olympiadem xcvi. Lacedæmonios iniuste imperantes omnes ferè socii deseruerunt, ut ait Cicero libr. 2. de Off. Tum Bæotij, Atheni-

Athenienses, Corinthij. Argui & alij conspiratione facta contra Lacedamonios mouerunt bellum. Cuius causa Agesilaus ex Asia domum reuocatus fuit, Xenophon lib. 3. & 4. Diodorus lib. 14. Plutarchus in Agesilao, Pausanias lib. 3. Interea Pisander dux apud Spartam) Mirum profecto, qui factum fuerit, ut contra fidem librorum veterum tam apud Iustinum quam Orosium, hic dux Lysander hactenus sit dictus: cum tamen ex omnibus scriptoribus, quos modo nominavi, certum sit, Agesilaum classi praefecisse Pisandrum coniugis sua fratrem, eumq; relictum in Asia & praelio uali superatum ad Gnidum à Pharnabazo & Conone perijisse. Nam quod in vulgato Diodori libro ναύαρχος non πραιποσίτος, sed πραιποσίτος appellatur, procul dubio mendosum est. Namque ex illo fluere.) παρωδία Virgiliana ex lib. 2. aeneid. Premi igitur Thebani.) Belli huius Boeotici dicti principes fuerunt Locri Opuntij & Phoces, quorum hi à Lacedamonijis, illi à Thebanis auxilia accersierunt Thebani Athenienses in suas partes pertraxerunt. Praelio commisso ad Haliartum Lacedamonij victi sunt, & Lysander occubuit, Xenophon libro tertio extremo, Diodorus 14 Pausanias 3. & 9. Plutarchus in Lysandro. Propter virtutem atque industriam Epaminondæ.) Videtur Orosius deceptus verbis Iustini putasse huic praelio interfuisse Epaminondam, quod verum non est. Pausanias quoque dux alter) Pausania qui cum Lysandro aduersus Thebanos missus fuerat, crimini datum, quod serius in Boeotiam venisset, quodq; caesorum corpora foedere quam praelio

tollere maluisset. itaque capitis accersitus ad causſa
 diſtionem non adfuit, ſed Tegeam in exilium auſu-
 git, Xenophon & Pausanias, lib. 3. Repente rex A-
 gefilaus.) De aduentu Ageſilai in Bæotiam, non o-
 mnino conuenit iuſt. & Oroſio cum Xenophonte, Di-
 odoro & Plutar. Pugna commiſſa fuit ad Coroneam:
 mēdoſe enim in Plutarchi Ageſilao eſt, *περί τὴν χα-
 ράκειαν*, pro *χορῳάκειαν*. Iphicrati duci.) De Iphicra-
 te Xenophon li. 4. & deinceps, Diod. lib. 14. & 15. Sed
 Conon poſtquam vaſta.) De Cononis beneficio in
 Athenienſes, de q³ honore illi à ſuis habito, prater cæ-
 teros, quos iam ſepe nominamus, eleganter Demothe-
 nes de immunitate contra Leptinem. Legendus quoq³
 Iſocratis Euagoras. Interea Artaxerxes rex Perſa.)
 Cum Pharnabazus & Conon regia claſſe maritimā
 Laconica oram cum maleſicio peruaderent, & Athe-
 na muro cingerentur, placuit Lacedæmonijs pacem
 facere cum rege Perſarum, ea q³ re Antalcidam ad
 Tiribazum regis præfectum miſerunt, vt illius opera
 pax firmaretur Hac de cauſa pacem hanc graeci τὴν
 ἐν ἀνταλκίδῃ γενομένην εἰρήνην vocant, vt demon-
 ſtrauimus paulo ante ex Polybio. Tu lege Xenophon-
 tem lib. 5. Diodor 14. Plutarchum in Ageſilao & Ar-
 taxerxe. Meminiſt Strabo in fine libr. 6. Pausanias
 initio 9.

In Caput ſecundum.

Nam ſpeculati abſentiam) Quæ de Arcadum
 & Thebanorum bello hic & apud Juſtinum poſt An-
 talcida pacem ſubijciuntur, ea non ſtatim ſubſecuta
 ſunt. Nam illa facta eſt anno ſecundo Olympia.
 XCVIII.

XCVIII. Arcades aut bellum cū Eleis gesserunt quarta & centesima Olympiade, ut etiam Pausanias scribit l. 5. Tum Elei pressi ab Arcadibus, Lacedæmonios socios suos impulerunt, ut Archidamus Agesilai filius cum exercitu missus in Arcadiam Cromnum ceperit. Nam quod Iustinus castellum dicit, Xenophon, qui hanc historiam lib. vlt. ἔλλω. scribit, κροῖνον vocat. In eo prælio.) Cromno capto Archidamus præsidio trium cohortium ibi relicto, reliquas copias domū reduxit. Sed cum præsidium ab Arcadibus ex Elide reuersis obsideretur, Archidamus iterum missus, ut Spartanos obsidione liberaret, prælio commisso δ' ἀρχίδαμος ἐτέρω τοῦ μηδὲν διαμπαῖς, inquit Xenophon, id est, Archidamus telo per femur traiecto vulneratus est. Occisorum corpora per præconem.) Hoc graeci dicunt, οὐτὸ νεκρούς ὑποσπόνδους ἀναφέρειν. Exemplorum plena sunt omnium monumenta. Lacedæmonijs ad alia bella conuersis.) Mantinenses à Thebanis desciuerant, ijs q̃ suppetias venerant Lacedæmonij duce Agesilao, ut Xenophon & Plutarchus scribunt: nam quod Diodorus libr. 15. Agidem hunc nominat, equidem quū verum esse possit ignoro. Præcognito aduentu hostium.) Euthynus enim Thespiensis, auctore Callisthene, seu. Cres quidam, ut Xenophon scribit, Epaminonda consilium Agesilao enuntiavit. L. Plutarchum in Agesilao. Commisso prælio.) Prælium commissum fuit ad Mantineam, ibi q̃ Epaminonda vulneratus ab Anticrate Lacedæmonio paulopost decessit. Remota manu.) Aliter de vulnere scribunt, Cicer. epist. 12. lib. 5. famil. Valerius lib. 3. cap. 2. & Diodorus. 15.

In Caput tertium.

Anno ab V.C.CCCLXXVI) Euseb in libro de temporibus hunc terramotū ascribit Olymp. centesima. Strabo lib. 8. scribit has vrbes euerfas biennio antepugnā Leuſtricam. i. anno ante Olympiadem CIL Diodoro auctore. qui annus ex aliorum supputatione est CCCLXXX. Bura & Helice) Ita scripsimus ex Eusebii Chronico. Thucydides li. 3. Strabonis lib. 1. & 8. Pausania li. 7. Plinij li. 2. ca. 92. cū in Orosij libris esset, Eborā & Helice. Diod. lib. 15. hanc inauditam eluionē describens addit, ἐγένετο ᾧ τῷ το τὸ ῥάθος τῆς ἀχαΐας περὶ δύο πόλεις, ἐλίχθη τὴ καὶ βύραν, id est, Hanc cladem duo Achaia oppida, Helice & Bura, experta sunt. Interea Romani) Camillus, cum Tribunus milit. III. an. CCCLIX. Faliscos iustitia in dittonem populi R. redegeisset, vt est apud Linium lib. 5. Plutarchum in Camillo, & auctorem libri de viris illustrib. sexto anno post Dictator Volscorum ciuitatem, qua per LXX. annos bellum gesserat, vicit, & Aequorum urbem occupauit, Sutrinorum recuperauit, delectis Etruscorum exercitibus, & tres simul triumphos egit. Hac ita emendata à Cuspiniano paucis Eutropius li. 2. pluribus Liuius li. 6. Prænestinos etiā eodem tempore) Prænestini à T. Quinct. Cincinnato Dictatore victi fuerunt ap. 375. Liu. Eutrop. & Euseb. in Chronico.

In Caput quartum.

Anno ab V.C.CCCLXXXIII) Orosius in numeris istis suam rationem sequitur. nam hunc nō esse depra-

deprauatum consensus librorum, & sequentes numeri ostendunt Alij hunc annum CCCLXXXVIII alij alium faciunt. De hac pestilentia Lilius in initio lib. 7. In quo iam reuerentia tua) intelligit disputationem Augustini contra ludos scenicos libr. 3. cap. 17. de Ciuitate dei.

In Caput quintum

Proximo anno) Curtius equo infidēs armatus se in specum immisit L. Genucio Q. Seruilio iterū Cos. Lilius li. 7. Valerius Max. lib. 5. cap. 6. Augustinus de Ciuitate Dei lib. 4. cap. 20.

In Caput sextum.

Annus, quo Galli Anienem transgressi non longe ab vrbe castra posuerunt, Consules habuit C. Sulpicius, & C. Licinium, atque ex fastis Consularibus, CCCXCII. numeratur. Ad quartū ab vrbe lapidē) Apud Liliū est, ad tertium lapidem. Eutropius scribit Gallos quarto miliario ab vrbe condesisse. Manlius Torquatus) Hic T. Manlius, qui cum Gallo apud anienem depugnauit prouocatus. ex eius spoliis sibi & torquem & cognomen induit, ait Cicero lib. 2. de finib. Historia est apud Liliū lib. 7. & Eutropium. 2. Elegantissimē eam Quadrigarius lib. 1. Annalium descripsit. qui locus est apud Gellium lib. 9. ca. 13. F. Quinctius Dictator) Lilius Gallos non hoc anno à Quinctio Dictatore, verum sequenti à Q. Seruilio Ahala Dictatore. cum Quinctius magister equitū esset, casos ait. Sed Orosius alios auctores secutus est, sicut & Appianus in Celtica, vbi scribit,

καὶ τρίτη ἡ κελύκη στρατὸς ἐμετέβληκεν εἰς τὴν ἰτα-
 λιάν, ἣν καὶ αὐτὴν οἱ Ῥωμαῖοι διεφθάρχασιν ὅπως ἡ γε-
 μόνι τιφ καὶ νικτιφ. id est, Atque etiam tertius Gallo-
 rum exercitus in Italiam venit, quem Romani quoque
 ductu & auspicijs T. Quintij deleuerunt. A C. Sul-
 picio) C. Sulpicius Peticus Dictator an. CCCXCV.
 Gallos vicit, ac de ijs triumphauit Nonis Mai. ut est
 in triumphis Capitolinis. De arte qua Gallos vicit,
 Liuius & Frontinus lib. 2. Stratagematum. Sub C.
 Marcio) C. Martius Rutilus Dictator primus e plebe
 biennio post Sulpicium cum Tuscis congressus VIII.
 millibus captis ceteros aut cecidit, aut agro Romano
 fugauit, Liuius & Eutropius. Eius triumphus in an-
 tiquis marmoribus sic descriptus est, C. MARCIVS. L.
 F. C. N. RVTILVS, DICT. AN. CCCXCVII. DE TVSCEIS
 PRIDIE. NON. MAI. AB Albanis montibus) Sic re-
 cte legi in libr. vetustis e Liuiio cognoscitur. Meminit
 huius belli Polybius lib. 2. Florus lib. 1. tit. 13 M. Vale-
 rius.) De huius singulari certamine præter superio-
 res lege Valerium Max. lib. 8. cap. 16. & Gellium lib.
 9. cap. 11. Est vero sciendum hunc M. Valerium
 in antiquis lapidibus non Coruinum, sed Coruū co-
 gnominari. M tamen Manilij versus de hoc sunt.
 Et cum militia volucris Coruinus adeptus
 Et spolia, & nomen, qui gestat in alite Phæbum.

In Caput septimum.

Anno siquidem ab V. C.) Cum Carthaginien-
 sibus legatis, auctore Liuiio lib. 7. Romæ sædus iſtum,
 cum amicitiam ac societatem petentes venissent, M.
 Valerio Coruo. M. Popillio Lanate IIII. Coſſ. qui an-

nus in fastis Capitolinis est ab V. C. CDV. Tunc etiā
 nox.) Hæc prodigia quarto anno post fœdus cum Car-
 thaginiensib. iſtum eueniſſe, Liuius narrat. Diaconus
 hæc Eutropio ex Oroſio addidit. Quibus diebus et-
 iam Alexander Magnus.) Infra cap. 16. Oroſius
 ſcribit alexandrum patri Philippo ſucceſſiſſe anno
 ab V. C. CCCCXXVI. quare ſi Alexāder natus annos
 XX. vt Plutarchus & Arrianus ſcribunt, regnum Ma-
 cedoniæ ſuſcepit, certè circa idem tempus quo prodi-
 gia illa eueniunt hic natus fuit. Tunc etiā Ochus,
 qui & Artaxerxes.) Artaxerxes ὁ ἐπιλαμβείς ὧχος.
 Eufebio eſt XII. Perſarum rex. ad cuius annū VI. hæc
 aſcripta leguntur : Ochus Apodaſmo Iudeorum ca-
 pta, in Hyrcaniam aſcolas tranſlatos iuxta ma-
 re Caſpium collocauit. Tranſcurrens & Sidonē.)
 Deſecerat à rege Perſarum Tripoliſ. præſidiū, à Ne-
 ftanebo rege Aegyptiorum acceperat tria millia Rho-
 diorum. Ochus, cūm Babylone in Aegyptum maxi-
 mis copijs contenderet, Phœnicas primum adortus Si-
 donem Mentoris reguli prodicione in ſuam poteſta-
 tem redegit, ac euertit. Hæc pluribus Diodorus lib. 16.
 Gemiſtbus Pletho lib. 2.

In Caput octauum.

De Samnitico bello infra hoc lib. agetur : de Tar-
 rentino & Punico deinceps. Nunquam poſt mor-
 tem Numæ.) Numa Ianum ad inſimum Argiletum
 indicem pacis belliq; fecit : apertus, vt in armis ciui-
 tatem, clauſus, pacatos circa omnes populos ſigni-
 caret. Numa regnante Ianus 43. annos continenter
 clauſus fuit. Liuius li. 1. Plutarch in Numa. Niſi Cæ-
 ſare

fare Augusto imperante.) Post bellum Aethiacum, paceterra marig³ parta.li.6 ca.22. Inter bella punica vnus anni) Hic annus fuit T. Manlio Torquato C. Atilio Bulbo Coss infra li.4.ca.12.

In Caput nonum.

Igitur an. ab V.C.CCCCIX) Hic annus quo L. Manlius & P. Decius Consules fuerunt, in antiquis fastis est ccccixiii à quo numero cū hic tā lōge absi. vereor ne mendum hic lateat Decio Mure) Vulgo errore manifestō pro Mure, quod est in omnibus manuscriptis, hic, & infra cap. 21. Murana legitur, sicut & apud Florum li.1.ca.14. Metij Tusculanī nobilis e iuitis) Sic est in manuscriptis, non. militis, vt habent vulgati. Hunc praefectum equitum, Livi. li.8 & Valer. 2. cap.2. Geminium Metiū vocant. Aiius vero Consul) Alterū Consulem P. Decium patrem intelligit, qui se bello Latino deuouit Cic. lib.2. de finib. & li.1. de Diuin. & alij omnes. Occursum tamen nobiliū iuuenum) Livi. Bello gesto. T. Manlius Romam redijt. cui venienti seniores tantū obuiam exisse constat: iuuentutem & tum & omni vita deinde auersatam eū execratamq³. Idē Valer. Max. li.9.ca.3. Anno aut post hunc subsequente) Minucia damnata incestus fuit, non proximo anno post Manlium & Decium Consules, sed tertio anno post, auctore L'uiō in octauo De pœna Vestalium Dyonsius lib.2. Plutarchus in Numa. De campo Scelerato Festus.

In Caput X.

Nam Claudio Marcello) M. Claudius Marcel-
lus

lus & C. Valerius Flaccus Consules fuerunt anno CDXXI. quo anno Roma primum de veneficijs quasitum est. Liuius libr. 8. Vt trecentæ septuaginta damnatæ) In numero consentiunt manuscripti libri Orosij. Sed Liuius scribit damnatas fuisse ad CLXX. Valerius libr. 2. cap. 1. pars, inquit, capitali iudicio damnata centum & LXX. numerum expleuerunt.

In Caput XI.

Quæ hoc capite de Alexandro Epiri rege Orosius scribit, ea copiose Liuius lib 8. in Consulatu L. Papirij & C. Pætelij. Lege etiam ea quæ Diaconus Eutropio addidit.

In Caput XII.

Anno ab V.C.CCCC.) Philippus Amyntæ filius Macedonum regnum, auctore Diodoro lib. 16. suscipit Olympiade CV. Consulibus Roma Cn. Genucio & L. Aemilio. Hi autem ex antiquis Fastis referantur ad annum post V.C.CCCXC. quos tanquam certiores duces sequi mallem. Hic primum ab Alex. fratre) Orosius in his rebus exponendis Iustinum sequitur. Plutarchus quoq; in Pelopida scribit, Philippum ab Alexandro fratre obsidem Thebanis datum: sed Diodorus lib. 16. tradit ipsum Amyntam patrem superatum ab Illyrijs, Philippum minimum natu filium victoribus obsidem dedisse, eosq; illum apud Thebanos deposuisse. Gemisthus Pletho, qui etiam Plutarchi quàm Diodori sententiam refert, ait Philippum primum patre viuo Thebis obsidis loco fuisse, ac deinde iterum à fratre datum, cum is societate

cum

cum Pelopida coiuiſſet. cuius rei auctorem Diodorum lib. 15. habet. Sed quarendum quomodo Philippum triennio Thebis obſidem fuiſſe Iuſtinus & Oroſius ſcribant, ſi à fratre datus, non antè è cuſtodia elapſus eſt, quàm Perdiccas ab Illyrijs victus occubuit, ut Diodorus & Plerho tradunt. Nam Alexander iſſdem aucto-ribus cum annum regnaſſet à Ptolemao Alorite notho filio Amynta occiſus fuit: qui deinde triennium Macedonia regnum obtinuit: hunc Perdiccas frater germanus Alexandri interfecit, ac quinq; annis in regno exactis ab Illyrijs victus occubuit. Primum bellum cum Athenienſibus.) Hoc bellum geſtum eſt duce Mantia, cum Athenienſes Argæo Macedonia regnum dare conarentur. Diodorus. Arma ad Illyrios tranſtulit.) Illyrios Philippus anno ſecundo regni ſui viciit, Macedoniaq; oppidis cedere coëgit, Diodorus & Plerhon. Theſſalos Philippus quarto anno regni ſui ſibi adiunxit, iſſdem aucto-ribus.

Olympiadem Arubæ regis Molofforum.) Ita ſcripſimus ex optimo libro Cornelij Gualteri, cum vulgo Euruchæ, legeretur, credo ex eo quod in nonnullis manuſcriptis eſt, Arucha. Magna autem varietate huius regis nomen ſcriptum inuenitur. Iuſtini libri impreſſi partim Arymbam, alij Aryſbam, meus manuſcriptus, Arybbam nominat. Apud Demothe-nem Olynth. 1. & Diodorū lib. 16. eſt Ἀρύμβας. apud Plutarchum in Pyrrho Ἀρύμβας, apud Pauſaniam li. 1. Ἀρύββας. Eſt vero quarendum quibus aucto-ribus Oroſius Olympiadem Aruba ſororem, & Iuſtinus Arybbam Olympiadis fratrem patruelem nominet:

cum

cum ex Pausania & Plutarcho constet, Arubam fuisse patrum Olympiadis. nam Aruba & Neoptolemus pater Olympiadis Alceta satum edidi fuerunt. Et Vlpianus Demosthenis interpres, Arymbam Olympiadis Philippi uxoris θεῖον, id est, patrum; non (ut Vuolfsius putauit) auunculum nominat. Expeditionis Philippi contra Arymbam meminit Demost. Olynth. 1. Ictu sagittæ oculum perdidit.) Aster miles hic à Plutarcho & Vlpiano vocatur, qui Philip-pum oculo priuauit. Huius incommodi meminit præter Diodorum Strabo lib. 8. Sagittam vero Philippi oculo extraxit Critobulus, & citra deformitatem oris curauit orbitatem luminis, auctore Plinio lib. 7. cap. 37. In communi Græciæ concilio.) & ἀμφι-τύοσι, Diodorus. Hoc autem bellum Sacrum & Phocicum nominatum est, quo de Diodorus & Pausani-as lib. 10. ubi scribit sanum Apollinis Delphici à Phocensibus occupatum fuisse Archonte Agathocle Olympiadis quinta & centesima anno quarto. Philomelo duce.) φιλόμηλος ὁ θεοτίμου est græcis, qui hic vulgo Philomenes vocatur. Onomachum ducem.) Ita ab omnibus vocatur, cuius nomen hic vulgo cor-ruptum est. Commisso prælio.) Hoc prælium com-missum cum Phocensibus fuit anno tertio belli Sacri, quo amplius sex millia Phocici nominis cum Ono-marcho duce cæsa, & ad tria millia capta sunt, Dio-dorus lib. 16. Sed Athenienses audito belli euen-tu.) Philippus superato Onomarcho ad Thermopylas contendebat, ut cum Phocensibus bellum in eorum si-nibus gereret, sed Athenienses nauibus circumuecti eum transitu prohibuerunt, Diodorus, & Libanius.

in argu-

in argumēto orationis Demosthenis περὶ τῆς εἰρήνης.
 Duo Olynthum confugerunt) Hanc Olynthiaci
 belli causam facit Iustinus lib. 3. cuius neq. Diodorus.
 neque Libanius mentionem ullam fecerunt. Gestum
 autem est hoc bellum (ut ex Philochoro Dionysius A-
 licarnassensis refert) anno ante Olympiadem cxiij.
 Archonte Callimacho: anno aut insequente auctore
 Diodoro Olynthus capta fuit. Auraria loca in Thes-
 salia) Barbarus aliquis addiderat, statuas idolorum.
 Fratres duo Thraciæ reges) Vide num Cersoble-
 ptem & Amadocum intelligat: de quibus Demosthe-
 nes & τὰ ἀπιστοκράτους Cersobleptem quidem certè
 à Philippo oppugnatum fuisse, quando Athenienses
 pacem cum eo fecerunt ex Demosthene, Aeschine &
 Plethone constat. Pax autem cum Philippo ab Athe-
 nien-sibus facta Archonte Themistocle septem annos
 duravit, ut ad Ammaeum Dionysius scribit. Phocen-
 sibus pacem & veniam se daturum) Hoc Philip-
 pum sibi confirmasse Aeschines reuersus à Philippo A-
 theniensibus renuntiavit. qua de re Demosthenes,
 περὶ παραπροβείας, & περὶ σφοδρῶς.

In Caput XIII.

Necessariam maritimam vr. ra. Byzantium)
 Amicitia & societatis fœdera inter Philippum man-
 serunt vsque ad Nicomachi magistratum: anno au-
 tem sequēte, qui primus fuit Olympiadis cx. Philip-
 pus primum Perinthum expugnare aggressus est, at-
 que inde reiectus Byzantium obsedit. quo tempore
 Epistolam ad Atheniēses misit violati fœderis eos ac-
 cusans, & bellum denuntians. qua omnia Dionysius

ex Philochoro perspicue narrat. Epistola vero Philippi extat inter philippicas orationes Demosth. Hæc autem Byzantium) Cassiodorus scribit Byzantium conditum Tullo Hostilio regnante. Unde Byzantium nomen inuenerit referi Eufatius in Dionysium Constantinopolis dicta) Lege infra cap. 28. libr. 7. Scythistunc Etheas regnabat) Regis nomen. quod in impressis erat, reliqui: nam in manuscriptis Atheas & Natheas legitur. in vulgatis Iustini libri est, Mattheas, in nostro manuscripto Meheas. Thebanos quondam hostes) Lacedæmonios pro Thebanis manifesto errore hic legabatur. Nam cum Philippus Elateam occupasset, Athenienses, qui tempore exclusi ad reliquos socios legatos mittere non poterant, Thebanos Demosthenes eloquentia in suas partes pertraxerunt. Demosthenes pro Ctesiphonte, Diodorus lib. 16. Plutarchus in Demosthene. Prælio commisso) Hoc prælium commissum fuit ad Charoneam, Diodorus, Plutarchus, & Strabo lib. 9.

In Caput XIII.

In Thebanos & Lacedæmonios) Sic est etiam in manuscriptis: cum tamen nec alij crudelitatis in Lacedæmonios, & Iustinus, quem auctorem sequitur, tantum Thebanorum meminerit. Tres duces, hoc est Parmenionem &c.) Diodorus & Ptolemaeus duos duces præmissos scribant, nempe Atalium & Parmenionem, qui de Philippi interitu satis multa. A Sabinis in Lucania prostratus) Livium à Lucano exule occisum scribit. Gemisth. γράβας

ἔξ ἰταλίας τὰρεντίνους βοηθῶν ἐν τινὶ μάχῃ χαλῶς
ἡγωνισμένος ἐτελεύτησεν. *Transgressus in Italiam
ut Tarentinis opem ferret, in praelio quodam, cū stre-
nuè rem gessisset, occubuit.*

In Caput XV.

Anno ab V.C.CCCCXXVL.) *Hic annus in Ca-
pitolinis Consulibus est post urbem conditam cccc-
xxii. Viginti millia Samnitum Fabio magi-
stro equitum.) Idem numerus casorum hostium est
apud Liuium lib. 8. vbi hac omnia satis copiosè. Q.
Fabius Maximus Rullianus, què hic Orosius signifi-
cat, magister equitum fuit. L. Papirio Cursori Dicta-
tori quarto anno ante Caudinam ignominiam Præ-
ter Liuium lege Eutropium lib. 2. Valerium Max li.
2. ca. 2. Veturium & Postumium Consules.) T.
Veturius & Sp. Postumius iterum consules fuerunt,
quando apud Caudium malè pugnatum est, & le-
giones sub iugum missæ. Cicero lib. 3. de officijs. Liui-
us lib. 9. Florus li 1. cap 16. Augustinus li. 3. de Ciuit.
cap. 17. Pontius dux eorum.) Hæc ex Orosio Diaco-
nus Eutropio addidit. Quod Papirio consule in-
sistente.) Orosius & Eutropius eos auctores sequun-
tur, qui à L. Papirio Consule, non magistro equitum,
contra Samnites rem benè gestam tradiderunt. nam
de hoc ambigi Liuius scribit.*

In Caput XVI.

Demósthēnes Orator auro Persarum cor-
ruptus.) *Hoc Aeschines Demostheni objecit in orat.
in Ctesiphontem huius verbis, γυν μέγτοι τὸ βασιλεὺς
χρυσίον*

χρυσίον ἐπικέκλυε τὴν δαπάνην αὐτῷ. ἔσαι δ' οὐδὲ
 τῷ ἱκανόν. οὐδεὶς γὰρ πώποτε πλεόντος τρόπου
 πονηρῶς περιεγένετο. Sic enim hac legenda sunt ē
 manuscripto Aeschinūs & Diodori libro ab Henrico
 Stephano edito, ἐστὶ, hic sensus, Nunc vero auri
 Persici affluens copia sumptibus eius subuenit: quan-
 quam ne hoc quidem sat erit: nulla enim diuitia
 vnquam tanta fuerunt, quæ improbos mores su-
 perare potuerunt. Thebanos cum diruta ciuita-
 te) De Thebanorum excidio Diodorus, Plutar-
 chus, Arrianus libr. 1. Pausanias in Bæoticis. Illyri-
 os quoque & Thracas) Hos Alexander ante quàm
 Thebas euerteret, suæ ditioni subiecit, Diodorus &
 Arria. In exercitu eius fuere) Arrianus scribit A-
 lexandrum habuisse in exercitu pedites οὐ πολλῶν
 πλεόνους τρισμυρίων, equites ὑπὲρ τῷ πεντακισ-
 χιλίους. Plutarchus in Alexandro inter scriptores
 de numero copiarum non conuenire ait: sed eos qui
 minimum numerum expresseuerunt, peditum XXX.
 millia, equitum V. millia, qui maximum, illorum
 XXXIII. millia, horum IIII. millia numerare. Dio-
 dorus peditum XXX. millia, equitum IIII. M. D. fuisse
 scribit. Primo eius cum Dario rege cōgressu)
 Primum hoc pralium ad Granicum flumen com-
 missum fuit. De numero Arrianus, περσῶν ἢ ἰππέων
 μὲν ἦσαν ἐς δισμυρίους, ξένοι ἢ περσοὶ μιδοφόροι ὀ-
 λίγον ἀποδέοντες δισμυρίων. Diodorus, οἱ δὲ πάντες
 ἰππῆες ὑπὲρ ἔχον πλεόνους τῶν μυρίων οἱ ἢ περσοὶ τῶν
 περσῶν ἦσαν οὐκ ἐλάτους τῶν δέκα μυριάδων. Ma-
 gna cædes Persarum fuit) Persarum peditū XXM.
 equitum duo millia cecidisse referuntur, auctore

Plutarcho. In exercitu autem Alexandri) Innumeris Orofius Iustinum sequitur. Arrianus scribit in exercitu Alexandri primo congressu equites numero circiter XXV. cecidisse, & postea amplius LX. pedites circiter XXX. Sed Aristobulus, auctore Plutarcho, scripsit Alexandri copijs XXXVIII. interfectos, quorum nouem pedites fuerunt. Orofius libr. seq. cap. 1. ait, Inter quadringenta fere millia hostium interfecta nouem tantummodo in exercitu Alexandri pedites defuisse. Deinde Gordien Phrygiæ) Sic est etiam sine vlla varietate in manuscriptis. Meus quoque Iustinus habet, Post hæc Gordien urbem petit, vbi in impressis est, Gordin. Curtius libr. 3. oppidum Gordium nominat, sicut & Græci γόρδιον. De Gordio vinculo Plutarchus in Alexandro, Arrianus libr. 2. Curtius 3. Iustinus 11. & Erasmus in Chiliadib. Cum sudans in Cydnum) De Cydno legendus Curtius li. 3. Sunt vero qui scribant, Alexandrum hunc morbum, è quo Philippi Arcanani arte recreatus fuit, non in Cydno flumine, sed è labore contraxisse. lege Plutarchum & Arrianum. Diodorus etiam Cydni fluminis mentionem nullam facit. Darius cum CCC. M.) Arrianus, ἐλέγερ ἡ πᾶσα ἐν δαρείῳ στρατὸς μάλιστα ἐξήκοντα μυριάδας μαχιμους εἶναι. In Darij exercitu eorum qui pugnam capescere possent, ad DC. millia esse dicebantur. Et Alexander & Darius vulnerantur) De Alexandri vulnere, quo dextrum eius femur perstrictum est, Diodorus, Plutarchus, Arrianus, & Curtius. De Dario in hoc pralio vulnerato præter Iustinum nemo quidquã. Peditum LXXX. millia,

millia equitum decem millia.) *Casorum equitum Persarum numerus idem est in Diodori, Curtij, Istini, & Orofi libris: peditum vero Iustinus vnum & LX. millia, Curtius centum millia, Diodorus amplius CXX. millia caesa scribunt. Plutarchus ait Alexandrū prostrauisse ὑπὲρ ἑνδεκα μυριάδας τῶς πολεμίας. Ex Macedonibus cecidere pedites CXXX.*) Ita Iustinus, qui cum facit Diodorus sic scribēs. *Τῶν δὲ μακεδόνων ἐτελεύτησαν πεζοὶ μὲν εἰς τριακοσίους, ἵππεις δὲ περὶ ἑκατὸν καὶ ὡς τήκοντα.* At Curtius, Ex parte Alexandri quatuor & quingenti sauci fuere, triginta omnino & duo ex peditibus desiderati sunt, equitum centum quinquaginta interfecti. Alios allegit) Sice est in nostris manuscriptis, non elegit Iustinus dixit, alios in societatem recepit. Praefecit vero Syria Alexander Parmenionem, Curtius libr. 4. Arrianus 2. Tyrum urbem antiquiss. Tyrus Olympiade CXII. septimo mense quam oppugnari coepa erat ab Alexandro capta fuit, vt copiose Diodorus libr. 17. Arrianus 2. Curtius 4. scribunt. Inde ad templum Iouis Ammonis) De hoc templo, & profectione Alexandri ad Ammonē tam multa Diodorus, Plutarchus, Arrianus, Curtius, & Iustinus, vt putidum sit velle aliquid admonere. Alexandriam in Aegypto condidit.) C. Poetelio & L. Papiro Coss. Anno ab V. C. CDXXVII. Alexandriam in Aegypto conditam scribit Linius lib. 3. Solinus & Casiodorus.

In Caput XVII.

Darius spe pacis amissa, CCCIII. millia peditum)

ditum) Rectius ergo in meo Iustino est, Tum spe-
 cis amissa, bellum Darius reparat: cum quadringen-
 ti millibus peditum, & c. quàm vt vulgo legitur, cum
 XL. millibus peditum. Est tamen nonnulla varietas
 inter eos, qui exercitum Darij recensent. Plutarch.
 in Alexandro scribit Darium Alexandro obuiam
 processisse ἑκατὸν μυριάσιν στρατῷ. id est, cum decies
 centenis millibus copiatum. in quibus, vt Diodorus
 numerat, peditum DCCC. millia, equitum CC. mil-
 lia fuerunt. Arrianus libr. 3. scribit Darium habuisse
 equitum ad XL. millia, equitum CCCCXXXX. In
 Curtij libris ita legitur, Summa totius exercitus, e-
 quites XLV. millia, pedestris acies ducēta millia ex-
 pleuerat. sed vereor ne hic, ducenta millia mendosè
 sit, pro, decies centena millia. Apud Tarsum bello
 opponit) Non puto vllum esse historie studiosum,
 cui hic locus scrupulum non inijciat, cum praefer-
 tim omnes loquantur vltimum hoc praelium inter
 Alexandrum & Darium non in Sicilia, vbi Tar-
 sus est, sed in Assyria commissum fuisse. & tamen
 Orosum ita scriptum reliquisse, testimonio sunt o-
 mnes libri. Quid ergo dicemus? Vereor equidem
 ne Oroso Iustin. quem auctorem sequitur, imposue-
 rit: cumq; ille Darium in fuga pontem Cydni flu-
 minis (quod Tarsum perlabitur) traiecisse scripse-
 rit, hic apud Tarsum pugnatum esse crediderit.
 Sed hoc praelium commissum fuit in Assyria trans Ly-
 cum in Aturia campis ad vicum nomine Gauga-
 mela, auctore Strabone libr. 16. Quanquam enim
 Dionysius Alicarnassensis ad Ammaum hanc pugnam
 τὴν ἐν Ἀρβήλοις μάχην, Curtius praelium apud Ar-
 belā

bela nominet, & Diodorus narrationem eius ita con-
cludat, ἡ μὲν οὖν περὶ ἀρβήλα γενομένη παρὰ
ταξὶς τοιοῦτον ἔσχε τὸ πᾶν: Plutarchi tamē in Ale-
xandro verba sunt, τὴν δὲ μεγάλην μάχην πρὸς δα-
ρειονοῦκ ἐν ἀρβήλοις, ὥσπερ οἱ πολλοὶ ῥάφοισιν,
ἀλλὰ ἐν γαυγαμήλοις γενέσθαι σιωπέσεν, id est,
Accidit, vt magnum illud praelium cum Dario non in
Arbelis, sicut plerique scribunt, sed in Gaugamelis cō-
mitteretur. Cum Strabone & Plutarcho facit Arria-
nus lib. 3. vbi tradit Darium castra in Guagamelis ad
Bumadum fluvium ab Arbelis oppido stadia circiter
LX. posuisse. Lege eundē libr. 6. Alexander XXXIII.
continuis diebus) Idem numerus est apud Iu-
stinum, in meo manuscripto, & Robert. Stephani
impresso libro, cum vulgo in alijs XL. in alijs LXXX-
III. legatur. Persepolim caput Persici regni) De
Persepoli capta & direpta, eiusq; immensis opibus le-
gendus Diodorus in posteriore lib. 17. & Curtius lib. 5.
Meminit Strabo lib. 15. Darium vero cum à pro-
pinquis) Darium in fuga Bessus & Nabarsanes vin-
xerunt aureis, vt Curtius & Iustinus scribunt, com-
pedibus, multisq; cōfossū vulneribus in via relinqui-
runt. quo de copiose Diodorus, Plutarchus, Arrianus,
Curtius & Iustinus.

In Caput XVIII.

Quorum Agis Lacedæmonius) Hoc bellum
 Græcorum cum Antipatro Macedonia præfecto de-
 scripserat pluribus verbis Curtius lib. 6. sed ad nos tan-
 tum prælii euentus peruenit. Scribit idem præter
 Iustinum Diodorus lib. 17. Meminit Pausanias lib. 3:

Alexander autem in Italia) *De rebus gestis ab Alexandro Epirci rege legendus* *Liuius lib. 8. & Strab. 5.* Hyrcanos & Mardos subegit) *De Hyrcanorum & Mardorum gente confini Hyrcania subacta, Diodorus in 17. Arrianus 3. Curtius 6. Thalestris siue Minothæa*) Hanc reginam Amazonum *Diodorus θαλασσινη, Curtius Thalestrim* nominat: *hiq; eam ad Alexandrum venisse tradunt, secuti nimirum Clitarchum, Polycritum, Onesicritum, Antigenem & Istum. At Aristobulus, Ptolemaus & ceteri scriptores, quos Plutarchus nominat, hoc commentitium esse dixerunt. Inde Drangas*) Sic recte hic est, male autem in vulgatis Iustini libris, *Dracas*: nam & *Arrianus ipsos δραγγας, & Diodorus eorum regionem τὴν δραγγινὴν* appellat. *Euergetas*) Hoc nomen beneficij ergo à Cyro Persarum rege acceperunt, cum prius *Ariaſpe*, ut est in *Arriani & Curtij* libris, seu *Arimaspi*, ut habet *Diodor.* nominarentur. *Parimas, Parapamenos, Adaspios*) Ita hac in manuscriptorum *Orosii & Iustini* libris inuenio: nec tamen amplius quod de illis dicam habeo. De *Alexandria* super amnem *Tanaim* condita prater *Iustinum* *libr. 12. Curtius libr. 7. Arrianus. 4.* Docent hoc *Amyntas*) De his omnes qui res *Alexandri* descriperunt. De *Parmenione* eiusq; filio *Philota* interfectus *Diodo l. 17* posteriore, *Plutarch. in Alexandro, Arrianus. lib. 3. Curtius. li. 6. & 7.* *Clitus* quoque annis grauis) *Græca est χλῆτρος*: male igitur vulgo *Clitum* scribunt. De *Clito* *Curtius lib. 8. Arrianus. 4. Cicero Tusc. 4.* *Alexander* rex cum interemisisset *Clitum* familiarem suū vix à se manus abstinuit.

Venabu-

Venabulo transfixus) *Hasta Alexandrum Cliti*
latus transfixisse Curtius scribit. Arrian. tradit, alios
prodidisse Clitum occisum λόγγυ, alios σαρπίσσα. Plu-
tarchus ἀχμὴν vocat. Chorafinos & Dahas) Da-
has, non Dacas est in manuscriptis Orosii & Iustini
libri: nec aliter eos nominat Curtius lib. 7. & 8. Gra-
ci δάας vocant. Quos autem Iustinus & Orosius Cho-
rafinos, eos Arria li. 4. & Strab. lib. 11. χαρσαμένους
appellant, ad quos Spitamenes cōfugerat. Plinio li. 6.
cap. 16. bi sunt Chorafinij. Callisthenem philoso-
phum) De Callisthenis Olynthij interitu copiosè
Arr. lib. 4. Plutar. in Alexandro, Curtius li. 8. De eo-
dem M. Tullius pro Rabireo Postumo, Callisthenē do-
ctum hominem, comitem Magni Alexandri, ab Ale-
xandro necatum accepimus.

In Caput XIX.

Nysam urbem adijt) *νύσαν hanc Indie vr-*
bem Strabo, Arrianus, Dionysius & Eustathius vo-
cant. de qua multa Arrianus initio libr. 5. Dædalos
montes) Curtius lib. 8. Hinc ad regionem, quæ Da-
dala vocatur, peruentum est. Regnaque Cleophi-
dis) cleophis mater Assacani, filio mortuo, illius re-
gioni præsuit, quo tempore Alexander in Indiam ve-
nit, Iustinus lib. 12. Curtius. 8. Eius regionis caput fu-
it oppidum, quod Arrianus μάσαγα, Diodorus
μασάγα, Strabo μαγόσα, Curtius Mazaga no-
minat: idq, Alexander obsessum deditione cepit. Ad
Saxum miræ asperitatis) Hoc saxum, auctoribus
Diodoro & Arriano τέτρα ἄσπερος dictum fuit. Un-
de emendandi Curtij libri, in quibus est, Incole

P 4 armati

armati petram Dorinim nomine occupauerunt. cum sit legendum, Aornon, vel, Aornim, quomodo est in quibusdam Diodori exemplaribus. Cum Poro fortissimo) Bellum cum Poro non sine clade Macedonum gestum scribunt Diodorus libr. 17. Arrianus 5. Curtius extremo libro octauo. Rem cum Poro gestam Plutarchus ex Alexandri epistolis refert. Occisoque deiectus equo) Bucephalam Alexandri equum in hoc bello occisum quidam tradiderunt, Plutarchus & Arrianus. Duas ibi condidit ciuitates) τὴν μὲν νίκῃαν, τῆς νίκης τῆς χατ' ἰνδῶν ἐπώνυμον ὠνόμασε, τὴν δὲ βουκεφάλαν, ἐς τὴν ἰωῶτου τῆς βουκεφάλου τὴν μνήμην, ὃς ἀπέθανεν ἐν τῇ. Alteram Nicaam à victoria de ludis reportata, alteram in memoriam Bucephale equi ibi mortui Bucephalam nominauit. Idem scribit Diodorus. Strabo libr. 15. verum hic alteram non cum Diodoro & Arriano βουκεφάλαν, sed cum Plutarcho βουκεφαλίσαν vocat. In nostris manuscriptis est, Nicaam & Bucephalen. Inde Adræstas) Sic est in vetustis, non ut vulgo legitur, Aræstas. Diodorus hos ἀδρεστῆς, Arrianus ἀδρεσῆς nominat. Cathenos) In vulgatis est, Stathenos, in vetustis, Cathenos. vnde secutus Arrianum, Cathenos scripsi. In Diodori libris mendosè legitur. εἰς τὴν τῶν χαθαρίων χώραν, προχθαρίων, αἰροposito pro αἰ, id quod ex Strab. lib. 15. perspicuè cognoscitur. Præsidias & Gandaridas) In manuscriptis Orofii nō, Palsidas, sed Præsidias legitur. In Iustini antiquis, Præsidias. Plutarchus in Alexandro γανδαρίτας καὶ παρασίτους dicit, quam statim, οἱ παρασιταίων βασιλεῖς legitur. In

Diodoro

Diodoro sic est, πέραν ᾗ τούτῃ κατοικεῖν τό, το
 τῶν ταβρασίων καὶ γανδαριδῶν ἔθνους τοῦ τῶν διβα-
 σιλεύειν ξανδράμῳ. In Curtio ita, Vltiores ripas
 colere gentes Gandaridas & Pharasios, eorumq̃, re-
 gem esse Aggraminen. His inter se collatis apud Dio-
 dorum scribendum videtur πρασίων, apud Curti-
 um, Præsius, & Xandramen. Ad Chofides) Le-
 gitur & Cofides, atque in Iustini libris, Euphites, vel
 Cuphites. Ego in hoc nomine hæreo: fortassis intelli-
 gendus est is, qui à Curtio Sophites, à Diodoro & Stra-
 bone σωπείτης nominatur: Nam cum in illius regno
 Alexander ad Hyphasin fluiuium processisset, mili-
 tum precibus reuocatus fuit. sed de pugna alij ni-
 bil. Ad amnem Acesinem.) De hoc Dionysius
 Afer,

τόδι λοζὸν ἀπὸ σκοπέλαις ἀχεσίην
 συρόμενον δέχεται πλωτὸς νήοισιν ὑδάσπης.
 Ibi Gessonas, Sibosque) In impressis Iustini libris
 est, Ibi Gessonas Ἀσβοςq̃. in nostro antiquo, Ibi
 Iacensanos Sibosq̃. De prioribus ego nihil, de po-
 sterioribus Diodorus ita, ὡς δ' ἄλλοι οὐθὶ τὴν ἀχεσί-
 νου καὶ ὑδάσπου συμβολῶν, ἐκβιβάσας τὰ τὸ στρα-
 τῶτας προῆγον οὐθὶ τὰ τὸ ὀνομαζομένους σίβους. id
 est, Vbi peruenit in regionem, in qua Hydaspes
 amnis Acesini committitur, expositis militibus, co-
 pias in eos, qui Sibi nominantur, duxit. Curtius
 libr. 9. Peruentum erat in regionem, in qua Hy-
 daspes amnis Acesini committitur: hinc decurrit
 in fines Siborum. Vulgo tamen hic Sobiorum, & il-
 licίβους mendosè legitur. Hinc Mallos & Oxy-
 dracas.) Ita emēdauius secuti vestigia deprauata

lectionis antiqua in Oroſii & Iuſtini libris. Sic autē legendum eſſe ex hiſtoria, qua eſt apud Curtium libr. 9. Arrianū 6. Diodorum. 17. cognoſces. Nam quod in Diodo. legitur, τυραχούδας, id mendosè eſſe Henricus Stephanus animaduertit, ſed ἐξυδάχας reponendum eſſe eruditiffimum hominem non vidiffe miror. Octoginta millibus peditum) Diodorus etiam ſcribit hos habuiſſe, πεζοὺς πλείους τῶν ὀχτακισμυγίων amplius LXXX. millia peditum. vnde emendandi curtij libri, in quibus eſt, Nouem millia iunctorū peditum in armis erant. In numero equitum Oroſio & Iuſtino non conuenit cum Diodoro & Curtio. Sagitta ſub inanimam traiectus) Diodor. τοξοῦταις ὑπὸ τὸν μασόν. Plutarch. περὶ τὸν μασόν Arria. ὑπερ τὸν μασόν. Curtius, Indus duorum cubitorum ſagittam ita excuſſit, vt per thoracem paulum ſuper latus dexterū inſingeret. Cui Ambira rex præerat) Ambira eſt etiam in noſtris vetuſtis. Apud Iuſtinum libr. 12. legitur cum veniſſet ad urbē Ambigeri regis. Strabo libro 15. hoc in Oritarum finibus accidiſſe ſcribit, Diodorus ad Brachmanum urbem Harmatelia nominatam, Curtius in Sambi regno.

In Caput XX.

Legati opperiebantur) Horum legatorum meminit Arrianus. libr. 7. ac præter eos, quos Iuſtinus & Oroſius commemorant, ſcribit veniſſe ad Alexandrum legationes Aethiopum, & Scytharum, qui ſunt in Europa. Diodor. meminit etiam Illyriorum, Adriatici maris accolarum, Thracum, finitimorumq; illis Gallorum. Plurimæ partis Italiæ)

Ex Italia venerunt legati à Brutijs, Lucanis, & Etruscis. Nonnulli etiam è Romanis venisse scripserunt: ser Arrianus id verum non putat. Cum venenum potasset interijt) Iustinus & Orosius sequuntur eos, qui Alexandrum veneno sublatum scripserunt. Plutarcho & Arriano hic interitus non placet: quos lege. Hispanus Maurinus) In nostris antiquis est, Hispanus &. marinus.

In Caput XXI.

Anno ab vrbe condita CCCCL.) Hic annus, quo Q. Fabius Maximus Rullianus V. & P. Decius Mus. IIII. consules fuerunt, in Fastis capitolinis est ab v. c. CDELVIII. Liuius idem est. CCCLVII. qui libr. 10. hoc bellum describit. Vmbro-
rumque Etruscorumque exer.) Liuius tantum Etruscos populationis fama ad suos fines tuendos redire coactos scribit. Vmbros tamen praelio non interfuisse ex eodem cognoscitur. Bellum ini-
re) Hoc bellum gestum fuit in agro Sentinate, *ἐν τῇ τῶν σεντινατῶν χώρᾳ*, vt ait Polybius libro 2. Decius consul occisus est) Hic est alter è Decijs, quos ad voluntariam mortem cursum equorum incitasse cicero in catone ait, Filius enim patrem imitatus, in quarto consulatu se deuouit, libr. 2. de Finibus. Quod vero idem Tusc. 1. scribit, Decium filium cum Etruscis decertantem se hostium telis occisisse, in eo dissentit ab alijs, qui Decium hunc cum Gallis decertasse scribunt. Peditum CXL. millia CCCXXX. equitum verò XLVI. millia) Ita hac leguntur in optimo libro cornelij Gualtbe-
r: idem

vinde[m] q[ue] numerus est à Liui[o] ex aliorum scriptorū
 annalibus relatus. Aut externos prouentus) τὰς
 ἀκαδεύτουχίας καὶ ἐννεμείας. Vulgo, euentus, con-
 tra fidem librorum antiquorum legitur. Pestilentia,
 qua hic annus grauis fuit, meminit etiam Liuius.

In Caput XXII.

Sequitur annus) Consules hic annus habuit L.
 Postumium Megellum, M. Atilium Regulum: est q[ue] il-
 lius parum cōstans memoria, inquit Liuius li. 10. quē
 lege. Nouum habitum animumq[ue]) Habitus ar-
 matura, animusq[ue] paratus ad dimicandū hic breui-
 ter indicatur: sed Liuius omnia copiose li. 10. extremo.
 Papirius Cos.) Hic est L. Papirius Cursor Sp. Car-
 uilij collega in Consulatu anno post R. cond. CDLX.
 de quo & pullario prater Liuium Valerius Max. lib.
 7. cap. 2. Epidaurium colubrum) Hanc rem libro
 decimo extremo scripsit Liuius, libroq[ue] vndecimo per-
 secutus fuit, vt ex epitoma cognoscitur, in qua mentio
 est colubri siue anguis. Tu lege Pausaniam libr. 2. &
 Ouid. libr. 15. Metamor. Præterea altero ab hinc
 anno) Altero anno, id est, proximo post L. Papirium,
 quo Q. Fabius Maximus Gurgēs, & D. Iunius Bru-
 tus Scaua Cos. fuerunt. Fallitur certè Robortellus,
 qui alterum vbiq[ue] pro secundo accipit. Namque a-
 misso exercitu) Tria millia hominum occisa refert
 Eutropius libro 2. Quod per XLIX) In alijs ma-
 le LIX. legitur. Nam si annus, quo Q. Fabius V. P. De-
 cius IIII. Consules fuerunt, rectè XLVI. belli Samni-
 tici à Liui[o] nominatur, hic XLIX. sit necesse est. An-
 nō subsequente) Anno ab V. C. CDLXIII. Consul

eū P. Cornelio Rufino fuit M. Curius Dentatus eoſq;
ambos Samnitas viciffe Eutropius ſcribit. Curium
etiam de Samnitibus triumphaffe, Cicero in Catone
oſtendit, & in libr. de Viris illuſtrib. ſcribitur Oroſi-
us tantum rei in Sabinis geſta meminit, ſicut & Flo-
rus lib. 1. ca. 15. Anno ab vrbe condita CDLX-
III) Hic annus ſecundum Faſtos Capitolinos, quos
tanquam certiſſimos duces ſequimur, eſt, CDLXX. quo
P. Cornelius Dolabella, & Cn. Domitius Calpurnius
coſ. fuerunt. Romani ad exorandos) Polybius lib.
2. ſcribit hos legatos à M. Curio in Galliam miſſos
ὅπερ τοῖς ἀρχιμαλῶν, pro redimendis captiuis:
quos illi παραπονοδήσαντες ἐπαρείλοντο, id eſt,
violato iure gentium interfecerunt. Verum hic Li-
uij amiſſione magnum damnum fecit hiſtoria. Ille e-
nim hac copioſè initio libr. 12. expoſuerat. Cæcilius
prætor) Huius Cæcilij prætoris meminit Auguſti-
nus de Ciuit. libr. 3. cap. 17. & in Liuiana Epitoma L.
Cæcilius prætor nominatur. Vnde cognoscitur error
Sipontini, qui quod Polybius dixit, λευκίου τῷ στρα-
τηγῷ τελευτήσαντος, vertit, Lucio Conſule amiſſo.
Cæterum Gallorum reliquias P. Dolabella deleuit in
Etruria ad lacum Vadimonis, vt ait Florus libro 1. ca.
13. περὶ τὴν οὐαῖδμονα προσαγορευομένην λίμνην,
Polybius.

In Caput XXIII.

Alexander per XII. annos) Alexander Mace-
do, inquit Cicero Philip. V. cum ab ineunte etate
res maximas gerere cœpiſſet, tertio & trigefimo
anno mortem obiit. Vixit enim annos XXXII. meſes
VIII.

ΛΙΥΙΙΙ.

ΙΙΥ ΙΙΙΙΙΙ ΙΙΙΙ
ΙΙΙ ΙΙΥΙΙΙ ΙΙΥΙΙΙ

VIII. Regnavit A. XII M. VIII. Arrianus libr. 7. extremo. Primo Ptolemæo) Hic est Πτολεμαῖος ὁ Δ' ὁ γ', Ptolemaus Lagi F. primus Rex Aegyptii, à quo deinceps qui Aegyptum obtinuerunt vsque ad Auletem (quem regno pulsum ab Alexandrinis A. Gabinius restituit) eiusq; filium (quem C. Julius Caesar interemit) Ptolemaei nomen tulerunt. Laomedon Mitylaeneus) Λαομέδων ὁ μυτυλωνᾶτος, cui Syriam cum Phoenice datam. Curtius li. ult. scribit. Ciliciam Philotas, Philo Illyrios) Ita legitur quoque in nostro manuscripto Iustini lib. 13. pro quo in impressis, Ciliciam Philotas cum filio, & Illyrios accipiunt mendosè legitur. Mediæ maiori Atropatus) ἄτροπατης ὁ τῆς μεδίας σατραπῆς, Atropatus Mediæ praefectus, est apud Arrianum libr. 7. Vnde non solum Iustinus & Orosius emendandi, verum etiam Diodorus, apud quem libr. 18. est, Ἀτράτη δὲ μεδία, duabus literis οπ in medio praetermissis. Minori socer Perdiccae) Sic est etiam in manuscriptis: sed Iustinus habet minori Alceta frater Perdiccae praenitur: Ἀλκίετας ὁ ἐδελφός περδικκου nominatur à Diodoro libr. 18. Sufiana gens Scyno) de Scyno prater Iustinum & Orosium alij, quod sciam, nihil. Antipater postea Antigono τὴν σασσιανὴν dedit, cui Perdiccas primo Παμφυλίαν, & Λυκίαν, & τὴν μεγάλαν χαλουμνὴν φρυγίαν attribuerat, auctore Diodoro. Orosius verò Iustinum secutus scribit. Pamphyliam & Lyciam Nearcho datam, quem vulgo Learchum vocant. De Nearcho Diodorus Plutarchus Arrianus. Lydiam Menander) Menander est etiam in manuscriptis Iustini & Orosii libris.

libris. sed verendum, ne notus Menander pro ignoto Meleagro in has sedes migrauerit. Nam Meleagro Lydiam assignatam scribit Diodorus. Minorem Phrygiam) τὴν ἐφ' ἑλλησπόντῳ φρυγίαν, Diodorus, Thracia & Regiones Ponti) Λυσιμάχῳ, ἐδόθη θράκη καὶ τὰ σιωροῖζοντα τῶν ἐθνῶν παρὰ τὴν ποντικὴν θάλασσαν, Diodor. Seleuco Antiochi) Hic est Seleucus ὁ τῆς ἀσίας τῆς περὶ εὐφράτῳ βασιλευχὼς, ut inquit Appianus in Syriacis: qui in Asia maiore & Syria regnavit. Pithon Agenoris) πείθων sine πίων ὁ ἀγνὸς, est apud Diodorum & Arrian. Vnde quomodo hoc nomen scribendū sit cognoscitur. Seras, habet etiā noster manuscriptus Iustinus, pro quo in impressis Sedres, legitur. Oxyartes) ita hoc nomē in Gualtheri libro rectē scriptū est, ex quo vulgo, Axiarches fecerunt. Diodorus, τὴν ἧ παρὰ τὸν καύχασον καμένην, ὀνομαζομένην ἧ παροπαμισαδῶν, προσέρισεν ὀξυάρτη τῷ βακτριανῷ βασιλεῖ, οὗ τὴν θυγατέρα ῥωξάνην γεγαμηκὼς ἦν ἀλέξανδρος. id est, Fines ad Caucasum montē, qui Patōra misadarū dicuntur, attribuit Oxyartes Baſtrianorū regi: cuius filia Roxane cū Alexandro fuerat. Ergo Trogus, Parapamēnos fines dixit τὴν τῶν παροπαμισαδῶν χώραν. Sibyrtio) Diodorus, σιευρτίῳ ἑδωκεν ἀραχωσίαν, καὶ κεδρωσίαν. Arrian. li. 6. de eodē Sibyrtio agēs, τούτῳ ἀραχωτῶν τε καὶ γεδρωσίαν ἀρχειν ἐδόθη. Plus at. quoq, γεδρωσίαν nominat quā Diodor. κεδρωσίαν. In nostris manuscriptis, Cedrosiā, legitur. Apud Iustinū locus mutilatus est, qui in nostro antiquo integrē legitur hoc modo, Arachosii.

Cedro-

-0-0-

-0-
-0--0-0-
-0-0--0-
-0-0-

Cedrosi q̃, Sibirio traduntur, Drange & Arai Stanoti. στα.σάνωρ ὁ ἀρείαις καὶ δραγγάν σατράπης vocatur ab *Arriano* libr. 6. De eodem *Diodorus*, στα.σάνωρ ἢ τῷ σολίῳ τὴν ἀρείαν καὶ δραγγίνῳ. *Amynas*) *Hic Diodoro est Philippus, apud quem sic legitur, φιλιππῶ προσώρσει βακτριανὴν καὶ σαρδιανὴν, φραταφέρῃ παρθυῶν, καὶ ὕρχανίαν πευκεσὴν περσίδα, τλῆ πολέμῳ χαρμανίαν, ἀρχῶν βαβυλωνίαν, ἀρκεσιλάῳ μεσοποταμίαν. Vbi vides nullam Scythae & Nicanoris mentionem fieri. Deinde nostra emendatio illius quoque auctoritate munitur, quam in Arcelai nomine, quod est in vetustis, neglexi. Epistola Alexandri.)* Hae epistola recitata fuit in mercatu Olympiaco, ut ait *Iustin* li. 13. Ὀλυμπιάσιν, ut *graci* dicunt. extat q̃, apud *Diodorum*. libr. 18. *Primi Athenienses*) Hoc bellum, quod *Graci* cum *Antipatro* gesserunt, *Lamiacum* dictum fuit, & à *Diodoro* libr. 18. copiose descriptum est. Per *Demosthenem*.) Propter hoc beneficium *Demosthenes*, qui propter pecuniam ab *Harpalo* captam damnatus solum verterat, ab exilio reuocatus fuit, *Plutarchus* in *Demosthene*, *Iustinus* lib. 13. *Pausanias* 1. *Antipatrum* obs. cingunt.) *Iustinus*, *Antipatrum* *Heracleae* obsessum à *Leosthene* scribit. *Diodorus* li. 18. *Strabo* 9. *Pausa.* 1. & *Plutarc.* in *Demosth.* & *Eumene*, *Lamiae*. vnde *Lamiacum* bellum. Telo è muris iacto perossus.) *τληγείς εἰς τὴν κεφαλὴν λίθῳ παραχρῆμα ἔπεσε*, *Diod.* quem de *Leonnati* cae etiam consule. *Ariaratho* Capp.) *Ἀριαράθῳ τὸν χα.παδοχίας διωάσῳ*, *Diodorus* nominat. *Meminit Plutarchus in Eumene.* Nam omnes ante ir-

te irruptio.) En utilitatem Epitomarum. Nam cū
 Trogus rem primum in Cappadocia cum Ariarathes
 rege, deinde in Pisidia cum Larandæis & Isaurijs à
 Perdicca gestam exposuisset, Iustinus hac ita detrun-
 cauit, ut ex duobus quasi corporibus vix vnum reli-
 querit. Isaurij ergo hanc crudelitatem in se suosq; ex-
 ercuerunt, ut scribit Diodorus l. 18. ubi & bellum in-
 ter Antigonom & Perdiccam exponit. Neoptole-
 mus & Eumenes.) Neoptolemus Eumeni in auxi-
 lium relictus à Perdicca consilio cum aduersarijs com-
 municato, insidias Eumeni parabat. qua re patefa-
 cta pralio cum ipso dimicare coactus in extremum
 discrimen venit, & copias fere omnes amisit, Diodo-
 rus, Plutarchus in Eumene, Iustinus libr. 13. Poly-
 perchon occiditur.) De Polyperchonte in hoc
 pralio occiso alij excepto Iustino nihil quidquā. Dio-
 dorus & Plutarchus Craterum ducē à Perdicca par-
 tibus in hoc pralio cecidisse, memorie prodiderunt.
 quos de congressu Eumenis cum Neoptolemo, ac mu-
 tuis vulneribus lege. Eumenes Phytō &c.) Hī
 quatuor ita nominantur à Iustino: Plutarchus Eu-
 menis tantum meminit: Diodorus scribit Eume-
 nem cum L. viris illustribus, in quibus Alcetas fra-
 ter Perdicce erat. a Macedonibus capitis condemn-
 tos. Antigono decernitur.) Ab Antigono, mendo-
 se est impressus. Diodor. Αντιγόνῳ προσεταγμένον ἦν
 καταπολεμῆσαι ἐν μέν τῇ καὶ ἀλκίται. In castel-
 lum quoddā.) Plutar. in Eumene, καταφυγώντες
 νῶρα, χωρίον ἐν μεθορίῳ λυκαονίας καὶ καππαδοχί-
 ας. Confugiens in castellum, quod in finibus Lycō-
 nia & Cappadocia positum Nora appellabatur. De

eodem castello Diodor. Argyraspidas) De his, & proditione eorum, Diod. & Plutarch. Arridæi regi.) Arridæus filius fuit Philippi patris Alexandri Magni: quo mortuo rex à Macedonibus creatus Philippi nomen tulit, Diodorus initio libr. 18. Regnavit annos f. x, menses quatuor, eodem auctore libr. 19. Aeacida rege) Hic Pyrrhi Epirotarum regis, de quo paulo post, & libro sequente, pater fuit. Roxane nuru) Roxane Oxyartii Bactriani filia inter Alexandri vxores fuit, lege Arrianum libr. 7. In urbem Pydnam) In impressu Iustini libris mendose Pictuam, legitur, cum in manuscripto bene sit, Pydnam. Diodorus de Olympiade, αὐτὴ δὲ παρῆλθεν εἰς πύδναν, ἔχουσα τὸν ἡδὸν τὸν ἀλεξάνδρον, καὶ τὴν μητέρα αὐτοῦ ῥωξάνην. Non ergo Alexandri magni filium Herculem ex Barsine susceptum, sed Alexandrum Roxanes filium Olympias secum Pydnam duxit. vide Diodor lib. 19. Liberandum bello Herculem) Iustinus lib. 15. Diuulgat se velle Alexandri regis sui filium cum matre obsidione Amphipolitana liberare. Non ergo Barsines, sed Roxanes filius hic quoque intelligendus, quem Alexandrum fuisse nominatum. Diodorus lib. 19. Pausanias lib. 1. & 9. scribunt. Cum filio Demetrio vincitur) Solus Demetrius Antigono in Hellepontum profecto cum Ptolemaeo apud Gazam oppidum manus conferuit, victusq; fuit, Diodor lib. 19. Pausanias 1. Plutarch. in Demetrio. Hercules Alexandri) Hunc Polyperchon in regnum restituere parabat, sed à Cassandro magni pollicitationibus adductus, eum interfecit, Diod. lib. 20. qui addit Herculem eum fuisse natum annos circiter

circiter XVI. Ptolemæus iterum cum Demetrio)
 Hoc prælium nauale, quo Ptolemæus victus in Aegy-
 ptum refugit, ad Cyprum commissum fuit, & accu-
 ratè à Diodoro lib. 20. Plutarcho in Demetrio descri-
 bitur. Meminit Pausan. lib. 1. De regio nomine, Dio-
 dor. & Plutar. Sadrocotto) Legitur etiam Andro-
 cotto & apud Iustinum, Sandrochetto. Sed Strabonis
 auctoritate lib. 15 nostra lectio confirmatur. Prælium
 hoc, in quo Antigonus cecidit, describit Plutarchus
 in Demetrio Meminit Pausanias lib. 1. Commissam
 pugnam fuisse & ἰσχυρὰν legimus in Arrian. lib. 7. Se-
 leucus Demetrio) Duxit tum Seleucus uxorem
 Stratonice filiam Demetrii & Phillæ. Plutar. in De-
 metrio. Cassandro defuncto) Cassander ex morbo
 aquæ intercutis, viuens etiam nunc, erumpentibus
 vndiq; vermibus, extabuit, philippus filius eius natu
 maximus regno iam inito tabidi corporis lue periit,
 Pausanias li 9 Antipater Thessalonicen.) Cassan-
 der Macedonia rex tres filios moriens reliquit, Phi-
 lippum, Antipatrum, & Alexandrum. Horū Philip-
 pus initio regni periit, Antipater matrē Thessaloni-
 cē. Philippo Amynthe filio & Nicaipolide genitam,
 ideo interfecit, quod ea Alexandro propensior esset:
 Alexander Pyrrhi & Demetrii auxilio implorato, ab
 hoc interemptus fuit, Plutarchus in Pyrrho, & De-
 metrio, Pausanias li. 9. Iustinus 16. Doricetis) Dori,
 est in Gualtheri libro quod alij quoque in suis manu-
 scriptis inuenerunt. Rectum puto, Dromichæti: sic
 enim Pausanias lib. 1. nominat. Plutarchus quoque in
 Demetrio δρομυχῆτον mentionē facit, ab eoq; Lysi-
 machum captum fuisse scribit, & humanè, regieq;

tractatum. De eodem Strabo li. 7. His se comitem)
 Quæ hic de Pyrrho Orosius scribit, ea Plutarchus in
 illius vita pluribus persequitur. Generum suum
 Antipatrum.) Antipatrum Cassandri filium intel-
 ligit, de quo paulo ante dixi. Filiumque suum Aga-
 thoclem.) Agathocles dolo & insidijs Arsinoes, vxor-
 is quidem Lysimachi, sororis vero Lysandra, quæ cū
 Agathocle erat, occisus fuit, vt scribit Pausanias lib. 1.
 Strabo lib. 13. ait Lysimachum ab improbis familia-
 ribus coactum filium Agathoclem interfecisse. Lysim-
 machia ciuitas.) Hanc Lysimachus euerfa Cardi-
 anorum vrbe in Isthmi Thracij Chersoneso condide-
 rat, Pausa. li. 1. De eius interitu Strabo lib. 10. De Lysim-
 machi & Seleuci morte lege Pausaniam lib. 1. Polybi-
 us libr. 2. scribit hos interfuisse circa Olympiada
 CXXIIII. Cuius sororem Lysima-
 chus.) Prolemæi soror, vxor Ly-
 simachi fuit Lysandra,
 .Pausanias.

PAVLI

PAVLI OROSII
ADVERSVS PAGA-
NOS HISTORIARVM
LIBER QVARTVS.

P R A E F A T I O.



Ixisse Aeneam Virgilius re-
fert, cū post pericula sua
suorumq̃ue naufragia resi-
duos ægre socios solaretur,
Forſan & hæc olim memi-
niſſe iuuabit. Hæc ſententia ſemel aptè fi-
cta, ſemper vim ſui triplicem diuerſiſſimis
affectibus refert: cū & præterita tanto
gratiora habentur in verbis, quanto gra-
uiora referuntur in geſtis: & futura dum
deſiderabilia ſtudio præſentium ſunt,
ſemper meliora creduntur: ipſis autem
præſentibus ob hoc nulla in parte miſeri-
arum iuſta comparatio adhiberi poteſt,
quia multo maiore moleſtia, afficiunt,
quantulacunque ſint iſta, quæ ſunt, quàm
illa quæ ſive tranſacta ſive ventura: & ſi
magna dicuntur, interim omnino tunc
non ſunt: veluti ſi quis nocturnis pulci-
bus titillatus, atque ex eo vigilijs anxius,

alias forte, quas aliquando ex ardentissimis febribus diu sustinuit, vigilias recorderetur, procul dubio impatientius feret istarum inquietudinem, quàm illarum recordatione. Sed quamuis apud omnium sensus pro captu temporū ita videri queat, nunquid tamen aliquis existeret, qui vel in ipsa anxietate pronūtiaret grauiores pulices esse quàm febres? aut acerbius accipiat, se vigilare sanum, quàm dormire nō potuisse moriturum? Quæ cum ita sint, delicatis istis & querulis nostris utcunque cōcedo, ut hæc, quibus nunc, quia sic expedit, interdum admonemur sentiendo graua putent. Non tamen cohibeo, ut etiam adlerant comparando grauiora. Quemadmodum si quis mollissimis è stratis cubiculoque percommodo matutinus egrediens, nocturno gelu lacunarium dorsa obriguisset herbasque, incanuisse propiceret, & inopinato visu admonitus diceret, frigus est hodie, hic mihi nequaquā reprehendendus videretur, quia vel communi vſu, vel proprio sensu locutus esset. At si trepidus in cubiculū recurrens, stratisque se adoperiens, vel magis abdens, clamaret, tantum omnino frigus esse quantum nec in Apennino aliquando fuerit,

cum Annibal elephantos, equos, plurimamque exercitus sui partem, niuibus clausus atque oppressus amisit, hunc ego puerilibus licentijs nauseantem, non modo dicentem ista non ferrem, sed etiam ab ipsis stratis, otij sui testibus, in populum publicumque protraherem: ei que foras producto, infantes in eo atque ex eo gelu ludentes, iucundantes, ludantesque monstrare, ut verbosa nugacitas delicatis vitiata nutrimentis, non in tempore violentiam, sed in se esse segniticem doceretur: & in comparatione rerum dijudicanda, non maiores parua tolerasse, sed se nec parua tolerare sufficere probaretur. Quod euidentius ipsis in memoriam reuolutis præteritorum cladibus, approbabo, Pyrrhi bello in primis, sicut ordo est, prodito: cuius causa & origo hæc fuit.

De bello Tarentinorum, quibus Pyrrhus Epirota auxilio fuit aduersus Romanos.

CAPVT I.

ANno ab yrbe condita CCCCLXIII. Tarentini Romanam classem fortè prætereuntem, spectaculo theatri prospectam hostiliter inuaserunt, quinque tantum nauibus vix per fugam elapsis: cætera retracta in portum clasis, & profligata

gata est, præfecti nauium trucidati, omnes bello vtiles cæsi, reliqui pretio venditi sunt. Continuo missi, Tarentum à Romanis legati, vt de illatis quererentur iniurijs, pullati ab iisdem, auctas insuper iniurias retulerunt. His causis bellum ingens exortum est. Romanos qui quantiq; hostes circumstreperent permetiētes, vltima adegit necessitas, proletarios quoq; in arma cogere, hoc est, eos qui in vrbe sufficiendæ semper prolis causa vacabant, militiæ ascribere: quippe cum frustra de prole cura sit, nisi rebus præsentibus consulatur. Itaque irruit in vniuersos Tarentinorum fines cum Aemilio consule Romanus exercitus, igni ferroque vastat omnia, plurima expugnat oppida, iniuriam insolenter acceptam crudeliter vindicat. Continuo Tarentinos plurimis finitimorum præfidijs sultos, maximè Pyrrhus auxit, qui etiam in se ob magnitudinem virium consiliorumque, summam belli nomēque traduxit: nam Tarentum vtpote ex Lacedæmonijs conditam cognatamque Græciæ ciuitatem, vindicaturus, totas vires Epiri, Thessaliæ & Macedoniæ, elephantos etiam vsque in id tempus inuisos Romanis, numero XX. in Italiam primus

mus inuexit, terra, mari, viris, equis, armis, beluis, ad postremum viribus suis dolique terribilis: nisi quod Delphici illius vanissimi spiritus, & mendacissimi nebulonis, quem magnum ipsi vatem ferunt, responso circumuentus ambiguo, exitum fecit eius qui non consulisset. Itaque apud Heracleam Campaniæ urbem, fluuiumq; Siliam, prima inter Pyrrhum regem & Læuinum consulem pugna commissa est. Consumptus est grauissimo certamine dies, vtrinque omnibus mori intentis, fugere nescijs. Introductos autem inter concurrentia agmina elephantos, formidulosos, odore graues, mole terribiles, ut videre Romani, nouo pugnandi genere circumuenti & territi, equis maximè pavitantibus diffugerunt. Sed postquam Minucius quartæ legionis primus hastatus protentam in se manum beluæ gladio defecuit, & conturbatam dolore vulneris auerti bello, atque in suos sæuere compulit, eiulque immoderato discursu perturbari ac permisceri cœpere, finis pugnae etiam beneficio noctis impositus est. Victos fuisse Romanos turpis fuga prodidit, quorum tunc cecidisse referuntur perditum XIII. millia octingenti octoginta.

ta: capti MCCCX. Equites autem cæsi
 CCXLII. capti DCCCII. signa amissa
 XXII. Nam quantus è diuerso numerus
 sociorum Pyrrhi fuerit extinctus, memo-
 riæ traditum nō est: maximè quia scripto-
 rum veterum mos est, ex ea parte quæ vi-
 cerit, occisorum non commemorare nu-
 merum, ne victoriæ gloriæ maculent
 damna victoris: nisi fortè cum adeo pauci
 cadunt, vt admirationem terroremq; vir-
 tutis augeat paucitas perditorum, sicut in
 prima Persici belli congressione apud A-
 lexandrum Magnum fuit: cui inter qua-
 dringenta ferè millia hostium interfecta,
 nouem tantummodo in exercitu eius pe-
 dites defuisse referuntur. Sed Pyrrhus a-
 trocitatè cladis, quam hoc bello excepe-
 rat, dijs suis hominibusque testatus est,
 affigens titulum in templo Tarentini Io-
 uis, in quo hæc scripsit: Qui ante hac inui-
 cti fuere viri, pater optimè Olympi, hos
 ego in pugna vici, victusq; sum ab iisdem.
 Et cum à locijs increparetur, cur le victū
 diceret qui vicisset, respondisse fertur: Ne
 ego, si iterum eodem modo vicero, sine
 villo milite Epirum reuertar. Interea Ro-
 manus exercitus postquam victus clam
 fugit è castris, miserabilem belli cladem
 ingens

gravi-

grauioribus monstis auctam accumulata-
tamque perlenfit. Nam pabulatores fortè
progressos, velut hostilis quædam aborta
tempesta, cum horribili fragore cæli
correptos, diris fulminibus exulsit: quip-
pe XXXIII. eorum idem turbo prostra-
uit, XXII. semineces relictæ, iumenta ex-
animata & capta quam plurima, vt mero-
to contigisse non signum vastationis fu-
turæ, sed vastatio ipsa referatur. Secunda
inter Pyrrhum & Romanos consules pu-
gna in Apuliæ finibus fuit: vbi clades belli
ad utroque, sed maximè ad Pyrrhum, vi-
ctoria ad Romanos concessit. Nam cum
diu obnixè cunctis in mutuâ cædem ruen-
tibus, anceps belli penderet euentus, Pyr-
rhus transfixo brachio, saucius prior ces-
sit è prælio. Sed & Fabricius legatus tunc
vulneratus est. Elephanti prima pugna
vulnerari, atque in fugam cogi posse de-
prehensi: deinde subiectis inter postero-
ra ac mollia ignibus exagitati, ardètes in-
super machinas furore trepido circumse-
rentes exitio suis fuere. Cæsa sunt in ea pu-
gna quinque millia Romanorum: de exer-
citu vero Pyrrhi viginti millia, prostrata
sunt. Regis signa ablata LII. Romanor-
um vndecim amissa sunt. Pyrrhus bello
fractus,

fractus, Agathocle mortuo rege Syracusano, ad Siciliae accersitus imperium, Syracusas concessit.

Romani horrenda peste corripuntur. Cum Pyrrho tertium bellum geritur, fugatur, & interit.

CAPVT II.

SEd Romanorum miseria nullis cessat inducijs. Consumitur morborum malis intercapedo bellorum: & cū foris cessatur à prælio, agitur introrsum ira de cœlo. Nam Fabio Gurgite iterum, C. Genucio Clepsina consulibus, pestilentia grauis urbem ac fines eius inuasit: quæ cum omnes, tum præcipue mulieres pecudesque corripuens, necatis in vtero fœtibus, futura prole vacuabat, & immaturis partibus cum periculo matrum extorti abortus proieiebantur: adeo vt defectura successio, & defuturum animantium genus, adempto vitalis partus legitimo ordine, crederetur. Interea reuersum ex Sicilia Pyrrhum Curius consul excepit, tertiumque id bellum contra Epirotas, apud Lucaniam in Arusinis campis gestum est. Itaque primo concursu, cum Pyrrhi milites Romanorum impressionem trepidarent, circumspectâtesque fugam bello cedere

dere molirentur, Pyrrhus elephantos ex subsidij iussit induci. Romani assueti iam pugnare cum beluis, cū malleolos stupam inuolutos, ac pice oblitos, vncis insuper aculeis tenaces præparauissent, eosque flammatos in terga beluarum turesque vibrarent, non difficile furentes ardentisque beluas in eorum excidia, quorum subsidia fuerant, retorserunt. Octoginta milia peditum in illo prælio habuisse regem dicunt, equitum vero sex millia. Ex his cæsa referuntur trigintatria millia, capti autem sunt mille trecenti. Pyrrhus quinto demum anno, quàm venerat, ab Italia victus aufugit, qui post multa grauissimaque bella, quæ gessit, in Græcia apud Argos Achaïæ florentissimam urbem, Spartani regni auiditate seductus saxo ictus occubuit. Tunc quoque apud Romanos Sextilia virgo Vestalis, conuicta damnataque incesti, ad portam Collinā viua defossa est.

Romani Tarentinos cum auxilijs Carthaginensium vincunt, & in octauam legionem animaduertunt.

CAPVT III.

ANno ab vrbe cōdita CCCCLXXV
Tarentini Pyrrhi morte comperta,
iterum

	mm	u
u	uuu	u
-3	(--)	(--)
m	mm	mm

iterum noua aduersum Romanos arma sollicitant. Carthaginensium auxilia per legatos poscunt, atque accipiunt. Conserto prælio, vicere Romani: ubi iam tunc Carthaginenses, quamuis nondum hostes ad iudicati, vincti tamen à Romanis se posse senserunt. Sequenti anno magnam viscerum suorum partem seueritas Romana concidit. Nam aduentante dudum Pyrrho octaua legio diffidens Romanæ spei, nouum scelus ausa Rheginos omnes, quibus subsidio præerat, interfecit: prædam sibi omnem atque ipsum oppidum vindicauit. Hoc facinus in tam sceleratos defectores puniendum Genucio consuli iussum est: qui obsessa Rheginorum vrbe, captisq; omnibus, ipse quidem in reliquos perfugas, & latrones exercuit digna supplicia, Romanos vero milites integræ legionis Romam misit: qui populi iussu medio in foro virgis cæsi, securique perculsi sunt. Visa sibi est tunc Roma vincere, cum legationem suam integram occidit: quæ sine dubio victa fuisset, si eam hostili prælio perdidisset.

De horrendis quibusdam prodigijs & de bello Picensi.

CAPVT IIII.

Anno

ANno ab vrbe cōdita CCCCLXX-
VII obscœna & dira prodigia vel
visâ Romæ, vel nuntiata sunt. Aedes Salu-
tis ictu fulminis dissoluta, pars muri sub
eodē loco de cœlo, vt dicunt tacta est. Lu-
pitres ante lucem ingressi vibem, seme-
sum cadauer intulerunt, sparsumque mem-
bratim in foro, ipsi strepitu hominum ex-
territi, reliquerunt. Apud l'ormias multis
ictibus fulminum mœnia vndique ambu-
sta & dissoluta sunt. Apud agrum Cale-
num repente flamma, scisso hiatu terræ e-
ructata, tribus diebus tribusque noctibus
terribiliter exæstuans, quinque agri iuge-
ra, exhausto penitus succo vbertatis, in
cinerem extorruit, ita vt non fruges so-
lum, sed & arbores cum imis stirpibus
absumpsisse referatur. Sequenti abhinc
anno, Sempronius consul aduersus Picen-
tes duxit exercitum. Et cum directâ intra
iactum teli vtraque acies constitisset, re-
pente ita cum horrendo fragore terra tre-
muit, vt stupore miraculi vtrunque paue-
factum agmen hebesceret. Diu attoni-
tu vtrinque populi hæsitauere. Præiudi-
cata incepti conscientia, tandem procur-
su cōcito iniere certamen. Triste adeo id
bellum fuit, vt merito dicatur tantum hu-
manum

manum sanguinem susceptura etiam cum gemitu horrifono tunc terra tremuisse. Romani pauci admodum eo prælio quicquid valere, vicerunt.

*Rursum prodigia visa, Vulsinienfium libertini cōspirant aduersus dominos, quibus Romani subue-
nerunt. Roma iterum peste corripitur.*

CAPVT V.

ANno ab vrbe cōdita CCCCLXXX inter multa prodigia, sanguis è terra, lac visum est manare de cœlo. Nam & plurimis locis scaturiens è fontibus cruor fluxit, & de nubibus guttatim in speciem pluuiæ lacte demisso, diri, vt ipsis visum est, terram imbres irrigauerunt. Eo tempore Carthaginenses dato aduersum Romanos auxilio Tarentinis cū à senatu per legatos arguerétur, turpissimam rupti fœderis labē præsumpto accumulauere per iurio. Tunc etiam Vulsinienfes Etruscorum florētissimi, luxuria pene perierunt. Nam cum licentia in cōsuetudinem prorogata, seruos suos passim liberos facerent, conuiujs allegarent, coniugijs honestarét, libertini in partem potestatis recepti, plenitudinem per scelus vlturpare meditati sunt, & liberati seruitutis iugo, ambitu dominationis arserunt : & quos domi-

dominos subditi æquanimiter dilexerūt,
eos iam liberi, quos dominos fuisse memi-
nerant, execrati sunt. Itaque conspirantes
in facinus libertini (quorum tanta manus
fuit, vt sine controuerſia aſu potirētur)
correptam urbem ſuo tantum generi vin-
dicant: patrimonia, coniugiaque domi-
norum ſibi per ſcelus uſurpant, extorres
dominos procul abigunt, qui miſeri, exu-
les egentſque Romam deferuntur: ubi
oſtentata miſeria, querelaque deſleta,
per Romanorum ſeueritatem & vindicati
ſunt & reſtituti. Anno ab vrbe condita
CCCCLXXI. peſtilentia ingens apud
Romam conflagrauit, cuius atrocitatem
ſignificare contentus ſum, quia verbis im-
plere non poſſum. Si enim ſpatium tempo-
ris quo manſit inquiritur, vltra biennium
vaſtando porrecta eſt: ſi depopulatio quā
egerit, cenſus indictus eſt, qui non quan-
tum hominum deperiſſet, ſed quantum ſu-
per fuiſſet inquireret: ſi violentia qua adſe-
cerit, Sibyllini libri teſtes ſunt, qui eam
cœleſti ira impoſitam reſponderunt. Sed
ne quem tentata uſurpatio trāſlationis of-
fendat, quod cum Sibylla iratos deos di-
xerit, nos irā cœleſtem dixiſſe videamur,
audiat & intelligat, quid hæc etſi plerum-

R

que

que per aërias potestates fiunt, tamen sine arbitrio omnipotentis Dei omnino non fiunt. Eodem tempore Capparonia virgo Vestalis incesti rea, suspendio perijt: corruptor eius, conscijq; serui supplicio affecti sunt. Ecce continuatim, quæ & quanta numeramus accidisse annis singulis plurima: inter quos certè raro aut pene nullo nihil triste gestum est. Et hoc cum iidem scriptores, proposito sibi magis laudandi negotio, cauerent numerositates miseriorum, ne eisdem quibus hæc & de quibus scribebantur offenderet, auditoreq; suos exemplis præteritorum terrere potius, *institueret.* quàm *instruere videretur. Porro autem nos in vltimo temporum positi, mala Romanorū scire non possumus, nisi per eos, qui laudauere Romanos. Ex quo intelligi datur, quanta illa fuerint, quæ studio propter horrore repressa sunt, cum tanta inueniantur, quæ tenuiter inter laudes emanare potuerunt.

De Carthaginienſium origine, variaq; fortuna, qua ante bellum Punicum primum sunt vſi.

CAPVT VI.

ET quoniam ex hoc iam Punica bella succedunt, res ipsa exigit, vt de Carthagi-

thagine, quæ ante urbem Romam duos & septuaginta annos ab Elifa condita inuenitur, eiusque cladibus ac domesticis malis, sicut Pompeius Trogus & Iustinus exprimunt, vel pauca referantur. Carthaginienses vernaculum, atq; intestinum semper inter se malum habuere discordiâ: quæ infœliciter exagitante, nulla vnquam tempora vel foris prospera, vel domi quieta duxerunt. Sed cû inter cætera mala etiam pestilentia laborarent, homicidijs pro remedijs vsi sunt: quippe homines vt victimas immolabant, etatemque impuberem, quæ etiam hostiû misericordiam prouocaret, aris admouebât. De quo sacrorum, immo sacrilegiorum genere quid potissimum discutiendum sit, non inuenio. Si enim huiusmodi ritus aliqui dæmones precipere ausi sunt, vt mortibus hominû occisione hominum satisfieret, intelligendû fuit, se operarios atq; adiutores pestilentiæ conduci, vt ipsi, quos illa nō corripuisset, occideret: sanas enim atq; incorruptas offerri hostias mos est. ita autē illi non sedarent morbos sed præuenirent. Itaque Carthaginienses * aduersis dijs propter istiusmodi sacra, sicut Pompeius Trogus & Iustinus fatentur, sicut autem apud nos

R 2 constat,

constat, propter præsumptionem impietatemque ipsorum irato deo, cum in Sicilia diu infœliciter dimicassent, translati in Sardiniam bello, iterum infœlicius victi sunt : propter quod ducem suum Mazzeum, et paucos qui superfuerant milites, exulare iusserunt. Exules veniam per legatos petentes repulsi, patriam bello & obsidione cinxerunt. Ibi tunc Mazeus dux exulum, Carthalonem filium suum sacerdotem Herculis, quod sibi velut insultans purpuratus occurrerat, in crucem sub oculis patriæ, ita ut erat, cum purpuris infulisque suspendit. Post paucos dies urbem ipsam cœpit, qui cum, interfectis plurimis senatorum, cruente dominaretur, occisus est. Hæc temporibus Cyri regis Persarum gesta sunt. Post hæc vero Ionilco rex Carthaginensium, cum in Sicilia bellum gereret, repête horribili peste exercitum amisit. Nec mora, morbis populo cateruatim cadente, cito quisque correptus, mox mortuus, iam nec sepeliebatur: cuius mali nuntius cum attonitam repentino luctu Carthaginem repleuisset, non secus ac si capta esset, turbata ciuitas fuit. Omnia ululatibus personabant. clausæ ubique ianux, cuncta priuata publicaque

que officia damnata, vniuersi ad portum decurrunt, egredientesque de nauibus paucos qui cladi superfuerant, de suis percontabantur. Postquam de clade suorum * dicentibus illis vel gementibus miseri^{* tacentibus.} intelligunt, tunc toto litore plangentium voces, tunc inſœlicium matrum vlulatus & flebiles querelæ audiebantur. Inter hæc procedit & ipse de naui sua imperator, sordida seruilique tunica discinctus: ad cuius conspectum plangentium iunguntur agmina. Ipse quoque manus ad cœlū tendens, nunc suam, nunc publicam inſœlicitatem accusat & deflet: ad postremum vociferans per urbem, tandem ingressus domum, cunctos qui lachrymantes prosequabantur, vltimo dimisit alloquio: ac deinde obseratis ianuis, exclusisque etiam filijs, gladio dolorem vitamque finiuit. Hæc Darij tēporibus gesta sunt. Post hæc Anno vir quidam Carthaginienſis, priuatis opibus reipub. vires superans, inuadendæ dominationis hausit cupiditatem. Cui rei consilium vtile ratus est, vt simulatis vnicæ filiæ nuptijs, omnes senatores quorum dignitatem obstaturam inceptis suis arbitrabatur, inter pocula veneno necaret. Quæ res per ministros prodita, sine vltio-

ne vitata est, ne in viro tam potenti plus negotij faceret res cognita, quàm cogitata. Hoc consilio elusus Anno, alio machinaméto facinus aggredi parat. Seruitia cōcitatur, quibus repente incautā urbem opprimeret. Sed cum ante statutam cædibus diem proditum se præuentumque intellexisset, castellum quoddam cū viginti millibus seruorum armatus occupat. Ibi dum Afros regemque Maurorū concitat, captus est: ac primò virgis cæsus, deinde effolsis oculis, & manibus cruribusque fractis, velut à singulis membris pœna exigeretur, in conspectu populi necatus est. Corpus verberibus lacerū, cruci suffixum, filij cognatique omnes supplicio traditi: ne quis eum eiusdem familiæ vnquam aut imitari, aut vlcisci meditaretur. Hæc temporibus Philippi gesta sunt. Post hæc Carthaginienles cum Tyrum urbem auctorem originis suæ, ab Alexandro Magno captam euerfamque didicissent, timentes transitum eius in Africā futurum, Amilcarem quendam cognomento Rhodanum, virum facundia solertiaque præcipuum, ad perscrutandos Alexandri actus direxerunt: qui per Parmenionem quasi transfuga exceptus, de-

hinc

hinc in militiam regis admissus, omnia ciuibus suis per tabellas scriptas, & post cera superlitas enuntiabat. Hunc mortuo Alexandro Carthaginem reuersum, quasi urbem regi vindicasset, non ingrato tantum animo, verumetiam crudeli inuidia necauerunt. Deinde cum assidua nec vquam satis prospera aduersus Siculos bella gererent, & Syraculas vibē Siciliae tūc florentissimam obsidione cinxissent, per Agathoclem Siciliae regem miro circumuenti ingenio, vique ad extrema desperationis adacti sunt. Nanque Agathocles cum apud Syracusas à Carthaginensibus obsideretur, ac seneque bello parem instructu copiarum, neque obsidionis patientem stipendiorum sufficientia videret, bene prouiso, ac melius dissimulato consilio, in Africam cum exercitu transit: ibi suis quid moliatur, aperit, deinde quid facto opus sit, docet. Illico vnanimiter naues primum, in quibus venēre incendunt, ne quas pes refugiendi foret. Dehinc cum omnia in quæ direxisset, prosterneret, villas castellaque incenderet, Annonem quendam cum triginta millibus Pœnorū obuium habuit: quem cum duobus millibus suorum interfecit. Ipse autem duos

tantum in eo bello perdidit. Qua pugna
& Afrorum animis incredibiliter fractis,
& suorum in immensum auctis, vrbes ca-
stellaque expugnat, prædas ingentes agit,
hostium multa millia trucidat. Castra de-
inde ad quintum lapidem à Carthagine
statuit, vt damna rerum opulentissimarū
vastationemque agrorum, & incēdia vil-
larum de muris ipsius vrbis specularentur:
Adiicitur præsentibus malis tristior fama.
Nam & apud Siciliam deletus cum impe-
ratore Afrorum exercitus nuntiatur: quē
reuera incautum ac penē otiosum An-
tander Agathoclis frater oppresserat.
Hoc per totam Africam rumore disper-
so, non tributariæ tātum vrbes ab his, ve-
rumetiam socij reges deficiebant: inter
quos rex quoque Cyrenarum Ophellas,
pactus est cum Agathocle communione
belli, dum regnum Africæ ardenter asse-
ctat. Sed postquam in vnum exercitus &
castra iunxerūt, per Agathoclem blandi-
mentis & insidijs circumuentus, occisus
est. Carthaginienſes, contractis vndique
copijs, in bellum exarsere. Quibus Aga-
thocles habens secum Ophellę copias cō-
greditur, eosque magno vtriusque exer-
citus sanguine & graui prælio superat.

Hoc

Hoc certaminis discrimine tanta desperation illata Pœnis est, vt nisi in exercitu Agathoclis orta seditio fuisset, transfugiturus ad eum Bomilcar dux Pœnorum cum exercitu fuerit. Ob quam noxam in medio foro iussu Carthaginîensium patibulo suffixus, crudele spectaculum suis præbuit. Deinde cum post mortem Agathoclis Carthaginîenses Siciliam instructa classe vastarêt, à Pyrrho rege Epiri ab Italia accersito, terrestri naualiq̃ue certamine sæpe superati, nouissimè ad Romana bella conuersi sunt. Proh dolor, legunt ne ista de veteribus, qui de recentibus cōqueruntur? Immò legunt, & ea non æquitate, sed æmulatione coniiciunt. Maximo enim illo & ineffabili, quem nec ipsi decernunt, stimulo compunguntur, nō propter tempora mala, sed propter tempora Christiana: & deriuatio est inuidi hularis, vt quicquid sub execrabili agitur, atrocius esse videatur: sicut etiā inter nos sæpe inimicorum oculis videri solet eos quos execratur, nihil nō prauū, nihil non turpe, nihil nō subsiciuū, nihil non inuolnus suū dicto factōue agere: & hoc tamen pene simpliciter. In tantū enim captū cor obliquat inuidia, vt rectū natura nō vide-

R

5

at, de

ac, de quorum numero sunt isti: sed multo
miseriores, quia inimici Dei, ac perinde
inimici veritatis: de quibus flentes hæc di-
cimus, & quos misericorditer, si patian-
tur, arguimus, vt sanemus, qui vitioso o-
culo hæc vident, atque ideo duplicia illis
videntur, quæ vident: & confusi cali-
gine nequitiae, in id cadunt, vt minus vi-
dendo plus videant, cum tamen id quod
ita, vt est, videre non possint: qui gra-
uiora arbitrantur flagella patris, quàm
hostis incendia: qui acerbiorē vocant
blandientem, admonentem, & redimen-
tem Deum, quàm persequentem, domi-
nantem, trucidantemq; diabolum. Quan-
quam si de patre intelligerent, de casti-
gatione gauderent: & si peruideretur
fructus eruditionis, esset disciplina tole-
rabilis: ac propter spem quæ nunc gen-
tibus data est, antea verò non fuerat,
leuiora ducerent, & si grauiora pate-
rentur: quanquam contemptum miseri-
arum possunt etiam à suis discere, apud
quos summa mala pro summis bonis æ-
stimata sunt, tantum vt gloriam famæ
celebrem atque illustrem cōsequerentur:
per quos colligi datur, quāta nobis, qui-
bus æternitas beata promittitur, sint tole-
randa

randa pro vita, cum illi tanta pōtuerint
tolerare pro fama.

*Romanorum aduersus Syracusanos & Pœnos res
gesta, bellorumq; variorum successus. Setuorum
sociorumq; naualium coniuratio.*

CAPVT VII.

ANno ab vrbe condita CCCC.
LXXXIII. Appio Claudio, Quin-
to Fabio consulibus, Mamertinis, quorū
Messana nobilis Siciliæ ciuitas erat, auxi-
lio contra Hieronem Syraculanum re-
gem, & Pœnorum copias Hieroni iūctas,
App. Claudium consulem cū exercitu
misere Romani: qui tam celeriter Syra-
culanos Pœnosque superauit, vt ipse
quoque rex rerum magnitudine perterri-
tus, antè se victum quàm congressum fu-
isse prodiderit: qui ex infractis viribus a-
missa que fiducia, cum pacem supplex ro-
garet, ducentis argenti talentis iussu con-
sulum multatus, accepit. Consules Agri-
gentum Siciliæ ciuitatem, ibique præsidia
Pœnorum operibus valloque cinxerunt.
Cumque inclusus ea obsidione senior
Annibal imperator Pœnorum ad sum-
mam egestatem redactus esset, Anno im-
perator nouus Carthaginiensiu, cū equi-
tibus mille quingentis, & triginta milli-
bus

bus peditum, triginta etiā elephantis ex improviso intercessit, expugnationemque ciuitatis paulisper distulit: sed continuo ciuitas capta est. Pœni maximo bello victi & profligati, vndecim elephantis, in potestatem redacti, Agrigentini sub corona omnes venditi sunt. Annibal senior facta cum paucis eruptione, diffugit. Cn. Cornelio Asina, C. Duilio consulibus, cū Annibal senior oram Italiæ maritimam instructa septuaginta nauium classe vastaret, Romani & ipsi classem fabricari atque instrui præceperunt: quod Duilius consul celeriter impleuit. Nam intra LX. diem quā arbores cææ erant, centum XXX. nauium classis deducta in ancoris stetit. Cornelius Asina consul alter cum sedecim nauibus Liparam insulam petit, vbi ab Annibale, quasi ad colloquium pacis euocatus, Punica fraude captus, atque in vinculis necatus est. Quod vbi Duilius alter consul audiuit, cum triginta nauibus aduersus Annibalem profectus est. Commisso nauali prælio, Annibal amissa naui, qua vehebatur, scapha subductus aufugit, triginta & vna naues eius captæ, tredecim merseæ, tria millia hominum occisa, septem millia capta referuntur. Postea

Cartha-

Carthaginienſes C. Aquillio Floro, & L. Cornelio Scipione cōſulibus, Annonem in locum Annibalis ſubrogatum pro Sardis & Corſis deſenſandis, nauali prælio præfecerunt: qui à Scipione cōſule victus, amiſſo exercitu, ipſe confertiſſimis hoſtibus ſe immiſcuit, ibiq; interfectus eſt. Eodem anno tria millia ſeruorum, & quatuor millia naualium ſociorum in vrbe Romæ excidium coniurarunt: & niſi maturata proditione conſilium præueniſſet, deſtituta præſidio ciuitas, ſeruili manu periſſet.

Romani Camerinam urbem temerè petunt. Annibal ſenior à ſuis lapidatur. Regulus Liparã Melitamq; vaſtat. Clypea ſe Romanis dedit. Regulus ingentis magnitudinis ſerpente conſecto, è Carthaginiẽſibus victoriam refert.

CAPVT VIII.

ANno ab hoc proximo, Calatinus conſul Camerinam Siciliae urbem petens, temere in anguſtias deduxit exercitum, quas Poenorum copiae iamdudum præſtruxerant. Cui cum omnino nulla vel obſiſtendi vel euadendi facultas eſſet, Calpurnij Flammæ virtute & opera liberatus eſt: qui lecta tercentum virorum manu, inſeſum ab hoſtibus tumultum occupauit, & in

& in se Pœnos omnes pugnando conuertit, donec Romanus exercitus obsessas angustias, hoste non urgente, transfret. Cæsi sunt in eo prælio omnes trecenti, solus Calpurnius quamuis multis confossus vulneribus, & cadaveribus obtectus, euasit. Annibal senior Carthaginensium iterum classi præpositus, infortuniter cum Romanis nauali prælio congressus & victus, ab exercitu suo, seditione orta, lapidibus coopertus interijt. Atilius consul Liparam Melitamque insulas Siciliæ nobiles peruagatus, euertit. Consules in Africam iussi transferre bellum, cum trecentis triginta nauibz Siciliam petierunt, quibus Amilcar Pœnorum imperator & Anno classi præfectus occurrit. Confecto nauali prælio Carthaginienses in fugam versi, sexaginta quatuor naues perdidērunt. Victores consules in Africam transfreti sunt, primamque omnium Clypeam urbem in deditiōem receperunt. Inde Carthaginem petentes, trecenta aut eo amplius castella populati sunt, infesta Carthagini signa circumtulerunt. Manlius consul ab Africa cum victrici classe decedens, viginti septem millia captiuorum cum ingentibus spolijs Romam reuexit.

uexit. Regulus bellum Carthaginiense fortitus, iter cum exercitu faciens, haud procul à flumine Bagrada castra constituit. vbi cum plurimos militum aquandi necessitate ad flumen descendentes serpens miræ magnitudinis deuoraret, Regulus ad expugnandam bestiam cum exercitu profectus est: sed nihil in tergo eius proficientibus iaculis, atque omni telorum ictu irritò, quæ per horrendum squamarum cratem quasi per obliquam scutorum testudinem labebantur, mirumque in modum ne corpus læderet ipso corpore pellebantur, cum insuper magnam multitudinem morsu comminui, impetu proteri, halitu etiam pestifero exanimari videret, balistas deferre imperauit, per quas saxum murale spinæ eius incussum, compagem totius corporis soluit. Talis siquidem est natura serpentis, vt cum pedibus carere videatur, costis tamen & squamis, quas à summo gutture vsque ad imam aluum parili modo dispositas habet, ita instruitur, vt squamis quasi vnguibus, costis quasi cruribus innitatur. Non enim vt vermis, cui spinæ rigor non est, & indirectum corpusculi sui partes gradatim porrigendo contrahat,

etas, contrahendo porrectas motum explicat, sed alternis intenta conatibus latera sinuosa circumfert, vt per exteriorem spinæ curuaturam rigentem costarum acciem tendat, costis autem natura ad summum rectis squamarū vngulas figat: quod vicissim & celeriter agendo non solum plana perlabitur, sed etiam conuexa conscēdit, tot vestigijs instructa, quot costis. Huius itaque rei causa est, vt si in qualibet corporis parte ab aluo vsq; ad caput ictu aliquo collidatur, debilis reddita, cursum habere non possit: quia vbicunq; illi ictus inciderit, spinam soluit, per quam costarum pedes & motus corporis agebantur: vnde etiam hic serpens, qui tandiu tot iaculis inuulnerabilis obstitit, ad vnus saxi ictum debilis cessit, ac mox circumuentus telis facile oppressus est. Corium autem eius Romam deuectum (quod fuisse centum viginti pedū spatio ferunt.) aliquandiu cunctis miraculo fuit. Regulus aduersus tres imperatores, id est, Aldrubales duos & accitum ex Sicilia Amilcarem, atrocissimum bellum gessit, in quo cæsa sunt Carthaginiensium XVII. millia, capta autem quinque millia, elephāti decem & octo abducti, oppida octoginta duo

duo in deditionem cessere Romanis.

*Carthaginenses negata sibi pace, auxilia vndiq;
contraxisse, ac Xanthippo Lacedæmonio duce Ro-
manos strauisse, Regulum cepisse, eamq; iniuri-
am Acmilium & Fuluium viros fuisse.*

CAPVT IX.

Carthaginienses fracti bellis, & claudibus exinaniti, pacē à Regulo poposcerunt: sed cum intolerabiles & duras conditiones pacis audissent, * tutius rati ^{adiurati} sese armatos mori quàm miseros viuere, ^{sece.} pretio nō solum Hispanorum vel Gallorum auxilia, quæ iam dudum plurima habebant, sed etiam Græcorum comparanda duxerunt. Itaque Xanthippum Lacedæmoniorum regem cum auxilijs accitū, ducem bello præfecerunt. Xanthippus inspectis Pœnorum copijs atque in campum deductis, longe in melius mutato apparatusu, pugnam cum Romanis conseruit. Ingens ibi ruina Romanarum viriū fuit: nam viginti millia Romanorū in illatunc congressione prostrata sunt. Regulus ille dux nobilis cum quingentis viris captus est, & in catenas coniectus, decimo demum anno Punici belli nobilem triumphum Carthaginensibus præbuit. Xanthippus tam audacis facti conscius rerum

S insta-

instabilium mutationem timens, ilicò ex Africa migravit in Græciā. Igitur Aemilius Paulus & Fulvius Nobilior consules, audita captiuitate Reguli & cladē exercitus Romani transire in Africam cum classe CCC nauum iussi, Clupeam petunt. Eò confestim Carthaginientes cum pari classe venerunt, nec differri potuit nauale certamen. CIII. naues Carthaginensium demersæ, triginta cum pugnatoribus captæ, præterea triginta quinque millia militum ex ipsis cæsa sunt: Romanorum autem nouem nauibus depreßis, mille centum periére milites. Cósules apud Clupeam castra posuerunt. Duo Annones imperatores Pœnorum eò rursus cum magno exercitu conuenerunt, prælioque commisso, nouem millia militum perdidērunt. Sed & tunc apud Romanos nunquam diuturna felicitas erat, & qualescunque successus magnis cōtinuo malorum molibus obruebantur. Cum Romana classis ad Italiam prædis onusta remearet, infando naufragio euersa est: nam de trecentis nauibus CCXX. perierunt, octoginta vix abiectis oneribus liberatae sunt. Amilcar dux Pœnorum cum exercitu in Numidiam Mauritaniāque missus,

sus, postquam hostiliter cruentaque in
vniuersos egit, quòd Regulum libenter
suscepisse dicerentur, mille argenti talen-
tis, & viginti millibus boum reliquos
condemnavit. Principes autem omnium
populorum patibulo suffixit. Tertio an-
no, sicut semper indomitus furor cito
periculorum obliuiscitur, Seruilius Cæ-
pio & Sempronius Blæsus consules du-
centis sexaginta nauibus in Africâ tran-
sgressi, vniuersam oram maritimam, quæ
circa Syrtes iacet, depopulati sunt, atque
in superiora progressi, captis euerfisque
ciuitatibus plurimis, ingentem prædam
ad classem deuexerunt. Inde cum ad Itali-
am redirent, circa Palinuri promontori-
um, quod à Lucanis montibus in altum
excurrit, illi scopulis, centum quinqu-
aginta naues onerarias nobilemque præ-
dam crudeliter acquisitam, infœliciter
perdiderunt. Vicit aliquando apud Ro-
manos improbissimam cupiditatem e-
normitas miseriarum: nam patres, qui-
bus iam nauticæ rei pertæsum erat, decre-
uere ne amplius quam sexaginta nauium
classis ad subsidium haberetur Italiæ.
quod quidem decretum continuo, adacti
indomita cupiditate, ruperunt. Præterea

Cotta cōsul in Siciliam trāsgressus, plurimis prēlijs aduersum Pœnos & Siculos terramariq̃ue pugnauit, & per totam Siciliam partim hostium, partim etiam sociorum, inhumanas strages reliquit. L. Cæcilio Metello, C. Furio Pacilo consulibus Asdrubal nouus Carthaginienſium imperator cum elephantis centum triginta, & equitum peditumq̃ue amplius triginta millibus Lilybæum venit ex Africa, & continuo cum Metello consule apud Panormum pugnam conseruit. Sed Metellus vim magnam beluarum timens, prius eas magno vsus consilio vel in fugam, vel in mortem egit, & sic facile quamuis magnā vim hostiū superauit. Viginti millia Carthaginienſium in eo prælio cæsa sunt. Elephantis quoq; vigintifex interfecti, centum & quatuor capti, & per Italiam ducti maximum Italicis gentibus spectaculū præbuerunt. Asdrubal cum paucis Lilybæum profugit, atque absens à Pœnis capitis damnatus est.

Quod Pœni pace sibi negata Regulum crudeliter interemerunt. Romanos parum feliciter in Siciliam semel atque iterum pugnantes, tandem vicisse.

CAPVT X.

Post

POST hæc fessi tot malis Carthaginenses, petendam esse à Romanis pacē decreuerunt. Ad quam rem Atilium Regulum antea ducem Romanum, quem iam per quinque annos captiuum detinebant, inter cæteros legatos præcipue mittendum putauerunt: quem non impetrata pace ab Italia reuersum, resectis palpebris, illigatum in machina, vigilando necauerunt. Alter deinde Atilius Regulus, & Manlius Vulso ambo iterum consules, cum classe ducentarum nauium & quatuor legionibus Lilybæum profecti sunt: quod oppidum in promontorio situm, Romani obsidere conati, superueniente Annibale, qui Amilcaris filius fuit, victi, maiore exercitus sui parte perditâ, ipsi ægre euaserunt. Post hos Claudius consul cum classe CXX. nauium ad Drepani portum contra hostem profectus, ibique mox exceptus classe Pœnorum superatus est. Et ipse quidem cum triginta nauibus Lilybæum in castra confugit: reliquæ omnes, hoc est, XC. aut captæ, aut demersæ fuerunt: octo millia militum cæsa, viginti millia capta referuntur. Caius quoque Iunius collega Claudij, vniuersam classem naufragio amisit. Anno etiam con-

sequenti classis Punica in Italiam transijt, eiusq; plurimas partes longe lateq; vastauit. Interea Lutatius cum classe trecentarum nauium in Siciliam transuectus, dum apud Drepanum ciuitatem pugnam inter primores Siciliae cieret, transfixo femore ægerrime, cum iam obrucetur, ereptus est. Porro autem Pœnicum quadringentis nauibus magnique copijs ad Siciliam, duce Annone, concurrunt. Nec Lutatius segnior, immo cōsilia Pœnorū celeritate mira præuenit. Postquam proximè sibi utrorunque classes apud Aegates insulam, per totā noctem intertextis propemodū ancoris constiterunt, orta luce, prior Lutatius signum bello dedit. Crudescente pugna, victus Anno nauem auertit, & dux fugæ primus fuit. Aliquanta cum eo pars exercitus sui Africam petit, alij confugere Lilybæum, sexaginta tres Punicę naues captæ sunt, centum viginti quinque demersæ, trigintaduo millia hominū capta, cæsa quatuordecim millia fuere. Romanorum autem duodecim naues demersæ sunt. Lutatius deinde ad Erycinam ciuitatem, quam Pœni tenebant, venit: ibiq; duo millia Carthaginensium, conferta pugna, interfecit.

Carthaginienſes cōdicionibus pretioq³ pacem impetraſſe, calamitoſam Tiberis inundationem, ingnisq³ cuiuſdam vaſtationem Romæ fuiſſe. De bello in Faliscos.

CAPVT XI.

TVnc Carthaginienſes præcipiti feſtinatione ad Lutatium conſulem, ac deinde Romam mittunt, orant pacem: quam condicionibus antè propoſitis illi-
co conſequuntur. Condiciones autem erant, vt Sicilia Sardiniaq^{ue} decederent, proq^{ue} impenſis bellicis puri argenti tria millia talentorum Euboicorum, æquis penſionibus, per annos viginti penderēt. Huius pacis condicio eſt habita poſt annum tertium & vigefimum, ex quo bellum Punicum primum fuerat inchoatum. Quis rogo duarum ciuitatum vnum bellum per annos viginti tres geſtum fando explicet? quot reges Carthaginienſium, quot conſules Romanorum, quot agmina exercituum, quantum numerum nauium contraxerit, profligarit, oppreſſerit? & tum demum, ſi illa ad plenum perpenſa videantur, de præſentibus iudicetur. Anno ab vrbe condita DVII. repentina ſubuerſio ipſius Romæ præuenit triumphum Romanorum: neque enim temere

dixerim, quando non vel modicam lætiam, Romæ superueniens repente quàm grauissimus luctus, oppresserit. Siquidem Q. Lutatio, A. Manlio consulibus, diuersæ ignium aquarumque clades penè absumpsere urbem. Nam Tiberis insolitis auctus imbribus, & yltra opinionem vel diuturnitate vel magnitudine redundās, omnia Romæ ædificia in plano posita deleuit. Diuersæ qualitates locorum, ad vnā conuenere perniciem: quoniam & quæ segnior redūdatio tenuit, madefacta dissoluit, & quæ cursus torrentis inuenit, impulsæ deiecit. Aquarum grauissimam cladem grauior ignis secuta vastatio est: qui ignis incertum vnde surrexerit, plurimas ciuitatis partes peruagatus, cum hominum domorumque miserabilem stragē fecit, tum etiam tantum opum vno consumpsit incendio, quantum plurimæ & peregrinæ victoriæ conferre vix possent. Dehinc cum omnia in circuitu fori popularetur, ædem Vestæ corripuit. Et ne sibi quidem dijs subuenientibus, ignem illum qui æternus putabatur, temporarius ignis opprēsit: vnde etiam Metellus dum aruros deos eripit, vix brachio semiustulatus aufugit. Ti. Sempronio Graccho,

P. Vale-

P. Valerio Falcone consulibus, cum Faliscis bellauere Romani, eoque prælio quindecim millia Faliscorum interfecta sunt.

Gallos Cisalpinos, Romanis nouos infestosq; hostes, casos: Sardiniam rebellantem, subactam: Pœnos agre pacem impetrasse: Iani portas vno anno fuisse clausas.

CAPVT XII.

Eodem anno Galli Cisalpini noui extitere hostes. aduersum quos varia sorte bellatum est: nam in primo conflictu Valerij consulis tria millia quingenti cedere Romani, secundo quatuordecim millia Gallorum cæsa, duo millia capta sunt. sed ob priorem cladem triumphus consuli denegatus est. T. Manlio Torquato, C. Atilio Bulbo consulibus, Sardinia insula rebellauit, auctioribus Pœnis, vnde mox Sardi subacti & oppressi sunt. Carthaginensibus autem violatoribus pacis, quam ipsi poposcissent, inferri bellum decretum est. Contra Carthaginenses pacem suppliciter poposcerunt: & cum bis missis legatis nihil profecissent, post etiam decem principibus bis æque supplicantibus, nec impetrarent, nouissimè Annonis, hominis minimi inter
S 5 legatos,

legatos, oratione meruerunt. Hoc anno porta Iani Gemini clausa est, quia nullam eodem anno bellum erat, quod sub Numa solum Pompilio rege prouenerat. Hinc demum nobis tacendum est, & tempora quibus conferri nostra nullo modo possunt, silentio transmitti expedit: ne obrectatores dierum vitæ suæ, ad insultandum potius sibi hoc strepitum suscitemus. Ecce portæ Iani clausæ fuerunt, foris bellum Romanorum non fuit, omnem sobolem suam in gremio suo conquiescentem Roma continens non suspirauit.

Et hoc quando? post primum bellum Punicum: post quantum temporis? post annos quadringentos XL. quandiu? anno vno: & quid altero subsequutum est? ut de cæteris taceam, bellum Gallicum, & Annibal cum bello Punico secundo. Hei mihi cognouisse hæc & denudasse quam etiã me pudet. Pax ista vnius anni, vel magis umbra pacis, lenimentum miseriarum, an incentiuum malorum fuit? stillicidium illud olei, in medium magnæ flammæ cadens extinxit fomitentem tanti ignis, an aluit? Parum aquæ frigidæ ardentissimis haustum in febribus, sanauit ægrotum, an potius incēdit? per an-

nos prope DCC. id est, ab Hostilio Tullo usque ad Cæsarem Augustum, vna tantummodo ætate, Romana sanguinè viscera non sudarunt: & inter plurimas magnorum sæculorū ætates misera ciuitas, vere misera mater, vix vno tempore à timore luctuum, vt non dicā ab ipsis luctibus, conqueuit. Hoc si quisquam hominum tam parum in vita sua quietis habuisset, numquid vel vixisse diceretur? Aut si quisquā per totum annum doloribus & cruciatibus * angatur, medio aut anni ^{agatur.} ipsius spatio vnum tantū diem tranquillū, & sine conflictationibus transigat, numquid ex eo leuamentum malorū accipiet, ac non totum annum miseris deputabit? Sed illi, inquit, hunc annum pro glorioso signo infatigabilis virtutis collocauerūt, atque vtinam pro obliuione calamitatis continuæ præterijissent. Nam sicut in corpore hominis ita demum lepra dignoscitur, si variatim inter sanas cutis partes color diuersus appareat, at si ita se ubiq; diffundat, vt omnia vnus coloris quāuis ad alteri facias, perit illa discretio: ita si labor continuus æquali tolerantia, sine respirandi appetitu perfluxisset, intentio voluntatis & electio cōsuetudinis dicere-

tur.

tur. Cum autem in hoc pauxillulum otij tantopere vel maiorum gaudia, vel minorum studia reclinantur, profecto discernitur, & quam iucunditatem habuerit hæc breuitas, & quam amaritudinem illa prolixitas: hoc est, & quies illa quàm grata fuisset, si diuturna mansisset, & hæc incelsabilis miseria quàm etiam vitanda fuerit, si vitari quacumque arte potuisset.

De interitu Amilcaris, & bello Romanorum in Illyrios, eiusq; causa. De bello in Gallos Cisalpinos. Item in insubres Gallos. De prodigijs varijs. De noua Gallorum clade, belloq; in Istros.

CAPVT XIII.

ANno ab vrbe condita DXVII. Amilcar dux Carthaginiensium, ab Hispanis in bello, cum aliud bellum aduersus Romanos clāpararet, occisus est. Sequenti anno legati Romanorum ab Illyrijs interfecti sunt. Post cum ipsis Illyrijs atrocissimum bellum gestum est: in quo multis oppidis, populisque deletis, reliqui se Fulvio Postumioque consulibus dederunt. Tertio deinceps anno miseram ciuitatem sacrilegis sacrificijs male potentes funestauere pōtiffices, namque decemuiri consuetudinem priscae superstitutionis* aggressi, Gallum virum & Gallam

Gallam foeminam cū muliere simul Græ-
ca in foro boario viuos defoderunt. Sed
obligamentum hoc magicum in con-
trarium continuo verſum eſt. namque di-
ras illas quas fecerant externorum mor-
tes, foediſſimis ſuorum cædibus expiaue-
runt. ſiquidem L. Aemilio Papo, C. Atilio
Regulo conſulibus, magna formidi-
ne conſternatus ſenatus defectione ciſal-
pinæ Galliæ, cum etiam ex vltiore Gal-
lia ingens aduentare exercitus nuntiaretur,
maximè gælatorum. quod nomen nō
gentis, ſed mercenariorum Gallorum eſt.
Itaque permoti conſules, totius Italiæ ad
præſidium imperij contraxere vires. Quo
facto, in vtriuſque cōſulis exercitu octin-
genta millia armatorum fuiſſe referūtur,
ſicut Fabius hiftoricus, qui eidem bello
interfuit, ſcripſit. Ex quibus Romanorum
& Campanorum fuerunt peditum trecen-
ta quadraginta octo millia ducenti, equi-
tum vero viginti ſex millia ſexcenti: cæte-
ra multitudo ſociorum fuit. Commiſſo
prælio apud Aretium, Atilius conſul oc-
ciſus eſt: DCCC. millia Romanorum, nec
ſaltem tanta, quanta eos terrere debuit,
caſa ſui parte, fugerunt: nam tria millia e-
orum tunc interfecta hiftoriæ tradunt.
quod

quod ideo ignominiosius turpiusque est, tam paucis amissis, tanta agmina diffugisse, quia se in alijs victorijs non viribus animorum prævaluisse, sed bellorum proventibus, prodiderunt. Quis enim rogo in exercitu Romanorū crederet numerū istum fuisse saltem, non dico fugisse? Post hæc secundum cum Gallis prælium gestū est, in quo plane quadraginta millia Gallorū trucidata sunt. Sequenti anno Manlius Torquatus & Fulvius Placcus consules, primi trans Padum Romanas duxere legiones. Pugnatū est ibi cum Insubribus Gallis, quorum interfecta sunt vigintitria millia, quinque millia capta sunt. Eo deinde anno, qui huic proximus fuit, dira miserā urbem terruere prodigia. Miserā utique, quæ hinc fremitu hostium, inde nequitia dæmonum terrebatur. namque in Piceno flumen sanguine effluxit, & apud Tuscos cælum ardere visum est, & Arimini nocte multa lucem claram effulsisse, ac tres lunas distantibus cœli regionibus exortas apparuisse. Tunc quoque magno terræ motu Caria & Rhodus insulæ adeo concussæ sunt, ut labentibus vulgo tectis, ingens, quoque ille Colossus rueret. Eodemque anno Flaminius Cos. cōtemptis auspicijs quibus

quibus pugnare prohibebatur, aduersum Gallos confligit, & vicit. In quo bello nouem millia Gallorum cæsa, decem & septem millia capta sunt. Post hoc Claudius consul gælatorum triginta millia deleuit. vbi etiam ipse Virdomarum regem in primam aciem progressus occidit: & inter multa Insubrium, quos ad deditiōem coegerat, oppida, Mediolanum quoque urbem florentissimam cepit. Deinde Istri noui hostes excitati sunt, quos Cornelius Minuciusque consules multo quidem Romanorum sanguine subegerunt. Emergit hic paululum antiquus ille Romanorum improbæ laudis etiam de parricidijs appetitus. Nam Fabius Censorius Fabium Buteonem filium suū furti in simulatum, interfecit dignum scilicet facinus, quod pater vel parricidio plectendum duceret, quod ne leges quidem, nisi multa pecuniæ, aut ad summum exilij, circa quemlibet hominum censuerunt.

De bello Punico secundo. Annibal ingētes strages in Romanos edidit per Gallos viam aperiens.

CAPVT XIII.

ANno ab vrbe condita DXXXIIII. Annibal Pœnorum imperator Saguntum, florentissimam Hispaniæ ciuitatem,

tem, amicam populi Romani, primum bello petitam, deinde obsidione cinctam, & fame excruciatam, omniaque fortiter contéplatione fidei, quam Romanis deuo uerant, digna indignaqué tolerantem, VIII. demum mense deleuit. Legatos Romanorum ad se missos, iniuriosissimè etiam à conspectu suo abstinuit. Exinde odio Romani nominis, quod patri Amilcari, cum esset nouem annos natus, fidelissime, aliàs infidelissimus, ante aras iurauerat, P. Cornelio Scipione, & Ti. Sempronio Longo consulibus, Pyrenæum montem transfessus, inter ferocissimas Gallorum gentes ferro viam aperuit, & nono demum die à Pyrenæo ad alpes peruenit. vbi, dum montanos Gallos repellere ab ascensu obnitentes bello superat, atque inuias rupes igni ferroque rescindit, quatridentum comoratus, quinta demum die cum maximo labore ad plana peruenit. Fuisse tunc excitum eius centum millium peditum, & XX. millium equitum definiunt. Scipio consul Annibali primus occurrit, commissoque prælio apud Ticinum, ipse grauitè vulneratus per Scipionem filium admodum prætextatum, qui post Africanus cognominatus est, ab ipsa morte liberatus

ratus euasit. Cæsus est ibi pene omnis Romanus exercitus. Pugnatum deinde eodē consule ad flumen Trebiam, iterumq; Romani pari clade superati sunt. Sempronius consul cognito collegæ casu, à Sicilia cum exercitu redijt, qui similiter apud eundem fluuium congressus, amisso exercitu, pene solus euasit. In eo tamen bello etiam Annibal sauciatus est: qui postea cū in Etruriam primo vere transiret, in summo Apennio tempestate correptus, biduo cōtinuo immobiliter cum exercitu nauibus conclusus & onustus, obriguit: ubi magnus hominum numerus, iumēta complurima, elephanti autem pene omnes frigoris acerbitate perierunt. At vero alter tunc Scipio frater consulis Scipionis, in Hispania plurima bella gessit. Magonem quoque Pœnorum ducem, bello vicit & cepit.

Multa miraq; tum prodigia passim apparuisse: quod Annibal astu ad internecionem pene Flaminiꝝ conf. exercitum ceciderit.

CAPVT XV.

Diris tunc etiam Romani prōdigijs territi sunt. Nam & solis orbis minui visus est, & apud Arpos parmę in cœlo visæ, sol quoque pugnasse cum luna,

T

apud

apud Carpenas interdiu duas lunas ortas, in Sardinia sanguine duo scuta sudasse, Faliscis coelū scindi velut magno hiatu visum, apud Antiū metentibus cruetas spicas in corbē decidisse. Igitur Annibal sciens Flaminium consulem solum in castris esse, quo celerius imparatum obrueret, primo vere progressus, arripuit propiorem, sed palustre viā: & tum forte Sarnus late redundans, pendulos & dissolutos campos reliquerat: (de quibus dictum est, Et quæ rigat æquora Sarnus) in quos cum exercitu progressus Annibal, nebulis maxime quæ de palude exhalabantur, prospectum auferentibus, magnam partem sociorum iumentorumque perdidit. Ipse autem vni elephanto qui solus superfueraat supersedens, vix difficultatem itineris euasit: sed oculum, quo iam dudum ægrotauerat, violentia frigoris, vigiliarū ac laboris amisit. Vbi vero proximus castris Flaminij consulis fuit, vastatione circumiacentium locorū Flaminium in bellum excitauit. Hæc pugna ad Trasimenum lacum facta est: vbi exercitus Romanus infelicitissimè arte circunuentus Annibalis, funditus trucidatus est: ipse quoque cōsul occisus, vigintiquinque millia Roma-

Romanorum in eo prælio cæsa, sex millia capta referuntur. De exercitu vero Annibalis duo millia ceciderūt. Famosum hoc Trasimenum lacum certamen fuit tanta clade Romana, maxime cū ita intentus pugnantium ardor extiterit, vt grauissimum terræ motum, qui tunc forte tam vehemēs factus est, vt vrbes diruisse, montes transulisse, discidisse rupes, & flumina retrorsum coegisse referatur, pugnantes omnino non senserint. Factam ad Trasimenum ruinam, sequitur pugna Cannensis, quamuis Fabij Maximi dictatoris tempus medium fuerit, qui impetum Annibalis cunctando tardauit.

De miseranda Romanorum clade ad Cannas, de consilio relinquendi Italiam quomodo Romani respirarint, exercitumq; repararint. Item de varijs prælijs.

CAPVT XVI.

ANno ab vrbe condita DXLL. Aemilius Paullus, & C. Terentius Varro consules, contra Annibalem missi, impatientia Varronis consulis infelicitissime apud Cannas Apuliæ vicum pene omnes Romanæ spei vires perdiderunt. Nā in ea pugna quadragintaquatuor millia Romanorum interfecta sunt: quanquam

& de exercitu Annibalis magna pars cæ-
sa est: nullo tamen Punico bello Romani
adeo ad extrema internecionis adducti
sunt. Perijt enim in eo consul Aemilius
Paullus, consulares aut prætorij viri vi-
ginti interfecti sunt, senatores vel capti vel
occisi sunt triginta, nobiles viri trecenti,
pedestrium militum quadraginta millia,
equitum tria millia quingenti. Varro con-
sul cum quinquaginta equitibus Venusi-
am fugit. Nec dubium est, vltimum illum
diem Romani status futurum fuisse, si An-
nibal mox post victoriam ad peruaden-
dam urbem cõtendisset. Annibal in testi-
monium victoriæ suæ tres modios anulo-
rum aureorum Carthaginem misit, quos
ex manibus interfectorum equitum Ro-
manorum senatorumque detraxerat. Vt-
que adeo autem vltima desperatio Reipu-
blicæ apud residuos Romanos fuit, vt se-
natores de relinquenda Italia, sedibusque
quærendis consilium ineûdum putarent.
Quod auctore Cæcilio Metello confir-
matum fuisset, nisi Cornelius Scipio tri-
bunus tunc militum, idem post Africanus
districto gladio deterruisset, ac potius
pro patriæ defensione in sua verba iurare
coegisset. Romani ad spem vitæ, quasi ab
inferis

inferis respirare ausi, dictatorem Decimū
Iunium creant: qui delectu habito ab an-
nis decem & septem, immaturæ inordina-
tæque militiæ quatuor legiones vndecun-
que contraxit. Tunc etiam seruos spectati
roboris ac voluntatis, vel oblatos vel si
ita opus fuit, publico pretio emptos sub
titulo libertatis, sacramento militiæ ade-
git. Arma quæ deerant, templis detraxe-
runt, egenti ærario priuatæ opes refusæ
sunt. Ita equester ordo, ita plebs trepida,
oblita studiorum in communi cōsulit. Iu-
nius quoque dictator antiquum Romanæ
miseriæ factum recolens pro supplemen-
to exercitus edicto, velut asylo patefacto,
homines quicunque sceleribus ac debitis
obnoxij essent, impunitate promissa, mili-
tiæ mancipauit. quorum numerus ad sex
millia virorum fuit. Campania vero vel
potius omnis Italia ad Annibalem, despe-
rata penitus Romani status reparatione,
defecit. Post hoc Lucius Postumius præ-
tor aduersum Gallos pugnare * iussus, cū ^{missus.}
exercitu cæsus est. Deinde Sempronio
Graccho, Q. Fabio Maximo consulibus,
Claudius Marcellus ex prætore procon-
sule designatus, Annibalis exercitū præ-
lio fudit, primusque post tantas Reipu-
blica

blicæ ruinas spem fecit, Annibalem posse superari. Scipiones autem in Hispania Asdrubalem Pœnorum imperatorem ad Italiâ exercitum comparantem, gravissimo bello oppresserunt. Nam triginta quinque millia militum de exercitu eius vel cæde vel captione minuerunt. Celtiberos milites, quam primam externam manum Romani in castris habere cœperunt, pretio sollicitatos, ab hostium societate in castra sua duxerunt. Sempronius Gracchus proconsul, ab hospite suo Lucano quodam inductus in insidias, occisus est. Centenius Penula centurio decerni sibi ultro bellum aduersum Annibalem petijt: à quo cum octo millibus militum, quos in acie duxerat, cæsus est. Post hunc Cneus Fulvius prætor ab Annibale victus, amisso exercitu, vix euasit. Pudet recordationis. Quid enim dicam improbitatem magis, an miseriam Romanorum? immo verius vel improbam miseriam, vel miseram improbitatem. Quis credat eo tempore, quo ærarium populi Romani egenam stipem priuata collatione poscebat, miles in castris, non nisi aut puer, aut seruus, aut sceleratus, aut debitor, & ne sic quidem numerus idoneus erat, senatus
in cu-

in curia omnis pene nouitius videbatur: postremo cum ita imminutis fractisque omnibus desperaretur, vt consilium de relinquenda Italia subiretur, eo tempore cum vnum domesticum bellum, vt diximus, ferri nullo modo posset, tria insuper trāsmarina bella fuisse suscepta? vnum in Macedonia contra Philippum potentissimum Macedoniae regem, alterum in Hispania contra Asdrubalem Annibalis fratrem, tertium in Sardinia cōtra Sardos & alterum Asdrubalem Carthaginienfium ducem, extra hoc quartum Annibalis, quo in Italia premebantur: & tamen fortis in alterutrum desperatio, in meliora profecit. nam in his omnibus desperando pugnarunt, pugnando vicerunt. Ex quo euidenter ostenditur, non tempora tunc fuisse tranquilliora otij, sed homines merijs fortiores.

Claudius Marcellus Syracusas capit. Annibal ad Anienem Romanos terret, nec obruendi copia datur.

CAPVT XVII.

ANno ab vrbe condita DXLIII. Claudius Marcellus Syracusas opulentissimam urbem Siciliae secunda oppugnatione vix cepit: quam cum iam pridem

dem obsedisset, Archimedis Syracusani
cuius admirabili ingenio præditi machi-
nis repulsus, expugnare non potuit. Deci-
mo anno postquam Annibal in Italiam
venerat, Cn. Fulvio, Sulpicio cōsulibus,
Annibal de Campania mouit exercitum:
& cum ingenti clade omnium per Sidici-
num Sueffanumq; agrum via Latina pro-
fectus, ad Anienem fluuium tribus milli-
bus ab vrbe cōsedit, incredibili totius ci-
uitatis metu, cum senatu populoq; diuer-
sis curis trepido, matronæ quoque amen-
tes pauore per propugnacula currerent,
& conuehere in muros laxa, primæq; pro-
muris pugnare gestirent. Ipse autem cum
expeditis equitibus vsque ad portam Col-
linam, infestus accessit, deinde omnes co-
pias in aciem direxit. Sed & consules, Ful-
uiusq; proconsul non detrectauere pu-
gnam. At vbi expositæ vtrinq; acies con-
stiterunt, in conspectu Romæ præmium
victoris futuræ, tantus subito se imber è
nubibus grandine mixtus effudit, vt tur-
bata agmina, vix armis retentis, in sua se
castra colligerent. Deinde cum serenitate
reddita in campum Copiæ atque in aciem
redissent, rursus violentior fusa tempe-
stas, maiore metu mortalium audaciam
coërcuit,

coërcuit,territorſque exercitus in tentoria
refugere coëgit. Tunc conuerſus in reli-
gionem Annibal, dixiſſe fertur, potiun-
dæ ſibi Romæ modo voluntatem non da-
ri, modo poteſtatē. Reſpondeāt nunc mi-
hi obtreſcitores veri Dei hoc loco, An-
nibali à capeſſenda ſubruendaque Roma
vtrum Romana obſtitit fortitudo, an di-
uina miſeratio: aut forſitan conſeruati iſti
dedignantur fateri, quod Annibal & vi-
ctor extimuit, & cedens probauit? At ſi i-
ſtam diuinam tutelam per pluuiam de cœ-
lo veniſſe manifeſtum eſt, ipſam autem
pluuiam opportunis & neceſſarijs tempo-
ribus non niſi per Chriſtum, qui eſt verus
Deus, miniſtrari, etiā ab huiusmodi ſatis
certo ſciri, nec negari poſſe exiſtimo, ma-
ximè nunc, quando ad documentum po-
tentix eius cum ſiccitate turbante, pluui-
am poſcere aſſidue contingit, & alternis
vicibus nunc gentiles, nunc Chriſtiani ro-
gant: nec vnquam etiam ipſis teſtibus fa-
ctum eſt, vt optati imbres ſuperueniant
niſi in die, quo rogari Chriſtum & Chri-
ſtianis rogare permittitur: proculdubio
conſtat, urbem Romam per hunc eundem
verum Deū, qui eſt Chriſtus Ieſus, ordi-
nantem ſecundum placitum ineffabilis iu-

dicij sui, & tunc ad futuræ fidei crudelitatem seruata fuisse, & nunc pro parte sui incredula castigatam. At vero in Hispania ambo Scipiones à fratre Aldrubale interfecti sunt. In Campania Capua capta est à Q. Fulvio proconsule : principes autem Campanorum veneno mortem sibi conscuerunt. Senatū omnem Capuæ, etiam prohibente senatu Romano, Fulvius supplicio necavit. Interfectis in Hispania Scipionibus, cum omnibus incussopauore cunctantibus, Scipio se admodum adolescens vltro obtulisset, & pendenda penuria esset ærarij, Claudio Marcello & Valerio Læuino auctoribus, qui tunc consules erant, aurum argentumque signatū ad quæstores palam omnes senatores in publicū contulerunt, ita vt nihil præter anulos singulos, bullasq; sibi ac filijs, & deinde per filias vxoresq; suas singulas tantum auri vncias, & argenti non amplius quā singulas libras relinquerent.

De varijs cladibus inter Romanos & Pænos vtrinq; acceptis, modo huc, modo illuc victoria inclinante.

CAPVT XVIII.

Scipio annos natus vigintiquatuor, Imperiū in Hispaniā procōsulare sortitus

titus, vltionem præcipue patris & patrui animo intendens, Pyrenæum transgressus primo impetu Carthaginem nouam cœpit: vbi stipendia maxima, præsidia valida, copię auri argentiq̃ue magnæ Pœnorum habebantur: ibi etiam Magonem fratrem Annibalis captum, cum cæteris Romam misit. Læuinus consul ex Macedonia rediens, Agrigentum vrbem Siciliae expugnauit: ibiq̃; Annonem Afro- rum ducem cepit, quadraginta ciuitates in deditiōē accepit, vigintifex expugna- uit. Annibal in Italia Cn. Fuluium pro- consulem, vndecim præterea tribunos XVII. millia militum interfecit. Mar- cellus consul cum Annibale triduum con- tinuum dimicauit. Primo die pari pugna discessum est, sequenti victus consul, ter- tio victor octo millia hostium interfe- cit, ipsum Annibalem cum reliquis fugere in castra compulit. Fabius Maximus con- sul Tarentum, quæ à Romanis descuiuerat, iterum expugnauit & cœpit: ibiq̃ue in- gentes copias Annibalis cum ipso duce eius Carthalone deleuit, triginta millia hominum captiuorum vendidit, pretia in fiscum retulit. Sequenti anno in Ita- lia Claudius Marcellus cōsul ab Annibale cum

cum exercitu occisus est. Scipio in Hispania Poenorum ducem Asdrubalem vicit, & castris exiit. Præterea octoginta ciuitates, aut deditioe, aut bello in potestatem redegit. Afris sub corona venditis, sine pretio dimisit Hispanos. Annibal vtrunque consulem: Marcellum & Crispinum infidijs circumuentos, interfecit. Claudio Nerone & M. Liuiio Salinatore consulibus, cum Asdrubal Annibalis frater ab Hispanijs per Gallias ad Italiam veniret, iussusque à Carthaginienfibus, vt fratri cum copijs iungeretur, magna secum auxilia Hispanorum Gallorumque deduceret, cum maturato aduentu descendisse iam ex Alpibus consulibus proditus fuisset, ab exercitu Romano, ignorante Annibale, præuentus, cum omni exercitu suo interfectus est. Diu quidem incertus belli euentus fuit, elephantis maximè Romanam infestantibus aciem, qui à militibus Romanis occisi sunt, quos à volitando velites vocant: quod genus militiæ paulo antè repertum fuerat, vt lecti agilitate iuuenes, cum armis suis post terga equitum sederent: & mox cum ad hostem ventum esset, equis desilirent, & continuo pedites ipsi ex alia parte equitibus, per quos aduecti

uecti fuerant dimicantibus, hostem perturbarent. Ab his ergo velitibus elephantibus retroacti, cum regi iam à suis non possent, fabrili scalpro inter aures adacto, necabantur. Id genus occidendæ, cum opus esset, beluæ, idem dux Asdrubal primus inuenerat. Fuit hoc prælio Pœnis Metaurus flumen, vbi Asdrubal est victus, quasi Trasimenus lacus: & Sena Piceni ciuitas, vt vicus ille Canensis. Nam LVIII. millia de exercitu Asdrubalis ibi occisa sunt, capta sunt quinque millia quadringenti. Quatuor millia ciuium Romanorum inter eos reperta atque reuocata sunt, quod victoribus consulibus solatio fuit. Nam & ab exercitu eorum octo millia ceciderunt, Annibali caput fratris sui Asdrubalis, antè castra proiectum est. Quo viso & simul clade Pœnorum cognita, anno XIII. quàm in Italiam venerat, refugit in Bruttios. Post hæc anno continuo inter Annibalem & Romanos quies à tumultu bellorum intercessisse visa est, quia inquietudo morborum in castris erat, & grauissima pestilentia vterque exercitus agebatur. Interea Scipio vniuersa Hispania à Pyrenæo vsque ad oceanum in prouinciā redacta Romam venit. consul cum Licinio

cinio Crasso creatus in Africam transijt, Annonem Amilcaris filium, ducem Pœnorum interfecit, exercitum eius partim cæde, partim captiuitate disperdidit: nam vndecim millia Pœnorum eo prælio occidit. Sempronius consul cum Annibale cōgressus & victus, Romam refugit. Scipio in Africa aggressus hiberna Pœnorum, atque alia Numidarum, quæ vtraq; haud procul ab Vticaerant, nocte concubia fecit incendi. Pœni trepidi cum casu accidisse ignem putarent, inermes ad extinguendum concurrerūt: quare facile ab armatis oppressi sunt. In vtrisque castris quadraginta millia hominum igni ferroque cōsumpta sunt, capta quinque millia. duces ipsi miserabiliter ambusti, ægre efugerunt. Asdrubal imperator Carthaginē profugus venit. Itaq; Syphax & Asdrubal mox plurimū reparauere exercitū, atque iterū cum Scipione cōgressi sunt, victiq; fugerunt. Syphacē fugientē Lælius & Massanisa ceperunt, cætera multitudo Cirtā confugit, q̃ Massanisa oppugnatam in deditionē recepit. Syphacē ad Scipionem catenis vinctum deduxit, quē Scipio cum ingentibus spolijs, plurimisq; captiuis Romam perducēdum Lælio tradidit.

Annibalem in Africam reuocatum, à Scipione superatum, fugatumq³ fuisse: & Carthaginiensibus pacem concessisse Romanos.

CAPVT XIX.

ANnibal in Africam redire iussus, vt fessis Carthaginiensibus subueniret, flens reliquit Italiam, omnibus Italici generis militibus qui se quinollent, interfectis. cui ad Africanum litus propinquanti, iussus quidam è nauticis ascendere in arborem nauis, atque inde speculari, quā regionem teneret, sepulchrum dirutum se prospexisse respondit. Abominatus dictum Annibal, deflexo cursu ad Leptim oppidum, copias exposuit: vbi continuo resecta multitudine, Carthaginem venit. deinde colloquium Scipionis petijt. Vbi cum se diu attoniti admiratione mutua duo clarissimi duces suspexissent, infecto pacis negotio prælium conserutum est: quod diu magnis ducum artibus dispositum, magnis copiarum molibus gestum, magnis militum viribus consummatum, Romanis victoriam contulit. Octoginta ibi elephanti vel capti vel occisi sunt, Carthaginiensium interfecta sunt viginti millia quingenti. Annibal omnia & ante prælium & in prælio expertus, cum paucis,

paucis, hoc est, vix quatuor equitibus, inter tumultum elapsus, Adrumetum confugit. Postea Carthaginem post sex & triginta annos, quàm inde paruus cum patre exierat, venit: consultantique senatui, nullam esse residuam spem, nisi in petenda pace, persuasit. Cn. Cornelio Lentulo, P. Aelio Pæto consulibus, Carthaginensibus pax per Scipionem voluntate senatus populique concessa est. Naues tamen plus quàm quingentæ in altum productæ, in conspectu ciuitatis incensæ sunt. Scipio iam tunc cognomento Africanus, triumphans urbem ingressus est. quem Terentius, qui postea comicus, ex nobilibus Carthaginensium captiuus pileatus (quod indultæ sibi libertatis insigne fuit) triumphantem post currum secutus est.

De bello Macedonico, in quo cum varijs ac diuersis Romani, præcipue aduersus Macedones & Antiochum Syria regem, varie pugnauerunt.

CAPVT XX.

ANno ab vrbe condita DXLVI. bellum Punicum secundum finitum est, quod gestum est annis septendecim: cui Macedonicum continuo successit, quod Quinctius Flaminius Cos. sortitus, post multa & grauissima prælia quibus Macedones

dones victi sunt, pacem Philippo dedit. Deinde cum Lacedæmonijs pugnavit, victo Nabide duce ipsorum, nobilissimos obsides Demetriū Philippi filium & Armenem Nabidis filium, ante currum duxit. Romani captivi, qui sub Annibale per Græciam venditi fuerant, vniuersi recepti, capitibus rasis ob deterfam servitutem, currum triumphatis secuti sunt. Eodem tempore Insubres, Boij atque Cæmani, contractis in vnum viribus, Amilcare Pœno duce, qui in Italia remanserat, Cræmonam Placentiamque vastâtes, difficillimo bello à L. Furio prætore superati sunt. Postea Flamininus proconsule Philippum regem, & cum eo Thracas, Macedones, Illyrios, multasque præterea gentes, quæ in auxilium ei venerât, bello subegit. Victi Macedones, castra amiserunt. octo millia hostium eodem die cæsa, quinque millia capta Polybius scribit. Valerius dicit quadraginta millia trucidata. Claudius vero trigintaduo millia interfecta commemorat. Sed hæc varietas scriptorum utique fallacia est. Fallaciæ autem causa, profecto adulatio est, dum victoris laudes accumulare, virtutemque patriæ extollere vel præsentibus vel posteris

steris student: alioquin si inquisitus nō fuisset numerus, nec qualiscunq; fuisset expressus. Quod si gloriosum est duci & patriæ, plurimos hostium peremisse, quanto magis lætum patriæ & duci beatū potest videri, suorum vel nullos vel paucissimos perdidisse. Ita lucidissime patet, quod simili impudentia mētiendi, qua occisorum hostium numero adijcitur, sociorum quoque amissorum damna minuuntur, vel etiam omnino reticentur. Igitur Sempronius Tuditanus in Hispania citeriore, bello oppressus, cum omni exercitu Romano interfectus est. Consul Marcellus in Etruria à Boijs oppressus, magnam partem exercitus perdidit. cui postea Furius alter consul auxilio accessit: atque ita vniuersam Boiorum gentē igni ferroque vastantes, propemodum vsque ad nihilū deleuerunt. L. Valerio Flacco, M. Porcio Catone consulibus, Antiochus rex Syriæ bellum contra populum Romanum instruens, in Europam transijt ex Asia. Tunc etiam Annibal propter excitandi belli rumores, qui de eo apud Romanos serebantur, exhiberi Romam à senatu iussus, clām ex Africa profectus, ad Antiochum migravit: quē cum apud Ephesum

sum inuenisset cunctantem, mox in bellum impulit. Tunc etiam lex quæ ab Oppio tribuno plebis lata fuerat, ne qua mulier plus quàm semiunciam auri haberet, nèue versicolori vestimento, nec vehiculo per urbem vteretur, post viginti annos abrogata est. P. Scipione Africano iterum, Ti. Sempronio Longo consulibus, apud Mediolanum decem millia Gallorum cæsa: sequenti autem prælio vndecim millia Gallorum. Romanorum vero quinque millia occisa sunt. Publius Digitius prætor in Hispania citeriore, penè omnem amisit exercitum. M. Fulvius prætor Celtiberos cum proximis gentibus vicit, regemque eorum cepit. Minucius à Liguribus in extremum periculi adductus, & insidijs hostium circumuentus, vix Numidarum equitum industria liberatus est. Scipio Africanus inter cæteros legatos ad Antiochum missus, etiam cum Annibale colloquium familiare habuit. Sed infecto pacis negotio, ab Antiocho discessit. In vtraque Hispania per Flaminium Fulviumque prætores, bella multum horrida cruentaque vtrisque populis gesta sunt. P. Cornelio Scipione, M. Acilio Glabrione cōsulibus, Antiochus

Antiochus quamuis Thermopylas occupasset, quarum munimine tutior propter duobus belli euentus fieret, tamen commisso bello, à consule Glabrione superatus, vix cum paucis fugit è prælio, Ephesumque peruenit. Is habuisse fertur armatorum sexaginta millia, ex quibus quadraginta millia cæsa, capta plus quàm quinque millia fuisse referuntur. Alter consul Scipio cū Boiorum gente confligit, in quo prælio viginti millia hostium interfecit. Sequenti anno Scipio Africanus habens in auxilio Eumenem Attali filium aduersus Annibalē, qui tunc Antiochi classi præerat, bellum nauale gessit. Antiochus, victo Annibale atque in fugam acto, simulque omni exercitu amisso, pacem rogauit: filiumque Africani, quem vtrum explorantem, an in prælio cepisset, incertum est, vltro remisit. In Hispania vltiore L. Aemilius proconsul à Lusitanis cum vniuerso exercitu cæsus interiit. L. Bæbius in Hispaniam proficiscens, à Liguribus circumuentus, cum vniuerso exercitu occisus est: vnde adeo ne nuntium quidem superfuisse constat, vt internecionem ipsam Romæ Malsilienses nuntiare curauerint. Fuluius Cos. de Græcia in Gallo-

græci-

græciam, quæ nunc est Galatia, transue-
ctus, ad Olympum montem peruenit, ad
quem vniuersi Gallogræci cum coniugi-
bus & liberis confugerant, ibique acerbis-
simum bellum gessit: namque de superio-
ribus locis sagittis grandibusque saxis cæ-
terisque telis Romani grauitè contriti,
tandem vsque ad congressum hostiũ per-
ruperunt. quadraginta millia Gallogræ-
corum eo prælio interfecta referuntur.
Marcius consul aduersus Ligures profe-
ctus, superatusque, quatuor millia militũ
amisit: & nisi victus celeriter refugisset in
castra, eandem internecionis cladem, quã
Bæbius dudum ab eisdem hostibus acce-
perat, pertulisset. M. Claudio Marcello,
Q. Fabio Labeone consulibus, Philippus
rex, qui legatos populi Romani interfe-
cerat, propter Demetrii filij sui, quem le-
gatum miserat, verecundissimas preces,
veniam meruit: eundemque continuo ve-
lut Romanis amicum, sui que proditorem
fratre quoque ipsius ad parricidium pa-
tris ministro, nihil de vtroque miserum
male suspicatem, veneno necauit. Eodem
anno Scipio Africanus ab ingrata sibi vr-
be diu exulans, apud Liternum oppidum
morbo perijt. Iisdem etiam diebus Anni-

bal apud Prusiam Bithyniæ regem, cum à Romanis reposceretur, veneno sese necavit. Philopœmē dux Achiuorum à Melanis captus, occisusq; est in Sicilia. Tunc Vulcani insula, quæ antenō fuerat, repente in mari edita cum miraculo omnium, vsque ad nunc manet. Q. Fulvius Flaccus prætor, in citeriore Hispania maximo prælio vigintitria millia hominum fudit, quatuor millia cepit. Ti. Sépronius Gracchus in Hispania vltiore centum quinque oppida vacuata quassataque bellis, ad deditiōem coëgit. eadem estate etiam L. Postumius in citeriore Hispania quadraginta millia hostium bello interfecit. Gracchus prætor ibidem iterum ducenta oppida expugnavit & cepit. Lepido & Mucio consulibus, Basternarum gens ferocissima, auctore Perseō Philippi filio, prædarū spe sollicitata, & transeundi Istri fluminis facultate, sine vlla pugnavel aliquo hoste deleta est. Nam tunc forte Danubius, qui & Ister, crassa glacie superstratus, pedestrem facile transitum patiebatur. Itaque cum improuide toto & maximo simul agmine inæstimabilis hominum vel equorum multitudo transiret, enormitate ponderis & concussione gradienti-

diētiū concrepans gelu, & glacialis cru-
sta disiluit: vniuersumque agmen, quod
diu sustinuerat, medijs gurgitibus victa
tandem & comminuta destituit: atque ea-
dem rursus fragmentis impredientibus su-
perducta, submersit. Pauci ex omni popu-
lo per vtranque ripam vix concisis visce-
ribus eualerunt. P. Licinio Crasso & G.
Cassio Longino consulibus Macedoni-
cum bellum gestum est, merito inter ma-
xima bella referendum. Nam in auxilio
Romanorum tota primum Italia, deinde
Ptolemæus rex Aegypti, & Ariarathes
Cappadociæ, Eumenes Asiæ, & Massani-
sa Numidiæ fuerunt. Perseum & Mace-
donas secuti sunt Thraces cum rege Co-
tye, & vniuersi cum rege Gentio Illyrij.
Itaque aduenienti Crasso consuli Perse-
us occurrit: commissoque prælio, misera-
biliter victi fugere Romani. Sequenti pu-
gna penè pari clade partis vtriusque, in hi-
berna discessum est. Deinde Perseus pro-
fligato multis prælijs exercitu Romano
in Illyricū transgressus, Sulcanum oppi-
dū defensum à præsidijs Romanis pugnan-
do cepit: vbi magnam Romanorū præsi-
diorum multitudinē partim occidit, par-
tim sub corona vendidit: partim secum in

Macedoniam duxit. Postea cum eo L. Aemilius Paullus consul dimicauit, & vicit. Nam viginti millia peditum in eo bello interfecit. Rex cum equitatu subterfugit, sed continuo captus, atque in triumpho cum filiis ante currum actus est: & post apud Albam in custodia defecit. Filius eius iunior fabricam ærariam ob tolerandam inopiam Romæ didicit, ibique consumptus est. Plurima præterea & satis diuersis prouentibus bella multarum vbiq; gentium gesta sunt, quæ breuitatis causa prætermisi.

Scipionem Africanum Hispaniam vastasse. Scipionem Nasicam theatri adificationem dissuasisse. Galbam parum honeste Lusitanis imposuisse.

CAPVT XXI.

ANno ab vrbe condita DC. L. Licinio Lucullo, & A. Postumio Albino consulibus, cum omnes Romanos ingens Celtiberorum metus inuasisset, & ex omnibus non esset, qui ire in Hispaniam vel miles vel legatus auderet, P. Scipio, qui postea Africanus est dictus, vltro sese militaturum in Hispaniam obtulit, cum tamen in Macedoniam forte iam deputatus esset. Itaque profectus in Hispaniam magnas strages gentium dedit, sæpius etiam

etiã militis quàm ducis vsus officio. Nam
& barbarum prouocantem singulariter
congressus occidit. Ser. autem Galba præ-
tor, à Lusitanis magno prælio victus est:
vniuerso quæ exercitu amisso, ipse cū pau-
cis vix elapsus euasit. Eodē tempore cen-
sores theatrum lapideum in urbe constru-
censuerunt: quod ne tunc fieret, Scipio
Nasica grauissimā oratione obstitit, di-
cens, inimicissimū hoc fore bellatori po-
pulo ad nutriendam desidiam, lasciuiæ-
que commētum: adeoque mouit senatum,
vt non solum vendi omnia theatro com-
parata iusserit, sed etiam subsellia ludis po-
ni prohibuerit. Quamobrem intelligant
nostri (quibus quicquid extra oblecta-
mentum libidinis occurrit, offensio est)
propter hoc quod se infirmiores esse ho-
stibus suis ipsi sentiunt & fatentur, thea-
tra incusanda, non tempora: nec blasphem-
mandum Deum verum, qui vsque ad nunc
ea prohibet, sed abominādos deos vel dæ-
mones suos, qui ista petierunt, profundo
quidem satis malignitatis suæ argumen-
to tale sacrificium flagitantes, quo non
magis fuso cruore pecudum, quàm pro-
fligata virtute hominum pascerentur. Nā
vtique tunc nec hostes, nec fames, nec

V

S

morbi,

morbi, nec prodigia deerant, immò tunc
 plurima erant, sed theatra non erant, in
 quibus, quod incredibile dictu est, ad arā
 luxuriæ virtutum victimæ trucidantur.
 Carthaginienſibus aliquando viſum eſt,
 homines immolare, ſed male præſumpta
 perſuaſio breui prætermiſſa eſt, à Roma-
 nis vero exactum eſt, vt ſemetipſos perdi-
 tioni impenderent. Factum eſt, fit, ama-
 tur, & clamatur, vt fiat: qui pro maſtan-
 da gregis ſui pecude fortasſe offenderen-
 tur, pro interficiēda cordis ſui virtute læ-
 tantur: quin potius Naſicæ erubeſcant,
 qui Chriſtianis exprobrandum putant: &
 non nobis de hoſtibus, quos ſemper ha-
 buerunt, ſed illi de theatro, quod habe-
 ri prohibuerat, conquerantur. Igitur in
 Hiſpania Ser. Galba prætor Luſitanos ci-
 tra Tagum flumen habitantes, cum volun-
 tarios in deditiōem recepiſſet, per ſcelus
 interfecit: ſimulans enim de commodis e-
 orum ſe acturum fore, circumpoſitis mi-
 litibus, cunctos inermes incauſosq; pro-
 ſtrauit: quæ res poſtea vniuerſæ Hiſ-
 paniæ propter Romanorum
 perfidiā, cauſa ma-
 ximi tumultus
 fuit.

De tertio bello Punico: Coss. ad delendam Carthaginem profectos, fugatos fuisse. Interim de situ eiusdem.

CAPVT XXII.

ANno ab vrbe condita DCII. L. Censorino, & M. Manilio consulibus, tertium Punicum bellum exortum est. Igitur cum senatus delendam Carthaginem censuisset, profecti in Africam cōsules, & Scipio tunc tribunus militū prope Vticam maioris Africani castra tenuerunt. Ibi Carthaginensibus euocatis, iussisque vt arma & naues traderent, nec moratis, tantā vis armorum repente tradita est, vt facile tota ex his Africa potuisset armari. Sed Carthaginenses postquam arma tradiderūt, & relictā vrbe recedere procul à mari decē millibus passuum iussi sunt, dolorem ad desperationem contulerunt, aut defensuri ciuitatem, aut cum ipsa per ipsam sepeliendi: ducesque sibi duos Asdrubales creauerunt, armaque primum facere aggressi, æris ferrique inopiam, auri argenti que metallis suppleuerunt. Consules oppugnare Carthaginem statuunt, cuius situs fuisse huiusmodi dicitur: Viginti millia passuum muro amplexa, tota pene mari cingebatur,

tur, absque faucibus, quæ III. millibus passuum aperiebantur. Is locus murum triginta pedes latum habuit, saxo quadrato, in altitudinem cubitorum quadraginta. Arx, cui Byrsæ nomen erat, paulo amplius quam duo millia passuum tenebat. Ex vna parte murus communis erat urbis & Byrsæ imminens mari, quod mare stagnum vocabant, quoniam obiectu protentæ linguæ stagnabatur. Consules igitur quamuis aliquantam muri partem quassatam machinis diruissent, tamen à Carthaginensibus victi ac repulsi sunt: quos fugientes Scipio repulso intra muros hoste defendit. Censorinus in urbem rediit. Manilius ommissa Carthagine ad Asdrubalem arma conuertit. Scipio, Massanisa mortuo, inter Massanisæ filios tres Numidæ regnum diuisit: quo circa Carthaginem reuerso, Manilius Tezagam urbem expugnauit atque diripuit. Duodecim millia ibi Afrorum cæsa, sex millia capta sunt. Asdrubal Pœnorum imperator, Massanisæ nepos, subfelliorum fragmentis in curia à suis propter suspicionem prodicionis occisus est. Iuuentius prætor in Macedonia aduersus Pseudophilippum cōgressus, cum maxima clade totius Romani exercitus interfectus est.

De Carthaginis miseranda deiectione ac deletionē.

CAPVT XXIII.

ANno ab vrbe condita DCVI, id est, anno L. post bellum Punicum secundum, Cn. Cornelio Lentulo, L. Mummiō cos. P. Scipio superioris anni cos. delere Carthaginem suprema sorte molitus, Cōthonem ingreditur: vbi dum sex continuis diebus noctibusque pugnatur, vltima Carthaginienſes desperatio ad deditiōē traxit, petentes, vt quos belli clades reliquos fecit, saltem seruire liceat. Primum agmen mulierum satis miserabile, virorū post magis deforme descendit. Nam fuisse mulierum vigintiquinque millia, virorum triginta millia, memoriæ traditum est. Rex Asdrubal se vltro dedit. Transfugæ, qui Aesculapij templum occupaerant, voluntario præcipitio dati, igne cōsumpti sunt. Vxor Asdrubalis se duosque filios secum virili dolore & furore fœmineo in medium iecit incendium: eundem nunc mortis exitum faciens nouissima regina Carthaginis, quem quondam prima fecisset. Ipsa autem ciuitas decē & septem diebus continuis arsit, miserumque spectaculum de varietate conditionis humanæ vi-

næ victoribus suis præbuit. Diruta est autem Carthago, omni murali lapide in pulueré comminuto, DCC. post anno quàm condita erat. Multitudo omnis captiuorum, exceptis paucis principibus, venundata est. Ita III. quàm inceptū fuit anno, bellum Punicum tertium terminatum est. Sed mihi quamlibet studiose querenti, veruntamen homini tardioris ingenij, nusquam omnino causa belli Punici tertij, quam in tantum Carthago accenderit, ut iuste euerti decerneretur, eluxit. Illudque me vel maxime mouet, quod si ita, ut in superioribus bellis euident in astringentem causa & dolor accendebat, consultatione non opuserat. At vero cum alij Romanorum propter perpetuam Romæ securitatem delendam esse decernerent, alij vero propter perpetuā Romanæ virtutis curā, quæ sibi semper ex suspitione æmulæ urbis impenderet, ne vigor Romanus bellis semper exercitus, in languidam segnitiam securitate atque ocio solueretur, incolumem Carthaginem statui suo permittendam esse censerent: causam non ex iniuria laceffentium Carthaginensium, sed ex inconstantia torpescētium Romanorum ortam inuenio. Quod cū ita sit, cur Christianis

stianis temporibus imputant hebetationem ac rubiginem suam, qua foris crassi, intus exesi sunt? qui porro ante sexcentos ferè annos, sicut sui prudentes timentesq; prædixerant, eotem illam magnam splendoris & acuminis sui Carthaginem perdidērunt. Itaque finem volumini faciam, ne forsitan collidendo vehementius, discussa ad tempus rubigine, ubi necessarium acumen elicere non possum, superuacua asperitatem inueniam, quanquam obuiantem asperitatem nequaquam expauescerem, si interioris spem acuminis inuenirem.

FRANC.

FRANC FABRICII MARCO-
DVRANI IN PAVLI
Orosij librum
quartum

Annotationes.

Dixisse Aeneam) Locus est apud Virgilium li-
bro 1. Aeneid. Cum Annibal elephantos)
De transitu Annibalis in Italiam, & detrimento ac-
cepto dicetur, infra cap. 14.

In Caput primum.

ANno ab vrbe condita CCCCLXIII.)
LXIIII. est in omnibus manuscriptis, non,
LIIII. vt vulgo legitur. Sed Orosius suo more
hic quoque pauciores, quam ceteri, annos numerat.
Gellius lib. 17. ca. vlt. post annū vrbis condita CCCC.
fere & LXX. bellum cum rege Pyrrho sumptum est.
Bellum Tarentinum & cum Pyrrho rege nonnulli
ad annum LXXII. alij ad LXXIII. supra quadringen-
tesimum referunt. Spectaculo theatri) Theatrū
hoc portui Tarentino ad prospectum maris immine-
bat. vbi dum ludos celebrant, ad remigantesq; litto-
ri Romanas classes vident, hostes rati euniceant, & si-
ne discrimine insultant Florus lib. 1. ca. 18. Pulsati ab
ijsdem) Legatos Romanos pulsatos fuisse à Taren-
tinis,

tinis, scribit etiam Liuius libr. 12. Valerius libr. 2. ca. 2. ait, Prater grauissimas iniurias acceptas vnunt etiam vrina respersum fuisse. Proletarij) De Proletarijs lege elegantissimum cap. 10. libr. 16. Auli Gellij. Cum Aemilio consule) Si Aemilius iniuriarum actionem à pratore postulasset contra eos, qui ante nos hunc auctorem ediderunt, nemo negaret, cum praesertim illos reos peragere non modo Annalium memoria, verum etiam vetustorum librorum omnium testimonio posset, ac conuincere, se hanc rem contra Tarentinos gessisse, non Lauinum, cui illi eam tribuerunt: quasi solus Lauinus rem cum Tarentinis socijsq; eorum gesserit. At in Liuiana Epitoma libro 12. legimus ante Lauinum aduersus eos aliquot praelijs à compluribus ducibus bene pugnatum esse. In his ergo fuit L. Aemilius Barbula consul cum Q. Marcio Philippo anno vrbis CDLXXII. isq; re bene gesta proximo anno post consulatum triumphauit. qua de re in Capitolinis triumphis ita est, L. AIMILIVS Q. F. Q. N. BARBVLA. AN. CDLXXIII. PROCOS. DE. TARENTINEIS. SAMNITIBVS. ET. SALLENTINEIS. VI. IDVS. QVINT. Nam Tarentum utpote ex Laced.) De Tarentinorum origine & opibus Strabo libr. 6. Elefantos etiam) Lege Plinium lib. 8. cap. 6. Solinum cap. 38. Responso circumuentus) Responsum intelligit, quod Ennius hoc versu comprehendit, aio te Aeacida Romanos vincere posse. Cic. li. 2. de Diuinat. Arnobius li. vlt. De Pyrrho Ennius Apollinis Pythij responsa confinxit, cum iam Apollo versu facere desisset. Exitum fecit

eius, qui non cons.) Sic est in omnibus antiquis hoc sensu, Pyrrhus deceptus oraculo Apollinis eo fato perijt, quo etiam si oraculum non consulisset, periturus erat. Apud Heracleam) De loco huius pugna idem scribit Florus libr. 1. cap. 18. & Plutarchus de Pyrrho in eius vita, κατεσκατο πῆδευσεν ἐν τῷ μεταξὺ πηδίου πανδοσίας πόλεως καὶ Ἡρακλείας, id est, castra posuit in campo, qui est inter Pandosiam urbem & Heracleam. Fluviumque Sirim.) Syrim, vulgo hic & in Floro mendose legitur: est enim σίρις fluuius apud Plutarchum & Strabonem libr. 6. & Stephanum de urbibus. Plinius libr. 3. cap. 11. Est inter Sirin & Acirin Heraclea. Læuinum cons.) P. Valerius Lævinus consul cum Ti. Coruncanio fuit anno CDLXXIII. In Plutarchi libr. prima syllaba nominis Lævini est deprauata: legitur enim ἀλβῖνος pro λαβῖνος. Sic in postrema quoque editione Basiliensi est, προίπευσε τῷ ποταμῷ, pro προσίπευσε. Hoc quoque quasi prateriens monebo. Ferentana turma prefectum, qui in Plutarchi libris δ παλαχος nominatur, in meo Floro manuscripto Obsidium dici quod nomen in impressis libris desideratur. Sed postquam Minucius) De hoc Florus, C. Minucius quartæ legionis hastatus unius proboscide abscissa mori posse belluas ostenderat. Peditum XIII. millia) Hic numerus est in omnibus manuscriptis. Dionysius tradit, Romanorum cecidisse paulò minus XV. millibus, Hieronymus tantum VII. millia. Capti MCCCX.) Hic numerus in vno manuscripto integer est: in ceteris vulgaris numerus scriptus est, cū alius antea fuerit. Eutropius ait, Pyrrhum cepit-

cepisse Rom. mille octingentos. Equites autem cæsi CCXLIII) In Gualtheri libro est, CCXLVI. Varietas nata est ex eo, quod II. in V. sæpe cœiunt, sicut & contra fieri solet. Nam quantus è diuerso numerus) Numerum extinctorum sociorum Pyrrhi, quem Orosius, memoria traditum non esse ait, Dionysius & Hieronymus prodiderunt: ille enim XIII. millia, hic nõ plane quatuor millia casa scripsit, auctore Plutarcho. In prima Persici belli) De hoc diximus libro superiore c. 16. Secunda inter Pyrrhum & Ro.) Secunda hæc pugna cum Pyrrho commissæ est, P. Sulpicio, P. Decio Mure Coss. anno CDLXXIII. de qua Eutropius ita, Missi sunt contra Pyrrhum ducem P. Sulpicius, & Decius consules. Certamine commisso, Pyrrhus vulneratus est, elephanti interfecti, XX. millia casa hostium, & ex Romanis tatum quinque millia. In Apuliæ finibus) Pugnam commissam πειρῆσ-χλον scribit Plutarchus in Pyrrho & Florus ita, In Apulia deinde apud Asculum melius dimicatum est. Agathocle mortuo) Quis hic Agathocles fuerit, quibûsque vñs ad regnum ascenderit, è Diodori Siculi libro 19. abundè cognosces. de eodem cap. 6. plura.

In Caput secundum.

Nam Fabio Gurgite) Q. Fabius Maximus Gurges & C. Genucius Clepsina Consules ex Capitolinis tabulis fuerunt anno vrbi CDLXXVII. De huius anni pestilentia Augustinus de Cinitate Dei libro 3. capite 17. Reuersum ex Sicilia Pyrrhum) M. Curio Dentato, L. Cornelio Lentulo Coss. Pyrrhus

à Tarentinis & Samnitibus in Italiam reuocatus redijt. Curias Consul contra eum missus exercitum eius cecidit, ipsumq; Italia expulit, Plutarchus in Pyrrho, Liius libro 14. Iustinus 23. Eutropius 2. Apud Lucaniam in Arusinis campis) Supremam pugnam cum Pyrrho commissam fuisse in Arusinis campis Lucania, scribit etiam Florus. Frontinus quoque libr. 4. exponens rationem aciei instructæ à Pyrrho. eum victum in campis Arusinis ad Beneuentum ait. Cæsa referuntur XXXIII. millia) Eutropius, Ea die cæsa hostium XXIII. millia. Pyrrhus quinto demum anno) Plutarchus, οὕτω μὲν ἔξε-
 πωσε τῶν ἰταλικῶν & σικελικῶν ἐλπίδων ὁ πύρρος, ἐξ ἑπτῆ χρόνον ἀναλώσας περὶ τοὺς ἑκὲν πολέμους. id est, Ita Pyrrhus spe Italia & Sicilia deiectus est, cum sex annos in bellis ibi gestis consumpsisset. Saxo ictus occubuit) Pyrrhum ictu tegule prostratum scribit Auctor de viris illustrib. Plurtarc. etiam xepamίδα nominat, quam Argiua mulier de tecto in illius caput deiecit. Tunc quoque Sextilia) Sextiliam incesti damnatam fuisse post societatem cū Ptolemaeo Aegypti rege initam, cognoscitur ex epitoma Liuiana 14. Hæc autem societas, auctore Eutropio, facta fuit C. Fabricio Luscino, C. Claudio Canina Coss. qui fuit annus vrbs CDLXXX. secundum Fastos Capitolinos, quos sequimur.

In Caput tertium.

Anno ab V. C. DCLXXV.) Alijs hic annus est post V. C. CDLXXXI. quo L. Papirius Cursor, & Sp. Caruilus Maximus iterum Consules aduersus
 .I. 2 4 Samni-

Samnites, Bruttiosq; & Lucanum cum Tarentino
 populum declarati fuerunt, ut ait Liuius libro 24.
 hīg, bellum Tarentinum & Samniticum confecerunt,
 ac de Tarentinis, Samnitibus, Lucanis &
 Brutijs triumpharunt, ut ex tabulis Capitolinis
 cognoscitur. Cartaginiensium auxilia) Hinc recte
 Carolus Sigonius acerrimi ingenij, summaq; doctri-
 na vir in Liuiana epitoma libr. 14. emendauit, Car-
 thaginiensium classis auxilio Tarentinis venit. quo
 facto ab ijs foedus violatum est. cum antea, Mamer-
 tinis, pro Tarentinis, mendosè legeretur. Sequen-
 ti anno) qui fuit ab V. C. CDLXXXII. & L.
 Genucium Clepsinam ac C. Quinctium Consules
 habuit. Aduentante dudum Pyrrho) Nempe
 ante annos nouem. Tum enim legio Campana in
 praesidium Rheginorum cū praefecto D. Iubellio mis-
 sa, occisis Rheginis, Rhegium occupauit, Liuius lib.
 12. & Polybius libr. 1. pluribus verbis. De eadem re
 Valerius libr. 2. cap. 2. Nouum scelus ausa, Rheg.
 omnes) Auxit, pro, ausa, vulgò mendosè legi-
 tur. Polybius de huius legionis militibus, & τοὺς
 μὲν ἐκβαλόντες, τοὺς δὲ ἀποσφάζαντες ἢ πολε-
 τῶν, κατέσχον τὴν πόλιν. id est, Ciuibus partim eie-
 ctis, partim interfectis, urbem occuparunt. Captisq;
 omnibus ipse quidem) Polybius, κρατήσαντες
 ἢ τοὺς μὲν πλείους ἐν αὐτῇ τῇ καταλήψει διέφθει-
 ραν, ἐκθύμως ἀμυνομένους διὰ τὸ προορᾶσθαι τὸ
 μέλλον. ζωγρέα δὲ ἐκυρίευσαν πλείονων ἢ τετρακο-
 σίων. ὧν ἀναπεμφθέντοis εἰς τὴν ῥώμην, οἱ στρατηγοὶ
 προαγαγόντες εἰς τὴν ἀγορὰν, & μασιγῶσαντες ἅ-
 παντας κατὰ τὸ παρ' αὐτοῖς ἔθος ἐπιλέκοσαν.

id est, Victoria potiti maximam eorum partem, cum prouiso periculo acriter resisterent, in expugnatione oppidi oppresserunt, & trecetos amplius viros captos Romam remis(er)unt. quos Pratores in forum productos, virgibusq; casos ad vnum omnes more patrio securi percusserunt.

In Caput quartum.

Anno ab vrbe cōdita CDLXXVII.) Hic annus proximus ante Sempronium Sophum Consulem alijs est vrbe cōdita CDLXXXIII. Sequenti ab hinc anno) P. Sempronius Sophus consul cum App. Claudio Crasso fuit anno CDLXXXV. & vterque de Picentibus triumphauit. Cum horrendo frag. terra tremuit) Huius terramotus sicut & belli Picentis meminit Florus lib. 1. ca. 19. Quomodo Sempronius milites terramq; perterritos cōfirmauerit, scribit Frontinus lib. 1.

In Caput quintum.

Inter multa prodigia) Horum prodigiorum mentionem Diaconus in suis additionibus ad Eutropium fecit. Tunc etiam Vulsinienſes) De hac re Florus libro 1. cap. 21. Postremi Italicorum in fide māsere Vulſini opulentissimi, Etruscorum implorantes opem aduersus seruos quondam suos, qui libertatem à dominis datam in ipsos erexerant, transfatāque in se Repub. dominabantur. Sed hi quoq; duce Fabio Gurgite pœnas dederunt. In Capitolinis triumphis legimus M. Valerium Flaccum Cos. de Vulſinienſibus triumphasse anno CDLXXXIX. initio belli

Puni-

Punici primi. Itaque conspirantes) De Vulfinien-
 sium seruorum inſolentia lege Valerium libr. 9. cap. 1.
 Pestilentia ingens) Huius pestilentia meminit
 Augustinus de Ciuitate Dei libr. 3. cap. 17. Sed
 ne quem tentata) Hæc lectio est in Gualtheri libro,
 quam nos reiectis ijs quæ vulgo leguntur, cupidè re-
 cepimus. Capparonia.) In libris scriptis est, Capar-
 ronias.

In Caput sextum.

Ante vrbeſem Romam duos & LXX. an-
 nos.) Sic Iuſtinus libr. 12. de Carthagine, Con-
 dita eſt vrbs hæc LXXII. annis ante quam Roma.
 In Liui ſina Epitoma libr. 51. legimus Carthaginem
 captam ſeptingenteſimo anno quàm erat cõdita. Vn-
 de cum Scipio Carthaginem expugnauerit anno ab
 vrbe condita DCVII. cõdita ante Romã annis XCIII.
 inuenitur. Sed in Euſebij Chronico Carthago condita
 ante Troiam captam annis fere XL. reperitur. Appi-
 anus Libycam ſiue Carthaginiẽſem hiftoriam ſic
 orditur, καρχηδόνα τὴν ἐν λιβύῃ φοίνικες ὠκισαίς
 ἔτεσι ποτὶ τήκοντα πρὸ ἀλώσεως ἰλίω. Cartha-
 ginem, quæ eſt in Africa, Phœnices condiderunt an-
 nis L. ante Ilium captum. Ab Eliſa) Quæ Dido
 cognominata fuit. εἰκισαὶ δὲ αὐτῆς, inquit Appi-
 anus, ἐγένοντο ξωρός τε καὶ καρχηδών. ὥς ῥω-
 μαῖοι καὶ αὐτοὶ καρχηδόνιοι νομίζουσι διδῶ γυνὴ
 τυρία. Conditores eius fuerũt Xorus & Carchedon:
 ſeu, vt Romani, atq; adeo ipſi Carthaginiẽſes putãt.
 Didomulier Tyria. plura Virgilius li. 1. Aenei. Sicut
 Põpeius Trogus) Quæ Oroſius hoc capite de Car-
 thagini-

dorus libr. 17. *καρχηδονίους τυρίων ἀπογόνους* vocat. Virg. 1. Aeneid. Vrbis antiqua fuit, Tyrj tenuere coloni, Carthago. Nanque Agathocles) Diodorus initio libr. 20. à Troia capta vsque ad profectiōnem Agathoclis in Africam numerat annos DCCCLXXXIII. Annonem quēdam cum XXX. millibus) Hac quidem ita Iustinus libr. 22. Ac Diodorus scribit non solum Annonem, sed & Bomilcarem contra Agathoclem missum cum exercitu: in quo pedites non pauciores XL. millibus, equites mille, curruum duo millia fuerint. quibus Agathocles opposuit primum filium suum Archagathum cum duobus millibus peditum & quingentis: deinde Syracusanorum tria millia L. tum graecorum millia tria, totidemq; Samnitum, Etruscorum & Gallorum. Cecidisse eīdem in pralio ait, Gracos ducentos, Carthaginenses non amplius mille, tametsi quidam sex millia scripserint. Antander Agathoclis frater) Andro, in vulgatis corruptè legitur. Tu lege Diodorum, qui haec omnia copiosè exponit. Rex Cyrenarum Ophellas) Diodorus libro 20. ὁ δὲ ὀφέλλας ἦν μὲν τῶν φίλων τῶν συμμαχουμένων ἀλεξάνδρῳ, κυριεύων δὲ τῶν περὶ κυρήνην πόλεων καὶ διωάμενος ἀδράς, περιεβάλετο ταῖς ἐλπίσι μέζονα διωασείας. id est, Ophellas erat ille quidem ex ijs amicis Alexandri, qui cum ipso militauerant, sed cum Cyrenaicas vrbes magnasq; copias in sua potestate haberet, maius imperium spe conceperat. Bomilcar dux pœnorum) Amilcar vulgo hic male nominatur. est enim Βομίλκας, qui cum Carthagine regnum occuparet, interfectus fuit, ut scri-

bit Diodorus. Deinde cum post mortem Agath.)
 Plenior historia petenda ex Iustini lib. 23. Nam quæ
 Diodorus de his rebus literis consignauit, ad nos non
 peruenerunt. Nihil non subsiciuum, nihil non in
 vulnus suum) Hæc est omnium librorū vetustorum
 lectio. Est aut subsiciuum, siue subseciuum quod græ-
 ci $\pi\alpha\rho\epsilon\gamma\gamma\omega\delta$ dicunt, à re principali, vt ita dicam, ali-
 enū & quasi superfluum. Trāslatione sumpta ab ijs,
 qua in agrorum assignationibus subseciua nominan-
 tur. de quibus Frontinus.

In Caput septimum.

Anno ab vrbe condita CDLXXXIII) Hic
 annus, quo bellum Punicum primum geri cœptum,
 cum varium numerum apud scriptores habeat, in
 Fastis Capitolinis est CDLXXXIX. Q. Fabio) Solus
 Orosius, quod sciam, cum App. Claudio Fabium Cos.
 comparat: pro quo alia omnia monimenta Flaccum
 habent, qui in Fastis Capitolinis ita describitur, M.
 FVLVIVS. Q. F. M. N. FLACCVS. De re gesta
 ab App. Claudio cum Pœnis & rege Hierone, Po-
 lybius libr. 1. Liuius libr. 16. Florus libr. 2. cap. 2.
 Consules Agrigentum) Consules anni tertij hu-
 ius belli L. Postumium Megellum, Q. Mamilium
 Vitulum intelligit. Hi enim ad Agrigentum rem-
 gesserunt oppidumq; ceperunt, Polybius libr. 1. Cn.
 Cornelio Asina, C. Duilio) Hi anno quinto hu-
 ius belli, & post urbē conditā DDXCIII. Consules fu-
 erunt. quod de celeritate in classe comparata Orosius
 scribit, est apud Florū li b 2. CXXX. nauīū classis)
 Apud Florū est, CLX. Punica fraude captus) Ita
 de

de Cornelio capto scripsit Liuius libro 17. sed Polybius fraudis nullius mentionē facit. Quod ubi Duilius) Hic est C. Duilius M. F. qui Pœnos primus classe deuicit, Cicero in Catone, Valerius li. 3. ca. 3. Plinius li. 34. ca. 5. Triginta & vna naues) Idem numerus est in Eutropio, nisi quod XLIII. naues merfas scribit. Polybius tradit, Pœnos in hoc praelio naues L. amisisse. Ibiq̃ue interfectus est) Anno dux Carthaginienſium pro Olbia oppido fortissimè pugnans occidit, Valerius li. 5. ca. 1.

In Caput octauum.

Anno ab hoc proximo) Hic annus in Fastis Capitol. est ab. v. c. CDXCV. quo A. Atilius Calatinns, C. Sulpicius Paterculus Cos. fuerūt. Calpurnij Flammarum) Sic nominant hunc tribunum Liuius libr. 22. Florus li. 2. Auctore de viris illustrib. Plin. lib. 22. ca. 6. M. Calpurnium Flammam appellat. Cato illum Q. Cadicium, Quadrigarius Laberium vocauit, Legge Gellium lib. 3. cap. 7. & Frontinum lib. 1. Lapidibus coopertus interijt) In epitoma Liuiana li. 17. de Annibalis interitu ita scriptum est, Annibal dux pœnorum victa classe, cui præsuerat, à militibus suis in crucem sublatuſ est. De eodem Polybius, χρόνις δὲ οὐ πολλοῖς κατόπιν ἐν τῇ σαρδόνι συγκλεισθεὶς ὑπὸ ῥωμᾶων ἐν τινι λυμένῃ, καὶ πολλὰς ἀποβαλὼν τῶν νεῶν, παρ' αὐτίκα συλληφθεὶς ὑπὸ τῶν διασωθέντων καρχηδονίων ἀνεσφύρηθη. id est, Tempore non ita longo post in Sardinia circumuentus à Romanis in quodam portu, cum magnum numerum nauium amisisset cōtinuò à Carthaginienſibus qui euaserāt

compre-

comprehensus, atque in crucem sublatuſ est. Atilius Consul) C. Atilius Regulus ſignificatur, qui anno octauo huius belli cum Cn. Cornelio Blaſione Conſul fuit, & de Pœnis triumphum naualem egit, vt eſt in tabulis Capitolinis. Conſules in Africam) Conſules hi fuerunt, M. Atilius Regulus, & L. Manlius Vulſo, Polybius, Eutropius, & Florus. quos lege. Serpens miræ magnitudinis) Hanc hiftoriam de ſerpente à T. Liuiſo curioſè pariter ac facundè relatam initio libr. 18. ſcribit Valeriuſ libro primo extremo. Recitat eandem è Tuberone Gelliuſ. li. 6. cap. 3. Regulus aduerſus tres imp.) Eutropiuſ tres duces ſine nomine edit, Polybiuſ, ἀσδρῆβαι, βῆſαρον καὶ ἀμίλχανοι nat. Cæſa XVII. millia) Eutropiuſ, X. & VIII. millia hoſtium cecidit. Oppida LXXXII.) Eutropiuſ, LXXIII. ciuitates in fidem accepit.

In Caput nonum.

Duras conditiones) Idem ſcribit Polybiuſ libr. 1. Eutrop. 2. Xanthippum Laced. regem) Regem hunc Lacedæmoniorum fuiſſe, nemo, quod ſciam, ſcribit, ducem miſſum Carthaginiensibus omnes. Cicero 3. de Officijs, Xanthippum Lacedæmonium vocat, Polybiuſ, ξάνθιππὸν τινὰ λακεδαμόνιοις ἄνδρα, τῆς λακωνικῆς ἀγωγῆς μετεſχηκότα, καὶ τειβῆις ἐν τοῖς πολεμικοῖς ἔχοντα σύμμετροις. Xanthippum virum Lacedæmonium, qui Spartano more educatuſ mediocrem in re militari uſum habebat. Nam XXX. millia) Appianuſ in Libya, ἀπὸ τειſμουρίων ἀνδρῶν, οὓς ὁ ἀτίλειος ἤγεν, ὀλίγοι μόνιſ αὐτῷ ἐς ἀσπίδα πόλιν διέδρασαν

δρασαν οἱ ἄλοιποι πάντες, οἱ μὲν ἀπώλοντο, οἱ δὲ
 ἐζωχρήθησαν. *Etriginta millibus, quorum Atilius
 dux praerat, pauci Aspidem agrè confugerunt: reli-
 qui omnes partim cæsi, partim capti sunt. Duo mil-
 lia euasisse Polybius & Eutropius tradunt. Decimo
 demum anno) Decimus annus huius belli fuit poëæ
 Consulatum Reguli & Manlij, Fulvio & Aemilio
 Coss. quo anno Regulum captum recte putat Sigoni-
 us. Nam & Appianus de captiuis agens, καὶ μετ' αὐτῷ,
 inquit, ὁ στρατηγὸς ἀπίλιος, ὑπατος γεγονώς, ἀιχ-
 μαλωτὸς ἦν. Cicero tamen lib. 2. de Offic. ita scribit,
 M. Atilius Regulus, cū consul iterum in Africa ex
 insidijs captus esset, &c. Xanthippus tam auda-
 cis) De causis, quare Xanthippus subito ex Africa
 discesserit, Polybius legendus, & Appianus. Cum
 classe CCC. nauium) Idem numerus est in Eu-
 tropio. Polybius τετρακόσια καὶ πεντήκοντα σκάφη
 habet. Præterea XXXV. millia.) In impressis
 Eutropij libris est, Quindecim millia hostium aut oc-
 cidit aut cepit. Sed cum in nostro manuscripto sit,
 Quinque millia, puto numerum, quo triginta signi-
 ficata fuerunt, intercidisse. Nam de CCC. nauib-
 us) Eutrop. aliter, Tanta tempestas fuit, ut ex CC-
 CCLXIII. nauibus LXXX. seruari vix potuerint. Sic
 & Polyb. τὸ γὰρ ἐξήκοντα καὶ τετάρων πρὸς ταῖς
 τετρακοσίαις ναυσὶν ὀγδοήκοντα μόνον σωέβη πε-
 ριλειφθῆναι σκάφη. Tertio anno) Orosius hic du-
 os annos extremos connumerat. Nam inter hos Con-
 sules, ac superiores Paullum & Nobiliorem vnus tan-
 tum annus interfuit. De rebus ab his Coss. gestis Po-
 lybius & Eutropius. Præterea Cotta Consul) C.*

Aurelius Cotta Consul cum P. Seruilio Gemino fuit anno urbis DI. quo eum de Pœnis & Siculis triūphasse Capitolinis tabulis est proditū. C. Furio Pacilo) Pacilus, nō placidus Furij cognomen est in Fastis Capitolinis. quorū auctoritas nobis grauiſſima est. De re à Metello gesta Polyb. & Eutrop. CIII. capti & per Italiā ducti) In Eutropio est, Metellum per Italiā duxisse elephantos CXXX. Plinius li. 8. ca. 6. scribit Metellum in Italiā transuexisse CXLII. At in Epitoma li. 19. legimus in Metelli triumpho ductos CXX.

In Caput X.

At quam rem Atilium) Victis à Metello Carthaginensibus Regulus Romam ad Senatum missus est iuratus. & captiuos reddendas negauit, Carthaginemq; ad supplicium redijt, qua de re disputat Cic. lib. 3. de offic. multisq; alijs locis mentionem facit. Vide Liuium libr. 18. Eutropium 2. Valerium 1. cap. 1. Gellium lib. 6. cap. 4. Horat. lib. 3. car. Oda 5. Silium li. 6. Resectis Palpebris) Verba sunt Ciceronis de supplicio Reguli in orat. in Pisonem. Quod vero M. Tullius ait Regulum in machina esse necatū, id Appianus sic expressit, καὶ αὐτὸν οἱ καρχηδόνιοι χαθεῖραντες ἐν γαλεάγρα, κέντρα πάντοθεν ἐχέσῃ, διέφθειραν. Alter deinde Regulus) C. Atilius Regulus & L. Manlius Vulso consules iterum fuerunt anno DIII. Horum Consulium nomina in meo manuscripto Iustino libr. 41. integra sunt, nisi quod pro Vulsonemore antiquo scriptum est, Bulsone: vnde in vulgatis factum est, Pifone. Ea quæ hi consules cum Pœnis gesserunt, multis verbis narrat Polybius. Post hos

hos Claudius Cos.) Hic est P. Claudius App. F. qui cum cauea liberati pulli non pascerentur, mergi eos in aquam iussit, ut biberent, quoniam esse nolent, Cicerolibr. 2. de Natur. Cum classe CXX. nauium) His tres addit Polybius, qui omnem rem copiose narrat. Anno etiam consequenti) Hæc à Diacono Eutropij historia inserta pro Eutropianis vulgo leguntur. Lutatius cum classe CCC. nauium) C. Lutatius Catulus Cos. cum A. Postumio Albino fuit anno ab V. C. DXI. ex ratione Fastorum Capitol. Nam Orosio est annus DVI. Catulum cum classe CCC. nauium transuectum ex vetustis libris scripsimus, cum vulgo sit classis CC. nauium. Eutropius quoque auctor est, Catulum cum CCC. nauibus in Siciliam profectum fuisse. Neque vero adduci possum ut credam, populum R. præter CC. illas quinquereemes, quas à priuatis edificatas scribit Polybius, nullas alias naues publicas habuisse. Apud Aegates insulam) Polybius, ἐπλευσε πρὸς τὴν αἰγούσαν νῆσοις τὴν πρὸ τῆς λιθοβάτης κειμένην. Silius libro 1. Auct Aegates abolerè parentum Dedecus. Pugnatum est VI. Idus Martias, inquit, Eutropius. LXIII. Punicæ naues captæ sunt.) In numeris Orosii libri cum Eutropianis fere consentiunt. Polybio cum his magna dissensio est.

In Caput XI.

Vt Sicilia Sardiniaque decederent) Polybius. ἐκχωρεῖν τῆς σικελίας ἀπάσης καρχηδονίης, καὶ τῶν νήσων, ὅσαι μεταξὺ τῆς ἰταλίας κείνται καὶ σικελίας, πανὶ ὀμνὶ σικελία, καὶ ἰνσουλῖς, quæ inter Italianam

liam & Siciliam sunt decedunt. Liuius li. 21. Pœni
 nauali ad ægates clade accepta, Sicilia & Sardinia
 cessere. Proque impensis bellicis) ἀργυρίῃς καὶ τε-
 νεγκῆν καὶ ῥωμάοις ἐν ἑτέροις εἰκοσι δις-
 χίλια καὶ διακόσια τάλαντα εὐβοϊκά Pœni Romanis
 in annos XX. duo millia & ducenta talenta Euboica
 pendunt. Sed decem legatos tēpus stipendij mutasse,
 ac mille talēta addidisse, idem subiicit. Post annum
 tertium & viges.) polybius & Liuius, qui tempus
 huius belli excitati respiciunt, scribunt id gestum an-
 nis XXIII. sed Orosius numerat ab ap. Claudio & Q.
 Fulvio Coss. quibus bellum punicum primum geri cœ-
 ptum est. Anno ab V.C.DVII.) Hic annus, quo Q.
 Lutatius & A. Manlius Coss. fuerunt, in Fastis Capi-
 tolinis est DXII Vbi vides Orosiū, vt superius, ita hic
 quoq; annos quinq; minus numerare. Q. Lutatio,
 A. Manlio Coss.) Catuli nomē, quod Lutatio in O-
 rosi libris datur, nos deleuimus: cū ille non ex Catu-
 lorum, sed Cerconū familia fuerit, atque in Capito-
 linis Fastis sic describatur, Q. LVTATIVS C. F. C. N.
 CERCO Aedē Vestę corripuit) De ade Vestę incē-
 censa Liuius li. 19. nocte eā arsisse tradit Valerius lib.
 1. ca. 4. L. Metellus Pontifex Max. hoc incendio, cum
 Palladiū raperet ex ade vestę lumina amisit, auctor
 Plinius lib. 7. ca. 43. & Plutarchus in parallelis. Ti.
 Sempronio Graccho, P. Valerio Falto Coss.
 Cōsules hi ex Capitol. Fastis an. DXV. fuerunt. Quod
 aut Orosius bellum Faliscorū ad hunc annū refert,
 in eo dissentit ab Eutropio. qui id triennio ante Cer-
 cone & Torquato Coss. gestum scribit, eosq; de Fali-
 sciū triumphasse notatum est in tabulis Capitolinis.

In Caput XII.

Sardinia insula rebellavit) De hac re Polybius in fine li. 1. Eutropius 3. Hoc anno porta Iani) Huius rei mentionem fecimus in ca. 8. li. 3. Plutar. in Numma, μάρεα ἀτιλίας καὶ τίτμαλλίας ὑπατευόντων δὲ νεώτερος τῶν ἱανῶν ἐκλείδῃ χρόνον οὐ πολλόν, ἔτα ἐυθὺς ἀνεώχθην πολέμῳ συρράγέντος. M. Atilio, & T. Manlio Coß. templum Iani clausum non diu fuit, sed continuo bello exorto, rursus apertum est. Post annos CCCXL.) Legitur etiam, ccccl. sed alter numerus verior, cum tot fere anni à principio regni Hostilij ad Manlium & Atilium numerentur.

In Caput XIII.

Anno ab V. C. DXVII.) Amilcar pater Annibalis auctore Caßidoro, in Hispania occisus est, M. Aemilio Barbula, M. Iunio Pera Coß. qui annus in Fastis Capitolinis est ab V. C. DXXII. De Amilcaris interitu plura Polybius initio libr. 2. Sequenti anno Romanorum) Legatos Polybius libr. 2. nominat γαίον καὶ λεύκιον χορογαπίους: qui ad Teutam reginam Illyriorum ob iniurias Italicis mercatoribus illatas missi fuerunt, atque alter eorum iussu reginae interfectus fuit, ut idem scribit. In epitoma quoque libr. 20. legitur, Bellum Illyrijs propter vinum ex legatis, qui ad eos missi erant, occisum, indictum est. Appianus item Coruncanij ab Illyrijs interfecti meminit in Illyrico. Florus vero libro 2. cap. 5. Legatos Romanos imperante Teuta occisos scribit. Plinius lib. 34. ca. 6. nominat legatos P. Iunium T & T.

& I Coruncanium, quibus à Teuta Illyriorum re-
 gina intersectis statuae in rostris posita fuerunt. Gal-
 lum virum & Gallam) Romani inquit Plutar-
 chus in *Quaestionibus* δύο μὲν ἄνδρας, δύο ἤ γυναι-
 κας ἐν τῇ βοῶν ἀγορᾷ λεγομένῃ, τοὺς μὲν Ἕλληνας,
 τοὺς ἤ γαλάτας ζῶντας χατὰρυξαις. Id vero eos
 ex libris Sibyllinis fecisse initio belli Gallici Cissalpi-
 ni scribit Idem in Marcello. L. Aemilio Papo.)
 Aemilio Catuli cognomen vulgo corruptè hic addi-
 tur, sicut Pauli, apud Plinium lib. 3. cap. 20. In Fastis
 Capitolinis hi Consules an. D XXII X sic nominan-
 tur, C. AIMILIVS. Q. F. CN. N. PAPVS. G.
 ATILIVS. M. F. M. N. REGVLVS. Hoc bellum
 Gallicum describunt Polybius libro 2. Plutarchus
 in Marcello, Livius libro 20. Florus libro 2. cap. 4.
 Eutropius libro 2. Maximè Gæsatorum.) Ita
 hoc nomen ex optimo Corn. Gualtheri libro descri-
 pti. Polybius, διόπερ ἐυθέως τὰ μέγιστα τῶν ἐθνῶν,
 τό τε ἰνσοβρων καὶ βοίων συμφρονήσαντα διεπέμ-
 ποντο πρὸς τοὺς κατὰ τὰς ἀλπεὺς καὶ τὸν ῥοδανὸς
 ποταμὸν κατοικοῦντας γαλάτας, πρὸς αὐτοὺς με-
 νουσι δὲ διὰ τῶ μιδοῦ στρατεύειν, γασάτας. ἡ γὰρ
 λέξις αὕτη τῷτο σημαίνει κυρίως, id est, Quo circa
 maxima gentes Insubrium & Boiorum, facta inter
 se societate, legatos miserunt ad Gallos, qui Alpes
 Rhodanumq; accolunt, & à mercede, qua ad militi-
 am conducuntur, Gæsata appellantur: id enim pro-
 priè hoc nomē significat. Apud Plutarchum in Mar-
 cello hoc nomē corruptum est: legitur enim, καὶ μετε-
 πέμποντο γαλατῶν τοὺς μιδοῦ στρατευομένους,
 οἱ γὰρ αὐτοὶ χαλοῦνται, quod mendūm ego illis acce-
 ptum

ptum fero, qui παρά τὸ γένος, hoc nomen deduci
 putarunt. Virgilius 8. Aeneid. Duo quisque Alpina
 coruscant Gasa manu. Sicut Fabius historicus)
 Hic est Q. Fabius Pictor, qui his temporibus vixit &
 non tantum huic bello, sed & paulo post secundo Pu-
 nico, vt Liuius scribit, interfuit. De hoc Eutropius,
 Traditum est a Fabio historico, qui ei bello interfu-
 it, DCCC. millia hominum parata ad id bellum fuisse.
 Plinius libro 3. cap. 20. scribit, Italiam hoc tempore
 armasse equitum LXXX. millia, peditum DCC. mil-
 lia Ex quibus Rom. & Camp. Polyb. ῥωμαίων ἔ-
 χ' ἡμιπαιῶν πλεονέκτες, πλεονέκτες μὲν εἰς ἑκατοσι καὶ πέν-
 τε κατελέχθησαν μυριάδες. ἰππέων δ' ἐπὶ ταῖς δύο
 μυριάσιν ἐπὶ ἦσαν ἑπτὰ τρεῖς χιλιάδες. Romanorum
 & Campanorum multitudo erat peditum ad CCL.
 millia, equitum millia XXIII. DCCC. millia Ro-
 man.) Vulgo contra fidem librorum manuscripto-
 rum legunt, & octoginta millia Rom. non atten-
 dentes Orosium in hac historia exponenda sequi eos,
 qui primum praelium, in quo Galli superiores fuerunt,
 scripserunt commissum iunctis virisque Consulibus co-
 ppy: ideoq; cum significare vellet, vniuersum exerci-
 tum in fugam coniectum fuisse, ait, DCCC. millia Ro-
 manorum fugisse: tot enim fuisse paulo ante ex Fabio
 retulit. Polybius vero aliter de his rebus scribit qui cū
 nostro neq; in ijs quae sequuntur consentit. Primi trās
 Padum) Huius rei mentio est in Epitoma Liuiana
 lib. 20 Namq; in piceno) Horum prodigiorū men-
 tionem Eutropio Diaconus inseruit: sed loco alieno De
 ἡσδὲμ Πλούταρχ. in Μάρκελλο, φλαμινίῳ ἔχ' ἡ φερρίου
 τῶν ὑπὸ τῶν μεγάλων ἐκστρατευσάντων δυνάμε-

σιν ἐπὶ τοὺς ἰνσόβρας, ὥφθη μὲν αἵματι ῥέων ὁ διὰ
 τῷ περικλυίδος χάρας ποταμός, ἐλέχθω ὅ τρεῖς σα-
 λήνας φανῆναι περὶ πόλιν ἀρίμινον. *id est, Cū Fla-*
minius & Furius Cass. magnas copias aduersus Insu-
bres eduxissent, flumen, quod per Picenum labitur,
sanguine fluere visum est, nuntiatumq̃, circa Arimi-
num tres lunas apparuisse. Ingens ille Colossus)
De hoc Colosso Strabo libro 14. Plinius libr. 34. cap. 7.
Flaminius Cos. contem. auspicijs.) Hinc Liuius
libro 21. ait, Flaminium Consulem inauspicato fa-
ctum, reuocantibus ex ipsa acie dñs hominibusq̃, non
paruisse. Tu lege Plutarchum. Post hoc Claudius
Cos.) Hic est M. Claudius Marcellus, qui post quin-
quies Consul fuit. De victoria eius contra Insubres,
Plutarchus, Polybius, Eutropius & alij. Virdoma-
rum regem) Hunc regem vulgo male, Viridoma-
rum nominant. Propertius libr. 4. Viridomari genus
hic Rheno iactabat ab ipso. Apud Plutarc. in Marcello
legitur. τῷ γεσατῷ ὁ βασιλεὺς βριόματος, pro
βριδόματος. In Capitol. triumphis dux hostiū Vir-
dumarus nominatur. Deinde Istri) Eutropius, Mi-
nucio Rufo, P. Cornelio Cos. Istriis bellū illatum est,
quia latrocinati naues Romanorū fuerant, quæ fru-
menta exhibebant, ac multo Romanorum sanguine
fuso perdomiti sunt. Fabius Censorius.) N. Fabi-
um Buteonem ex censorijs, qui viuerent, vetustissi-
um Dictatorē factum anno DXXXVII. scribit Li-
uius libro 23. Recte ergo Sigonius hunc Fabium C.
Aurelio Cotta in Censura anni DXII. collegam de-
dit, cum illius nomen in tabulis Capitolinis inter-
cidisset.

In Caput XIII.

Anno ab V.C.DXXXIII) Hoc anno Cos. fuerunt M. Liuius, & L. Aemilius, quibus Saguntum ab Annibale expugnatum fuisse Polybius scribit libr. 3. Tu lege quæ Sigonius diligentissimè in Liuij libr. 21. annotauit. A conspectu suo abstinuit) Abstinuit, non abstulit, est in manuscriptis. Liuius li. 8. Quamquam Romano bello eum fortuna abstinuit. XX. millium equitum) XXX. millium, vulgo malè legitur. Nam in magna varietate qui plurimum, centum milia peditum, viginti equitum fuisse scribunt, auctore Liuius, quem de his rebus consule. Commisso prælio apud Ticinum) De hoc prælio Polybius, Liuius, Appianus de reb. ab Annibale gestis, Silius libr. 4. & alij. Pugnatum deinde eodem Cos.) Hinc Diaconus Eutropium interpolauit, cum ille ceteriq; scriptores paulo aliter de his rebus scripsissent. In eo tamen bello) Sauciatus Annibal fuit in oppugnatione Emporij prope Placentiam, Liuius libr. 21. Appianus de rebus Annibalis. In summo Apennino) De hac re Liuius li. 21. extremo. Magonem pæno. ducem) Magonem habent etiam libri manuscripti, cum tamen è Polybio & Liuius certum sit, non Magonem, sed Annonem à Cn. Cornelio P. Scipionis fratre captum fuisse.

In Caput XV.

Diristunc prodigijs.) Hæc prodigia sunt apud Liuium initio lib. 22. & Plutar. in Fabio. Annibal sciens Flaminium.) C. Flaminius Consul cum

Cn. Seruilio fuit anno vrbis DXXXVI. huius belli II. Castra habuit ad Aretium, Polybius & Liuius. Et quæ rigat æquora) Hemistichium Virgilianum est è lib. 7. Aeneid. Hæc pugna ad Trasimenum lacum) Apud Plutar. in Fabio mendose est, περὶ τὴν χαλεμὲν λω θρασυμίαν λίμνῳ. Polybius τὴν τρασιμὲν λω λίμνῳ vocat. Tu lege Silium lib. 5. & Valerium libro 1. XXV. millia Ro.) In pugna ad Trasimenum Romanorum millia xxv. caesa, & ceteros diffugisse scribit Eutropius: Polybius & Liuius, xv. millia caesa. & sex in Maharbalis potestatem venisse referunt. Appianus tradit, xx. millia cum Flaminio cecidisse, x. millia à Maharbale capta. De Annibalis copijs caesis scriptores quoque dissentiunt. Ut grauis. terræ motum) De hoc Liuius li. 22. & Plut. in Fabio. Fabij Maximi) De hoc Ennius, vnus homo nobis cunctando restituit rem. Cicero de Offic. & in Catone.

In Caput XVI.

Anno ab vrbe condita DXL.) Ita numerat Eutropius, quem in Cannensi clade exponenda Orosius sequitur. Alijs hic annus est DXXXVII. Quadraginta quatuor millia.) Liuius, Quadraginta millia peditum, duo millia septingenti equites caesi dicuntur. Appianus & Plutarchus scribunt in hac pugna caesa fuisse quinquaginta millia. Tres modios anulorum) Trimodia anulorum ab Annibale Carthaginem missa tradit Plinius libro 33 cap. 50. Tu vide Liuium libro 23. Annibal apud Lucianum iactat se vno die tot Romanos in-

nos interfecisse, ὥστε τοὺς δακτυλικὺς αὐτῶν μεδίμ-
 νοις ἀπομετρήσαι. Vt senatores de relinquenda
 Italia.) Hoc consilium de relinquenda Italia non
 Roma senatores sed reliquia Cannensis cladis, quæ
 Canusium perfugerant inierunt, auctore Liuiio libro
 22. Dictatorem Decimum Iunium). Hunc Di-
 ctatorem Liuius & Plutar. in Fabio M. Iunium vo-
 cant. eumq; viri docti esse putant qui Consul anno
 DXXIII. in Fastis Capitolinis sic describitur, M. IV-
 NIVS. D. F. D. N. PERA. Vel oblatos, vel publico
 pretio emp.) Indicat Orosius non idem de seruitijs
 armatis auctores tradidisse. Liuius ait Dictatorem
 octo millia ex seruitijs publicè emptamasse. Appia-
 nus de rebus Annibalis, auctor est, senatum octo mil-
 lia seruorum, dominis ultro donantibus, manumisis-
 se. Annibalis exercitum prælio fudit) Hoc præliū
 à Marcello ad Nolam commissum fuit, Liuius libro
 23. Plutarchus in Marcello. Nam triginta quin-
 que millia) Hūc numerum expressit Eutropius. Li-
 uius tantum magnam vim hominum occisam scri-
 bit. De Celtiberis Liuius in fine libri 24. Ab hospite
 suo Lucano) Flauium Lucan. hūc nominat Ap-
 pianus & Liuius libro 25. vbi historiam de Centenio
 & Fulvio etiam inuenies. Contra Philippum) De
 re gesta cum Philippo Macedonia rege Liuius libro
 23. & 24. Eutropius libro 3. De re in Sardinia con-
 tra Pœnos Sardosq; à T. Manlio gesta Liuius libro
 23. & Silius 12.

In Caput XVII.

Anno ab vrbe condita DXLIII.) M. Mar-
 cellus

cellus Consul III anno vrbis DXXXIX. in Sicilia mis-
sus Syracusas obsedit, tertioq³ anno post expugna-
uit, Polybius libro 8. Liuius 24. Plutarchus in Marcel-
lo, Cicer. in Verrem. Decimo anno post) Eutropi-
us quoque decimum huius belli annum numerat, qui
alijs est octauus. Per Sidicinum Sueffanumque)
Sueffanum nō Sinueffanum, est in manuscriptis Oro-
sii Eutropijq³ libris. Liuius libr. 26. per Sueffulam A-
lifanumq³ & Casinatem agrum via Latina ducit.
vbi Sigonius, per Sueffulanum, legit. Silius lib. 12. hoc
agro praterito de ceteris ita canit:

Tum Sidicina legunt pernicious arua manipulis,
Treiciamq³ Calen, vestras à nomine nati
Orithyia domos. hinc Alifanus Iaccho
Haud inaratus ager, nymphisq³ habitata Casini
Rura euasstantur, &c.

Trius millibus ab vrbe) Sic Liuius, Inter hæc
Annibal ad Anienem fluuiū tria millia passuum ab
vrbe castra admouit, Florus libro. 2. cap. 6. Annibalē
castra posuisse à tertio lapide, ait. Plinius libro. 15.
cap. 18. Castra punica ad tertium lapidem vallata.
Eutropius vero, Annibal vsq³ ad quartum milliari-
um vrbis accessit, qui cum consentit Appianus, qui
in libr. de rebus Annibalis scribit, ipsum XXXII.
ab vrbe stadia ad Anienem fluuium castra posuisse.
At Polybius libr. 9. ἔλαβε διαβὰς τὸν ἀννίωνα πο-
ταμὸν καὶ συνεγγίσας, ὥστε μὴ πλεῖον τετραράκον-
τα σταδίων ἀποσχὸν τῆς ῥώμης ποιήσασθαι τὴν
παρεμβολήν. Annibal inscijs Romanis Anienem
fluuium transgressus tam prope accessit, vt castra sta-
dijs XL. siue millibus passuum V. non amplius ab vrbe
fecerit.

fecerit. Vſque ad portam Collinam) Cicero Philip. 1. Annibal, credo, erat ad portas. Sed de his omnibus Liuius copioſè. Sed & conſules, Fuluiusque proconſule) Ita hic locus recte in omnibus manuſcriptis legitur, vt mirari ſatis non poſſim negligentiam eorum, qui ſecuri de hiſtoria tam multa contra libros vetuſtos corruperunt. Conſules erant Cn. Fuluius Cētumalus & P. Sulpicius Galba. At Q. Fuluius Flaccus, qui ſuperiore anno Conſul fuerat, & iā proconſule Capuam cū Appio obſidebat, inde accitus in inter Esquilinam Collinamq; portam caſtra habebat, L. & alij omnes. Liuij verba ſunt, Nec Flaccus cōſulesq; certamē detrectauere. A fratre Aſdrubale) Ita legendum, non, Aſdrubalis. Aſdrubal Barchinus Annibalis frater p. Scipionem cum exercitu deleuit, ac vndetrigeſimo die poſt coniunctis copijs cum Magone & altero Aſdrubale Giſconis F. Cn. Scipionem oppreſſit, Liuius li. 25. Appianus de rebus Hiſpanicis. Silius li. 13. Valerius li. 3. ca. 7. Eutropius li. 3. Cicero pro Balbo, Cum duo fulmina noſtri imperij ſubito in Hiſpania Cn. & P. Scipiones extincti occidiſſent. Principes Campanorum) Septē & viginti ferme Senatores fuiſſe Liuius ait li. 26. in quo hiſtoria de Capua explicatur. Stetiſſe Capuam ante quā a Ro- manis caperetur annis circiter CCLX. M. Cato auctor eſt. Sed hoc tempore capta in formam præſectura fuit redacta, Velleius li. 2. Lege Ciceronē contra Rullū. Scipio admodum adoleſcens) Natus erat Scipio annos fere quatuor & viginti, Liu. li. 26. App. de reb. Hiſpanicis, Valerius li. 3. ca. 9. Eſt autē hic P. Cornelius Scipio, qui poſtea Africanus fuit appellatus.

In Caput XVIII.

Scipio annos natus XXIII) De hac ætate Scipionis iam diximus. At in epitoma Polybii lib. 10. sic legimus, ἔτος γρ ἑβδομον ἔχον πρὸς τοῖς εἴκοσι πρῶτον μὲν ὑπὲρ πρᾶξις αὐτὸν ἔδωκε τελέως παρὰ τοῖς πολλοῖς ἀπληπισμένας. id est, Annos natus XXVII. eas res aggressus est, quas vulgo omnes prorsus desperabant. ac deinde multis verbis exponit, quomodo Carthago noua ab eo fuerit capta. quod Linius eum secutus facit sub finem lib. 26. Idem est apud Appianum de reb. Hispanicis, & Silium libro 15. Læuinus Cos. ex Maced.) Quæ Orosius hic de rebus à M. Valerio Læuino Consule in Sicilia gestis scribit, ea ab Eutropio sumpsit. Linius Agrigentum non expugnatum, sed proditione captum scribit Idem Annonem non à Læuino captum, sed per auersam portam fuga elapsum in Africam traiecisse ait. Cn. Fuluium procos.) Fuluius ab Annibale ad Herdoneam cæsus fuit, Linius initio libro 27. & Appian. de rebus Annibalis. Vndecim tribunos militum cum Fuluiο cecidisse etiam Plutarchus in Marcello tradit, cum in Liuiο sint XII. Verum Sigonius id rectè: nos hic, XVII. millia militum interfecta, non sex, vt vulgo legitur, scripsimus primum, quia ita est in omnibus scriptis libris, deinde quia non est simile veri, Orosium, qui id sibi studio habuit, vt calamitates augeat, hic numerum ab alijs traditum minuere voluisse. Linius ait alibi millia XIII. alibi haud plus quàm VII. cæsa inueniri. Appianus & Eutropius VIII. millia cecidisse

cecidisse referunt, Plutarchus ὁ στρατιῶς τὸ πλεῖστον.
 Marcellus Consul) Hæc Liuius libro 27. & Plutar-
 chus in Marcello Fabius Maximus Consul) Q.
 Fabius Maximus Consul V. Tarentum per proditio-
 nem recepit, vt scribit Liuius libro 27. Plutarchus in
 Fabio, Appianus de rebus Annibalis, quos auctores
 etiam de Marcelli cade lege. Scipio in Hispania)
 De hac re extat fragmentum Polybij ex libro 8. vu-
 de Liuius sumpsit. Consule quoque Appianum in His-
 panicis. Claudio Nerone & M. Liuius) Con-
 sules bi fuerunt anno vrbis D X L V I. Anniba-
 lisque fratrem Asdrubalem cum magnis copijs op-
 presserunt, quod scribit Polybius libro 11. Liuius
 27. Appianus de rebus Annibalis, Silius libro 15.
 Suetonius in Tiberio. Florus, Eutropius & alij.
 Quos à volitando Velites) Festus, Velites di-
 cuntur expediti milites, quasi volites, id est, vo-
 lantes. Et Sena piceni) Vulgo. Cesena, corru-
 ptè legitur. Apud Senam pugnatum Liuius, Appia-
 nus, Eutropius, auctor de viris illustrib. & Silius scri-
 bunt. Hinc Cicero in Bruto hoc prælium Senense vo-
 cat, in quo Salinator ludos iuuentatis vouit. Nam
 LVIII. millia) Hic numerus est in nostris ma-
 nuscriptis. eundem Eutropio Diaconis ex Orosio in-
 seruit. Sed in Liuij libris est, LVI. millia hostium oc-
 cisa, capta quinque millia & CCCC. Polybius lon-
 ge minorem numerum edit. nam Carthaginensium
 & Gallorum circiter X. millia, Romanorum ad duo
 millia cæsa scribit. Anno XIII. quàm in Italiâ ve.)
 Sic in additionibus quoque Diaconi in Eutropium
 legitur. Interea Scipio) De his rebus Liuius lib. 28.
 & Appia-

& Appianus in Hispanicis. Extat quoque fragmentum Polybii ex li. 11. quod cum Liuianis collatum magnam vtilitatem studiosis afferet. Consul cum Licinio) P. Cornelius Scipio & P. Licinius Crassus Diues Coss. fuerunt anno ab vrbe condita DXLIII. quo anno Scipio Siciliam prouinciam obtinuit, & sequenti in Africam traiecit, Liuius lib. 29. Appianus in Lybico Eutropius li. 3. quorum scriptis inter se collatis, cognosces, quod Liuius quoq³ fatetur, nō in omnib. auctores conuenire. Romam refugit) P. Sempronius ab Annibale victum in agro Crotoniensi in castra rediisse, ac deinde accersito Licinio Crasso feliciter dimicasse, Liuius libro nono extremo scribit. Aggressus hiberna Pœnorum) Hæc historia extat in Polybii fragmentis libro 14. apud Liuium initio libro 30. & Appianum in Lybico. In vtrisque castris XL. millia.) Hunc numerum edit Liuius: Appianus ita, ἀπέθανον ὃ τῶν ἐχθρῶν ὀλίγω δειόντες περισμύριοι, καὶ ἀρχιμύρωτοι ἐγένοντο δισχιλίοι καὶ τετρακόςιοι. id est, cæsa sunt hostium millia fere xxx. capta duo millia & cccc. Itaque Syphax & Asdrubal) Hæc omnia Liuius & Appianus copiose, quos lege.

In Caput XIX.

Flens reliquit Italiam) Sic Eutropius: Liuius cum vix lachrymis temperasse ait. Omnibus Italiæ genere) Hæc de re Appianus in fine libri de rebus Annibalis. Sepulchrum dirutum se prospexisse) Liuius, Cum dixisset, sepulchrum dirutum proram spectare, abominatus, præteruehi iussu gubernatore.

bernatore, ad Leptim appulit classem. Carthaginē venit) Non ad urbem accessit, sed Zamam quae iter dierum quinque abest à Carthagine, Liuius libro 30. Polyb. 15. ubi de colloquio ducū plura. Carthaginien sium interf. XX. millia D.) Sic Appianus, ἀπέθανον τῶν πολεμίων δισμύριοι καὶ πενταχίλιοι. Polybius & Liuius scribunt Carthaginien sium casa supra millia viginti. De Annibalis fuga eosdem auctores lege, sicut & de pace eiusq; conditionibus. Terentius qui postea Comicus) Quod Orosius hic de Terentio Comico, id Liuius lib. 30. & 38. de Q. Terentio Culleone Senatore Romano, quem Scipio inter captiuos recepit, scriptū reliquit. Fenestella quoque eos refutauit, qui Terentium captum ex Africa Romam perductum scripserant.

In Caput XX.

Anno ab vrbe condita DXLV.) In Fastis Capitolinis hic annus est ab vrbe condita DLII. Bellum autem primum Macedonicum, quod hoc anno Romani susceperunt, etiam Philippicum à rege qui cum gestum est, nominatur. de quo Liuius libro 31. & deinceps, Florus libro 2. cap. 7. Eutropius 4. Quod Quinctius Flamininus) T. QVINCTIVS T. F. L. N. FLAMININVS. Consul in Fastis Capitolinis inuenitur anno DLV. Is sortitus Macedoniā aduersus Philippum in faucibus Epiri prospere pugnauit: annoque insequenti victo ei pacem dedit, Polybius libro 17. Liuius 32. & 33. Plutarchus in Flaminio. Quinctij cognomen Flamininus in Cornelij Gualteri libro recte scribitur, cū in alijs, & vulgo

& vulgo passim male scribatur. De Nabide præter
 Liuium & Plutarchum Pausanias libro 4. Iu-
 stinus 30. & 31. Eodem tempore Insubres) Hac
 res contra Gallos à L. Furio Purpureone Pratore
 gesta est, P. Sulpicio Galba, C. Aurelio Cotta Cos.
 anno vrbis D L I I I. Liuius libro 30. Victi Ma-
 cedones) Prælium intelligit, quo Philippus rex
 Macedonum ad Cynoscephalas victus est à T. Quin-
 ctio. Quod à Liuius expositum fuit initio libr. 33. sed
 cum ibi non sine iactura historiae interciderit, in Po-
 lybii fragmentis libro 17 singulari beneficio conser-
 uatum est. vbi quod à Polybio scriptum Orofius refert,
 sic legitur, τῶν ἡμακεδονων ἀπέθανον μὲν οἱ πάντες
 εἰς ὀκτακισχιλίους. ζῶντες δ' ἐάλωσαν οὐκ ἐλάτ-
 τους πεντακισχιλίων. Idem numerus caesorum est a-
 pud Plutarchum. Igitur Sempronius) C. Sempro-
 nius Tuditanus prætor in citeriore Hispania prælio
 victus ex graui vulnere haud ita multo post expira-
 uit, Liuius libro 33. Appianus in Hispanicis Sem-
 pronium Tudertinum appellat. Consul Marcellus)
 M. Claudius Marcellus, & L. Furius Purpureo
 Consules fuerunt anno D L V I I. in eoque magi-
 stratu rem in Etruria gesserunt, Liuius libro 33.
 Antiochus rex Syriæ) De hoc & Annibalæ tran-
 situ ad ipsum Liuius, Appianus de rebus Annibalæ,
 & in Syriacis, Iustin. libro 31. Lex quæ ab oppi-
 do) Contentiones de lege Oppia ortas commemorat
 Liuius initio libro 34. Lata fuit anno ab vrbe condita
 DXL. abrogata DLVIII. X. millia Gallorum cæ-
 sa) Hanc victoriam de Gallis reportauit L. Valeri-
 us Flaccus procos. Alterum prælium, in quo Roma-
 norum

norum non incrementa victoria fuit, commissum est
 à Ti. Sempronio Cos. Liuius libro 34. P. Digitius)
 In Gualteri libro Digitius prænomen nullum habet.
 Liuius initio libri 35. Sex. Digitium nominat. vbi cæ-
 tera, quæ hic breuiter Orosius, ordine commemoran-
 tur. Africanus inter cæteros leg.) De hac lega-
 tione Liuius, & Appianus in Syriaca. qui narrant,
 Africani sermonem cum Annibale habitum de sum-
 mo Imperatore. Vnde Lucia. argumentū sumpsit Di-
 alogi. qui de hac re ἐν τοῖς περὶ τοῦ ἀννίβου
 legitur. P. Cornelio Scipion. M. Acilio) Hi consules fuerunt an-
 no vrbis DLXI. Acilius in Capitolinis tabulis præno-
 men M. habet, quo Manius significatur. Plutarchus
 quoque hunc in Flaminio μάκιον ἀχιλίου, Appianus
 in Syriaca, ἀχιλίου μάκιον γλαβρίωνα vocant. qui de
 re gesta cum Antiocho sunt legendi cum Liuiο lib. 36.
 Iust. Floro, Eutropio & alijs. Is habuisse fertur ar-
 mat. LX. millia) Hunc numerū, Liuiο auctore, Va-
 lerius Antias edidit. Appianus vero scribit ex Antiochi
 casos aut captos circiter X. millia. In quo prælio
 XX. millia hostium) Duodetriginta millia hostiū
 caesa Antias Valerius scribit, capta tria millia &
 CCCC. signa militaria CXXIII. equos MCC. car-
 pentia CCXLVII. Liuius. Sequenti anno) Bel-
 lum Anthiochinum confecit Africani frater L. Sci-
 pio, inde Asiaticus appellatus. Liuius libro 37. Appia-
 nus in Syriaca, Florus, Iustinus & alijs. Filiumque
 Africani) Appianus errore ductus putauit hunc esse
 Paulli Aemilij filium, qui in Scipionum familiā ado-
 ptatus, African⁹ minor dictus fuit: sed ille nō ab Afri-
 cano superiore, sed eius filio adoptatus fuit, Cicero
 & alijs.

Plut. alijs.

Id. • Plut. alijs.
alijs. • Plut. alijs.

& alij. L. Aemilius procos.) L. Aemilius Paulus Prator Scipione & Glabrione Cos. Hispaniam vltiorem sortitus fuit, eamq; imperio consulari obtinuit procos. Liuius libro 36. Plutarchus in Aemilio. Anno autem sequenti victus à Lusitanis sex millia de exercitu suo amisit, Liuius libro 37. Interiisse ipsum Orosius parum consideratè scribit. De Babio occiso à Liguribus, Liuius extremo libro 37. Fuluius Cos. de Græcia) Anno ab vrbe condita DLXIIII. M. Fuluius Nobilior consul fuit cum Cn. Manlio Vulsone. atque ab hoc, non à Fulvio bellum in Gallogracia gestum scribit Liuius 38. Florus libro 2. capite 11. Appianus in Syriaca. De Gallogracia Liuius, & Iustinus libro 25. Marcius Cos. aduersus Lig.) Q. Marcius Philippus Consul cum Sp. Postumio Albino anno DLXVII. profectus aduersus Ligures magnam cladem accepit, Liuius libro 39. Qui legatos populi R. interf.) Philippus non legatos R. interfecit, sed Maronitas, quibus libertatem restituendam Senatus censuerat, crudeliter trucidauit, Liuius libro 39. De Demetrio interfecto idem libro 40. & Plutarchus in Aemilio Paulo. Apud Litternum) De Africani morte lege Liuium libro 39. Vbi etiam Annibalis & philopæmenis interitum scribit, quemadmodum Plutarchus in Flaminio & Philopæmene, Iustinus lib. 32. Q. Fuluius Flaccus) Hic Babio & Aemilio Cos. prator sortitus Hispaniam citeriorem anno insequenti Celtiberos vicit, Liuius li. 40. Appianus in Hispanicis rem gestā scribit à Fulvio Consule, si modo Beraldus recte vertit: nam græcum librum ab

Henrico Steph. editum nondum vidi. Ti. Sempronius Gracc.) Gracchus Fulvio in Hispania successit auctore Appiano. Vide Epitomam 41. Lepido & Mucio Coss.) M. Aemilius Lepidus, & P. Mucius Scaevola Consules fuerunt anno ab vrbe cōdita DLXXVIII. Macedonicū bellum) Secundum bellum Macedonicum exponit Liuius libro 41. & quatuor sequentibus. De eodem Plutarchus in Aemilio Paulo, Florus libro 2. cap. 12. Eutropius lib. 4. De auxilijs vtriusque partis Liuius libro 42. Commissoque praelio miserab. victi) De hoc praelio Liuius lib. 42. & Plutar. in Apophtheg. ita, πόπλιος λικίνιος ὑπατὸς στρατηγὸς ἡτληθεὶς ὑπὸ περσέως τῷ μακεδόνων βασιλέως ἰωῶτα μαχίᾳ, δισχιλίῃς ὀκτακοσίῃς ἀπέβαλε, τὸ μὲν πεισόντας, τὸ δὲ ᾗλόντας id est, P. Licinius Coss. Imperator victus à Perseo Macedonum rege duo milia DCCC. amisit, quorum alij ceciderunt, alij capti sunt. Sulcanum oppidum) Sulcanum, est in Gualtheri libro, Liuius li. 43. scribit Vscanam à Perseo captam, ibiqz, praesidium Romanum in illius potestate venisse. Nam XX. millia ped.) Cesa, inquit Liuius libr. 44. ad XX. millia hominum sunt. Plutarchus, λέγονται ὑπὲρ δισμυρίου πενταχισχιλίου ἀποθανεῖν. Cesa referuntur millia XXV. amplius. Apud Albam in custodia) Perseus primum Albam in custodiam datus, postea Aemilij Paulli sententia exemptus è carcere, cum decem annos miseram vitam egisset, mortuus fuit, auctore Diodoro Siculo lib. 31.

Velleius scribit Perseum quadriennio
post in libera custodia Alba
decessisse.

In Caput XXI.

Anno ab V.C.DC) Alijs hic annus est DCII. Orosii locum hunc Diaconus Eutropij historia inseruit. P. Scipio) De hac Scipionis Aemiliani militia lege Epitomam Liuianam li 48. Nam & barbarū pro-uocantem) Hoc in obsidione Intercatiæ oppidi factum scribit Appianus in Hispanicis , & auctor de viris illustrib In Epitoma Liuiana vulgo male, captæ urbis, & in vetustis, intercepta, legitur, pro, Intercatiæ. Ser autem Galba) Hic est Ser. Sulpicius Galba, de quo Appianus & Suetonius in Galba. Sergius Galba hic antea mendose legebatur. Eodem tempore Cens.) De hac re lege Epitomam 48. Igitur in Hispania Ser. Galba) Hanc rem à Lucullo gestam scribit Appianus: sed cum Orosio facit Cicero in Bruto, Suetonius in Galba, & Valerius Max. lib 9. cap. 6.

In Caput XXII.

Tertium punicum bellum) Hoc bellum exponitur in Epitoma Liuiana lib. 49. 50. 51. Scribitur ab Appiano in Libyca, à Plutarcho in Catone. ab Eutropio lib. 4. à Floro lib. 2. cap. 15. Maioris Africani castra) Castra Corneliana intelligit, de quibus Casar lib. 2. Comment. de bello ciuili, & Lucanus lib. 4. X. millia passuum) LXXX. stadia habet Appianus, quod huic numero respondet. Viginti millia) In vetustis nostris est, XXII. millia Appianus in Libyca situm Carthaginis accuratè descripsit. qui in primis legendus de rebus tertio bello Punico gestis. Censorinus in urbem redijt) Appianus, Κηρωσῖνος ἐς Ῥώμην ἔχεται

ἔχρητο ἀρχαῖς τοῖς ἰσθμοῖς, Cenforinus Romam ad co-
 mitia habenda profectus est. Massaniæ nepos) δου-
 γατριδὲς μαρτυροῦντος, Appianus. Iuuentius præ-
 tor) In Epitoma Liuiana est M. Iuuentius, quem Eu-
 tropius P. Iuuentium vocat. atque illi hoc tertium bel-
 lum Macedonicum scribunt, sicut & Florus li. 2. ca. 14.

In Caput XXIII.

Cothonem ingreditur) Quomodo Cothonem
 portum Scipio occupauerit, scribit Appianus in Liby-
 ca. Nam fuisse mulierum XXV. millia) Appianus,
 καὶ ἔκτισαν αὐτὴν μισθῶδες πέντε ἀνδρῶν ἑκά-
 γωνων, id est, Exierunt confestim L. millia viro-
 rum & mulierum. Vxor Asdrubalis) De huius mor-
 te, & conuictis in virum suum proditorem lege Appi-
 anum & Florum. Valerius li. 3. ca. 2. eam secum tri-
 bus filiis incendio flagrantis patriæ obieciisse scribit.
 Cum alij propter perpetuam securitatem)

Huius sententia auctor & princeps erat

M. Cato, contraria Nasica,

Liuius lib. 49 Plutar.

in Catone ma-

iore.

PAVLI OROSII
ADVERSUS PAGA-
NOS HISTORIARVM
LIBER QVINTVS.

*Romanorum per aliorum clades felicitatem plus
damni quàm commodi secum traxisse, Item sua
tempora prioribus potiora.*

CAPVT I.

SCio aliquantos post hæc de-
inceps pmoueri posse, quòd
victoriæ Romanę multarum
gentium & ciuitatum strage
crebrescunt: quanquam si di-
ligenter attendant, plus damni inuenient
accidisse, quam còmodi. neque enim par-
uipendenda sunt tot bella seruilia, socia-
lia, ciuilia, fugitiuorum, nullorum vtique
fructuum, & magnarum tamen miseria-
rum. Sed conniueo, vt quemadmodũ vo-
lunt, ita fuisse videatur, vnde arbitror es-
se dicturos: Ecquid his temporibus beati-
us, quibus continui triumphi, celebres vi-
ctoriæ, diuites prædæ, nobiles pompæ,
magni ante currum reges, & longo ordi-
ne victæ gentes agebantur? Quibus breui-
ter rel-

respondebitur, & ipsos de temporibus
lere causari, & nos pro iisdem tempo-
bus instituisse sermonem: quæ tempora
non vni tantum vrbi attributa, sed orbi v-
uerso constat esse cõmunia. Ecce quàm
eliciter Roma vincit, tam infœliciter
aliquid extra Romã est, vincitur. Quan-
tigitur pendenda est gutta hæc labo-
ris fœlicitatis, cui ascribitur vnus
orbis beatitudo in tanta mole infœlicita-
tis, per quam agitur totius orbis euersio?
ut si ideo felicia putantur, quia vnus ci-
uitatis opes auctæ sunt, cur non potius
infœlicissima iudicentur, quibus misera-
ri vastatione multarum ac bene institu-
um gentium potentissima regna ceci-
derunt? An forte aliud tunc Carthagini
debatur, cum post annos CXX, quibus
multo bellorum clades, modo pacis con-
ditiones perhorrescens, nunc rebeli in-
stitutione, nunc supplicijs belli pacẽ, nunc
se mutabat bella, nouissimè miseris ci-
uitus passim se in ignem vltima despera-
ne iacentibus, vnus rogos tota ciuitas
consumitur? cui etiam nunc situ parua, mœnibus
circumscripta, pars miseriarũ est, audire quid
erit. Edat Hispania sententiam suam,
non per annos ducentos vbiq; agros suos

sanguine suo rigabat, importunumq; hostem ultro ossiatim inquietantem, nec repellere poterat, nec sustinere: cum se, suis diuersis vrbibus ac locis fracti, cæde bellorū, obsidionum fame exinaniti, interfectis coniugibus ac liberis suis, ob remedia miseriarum concursu misero ac mutua cæde iugulabant. Quid tunc de suis temporibus sentiebat, ipsa postremo dicat Italia? cur per annos quadringētos Romanis utique suis contradixit, obstitit, repugnauit, si eorum fœlicitas, sua infœlicitas non erat, Romanosq; fieri rerū dominos, bonis communibus non obstabat? Non requiro de innumeris diuersarum gentium populis, diu antea liberis, tunc bello victis, patria abductis, pretio venditis, seruitute dispersis, quid tunc sibi maluerint, quid de Romanis opinati sint, quid de temporibus iudicarint. Omitto de regibus magnarum opum, magnarum virium, magnæ gloriæ, diu potentissimis, aliquando captis, seruiliter catenatis, subiugum missis, ante currum actis, in carcere trucidatis: quorum tam stultum est exquirere sententiam, quàm durum non dolere miseriam. Nos, nos inquam ipsos, vitæque nostræ electionem, cui acquieuius, consulamus.

alamus. Maiores nostri bella gesserunt,
bellis fatigati, pacem petentes, tributa ob-
ulerunt. Tributum, pretium pacis est.
Nos tributa dependimus, ne bella patia-
mur: ac per hoc in portu, ad quem illi tan-
tem pro euadendis malorum tempesta-
bus confugerunt, nos consistimus &
manemus. Igitur nostra tempora vide-
mus, vtrum scēlicia? certe scēliciora
illis ducimus. quia quod illi vltimo dele-
erunt, nos continue possidemus. Inqui-
tudo enim bellorum, qua illi attriti sunt,
nobis ignota est. In otio autem, quod illi
post imperium Cæsaris, natiuitatemque
Christi tenuerunt, nos nasci-
mur & senescimus: quod illis erat debita
defensio seruitutis, nobis est libera collatio
defensionis: tantumque interest inter præ-
rita præsentiaque tempora, vt quod Ro-
ma in vsum luxuriæ suæ ferro extorque-
bat à nostris, nunc in vsum cōmunis rei-
publicæ conferat ipsa nobiscū. Aut si ab
quo dicitur, tolerabiliore parentibus
nostris Romanos hostes fuisse, quàm no-
bis Gothos esse: audiat & intelligat, quan-
to aliter, quàm circa seipsum agitur, sibi
videatur. Olim cum bellatoto orbe
ruebant, quæque prouincia suis regibus,
Z 4 suis

suis legibus, suisque moribus utebatur:
 nec erat societas affectionū, vbi disside-
 bat diuersitas potestatum. Postremo solu-
 tas & barbatae gentes quis tandē ad socie-
 tatē adduceret, quas diuersis sacrorū riti-
 bus institutas, etiā religio separabat? Si
 quis igitur tūc acerbitate malorū victus,
 patriā cū hoste deseruit, quē tandem igno-
 tū locū ignotus adiit? Quam gētem gene-
 raliter hostē hostis orauit? Cui se cōgres-
 su primo credidit, non societate nominis
 inuitatus, non communione iuris addu-
 ctus, nō religionis vnitāte securus? An pa-
 rū exempli dederunt Busris in Aegypto
 peregrinorum infelicitate incurrentium
 impijssimus immolator, crudelissima cir-
 ca aduenas Dianæ Tauricæ litatura, seu
 magis crudelia sacra, Thracia cū Polym-
 nestore suo vsque ad propinquos hospi-
 tes scelerata? Et ne antiquitatibus videar
 immorari, testis est Roma de Pompeio
 interfecto, testis Aegyptus de interfecto-
 re Ptolemæo.

*Orosio, utpote Christiano homini, vbiq; patriā, &
 quoniam securus accessus.*

CAPVT II.

Mihi autem prima qualiscunque mo-
 tus perturbatione fugienti, quia
 de con-

de confugiendi statione securo, vbiq; patria, vbi que lex & religio mea est: nunc me Africa tam libenter excepit, quàm confidenter accessi: nunc me, inquam, ista Africa excepit pace simplici, sinu proprio, iure communi: de qua aliquando dictum, & vere dictum est, Hospitio prohibemur arenæ, Bella cient, primæque vetant consistere terra: nunc vltro ad suscipiendos socios religionis & pacis suæ, beneuolum late gremium pandit, atque vltro fessos, quos foueat, inuitat. Latitudo orientis, septentrionis copiositas, meridiana diffusio, magnarum insularum largissimæ tutissimæque sedes, mei iuris & nominis sunt: quia ad Christianos & Romanos, Romanus & Christianus accedo. Non timeo deos hospitis mei, non timeo religionem eius nece mea, non habeo talem quæ pertimescam locum, vbi & possessori liceat perpetrare quod velit, & peregrino non liceat adhibere quod conuenit: vbi sit ius hospitis, quod meum non sit. Vnus deus, qui temporibus, quibus ipse innotescere voluit, hanc regni statuit vnitatem, ab omnibus & diligitur & timetur. Ex deë leges, quæ vni deo subiectæ sunt, vbi que dominantur: vbiunque ignotus accessero,

Virgil. 12.
Aeneid.

cesserò, repentinam vim tanquam destitutus non pertimesco. Inter Romanos, ut dixi, Romanus, inter Christianos Christianus, inter homines homo, legibus imploro rempub. religione conscientiam, communioni naturam. Vtò temporarie omni terra quasi patria: quia quæ vera est, & illa, quæ amo patriam in terra penitus non est. Nihil perdididi, ubi nihil amaui: totumq; habeo, quando quem diligo, mecum est: maxime quia & apud omnes idem est, qui me non modo notum omnibus, verum & proximum facit: nec egentem deserit, quia ipsius est terra & plenitudo eius, ex qua omnibus omnia iussit esse communia. Hæc sunt nostrorum temporum bona, quæ in totum vel in tranquillitate præsentium, vel in spe futurorum, vel in per-
fugio communi non habuere maiores: ac per hoc incessabilia bella gesserunt, quia mutandarum sedium communiōe non libera, persistendo in sedibus suis, aut infelicitèr necati sunt, aut turpiter serui-
erunt. Quod clarius promptiusq; ipsis veterum gestis per ordinem explicitis, aperietur.

De bello Achaico, & Corinthi euerfione.

CAPVT III.

Anno

ANno ab vrbe condita sexcentesimo-
sexto, hoc est, eodem anno, quo &
Carthago deleta est, Cn. Cornelio Len-
tulo, L. Mummiocoſs. ruinam Carthagi-
nis euerſio Corinthi ſubſecuta eſt, dua-
rumque potentiffimarum urbium i aere
vnius temporis intervallo per dverſas
mundi partes miſerabile colluxit incēdi-
um. Nam cum Metellus prætor Achæos
Bœotioſque coniunctos duobus bellis,
hoc eſt, primo apud Thermopylas, iterū
in Phocæis deviciſſet: quorū priore bello
occifa eſſe viginti millia, ſecundo ſeptem
millia cæſa, Claudius hiſtoricus refert.
Valerius Antias in Achaia pugnatum, &
viginti millia Achæorum cum duce ſuo
Dixō, cecidiſſe confirmat. Polybius A-
chiuus, quamvis tunc in Africa cum Sci-
pione fuerit, tamen quia domeſticam cla-
dem ignorare nō potuit, ſemel in Achaia
pugnatum Critolao duce aſſerit. Dixum
vero adducentem ex Arcadia milites ab
eodem Metello prætore oppreſſum cum
exercitu docet. Sed de varietate diſcor-
dantiū hiſtoricorum aliquanta iam dixi-
mus, quorum ſufficiat detecta hæc & ma-
le nota mendaciorum nota: quia parū cre-
dendum eſſe in cæteris euidenter oſten-
dunt,

dunt, qui in his quoque quæ ipsi vidēre,
diuersi sunt. Igitur post extincta totius
Achaiaē præsidia, destitutarum vrbiū
euerſionem Metello prætorē meditante,
consul Mummius repentinus cum paucis
venit in castra: qui dimisso statim Metello
Corinthum sine mora expugnauit, urbem
toto tunc orbe longe omnium opulētis-
simam: quippe quæ velut officina omnium
artificum atque artificiorum, & empori-
um commune Asiae atque Europæ per
multa retro sæcula fuit. Permissa crudeli-
ter etiam captiuis prædandilicentia, sic
omnia cædibus ignibusq; completa sunt,
vt de murorum ambitu quasi è camino in
vnum apicem coartatum exundaret incen-
dium. Itaque plurima parte populi ferro
flammisq; consumpta, reliqua sub coro-
na vendita est. Vrbe incensa, muri fundi-
tus diruti sunt. Muralis lapis in puluerem
reductus, præda ingens erepta est. Sanè cū
propter multitudinem & varietatem sta-
tuarum simulachrorumq; in illo ciuita-
tis incēdio permixta in vnum auri argen-
tiq; atque æris omniaq; simul metalla
fluxissent, nouum genus metalli factum
est: vnde vsq; in hodiernum diem, siue
ex ipso, siue ex imitatione eius, æs Corin-
thium,

thium, sicut memoriæ traditum est, & Corinthia vasa dicuntur.

De bello in Hispania cum Viriatho, deq³ Lusitanorum, & Salassorum Gallorum cruento conflictu, & ingenti Roma pestilentia, alijsq³ bellis Romanorum cum Numantinis, item Mithridatis.

CAPVT IIII.

Iisdem consulibus, Viriathus in Hispania genere Lusitatus, homo pastoralis & latro, primū infestando vias, deinde vastando prouincias, postremo exercitus prætorū & consulum Romanorū vincendo, fugando, subigendo, maximo terrori Romanis omnibus fuit: siquidē Iberū & Tāgū maxima & diuersissimorum locorū flumina late transgrediēti & peruaganti C. Metulius prætor occurrit: qui continuo æso vsque ad internecionem penè omni exercitu suo, vix ipse prætor cum paucis uigilans, euasit. Deinde C. Plautium prætorem idem Viriathus multis prælijs tractum fugauit. Pòst etiā Claudius Vnicanus cum magno instructu belli contra Viriathum missus, quasi pro abolenda superiore macula, turpiorem ipse auxit infamiam. Nam cōgressus cum Viriatho, diuersas, quas secum deduxerat, copias, maxi-

maximalque vires Romani exercitus amisit. Viriathus trabeas, fasces, cæteraque insignia Romana in môtibus suis trophæa præfixit. Eodem tempore recenti Lusitanicum mille Romanis in quodam saltu contraxere pugnam, in qua septuaginta Lusitanos, Romanos autem trecentos viginti cecidisse Claudius refert. & cum victores Lusitani parsi ac securi abirent, vnus ex ijs longe à cæteris legregatus, cum à circumfufis equitibus pedestris ipse deprehensus, vnus eorum equo lancea perfosso, ipsius equitis ad vnum gladij ictum caput deiecisset, ita omnes metu perculit, vt prospectantibus cunctis, ipse contemptim atque otiosus abscederet.

Ap. Claudio, Q Cæcilio Metello consulibus, Ap. Claudius aduersus Salaslos Gallos congressus, & victus, * decem millia militû perdidit. Réparata pugna, quinque millia hostium occidit Sed cum iuxta legem, qua constitutum erat, vt quisquis quinque millia hostium peremisset, triumphandi haberet potestatem, iste quoque triumphum expetisset, propter damna vero superiora non impetravisset, infami impudentia atque ambitione vltus,

ne vsus, priuatis sumptibus triumphauit.
L. Gæcilio Metello. Q. Fabio Maximo
Seruiliano consulibus, inter cætera prodigia androgynus Romæ visus, iussu aruspicum in mare merlusus est: sed nihil impiæ expiationis procuratio profecit. Nā tanta subito pestilentia exorta est, vt ministri quoque faciendorum funerum primū non sufficerent, deinde non essent. Itaque etiam magnæ domus vacuæ viuīs, plenæ mortuis remanserunt. Largissimæ introrum hæreditates, & nulli penitus hæredes. Denique iam non solum in vrbe viuendi, sed etiam appropinquandi ad urbē negabatur facultas, tam læui per totam urbem tabescentium subtectis, atque in stratis suis cadauerum putores exhalabantur. Expiatio illa crudelis, & viam mortibus hominum morte hominis instruens, tandem Romanis inter miseras suas erubescens, quàm misera & vana esset, innotuit. Antè enim in suffragium præueniendæ cladis est habita, & sic pestilentia consecuta est: quæ tamen sine vllis sacrificiorum satisfactionibus, tantummodo secundum mensuram arcani iudicij expleta correptione, sedata est. Quam artifices illi circunventionem aruspices,

pices, sub ipsa (vt assolent) declinatione morborum forte celebrassent, proculdubio sibi dijs & ritibus suis reductæ sanitatis gloriam vindicassent. Ita miseria & ad sacrilegia male religiosa ciuitas, mendacis, quibus liberari non poterat, ludebatur. Igitur Fabius consul contra Lusitanos & Viriathum dimicans, Bacciam oppidum, quod Viriathus obsidebat, depulsis hostibus liberauit, & in deditiōem cum plurimis alijs castellis recepit. Fecit facinus etiam vltimis barbaris Scythiæ, non dicam Romanæ fidei & moderationi, execrabile. Quingentis enim principibus eorum, quos societate inuitatos, deditiōis iure susceperat, manus præcidit. Pompeius sequentis anni consul, fines Numatinorum ingressus, accepta maxima clade discessit, non solum exercitu penè omni profligato, verum etiam plurimis nobilium, qui ei militiæ aderant, interemptis. Viriathus autem cum per quatuordecim annos Romanos duces atque exercitus protriuisset, insidijs suorum interfectus est: in hoc solo Romanis circa eum fortiter agentibus, quod percussores eius indignos præmio iudicarunt. At ego non modo nunc, verum etiam sæpe intertexere orientis illa
inex-

inextricabilia bella poteram, quæ raro vnquam nisi sceleribus aut incipiunt, aut terminantur: sed Romanorum, cum quibus nobis actio est, tanta sunt, vt iure fastidiantur aliena.

Mithridates tunc siquidem rex Parthorum, sextus ab Arsace, victo Demetrio præfecto, Babyloniam urbem finesque eius vniuersos victor inuasit. Omnes præterea gentes, quæ inter Hydaspem fluiuium & Indum iacent, subegit. Ad Indiam quoque cruentum extendit imperium, Demetrium ipsum sibi secundo bello occurrentem, vicit & cepit: quo capto, Diodotus quidam cum Alexandro filio, regnum eius, & regium nomen vsurpauit: quia postea ipsum Alexandrum filium, quæ participem periculi in peruadendo regno habuerat, ne in obtinendo consortem haberet, occidit.

M. Aemilio Lepido, C. Hostilio Mancino cons. prodigia apparuere diuersa, & quantum in ipsis fuit, ex more curata sunt: sed non semper aucupatoribus euentuum & structoribus fallaciarum aruspici- bus, opportuni casus suffragantur. Nanque Mancinus consul postquam à Popillio a- pud Numantiam suscepit exercitum, ad-

cò infœliciter prælia cuncta gelsit, atque in id suprema desperatione perductus est, vt turpissimum fœdus cum Numantinis facere cogeretur: quamuis & Pompeius iam aliud eque infame fœdus cum iisdem Numantinis paulo antè pepigisset. Senatus dissolui fœdus, & Mancinum dedi Numantinis præcepit. qui nudato corpore, manibus post tergum reuinctis, ante portas Numantinorum expositus, ibique vsque in noctem manens, à suis desertus, ab hostibus autè non susceptus, lachrymabile vtriusque spectaculum præbuit.

Quàm iniuste Romani Mancinum Numantinis dediderint. De Bruti in Gallacos strage, Lepidi & Vaccaei clade.

CAPVT V.

EXclamare hoc loco dolor exigit. Cur falso vobis Romani magna illa nomina iustitiæ, fidei, fortitudinis & misericordiæ vindicatis? A Numantinis hæc verius discite. Fortitudine opus fuit? pugnando vicerunt. Fides exigebatur? credentes alijs secundum se, quos occidere potuerant, pacto fœdere dimiserunt. Iustitia probanda erat? probauit eam vel tacitus senatus, cum iisdem Numantini per
legatos

legatos suos aut inuiolatam pacem solam, aut omnes quos pignore pacis accepto viuos dimiserant, reposcebant. Misericordia examināda videbatur? satis documenti dederunt vel emittendo ad vitam inimicum exercitum, vel ad pœnam non recipiendo Mancinum. Mancinusne rogo dedendus fuit, qui victi exercitus impendentem trucidationem prætento vmbone pacti fœderis dispulit, qui periclitantes patriæ vires in meliora tempora reseruauit? Aut si displicuit fœdus quod pactum est, cur miles hoc pignore redemptus, aut cum reuerteretur, receptus est, aut cum repeteretur, redditus non est? Aut si placuit seruati militis qualiscunque prouisio, cur Mancinus, qui hoc pepigit, solus deditus fuit?

Nuper Varro vt præpropera pugna iniretur, collegam Paullum obluētantem impulit, trepidantē præcipitauit exercitum, infœlices copias apud infames illas Romanis cladibus Cannas non disposuit certamini, sed opposuit morti. plus quàm quadraginta millia ibi militum Romanorum sola impatientia sua, de qua sibi victoriam iam dudum Annibal prælumbat, amisit. Collega etiam Paulo (quo

tandem viro?) perduto, nouissimè in urbem penè solus impudētissimè redire ausus est, meruitque impudentiæ suæ præmium. Nam gratiæ ei, quòd de rep. non desperasset, quam tamen ipse fecerat desperatam, publice in senatu actæ sunt. Porro autem Mancinus, qui sorte bellica circumuentum exercitum ne perderet, laborauit, ab eodem senatu deditiōe damnatus est. Sic Romanis & illud in Varrone displicuit, sed tempori concessum est: & hoc in Mancino placuit, sed secundum tempus præsumptum est: atque ideo ab initio perfecistis, vt nec ciuis consulat conuenienter ingratis, nec hostis fideliter credat infidis. Interea Brutus in vltiore Hispania sexaginta millia Gallæcorum, qui Lusitanis auxilio venerant, asperissimo bello & difficili, quamuis incautos circumuenisset, oppressit. Quorum in eo prælio quinquaginta millia occisa, sex millia capta referuntur, pauci fuga eualerunt. In citeriore Hispania Lepidus proconsule Vaccæos innoxiam gentem & supplicem, etiam senatu prohibente, pertinaciter expugnare tentauit. Sed mox accepta clade grauissima improbæ pertinaciæ pœnas luit. Sex millia quippe Ro-

manorum in hoc iniusto bello iustissimè
 cæla sunt: reliqui exuti castris, armis etiā
 perditis, euaserunt. Nec minus turpis hæc
 sub Lepido clades, quam sub Mancino fu-
 it. Ita nunc sibi hæc tempora loco foelici-
 tatis ascribant, vt nō dixerim Hispani tot
 pulsati fatigatiq; bellis, sed vel ipsi saltem
 Romani tam continuis subacti cladibus,
 totiesq; superati: vt non exprobrē, quot
 prætores eorum, quot legati, quot con-
 sules, quot legiones, quanti que exercitus
 consumpti sint. Illud solū reuoluo, quan-
 ta fuerit timoris amentia. Miles Roma-
 nus hebetatus, vt iam nead exprimentum
 quidem belli cohibere pedem, aut obfir-
 mare animum posset: sed mox conspecto
 Hispano specialiter hoste, diffugiens, vin-
 ci se penè prius crederet, quàm videri.
 Quo argumento patet, apud vtrosque mi-
 sera illa tempora iudicata, cum & Hispani
 etsi vincere poterant, inuiti tamen de-
 sererent otia sua dulcia, & bella externa
 tolerarent, & Romani quanto impuden-
 tius alienæ quieti se ingererent, tanto
 turpius vincerentur.

*De monstroso puero Romano nato. De Aetna eru-
 ctione. & bello seruili in Sicilia.*

CAPVT VI.

Aa

3

Ser.

SEr. Fulvio Flacco, Q. Calpurnio Pi-
 lone consulibus Romæ puer ex ancil-
 la natus est quadrupes, quadrimanus, ocu-
 lis quatuor, auribus totidem, natura viri-
 li duplex. In Sicilia mons Aetna, vastos i-
 gnes eructavit, ac fudit: qui torrentum
 modo per prona præcipites, proxima
 quæque corripientibus exussere flammis,
 longinquiora autem fauillis calidis cum
 vapore graui latè volitantibus, torrue-
 runt. quod Siciliæ semper vernaculum ge-
 nus monstri, non portendere malum al-
 solet, sed inferre. In Bononiensi agro fru-
 ges in arboribus natæ sunt. Igitur in Sici-
 lia bellum seruire ortum est, quod adeò
 graue & atrox multitudine seruorum, in-
 structu copiarû, & magnitudine viriû fu-
 it, vt, non dicâ prætores Romanos, quos
 penitus profligauit, sed consules quoque
 terruerit. Nam septuaginta millia seruo-
 rum, tum in arma conspirantium fuisse
 referuntur, excepta vrbe Messana, quæ
 seruos liberaliter habitos in pace conti-
 nuit. Cæterum Sicilia in hoc quoque mi-
 serior, quia insula & nunquam erga statû
 suum iuris idonei, nunc tyrannis subiecta,
 nunc seruis: vel illis dominatu improbo
 exigentibus seruitutem, vel istis præsum-
 ptione

ptione peruersa commutantibus libertatem, maximè quia clauso vndiq; mari, egerere foras non facile potest intestinum malum. Viperinam quippe conceptione perditionis suæ aluit, sua libidine auctam; sua morte victuram. In hoc autem seruilis tumultus excitatio, quāto rator cæteris, tanto truculentior est: quia intentione commouetur libera multitudo, vt patriam augeat, seruilis vt perdat.

De Numantia, eiusq; per Scipionem Africanum deletionem.

CAPVT VII.

ANno ab vrbe condita DCXX. cum maior pene infamia de fœdere apud Numantiam pacto, quam apud Caudinas quondam furculas pudorem Romanæ frontis oneraret, Scipio Africanus consensu omnium tribuum cōsul creatus, atque ad oppugnandā Numantiam cū exercitu missus est, Numantia aut citerioris Hispaniæ haud procul à Vaccæis & Cantabris in Capite Gallæciæ sita, vltima Celtiberorum fuit. Hæc per annos quatuordecim cū solis quatuor millibus suorum, quadraginta millia Romanorum non solum sustinuit, sed etiam vicit, pudendisq; fœderibus affecit. Igitur Scipio Africanus

Hispaniam ingressus, non illicò se ingessit hostibus, vt quasi incautos circumueniret, sciens nunquam id genus hominum adeo in otium corpore atque animo resolui, vt non ipsa qualitate habitudinis suæ apparatus aliorum præcelleret, sed aliquandiu militem suum in castris velut in lcholise exercuit. Et cum partem æstatis totamque hiemem, ne attentata quidem pugna transegisset, sic quoque parû propemodum hac profecit industria. Namq; vbi copia pugnandi facta est, exercitus Romanus oppressus impetu Numantinorum, terga conuertit: sed increpatione & minis obiectantis sese consulis, manuque retinentis, tandem indignatus in hostem redijt: & quem fugiebat, fugere compulit. Difficilis tunc in relatu fides, Numantinos & fugere, & fugientes videre Romani. Vnde quamuis Scipio, quia præter spem acciderat, lætatus & gloriatus esset, tamen vltra bellum aduersus eos audendum non esse, professus est. Itaque Scipio insistendum inopinatis prouentibus censuit, urbem ipsam obsidione conclusit, & fossa circundedit: cuius latitudo pedibus decem, altitudo viginti fuit. Ipsum deinde vallum sudibus præstructum, crebris turribus

ribus communiuit: vt si qua ab erumpente hoste in eum tentaretur irruptio, iam non quasi obfessor cum obfesso, sed versa vice obfessus cum obfessore pugnaret. Numantia autem in tumulto sita, haud procul à flumine Durio, tria millia passuum ambitu muri amplexabatur, quamuis aliqui asserant eam & paruo situ & sine muro fuisse. Vnde credibile est, quia hoc spatij cura alendorum custodiendorumque pecorum, vel etiam exercendi ruris commodo cum bello premerentur, incluserint, ipsi arcem paruam natura munitam obtinentes. Alioqui tantam paucitatem hominū, tam amplum vrbis spatium non munire magis, quàm prodere videbatur. Igitur conclusi diu Numantini, & fame trucidati, deditiōem sui obtulerunt, si tolerabilia iuberentur, sæpe etiam orantes iustę pugnæ facultatem, vt tanquam viris mori liceret. Vltimo omnes duabus subito portis eruperunt, larga prius portione vsi, non vini, cuius ferax is locus non est, sed succo tritici per artem confecto, quem succū à calefaciendo Celiam vocāt. Suscitatur enim, illa ignea vis germinis madefactę frugis, ac deinde siccatur & post infarinā redacta, molli succo admiscetur, quò fer-

mento sapor austeritatis & calor ebrietatis adiicitur. Hac igitur portione post longam famem recalescentes, bello sese obtulerunt. Atrox diu certamen, & vsque ad periculum Romanorum fuit: iterumque Romani pugnare se aduersum Numantinos fugiendo probauissent, nisi sub Scipione pugnant. Numantini interfectis suorum fortissimis, bello cedunt: compositis tamen ordinibus, non separantes se, nec sicut fugientes in urbem reuertuntur. corpora interfectorum ad sepulturam oblata, accipere noluerunt. Nouissima spe desperationis in mortem omnes destinati, clausam urbem ipsi introrsum succenderunt, cunctique pariter ferro, veneno, atque igne consumpti sunt. Romani nihil ex his penitus habuere victis, præter securitatem suam. Neque enim euerſa Numantia vicisse se magis Numantinos, quam euasisse dixerunt. Vnum Numantinum victoris catena non tenuit, vnde triumphū dederit, Roma non vidit. Aurum vel argentum, quod igni superesse potuisset, apud pauperes non fuit. Arma & vestem ignis abumpsit.

De Gracchorum seditione, Attalique regis Pergamæ hereditate.

Caput

CAPVT VIII.

IGitur ea tempestate cū hæc apud Numantiam gesta sunt, apud Romā Gracchorum seditiones agitabātur. Scipio autem cum deletā Numantia cæteras Hispaniæ gentes pace cōponeret, Tiresum quēdam Celticum principem consuluit, quā ope res Numantina aut prius inuicta durasset, aut pōst fuisset euerſa, Tiresus respondit: Concordia inuicta, discordia exitio fuit. quod Romani tanquam sibi ac de se dictum, exempli loco acceperūt, quippe quibus iam de seditione discordantis totius vr̄bis nuntiabatur. Carthagine Numantiaque deleta, oritur apud Romanos vtilis de prouisione collatio, & oritur infamis de ambitione cōtentio. Gracchus tribunus plebis iratus nobilitati, quōd inter auctores Numantini ſcederis notatus esset, agrum à priuatis eatenus possessum, populo diuidi statuit. Octauio tribuno plebis obſistēti ademit imperium, & successorem Minucium dedit. His causis senatum ira, populum superbia inuasit. At tunc forte Attalus, Eumenis filius, moriens, testamento populum Romanū imperio Asiæ succedere heredē iusserat. Gracchus gratiā populi pretio appe-

rens,

tens, legem tulit, vti pecunia quæ fuisset Attali, populo distribueretur. Obistente Nasica, etiam Pompeius spondit, se Gracchum, cum primum magistratu abiisset, accusaturum.

De interitu Gracchi, & bello seruili in Sicilia, apud Athenienses, & Delum.

CAPVT IX.

GRacchus cum eniteretur, vt ipse tribunus plebis sublequenti anno permaneret, cumque comitiorum die seditio- nes populi accenderet, auctore Nasica inflammata nobilitas, fragmentis sublelliorum plebem fugauit. Gracchus per gradus, qui sunt super Calpurnium fornicæ, detracto amiculo fugiens, ictus fragmento sublellij corruit. Rursusque assurgens, alio ictu clauæ cerebro impactæ, exanimatus est. Ducenti præterea in ea seditione interfecti, eorumque corpora in Tiberim proiecta sunt: ipsius quoque Gracchi inhumatum cadauer extabuit. Orta præterea in Sicilia belli seruilis contagio multas latè infecit prouincias: Nam & Minturnis CCCCL. serui in crucem acti, & Sinuessæ ad quatuor millia seruorum à Q. Metello & Cn. Seruilio Cæpione oppressa sunt. In Metallis quoque Atheniensium idem

in idem tumultus seruilis ab Heraclyto
 ratore discussus est. Apud Delum etiam
 serui nouo motu intumescences, oppida-
 is præuenientibus pressi sunt, absque illo
 primo Siciliensis malifomite, à quo iste
 velut scintillæ emicantes, diuersa hæc in-
 cendia seminauit. In Sicilia enim post
 Fuluium consulem Piso consul Mamerti-
 um oppidum expugnauit, vbi octo millia
 fugitiuorum interfecit: quos autem cape-
 re potuit, patibulo suffixit. cui cum Ru-
 pilius consul successisset, idem quoque
 Taurominium & Ennam firmissima fugi-
 tiuorum refugia bello recepit, vbi ampli-
 us quàm viginti millia tunc seruorum tru-
 cidata referuntur. Misera profecto talis
 belli & inextricabilis causa. Pereundum
 vtique dominis erat, nisi insolescentibus
 seruis, ferro obuam iretur. Sed tamen in
 ipsis quoque infortunatissimis damnis pu-
 gnæ, & infortunatioribus lucris victoriæ,
 quanti periére victi, tantum perdidere
 victores.

*De bello Aristonici. De Ptolemæi regis Alexan-
 drinorum flagitijs, & Antiocho à Phra-
 ate victo. Deq; Aetne & Lipa-
 ra incendijs.*

CAPVT X.

Anno

omo

 jo owo
 io omo

ANno ab V.C.DCXXII. P. Licinius Crassus consul & pontifex maximus, aduersus Aristonicum Attali fratrem, qui traditam per testamentum Romanis Asiam pertulerat, cum instructissimo missus exercitu: præterea à magnis regibus, hoc est, Nicomede Cithyniæ, Mithridate Ponti & Armeniæ, Ariarathe Cappadociæ, Pylemene Paphlagoniæ, eorumque maximis copijs adiutus, conserto tamen bello victus est: & cum, exercitu post plurimam cædem in fugam acto, ipse iam circunuetus ab hostibus, & pene captus esset, virgam, qua erat vltus ad equum, in oculum Thracis impegit. Barbarus autem cum ira & dolore exarsisset, latus Crassi gladio transuerberauit. Ita ille excogitato genere mortis, effugit, & dedecus & seruitutem. Perperna cōsul, qui Crasso successerat, audita morte Crassi & clade exercitus Romani, raptim in Asiam peruolauit. Aristonicum recenti victoria feriatum, improviso bello adortus, nudatumque omnibus copijs, in fugam vertit. Cumque Stratonicen urbem ad quam ille confugerat, obsidione cinxisset, trucidatum fame ad deditiōem coegit. Perperna consul apud Pergamum correptus morbo, diem obiit.

Aristo-

ristonicus Romæ iussu senatus in carcere strangulatus est. Eodē anno Ptolemæi alexandrinorum regis vita misera, miserem vitæ exitium dedit. Is enim fororē suam stupro cognitā, ac deinde in matrimonium receptā, nouissimè turpius uiam duxit, abiecit. Priuignam uero suā, hoc est, filiam sororis & coniugis, coniugem asciuit: filiumq; suum, quem ex forore susceperat, nec non & filium fratris, occidit. Quamobrem tantis incestis parcidijsq; execrabilis, ab Alexandrinis igno pulsus est. Iisdem temporibus Antiochus non contentus Babylonia atque Iudæa, totoq; Mediæ imperio, adversus Phraatem Parthorum regem confectus & victus est. Qui cum in exercitu octo centum millia armatorū habere uideretur, ducenta millia amplius calonum atque mulierum immixta scortis & histrionibus trahebat. Itaq; facile cū uniuerso exercitu suo Parthorum viribus oppressus iniectus. C. Sempronio Tuditano, & M. A. Iulio Coss. P. Scipionē Africanū pridie ad concione de periculo salutis suę conuocatum, quod sibi pro patria laboranti improbis & ingratis denūtiari cognouisset, alio die mane exanimē in cubiculo suo

fuo repertum, non temerè inter maxima Romanorum mala recensuerim: præsertim cum tantum in ea vrbe Africani vigor & modestia valeret, vt facilè viuo eo, neque sociale neque ciuile bellum posse existere crederetur. Hunc quidam vxoris suę Sempronix Gracchorum autem sororis dolo necatum ferunt, ne scelerata (vt credo) familia, atque in perniciem patrię suę nata, inter impias seditiones virorum, nõ etiam facinoribus mulierum esset immannior. M. Aemilio L. Oreste consulibus, Actna vasto tremore concussa exundauit igneis globis. Rursusque alio die Lipara insula, & vicinum circa eam mare in tantum efferbuit, vt adustas quoque rupes dissoluerit, tabulata nauium liquefactis ceris extorruerit, exanimatos pisces supernatantesque excoxerit: homines quoque, nisi qui lógius potuere diffugere, reciprocatò anhelitu calidi aëris adustis introrsum vitalibus suffocarit.

De ingenti & perniciofa vi locustarum in Africa, quarum interitu infectioneq; horrenda ac inaudita pestis orta.

CAPVT XI.

M Plautio Hypsæo, & M. Fulvio Flacco consulibus, vix dū Africam

in à bellorum excidijs quiescentē, hor-
bilis & inusitata perditio consecuta est,
tanque cum per totam Africam immen-
se locustarum multitudines* coaluissent, * conua
& non modo iam spem cunctam frugum luissent.
abrasissent, herbasque omnes cum parte
radicum, & folia arborum cum teneritu-
dine ramorum consumpsissent, verumet-
iam amaros cortices atque arida ligna per-
rosissent, repentino arreptæ vento, atque
in globos coactæ, portatæque diu per æ-
rem, Africano pelago immerse sunt. Ha-
rum cum imensos acervos longe undis
urgentibus fluctus per extenta latè litora
propulissent, tetrum nimis atque ultra o-
pinionem pestiferum odorem, tabida &
putrefacta congeries exhalauit. vnde om-
nium pariter animantium tanta pestilen-
tia consecuta est, vt auium, pecudum ac
bestiarum corruptione aeris dissolutarū,
putrefacta passim cadauera, vitium corru-
ptionis augerent. At vero quanta fuerit
hominum lues, ego ipse dum refero, toto
corpore perhorresco: siquidem in Numi-
dia, in qua tunc Micipsa rex erat, octingē-
ta millia hominum: circà oram vero ma-
ritimam, quæ maximè Carthaginienſi at-
que Vticenſi litori adiacet, plus quàm du-

centa millia perijsse traditum est. Apud ipsam vero Vticam ciuitatem triginta millia militum, quæ ad præsidium totius Africæ, ordinata fuerāt, extincta atq; ab-
 rasa sunt. Quæ clades repentina ac tā violenta institit, vt tunc apud Vticam sub vna die per vnam portam ex illis iunioribus plusquam MD. mortuos elatos fuisse narretur. Veruntamen pace & gratia omnipotētis dēi dixerim, de cuius misericordia & in cuius fiducia hæc loquor, quamuis & temporibus nostris exoriantur aliquādo, & hoc diuersis partibus locustæ, & plerunque etiā, sed tolerabiliter, lædant, nunquā tamen temporibus Christianis tanta vis inextricabilis mali accidit, vt pernicies locustarū, quæ nullo modo ferri viua potuisset, mortua plus noceret: & qua diu viuentē peritura erant omnia, ea perdita, pereuntibus magis omnibus optandum fuerit, ne periret.

De Carthagine restituta. De C. Gracchi seditione & interitu.

CAPVT XII.

ANno ab vrbe condita DCXXVII. Q. Cæcilio Metello, & T. Quinctio Flaminio Coss. Carthago in Africa restitui iussa, vigesimo & secundo demum anno,

anno, quam fuerat euerſa, deductis ciuium Romanorum familijs, quæ eam incôlerent, reſtituta & repleta eſt, magno antè prodigio præcedente. Nam cum menſores ad limitandum Carthaginienſem agrum miſſi, ſtipites terminorum indices fixos; & nocte à lupis reuulſos mordicus, corroſosque reperiſſent, aliquandiu hæſitatum eſt, vtrum Romanæ paci expediret, Carthaginem reformari. Eodem anno C. Gracchus, Gracchi illius qui iam occiſus in ſeditione fuerat, frater, tribunus plebis per tumultum creatus, magna reipublicæ pernicies fuit. Nam cum sæpe populum Romanum largitionibus promiſiſſisque nimijs in acerbiffimas ſeditiones excitauiffet, maxime legis agrariæ cauſa, pro qua etiam frater eius Ti. Gracchus fuerat occiſus, tandem à tribunatu, Minucio ſucceſſore, decelſit. Minucius tribunus plebis cū maxima ex parte decelſoris ſui Gracchi ſtatuta conuulſiſſet, legesque abrogaffet, Caius Gracchus cū Fulvio Flacco ingēti ſtipatus agmine, Capitolium vbi concio agitabatur, aſcendit. Ibi maximo tumultu excitato, quidam præco à Gracchanis interfectus, velut ſignū belli fuit. Flaccus duobus filijs arma-

tis cinctus, comitante etiam Graccho togato, breuemque gladium sub sinistra occultante, quamvis & præconem frustra præmisisset, qui seruos ad libertatem vocaret, Ianium tanquam arcem occupauit: contra quem D. Brutus vir consularis à cliuo publico cum ingenti certamine irruit. Ibi Flaccus diu obstinatissimè dimicauit. Gracchus postquam in templum Mineruæ successerat, gladio incumbere volens, interuentu Latorij retentus est. Itaque cum diu anceps bellum agigaretur, tandem sagittarij ab Opimio missi, confertam multitudinem disturbauerunt. Duo Flacci pater filiusque cum per ædem Lunæ in domum priuatam defiluissent, foresque obiecissent, rescisso cratitio pariete, confossi sunt. Gracchus diu pro se amicis pugnantibus ac pereuntibus, ægre ad pontem sublicium peruenit: ibique ne uiuus caperetur, ceruicem seruo suo præbuit. Caput Gracchi excisum, consuli allatum est, corpus ad Corneliam matrem Milenum oppidum deuectum est. Hæc autem Cornelia Africani maioris filia Milenū, vt dixi, prioris filij morte secesserat. Bona Gracchi publicata sunt. Flaccus adolescens in robore necatus est. Ex factione Gracchi,

Gracchi, ducenti quinquaginta in Auentino cæsi referuntur. Opimius consul sicut in bello fuit fortis, ita in quæstione crudelis. Nam amplius quam tria millia hominû supplicijs necauit: ex quibus plurimi, ne dicta quidem causa, innocētes interfecti sunt.

Baleares insulas à Metello subactas, Allobroges à Domitio victos fuisse, Aetnamq₃ rursus exarsisse.

CAPVT XIII.

Iisdem temporibus Metellus Baleares insulas bello peruagatus edomuit, & piraticam infestationem, quæ ab iisdem tunc exoriebatur, plurima incolarum cæde compressit. Cneus quoque Domitius proconsul Allobroges Gallos iuxta oppidum Vindalium grauissimo bello vicit, maxime cum elephantorû noua formæ equi hostium, hostesque conterriti, diffugissent. viginti M. ibi Allobrogum cæsa referuntur, tria millia capta sunt. Eodem tempore Aetna mons vltra solitum exarsit, & torrentibus igneis superfusis lateque circumfluentibus, Catanam urbem finesque eius oppressit, ita vt tecta ædium calidis cineribus præusta & prægrauata corruerent. cuius leuandæ cladis causa,

senatus decem annorum vectigalia Catanenſibus remiſit.

Fabius conſul Bituitum regem Aruernorum, magnis copijs inſtructum, cum paucis fudit. Q. Marcius alios Gallos fudit.

CAPVT XIII.

ANno ab vrbe condita DCXXVIII. Fabius conſul Bituito regi Aruernorum Galliae ciuitatis bellum maximo inſtructu comparanti, adeo cum paruo exercitu occurrit, vt Bituitus paucitatem Romanorum vix ad eſcam canibus, quos in agmine habebat, ſufficere poſſe iactaret. Qui cum ſibi ad transferendas copias, vnum pontem Rhodani fluminis parum eſſe intelligeret, alium compactis linteribus catenisque connexum, ſuperſtratis confixisque tabulis inſtruxit. Conſerta pugna, & diu grauter agitata, victi Galli: conuerſique in fugam, dum quiſque ſibi timet, coaceruatis inconſulte agminibus, & præpropere tranſitu pontis vincula ruperunt, ac mox cum ipſis linteribus merſi ſunt. Centum octoginta millia armatorum in exercitu Bituiti fuiſſe traduntur, ex quibus centum quinquaginta millia vel caesa vel merſa ſunt. Q. Marcius conſul Gallorum gentem
ſub

sub radice alpium sitam, bello aggressus est: qui cum se Romanis copijs circumseptos viderent, belloque impares fore intelligerent, occisis coniugibus ac liberis, in flammæ sese proiecerunt. Qui vero præoccupantibus Romanis peragenda tunc mortis suæ copiam non habuerant, captique fuerant, alij ferro, alij suspendio, alij abnegato cibo sese consumpserunt: nullusque omnino vel paruulus superfuit, qui seruitutis conditionem vitæ amore toleraret.

De bello Iugurthino, in quo Romani variè cū Iugurtha rege Numidarum pugnarunt.

CAPVT XV.

ANnò ab vrbe condita DCXXXIX. P. Scipione Nasica, & L. Calpurnio Bestia consulibus, Iugurthæ Numidarum regi bellum consensu populi Romani senatus indixit. Sed ego de Iugurtha ordinis tantum loco, & causa commemoratōis breuiter perstrinxerim. quia vt de natura eius varia atque intolerabili, ita & de rebus tam dolose, quàm strenuè gestis, propter opimam scriptorum luculentiam satis sufficiens apud omnes notitia est. Igitur Iugurtha Micipsæ Numidarum regis adoptiuus, hæresq; internatu-

mento sapor austeritatis & calor ebrietatis adiicitur. Hac igitur potione post longam famem recalescentes, bello sese obtulerunt. Atrox diu certamen, & usque ad periculum Romanorum fuit: iterumque Romani pugnare se aduersum Numantinos fugiendo probauissent, nisi sub Scipione pugnassent. Numantini interfectis suorum fortissimis, bello cedunt: compositis tamen ordinibus, non separantes se, nec sicut fugientes in urbem reuertuntur. corpora interfectorum ad sepulturam oblata, accipere noluerunt. Nouissima spe desperationis in mortem omnes destinati, clausam urbem ipsi introrsum succenderunt, cunctique pariter ferro, veneno, atque igne consumpti sunt. Romani nihil ex his penitus habuere victis, præter securitatem suam. Neque enim euerſa Numantia vicisse se magis Numantinos, quam euasisse dixerunt. Vnum Numantinum victoris catena non tenuit, vnde triumphū dederit, Roma non vidit. Aurum vel argentum, quod igni superesse potuisset, apud pauperes non fuit. Arma & vestem ignis abumpſit.

De Gracchorum seditione, Attalique regis Pergamienae hereditate.

Caput

IGitur ea tempestate cū hæc apud Numantiam gesta sunt, apud Romā Gracchorum seditiones agitabātur. Scipio autem cum deleta Numantia cæteras Hispaniæ gentes pace cōponeret, Tiresum quēdam Celticum principem consuluit, quæ ope res Numantina aut prius inuicta durasset, aut post fuisset euerfa, Tiresus respondit: Concordia inuicta, discordia exitio fuit. quod Romani tanquam sibi ac de se dictum, exempli loco acceperūt, quippe quibus iam de seditione discordantis totius vrbs nuntiabatur. Carthagine Numantiaque deleta, oritur apud Romanos utilis de prouisione collatio, & oritur infamis de ambitione cōtentio. Gracchus tribunus plebis iratus nobilitati, quod inter auctores Numantini fœderis notatus esset, agrum à priuatis eatenus possessum, populo diuidi statuit. Octauio tribuno plebis obsistēti ademit imperium, & successorem Minucium dedit. His causis senatum ira, populum superbia inuasit. Attunc forte Attalus, Eumenis filius, moriens, testamento populum Romanū imperio Asiæ succedere heredē iusserat. Gracchus gratiā populi pretio appetens,

tens, legem tulit, vti pecunia quæ fuisset Attali, populo distribueretur. Obistente Nasica, etiam Pompeius spondit, se Gracchum, cum primum magistratu abiisset, accusaturum.

De interitu Gracchi, & bello seruili in Sicilia, apud Athenienses, & Delum.

CAPVT IX.

GRacchus cum eniteretur, vt ipse tribunus plebis subsequenti anno permaneret, cumque comitiorum die seditio- nes populi accenderet, auctore Nasica inflammata nobilitas, fragmentis subse- liorum plebem fugauit. Gracchus per gra- dus, qui sunt super Calpurnium fornicæ, detracto amiculo fugiens, ictus fragmen- to subse-lij corruit. Rursusque assurgens, alio ictu clauæ cerebro impactæ, exani- matus est. Ducenti præterea in ea seditio- ne interfecti, eorumque corpora in Tibe- rim proiecta sunt: ipsius quoque Gracchi inhumatum cadauer extabuit. Orta præ- terea in Sicilia belli seruilis contagio mul- tas latè infecit prouincias: Nam & Min- turnis CCCCL. serui in crucem acti, & Sinuessæ ad quatuor millia seruorum à Q. Metello & Cn. Seruilio Cæpione oppres- sa sunt. In Metallis quoque Atheniensium idem

um idem tumultus seruilis ab Heraclito prætore discussus est. Apud Delum etiam serui nouo motu intumescences, oppidanis præuenientibus pressi sunt, absque illo primo Siciliensis mali fomite, à quo iste velut scintillæ emicantes, diuersa hæc incendia seminauit. In Sicilia enim post Fuluium consulem Piso consul Mamertium oppidum expugnauit, vbi octo millia fugitiuorum interfecit: quos autem capere potuit, patibulo suffixit. cui cum Rupilius consul successisset, idem quoque Taurominium & Ennam firmissima fugitiuorum refugia bello recepit, vbi amplius quàm viginti millia tunc seruorum trucidata referuntur. Misera profecto talis belli & inextricabilis causa. Pereundum utique dominis erat, nisi insolescentibus seruis, ferro obuam iretur. Sed tamen in ipsis quoque infœlicissimis damnis pugnae, & infœlicioribus lucris victoriæ, quanti periëre victi, tantum perdidere victores.

De bello Aristonici. De Ptolemæi regis Alexan-

drinorum flagitijs, & Antiocho à Phra-

ate victo. Deq; Aetnae & Lipa-

ra incendijs.

CAPVT X.

Anno

ANno ab V.C.DCXXII. P. Licinius Crassus consul & pontifex maximus, aduersus Aristonicum Attali fratrem, qui traditam per testamentum Romanis Asiam pertulerat, cum instructissimo missus exercitu: præterea à magnis regibus, hoc est, Nicomede Cithyniæ, Mithridate Ponti & Armeniæ, Ariarathe Cappadociæ, Pylemene Paphlagoniæ, eorumque maximis copijs adiutus, conserto tamen bello victus est: & cum exercitu post plurimam cædem in fugam acto, ipse iam circunuëtus ab hostibus, & pene captus esset, virgam, qua erat vltus ad equum, in oculum Thracis impegit. Barbarus autem cum ira & dolore exarsisset, latus Crassi gladio transuerberauit. Ita ille excogitato genere mortis, effugit, & dedecus & seruitutem. Perperna cōsul, qui Crasso successerat, audita morte Crassi & clade exercitus Romani, raptim in Asiam peruolauit. Aristonicum recenti victoria feriatum, improuiso bello adortus, nudatumque omnibus copijs, in fugam vertit. Cumque Stratonicen urbem ad quam ille confugerat, obsidione cinxisset, trucidatum fame ad deditiōem coegit. Perperna consul apud Pergamum correptus morbo, diem obiit.

Aristo-

Aristonicus Romæ iussu senatus in carcere strangulatus est. Eodē anno Ptolemæi Alexandrinorum regis vita misera, miseriorem vitæ exitium dedit. Is enim sororem suam stupro cognitam, ac deinde in matrimonium receptā, nouissimè turpius quam duxit, abiecit. Priuignam vero suā, hoc est, filiam sororis & coniugis, coniugem asciuit: filiumq; suum, quem ex sorore susceperat, nec non & filium fratris, occidit. Quamobrem tantis incestis parcidijisque execrabilis, ab Alexandrinis regno pulsus est. Iisdem temporibus Antiochus non contentus Babylonia atque Ecbatana, totoque Mediæ imperio, aduersus Phraatem Parthorum regem congressus & victus est. Qui cum in exercitu suo centum millia armatorū habere videretur, ducenta millia amplius calonum atque lixarum immixta scortis & histrionibus trahebat. Itaq; facile cū vniuerso exercitu suo Parthorum viribus oppressus interijt. C. Sempronio Tuditano, & M. Aquillio Coss. P. Scipionē Africanū pridie pro concione de periculo salutis suę contestatum, quod sibi pro patria laboranti ab improbis & ingratis denūtiari cognouisset, alio die mane exanimē in cubiculo suo

cam à bellorum excidijs quiescentē, horribilis & inusitata perditio consecuta est, Nanque cum per totam Africam immenses locustarum multitudines* coaluissent, & non modo iam spem cunctam frugum abrasissent, herbasque omnes cum parte radicum, & folia arborum cum teneritudine ramorum consumpsissent, verumetiam amaros cortices atque arida ligna perrosissent, repentinò arreptæ vento, atque in globos coactæ, portatæque diu per ærem, Africano pelago immerse sunt. Harum cum imensos acervos longe vndis urgentibus fluctus per extenta latè litora propulissent, tetrum nimis atque ultra opinionem pestiferum odorem, tabida & putrefacta congeries exhalauit. vnde omnium pariter animantium tanta pestilentia consecuta est, vt auium, pecudum ac bestiarum corruptione aeris dissolutarum, putrefacta passim cadauera, vitium corruptionis augerent. At verò quanta fuerit hominum lues, ego ipse dum refero, toto corpore perhorresco: siquidem in Numidia, in qua tunc Micipsa rex erat, octingenta millia hominum: circà oram vero maritimam, quæ maximè Carthaginiensi atque Vticensi litori adiacet, plus quàm du-

* conualuissent.

centa millia perijisse traditum est. Apud ipsam vero Vticam ciuitatem triginta millia militum, quæ ad præsidium totius Africæ, ordinata fuerât, extincta atq; abrasa sunt. Quæ clades repentina ac tã violenta institit, vt tunc apud Vticam sub vna die per vnã portam ex illis iunioribus plusquam MD. mortuos elatos fuisse narretur. Veruntamen pace & gratia omnipotētis dēi dixerim, de cuius misericordia & in cuius fiducia hæc loquor, quamuis & temporibus nostris exoriantur aliquādo, & hoc diuersis partibus locustæ, & plerunque etiã, sed tolerabiliter, lædant, nunquã tamen temporibus Christianis tanta vis inextricabilis mali accidit, vt pernicies locustarũ, quæ nullo modo ferri viuã potuisset, mortua plus noceret: & qua diu viuente peritura erant omnia, ea perdita, pereuntibus magis omnibus optandum fuerit, ne periret.

De Carthagine restituta. De C. Gracchi seditione & interitu.

CAPVT XII.

ANno ab vrbe condita DCXXVII. Q. Cæcilio Metello, & T. Quintio Flaminio Coss. Carthago in Africa restitui iussa, vigesimo & secundo demum anno,

anno, quam fuerat euerſa, deductis ciuium Romanorum familijs, quæ eam incolerent, reſtituta & repleta eſt, magno antè prodigio præcedente. Nam cum menſores ad limitandum Carthaginienſem agrum miſſi, ſtipites terminorum indices fixos; & nocte à lupis reuulſos mordicus, corroſosque reperiſſent, aliquandiu hæſitatum eſt, vtrum Romanæ paci expediret, Carthaginem reformari. Eodem anno C. Gracchus, Gracchi illius qui iam occiſus in ſeditione fuerat, frater, tribunus plebis per tumultum creatus, magna reipublicæ pernicies fuit. Nam cum sæpe populum Romanum largitionibus promiſſisque nimijs in acerbiffimas ſeditiones excitauiffet, maxime legis agrariæ cauſa, pro qua etiam frater eius Ti. Gracchus fuerat occiſus, tandem à tribunatu, Minucio ſucceſſore, decelſit. Minucius tribunus plebis cū maxima ex parte decelſoris ſui Gracchi ſtatuta conuulſiſſet, legesque abrogaviſſet, Caius Gracchus cū Fulvio Flacco ingēti ſtipatus agmine, Capitolium vbi concio agitabatur, aſcendit. Ibi maximo tumultu excitato, quidam præco à Gracchanis interfectus, velut ſignū belli fuit. Flaccus duobus filijs arma-

tis cinctus, comitante etiam Graccho togato, breuemque gladium sub sinistra occultante, quamuis & præconem frustra præmisisset, qui seruos ad libertatem vocaret, Ianium tanquam arcem occupauit: contra quem D. Brutus vir consularis à cliuo publico cum ingenti certamine irruit. Ibi Flaccus diu obstinatissimè dimicauit. Gracchus postquam in templum Mineruæ successerat, gladio incumbere volens, interuentu Latorij retentus est. Itaque cum diu anceps bellum agitaretur, tandem sagittarij ab Opimio missi, confertam multitudinem disturbauerunt. Duo Flacci pater filiusque cum per ædem Lunæ in domum priuatam desiluissent, foresque obiecissent, rescisso cratitio pariete, confossi sunt. Gracchus diu pro se amicis pugnantibus ac pereuntibus, ægre ad pontem sublicium peruenit: ibique ne uiuus caperetur, ceruicem seruo suo præbuit. Caput Gracchi excisum, consuli allatum est, corpus ad Corneliam matrem Milenum oppidum deuectum est. Hæc autem Cornelia Africani maioris filia Milenū, ut dixi, prioris filij morte secesserat. Bona Gracchi publicata sunt. Flaccus adolescens in robore necatus est. Ex factione
Gracchi,

Gracchi, ducenti quinquaginta in Auentino cæsi referuntur. Opimius consul sicut in bello fuit fortis, ita in quæstione crudelis. Nam amplius quam tria millia hominū supplicijs necauit: ex quibus plurimi, ne dicta quidem causa, innocētes interfecti sunt.

Baleares insulas à Metello subactas, Allobroges à Domitio victos fuisse, Aetnamq; rursus exarsisse.

CAPVT XIII.

Iisdem temporibus Metellus Baleares insulas bello peruagatus edomuit, & piraticam infestationem, quæ ab iisdem tunc exoriebatur, plurima incolarum cæde compressit. Cneus quoque Domitius proconsul Allobroges Gallos iuxta oppidum Vindalium grauissimo bello vicit, maxime cum elephantorū noua forma equi hostium, hostesque conterriti, diffugissent. viginti M. ibi Allobrogum cæsa referuntur, tria millia capta sunt. Eodem tempore Aetna mons ultra solitum exarsit, & torrentibus igneis superfusis lateque circumfluentibus, Catanam urbem finesque eius oppressit, ita vt tecta ædium calidis cineribus præusta & prægrauata corruerent. cuius leuandæ cladis causa,

Bb

3

senatus

12

2115

5712

35

2115

5712

senatus decem annorum vectigalia Catanenſibus remiſit.

Fabius conſul Bituitum regem Aruernorum, magnis copijs inſtructum, cum paucis fudit. Q. Marcius alios Gallos fudit.

CAPVT XIII.

ANno ab vrbe condita DCXXVIII. Fabius conſul Bituito regi Aruernorum Galliaē ciuitatis bellum maximo inſtructu comparanti, adeo cum paruo exercitu occurrit, vt Bituitus paucitatem Romanorum vix ad eſcam canibus, quos in agmine habebat, ſufficere poſſe iactaret. Qui cum ſibi ad transferēdas copias, vnum pontem Rhodani fluminis parum eſſe intelligeret, alium compactis lintibus catenisque connexum, ſuperſtratis confixisque tabulis inſtruxit. Conſerta pugna, & diu grauer agitata, victi Galli: conuerſique in fugam, dum quiſque ſibi timet, coaceruatis inconſulte agminibus, & præpropere tranſitu pontis vincula ruperūt, ac mox cum ipſis lintibus merſi ſunt. Centum octoginta millia armatorum in exercitu Bituiti fuiſſe traduntur, ex quibus centum quinquaginta millia vel caesa vel merſa ſunt. Q. Marcius conſul Gallorum gentem
sub

sub radice alpium sitam, bello aggressus est: qui cum se Romanis copijs circunseptos viderent, belloque impares fore intelligerent, occisis coniugibus ac liberis, in flammās sese proiecerunt. Qui vero præoccupantibus Romanis peragendæ tunc mortis suæ copiam non habuerant, captique fuerant, alij ferro, alij suspendio, alij abnegato cibo sese consumpserunt: nullusque omnino vel paruulus superfuit, qui seruitutis conditionem vitæ amore toleraret.

De bello Iugurthino, in quo Romani variè cū Iugurtha rege Numidarum pugnarunt.

CAPVT XV.

ANnò ab vrbe condita DCXXXIX. P. Scipione Nasica, & L. Calpurnio Bestia consulibus, Iugurthæ Numidarum regi bellum consensu populi Romani senatus indixit. Sed ego de Iugurtha ordinis tantum loco, & causa commemoratiōis breuiter perstrinxerim. quia vt de natura eius varia atque intolerabili, ita & de rebus tam dolose, quàm strenuè gestis, propter optimam scriptorum luculentiam satis sufficiens apud omnes notitia est. Igitur Iugurtha Micipsæ Numidarum regis adoptiuus, hæresq; internatu-

rales eius filios factus, primum cohæredes suos, id est, Hiempſalem occidit, Adherbalem bello victum, Africa expulit. Calpurnium deinde consulem aduersum se missum, pecunia corrupit, atq; ad turpissimas condiciones pacis adduxit. Præterea cum Romam ipse venisset, omnibus pecunia aut corruptis, aut attentatis, seditiones dissensionesque permiscuit: quam cū egrederetur, infami satis notauit elogio, dicens: O urbem venalem & mature perituram, si emptorem inuenerit. Insequenti anno A. Postumium, Postumij consulis fratrem, quem is quadraginta millibus armatorum exercitui præfecerat, apud Calāmā urbem thesauris regijs cōditis inhiantem bello oppressit: cuique victo ignominiosissimum fœdus exegit, vniuersam penè Africam à Romanis deficientē, regno suo iunxit. Postea tamē Metelli consulis integritate & disciplina coercitus, duobus etiam prælijs victus, vidit præsentem se & vastari Numidiam suam, & non posse defendi: à quo ad deditionem coactus, CCC. obsides dedit, frumentum atque alios commeatus persoluturum sese sponpondit, tria millia amplius perfugarum reddidit. Exin cum incertus in pace impro-

improbos non prohiberet excursus, C. Marij consulis, non minore pene quam imple præditus erat astutia, Romanisq̃ue viribus fractus est: maxime postquam Marius urbem Capsam ab Hercule Phœnice (vt ferunt) conditam, regijs tunc thesauris confertissimam, dolo circunuenit & cepit. Diffidens deinde & proprijs rebus & viribus Iugurtha, societatem cum Boccho Maurorum rege fecit. cuius equitatu in immensum auctus, Marianum exercitū creberrimis incursionibus fatigauit. Postremo apud Cirtā urbem antiquā Massaniæ regiam, aduersus Romanos expugnationem eius parantes sexaginta millibus equitum instructus occurrit. Nunquam vlla Romano militi tumultuosior pugna & terribilior fuit, adeo vt discursu & fremitu circuncursantium & impetentium equitum suscitatus puluis, cœlū subtexuerit, diem ademerit, noctemq̃ue obduxerit: tantus autem telorum nimbus ingruerit, vt nulla pars corporis ab ictu tuta esset: quippe quibus & visus ad prospiciendum impedimento caliginis, & expeditio ad cauendum compressionem multitudinis deerat. Nec laborabat eques Maurus ac Numida, vt bene collocatum

hostē opportuno teli impetu rimaretur, sed potius in incertum pila mittebant, certi quod vulnera incerta non essent. Ita coacti in vnum Romani pedites densabātur. Intercapedinem tanti periculi nox interueniens dedit. Eadem postera die & belli & periculi facies. Erumpere in hostem, quamuis stricto miles gladio non valebat: eminus enim iaculis repellebatur. Fugere non poterat, vndique enim velocior ad persequendum eques incluserat. Iam tertia dies, & nullum vndecunque suffragium, dira vndique mortis facies obijciebatur. tandem Marius consul sorti desperatione spei viā fecit: vniuerso simul agmine prorupit ē vallo, campoque sese simul & prælio dedit. Et cum iterum circumfusi hostes non solum agminis extrema laniarent, verum etiam media exculsis procul telis cæderent: turbatosque Romanos in super etiam æstus solis, intolerantia sitis, mortis circumstantia, vsque ad extremum desperationis defatigarent, subito notū illud Romanorum aduersus Afros tempestatū imbriumq; suffragium cœlo missum, insperatæ salutis fuit: siquidem repentina pluvia sitientibus Romanis & æstuantibus refrigerium potumq; præbuit.

Porro

Porro autem Numidis hastilia telorum, quę manu intorquere sine amentis solent, lubrica ac per hoc inutilia reddidit. Scuta etiam, quę elephantis corio extento atque durato habilia & tuta gestabant, cuius ea natura est, vt acceptum imbrem, tanquam spongia ebibat, ac per hoc intractabile repentino pondere fiat, quia circumferri nō poterant, defendere nequiverunt. Ita ex insperato conturbatis destitutisq; Mauris & Numidis, & Bocchus & Iugurtha fugerunt. Post hoc XC. millia armatorū nouissimo bello ab iisdē regibus obiecta, hæc quoq; vsque ad internecionem Romanis vincentibus cæsa referuntur. Ex eo Bocchus spem belli abijciēs, pacem petiuit: atq; in precium pacis Iugurtham dolo captum, catenisque obrutum, per Syllam legatū misit ad Marium: qui in triumpho ante currum cum duobus filiis suis actus, mox in carcere strangulatus est. Iisdem diebus obscœnum prodigium ac triste visum est. L. Heluius eques Romanus cum vxore & filia, Roma in Apuliam rediens, tempestate correptus, cum filiam consternatam videret, vt citius propioribus tectis succederent, relictis vehiculis, arreptisque equis, filiam virginem equo insiden-

infidentem, in medium agmē accepit. Pu-
ella cōtinuo ictu fulminis exanimata est.
Sed omnibus sine scissura aliqua vestimē-
tis ademptis, ac pectoris pedumque vin-
culis dissolutis, monilibus etiam annu-
lisque discussis, ipso quoq; corpore illæ-
lo, nisi quod oblocoenum in modum nuda,
& lingua paululum exerta iacuit. equus
quoque ipse quo utebatur, straturis frenis
& cingulis dissolutis passim ac dispersis,
exanimis procul iacuit. Paruo post hoc
intercessu temporis L. Veturius eques Ro-
manus Aemiliam virginem Vestalem fur-
tuo stupro polluit. Duas præterea virgi-
nes Vestales eadem Aemilia ad participa-
tionem incesti sollicitatas, contubernali-
bus sui corruptoris exposuit ac tradidit.
Indicio per seruum facto, supplicium de
omnibus sumptum est. Iisdem præterea
Iugurthini belli temporibus, L. Cassius
consul in Gallia Tigurinos usque ad oce-
anum persecutus, rursumque ab eisdem in-
sidijs circumventus, occisus est. Lucius
quoque Piso vir consularis, legatus Cassij
consulis, interfectus. Q. Publius alter le-
gatus, ne residua exercitus portio quæ in
castra cōfugerat, deleteretur, obsides & di-
midiam partem rerum omnium Tiguri-
nis

nis turpissimo fœdere dedit. qui Romam reuerfus, à Cœlio tribuno plebis die dicta, eo quòd Tigurinis obsides dederat, in exilium profugit. Cæpio proconsole capta vrbe Gallorum, cui nomē est Tolosæ, centum M. pondo auri, & argenti CX M. è templo Apollinis sustulit: quod cum ad Massiliam amicam populo Romano urbem cū præsidijs misisset, interfectis clām (sicut quidam cōtestantur) quibus ea custodienda & peruehenda commiserat, cuncta per scelus furatus fuisse narratur: vnde etiam magna quæstio post Romæ acta est.

De bello Romanorum aduersus Cimbros, Teutonas, aliasq̃ gentes gesto: vbi & variè vtrinque pugnatū, sed Marij industria Romani superarunt.

CAPVT XVI.

ANno ab vrbe condita DCXLII. C. Manilius Consul & Q. Cæpio proconsul aduersus Cimbros & Teutonas & Tigurinos & Ambronas Gallorū & Germanorum gentes, quæ tunc, vt imperium Romanum extinguerent conspirauerant, missi, prouincias sibi Rhodano flumine medio diuiserunt. Vbi dum inter se grauissima inuidia & cōtentione disceptant, cum magna ignominia & periculo Romani

mani nominis victi sunt: siquidē in capu-
 gna M. Aurelius consularis captus atque
 interfectus est. Duo filij consulis cæsi, o-
 ctoginta millia Romanorum sociorumq̃,
 ea tempestate trucidata, quadraginta mil-
 lia calonū atque lixarum interfecta Antias
 scribit. Ita ex omni penitus exercitu decē
 tantummodo homines, qui miserum nū-
 tium ad augendas miseras reportarent,
 superfuisse referūtur. Hostes binis castris
 atque ingenti præda potiti, noua qua-
 dam atque insolita execratione cuncta
 quæ ceperant, pessumdederunt. Vestis di-
 scissa & proiecta est, aurum argentum-
 que in flumen abiectum, lorica virorum
 concisa, phaleræ equorum* disperditæ,
 equi ipsi gurgitibus immersi, homines la-
 queis collo inditis ex arboribus suspensi
 sunt, ita vt nihil prædæ victor, nihil mise-
 ricordia victus agnosceret. Maximus
 tunc Romæ non solum luctus, verumet-
 iam metus fuit, ne confestim Cimbri al-
 pes transgrederentur, Italiamque dele-
 rent. Iisdem temporibus Q. Fabius ma-
 ximus filium suum adolescentem rus re-
 legatum, cum duobus seruis parricidij
 ministris interfecit, ipsosque continuo
 seruos in pretium sceleris manumisit. Die
 dicta,

* disper-
 titæ.

dicta, Cn. Pompeio accusante, damnatus est. Igitur Marius quartum consul, cum iuxta Ilarę Rhodaniq̃ue flumina, vbi in se se confluunt, castra posuisset, Teutonnes, Cimbri, & Tigurini & Ambrones, postquam continuo triduo circa Romanorum castra pugnarunt, si quo pacto eos excuterent vallo, atque in æquos campos effunderent, tribus agminibus Italiam petere destinarunt. Marius post digressum hostium castra mouit, & collem occupauit: qui cāpo & fluuio, vbi hostes se se diffuderant, imminebat. Cumq̃ue exercitui eius aqua ad potandū deesset, querelilq̃ue omnium coargueretur, aquam quidem in conspectu esse respondit, sed eam ferro vindicandam. Primus itaque calonibus cum clamore in pugnam ruentibus, subsecutus exercitus, mox iusto certamine compositis ordinibus, bellum gestum, & vicere Romani. Quarto die rursus productæ vtrinq̃ue in campum acies vsque ad meridiem pene pari pugnare discrimine. Post vbi incalescente sole fluxa Gallorum corpora in modum niuium distabuerunt, vsque in noctē cædes potius quàm pugna protrecta est. Ducenta millia armatorum in eo bello interfecta

fecta sunt, octoginta millia capta, vix tria millia fugisse referuntur. Dux quoque eorum Teutobodus occisus est. Mulieres eorum constantiore animo quàm si vicissent, consuluerunt consulem, ut si inuiolata castitate virginibus sacris ac dijs seruiendum esset, vitam sibi reseruarent. Itaque cum petita non impetrassent, paruulis suis ad saxa collisis, cunctæ sese ferro ac suspendio peremerunt. Hæc de Tigurinis & Ambronibus gesta sunt. Teutones autem & Cimbri integris copijs Alpium niues emensi, Italiæ plana peruaserunt: ibique cum rigidum genus diu blandioribus auris, poculis, cibis ac lauacris emolliretur, Marius quintum consul & Catulus aduersum eos missi, die ad pugnam & campo dato, Annibalis secuti ingenium, in nebula disposuere pugnam, in sole pugnarunt. Prima siquidem perturbatio Gallorum fuit, quod Romanam aciem prius offendere dispositam, quàm adesse senserunt. Cumque ilicò vulnerati equites retro in suos cogerentur, totamque multitudinem indisposite adhuc aduentantem conturbarent, & sol cum vento ortus ex aduerso emicuisset, visus eorum puluis oppleuit, & splendor hebetauit. Ita factum est, ut
tanta

tanta ac tam terribilis multitudo, minima Romanorum clade, sua autem vltima interneccione cæderetur. Centum quadraginta millia eorū tunc in bello cæsa; LX. millia capta dicuntur. Mulieres grauiorem pene excitauere pugnam, quæ plaustris in modum castrorum circuminstructis, ipsæ autem desuper propugnantes, diu repulere Romanos. Sed cum ab his nouo cædis genere terrerentur (abscissis enim cum crine verticibus, inhonesto latis vulnere turpes relinquebātur) ferro quod in hostes sumplerant, in se suosque verterunt. Nanque aliæ concursu mutuo iugulatae, aliæ apprehensis inuicem faucibus strangulatae, aliæ funibus per equorum crura confectis, ipsisque continuo equis extimulatis, postquam suas ipsæ funibus, quibus equorum crura nexuerāt, indidere ceruices, protractæ atque exanimatae sunt, aliæ laqueo de subrectis plaustrorum temonibus pependerunt. Inuenta est etiam quædam, quæ duos filios, traiectis per colla eorū laqueis, ad suos pedes vinxerit: & cum se ipsam suspendio morituram dimississet, secum traxerit occidēdos. Inter hæc multa & miserabilia mortis genera, reguli quoque duo strictis in se gladijs

* *Lugius.* dijs concurrisse referuntur. * *Lucius & Boiorix* reges in acie ceciderunt. *Claudius & Ceforix* capti sunt. Ita in his duobus prælijs trecenta quadraginta millia Gallorū occisa, & centū quadraginta millia capta sunt, absque innumera mulierum multitudine, quæ se suosq; paruulos foemineo furore, vi autem virili necauerunt. Igitur talem Marij triumphum Romanamq; victoriam incredibile facinus, & nunquā antea Romanis cognitum, Romæ subito perpetratum, versa in horrorē ac mœorem tota vrbe, fuscavit. *Poblicius* siquidē *Malleolus*, seruis annitentibus, matrem suam interfecit. *Damnatus* parricidij, insultusq; in culleum, & in mare proiectus est: impleueruntque Romani facinus & poenam, vnde *Solon Atheniensis* decernere non ausus fuerat, dum fieri posse non credidit: & Romani qui se ortos à *Romulo* scirent, etiam hoc fieri posse intelligentes supplicium singulare sanxerunt.

21 *De ingenti Romæ seditione, auctoribus L. Appuleio Saturnino, C. Mario, ceterisq; orta.*

CAPVT XVII.

ANno ab vrbe cōdita DCXLV. post Cimbricum & Teutonicum bellum & quintum Marij consulatum, quo stat-
tus

tus imperi Romani iure conseruatus iudicatur, sexto consulatu eiusdem C. Marij ita labefactatus est, vt pene vsque ad extremum intestina clade cōciderit. Euoluere ac percurrere mihi discordiarum ambages & inextricabiles seditionū causas incommodum simul ac longum videtur: sane breuiter strinxisse sufficiat, quod primis L. Appuleius Saturninus excitati tumultus auctor extiterit, Q. Metello Numidico, viro sane primario acerrimus inimicus. qui eū censorem creatum protractum domo, atq; in Capitolium cōfugientem armata multitudo obfedit. vnde equitum Romanorū indignatione deiectus est, plurima ante Capitolium cæde facta. A. Nonium deinde competitorum suum Saturninus & Glaucia, fraude C. Marij consulis occiderūt. Subsequente anno Marius sextū cos. & Glaucia prætor, & Saturninus tribunus plebis conspirauerunt, Metellum Numidicum in exilium quacunque vi agere. Die dicta, à suppositis eiusdem factionis iudicibus per scelus innocens Metellus damnatus, in exilium cū totius vrbs dolore discessit. Idem Saturninus Memmium virum acrem & integrum, fieri consulem timēs,

orta subito seditione fugientē per P. Met-
tium satellitem informi stipite comminu-
tum interfecit. Fremente pro tantis rei-
publicæ malis senatu populoque Roma-
no, Marius consul accommodato ad tem-
pus ingenio consensui bonorum sese im-
miscuit, commotamque plebem leni ora-
tione sedauit. Saturninus infamibus ausi-
bus concionem domi suæ habuit, ibique
ab alijs rex, ab alijs imperator est appella-
tus. Marius manipulatim plebe descripta,
alterum consulem cum præfidijs in colle
disposuit, ipse portas communiuit. In fo-
ro prælium commissum est. Saturninus à
Marianis foro pulsus, in Capitolium con-
fugit. Marius fistulas quibus eò aqua de-
ducebatur, incidit. Bellum deinde in adi-
tu Capitolij horridum satis actū est, mul-
ti que circa Sauscium & Saturninum cæsi.
Saturninus palàm clamitans, Marium au-
ctorem esse omnium molitionum suarum
contestatus est. Cum autem ipse Saturni-
nus & Sauscius & Labienus cogente Ma-
rio, in curiam confugissent, per equites
Romanos effractis foribus, occisi sunt. C.
Glaucia extractus è domo Claudij, tru-
cidatus est. Furius tribunus plebis bona
omnium publicanda decreuit. Cn. Dola-
bella

bella Saturnini frater, per forum olitorium fugiens, cum L. Geganio interfectus est. Itaque auctoribus tantę seditionis occisis, quies populo fuit. Tunc Cato atque Pompeius rogationem de reditu Metelli Numidici totius vrbis gaudio promulgarunt: quę ne perferretur, Marij consulis & Furij tribuni plebis factionibus intercessum est. Rutilius quoque vir integerrimus, adeo fidei atque innocentię constantia vsus est, vt die sibi ab accusatoribus dicta, vsque ad cognitionem neque capillum barbamue promiserit, neque sordida veste humiliue habitu suffragatores conciliarit, inimicos permullerit, iudices tēperarit, orationē quoque à prętorē concessam nihilo summissiorem quàm animū haberit. Cum euidenti oppugnaretur calumnia, & opinione bonorū omniū iure absoluedus putaretur, periurio iudicū condemnatus est: qui Smyrnam commigrans, literarum studijs intentus consenuit.

De bello sociali, quo Italici populi à Romanis deficientes rebellarunt. item de prodigijs varijs.

CAPVT XVIII.

ANno ab V. C. sexcentesimo LIX.
Sex. Iulio Cæsare, & L. Marcio
Philippo consulibus, intestinis causis so-

ciale bellum tota commouit Italia. siquidem Liuius Drusus tribunus plebis, Latinos omnes (pelibertatis illectos, cum placita explere non posset, in arma excitauit. Eo accessit ut mœstam urbem prodigia dira terrerent. Nam sub ortu solis globus ignis à regione septétrionis cum maximo cœli fragore emicuit. Apud Arretinos cum panes per conuiuia frangerentur, cruor è medijs panibus, quasi è vulneribus corporum fluxit. Præterea per septē continuos dies grando lapidum, immixtis etiam testarum fragmentis, terram latissimè verberauit. In Samnitibus vastissimo hiatus terræ, flamma prorupit, & usq; in cœlum extēdi visa est. Complures præterea in itinere videre Romani globum coloris aurei, cœlo ad terram deuolui: maioremque factum, rursus à terra in sublime ad orientem solem ferri, ac magnitudine sua ipsum solem obtexisse. Drusus tantis malis anxius, domi suæ, incerto quidem auctore, interfectus est. Igitur Picentes, Vestini, Marfi, Peligni, Marrucini, Samnites, Lucani, cum adhuc occultam defectionem meditarentur, C. Seruiliū prætorem legatū ad se missum, apud Alculū occiderunt: statimque

que clausa ciuitate, omnes ciues Romanos in dicta cæde iugulauerunt. Continuo atrocissimam perniciem infamissima præcessere prodigia. Nanque omnium generum animalia, quæ manus hominum blande perpeti, atque inter homines vivere solita erant, relictis stabulis pascuisque, cum balatu, hinnitu, mugituque miserabili, ad syluas montesque fugerunt. Canes quoque, quorum natura est extra homines esse non posse, lachrymosis vultibus vagi luporum ritu oberrarunt. Igitur Cn. Pompeius prætor cum Picentibus iussu senatus bellum gessit, & victus est. Postquam sibi Samnites Papium Mutilum imperatorem præfecerant, Marci autem Agemnonem archipiratam præoptauerant, Iulius Cæsar Samnitium pugna victus, cæso fugit exercitu. Rutilius consul Marium propinquum suum legatum sibi legit: quem assidue submonentem, moram bello utilem fore, & paulisper in castris exerceri militem oportere tironem, dolo id eum agere ratus, contempsit: seseque in insidias Marcorum, & vniuersum agmen exercitus sui incautus iniecit. vbi & ipse consul occisus, & multi nobiles interfecti, & octo millia Romanorum militum cæsa

sunt. Arma & corpora interfectorum in
 conspectum Marij legati Tolenus fluuius
 pertulit, atque in testimoniū cladis eue-
 xit. Marius raptis continuo copijs, victo-
 res imperatos oppressit, octo millia & i-
 pse Marforum interfecit. Cæpio autem
 à Vestinis & Marfis deductus in insidias
 cū exercitu trucidatus est, L. verò Iulius
 Cæsar postquam apud Aeserniam victus
 aufugerat, contrā actis vndique copijs, ad-
 uersus Samnites & Lucanos dimicans,
 multa hostium millia interfecit. Cumque
 ab exercitu imperator appellatus esset, Ro-
 mamque nūtiōs de victoria misisset sena-
 tus lagum, hoc est, vestem mœroris, quam
 ex orto sociali bello sumpserat, hac ipse ar-
 ridente deposuit, atque antiquum togæ
 decorem recuperauit. Marius deinde sex
 millia Marforum cecidit, septem millia ar-
 mis exuit. Sylla cum viginti quatuor co-
 hortibus Aeserniam missus, vbi arētissima
 obsidione Romani ciues & milites pre-
 mebantur, maximo bello & plurima cæ-
 de hostium urbem sociosq; seruauit. Cn.
 Pompeius P. centes graui prælio fudit,
 qui victoria Senatus laticlauia & cætera
 dignitatis insignia recepit, cum togas tan-
 tummodo victoria Cæsar's primum respi-
 rante

rante sumpsisset. Porcius Cato prætor Etruscos, Plotius legatus Umbros, plurimo sanguine impento, difficillimo labore vicerunt. Cn. Pompeio, & L. Porcio Catone consulibus, Pompeius diu obsedit Asculum ciuitatem: nec tamen expugnaui-
set, nisi populum in campum prorumpentem grauiſſima oppreſſione vicisset. Decem & octo millia Marſorum in ea pugna cum Franco imperatore ſuo cæſa ſunt, capta tria millia. Quatuor autem millia Italicorum virorū ex ea cæde pro-
fugorum, iugum montis coacto in vnum agmine ſorte conſcenderant: vbi oppreſſi exanimatiq̃ue niuibꝯ, miſerabili morte riguerunt. Namque ita vt attoniti timore hoſtium ſteterant, alij ſtirpibus vel ſaxis reclines, alij armis ſuis innitentes, patientibus cuncti oculis, dētibusq̃ue nudatis, viuentium in modum viſebantur: nec vllum erat protul intuentibus mortis indicium, niſi diuturna immobilitas, quam nullo modo humanæ vitæ vegetatio diu perpeti poteſt. Eadem die Picentes congreſſi & victi ſunt, quorum dux Iudacilius conuocatis principibus ſuis, poſt magnificas epulas largaq̃ue pocula, cunctos ad exemplum ſui prouocans, hauſto vene-

no absumptus est, cunctis factum eius laudantibus, sed nemine subsequente. Anno ab vrbe condita sexcentesimo LXI. cum ad obsidendos Pompeius Romanus islet exercitus, & Postumius Albinus vir cōsularis, tunc L. Syllæ legatus, intolerabili superbia omnium in se militum odia suscitauisset, lapidibus occisus est. Sylla consul ciuilem cruorem non nisi hostili sanguine expiari posse testatus est: cuius rei consciētia permotus exercitus, ita pugnam adortus est, vt sibi vnusquisque pereundū videret, nisi vicisset. XVIII. millia Samnitum illo prælio cæsa sunt. Iuuentium quoque Italicum ducem, & magnum ipsius populum persecutus occidit. Porcius Cato consul Marianas copias habēs, cum aliquanta strenue gessisset, gloriatus est C. Marium non maiora fecisse: & ob hoc cum ad lacum Fucinum contra Marcos bellum gereret, à filio C. Marij in tumultu belli, quasi ab incerto auctore prostratus est. C. Gabinius legatus in expugnatione hostilium castrorum interfectus est. Marrucini Vestinique, Sulpicio legato Pompeij persequente, vastati sunt. Pompædius & Obsidius Italici imperatores ab eodem Sulpicio apud flumen Theanum

num horribili prælio oppressi & occisi sunt. Pompeius Asculum ingressus, præfectos centuriones, cunctosq; principes eorū virgis cecidit, securiq; percussit, seruos prædamque omnem sub hasta vendidit, reliquos liberos quidē, sed nudos & egentes abire præcepit: & cū de hac præda opitulationē aliquam in vsum stipendij publici senatus fore speraret, nihil tamen Pompeius ex ea egenti ærario contulit. Nanque eodem tempore cum penitus exhaustum esset ærarium, & ad stipendium frumenti deesset expensa, loca publica quæ in circuitu Capitolij pôtificibus, auguribus, decemuiris & flaminibus in possessionem tradita erant, cogente inopia, vendita sunt. & sufficiens pecunię modus, qui ad tēpus inopiæ subsidio essent, acceptus est. Et quidem tunc in sinus ipsius ciuitatis euer sarum omniū vrbium, nudatarumque terrarum abra sæ vndiq; opes congeriebantur, cum ipsa Roma turpi adigente inopia, præcipuas sui partes auctionabatur. Quamobrem consideret tunc tempora sua, cū quasi inexplebilis venter cuncta consumens & semper eluriens, cūctis vrbibus, quas miseris faciebat, ipsa inferior, nihil relinquens, nihil habebat, & str-

& stimulo domesticæ famis ad continuationem bellicæ inquietudinis trudebatur. Iisdem temporibus rex Sothimus cum magnis Thracum auxilijs Græciam ingressus, cunctos Macedoniæ fines depopulatus est: tandemq; à C. Sentio prætore superatus, redire in regnum coactus est.

De bello ciuili Mariano & Mithridatico, in quo Sylla & Marius maximos tumultus calamitatēque reipublicæ inuexerunt.

CAPVT XIX.

ANno ab vrbe condita sexcentesimo sexagesimo secundo, nondum finito sociali bello, Romæ primum bellum ciuile commotum est: eodemq; anno Mithridaticum bellum, etsi minus infame, nō tamen minus graue ceptum est. Et quidem de Mithridatici belli spatio variè traditum est, vtrum ab hinc primum ceperit, an tunc præcipue exarserit, maxime cum alij XXX, alij XL. annis gestum ferāt. Sed quamuis iisdem temporibus gesta perplexis coaceruata malis exarserint, à me tamen speciatim, etsi breuiter, singula proferentur. Marius Sylla consule, & contra Mithridatem in Asiam cum exercitu profecturo, in Campania tamen propter sociali

alis belli reliquias consistente, affectauit
septimum consulatum, & bellum suscipe-
re Mithridaticum. quo Sylla cognito,
impatiens reuera iuuenis intemperataque
ira percitus, cum quatuor legionibus pri-
mum ante urbem consedit, vbi Gratidi-
um Marij legatum, quasi primam victimā
belli ciuilis occidit, mox urbem cum ex-
ercitu irrupit, faces ad inflammandam vr-
bem poposcit. Omnibus metu abditis, per
sacram viam citato agmine in forum ve-
nit. Marius cum permouere nobilitatem,
inflammare plebem, equestrem denique
ordinem perarmare aduersus Syllam fru-
stra attentasset, postremo seruis spe liber-
tatis & prædæ ad arma sollicitatis, ne quic-
quam repugnare ausus, tandem in Capi-
tolium concessit. Sed cum eo Syllanæ co-
hortes irruissent, magna* suorum cæde ^{seruorum}
diffugit. Ibi tunc Sulpicius Marij collega,
seruo suo prodente, prostratus est. Seruū
vero ipsum, quod hostem indicauerat, ma-
numitti, quod vero dominū prodiderat,
saxo Tarpeio deiijci consules decreuerūt.
Marius fugiens, cum persequentium in-
stantia circumseptus esset, in Minturnen-
sium paludibus sese abdidit. è quibus infœ-
liciter luto oblitus, ignominioseque pro-
tractus,

tractus, turpi autē spectaculo Minturnas deductus; contrususq; in carcerem, percussorem ad se missum solo vultu exterruit. Deinde lapsus ē vinctulis, in Africā trās-fugit, sollicitatoq; ex Vtica filio, vbi is custodia obseruabatur, continuo Romā regressus, Cinnae consuli societate scelerum coniunctus est. Igitur ad profligandam vniuersam Rempublicam, exercitum sibi in quatuor partes diuiserūt. Tres siquidē legiones Mario datae, parti copiarū Cn. Carbo praepositus est, partem Sertorius accepit: ille scilicet Sertorius iam hic civilis belli incentor & particeps, qui etiam hoc finito, aliud post in Hispania bellum excitauit, quod per multos annos maximis Romanorum cladibus traxit. Caetera vero exercitus portio Cinna secuta est. Porro autem Cn. Pompeius qui à senatu cum exercitu accersitus, vt reipublicae opitularetur, & diu sese nouarū rerum aucupatione suspenderat, contēptus à Mario vel Cinna, ad Octauium alterū consulem sese contulit, & mox cum Sertorio conflixit. Infelicem pugnam interuentus noctis diremit. Sexcenti ex vtraq; parte milites trucidati sunt. Postera die cum permixtim corpora ad sepulturam discer-

discernerentur, miles Pompeianus fratris
sui, quem ipse interfecerat, corpus agno-
uit. In concursu enim vtrique cognitionē
vultus galea, considerationem furor ade-
merat: quamuis parum sit culpæ circa-
ignorantiam, vt videatur nescisse de fratre,
quē non ambigitur scisse de ciue. Itaque
victor victo infelicior, vbi & fratris cor-
pus agnouit, & parricidiū suum, execra-
tus bella ciuilia, ilico pectus suum gladio
transuerberans, simulq; lachrymas & san-
guinē fundens, super fraternum sese cada-
uer abiecit. Et quid hoc profuit ad confu-
sionem crudelis incepti, quod in primo
statim bellorum ciuiliū exordio infamis
fama percrebuit, cōcurrisse ignaros qui-
dem fratres, sed cōscios ciues: petiisse fra-
trem scelere victorē spolia fratris occisi:
ac mox tantæ immanitatis reum, eodem
gladio atque eadem manu per suam necē
parricidium, quod admiserat, vindicasse?
Nunquid in tantarum animositate parti-
um tam triste mouit exēplum? Nunquid
apud quenquam periculū sceleris repulit
terror erroris? Nunquid hæc quæ com-
munis est etiam cum beluis pietas & re-
uerētia naturæ, quod vnus perimendo ac
pereundo cōmisit, quia in se agi posset in-
tremuit,

tremuit, seseque ab huiusmodi incepto, conscientia victus remouit? Quin potius annis fere quadraginta consequentibus, in tantum continuata sunt bella ciuilia, vt magnitudo laudis, appetenda ex magnitudine sceleris putaretur. Omnes enim post tale documentum in tali militia parricidiorum pericula refugissent, nisi parricidia ipsa voluissent. Igitur Marius coloniam Ostiensem vi ingressus, omnia ibi genera libidinis, auaritiæ, crudelitatis exercuit. Pompeius fulmine afflatus, interiit: exercitus vero eius pestilentia correptus, pene totus absumptus est. Nam vndecim millia virorum de castris Pompeij mortua, sex millia autem de parte Octauij cõsulis desiderata sunt. Marius Antium & Ariciam ciuitates hostiliter irrupit, cunctosque in his præter proditores interfecit, bona suis diripienda permisit. Post Cinna consul cum legionibus, & Marius cum fugitiuis urbem ingressi, nobilissimos quosque è senatu, & plurimos consulares viros interfecerunt. Sed quota hæc portio ostentatæ miseræ est, vno verbo definisse cædem bonorum, cuius fuit tanta numerositas, tanta diuturnitas, tanta crudelitas, tantaque diuersitas? Veruntamen

men æquius est me aliquid vtilitatis subtraxisse causæ, quàm tantum horroris ingessisse notitiæ, siue peritis hæc, siue imperitis obijciantur. De patria siquidem, de ciuibus, & de maioribus nostris hæc loquimur: qui his exagitati malis, tam abominanda gesserunt, de quibus etiam auditis posteri perhorrescant, qui profecto nolunt ista nimis exaggerari, aut sufficientis notitiæ moderatione, si sciunt: aut misericordis reuerentiæ contemplatione, si nesciunt. Igitur Marius cum interfectorum ciuium capita illata conuiuijs, oblata Capitolio, * collocata rostris, ad spectaculum ornatumque congereret, ac septimum consulatum cum Cinna tertium consule peruasisset, in exordio consularis imperij sera tandem morte præreptus est. Cinna bonorum neces, malorum cæde supplēuit. Nam cum introducta per Marium fugitiuorum manus insatiabilis prædandi esset, nullamque partem auctoribus prædæ consulibus ministraret, in forum quasi stipendij causa sollicitata, militibusque circumdata, inermis extincta est. Cæsa sunt illa die in foro vrbis octo milia fugitiuorum: idemque Cinna quartum consul, ab exercitu suo interfectus est.

* collata.

Quomodo Sylla à senatoribus reuocatus fuerit ad subueniendum perdita patria, quosq; ipse cum suis subegerit.

CAPVT XX.

INterea residui senatorum, qui potentiam Cinnae, Marij crudelitatem, insaniã Fimbriae, Sertorijque audaciam fuga euaserant, transuecti in Graciam, coegere precibus Syllam, vt periclitanti, immo iam pene perditæ patriæ opem ferret. Igitur Sylla mox vt Campanû littus attigit, Norbanû consulem prælio oppressit, septem M. tunc Romanorû Romani interfecerunt, sex M. eorundem ab iisdem capta sunt, centum XXIII. de Syllana parte ceciderûnt. Fabius vero Adrianus, cui imperiû pro prætore erat, regnum Africae feruorum manu affectans, à dominis eorû apud Vticam, congestis farmentis, cum omni familia viuus incêsus est. Damasippus prætor, in centore Mario consule, Q. Scaeuolam, C. Carbonem, L. Domitium, P. Antistium, in curiam quasi ad consulandû vocatos crudelissimè occidit. Corpora interfectorum per carnifices vincta, atque in Tyberim missa sunt. Eodẽ tempore Syllæ duces plura prælia aduersus Marianas partes infelicissima felicitate gela-

te gesserunt. Nam & Q Metellus Carri-
natis copias cecidit, & castra peruasit, &
Cn. Pompeius Carbonis equitatum gra-
uiter trucidauit. Syllæ etiam & Marij a-
dolescentis maximum tunc præliū apud
Sagriportum fuit, in quo de exercitu Ma-
rij cæsa sunt vigintiquinque millia, sicut
Claudius scribit. Pompeius Carbonē et-
iam castris exiit, fugiētemque insecutus,
nunc cædendo, nunc ad deditionem co-
gendo, plurima exercitus parte priuauit.
Metellus Norbani agmen oppressit: ubi
nouē millia Marianæ partis occisa sunt.
Lucullus cum à Quinctio obsideretur,
erupit, & repentinapugna obessorē de-
leuit exercitum. Nam plus quàm decem
millia ibi tunc cæsa referuntur. Sylla de-
inde cum Lamponio Samnitum duce, &
Carrinatis reliquis copijs, ante ipsam vr-
bem portamque Collinam ad horam di-
ei nonam signa contulit, grauissimoque
prælio tandem vicit. octoginta millia ho-
minum ibi fusa dicuntur, XII. millia sese
dediderunt: reliquam multitudinem in
fugam versam, infatiabilis victorum ciui-
um ira consumpsit.

*De proscriptione Syllana, alijsq; crudelibus faci-
noribus.*

Sylla mox vt urbē victor intrauit, tria millia hominum, qui se per legatos dediderant, contra fas contraque fidem datam, inermes securosque interfecit. Plurimi tunc quoque, vt non dicam innocentes, sed etiam ipsius Syllanæ partis occisi sunt, quos fuisse plus quàm nouem millia ferunt. Ita liberæ per urbem cædes percussoribus passim vagantibus, vt quenque vel ira vel præda sollicitabat, agitabantur. Igitur cunctis iam quod singuli timebant aperte frementibus, Q. Catulus palā Syllæ dixit, cum quibus tandem victuri sumus, si in bello armatos, in pace inermes occidimus? Tunc Sylla auctore L. Furfidi primipilari, primus infamem illam tabulam proscriptionis induxit. Prima proscriptio octoginta hominum fuit, in quibus quatuor consulares erant, Carbo, Marius, Norbanus, & Scipio, interque eos Sertorius tunc maxime pertimescendus. Item alia cū Dnominibus proposita est. quam cum Lollius, quippe securus, nihilque sibi conscius legeret, vbi suum repente nomen offendit, dum se trepidus ad operto capite foro subtrahit, interfectus est. Sed ne in ipsis quidem tabulis fides ac
finis

finis malorum videbatur. Namque alios quos proscripserant, iugulabant: alios autem postquam iugulauerant, proscribāt. Nec ipsius mortis erat via simplex, aut vna conditio, vt in nece ciuium saltem ius hostium seruaretur, qui nihil à victis præter vitam exigunt. M. Marium siquidem de caprilica castra extractum, vinciri Sylla iussit: ductumque trans Tiberim ad Lutatorum sepulchrum effossis oculis, membrisque minutatim desectis, vel etiam fractis, trucidari. Post hunc P. Lætorius senator, & Venuleius triumuir, occisi. M. Marij caput Præneste est missum: quo viso, C. Marius vltima desperatione correptus, vbi à Lucretio obsidebatur, ne in manus incideret inimicorum, cum Telsino mutua morte concurrir. Dumque violentius ipse in concurrentem manus adiecit, circa suum vulnus manum percutientis hebetauit. Ita eo interfecto, ipse leuiter vulneratus, ceruicem seruo suo præbuit. Carrinatem prætorem Sylla iugulauit. Inde Præneste profectus, omnes Marianæ militiæ principes, hoc est, legatos, quæstores, præfectos, & tribunos iussit occidi. Pompeius Carbonem à Cossura insula in Aegyptum fugere conantem,

in Siciliam ad se retractum, & complures cum eo socios eius occidit. Sylla dictator creatus est, vt dominationis & crudelitatis libido, honesti præcipuique nominis reuerentia & armaretur & velaretur. Pompeius in Africam transgressus, eruptione circa Vticam facta, XVIII. millia hominum interfecit. Quo bello Domitius dux Marianus, dum inter primores repugnat, occisus est. Idemque Pompeius Hiertam Numidiæ regem persecutus, fugientem, à Bogude Bocchi Maurorum regis filio, spoliari omnibus copijs fecit: quem continuo Bullam reuersum, tradito sibi oppido, interfecit.

Dictorum velut epilogum recitat auctor. De nouo tumultu per Lepidum excitato.

CAPVT XXII.

CReatis itaq; P. Seruilio & Ap. Claudio consulibus, visus est tandē Sylla priuatus. Hoc fine conclusa sunt duo bella funestissima, sociale Italicum & ciuile Syllanum. Hęc per annos decem tracta, plus quàm centum quinquaginta milia Romanorum consumpserunt: tantumque lectissimorum virorum vernaculorumque militū Roma hoc ciuili bello perdidit, quantum in ea superiore tempore,
cum

cum se iam aduersus Alexandrum Magnū circūspiceret, in discretis ætatibus census inuenit. Præterea viros consulares vigintiquatuor, prætorios sex, ædilitios sexaginta, senatores fere ducentos, absque innumeris totius Italiæ populis, qui passim sine considera deleti sunt. quos negget quisquam, si valet, quin eodem damno suo vicerit Roma, quo amisit Italia. Proh pudor. Nunquidnam & hic comparatione ambigua egent tēpora? Immò vel maxime, inquirunt. Nam quid tam aptè, quàm bellis ciuilibus bella ciuilia comparantur? An forte dicetur, etiā in his temporibus bella ciuilia non fuisse? Quibus à nobis respondebitur, iustius quidem socialia vocari oportere: sed nobis proficere, si ciuilia nominentur. Cum enim causis vocabulisque ac studijs paria docētur omnia, tum sibi in his tanto plus vindicat reuerentia Christianæ religionis, quanto minus præsumpserit potestas irata victoris. Nam cum plerunque improbi tyrāni temere inuadentes rempub. vsurpatoque regio statu, Romani imperij corpus abruperint, atque ex eo bella vel per se iniusta importarint, vel in se iusta commouerint, Britannis Gallisque populis erecti & in-

structi, hæc bella quantum externis proxima, tantum longinqua ciuilibus, quid nisi socialia iure vocitentur, cum ipsi Romanine Sertorij quidem, aut Perpernae, aut Crixii, aut Spartaci bella, ciuilia vsquam nominarint? In tali ergo defectu, vel perduellione sociorum, minore nunc utique inuidia laboraret, si fortassis existeret vel grauis pugna, vel cruenta victoria. Veruntamen cum in hisce temporibus omnia plus necessitatis afferant & minus pudoris, hoc est, caula, pugna, victoria, vel pro extinguenda insolentia tyrannorum, vel pro cohibendo sociorum defectu, vel pro inurendo ultionis exemplo, cui tandem dubium est, quanto nunc mitius, quantoque clementius excitata (ut dicunt) bella ciuilia geruntur, immò reprimantur potius quam geruntur? Quis enim vnum ciuile bellum per decem annos his temporibus agitatum audierit? Quis vno bello centum quinquaginta M. hominum, vel hostium ab hostibus, ut nō dicam ciuium à ciuibus, cæsa meminerit? Quis illam, quam explicare longum est, optimorum atque illustrium virorū multitudinem trucidari in pace cognouerit? Postremo quis illas, infames interficiendos

dorum tabulas timuerit, legerit, senserit?
ac non potius omnibus notum sit, vna
cunctos pace compositos, atque eadem
salute securos, victos victoresque pariter
communi exultasse lætitia: ac etiam in tan-
tis totius imperij Romani prouincijs, vr-
bibus ac populis, vix paucos aliquando
extitisse, quos iusta vltio inuito etiam vi-
ctore damnarit? Et vt verbis verba non o-
nerem, non temerè dixerim, tantam vel in
bello saltem extinctam modo fuisse gre-
gariorum militum manum, quanta tunc
cæsa est in pace nobiliū. Igitur Sylla mor-
tuo, Lepidus Marianæ partis assertor, ad-
uersus Catulum Syllanum ducem surgēs,
rediuiuos bellorum ciuiliū cineres su-
scitauit. Bis tunc acie certatum est. Pluri-
mi Romanorum iam ipsa paucitate mise-
rorum, & adhuc illo furore insanienti-
um cæsi sunt. Albanorum ciuitas obsidi-
one oppugnata atque excruciatā fame, vl-
tima miserabilium reliquiarum deditio-
ne seruata est. Vbi tunc Scipio Lepidi filius,
captus atque occisus est. Brutus in cisal-
pinam Galliam fugiens, persequente Pom-
peio, apud Rhegiū interfectus est. Ita hoc
bellum ciuile non magis clementia Catu-
li, quàm tædio Syllanæ crudelitatis, vt

ignis in stipula, eadem celeritate qua exarsit, euanuit.

De quatuor nouis bellis à Romanis susceptis, Hispanico, Pamphylico, Macedonico & Dalmatico.

CAPVT XXIII.

ANno ab vrbe condita sexcentesimo septuagesimo tertio, sonantibus vndique bellorum fragoribus, quorum vnum in Hispania erat, aliud in Pamphylia, in Macedonia tertium, quartum in Dalmatia, exanguis adhuc atque exhausta intestina perniciæ tanquam febribus Romana respublica, propulsare armis occidentis septentrionisq; fortissimas gentes cogebatur. Sertorius siquidem vir dolo atque audacia potens, cum partium Marianarum fuisset, Syllam fugiens, ex Africa dilapsus in Hispanias, bellicosissimas gentes in arma excitauit. Aduersus hunc, vt breuiter definiam, duo duces missi, Metellus & Domitius: quorum Domitius ab Hirculeio Sertorij duce, cū exercitu oppressus est. Manilius proconsul Galliarum in Hispaniam cum tribus legionibus & mille quingentis equitibus transfessus, iniquam cum Hirculeio pugnam conseruit: à quo castris copiisque nudatus, in oppidum Ilerdam penè solus refugit.

fugit. Metellus multis prælijs fatigatus, per devia oberrans, hostem mora fatigabat, donec Pompeij castris consociaretur. Pompeius contracto apud Pallantium exercitu, Lauronem ciuitatem, quã tunc Sertorius oppugnabat, frustra conatus defendere, victus aufugit. Sertorius superato fugatoque Pompeio, Lauronem captam cruentissimè depopulatus est : reliquum agmen Lauronensium, quod cædibus superfuerat, miserabili in Lusitaniam captiuitate transduxit. Pompeium autem, hoc est, illum Romanorum ducem, à se victum fuisse gloriatus est : quem magna prædium fiducia, ad hoc bellum non pro consule, sed pro consulibus Roma misisset. Fuisse tunc Pompeio triginta millia peditum & mil- nouem le equites, Galba scribit : Sertorium autem sexaginta millia peditum, * octo millia equitum habuisse commemorat. Post ea vero Hirculeius cum Metello congressus, apud Italicam Beticæ urbem, viginti millia militum perdidit : victusque in Lusitaniam cum paucis refugit. Pompeius Segidã nobilem Celtiberiæ urbem cepit. Sertorius deinde cum Pompeio congressus, decem millia militum eius interfecit.

terfecit. Ex alio cornu vincēte Pompeio, tantundem pene ipse perdidit. Multa inter eos præterea prælia gesta sunt. Memmius quæstor Pompeij, idemque vir sororis eius, occisus est. Hirculei fratres interfecti. Perperna, qui se Sertorio iunxerat, comminutus est. Postremo ipse Sertorius decimo demum anno belli inchoati, idem, quibus & Viriathus, suorū dolis interfectus, finem bello fecit, Romanisque victoriam sine gloria dedit: quamvis Perpernam postea pars exercitus eius secuta sit, qui à pompeio victus, cū vniuerso exercitu suo interfectus est. Ciuitatibus vero cunctis ultro ac sine mora per deditionem receptis, duæ tantum restiterunt, hoc est, Vxama & Calaguris: quarum Vxamam Pompeius euertit, Calagurim Afranius iugi obsidione confectam, atque ad infames elcas miseranda inopia coactam, vltima cæde incendioque deleuit. Percussores Sertorij præmium ne petendum quidem à Romanis esse duxerūt, quippe qui meminissent antea Viriathi percussoribus denegatum. Et quamvis nullo tunc præmio patrauerint Romanā securitatem, tamen fortis fide ac viribus semper Hispania, cum optimos inuictissimosque

mosque reges reipub. dederit, nullum vnquam tyrannorum ab initio vsque in hodiernum diem vel de se editum misit, vel in se extrinsecus incurrentem viuum potentemue dimisit. Interea Macedonicum bellum Claudius sortitus, varias gentes quæ Rhodopæis montibus circumfusæ sunt, ac tunc Macedoniam crudelissimè populabantur: (nam inter cætera dictu audituque horrida, quæ in captiuos agebāt, raptis, cum poculo opus esset, humanorum capitum ossibus, cruentis capillatisque adhuc, ac per interiores cauernas male effosso cerebro oblitis, auidè ac sine horrore, tanquam veris poculis vtebātur, quarum cruentissimi atque immanissimi Scordisci erant) has itaque, vt dixi, Claudius pellere Macedoniæ finibus bello attentauit, magnisque se malorum molibus obiecit: vnde cum animo æger, & curis circumseptus, morbo insuper correptus esset, interiit. Huius successor Scribonius attentatarū superiore bello gentium vim declinans, in Dardaniam arma cōuertit, eamque superauit.

Publius vero Seruilius ex consule, Ciliciam & Pamphyliam crudelissimè adortus, dum subdere studet, pene deleuit. Lyciam

ciam & vrbes eius obfessas oppreffasque cepit. Præterea Olympum montem per-
uagatus, Phaselim cuertit, Corycum di-
ruit, Tauri quoque montis latera in Cili-
ciam vergentia perfcrutatus, Ifauros bel-
lo fractos, in ditionem redegit: primus
Romanorum per Taurum duxit exerci-
tum, ac limitem itineris fecit. Triennio e-
menfo, quo bellum gestum est, Ifaurici no-
men aſſumpſit. Coſconius proconſule
fortitus Illyricum, protrita ſubaſtaque
Dalmatia, Salonas urbem florentiſſimam
poſt biennium tandem expugnauit &
cepit.

*De bello fugitiuorum ſeu gladiatorum, & cladi-
bus eius.*

CAPVT XXIII.

ANno ab vrbe condita ſexcentefimo
LXXIX. Lucullo & Caſſio conſuli-
bus, gladiatores LXXIII. Capuæ à lu-
do Cn. Lentuli diffugerunt: qui cōtinuo,
ducibus Crixo & Oenomao Gallis, &
Spartaco Thrace, Veſuuium montem oc-
cuparunt. vnde erumpentes Clodij præ-
toris, qui eos obſidione cinxerat, caſtra
expugnarunt: ipſoque in fugam acto, cun-
cta in prædam verterunt. Inde per Con-
ſentiam & Metapontum circūducti, in-
gentia

gentiæ breui agmina, collegerunt. Nam Crixo X. milliū multitudo, Spartaco autem triplex tūc numerus fuisse fertur. Oenomaus enim iam in superiore bello fuerat occisus. Itaque cum cædibus, incendiis, rapinis, stuprisque omnia miscerent, in exequijs captivæ matronæ, quæ se dolore violati pudoris necauerat, munus gladiatorum ex quadringentis captivis scilicet, qui spectandi fuerant, spectaturi, utpote lanistæ, gladiatorum potius quàm militum principes, ediderunt. Deinde consules Gellius & Lentulus aduersus eos cum exercitu missi. quorum Gellius Crixum acerrimè pugnantem prælio oppressit. Lentulus à Spartaco superatus aufugit. Pòst etiam collatis frustra ambo consules copijs, accepta graui clade, fugerūt. Dehinc C. Cassium proconsulem idem Spartacus oppressum bello interfecit. Itaque exterrita ciuitate non minore prope modum metu, quàm sub Annibale circa portas fremente trepidauerat, senatus Crassum cum legionibus còsulum nouoque supplemento militum misit. Is mox ut fugitiuorum pugnam iniit, sex millia eorum interfecit, nongentos vero cepit. Inde prius quàm ipsum Spartacum ad
caput

caput Silari fluminis castra in tantum bello aggredere-
tur, Gallos auxiliores eius Germanosque superauit, è quibus triginta millia hominum cum ipsis ducibus occidit. Nouissimè ipsum Spartacum disposita acie congressum, maximasque cum eo fugitiuorum copias perculit. Nam sexaginta millia eorum cæsa, sex millia capta referuntur: tria millia ciuium Romanorum recepta sunt. Cæteri qui ex hoc bello lapsi oberrabant, per complures duces frequenti indagine attriti sunt. At ego iterum ac sæpius repeto, nunquidnam & hic comparatione aliqua egent tempora? Quis rogo audire non horreat, non dicā bella talia, sed vel nomina tantarum bellorum, externa, seruilia, socialia, ciuilia, fugitiuorum? quæ ne sic quidem saltem sese, vt cōmoti maris fluctus, quamuis molibus magnis sequuntur, sed vndique diuersis causis, vocabulis, formis, malisque excitata, coaceruataque concurrunt. Vt è proximo repetam, & infame illud seruile præteream, Iugurthinum bellum nondum adhuc ab Africo detonuerat, iam Cimbricū à circio fulminabat. De Cimbricis illis nubi-
bus adhuc fœdi vastique torrétes effusi sanguinis agebantur, iam socialis belli
nebu-

nebulas in magna continuo malorum nubila coituras, misera exhalabat Italia. Adhuc vero post infinitam crebramq; Italici bellitempestatem discurri tutò per Italiam minime poterat: ita omnes absque illis periculosissimis inimicarum urbium voraginibus, dissoluta ac lubrica pace titubabant: iam sibi Marianum atque Cinnanum Roma parturiebat excidium, & aliud è diuerso oriens atque aquilo, hoc est, Mithridaticum minabatur, quod quidem Mithridaticum à superioribus coeptum porro in vltiora porrigitur. De Mariana face rogo Syllanæ cladis accensus est, de isto rogo funestissimo Syllani & ciuilis belli per plurimas terrarum partes ardentes fudes sparsi sunt, multaque incendia ex vno fomite diffuderunt. Nam Lepidus & Scipio in Italia, Brutus in Gallia, Domitius Cinnæ gener in Africa, Carbo in Cossura & Sicilia, Perperna in Liguria, & post cum Sertorio in Hispania, omniumq; atrocissimus Sertorius in eadē Hispania, hæc tunc ciuilia, vel quo aliò dicenda sunt nomine, bella excitantes, de vno multa, de paruo magna fecerunt, absq; illis tribus vastissimis bellis, quæ tunc externa vocabantur, hoc est, Paphylico, Macedonico,

Et

atque

atque Dalmatico, dissimulato etiam magno illo Mithridatico longe omnium diturnissimo, infestissimo, ac formidolosissimo. deinde adhuc Hispaniensi Sertoriano nondū finito, immò adhuc ipso vivente Sertorio, hoc fugitiuorū, & ut verius dicā gladiatorium bellum inhorruit, iam non spectandū paucis, sed vbiq; metuendum. Quod quia fugitiuorum bellū dicitur, nemini vile habeatur ex nomine. Sæpe in eo singuli, & aliquando simul cū agminibus frustra iunctis ambo consules victi sunt, plurimiq; nobiles trucidati. Ipsi autem fugitivi plus quàm centum millia fuere, qui cæsi sunt. Ex quo admonemus, ut ipsa consoletur se Italia de vexatione externorum præsentium per recordationem præteritorum, ex se atque in seipsam incomparabiliter crudelius dilacerantiū. Quamobrem huic quinto volumini iam finem fecerim, ut bella ciuilia externis vbiq; permixta, vel quæ dicta sunt, vel etiam quæ sequuntur, quia sic sibi serie temporum & malis sequacibus cohæserunt, libri saltem termino separentur.

FRANCIS FABRICII MARCO-
 DVRIANI IN PAULI
 Orosij librum quintum

Annotationes.

In Caput primum.

IN carcere trucidatis) In quibusdam vetustis le-
 gitur, In carcerem trusus. Busiris in Aegypto)
 De crudeli hospitalitate Busiridis lege ca. 11. li. 1. Cru-
 delissima circa aduenas. Tauris Ponticis, ait Ar-
 nobius lib. 8. & Aegypto Busiridi ritus fuit hospites
 immolare. Sed de Taurorum immanitate Mella libr.
 2. cap. 1. De ara, ad quam Tauri Diana aduenas im-
 molabant, Ouidius in tertio de Ponto, Iuuenalis Sa-
 tyra 15. Valerius Flaccus Argonauticon secundo. Thra-
 cia cum Polymnestore) De Polymnestore Thra-
 cum rege, qui Polydorum suae fidei commissum inter-
 fecit, Euripides in Hecuba.

In Caput tertium.

Metellus praetor) Hic est Q. Metellus, cui ex
 virtute Macedonici nomen inditum, vt ait Velleius
 lib. 1. vbi bellam achaicum scribit de quo Liuius libro
 52. Florus libro 2. cap. 16. Eutropius libro 4. Pausani-
 as lib. 7. Iustinus 34. Duce suo Diaeo.) Nomen du-
 cis vulgo corruptum in vetustis recte legitur: nam &

Pausanias δῖον hunc nominat. Corinthum sine mora expugnauit.) De Corinthi euersione etiam Cicero lib. 1. de Officijs, & Verrina tertia. Plinius lib. 34. cap. 2. scribit Corinthum captam Olympiadis CLVI. anno tertio, vrbis Romæ anno DCVIII. Aes Corinthium.) De ære Corinthio lege Plinium li. 34. Sed de origine æris Corinthij, quæ tradita sunt à veteribus, si cupis cognoscere, lege Muretum Variarum lectionum lib. 3. cap. 5.

In Caput quartum.

Viriathus in Hispania.) Viriathus, est in antiquo lapide, qui in Lusitania effossus, continet testamentum Galli Fauonij In excerpis è Diodori lib. 32. οὐ γίγαντος est. vbi multa de eo scribit, illudq; in primis de equitate in præda diuidenda, ἥν ὃ καὶ δίκαιος καὶ τοῖς διανομαῖς τῶν λαφύρων, καὶ κατ' ἀξίαν τὸ τὸ ἀνδραγαθητῶντας ἔχηε τοῖς δέοις. Vnde Tullius de Officijs. 2. ait, Viriathum Lusitanum propter equabilem prædæ partitionem magnas opes habuisse. De re gesta cum Viriatho Appianus in Hispaniis, Liuius lib. 52. & 54. Florus libro 2. cap. 17. Velleius 2. Eutropius 4. C. Vetilius prætor.) C. Vetilius est quoque in Appiani Iberica à Beraldo conuersa, M. Vetilius in Liuiana epitoma libri 52. Sex. Vetilius in Diaconi additionibus ad Eutropium, Diodorus, στρατηγὸν οὐκ ἐπέλιον habet. Fuga lapsus euasit.) At contra Liuius scribit, Vitellium captum, Diodorus & Appianus, captum atque interfectum. Deinde C. Plautium.) Hunc Vetilio successisse auctor est Appianus, qui etiam etiam

de clade ab eo accepta. Claudius Vnimanus.)
 Claudij meminit quoque Florus, & Auctor de vi-
 ris Illustris, qui post Claudium C. Nigidium à
 Viriatho oppressum scribit. App. Claudio, Q.
 Cæcilio Metello Cos.) App. Claudius Pulcher, &
 Q. Metellus Macedonicus Cōsules fuerūt anno DCX.
 Appium in bello contra Salassos. quinque millia mi-
 litum amisisse, est in nostris vetustis: vt par numerus
 sit amissorum atque casorum. vnde iure triumphus
 Appio negatus fuit. Valerius libro 2. cap. 3. Priuatis
 sumptibus trium.) Alioqui triumphantibus sum-
 ptus ex arario erogabatur, vt indicat Liuius libro 33.
 quod adolescentibus rerum Romanarum studiosis
 obseruandum est. Androgynus Romæ visus.) Hic
 Androgynus Luna, non Romæ natus fuit. Luna quo-
 que his Consulibus tantam pestilentiam fuisse, vt, ia-
 centibus in publico passim cadaueribus, qui funera-
 rent defuerint, scribit Iulius Obsequens. Igitur Fa-
 bius Cos.) De Fabij Seruiliани rebus gestis contra
 Viriathum Appianus. Quingentis enim princi-
 pib.) De hac Fabij seueritate Valerius Max. libr. 2.
 cap. 2. & Frontinus li. 4. Pompeius seq. anni Cos.)
 Q. Pompeius Cos. cum Cn. Seruilio Cæpione anno
 DCXII. à Numantinis victus pacem turpem fecit,
 Liuius libro 54. Velleius libr. 2. Eutropius 4. isq. Ro-
 mam reuersus deprecando pœnam effugit, Cicero de
 Offic. 3. Mithridates tunc siquidem.) De hoc lege
 Iustinum libr. 41. Plura fuerunt apud Liuium libro
 52. vt ex Epitoma cognoscitur. Diodotus qui-
 dam) Diodotus est in omnibus vet. pro quo in im-
 pressis, Theodotus, legitur. Sigonius quoque in

vet. lib. epitoma 2. 52. à Diodoto quodam legi testatur. Appianus quoque in Syriaca eundem διόδωτον nominat. M. Aemilio Lepido, C. Hostilio.) Consules hi fuerunt anno ab vrbe condita DCXVI. Prodigia, quæ tum euenerunt, exponit Obsequēs. Postquam à Popillio.) Popillio, recte est in vet. vnde alij Pompilio, alij Pompeio fecerunt. M. Popillio Lenati superioris anni Consuli Mancinum ad Numantiam successisse, tradit etiam Appianus. Turpissimum fœdus.) De hoc fœdere à Mancino cum Numantinis factò, omnes. Tu lege Ciceronem lib. 3. de Officijs.

In Caput quintum.

Nuper Varro.) Bello Punico secundo. sed de Cannensi clade libro superiore, cap. 16. dictum est. Nam gratiæ ei.) Varroni redeunti in urbem gratias à Senatu actas scribit Liuius libro 22. Valerius lib. 3. cap. 4. Brutus in vltiore.) D. Iunius Brutus Consul anno vrbis DCXV. sortitus Hispaniam vltiorem deuictis Gallacis cognomen inde meruit, Appianus in Iberica, Strabo libro 3. Liuius lib. 55. & 56. Florus lib. 2. cap. 17. Velleius 2. Etiam Senatu prohibente.) Cinna & Cæcilius legati in Hispaniam ad Lepidum missi attulerunt SC, quo cauebatur, ne Lepidus Vaccaos bello peteret, Appianus. Hæc sub Lepido.) In vulgatis legitur, sub Metello. In epitoma 56. ita legitur, Dissimilem enim M. Aemiliu Lepidum procos aduersus Vaccaos rem gessit, cladeq, similem Numantina passus est.

In Caput sextum.

Ser. Fulvio Flacco, Q. Calpurnio.) Hi Consules fuerunt anno urbis DCXVIII. Caterum Obsequens puerum illum natum non his Consulibus sed superioribus, P. Furio & Sex. Atilio Serrano scribit. Ad hos vero Cos. Aetnae incendium aliq³ prodigia refert. In Sicilia bellum.) Hoc bellum seruile excitauit Eunus Syrus ex urbe Apamea seruus Antigenis Ennensis. Cuius belli causam, cladem, omnemq³ rationem à Diodoro Siculo libr. 34. descriptam latinè edidit Henr. Stephanus. De eodem Florus libr. 3. cap. 19. & Linius lib. 56. Meminit Appianus lib. 1. Non dicam prætores) Quatuor prætorum, Manilij, Lentuli, Pisonis, Hypsæi castra à seruis capta scribit Florus. Diodorus vnum L. Hypsæum nominat, qui Roma in Siciliam cum VIII. millibus Siculorum militum profectus commissio prælio victus est à seruis. De consulibus infra dicetur.

In Caput septimum.

Anno ab V.C. DCXX.) Hoc anno alij non Scipionem Consulem factum & ad Numantiam oppugnandam profectum, sed Numantiam ab eo expugnatam scribunt. Consensu omnium tribuum.) Nescio equidem quibus rationibus moti alij Correctores scripserunt, Consensu omnium ex tribuno Consul creatur, cum in manuscriptis secus legatur. Hæc per annos XIII.) Florus libr. 2. cap. 18. Numantia quatuor millibus Celtiberorum XL. millium exercitum per annos XIII. sola sustinuit. Appianus in Hispanicis scribit Numantinorum ante bellum non fuisse amplius VII. millia. Eos de rebus à Scipione ad

diuidendum erat, Plutarchus & Appianus. Octauio tribuno) M. Octauium Appianus, Plutarchus & Liuius lib. 58. nominant. In impressis Flori libris est, Cn. Octavius, in meo manuscripto, Caius. Minuciū successorem) Plutarchus, μούκιον habet pro μινούκιον. Apud Appian. κόιντος μούμιος est. Attalus Eumenis F.) De Attalo eiusq. hereditate lege Plutar. in Gracchis, Strabonem li. 13. Liuium 58. Velleium, Sex. Rufum, & alios, Magistratu abijisset) Ita recte est in Gualteri libro, cum in alijs mendose legatur, Magistratum adijisset.

In Caput nonum.

Auctore Nasica) Sic Liuius. Cicero duce Nasica Gracchum occisum ait in Bruto. De Nasica lege Velleium Paterculum. Per gradus, qui sunt super Calp) sic legitur in veter. lib. omnib. pro quo in vulgatis est, quibus itur super Calpurnium fornicē, Appianus, ἀνιρέθη παρὰ τὰς θύρας, παρὰ τὸ τῶν βασιλέων ἀνδριάντας. Interfectus est Tiberius non longe ab ingressu Capitolij, ubi sunt regū statua. De tracto amiculo fugiēs) Plutarchus. αὐτὸς δὲ τὸ περιεῖν φεύγοντος ἀντελάβετό τις τῶν ἱματίων ὃ δὲ τὴν ἡβερνον ἀφείς καὶ φεύγων ἐν τοῖς χιτῶσιν ἐσφάλη. id est, Tiberius fugientem quidam vestibibus apprehēdit. Tum ille relictā toga dum in tunica fugit, corrui. Ictus fragmento subsellij) Velleius, Fugiens decurrensq. cliuo Capitolino fragmine subsellij ictus, vitam quā gloriosissimē degere potuerat, immatura morte finiuit. Plutarchus Satureiū vnū ē collegis nominat, a quo primū ictus fuerit τοῦ διόφρου. Du-

centi præterea) Plutarchus, τὸ δὲ ἄλλων ἀπέθανον ὑπὲρ τριακοσίους. ex reliqua multitudine amplius trecenti interfecti sunt. Seruilis contagio multas) Diodorus, interprete Henr. Stephanō, Cum victoriæ seruorum dissipatus esset rumor, iam serui L. Romæ conſpiratione inter ſe facta ad defectionem incenſi erant, in Attica autem plus quàm mille: itidem vero apud Delum multisq; alijs in locis. Huc pertinet illud Obſequentis, in Italia multa millia ſeruorum, quæ coniurauerant, agre comprehenſa, & ſupplicio conſumpta. Poſt Fulvium conſulem) Bellum ſeruile in Sicilia ortum cum opprimi à prætoribus minimè valuiſſet, C. Fulvius conſuli mandatum eſt, Liviꝝ libro 56. Fuit autem Fulvius Conſul cum Africano minore anno DCXIX. Piſo Conſul) L. Calpurnius Piſo Conſul anno proximo poſt Fulvium rem cum fugitiuis in Sicilia proſpere geſſit, quod præter Oroſium docet Valerius lib. 2. cap. 2. & lib. 4. ca. 3. Cui cum Rutilius Cos.) Rutilius hic Conſul paſſim ab omnibus vocatur etiam à Diodoro. Sed in Faſtis Capitolinis anno DCXXI. cum P. Popillio Lanate Conſule eſt P. RUPILIUS. P. F. P. N. Cicero quoque Verr. ait, Tenuerunt P. Popillio, P. Rupilio Coſſ. illum locum ſerui, fugitivi, barbari, hoſtes, ubi agit de Enna, quam hic vulgo imperitè in Aetnam mutauerant. De Taurominio & Enna à Rupilio expugnatis, & ſeruili bello conſeſſo Diodorus copioſè, qui ſcribit Eunum auctorem huius belli in carcere apud Morgantium, in magnam vim pediculorum reſoluto corpore, miſerè perſiſſe. Plutarchus in Sylla, λέγεται τὸν ἀρξάντα τῷ δουλικῷ πολέμου περὶ σικελίαν δραπετὴν τὸν εὐνοῦν ὀνομα μὲν

τὴν ἄλωσιν εἰς ῥάμῳ ἀγόμενον ὑπο φθειρίᾳσιως
ἀποθανεῖς. id est, Traditum est Eunum fugitiuum
illum qui seruile bellum in Sicilia concitauit, cum iā
captus Romam perductus esset, pediculorum morbo
extabuisse.

In Caput X.

Aristonicum Attali fratrem) Aristonicus erat
Eumenis filius, non iusto matrimonio, sed ex pellice
Ephesia citbarista cuiusdam filia genitus, auctore Iu-
stino libro 36. ubi de bello Aristonici, quod de Liuii li-
bro 59. Florus libro 2. cap. vltim. Velleius & Eutropi-
us Legendus quoque Cicero Philipp. ii. Virgam, qua
erat vsus ad equum) Hoc scribit etiam Valerius li-
bro 3. ca. 2. Perperna Cos.) Hic proximo anno post
Crassum Consul fuit, eoq; Consule Crassus iam pro-
consul occisus fuit, auctor Obsequens. De re à Perper-
na gesta, omnes quos modo nominaui. Ptolemæum
septimum Alexandr. regis) Ptolemæum septimum
Alexandrinorum regem intelligit, qui secundus Euer-
getes, & Physco dictus fuit, ac flagitiosissimè vixit,
vt scribit Strabo libr. 17. Quæ autem Orosius hic de
Ptolemæo & Antiocho scribit, ea sumpsit de Liuij lib.
59. cuius rei testis est Epitoma. Centum millia ar-
ma) Magna mollities regis atque ignauia significa-
tur, qui duplo plus turbæ inutilis, quam armatorum
ad bellum duxerit: neque vlla causa est cur veterum
librorum numerus mutetur. Sempronio Tudita-
no, M. Aquillio) Cicero de Nat. 2. Tum sole gemi-
nato, quod vt è patre audiui, Tuditano & Aquillio
Cos. euenerat. quod quidē anno P. Africanus sol alter
extin-

extinctus est. de eiusdem morte in Lelio, & pro Milone. Historia est apud Liuium li. 59. Velleium 2. Appianum. 1. Plutarchum in Gracchis. Hunc quidam vxoris suæ) Suspicio de Sempronia vxore est in epitoma Liuiana, de Sempronia & cornelia socru in Appiani lib. 1. Hinc Cicero in Somnio Scipionis dixit, Si impias propinquorum manus effugeris. Existimatus est quoque C. Carbo tribunus pleb. Africano vim attulisse, vt scribit ad Patum ep. 21. M. Aemilio, L. Oreste) De prodigijs, quorum hic Orosius meminit, lege Obsequentem.

In Caput XI.

Quæ hoc capite de immuni vi locustarum in Africa & peste inde exorta scribit Orosius, ea fuerunt à Liuiio exposita lib. 60. in cuius epitoma sic legitur, Pestilentia in Africa à maxima multitudine locustarum, & deinde necatarum strage fuisse traditur. Meminit eiusdem rei Obsequens. Micipsa rex) De quo infra cap. 15.

In Caput XII.

Anno ab vrbe condita DCXXVII.) Alijs est annus DCXXX. Consulium nomina vulgo miserè deprauata sunt, quæ in optimis libris recte habent, nisi quod Metello Lucij non Quinti prænomen male dant. Carthago in Africa restitui iussa) Carthaginem iussu Senatus reparatam scribit Eutropius. A senatu id decretum fuisse indicat Appianus. Rubrium tribunum pl. rogationem ad populum de colonia Carthaginem deducenda pertulisse, auctor est Plutarchus in Gracchis. Nam cum mensores. De hoc prodigio

Appia-

Appian. & Plutarchus. Eodē annō C. Gracchus)
 C. Sempronius Gracchus tribunatum plebis per bi-
 ennium continuauit, vt notauimus in argumento or-
 rationis de prouincijs Cos. eoq; tempore multas leges
 tulit, de quibus Appianus, Plutarchus, Liuius, Asco-
 nius & Velleius Minucio successore) Hunc viden-
 tur collegae in Gracchi locū subiecisse, cum ille pluri-
 mis suffragijs tribunus pl. tertium creatus esset, quo
 de Plutar. Minucij huius meminit Florus lib. 3. ca. 15.
 Auctor de viris illust. Minucium Rufum nominat.
 Quidam praeco) Atilius praeco Opimij consulis est
 in libro de viris illustribus, qui à Plutarcho ὀπίμιος
 ὀπιρέτης κόντος ἀντίλιος nominatur. In Appiani
 libris idem ἀντίλιος & ἀντίλιος dicitur. Ianium tan-
 quam arcein) Hæc ita leguntur in veteribus libris
 omnibus. Auentinum occupatum omnes scribunt, e-
 umq; intelligendum ostendi quod sequitur de clina
 publico, per quem in Auentinum ascendebatur. De
 Brutus) De quo supra cap. 5. In templum Miner-
 uæ.) Orosius hic Minervæ templum posuit pro Dia-
 na: in quod Gracchum confugisse auctores sunt Ap-
 pianus, & is qui de viris illustribus scripsit. Item Plu-
 tarchus his verbis, ὃ ἦ γάιος ὥφθη μὲν ὑπ' οὐδε-
 νὸς μαχόμενος, ἀλλὰ δυσανασχετῆν τοῖς γινο-
 μένοις, ἀνεχώρησεν εἰς τὸ τῆς ἀρτέμιδος ἱερὸν,
 ἐκεῖ ἡ βουλόμενος ἑαυτὸν ἀγεῖν, ὑπὸ τῷ πιστοτά-
 τῳ ἐταίρων ἐκωλύθη, πομπωνίων & λιχινίς. πα-
 ρόντες γὰρ οὗτοι τό τεξίφος ἀφείλοντο, & φεύγειν
 ἐπῆραν αὐτόν. Id est, Pugnantem Gracchum ne-
 mo vidit: sed is grauius ferens eum rerum statum
 in Diana secessit. vbi dum sibi manus inferre parat,
 à fide-

à fidelissimis amicis Pomponio & Licinnio est prohibitus. hi enim coram cum adessent, gladium ademerunt & ut fuga se mandaret impulerunt. Interuentu Lætorij). Lætorij restituiumus ex optimo libro Gnalttheri. pro quo in cæteris mendosè, Liætoris, legitur. Origo erroris inde venit, quod vulgo, Lectorium, pro Lætorio scribunt. at in optimo illo libro non modo hic, verum etiam infra cap. 21. est Lætorius, ubi ita hoc nomen scribi debere ostendemus. In Plutarchi loco, quem modo adduximus, λαινωίς hand dubie corruptè legitur, pro λατωρίῳ. Nam qui ibi Pomponius & Licinnius, ἢ ab auctore de viris illustribus & Valerio Maximo, libro 4. ca. 7. Pomponius & Lætorius dicuntur. De Pomponij equitis R. fidè in Gracchum lege Paterculum. Tandem Sagittarij) τοξόται κρητες, Plutarchus. In domum priuatam) ἐς ἐργαστήριον ἀνδρὸς γινώσκουσιν, in officinam hominis notii, Appianus. Gracchus diu pro se.) Appianus. γρακχος διὰ τῆς ξυλίνης γεφύρας ἐς τὸ πέραν τῆς ποταμῆς καταφυγὼν εἰς ἄλσος τι μεθ' ἐνὸς θεράποντος, ὑπέσχετῶ θεράποντι τὴν σφαγὴν καταλαμβάνόμενος. id est, Gracchus per pontem sublicium trans Tiberim confugiens in lucum quendam cū vno seruo, cum ibi iam comprehenderetur, ceruicem seruo præbuit. Auctore de viris illustribus lucum Furine vocat: Plutarchus, ἱερὸν ἄλσος τῆς ἐριννώων. Seruum Velleius & u qui de viris illust. scripsit Euporū nominant, Plutarchus Philocratem. lege Valerium lib. 6. cap. 8. Flaccus adolescens) Q. Flaccum nominat App. quem impuberem legatum à patre missum in carcere necatum ait Cicero in Catilinā. Velleius,

Iuuenis specie excellens, necdū duodeuicesimū transgressus annum, immunisq; delictorum paternorum, Fuluij Flacci filius, quem pater legatum de conditionibus miserat, ab Opimio interemptus est. In robore) Robur in carcere dicitur is locus, quo precipitatur maleficorum genus, Festus. Liuius libr. 38. Vt in carcere inter fures nocturnos & latrones vir clarissimus includatur, & in robore & tenebris expiret. Ducentiquinquaginta) Hoc similis vero, quam quod Plutarchus scribit τεισχιλίς fuisse interfectos.

In Caput XIII.

Metellus Baleares) De Balearico bello Liuius libro 60. Florus libro 3. cap. 8. Domitius proconsul) Cn. Domitius Ahenobardus Consul cum C. Fannio fuit anno DCXXXI. de bello quod cum Allobrogibus gessit Liuius lib. 61. Eutropius lib. 4. Suetonius in Nerone.

In Caput XIII.

Anno ab vrbe condita DCXXVIII.) Alijs hic annus est ab vrbe condita DCXXXIII. De bello Allobrogico Appianus in Celtica, Strabo libro 4. Liuius 61. Florus libro 3. cap. 2. Conferta pugna) Pugnatum est apud flumen Isaram ante diem VI. Idus Augusti. Plinius libro 7. capite 50. Centum L. millia) Hic numerus est in nostris manuscriptis omnibus. Liuius ait ex Bituiti exercitu caesa millia hominum CXX. Appianus quoque δώδεκα μυριάδας edit. Q. Marcius Consul) Q. Marcius Rex Consul cum M. Porcio

Porcio Catone fuit annò CCXXXV. De re à Marcio ge-
sta: Liuius libro 62.

In Caput XV.

Anno ab V.C.DCXXXIX. Alijs est annus hic
DCXLII Bellam Iugurthinum ex Sallustio notum est;
Legenda epitoma Liuiana 64. vna cum sequentibus.
In Orosio inuenies quædam à Sallustio nò ita expres-
sa. Capfam ab Hercule Phœnice) Hercules Libys
dicitur à Sallustio. Strabo. lib. vlt. $\chi\alpha\lambda\alpha\tau\omicron\gamma\alpha\zeta\omicron\phi\upsilon\lambda\acute{\alpha}\chi\iota\omicron\nu\tau\grave{\epsilon}\iota\varsigma\gamma\omicron\upsilon\theta\epsilon\alpha$ vocat. Tumultuosior pugna)
Hac pugna Marius Iugurtham & Bocchum apud
Cirtam cecidit, vt ait Florus lib. 3. cap. 1. XC. millia
armatorum) In magna varietate numerum, qui est
Gualteri libro, recepi. Nam & in meo scripto Eutro-
pio post quam scriptum est, Iugurtham & Bocchum
à Mario pariter superatos esse, deinde additur, XC.
millia armatorum ad internicionem cecidit. Per Syl-
lam legatum) Syllam quaestorem Marj omnes alij
appellant. Iisdem diebus obscœnum prod) Hoc
prodigium trienio ante bellum Iugurthinum euenit,
M. Acilio Balbo, C. Porcio Catone Cos. anno DCXXX-
IX. vt scribit Obsequens. L. Heluius eques R.) Vulgo
mendosè contra omnium veterum librorum aucto-
ritatem legitur, L. Aelius. Eadē iniuria Heluius facta
erat ab Aelio apud Liuium libro 32. quam Sigoni-
us vir acerrimus in huiusmodi monstris conficien-
dū vindicauit. In Obsequenti prodigys, Pompeius
Heluius vitioso priore nomine legitur. Heluium re-
ctè hunc nominari etiā ex Quæstionibus Romanis
Plutarchi cognoscitur: vbi virgo hac fulmine icta

ἐλβία nominatur. Diaconus hoc prodigium cum Ciceronis ortu coniungit, credo quod virgo illa Helvia matris M. Tullij gentilis esset. qua de re plura dixeram in Ciceronis vita: quam ego publicassem, nisi eo tempore Seb. Corradi Egnatius fuisset editus. L. Veturius) Βετρίος Βάρβαρος nominatur in libris Plutarchi. sed ego mallet legere Βερούτιος Βάρβρος. Nam Porphyrio interpres Horatij in illud Satyr. 6. lib. 1. Sermonum. Ut si qui aegrotet quo morbo Barrus haberi. Et cupiat formosus, scribit Barrum incestum cum Aemilia vestali fecisse. T. Betutius Barrus Asculanus illis temporibus agnoscitur à Cicerone in Bruto. Duas præterea virgines) Liciniam & Marciam, Plutarchus & Livius libro 63. Asconius in Milonianam. L. Cassius Consul) Cassius Consul cum C. Mario anno DCXLVI. in Gallia à Tigurinis occisus fuit, Livius libro 65. Caesar libro primo de bello Gallico. L. quoque Pisonis) Avus L. Pisonis Cæsonini, in quem extat Ciceronis oratio, Caesar. Cæpio procos.) Q. Servilius Cæpio Consul cum Serrano fuit anno DCXLVII. quo M. Tullius Cicero Arpini est natus, Gellius libro 15. cap. 28. Centū M. pondo auri) Lege Erasimum in proverbio, Aurū habet Tolosanum.

In Caput XVI.

Anno ab V.C. DCXLII.) Alijs hic annus est ab V.C. DCXLVIII. De re gesta cum Cimbris à Manilio & Capione Sallustius de bello Jugurthino, Livius libro 67. Florus libro 3. cap. 3. Eutropius libro 5. Velleius & alij. C. Manilius Consul, & Q. Cæpio procō-

ful.) Ita hac in nostris exemplaribus scriptis omnibus leguntur, nisi quod pro Manilio, quem Gualtheri liber agnoscit, alij Manlium habent. Manilius hoc anno Consul erat, Capius, qui anno superiore Consul fuerat, iam prorogato imperio proconsul erat. Recte igitur Sigonius in Liuiana epitoma restituit, ab iisdem hostibus C. Manilius Consul, & Q. Capius proconsul victi praefecti, castrisque binis exuti sunt. In nostro manuscripto Eutropio initio libri s. duae roses, Romani Consules, non leguntur, & recte absunt. Apud Velleium ego lego, Cum Capius Manliumque Cos. non ut est impressum, Coss. M. Aurelius. M. Aurelius Scaurus intelligit, qui ante triennium Consul fuerat, Liuius lib. 67. vulgo mendose M. Aemilius legitur. Q. Fabius Max. filium) Fabius Seruilius vir censorius à filio dubia castitatis poenas exegit, & punito pependit, voluntario secessu conspectum patri vitando, Valerius li. 6 ca. 1. Cum iuxta Iaræ Rhodanique flumina.) Sic habent lib. vet. omnes Plutarchus in Mario, τειχίσας στρατόπεδον παρὰ τῷ ποταμῷ ποταμῷ. Castris munitis ad Rhodanum flumen. Aqua ad potandum deesset.) Haec omnia accurate simul & copiose à Plutarcho explicata sunt. Ducenta millia armati) Idem numerus caesorum & captorum est apud Eutropium. In epitoma Liuiana 68. capta dicuntur millia xc. Plutarchus aut caesorum & captorum fuisse amplius centum millia. Velleius amplius cl. millia hostium trucidata refert. Teutobododus) In quibusdam antiquis est, Teutobodus, sed in Eutropij libris est Teutobodus, apud Florum Teutobochus. Mulieres eorum.) Lege Valerium Max.

Max. li. 6. ca. 1. Hæc de Tigurinis & Ambronib.)
 Liuius, Florus & Plutarchus Tentonas cum Ambro-
 nibus coniungunt, eosq; à Mario caesos ad aquas Sex-
 tias, Cimbros vero à Mario & Catulo in Italia vi-
 ctos: Tigurinos, qui Noricos Alpes infederant, fuga
 dilapsos tradunt. Annibalis secuti ingenium) Vi-
 de Frontinum li. 2. ca. Sol cum vento ortus) De
 hac re Plutarchus, qui scribit cum Cimbris pugna-
 tum a. d. III. K. Sextil. LX. millia capta) LX. non XL.
 est in vetustis nostris: item apud Liuium & Eutropi-
 um. Plutarc. ἐλάωσαν ὑπὲρ ἑξ μυριάδας. Capti sunt
 supra LX. millia. Inuenta est etiam quædam) De
 hac muliere Plutarchus, μίαν δέφασιν δὲ ἀχρὲς ῥυ-
 μῶν χρηματίζων, τὰ παῖδια τῷ αὐτῆς σφυρῶν ἀφημ-
 ῶντα βρόχοις ἐχατέρωθεν ἡρτῆσθαι, id est, Vnam
 aiunt de summo temone suspensam, filios pedibus e-
 ius laqueis alligatos vtrinq; pepēdisse. Publicius si-
 quidem Malleolus) De hoc Publicio Cornificius ad
 Herennium li. 1. Malleolus iudicatus est in matrem necas-
 se, ei dānato statim foniculo Lupino os obuolutū est,
 & solea lignea pedibus inductæ sunt, & in carcerem
 ductus est. Hic fuit è nobili familia, ex qua M. Publi-
 cius Malleolus Consul anno vrbis DXXI. in Capitolinis
 Fastis inuenitur. In Liuij vetustis exēplaribus est et-
 iam, Publicius Malleolus, vt testatur Sigonius. Insu-
 tusq; in culleum) De hac pœna parricidarum Mo-
 destinus cap. 9. D. de lege Pompeia de parricidijs. Me-
 minit Cicero pro Roscio Amerino.

In Caput XVII.

Anno DCXLV.) Sextus Marij Consulatus ex

alijs annalibus cadit in annum DCLIII. Qui cum censorem.) Q. Metellus Censor Marco V. Consule Saturninum Tirbunicium notauit. tumq; à multitudine incitata contumelijs affectus fuit, Cicero pro Sextio, Valerius li 9. ca. 7. Appianus lib. 1. A. Noniū) Ita scripsi, cum in manuscriptis quibusdam Annonium, in alijs Anunium legeretur. Nam Appianus hūc ἄνιον vocat, & in Plutarchi Mario ὁ ὀνίου φόνος, pro ὁ νοίου, mendosè legitur Corruptè etiam apud Florum li. 3. ca. 16. est Annio, vna litera omissa. cum sit legendum, A. Nonio Die dicta.) Diem Metello Saturninus dixit, quod in eius legem agrariam intrare noluiſſet, Cic. pro Sext. Liuius libr. 69. Appianus, Plutar. & alij. P. Mettium) In hoc nomine describendo secutus sum optimum librum Cor. Gualtheri. Alterum Consulem) L. Valerium Flaccum. Nam C. Mario L. Valerio Coſſ. Senatus Remp. defendendā dederat, Cicero Catilin. 1. Philip. 8. Sed historiam pleniorẽ lege pro Rabirio perduellionis reo. Marius fistulas.) Cicero, Marius fistulas, quibus aqua suppeditabatur Iouis Opt. Max. templis ac sedibus, præcidi imperauit. Plutarchus, τὰ τὸ ὀχετοῦς ἀπὲρχοιτο. Circa Saufeium.) C. Saufeium, Cicero, γαῖον σαφήιον, Appianus In curiam.) In curiam Hostiliam, Velleius Pater. C. Furius Tribunus pl.) πόπλιος φούριος δῆμαρχος οὐδ' ἐλευθέρῃ πατρὸς, ἀλλ' ἑλευθέρῃ, P. Furius Tribunus pl. ne patre quidem ingenno, sed libertino natus, Appianus. Cicero pro Rabirio, hominem omnibus insignem notis turpitudinis appellat. Rutilius vir integerrimus.) P. Rutilius Rufus, qui Cōsul fuit anno DCXLVIII. cum illo nemo neque

neque integrior esset in ciuitate, neque sanctior, con-
 spiratione publicanorum (quibus nihil agere in Asia
 prouincia sua permiserat) in iudicium vocatus, So-
 cratem imitatus nemini supplicare voluit, sed ne or-
 natius quidem aut liberius causam dici suam, quam
 simplex ratio veritatis ferebat. Lege Ciceronem li. 1.
 de Oratore, & in Bruto, Valerium li. 6. ca. 4. Asconi-
 um, Velleiũ & alios. Qui Smyrnam commigrās.)
 Hinc Ouidius li. 1. de Ponto, Et graue magnanimi ro-
 bur mirare Rutili, Non vsi reditus condicione dati.
 Smyrna virium tenuit, &c. Rutilium vero cū Smyr-
 na exularet, ciuitatis eius ciuem factum fuisse, Cice-
 ro pro Balbo auctor est.

In Caput XVIII.

Anno ab V. C. DCLIX.) In Fastis Capit. hic
 ait annus est ab V. C. DCLXII. quo M. Liuius Drusus
 Tribunus pl. seditionem commouit, qua de Liuius lib.
 71. Appia. li. 1. Florus li. 3. ca. 17. Velleius li. 2. lege præ-
 fationē ciceronis in tertiũ de Oratore. Prodigia di-
 ra) De his prodigijs Iulius Obsequens. Cic. quoq; li. 1.
 de Diuina refert nonnulla prodigia, quæ Sisenna ini-
 tio belli Marsici exposuerat. Drusus tantis malis
 anx.) Drusus in atrio domus suæ cultello percussus,
 qui affixus lateri eius relictus est, intra paucas horas
 decessit, Vellei. Seneca de breuit. vitæ ait, illum vul-
 nere per inguen accepto collapsum, aliquo dubitante,
 an mors voluntaria esset in illo, an tempestiua. Lege
 præterea Plinium li. 28. cap. 9. & Auctorem de viris
 Illustr. C. Seruiliũ) C. Seruiũ, vulgo mendosè ba-
 bent libri, idemq; mendum est in Velleio. Liuius. lib.

72. Q. Serviliū proconsulem, Apprianus σεργίλιον
 αὐθυπατον vocat. Papiū Mutilū) Papius Mu-
 tilius est apud Velleiū: sed Apprianus γάτον πᾶπιον
 μότιλον nominat, Diod. in excerptis libri, 37. γάτον
 ἀπ᾽ένιον μότυλον. Iulius Cæsar) L. Iulius Cæsar
 Cos. pro quo Apprianus Sex. Cæsarem habet, vide Li-
 uium li. 73. Tolenus fluuius) Apprianus scribit Ru-
 tilium & Mariū ad Lirim fluuiū non ita magno
 interuallo disiuncta castra habuisse, Mariūq; cla-
 dem Rutiliū ex cadaueribus, quæ eo flumine defere-
 bantur coniecisse. Marius deinde sex millia.) Hu-
 ius prælii, quo Marius sex millia hostiū cecidit, me-
 minit Plutarchus in eius vita. Senatus laticlauiā.)
 Sic libri vet. Liuii li. 74. ait propter hanc victoriā
 Romæ prætextas, aliāq; magistratuū insignia sum-
 pta esse. Cato prætor Etruscos.) Hæc quoque vul-
 go confuse leguntur, quæ in exemplaribus antiquis sunt
 distincta. vide Liuiū. Dux Iudacilius) γάδιος Ἰδα-
 χίλιος, Appia. qui eum Asculi venenum hausisse ait.
 Postumius Albinus) De huius A. Postumii Albini
 cade Valerius li. 9. ca. 8. C. Gabinius) A. Gabinius di-
 citur Liuioli. 76. Caii prænomē ab vno manuscripto
 abest. Pompædius) Ita est in Gualtheri libro Appi-
 anus κοῖντον πομπάδιον appellat, qui in Liuii &
 Velleii libris Silo Pōpedius dicitur. Apud Plutarchum
 in Apophthegmatis πομπῆς σίλωνος, in Mario πο-
 πλῆς σίλωνος mendosè legitur. Apud Diodorū rectè,
 κοῖντος πομπάδιος σίλων. AC. Sentio prætorē.)
 σέντιος ὁ στρατηγὸς τῆς μακεδονίας est apud Plutar-
 chū in Sylla. de quo Cicero Verrina. 5. Modo C. Sentium
 vidimus, hominem vetere illa ac singulari innocētia
 prædi-

præditum, propter caritatem frumenti, quæ fuerat in Macedonia, per magnam ex cibarijs pecuniâ reportare. Adverbiû, infœliciter, quod in nonnullis manuscriptis legitur, atq; inepte additû fuit, deleuimus.

In Caput XIX.

Anno ab V.C.DCLXII) Ita numerat Eutrop. li. 5. alijs est annus DCLXV. quo L. Cornelius Sulla, & Q. Pompeius Rufus Consules fuerunt. Alij XXX. ali j XL.) Si à Sulla & Pompeio numeres ad Pisonem & Messallam Consules, quibus Pompeius confecto bello Mithridatico triumphauit, inuenies annos XXVII. Sed Florus libr. 3. cap. 5. scribit Mithridatem annis XL restitisse. Appianus in Mithridatico ait hoc bellum gestum annis XLII. In Campania tamen.) Nola pertinacissimè arma retinebat, exercituq; Ro. obsidebatur, Velleius. Gravidium Marij legatum) Gravidium à Mario legatum missum ad Syllam accipiendarum legionum causa milites trucidarunt, Val. lib. 9. ca. 7. Plut. in Mario scribit, missos ab ipso duos tribunos milit qui Syllæ exercitum acciperent, eosq; à milit. interfectos. Sulpicius Marij collega) P. Sulpicius Tribunus pl. legem tulerat, ut Mario bellum Mithridaticum decerneretur, atq; auctor seditionis fuit, Liuius li. 77. Vellei. 2. Valer. li. 6. ca. 5. Appi. li. 1. Plut. in Mario & Sylla, Cic. in Bruto, & ali j In Mniturnensium pal) Lege præter eos, quos nominaui, Cic. pro Sextio & in Pisonē. Cinnæ Consuli) L. Cornelius Cinna Consul cū Cn. Octauio fuit post Syllæ Consulatu. à quib. bellū Octavianum commotum est, cuius meminit Cic. li. 2. de Nat. deor.

Lege Plutarchum in Sylla, Appi. li. 1. Liui. 79. & 8. Velleium, Flor. Eutrop. & alios. Partem Sertorius) De Q. Sertorio Plutarchus in eius vita. Coloniam Ostiensem) Hoc scribit Appianus li. 1. Plutarch. in Sylla, Liuius li. 79. Antium & Ariciam) ἀντίον & ἀρικήαν & λανοῦσιον, Appianus. Nobilissimos quosque.) In his fuerunt tres Oratores Q. Catulus, M. Antonius, C. Iulius Caesar, de quibus Cicero in Bruto. Tū quoque Octavius & Merula Consules, Crassus pater & filius, multiq; alij interfecti: de quibus Appian. li. 1. Liuius 80. Lucan. li. 2. Velleus, & alij. Cum Cinna tertium Cos.) Anno urbis DCLXVII. quo C. Marius VII. Cinna iterū Consul fuit. ac Marius quidem initio Consulatus Idibus Ianuar. decessit, Liuius libr. 80. Plutarchus in Mario. In eius locum successit L. Valerius Flaccus, de quo libro seq. Introducta per Marium fugit.) Appianus scribit seruos, qui proposita libertate ad Cinnam perfugerant, cum rapina atque cedis modum nullum facerent, ipsius iussu à Gallis trucidatos fuisse. Plutarchus tradit Sertoriū ad quatuor millia seruorum, quos Marius in bello socios, in tyrannide satellites habuerat, interfecisse. Cinna quartum Consul.) Cinna in quarto Cōsulatu Ancone ab exercitu suo lapidibus occisus est, Liuius li. 83. Appianus 1. Plutarchus in Pompeio & alij.

In Caput XX.

Septem millia tunc Ro.) Eundem numerum edit Eutropius. VII. millia de exercitu Norbani caesa tradit quoq; Plutar. Appianus vero scribit militum Norbani millia sex, Sylla LXX. cecidisse. Fabius Adrianus)

drianus) *Adriani* huius meminit *Cicero Verr. 3. vbi*.
Asconius ita scribit. *Cinnanis* temporibus cum *C. Fa-*
bius Adrianus, vt alij aiunt, Legatus, vt alij putant,
 pro pratore, vel prator, prouinciam obtineret *Africā*,
Vtica in pratorio suo viuus vſtus eſt, quod corrupto
 ſeruitio ciuitatis illius de principum nece conſpiraffe
 diceretur. De eodem *Liuius* li. 86. *Valerius* li. 9. ca. 10.
Damaſippus prætor.) Solus *Appianus* hunc præ-
 torem *Brutum* nominat, quem *Liuius* li. 86. *Velleius*
 2. *Valerius*. li. 9. cap. 2. *L. Damaſippum* nominat. *Ci-*
cero quoq, ep. 21. li. 9 ad *Patum* ita ſcribit, Nam præ-
 ter hunc *C. Carbonem* (*Cn. Carbonem* vulgo corru-
 ptè legitur) quem *Damaſippus* occidit, ciuis è *Rep.*
Carbonū nemo fuit. *Q. Metellus Carrinatis* cop.)
Q. Metellus Pius Carrinatem legatum ad *Aeſim*, quē
Appianus αἰσίνον ποταμὸν appellat, fudit. Apud *Plu-*
tarchum in *Pompeio* eſt αἰσίνος ποταμὸς, corruptè vt
 opinor: ad quem *Carbonis* equitatum in fugam con-
 iectū ſcribit. Apud *Sacriportum*) De victoria *Syl-*
la apud *Sacriportum* *Liuius* li. 87. *Velleius* li. 2. *Flo-*
rus li. 3. cap. 21. *Marius iunior*, *Setio* à *Sylla* occupa-
 to, prope caſtra poſuit, cumq, cedendo ad *Sacriportū*
 veniſſet, acie inſtruxit, vt ſcribit *Appian*. qui *Sacri-*
portum δερὸν λιμὲνα vocat. *Plutar.* in *Sylla* pralium
 hoc ad *Signium* commiſſum fuiſſe ait. *Signiū* & *Se-*
tium finitima oppida inter viā *Latinam* & *Appiam*
 collocat, *Strabo* lib. 5. Cæſa ſunt XXV. millia) XX.
 millia partis aduerſa hoc pralio ſe interfeciſſe *Sylla*
 ſcripſit, auctore *Plutarcho*, idemq, numerus eſt apud
Eutropium. *Metellus Norbani* agmen) Hoc prali-
 um commiſſum fuiſſe apud *Fauētiam*, ſcribit *Velle-*

ius. Lucullus cū à Quintio) Vulgo mēdosè Quinto legitur. De victoria M. Luculli apud Fidentia Vel-leius & Plutar. in Sylla. Plusquam decē millia) ὀκτακισχιλίους ἐπὶ μυρίαις Plutar. Cū Lampo-nio) Lamponū nomen in Orosii libris variè deprava-tū fuit, sed apud Liniū, Appian. Plutar. Florū & Eu-trop. recte legitur. De pugna ad portā Collinā cum Lamponio Lucano & Telefino Samnite lege etiā Vel-leiū. Ad horam diei nonā) σχεδὸν εἰς ὥραν δεκά-τῃν ἤδη τῆς ἡμέρας καταγερούσης, Plutarchus.

In Caput XXI.

Tria millia hominum) In vno manuscripto est, IIII millia, fortasse pro, VI. millia, errore manifesto & vulgari. Nam Augustinus de Ciuit. dei li. 3. ca. 28. VII. millia edit, Liu. li. 88. VIII. millia, Plut. in Sylla ἑξακισχιλίδες, Valerius li. 9. ca. 2. quatuor legiones. In meo Floro manuscripto ita legitur, Quatuor mil-lia deditorum incrimium ciuium in villa publica in-terfici iussit. cum vulgo mendosè legatur. in via pu-blica. quod mendū ē Liuiana epitomia Sigonius quo-que sustulit. Q. Catulus palam) Palā, additur quo-que in Diaconi additionibus ad Eutropiū. Ceterum pro Q. Catulo Plutarchus C Metellū habet. L. Fursi-dio) Huius meminit Florus, quē Plutarchus ἐφιδιον appellat. Prima proscriptio LXXX. hominū fu-it) Vulgo contra veterum librorum auctoritatem le-gunt, LXXX. milliū hominū Plutar. in Sylla, ὁ δ' αὖ συν-sύλλας ἐκ τῶν ὀκδοήκοντα προέγραψεν Sic enim le-gendū, non προσέγραψεν, ut est impressum. M. Ma-riū) M Mariū prætorem, nominat Valerius lib. 9.

ca 2. Mariū ducis ipsius fratrem, Florus de crudeli eius interitu Lucanus. li. 2. P. Lætorius) Hunc pu- to esse illū, quem Sylla Cōsul cum Mario seniore pro- scripsit, quemq; Appianus λατῶριον nominat. esse aut scribendum, Latoriū, non Lætorium cognoscitur è libris grecorum, & antiquis Latinorū, itemq; ex Fastis Capitol. in quibus anno vrbis CDXCVI. est M. LÆTORIVS M F. M. N. PLANCIVS magister equi- tum cum Dictatore Q. Ogulnio Gallo. Valerius Ma- ximus hunc non P. Lætorium, sed M. Platorium no- minat. & in nonnullis Orosii libris Latorū prænomen cū nomine ipso iungitur. Cum Telesino) Idem est in epitoma Liuiana. Sed alij aliter de Marij morte scripserunt, vt est apud Velleiū. A Cossura insula) Cossura, non Cosyra est in manuscriptis duobus: nam in vno mendosè Corsica legitur, sicut in epitoma 89. Corcyra. Appianus, καὶ βοῦν δ' ἐκ λιβύης ἐς σικελίαν μὲν πολλῶν ἐπιφανῶν, καὶ ἀπ' αὐτῆς κοσσύραν νῆσον ὑποφεύγοντα, πέμψας τινὰς ὁ πομπήϊος συνελάμε- θαι. id est, Carbonem ex Africa in Sicilia multis no- bilibus comitatum, atq; inde in Cossuram fugientem Pompeius submissis quibusdam comprehendit. In la- pidibus Capitol extant nauales triumphi Ser. Fuluij Nobilioris, & M. Aemilij Pauli de Cossurensibus & Pæneis an. CDXCIX. Hiertam Numidæ regem) Hiertā habēt omnes libri manuscripti, eundemq; an- tiquus meus Eutropius Hierdā nominat, cū impressi Hiarbā, Plutarchus ἱέρβα, epitoma Hierā edat.

In Caput XXII.

Creatis itaq; P. Seruilio) P. Seruilius Vatia, &
Ap. Clau-

Ap. Claudius Pulcher Consules fuerūt anno DCLXX-
 III. ijsq; Consulib. creatis Sylla Dictatura se ultro ab-
 dicauit. Appianus libro 1. Plutarchus in Sylla. Aut
 Crixi) De Crixo gladiatorum duce infra capite ult.
 dicemus. In impressis vulgo male, aut Crassi, legitur.
 Sylla mortuo Lepidus) M. Aemilius Lepidus &
 Q. Lutatius Catulus Coſs fuerunt an. vrbis DCLXXV.
 de quibus Sallust libr. 1. hist. Res populi R. M. Lepido,
 Q. Catulo consulibus militia & domi gestas compo-
 sui. De dissensione horum consulum Cicero catil. 3.
 Liuius li. 90. Appianus 1. Plutar. in Sylla & Pompeio,
 Eutrop. aly. Brutus in ciſalp) Hic est M. Iulius Bru-
 tus M. Bruti, qui caſarem interfecit, pater, Plutarc.
 in Pompeio & Bruto.

In Caput XXIII.

Anno ab V.C. DCLXXIII.) Annū intelligit,
 quo Lepidus & Catulus Consules fuerunt, quem nos
 iam DCLXXV. post Romam conditam nominauimus.
 ijs vero Coſs. quatuor hac bella exorta fuisse Eutrop.
 initio li. 6 auctor est. Sertorius siquidem) De bello
 Sertoriano Appian. li. 1. Plutarchus in Sertorio & Pō-
 peio, Liu. li. 90. & deinceps, Florus li. 3. ca. 22. Eutrop.
 li. 6. & auctor de viris illustrib. Domitius ab Hir-
 culeio.) Hirculeius est in nostris manuscriptis Oro-
 sii, Eutropij & Flori libris. Hirculeium quaſtorē no-
 minat, Liuius lib. 90. eundem Plutarchus in Sertorio
 intelligit his verbis, δομίτιον ἡ χαλκούσιον (fortasse
 χαλκῖνον) ἀνθύπατον ὄντα τῆς ἐτέρας ἰβηρίας διὰ
 τῷ ταμίῳ καταγωνισάμενος. Meminit ibidem Plu-
 tarchus Thoranij legati Metelli, quem Sertorius cū

exercitu cecidit. In meo etiam Floro manuscripto legitur, cum hinc Domitius & Thorius, inde Hirculeij praluderent. ubi impressi habent, cum hinc Domitius & cohortes. Manilius procos.) Manlius in ceteris. Apud Plutarchum est, ὥστε λεύκιον μὲν λόλλιον ἐκ τῆς περὶ ναρβῶνα γαλατίας ἔλθεῖν αὐτῷ βοκθόν. ubi Sigonius legit, ὥστε λεύκιον μανίλιον. Apud Pallantiam) In alijs est, Polentiā, mendosè. De Pallantia Strabo li. 3. de Pallantinis Plinius li. 3. ca. 3. De Lauronis excidio Plutarchus & Appianus. Reliquū agmen Lauron.) Plutarchus aliter in Sertorio, scribens ipsum Lauronensibus pepercisse, eosq; dimisisse. Non proconsule) Lege Plutarchum in Pompeio. Hirculeius cum Metello) De Metelli victoria contra Hirculeium Livius li. 91. Frontinus lib. 2. Stratagem. Memmius quæstor) Memmium in agro Seguntino interfectum ait Plutarchus in Sertorio. De Memmio quæstore Pompeij Cicero pro Balbo. Perperna.) Perperna, non Perpenna, scribi debere testimonio sunt Fasti Capitolini, in quibus anno DCLXI. cum claudio Pulchro consul M. PERPERNA comparatur, idemq; à Dione li. 41. περιτέρνας appellatur. unde non est dubium quin apud Plutarchum & Appianum librarij pro Perperna substituerint περιτέρνας. cum præsertim in Appiani Iberica ab Henr Stephano edita Perperna hic, quo de agimus περιτέρνας appelletur. Sertorius decimo demum an. In Eutropij libris scriptum est, Sertorium octavo decimo anno à suis occisum esse. sed casspinianus rectè corrigit octavo demum anno. Nam & Appianianus de re gesta cum Sertorio ita scribit, λοιπὸν δὲ ἐπὶ τῷ συλ-

λήω

ωηλείω.

ΕΠΙΜΟΝΗ ΕΠΙΜΟΝΗ

ΕΙΩΠΩΗΛΕΙΩΠΩ

Porcio Catone fuit annō CCXXXV. De re à Marcio gr-
sta: Liuius libro 62.

In Caput XV.

Anno ab V.C.DCXXXIX. Alijs est annus hic
DCXLII. Bellum iugurthinum ex Sallustio notum est;
Legenda epitoma Liuiana 64. vna cum sequentibus.
In Orofio inuenies quædam à Sallustio nō ita expres-
sa: Capfam ab Hercule Phœnice) Hercules Libys
dicitur à Sallustio. Strabo. lib. vlt. καὶ αὖ τὸ γαζοφύ-
λακιον τῆς ἰσχυροῦς θά vocat. Tumultuosior pugna)
Hac pugna Marius Iugurtham & Bocchum apud
Cirtam cecidit, vt ait Florus lib. 3. cap. 1. XC. millia
armatorum) In magna varietate numerum, qui est
Gualteri libro, recepi. Nam & in meo scripto Eutro-
pio. post quam scriptum est, Iugurtham & Bocchum
à Mario pariter superatos esse, deinde additur, XC.
millia armatorum ad internicionem cecidit. Per Syl-
lam legatum) Syllam quaestorem Marij omnes alijs
appellant. Isdem diebus obscœnum prod) Hoc
prodigium trienio ante bellum iugurthinum euenit,
M. Acilio Balbo, C. Porcio Catone Cos. anno DCXXX-
IX. vt scribit Obsequens. L. Heluius eques R.) Vulgo
mendose contra omnium veterum librorum aucto-
ritatem legitur, L. Aelius. Eade iniuria Heluius facta
erat ab Aelio apud Liuium libro 32. quam Sigoni-
us vir acerrimus in huiusmodi monstris conscien-
di vindicauit. In Obsequentis prodigys, Pompeius
Heluius vitioso priore nomine legitur. Heluium re-
cte hunc nominari etiam ex Quaestionibus Romanis
Plutarchi cognoscitur: vbi virgo hac fulmine icta

ἐλβία nominatur. Diaconus hoc prodigium cum Ciceronis ortu coniungit, credo quod virgo illa Helvia matris M. Tullij gentilis esset. qua de re plura dixeram in Ciceronis vita: quam ego publicassem, nisi eo tempore Seb. Corradi Egnatius fuisset editus. L. Veturius) Βετῆριος Βάρεσσος nominatur in libris Plutarchi. sed ego mallem legere Βερούτιος Βάρεσσος. Nam Porphyrio interpres Horatii in illud Satyr. 6. lib. 1. Sermonum. Ut si qui agetet quo morbo Barrus haberi. Et cupiat formosus, scribit Barrum incestum cum Aemilia vestali fecisse. T. Betutius Barrus Asculanus illis temporibus agnoscitur à Cicerone in Bruto. Duas præterea virgines) Liciniam & Marciam, Plutarchus & Livius libro 63. Asconius in Milonianam. L. Cassius Consul) Cassius Consul cum C. Mario anno DCXLVI. in Gallia à Tigurinis occisus fuit, Livius libro 65. Caesar libro primo de bello Gallico. L. quoque Pisonis) Avus L. Pisonis Caesonini, in quem extat Ciceronis oratio, Caesar. Cæpio procos.) Q. Servilius Cæpio Consul cum Serrano fuit anno DCXLVII. quo M. Tullius Cicero Arpini est natus, Gellius libro 15. cap. 28. Centū M. pondo auri) Lege Erasmus in proverbio, Aurū habet Tolosanum.

In Caput XVI.

Anno ab V.C. DCXLII.) Alijs hic annus est ab V.C. DCXLVIII. De re gesta cum Cimbris à Manilio & Cæpione Sallustius de bello Jugurthino, Livius libro 67. Florus libro 3. cap. 3. Eutropius libro 5. Velleius & alij. C. Manilius Consul, & Q. Cæpio procō-
E. M.
Ff ful.)

ful.) Ita hac in nostris exemplaribus scriptis omnibus leguntur, nisi quod pro Manilio, quem Gualtheri liber agnoscit, alij Manlium habent. Manilius hoc anno Consul erat, Capiro, qui anno superiore Consul fuerat, iam prorogato imperio proconsul erat. Rectè igitur Sigonius in Liuiana epitoma restituit, ab iisdem hostibus C. Manilius Consul, & Q. Capiro proconsul victi prælo, castrisque binis exuti sunt. In nostro manuscripto Eutropio initio libri s. duæ voces, Romani Consules, non leguntur, & rectè absunt. Apud Velleium ego lego, Cum Capiorem Manlium, q₃ Cos. non ut est impressum, Coss. M. Aurelius.) M. Aurelium Scaurum intelligit, qui ante triennium Consul fuerat, Liuius lib. 67. vulgo mendosè M. Aemilius legitur. Q. Fabius Max. filium) Fabius Seruilianus vir censorius à filio dubia castitatis pœnas exegit, & punito pendit, voluntario secessu conspectum patriâ vitando, Valerius li. 6 ca. 1. Cum iuxta Iaræ Rhodaniq^{ue} flumina.) Sic habent lib. vet. omnes Plutarchus in Mario, τειχίσας στρατόπεδον παρὰ τῷ ῥοδανῷ ποταμῷ. Castris munitis ad Rhodanum flumen. Aqua ad potandum deesset.) Hæc omnia accurate simul & copiosè à Plutarcho explicata sint. Ducenta millia armat) Idem numerus castrorum & captorum est apud Eutropium. In epitoma Liuiana 68 capta dicuntur millia xc. Plutarchus aut castrorum & captorum fuisse amplius centum millia. Velleius amplius cl. millia hostium trucidata refert. Teutobodus) In quibusdam antiquis est, Teutobodus, sed in Eutropij libris est Teutobodus, apud Florum Teutobochus. Mulieres eorum.) Lege Valerium

Max. li. 6. ca. 1. Hæc de Tigurinis & Ambronib.)
 Liuius, Florus & Plutarchus Teutonæ cum Ambro-
 nibus coniungunt, eosq; à Mario caesos ad aquas Sex-
 tias, Cimbros vero à Mario & Catulo in Italia vi-
 ctos: Tigurinos, qui Noricos Alpes infederant, fuga
 dilapsos tradunt. Annibalis secuti ingenium) Vi-
 de Frontinum li. 2. ca. Sol cum vento ortus) De
 hac re Plutarchus, qui scribit cum Cimbris pugna-
 tum a. d. III. K. Sextil. LX. millia capta) LX. non XL.
 est in vetustis nostris: item apud Liuium & Eutropi-
 um. Plutarc. ἐλάωσαν ὑπὲρ ἑξ μυριάδας. Capti sunt
 supra LX. millia. Inuenta est etiam quædam) De
 hac muliere Plutarchus, μίαν δέφασιν δὲ ἀχρὺ ῥυ-
 μῶν χρημαδύλω, τὰ παῖδιά τ' αὐτῆς σφυρῶν ἀφημ-
 ῶντα βρόχοις ἐκτέρωθεν ἡρτῆσθαι, id est, Vnam
 aiunt de summo remone suspensam, filios pedibus e-
 ius laqueis alligatos vtrinq; pepēdisse. Poblicius si-
 quidem Malleolus) De hoc Poblicio Cornificius ad
 Herennium li. 1. Malleolus iudicatus est matrem necas-
 se, ei dānato statim foniculo Lupino os obuolutū est,
 & solea lignea pedibus inductæ sunt, & in carcerem
 ductus est. Hic fuit è nobili familia, ex qua M. Pobli-
 cius Malleolus Consul anno vrbis DXXI. in Capitolinis
 Fastis inuenitur. In Liuij vetustis exēplaribus est et-
 iam, Poblicius Malleolus, vt testatur Sigonius. In su-
 tusq; in culleum) De hac pœna parricidarum Mo-
 destinus cap. 9. D. de lege Pompeia de parricidijs. Me-
 minit Cicero pro Roscio Amerino.

In Caput XVII.

Anno DCXLV.) Sextus Marij Consulatus ex

Ff

alijs

alijs annalibus cadit in annum DCLIII. Qui cum censorem.) Q. Metellus Censor Marco V. Consule Saturninum Tirbunicium notauit. tumq; à multitudine incitata contumelijs affectus fuit, Cicero pro Sextio, Valerius li 9. ca. 7. Appianus lib. 1. A. Noniū) Ita scripsi, cum in manuscriptis quibusdam Annonium, in alijs Anunium legeretur. Nam Appianus hūc ἄνιον vocat, & in Plutarchi Mario ὁ ὀνίου φόνος, pro ὁ νορίου, mendosè legitur Corruptè etiam apud Florum li. 3. ca. 16. est Annio, vna litera omīssa. cum sit legendum, A. Nonio Die dicta.) Diem Metello Saturninus dixit, quod in eius legem agrariam iurare noluiſſet, Cic. pro Sext. Liuius libr. 69. Appianus, Plutar. & alijs. P. Mettium) In hoc nomine describendo secutus sum optimum librum Cor. Gualtheri. Alterum Consulem) L. Valerium Flaccum. Nam C. Mario L. Valerio Coſſ. Senatus Remp. defendendā dederat, Cicero Catilin. 1. Philip. 8. Sed historiam pleniorē lege pro Rabirio perduellionis reo. Marius fistulas.) Cicero, Marius fistulas, quibus aqua suppe ditabatur Iouis Opt. Max. templis ac sedibus, prae cidi imperauit. Plutarchus, τὸ ὀχετοῦς ἀπέκοψεν. Circa Saufeium.) C. Saufeium, Cicero, γαῖον σαφήιον, Appianus In curiam.) In curiam Hostiliam, Velleius Pater. C. Furius Tribunus pl.) ὁ πῶπιος φούριος δῆμαρχος οὐδ' ἐλευθέρων πατρὸς, ἀλλ' ἔξελευθέρων, P. Furius Tribunus pl. ne patre quidem ingenuo, sed libertino natus, Appianus. Cicero pro Rabirio, hominem omnibus insignem notis turpitudinis appellat. Rutilius vir integerrimus.) P. Rutilius Rufus, qui Cōsul fuit anno DCXLVIII. cum illo nemo neque

neque integrior esset in ciuitate, neque sanctior, con-
 spiratione publicanorum (quibus nihil agere in Asia
 prouincia sua permiserat) in iudicium vocatus, So-
 cratem imitatus nemini supplicare voluit, sed ne or-
 natius quidem aut liberius causam dici suam, quam
 simplex ratio veritatis ferebat. Lege Ciceronem li. 1.
 de Oratore, & in Bruto, Valerium li. 6. ca. 4. Asconi-
 um, Velleiū & alios. Qui Smyrnam commigrās.)
 Hinc Ouidius li. 1. de Ponto, Et graue magnanimi ro-
 bur mirare Rutili, Non vsi reditus condicione dati.
 Smyrna virium tenuit, &c. Rutilium vero cū Smyr-
 na exularet, ciuitatis eius ciuem factum fuisse, Cice-
 ro pro Balbo auctor est.

In Caput XVIII.

Anno ab V.C.DCLIX.) In Fastis Capit. hic
 ait annus est ab V. C. DCLXII. quo M. Liuius Drusus
 Tribunus pl. seditionem commouit, qua de Liuius lib.
 71. Appia. li. 1. Florus li. 3. ca. 17. Velleius li. 2. lege præ-
 fationē ciceronis in tertiū de Oratore. Prodigia di-
 ra) De his prodigijs Iulius Obsequens. Cic. quoq; li. 1.
 de Diuina refert nōnulla prodigia, quæ Sisenna ini-
 tio belli Marsici exposuerat. Drusus tantis malis
 anx.) Drusus in atrio domus suæ cultello percussus,
 qui affixus lateri eius relictus est, intra paucas horas
 decessit, Vellei. Seneca de breuit. vitæ ait, illum vul-
 nere per inguen accepto collapsum, aliquo dubitante,
 an mors voluntaria esset in illo, an tempestiua. Lege
 præterea Plinium li. 28. cap. 9. & Auctorem de viris
 Illustr. C. Seruiliū) C. Seruiū, vulgo mendosè ha-
 bent libri, idemq; mendum est in Velleio. Liuius. lib.

praditum, propter caritatem frumenti, quæ fuerat in Macedonia, per magnam ex cibarijs pecuniã reportare. Aduerbiũ, infeliciter, quod in nõnullis manuscriptis legitur, atq; inepte additũ fuit, deleuimus.

In Caput XIX.

Anno ab V.C.DCLXII) Ita numerat Eutrop. li. 5. alijs est annus DCLXV quo L. Cornelius Sulla, & Q. Pompeius Rufus Consules fuerunt. Alij XXX. alij XL.) Si à Sulla & Pompeio numeres ad Pisonem & Messallam Consules, quibus Pompeius confecto bello Mithridatico triumphauit, inuenies annos xxvii. Sed Florus libr. 3. cap. 5. scribit Mithridatem annis XL restitisse. Appianus in Mithridatico ait hoc bellum gestum annis xlii. In Campania tamen.) Nola pertinacissimè arma retinebat, exercituq; Ro. obsidebatur. Velleius. Gratidium Marij legatum) Gratidium à Mario legatum missum ad Syllam accipiendarum legionum causa milites trucidarunt, Val. lib. 9. ca. 7. Plut. in Mario scribit, missos ab ipso duos tribunos milit qui Syllæ exercitum acciperent, eosq; à milit. interfectos. Sulpicius Marij collega) P. Sulpicius Tribunus pl. legem tulerat, ut Mario bellum Mithridaticum decerneretur, atq; auctor seditionis fuit, Liuius li. 77. Vellei. 2. Valer. li. 6. ca. 5. Appi. li. 1. Plut. in Mario & Sylla, Cic. in Bruto, & alij In Mniturnensium pal) Lege præter eos, quos nominaui, Cic. pro Sextio & in Pisonẽ. Cinnæ Consuli) L. Cornelius Cinna Consul cū Cn. Octauio fuit post Syllæ Consulatu. à quib. bellũ Octavianum commotum est, cuius meminit Cic. li. 2. de Nat. deor.

drianus) *Adriani* buius meminit *Cicero Verr. 3. vbi*.
Asconius ita scribit. *Cinnan*is temporibus cum *C. Fa-*
*b*ius *Adrianus*, vt alij aiunt, *Legatus*, vt alij putant,
 pro pratore, vel prator, provinciam obtineret *Africa*,
Vtica in pratorio suo viuis vsus est, quod corrupto
 seruitio ciuitatis illius de principum nece conspirasse
 diceretur. De eodem *Liuius* li. 86. *Valerius* li. 9. ca. 10.
Damasippus prætor.) Solus *Appianus* hunc præ-
 torem *Brutum* nominat, quem *Liuius* li. 86. *Velleius*
 2. *Valerius*. li. 9. cap. 2. *L. Damasippum* nominat. *Ci-*
cero quoq, ep. 21. li. 9 ad *Patum* ita scribit, Nam præ-
 ter hunc *C. Carbonem* (*Cn. Carbonem* vulgo corru-
 ptè legitur) quem *Damasippus* occidit, ciuis è *Rep.*
Carbonum nemo fuit. *Q. Metellus Carrinatis* cop.)
Q. Metellus Pius Carrinatem legatum ad *Aesim*, què
Appianus ἀσίνον ποταµὸν appellat, fudit. Apud *Plu-*
tarchum in *Pompeio* est ἄρσις ποταµὸς, corruptè vt
 opinor: ad quem *Carbonis* equitatum in fugam con-
 iectum scribit. Apud *Sacriportum*) De victoria *Syl-*
la apud *Sacriportum* *Liuius* li. 87. *Velleius* li. 2. *Flo-*
rus li. 3. cap. 21. *Marius iunior*, *Setio* à *Sylla* occupa-
 to, prope castra posuit, cumq, cedendo ad *Sacriportum*
 venisset, aciem instruxit, vt scribit *Appian*. qui *Sacri-*
portum δερὸν λιμένα vocat. *Plutar.* in *Sylla* pralium
 hoc ad *Signium* commissum fuisse ait. *Signium* & *Se-*
tium finitima oppida inter viam *Latinam* & *Appiam*
 collocat, *Strabo* lib. 5. *Cæsa* sunt XXV. millia) XX.
 millia partis aduersæ hoc pralio se interfecisse *Sylla*
 scripsit, auctore *Plutarcho*, idemq, numerus est apud
Eutropium. *Metellus Norbani* agmen) Hoc prali-
 um commissum fuisse apud *Fauentiam*, scribit *Velle-*

ius. Lucullus cū à Quinctio) Vulgo mēdosē Quinto legitur. De victōria M. Luculli apud Fidentia Vel-
leius & Plutar. in Sylla. Plusquam decē millia)
ὀκτακισχιλίους ἐπὶ μυρίαις Plutar. Cū Lampo-
nio) Lamponij nomen in Orofii libris variè deprava-
tū fuit, sed apud Liniū, Appian. Plutar. Florū & Eu-
trop. recte legitur. De pugna ad portā Collinā cum
Lamponio Lucano & Telefino Samnite lege etiā Vel-
leii. Ad horam diei nonā) σχεδὸν εἰς ὥραν δεκά-
τῃν ἤδη τῆς ἡμέρας καταστροφούσης, Plutarchus.

In Caput XXI.

Tria millia hominum) In vno manuscripto est,
iiii millia, fortasse pro, vii. millia, errore manifesto
& vulgari. Nam Augustinus de Ciuit. dei li. 3. ca. 28.
vii. millia edit, Liu. li. 88. viii. millia, Plut. in Sylla
ἑξακισχιλίδες, Valerius li. 9. ca. 2. quatuor legiones.
In meo Floro manuscripto ita legitur, Quatuor mil-
lia deditorum in crumium ciuium in villa publica in-
terfici iussit. cum vulgo mendosē legatur. in via pu-
blica. quod mendū ē Liuiana epitoma Sigonius quo-
que sustulit. Q. Catulus palam) Palā, additur quo-
que in Diaconi additionibus ad Eutropiū. Caterum
pro Q. Catulo Plutarchus C Metellū habet. L. Fursi-
dio) Huius meminit Florus, quē Plutarchus ἑφιδιον
appellat. Prima proscriptio LXXX. hominū fu-
it) Vulgo contrā veterum librorum auctoritatem le-
gunt, LXXX. milliū hominū. Plutar. in Sylla, ὁ δ' οὖν
σύλλας εὐθύς ὀκδοήκοντα προέγραψεν Sic enim le-
gendū, non προσέγραψεν, vt est impressum. M. Ma-
rium) M Mariū pratorems, nominat Valerius lib. 9.

ca 2. Mariū ducis ipsius fratrem, Florus de crudeli eius interitu Lucanus. li. 2. P. Lætorius) Hunc puto esse illū, quem Sylla Cōsul cum Mario seniore proscript, quemq; Appianus λατῶριον nominat. esse aut scribendum, Latorii, non Lætorium cognoscitur è libris graecorum, & antiquis Latinorū, itemq; ex Fastis Capitol. in quibus anno urbis CDXCVI. est M. LÆTORIVS M F. M. N. PLANCIVS magister equitum cum Dictatore Q. Ogulnio Gallo. Valerius Maximus hunc non P. Lætorium, sed M. Platorium nominat. & in nonnullis Orosii libris Latorij prænomen cū nomine ipso iungitur. Cum Telesino) Idem est in epitoma Liuiana. Sed alij aliter de Marij morte scripserunt, ut est apud Velleiū. A Cossura insula) Cossura, non Cofyra est in manuscriptis duobus: nam in vno mendosè Corsica legitur, sicut in epitoma 89. Corcyra. Appianus, καρβωνα δ' ἐκ λιβύης ἐς σικιλίαν μὲν πολλῶν ἐπιφανῶν, καὶ ἀπ' αὐτῆς κοσσύραν νῆσον ὑποφεύγοντα, πέμψας τινὸς ὁ πομπήϊος συνελάμεναι. id est, Carbonem ex Africa in Siciliā multis nobilibus comitatum, atq; inde in Cossuram fugientem Pompeius submissis quibusdam comprehendit. In lapidibus Capitol extant nauales triumphi Ser. Fulvij Nobilioris, & M. Aemilij Pauli de Cossurensibus & Pæneis an. CDXCIX. Hiertam Numidæ regem) Hiertā habet omnes libri manuscripti, eundemq; antiquus meus Eutropius Hierdā nominat, cū impressi Hiarbā, Plutarchus ἱάρβαν, epitoma Hierā edat.

In Caput XXII.

Creatis itaq; P. Seruilio) P. Seruilius Vatia. &
Ap. Clau-

Ap. Claudius Pulcher Consules fuerunt anno DCLXX-
 III. ijsq³ Consulib. creatis Sylla Dictatura se ultro ab-
 dicauit. Appianus libro 1. Plutarchus in Sylla. Aut
 Crixi) De Crixo gladiatorum duce infra capite ult.
 dicemus. In impressu vulgo male, aut Crassi, legitur.
 Sylla mortuo Lepidus) M. Aemilius Lepidus &
 Q. Lutatius Catulus Cos³ fuerunt an. vrbis DCLXXV.
 de quibus Sallust lib. 1. hist. Res populi R. M. Lepido,
 Q. Catulo Consulibus militia & domi gestas compo-
 sui. De dissensione horum Consulum Cicero catil. 3.
 Liuius li. 90. Appianus 1. Plutar. in Sylla & Pompeio,
 Eutrop. alij. Brutus in ciualp) Hic est M. Iulius Bru-
 tus M. Bruti, qui Caesarem interfecit, pater, Plutarc.
 in Pompeio & Bruto.

In Caput XXIII.

Anno ab V.C. DCLXXIII.) Annū intelligit,
 quo Lepidus & Catulus consules fuerunt, quem nos
 iam DCLXXV. post Romam conditam nominauimus.
 ijs vero Cos³. quatuor hac bella exorta fuisse Eutrop.
 initio li. 6 auctor est. Sertorius siquidem) De bello
 Sertoriano Appian. li. 1. Plutarchus in Sertorio & Pō-
 peio, Liu. li. 90. & deinceps, Florus li. 3. ca. 22. Eutrop.
 li. 6. & auctor de viris illustrib. Domitius ab Hir-
 culeio.) Hirculeius est in nostris manuscriptis Oro-
 sii, Eutropij & Flori libris. Hirculeium quastorē no-
 minat, Liuius lib. 90. eundem Plutarchus in Sertorio
 intelligit his verbis, δομίτιον ὁ χαλούσιον (fortasse
 χαλκίδιον) ἀνθύπατον ὄντα τῆς ἐτέρας ἰβηρίας διὰ
 τὸ ταμίου καταγωνισάμενος. Meminit ibidem Plu-
 tarchus Thoranij legati Metelli, quem Sertorius cū
 exer-

exercitu cecidit. In meo etiam Floro manuscripto legitur, cum hinc Domitius & Thorius, inde Hirculeij praluderent. vbi impressi habent, cum hinc Domitius & cohortes. Manilius procos.) Manlius in cæteris. Apud Plutarchum est, ὥστε λεύκιον μὲν λόλλιον ἐκ τῆς περὶ ναρβῶνα γαλατίας ἔλθειν αὐτῷ βορθόν. vbi Sigonius legit, ὥστε λεύκιον μαρίλιον. Apud Pallantium) In alijs est, Polentiā, mendosè. De Pallantia Strabo li. 3. de Pallantinis Plinius li. 3. ca. 3. De Lauronis excidio Plutarchus & Appianus. Reliquū agmen Lauron.) Plutarchus aliter in Sertorio, scribens ipsum Lauronensibus pepercisse, eosq; dimisisse. Non proconsule) Lege Plutarchum in Pompeio. Hirculeius cum Metello) De Metelli victoria contra Hirculeium Liuius li. 91. Frontinus lib. 2. Stratagem. Memmius quæstor) Memmium in agro Seguntino interfectum ait Plutarchus in Sertorio. De Memmio quaestore Pompeij Cicero pro Balbo. Perperna.) Perperna, non Perpenna, scribi debere testimonio sunt Fasti capitolini, in quibus anno DCLXI. cum claudio Pulchro consul M. PERPERNA comparatur, idemq; à Dione li. 41. περιπέρνας appellatur. vnde non est dubium quin apud Plutarchum & Appianum librarij pro Perperna substituerint περιπέρνας. cum præsertim in Appiani Iberica ab Henr. Stephano edita Perperna hic, quo de agimus περιπέρνας appelletur. Sertorius decimo demum an. In Eutropij libris scriptum est, Sertorium octauo decimo anno à suis occisum esse. sed caspianus rectè corrigit octauo demum anno. Nam & Appianus de re gesta cum Sertorio ita scribit, λοιπὸν δὲ ἐπὶ τῷ συλ-

λείων ἔργων τὸ σερτωρίῳ γενόμενον ὀκτάετες. *Ac*
Sertorius quidē octauo sui ducatus anno interfectus.
bellum vero decimo confectum fuit, auctore Lini li.
 96. *Macedonicū bellum Claudius*) *Hic est App.*
Claudius Pulcher, quē Consulem cū P. Serulio fuisse
diximus ca. super de re ab eo gesta, Lini lib. 91. *Eut-*
rop. 6. *Vnde cum animo æger, & curis*) *Hac le-*
ctiō est in omnib. nostris manuscriptis. cuius loco in
alijs impressis corruptē legitur, Vnde cum hac animo
gereret, curis circumseptus &c. Successor Scribo-
bonius) *C. Scribonius Curio, qui cū Cn. Octauio Cō-*
sul fuit anno DCLXXVII. ap. Claudio in Macedonia
successit, Eutr. li. 6. *Liu.* li. 92. & 95. *Triumphus Curio-*
nis ē Macedonia meminit Cicero in Pisonem. P. Ser-
uilius ex Consule) *De Seruiliij Consulatu dictū est*
supra. Ex consule, id est Consulatu iam persunctum
missum ad Ciliciam & Pamphyliam scribit etiā Eu-
trop. *Ex consule, & πὸ ὑπάρχων, in græca Digestorum*
præfatione dicitur. Phaselim euertit) *Phaselidis no-*
men vulgo corruptum est. Dionysius,
 Ἀλλὰ δὲ ἐξείης παμφυλίδες εἰσὶ πόλεις
 κέρυκος πέργντε, καὶ ἡνεμέεσσα φάσηλις.
Sallust. li. 1. *histor. res à Serulio gestas describens, Ad*
Olympum atq; Phaselida item, ad corycū dixit, au-
ctore Prisc. li. 15. *Cicero Verr.* 5. *Phaselis illa quā ce-*
pit P. Seruilius, non fuerat vrbs ante Cilicum, atq;
pradonū, &c. Cosconius procos.) De rebus a Cos-
conio gestis Eutrop. li. 6. *vbi libri ei Cnei pranomen*
dant, perperā, vt opinor: est enim hic C. Cosconius, cu-
ius literis planum factum fuit, legionem esse à Bulbo
solicitatā in Illyriō, vt testatur Cicero pro Cluētio.

In Caput XXIII.

Anno ab V.C. DCLXXIX.) Eutropio hic annus est DCLXXVIII, alijs DCLXXX quo Cōsules fuerunt, M. Terētius Varro Lucullus, & C. Cassius. Gladiatores LXXIII.) Eundem numerū habet Liuius & Eutrop. Appian. μονομάχους ἑβδομήκοντα, Plutarch. in Crasso ὀγδοήκοντα δυοῖν δέοντας. Crixo & Oenomao) Ita hos duces nominandos esse non modo Appianus, verū etiā libri vetustiores probant. Clodij prætoris) Claudium Pulchrum legatum habet Liuius li. 95. Clodium Glabrum Florus li. 3. ca. 20. κλώδιον στρατηγὸν Plutarchus. In exequijs captiuæ.) Appianus ὃ ὁ σπάρτακος τεταχοσίθες ῥωμαίων ἀχμώτης ἐναγίστας κρίζω δυόδεχα μυριάσι ῥωμαίων πεζῶν ἐς ῥώμην ὑπήγετο. Spartacus, vbi trecentos captiuos Roman. Crixo inferias misit, cū CXX. millibus peditum Romanorum ad urbem contendit. Hinc Florus, Defunctorum pralio ducum funera imperatorijs celebrauit exequijs, captiuosq; circa rogū inſit armis depugnare. Gellius Crixum) Crixum circa Garganum mōtem oppressum fuisse, Appianus scribit. à quo & Plutarcho plura pete. Ad caput Silari) De Silaro, qui & Silaris dicitur Strabo libro quinto extremo, Plinius li. 3. ca. 103.

& lib. 3. cap. 5. De numero interfectorum Liuius lib. 97.

PAVLI OROSII
ADVERSVS PAGANOS HISTORIARVM
LIBER SEXTVS.

Vnum esse deum tam gentilium quàm Christianorum iudicio.

CAPVT I.



Mnes homines cuiuslibet vel sectæ, vel vitæ, vel patriæ ita semper ad prospectû prudentiæ naturali bono eriguntur, vt oblectamento corporis rationale mentis, & si non actu præferant, iudicio tamen præferendum sciunt. Quæ mens ratione duce illustrata in medio virtutum, quibus genuino fauore, quamuis vitijs inclinetur, assurgit, scientiam dei quasi arcem prospicit. Deum enim quilibet hominum contemnere ad tempus potest, nescire in totum non potest. Vnde quidam dum in multis deum credût, multos deos in discreto timore finxerunt. Sed hinc iam vel maxime cum auctoritate veritatis operante, tum ipsa etiam ratione discutiente discessum est. Quippe cum & philosophi corû,
vt de

vt de nostris sanctis sileam, dum intento
mentis studio quærunt, scrutanturque om
nia, vnum deum auctorem omnium repe
rerunt, ad quem vnum omnia referuntur.
vnde etiam nunc pagani, quos iam decla
rata veritas de contumacia magis quàm
de ignorantia cõuincit, cum à nobis dis
cutiuntur, non se plures deos sequi, sed
sub vno deo magno plures ministros ve
nerari fatentur. Restat igitur de intelligē
tia veri dei per multas intelligendi suspi
ciones consula dissensio, quia de vno deo
omnium penè vna opinio est. Hucusque
humana scrutatio, etsi cum labore delibe
rare potuit; at vbi ratio cinatio defecit, fi
des subuenit. Nisi enim crediderimus, nō
intelligemus, Ab ipso audias, ipsique deo
credas, quod verum velis scire de deo. Ita
que idem vnus & verus deus, in quem o
mnis, vt diximus, & si ex diuersis opinio
nibus secta concurrat, mutans regna &
disponens tempora, peccata quoque pu
niens, quæ infirma sunt mundi elegit, vt
confundat fortia, Romanumque imperi
um assumpto pauperrimi status pastore
fundauit. Hoc per reges & consules diu
proiectum, postquam Asiæ, Africæ atq;
Europæ potitum est, ad vnum imperato
rem,

rem, eundemque fortissimum & clementissimū, cuncta sui ordinatione congel-
 sit. Sub hoc imperatore, quem omnes fe-
 re gentes amore & timore permixto iuste
 honorarent, deus verus, qui superstitione
 sollicita ab ignorantibus colebatur, ma-
 gnum illum intelligentiæ suæ fontem a-
 peruit, promptiusque per hominem do-
 cturus homines filiū suum misit operan-
 tem virtutes, quæ præcellerent hominem,
 coarguentemque dæmonas, quos aliqui
 deos putauissent, ut qui ipsi tanquā homi-
 ni non credidissent, operibus tanquam
 * dei crederēt, deinde, ut in magno silen-
 tio ac pace latissima inoffense & celeriter
 noui nominis gloria, & annuntiatae salu-
 tis velox fama percurreret, vel etiam, ut
 discipulis eius per diuersas gentes eun-
 tibus, vltroque per cunctos salutis dona
 offerentibus, obeundi ac differendi, qui p-
 pe Romanis ciuibus inter ciues Roma-
 nos, esset tuta libertas. Quod ideo com-
 memorandū putauī, quia hic sextus libel-
 lus vsque ad Cæsarem Augustum, de quo
 hæc dicuntur, extenditur. Quod si aliqui
 hanc lucidissimam rationem irritam pu-
 tant, suisque dijs potius assignant, quos
 primum prudentia elegerint, deinde præ-
 cipuo

cipuo cultu inuitarint, vt sibi per eos amplissimum hoc pulcherrimumque imperium conderetur: sic enim iactitant, quia ipsi optimo genere sacrorum emeruerint præcipuum deorum fauorem, quibus ademptis vel prætermisissis, discesserint omnes adytis arisque relictis dii, quibus imperium hoc steterat: vnde quamuis reuerentia sanctitatis tuæ multa fortissimè verissimèque differuerit, tamen & mihi locus exigit, vt pauca subiiciam. Si Romani colendo deos emeruerunt fauorem deorum, & non colendo amiserunt, vt ipse Romulus parës Romæ inter tot mala ab ipso ortu suo ingruentia saluus esset colendo quis meruit? An Amulius auus, qui exposuit ad necem? An pater, qui incertus fuit? An Rhea mater stupri rea? An Albani parentes, ipsa quoque ab initio Romani nominis germina persequentes? An tota Italia, quæ per quadringentos annos dum audere potuit excidio eius inhiauit? Nô, inquiunt, sed dii ipsi, quia se colendos sciebant, futuros custodiere cultores. Ergo præscij sunt. Si præscij sunt, cur hoc imperium inter tot annorum sæcula eo potissimum tempore ad summam potentiae arcem perduxerunt, quò se ille nasci inter

homines atque agnosci ut homo voluit, post huius nomen & ipsi pro nihilo contempti sunt, & cum vniuerso mundo etiam illi, quos ipsi prouexerant, cucurrerunt? Sed humiliter obrepfit, inquiunt, & latentur intrauit. Latentis & humilis unde tam celebris fama? tam indubitata fides? tam manifesta potentia? Signis quibusdam & virtutibus mentes hominum superstitutione sollicitas cepit & tenuit. At hæc si potuit homo, dii magis posse debuerunt. An quia ille hanc potetiam à patre sibi traditam prædicabat, peruentum est aliquando ad intelligentiam illius noti & ignoti dei, quam apprehendere, ut dixi, nemo nisi per ipsum potest? Nec quisquam potest nisi qui toto se perspecto ac despecto, conuersus ad sapientiam dei omnem quærendi ratiocinationem transtulerit ad credendi fidem. Veruntamen breuiter discussio: Dij isti, quos tantos ferunt, ut Romanam Rempub. & propitij prouexisse, & auersi afflixisse videantur, eo certè tempore, quod palam constat, quo nasci Christus voluit, & annuntiari gentibus coepit, deuotissimè atque intentissimè colebantur. Ita illi consulentes & sibi & cultoribus suis, non potuerunt

runt vel reprimere, vel repellere superstitionem eius, propter quam spernendos se cultoresque suos destituendos viderent: quanquam si ab inuitis danda venia, nec deferendi fuerunt, si à voluntarijs seruanda præscientia, nec prius fuerant adiuuandi. Hoc factum est, inquit: nam excitauimus gentes, accendimus reges; institui-
mus leges, disposuimus iudices, præpara-
uimus pœnas supplicijs & crucibus, orbẽ totum scrutati sumus, si quo modo Chri-
stianum nomen & cultus vniuerso mun-
do posset abradi. Hoc eatenus factum est,
donec fœcunda crudelitas eouque inter
tormenta ac per tormẽta proficeret, quan-
diu ipsum regium culmen, per quod solũ
prohiberi potuerat, occuparet. Et quid
postea consecutum est? Imperatores, in-
quunt, Christiani cessare sacra, & clau-
di templa iusserunt, atque ideo excessere
omnes adytis, arisque relictis dij, quibus
imperium hoc steterat. O quãta & quàm
inoffensa lux veritatis est, si non aduersus
eam vltro sese offerentem imbecilli infœ-
liciter oculi clauderentur. S: Christiana
fides per multa retro tempora sequentibus
vndique aduersum se gentibus, regibus,
legibus, cœdibus, crucibus ac mortibus

reprimi nullo modo potuit, immo vt dixi, inter hæc & per hæc creuit, cultus autem idolorum iam quodam modo ex se deficiens ac sibi erubescens ad vnā clementissimā iussione sine vllō pœnali terrore cessauit, cui dubium est, hoc per istius intelligentiæ demonstrationē de creatore suo tandē innotuisse creaturæ, quod illa eatenus per varias ratiocinationes mentis intentæ quamlibet alijs offuscata quæsierit, ac per hoc statim amorī eius, quem etiam ignorans dilexerat, inhæsisse? Nec igitur mirum est, si in magna familia inueniuntur aliqui serui, qui consuetudine, lasciuiæque seductorum assuefacti, patientia domini sui ad contēptum ipsius abutantur. vnde & merito deus vel ingratos, vel incredulos, vel etiā cōtumaces varijs correctionibus arguit: quod semper vtique fatendum est, tunc tamen præcipue, quando adhuc per vniuersum mundum nulla erat ecclesia, quæ interuentu fidelium precum meritis mundi pœnas, iustumque iudicium dei, exorata ipsius clementia, temperaret. vnde etiam hæc, quæ mala hominibus videntur qualiacunq; sunt, grauiora sine dubio omnia fuerunt, sicut ipso, quo cœpta sunt ordine, probabuntur.

tur. Bellum Mithridaticum, vel, vt verius dicam, belli Mithridatici clades multas secum inuoluens prouincias tracta & protenta per quadraginta annos fuit. Nā sexcentesimo sexagesimo secundo (vt dixi) anno ab vrbe condita, quo etiam primum ciuile bellum ceperat, inardescens, consulatu Ciceronis & Antonij, vt verbis poetæ optimi loquar, Barbarico vix consummata veneno est. Sed in his temporibus, triginta gerendi belli inueniuntur anni. Qualiter autem XL. à plerisque dicti sint, non facile discernitur.

Prosequitur hic bellū Mithridaticum, quod Sylla confecit.

CAPVT II.

IGitur Mithridates rex Ponti atq; Armeniæ, postquam Nicomedem Bithyniæ regem amicum populi Romani regno priuare molitus est, atque à senatu monitus, si facere tentaret, bellum sibi à populo Romano inferendum fore, iratus Cappadociam continuo peruasit: atq; expulso ab ea Ariobarzane rege, cunctam prouinciam igni ferroque vastauit. Bithyniam deinde pari clade corripuit, Paphlagoniam simili exitu afflixit, pulsus ex ea Pylæmene & Nicomede regibus.

Gg

4

Post

Pòst cum venisset Ephesum, crudeli præcepit edicto, vt per totam Asiam quicunque inuenti essent ciues Romani, sub vna die omnes necarentur. Et factum est. Nec explicari aut comprehendere vllò modo verbis potest, quæ tunc multitudo Romanorum ciuium cæsa sit, quis mœror plurimarum prouinciarum, quis gemitus occidendorum pariter atque occidentium fuerit, cum singuli quique aut proderè innocentes hospites & amicos, aut ipsi periclitari pœna hospitem cogerentur. Archelaus quoque dux Mithridatis cū centum viginti millibus peditum atque equitum in Achaiam præmissus, Athenas cunctamque Græciam partim vi, partim deditone obtinuit. Sylla cui post consulatum Mithridaticum bellum obuenerat, Archelaum apud Piræum Atheniensium portum septemplici muro communitum diu obsedit, ipsam Atheniensium urbem vicepit, ac postea iusto prælio cum Archelao confluit. Centum & decem millia de exercitu Archelai interfecta, vix decem millia superfuisse referuntur. Comperta clade Mithridates lectissima septuaginta millia militum Archelao in subsidium misit ex Asia. Secundo prælio XV.
millia

millia ex his interfecta sunt, ibique Diogenes Archelai filius trucidatus est. Tercio bello omnes copiae quas Archelaus habebat, extinctae sunt. Nam viginti millia militum eius in paludem pulsa, cum Syllae fidem implorarent, inflatiabili victoris ira interfecta sunt, totidemque alia in flumen coacta ac necata, reliqui miserorum passim trucidati sunt. Porro autem Mithridates in Asia nobilissimarum urbiu principes occidere, bonaque eorum publicare animo intenderat. Cumque iam M D C. ita interfecisset, Ephesij exemplum verentes, excluso praesidio eius, portas obiecerunt. Similiter Smyrnaei, Sardi, Colophonij, Tralliani que fecerunt. Perturbatus Mithridates, per Archelaum ducem suum cum Sylla de pace pepigit. Interea Fimbria Marianorum scelerum satelles, homo omnium audacissimus, Flaccum consulem, cui legatus ierat, apud Nicomediam occidit: ac mox arrepto exercitu Mithridatis filium ex Asia ad Miletopolim fugans, stationem regis inuadit, ipsumque Pergamo pellit, fugientemque insecutus apud Pitana[m] obsedit: & profecto cepisset, si L. Lucullus civilibus discordijs curam reipub. praetulisset, eumque mari coarta-

re obiecta classe voluisset. Inde Fimbria Iliensibus iratus, à quibus pro Syllanę partis studio obiectu portarũ repulsus videbatur, ipsam urbem Ilium, antiquam illam Romę parentem funditus cæde incēdioque deleuit. Sed eam Sylla continuo reformauit. Idem Fimbria apud Thyatira cum ab exercitu Syllę obsideretur, desperatione adactus, in templo Aesculapij manu sua interfectus est. Fannius & Magius de exercitu Fimbrię profugi, Mithridati sese adiunxerunt: quorum horatu Mithridates cum Sertorio per legatos in Hispaniam missos, fœdus pepigit. Sertorius ad eum Marcum Marium firmandi fœderis causa misit. Quem rex apud se retentum, breui ducem fecit in locum Archelai, qui se ad Syllā cum vxore liberisq̃ue contulerat. Marius & Eumachus duces à Mithridate aduersus Lucullum missi, magno exercitu breui congregato, cum P. Rutilio apud Chalcedona congressi sunt, eumq̃ue cum plurima exercitus ipsius parte cæciderunt. Lucullus Mithridatem Cyzicenos obsidētem, fossa cinxit: eumq̃ue quod faciebat, pati compulit: atque ad ipsos Cyzicenos, ut bono animo essent, nuntium misit vnum

ex militibus nandi peritum: qui duobus v-
tribus suspensus, mediam ipse regulam te-
nens, plantisq̃ue subremigans, septem mil-
lia passuum transmeauit. Mithridates in-
opia laborans, partem copiarum instru-
ctam armis, domũ abire præcepit: quam
Lucullus excipiens, vniuersam perdi-
dit. Nam amplius quàm quindecim mil-
lia hominum tunc interfecisse narratur.
Tunc etiam Fannius, qui se Mithridati
iunxerat, & Metrophanes regius prætor,
è Mamerco victi, cum duobus millibus e-
quitum in Mæsiã profugerunt: atque in-
de in Mæoniam digressi, in colles cam-
posq̃; Inarimos inciderunt. vbi nõ solum
montes vsti, vel laxa quasi quadam fuligi-
ne offuscata cernuntur, verum etiam cam-
pi ambusto solo squalidi, per quinquagin-
ta millia passuum, sine vlllo ignis vel fornacis
indicio & pendulo in profundum ci-
nere putres iacent. Tribus etiã locis tor-
ridæ voragines ostenduntur, quas Græ-
ci phylas vocant: in quibus diu oberran-
tes, inopinatis tandem periculis exempti
sunt, & clam in regis castra venerũt. De-
iotarus rex Gallogræciæ, præfectos re-
gis bello trucidauit. Interea Mithrida-
tes apud Cyzicũ eadẽ mora, qua obside-
bat

bat obsessus, in magnam penuriam pestilentiamque exercitum suum coartauit. Nam plus quam trecēta millia hominum fame & morbo in eadem obsidione amisisse fertur: ipse cum paucis arrepta nauiclam fugit è castris. Lucullus incruento milite spectator cladis alienæ, nouum genus victoriæ adeptus est: moxque Marium adortus, vicit iugauitque. In quo prælio plus quam vndecim millia Marianorum militum interfecta referuntur. Lucullus postea cum eodem Mario nautali prælio congressus, triginta & duas naues regias, & complures onerarias, aut demersit aut cepit. Multi ibi ex his quos Sylla proscripserat, interempti sunt. Marius postera die de spelunca, vbi latebat, extractus, meritis hostilis animi pœnas luit. Eodem vero Lucullus impetu Apamiam vastauit, & sub monte Olympo Prusam munitissimam ciuitatem captam expugnatamque diripuit. Mithridates aduersus Byzantium instructa classe nauigans, tempestate correptus, octoginta rostratas naues perdidit. Ipse cum quassata iam nauimurgeretur, in myoparonem Seleuci piratæ, ipso pirata iuuante, transfiliuit. Inde Sinopem, ac post Amisum cum magna

gnā difficultate peruenit.

*De Catilina incestu, & Lucullorum aduersus
Bessos, Mithridatem, & Tigranem, ceterosq;
bellis.*

CAPVT III.

Eodem anno apud Romam Catilina incesti accusatus, quod cū Fabia virgine Vestali commisisse arguebatur, Catuli gratia fultus euasit. Lucullus Sinopen expugnaturus obsederat. Hanc Seleucus archipirata & Cleochares spado, qui præsidij causa præerant, expilatam atque incensam reliquerunt. Lucullus miserorū hostium intestina clade permotus, celeri occurſu immiſſum reſtinxit incendium. Ita miſera ciuitas, verſa vice hoſtium ſociorumq̃ue, vnde defendenda, diſperdita, & vnde diſperdenda, ſeruata eſt. At vero M. Lucullus qui Curioni in Macedonia ſucceſſerat, totam Beſſorum gentem bello appetitam, in deditiōem recepit. Eodem tempore Metellus Siciliae prætor, cū ſœdiſſima illa C. Verris prætura Siciliam afflicta inueniſſet, maximè * Pyrganio- Perganio-
ne archipirata nefarijs prædis & cædibus^{ne.}
dilacerantē, qui pulſa claſſe Romana, Syracuſanum portū obtinuerat, quem mox nauali terreſtriq̃ue prælio comminutum,
Sicilia

sa

es

sa

Sicilia decedere compulit. Præterea Lucullus transgressus Euphratē & Tigrim, apud Tigrano certam urbem cum Mithridate & Tigrane cōgressus, paruissima suorum manu magnū hostium numerū occidit. Nam triginta millia hominum in eo bello cæsa referuntur. Tigranes vix CL. equitibus comitatus aufugit, diademate & tiara ne agnosceretur abiectis. Tunc ad Lucillum totius pene orientis supplices venire legati. is imminēte hieme, per Armeniam in Mesopotamiam regressus, Nisibin urbem illis in locis tunc inclytā expugnauit & cepit.

De bello Pyratice & Cretico, deq; re cum Mithridate à Pompeio gesta.

CAPVT IIII.

Iisdem diebus piratæ per omnia sparsim maria, etiam non tantum intercipientes nauium commeatus, sed etiam insulas prouinciasque vastantes, impunitate sceleris & auditate prædæ vulgo sese associantibus, in immensum augebātur. quos Cn. Pompeius post multam quidem vastationem, quā terra marique diu egerant, miratamen celeritate compressit. Eodem tempore Cretam insulam per biennium Metellus euertit, diuturnoque bello domitam

mitam in potestatem redegit, legēsq; Mi-
nois Romanis legibus permutauit. Pom-
peius postea successor Luculli, in minori
Armenia iuxta montem Dastracū castra
regis obsidione concludit. Rex cum om-
nibus copijs, eruptione pernoctem facta,
insuper etiam persequentem bello repel-
lere statuit. Pompeius fugientes persequi
intendit. Itaque bellum nocte cōmissum
est. Luna tunc orta, à tergo Romanis erat.
Regij longitudine umbrarum proximi-
tatē hostium rati, cuncta in irritum tela
fuderunt. Romani veluti inermes postea
aggressi, sine labore vicerunt. Nanq; de
exercitu regio quadraginta millia cæsa
vel capta sunt. Romani vulnerati mille, vix
aut quadraginta interfecti. Rex inter tu-
multus belli fuga lapsus, adiutus etiam be-
neficio sublustris noctis, euasit: relictusq;
ab omnibus amicis, philosophis, scripto-
ribus rerū vel carminum, ac medicis solus
per deuia equū manu trahens, atq; ad om-
nes nocturnos strepit⁹ trepidās, in quod-
dam castellum diuertit, atque inde in Ar-
meniam perrexit. Pompeius regem inse-
cuturus, inter duo flumina quæ ab vno
monte diuersis specubus exoriantur, hoc
est, Euphratem & Araxem, urbem Nico-
polim.

polim senibus lassis & ægris volentibus condidit. Oranti Tigrani veniam dedit. Exercitum Orodis Albanorū regis, præfectosque eius ter prælio vicit: postea epistolas Orodis & munera cum Albinis pace instauranda libenter accepit. Artocem regem Iberiæ bello fudit, totamque Iberiam in deditionem accepit. Inde cum Armeniam, Colchos, Cappadociam & Syriam ordinatis rebus composuisset, promouēs de Ponto in Parthiam, ad Ecbatanam urbem caput Parthici regni quinquagesimo die venit.

Quod Mithridates filios ac amicos peremerit, ipsēq; vicissim à filio peremptus sit.

CAPVT V.

IN Bosphoro Mithridate cerealia sacra celebrante, terræmotus adeo grauis repente exortus est; vt magna clades ex eo urbium atque agrorum secuta narretur. Eodem tempore Castor Mithridatis præfectus, qui Phanagorio præerat, interfecit amicis regijs arcē occupauit, & quatuor Mithridatis filios ad præsidia Romana transmisit. Mithridates accēsus ira, in scelera exarsit. Nam complures tunc amicos suos, & Exipodram filiū suum interfecit, cum antea iam alium Macharem nomine

nomine parricidio trucidasset. Pharnaces alter filius eius, exemplo fratrum territus, exercitum ad persequendū se se misit, sibi conciliauit, & mox aduersus patrem duxit. Mithridates diu ex altissimo muro filium frustra precatus, vbi inexorabilem vidit, moriturus exclamasse fertur: Quoniam Pharnaces, inquit, mori iubet, vos si estis dii patrij, precor, vt quandoq; & ipse hanc vocem à liberis suis audiat. Statimque descendens ad vxores, pellices ac filias suas, venenum omnibus dedit. Quod cum ipse nouissimus haussisset, nec tamen propter remedia, quibus vitalia sua aduersus noxios succos sæpe obstruxerat, veneno confici posset, frustra que spatia retur, si quo tandem modo infusa pestis per venas vegetatione corporis acta discurreret, Gallum quendam militem iam fracto muro discurrentē inuitauit, eiq; iugulum præbuit. Hunc exitū vitæ Mithridates habuit, nobisque sententiæ suæ fortissimum argumētum reliquit, homo omnium, vt ferunt, supersticiosissimus, annos natus septuaginta duos, habens secum semper philosophos, omniumque artium peritissimos. Si estis, inquit, dii patrij. Ita ille diu colendo, ac diu

Hh

quæ-

quæredo persenserat, hos nō esse certos deos, qui esse putabātur. Rex multę experientię atque æuo grauis, verum deum, ad cuius notitiam non nisi auditu per fidem venitur, non intelligebat. Hos autem falsos esse rationis ipsius luce peruiderat, aliud consuetudini, aliud menti suę tribuens. Si estis, inquit, dii, hoc est dicere, ego sentiens esse super hominem potentio rem ipso homine potestatem, precandi necessitate motus, commendo diligentiam, & excuso ignorantiam meam. Inuoco qui est, dum conuenio qui nō est. Quapropter cum dolore & timore considerandum est, qua pœna, quoue iudicio digni erunt, qui contra interdictū iam propalatę & publicę veritatis eos sectantur & colunt deos, de quibus etiam illi iā tunc dubitare poterant, qui adhuc præter eosdē scire nihil poterāt. Veruntamen breuiter consulo, qualia tunc toto orienti tempora videbātur, cum per quadraginta annos miserę nationes alternis tantorum ducum vastationibus terebantur: cum quęque ciuitas tantis concursibus media ineuitabiliter periclitabatur, inde accensura alterum, vnde alterum temperasset: hoc mox habitura suppli-

plicij, quod remediij ad tempus habuisset : cum trepidæ diuersarum prouinciarum legationes inter succedentes Romanorum duces, & truculentiorē notitia Mithridatē, alternis ad utrūque, prout quēque fors belli attollebat, incertis satisfactionibus transferebantur, augendo pericula quæ sanabant. Nunc quid continuo Pompeius, & quidem Pompeius homo Romanorū moderatissimus, per plurimas partes oriētis, finito Mithridatico bello egerit, paucis proferam.

De gestu Pompeij in Syria, Phœnice & Iudæa, & coniuratione Catilinæ.

CAPVT VI.

ANno ab vrbe cōdita DCLXXXIX M. Tullio Cicerone, & C. Antonio consulibus. Pompeius occisi Mithridatis nūtio accepto, Syriā cœlen & Phœnicen bello aggressus, Ituræos primum Arabesq; perdomuit, urbemque eorum, quam Petrā nominant, cepit. Hinc ad Iudæos, quibus Aristobulus expulso fratre Hyrcano primus ex sacerdote rex præerat, atq; ad Hierosolymam urbē eorum Gabinium cum exercitu mittit. Ipse continuo subsequutus, & à patribus vrbe susceptus, sed à plebe muro tēpli repulsus, oppugna-

pugnationem eius intendit. Id nō solum natura loci, verumetiam ingenti muro, fossaqué maxima munitum, cum alias aliis legiones, dies noctesque succedere sine requie cogeret, vix tertio mense expugnauit. Tredecim millia ibi Iudæorum cæsa narrantur, cætera multitudo in fidē venit. Pompeius muros ciuitatis euerti, æquariqué solo imperauit: & cum aliquantos principes Iudæorum securi percussisset, Hyrcanum sacerdotio restituit. Aristobulum captiuum Romam duxit. Hoc bellum orientis cū viginti & duobus regibus sese gelsisse ipse Pompeius pro cōtione narrauit. Interea coniuratio Catilinæ aduersus patriam per eodē dies in vrbe habita ac prodita, in Etruria vero ciuili bello extincta est. Romæ cōscij coniurationis occisi sunt. Sed hanc historiam agente Cicerone, & describente Sallustio, satis omnibus notam, nunc à nobis breuiter fuisse perstrictam sat est. Motus etiam in Pelignis ortus à Marcellis patre & filio, per L. Vettium proditus, patefacta Catilinæ coniuratione, quasi succisa radice compressus est: & de vtroque per Bibulum in Pelignis, per Ciceronem in Brutijs vindicatum est.

Cæsar quas prouincias sortitus, quomodo Heluetios & Belgas domuerit.

CAPVT VII.

ANno ab vrbe condita DCXCIII. C. Cæfare & L. Bibulo consulibus, lege Vatinia Cæsari tres prouinciæ cum legionibus septem in quinquennium datæ, Gallia transalpina & cisalpina & Illyricus. Galliam Comatam postea senatus adiecit. Hanc historiam Suetonius Tranquillus plenissimè explicuit, cuius nos competentes portiunculas decerpimus. Heluetiorum animos fortissimæ Gallorum omnium gētis, ea vel maximè causa, quod perpetuo pene cum Germanis bello altercabantur, à quibus Rheno tantum flumine dirimuntur, Orgetorix quidam princeps gentis, spe totas inuadendi Gallias, in arma accenderat. Quo cæteri optimates correpto & ad mortem coacto, cohibere tamen semel animatas in prædā plebes nequiuerunt. Qui coniuratione facta ac die dicta, exustis vicis ac domibus suis, ne quod desiderium ex spe reuertendi foret, profecti sunt. Quos cum apud Rhodanum flumen obuios Cæsar habuisset, magno difficiliq̃ bello bis vicit, victosque ad dēditionem coegit. Horum

Hh 3 fuit,

fuit, cum primū progressa est omnis multitudo Heluetiorum, Tulingorum, Latobrogiorum, Rauracorum & Boiorum, vtriusque sexus ad CLVII. millia hominum. Ex his XL. & VII. millia in bello ceciderūt: cætera in terras proprias remissa sunt. Postea Cæsar contra Ariouistum regem, excitantem inuehentemque secum incredibiles Germanorū copias, quibus nuper vniuersos Galliarum populos se subegisse iactabat, apud Sequanos vicit. Cum aut diu exercitus Cæsaris Germanorum multitudine & virtute perterritus pugnam detractasset, Ariouistus in Germaniā arrepta nauicula Rhenū transuectus effugit, vxores eius dux, totidemque filia captæ sunt. Fuerunt autem in exercitu Ariouisti, Arudes, Marcomanni, Triboci, Vangiones, Nemetes, Eudures, & Sueui. Pugna maximè grauis ex phalange Germanorum fuit, quā coacto in vnū agmine, scutisque supra capita contextis, ad irrumpendam Romanorū aciem tuti vndique præstruxerant. Sed postquam aliqui Romanorum militum agilitate audaciaque insignes, supra obductam saliere testitudinem, scutisque singillatim, velut squamis reuulsis desuper nudos

dos deprehenſorum detectorumque humeros perfoderunt, territi hoſtes nouo mortis periculo, terribilē diſſoluere compagem. Exinde in fugam verſi, per quinquaginta millia paſſuum inſatiabiliter ceſſi ſunt: neque conijci potuit numerus Germanorum, vel quantus pugnae affuerit, vel quantus fuerit occiſorum. Poſt hæc Belgarum gens, quæ tertia pars Galliarum eſt, aduerſus Cæſarem exarſit. Quorum diſtributim copia hæc fuit. Belouaci qui cæteris numero & virtute præſtare viderentur, habuere lectiſſima ſexaginta millia armatorū, Sueſiones ex duodecim oppidis quinquaginta millia, Nervij, quorum adeo indomita feritas prædicabatur, vt nunquam in id temporis mercatores ad ſe admiferint vina cæteraque venalia deferre, quibus inducta iucunditas torporem virtutis afferret, habuerunt ſimiliter quinquaginta millia: Atrebates etiam & Ambiani decem millia, Morini viginti quinque millia, Menapij nouē millia, Caleti decem millia, Velocæſſes & Veromandui æque decem millia, Aduaticij XVIII. millia: Condruſi, Eburones, * Cæreſi, Cæmani, qui vno nomine Germani vocantur, quadraginta millia. Et ita * Ceroſi

fuisse referuntur CCLXXII, millia armatorum lectissima. His repente silua erumpentibus, exercitus Cæsaris perturbatus, atque in fugam actus, plurimis suorum amissis, tandem hortatu ducis restitit: victoresque aggressus, vique ad internecionem penè deleuit.

Galba expeditio in Veragros & Sedunos. De rebus gestis Cæsaris in coniuratos cum Veneti, item Titurij Sabini & P. Crassi expeditionibus.

CAPVT VIII.

Igitur Cæsar magnis in Gallia rebus gestis, cum in Italiam proficisci decreuisset, Galbam cum legione duodecima ad Veragros Sedunosque misit. Qui cū hie-
mandi causa in vico Veragrorum, cui nomen erat Octodurus, consedisset, mediamque oppidi partem, quæ torrente distinguebatur, accolis concessisset, quadā die eosdem discessisse per noctem ac proximo insedissee colli videt. Quippe illi paucitatem vix mediæ legionis despectur habentes, vltroneam sibi prædam nullo cessuram negotio arbitrabantur, finitimosque suos in hanc cædis ac prædæ societatem vocauerant. Igitur Galba tam præsentibus periculis circunsepto ac trepido, atque inter varias consultationes certi con-

filij

filij incerto, repente Galli descensu montis effusi, castra imperfecta circundant, raros per vallum propugnatores saxis telisque onerant. Cumque iam castra irruperentur, Pacuij primipilaris & Voluseni tribuni consilio, cuncti Romani portis eruperunt: incautosque subito aggressi hostes, primum perturbauerunt, deinde in fugam versos miserabili strage fuderunt. Nam amplius triginta millia barbarorum tunc caesa referuntur. Igitur Caesar cum iam pacatas vniuersas Galliarum gentes putaret, ad nouum & maximum bellum retractus est. Namq; dum P. Crassus adolescens cum legione septima occano tenus apud Andegauos hiemat, Veneti caeterique confines repente in arma coniurant, legatos Romanorum vinciunt, eosque ita demum se reddituros, si obsides suos recipiant, Romanis indicant. Socios sibi ad id bellum Osismios, Lexouios, Nannetes, Ambiuaritos, Morinos, Diablintres, & Menapios asciscunt, auxilia quoque à Britania accersunt. Caesar per Crassum de rebellionē deditiarum gentium certior factus, quamuis intelligeret quantae in eundi belli difficultas esset, tamen re tanti negotij non negligendam ratus est,

ne cæteris exemplo eiusmodi audendi licentia laxaretur. Itaque terrestri prælio persequi hostes frustra aggressus: quippe cum hostes per interfusa ex oceano æstuaria, atque inaccessos recessus, tutis terrarum finibus munirentur, naues longas ædificari in Ligeri fluuio iubet: per quem in oceanum deductæ, mox ut hostibus visæ sunt, continuo ducentæ viginti naues eorum paratæ, atque omni genere armorum instructissimæ, progressæ portu, ex aduerso constiterunt. Bruto circumspectanti imparem longe nauium esse conflictum, quia barbarorum naues solido robore intextæ cauernisq; præualidis obduratæ, saxorum modo adactos rostratarum ictus retundebant, hoc primum auxilio fuit, quod falces acutissimas non pertinaciter contis præfixas, funibus autem subnexas parauerat: quibus cum opus esset, apprehensos eminus rudentes, subductis hastilibus per funem falcem retrahendo succiderent. His celeriter expeditis, dirumpi hostilium antennarum armamenta præcepit. Ita antennis ruentibus, complures illico naues velut captas immobiles reddidit. Alij hoc periculo territi, suspensis velis quæ ventus intenderet fugere cona-

cōnati, cessante mox v̄eto destituti, ludibrio fuere Romanis. Itaque incensis omnibus nauibus, interfectisque his qui pugnauerant Gallis, reliqui sese omnes dederunt. Sed Cæsar maxime obiniuriam legatorum, & vt genti ad omnia consilia mobili terribilis exempli notam inureret, cunctis principibus per tormenta interfectis, reliquos sub corona vendidit. Iisdē diebus Titurius Sabinus Aulercos, Eburouices, Lexouiosque, qui primates suos, cur auctores belli resuscitandi esse nollent, interfecerant, eruptione facta, incredibili cæde deleuit. Publius verò Crassus cum in Aquitaniam peruenisset, bello exceptus est. Nanque Sontiates magno equitatu pedestribusq; copijs præualidis Romanos adorti, diu grauer turbauerunt: post victi, atq; in oppidum Sontiatū coacti obsessique, cū se expugnari viderent, armis traditis, in deditionē recepti sunt. Aquitani clade permoti, vndiq; exercitū contrahūt: de citeriore quoq; Hispania auxilia accersunt. duces bello maxime eos perficiunt, qui cum Sertorio militauerant. Hi omnes dū obsidionē Crasso parant, in castris suis Crasso obruēte deleti sunt. Nam ex Aquitanis & Catabris,

quo-

quorum quinquaginta millia tunc in auxilium venerant, triginta & octo millia cæsa referuntur. Cæsar Germanos, qui Rhenum cum immensis copijs transmisserant, simul & totas Gallias subijcere sibi parabant, bello adortus, vsque ad internecionem cæcidit. Quorum fuisse numerum ad CCCXL. millia ferunt.

Cæsar quomodo Sueuos & Britanos subiecerit.

CAPVT IX.

TVnc Cæsar in Germaniam facto ponte transgrediens, Sicambros & Vbi-
os obsidione liberat: Sueuos maximam & ferocissimam gentem, quorū esse centum pagos & populos, multi prodidere, totamque Germaniam aduentu suo terret: mox in Galliam, rescisso ponte concedit. Inde ad Morinos venit, vnde in Britaniam proximus & breuissimus transitus est. Nauibus circiter onerarijs atque actuarijs octoginta præparatis, in Britaniam transuehitur. Vbi acerba primū pugna fatigatus, deinde aduersa tempestate correptus, plurimam classis partem, & non paruum numerum militum, equitum vero pene omnem disperdidit. Regressus in Galliam, legiones in hiberna dimisit,

ac

ac sexcentas naues vtriusque commodi fieri imperauit. Quibus iterum in Britanniam primo vere transuectis, dum ipse in hostem cum exercitu pergit, naues in ancoris stantes tempestate correptæ, vel collisæ inter se, vel arenis illisæ ac dissolutæ sunt. Ex quibus quadraginta perierunt, cæteræ cum magna difficultate reparatæ sunt. Cæsaris equitatus primo congressu à Britanis victus, ibique Labienus tribunus occisus est. Secundo prælio cum magno suorum discrimine victos Britanos in fugam vertit. Inde ad flumen Thamesin profectus est, quem vno tantum loco vadis transmeabilem ferunt. In huius vltiore ripa, Calsiuellauno duce, immensa hostium multitudo confederat, ripamque fluminis ac pene totum sub aqua vadum acutissimis sudibus præstruxerat. Quod vbi à Romanis deprehensum ac vitatum est, barbari legionum impetum non ferentes, syluis sese abdidere, vnde crebris eruptionibus Romanos grauiter ac sæpe lacerabant. Interea Trinobantum firmissima ciuitas cum Androgorio duce, datis quadraginta obsidibus, Cæsari sese dedit. Quod exemplum secutæ vrbes aliæ complures, in foedus Romanorum venerunt:

runt: ijdemque demonstrantibus, Cæsar oppidum Cassiuellauni inter duas paludes situm, obtentu insuper sylvarum munus, omnibusque rebus confertissimum, tandem graui pugna cepit.

Cæsarem aduersus nouam Gallorum conspirationem profectum fuisse, eosque denuo subegisse.

CAPVT X.

EXin Cæsar à Britannis reuersus in Galliam, postquam legiones in hiberna misit, repentinis bellorum tumultibus vndique circūuentus & cōflictatus est. Namque Ambiorix cum Eburionibus & Aduaticis conspirans, animatus Treuicorum consilio, Cottam & Sabinum legatos apud Eburones cum tota funditus legione insidijs circunuentos interfecit. Ambiorix hac victoria elatus, Aduaticos & Nerviios plurimosque alios raptim in arma contrahit, atque ad Ciceronē legatum, qui similiter tunc legioni in hibernis præerat, contendit. Multitudo hostium ex hoc colligi potuit, quia cum in obsidione castrorum vallum circundandū esse à captiuis Romanis docerentur, & instrumenta ruralia non haberent, gladijs concidendo terrā, & sagulis exportando,

vix tribus horis vallum pedum decem, & fossam pedum quindecim per millia passuum quindecim in circuitu perfecerunt. Præterea centum viginti turres miræ altitudinis extruxerunt. Et cū iam septem dies noctesque succidui hostiū cunei pugnarent, ac ventus subito plurimus exortus esset, testas feruentes intorsere fundis, flammataque focis tela, ac mox concepto igne rutilantia, intra castra iecerunt. Quo facto per culmina raptim ventus insiliēs, sparsum animauit incendium. Sed ne sic quidem Romani, cum vndique obruerentur vulneribus, laboribus, vigilijs, ieiunijs, incendijsue cesserunt. Tandem Cæsari nuntiatum est, vnam deletam esse legionem, alteram iam penè confectam. Aduentante cum duabus legionibus Cæsare, deserunt, hostes obsidionem, atque in eum cuncti raptis copijs ruunt. Cæsar paruissimis se castris consultò condidit, equitibus præmissis, vt fugam fingerent imperauit, vt ad transitum vallis quæ media erat, sibi que periculosa videbatur, hostes contemptu sui inuitaret. Quibus aduentatibus insuper obstrui portas præcepit. Quo viso Galli, quasi iam vicissent, ad obducendum extrinsecus vallum conuersi

conuerſi ſunt. Cæſar totis repente portis
paratum effudit exercitum, verſosque in
fugam Gallos vaſtiſſima cæde confecit.
Nam ſexaginta millia tunc fuiſſe referun-
tur, è quibus pauci per paludes inuias gua-
ſerunt. Indutiomarus Treuironum prin-
ceps, magnas armatorum copias habens,
poſtquam de conſenſu Galliæ totius cer-
tior redditus eſt, Labieni caſtra, legionẽ
que cui is præerat, quod facilè factu arbi-
trabatur, delere ſtatuit: ac deinde Eburo-
nibus Neruijsque coniunctus, ad oppri-
mendum Cæſarẽ pergere. Labienus qui-
bus poteſt artibus ſimulat timorem, atq;
ita Indutiomarum negligentiorẽ cum
inſultantibus copijs pro vallo oberran-
tem, repentina irruptione proſtrauit. Hac
victoria Labieni, reliqui Gallorum cona-
tus repreſſi ſunt, & Cæſar paulo quietior
reliqua parte hiemis fuit. Sed intelligens
ſibi maiora belli ſupereſſe negotia, maxi-
me quia plurima parte exercitus amiſſa, a-
lijsque grauiter laucijs, ne ad ſuſtinendũ
quidem ſibi idoneus, non dicam ad com-
primendum Gallorum impetum videre-
tur, à Cn. Pompeio proconſule conſcri-
bi legiones, ſibi que mitti in auxilium pe-
tit. Itaque ante exactam hiemem tres ad
eum

eum legiones in castra venerunt. Igitur Cæsar prius quàm in vnum hostium copia coirent, ineunte vere aggredi trepidos & opprimere sparsos in suis finibus parat. Primum itaque Neruiorum fines diripit: prædam vero, quæ copiosissima erat, exercitui permittit. Deinde Menapios, qui sibi propter immensas paludes atque impeditissimas silvas munitissimi videbantur, tribus agminibus inuadit: nimiaque cæde vulgo agitata, residuos supplices in deditionem recepit. Labienus sequenti prælio omnes Treuironum copias interfecit, arte in bellum prouocatas, prius quàm Germanis aduentatibus iungerentur, & continuo ipsam ciuitatem capit. Cæsar vlciisci mortem Sabini & Cottæ legatorum volens, in Amborigem, & Eburones deletæ legionis auctores, postquam in Arduennâ syluam refugisse comperit, quæ sylua totius Galliæ maxima est, atque à ripis Rheni finibusque Treuironum ad Neruios vsq; pertingit, & in longitudine plus quàm quingenta millia passuum patet, permetiens rem sui maximi periculi fore, si per obstructas spatiosasque sylvas ignoti diuiderentur, hostemque locis notissimum quærent, omnem

Galliam per nūtiōs inuitat, vt quīque secundum placitum suū reconditas in Arduenna sylua prædas quærant, diripiantque. Quo factō Gallis vtrinq; morientibus, maximas Romanorum iniurias sine cuiusquā Romani discrimine vindicauit. Ita hoc tutissimō vincēdi genere securus in Italiam redijt.

Cæsar item nouam Gallorū in arma aduersus sese conpirationem multa clade comprimit.

CAPVT XI.

Igitur Cæsare in Italiam reuerso, Gallia rursus in arma coniurat, multiq; simul populi coeunt. Dux his Vercingetorix fuit, cuius cōsilio statim omnes Galli ciuitates suas vltro incenderunt, prima à suis incensa Biturigo. Inde ad Cæsarem, qui magnis itineribus per Narbonensem prouinciā clam ad exercitum recurrebat, impetum faciunt. Cæsar tunc oppidum nomine* Aucricum obsidione con-

Aucricum

cluserat: quod diu oppugnatum, tandem post multas Romanorum clades pluuiodie, cum hostilium machinarum amentæ neruique languerent, applicitis turribus captum atque deletum est. Quadraginta millia ibi hominum fuisse referuntur: è quibus vix octoginta per fugam elapsi

Ipsi ad proxima Gallorum castra venerunt. Præterea Aruerni cæteri que confines, sollicitatis etiã ad se Aeduis, multis aduersus Cæsarem prælijs bellauerunt. Qui cum se pugnando fatigati in quoddam castellum recepissent, milites prædæ inhiantes, ad expugnationem oppidi animũ intendunt, frustra Cæsare de loci iniquitate causante. Itaque ibi Cæsar erumpentibus desuper hostibus pressus, multa exercitus sui parte perditã, victus aufugit. Dum hæc ad Alesiam geruntur, Vercingetorix, quem omnes consensu pari regẽ præoptauerant, suadet vti ex tota Gallia omnes qui arma ferre possent, huic bello præsto sint. Hoc enim esse vnum bellum, quo aut perpetua libertas, aut æternã seruitus, aut mors omnium cõsequatur. Itaque absque eo numero quem infinitum antè contraxerat, equitum circiter octo millia, peditum ducenta quinquaginta millia contracta sunt. Dehinc duo colles sibi inuicem obuertos Romani Galli que ceperunt. Vnde multis sæpe eruptionibus & varijs prouentibus præliantes, tandem Romani præcipua Germanorum equitum, quos sibi iam dudum amicos nunc in auxilium adsciuerant,

li 2 virtute

Corbeo

virtute vicerunt. Vercingetorix alia die congregatis omnibus, qui fuga euaserāt, dixit se auctorem bona fide defendendæ libertatis, atque rumpendi fœderis fuisse, & nunc siue Romanis sese ad mortem omnes offerant, siue se solum pro omnibus dedant, paratum animo fore. Itaque Galli voluntatem, quam pudore aliquandiu tlexerant, quasi ex cōsilio regis assumerent, illico sibi veniam precantes, eum solum velut auctorem magni sceleris dediderunt. Bellouaci omnibus Gallorum gentibus ipsorum opinione sortiores habebantur. Hi * Chorreo duce bellū instaurant, sibiq̃ue in hanc suscepti belli societatem Ambianos, Aulercos, Caletos, Velocasses, Atrebatesq̃ue coniungunt, & locum quēdam cinctum atque impeditum vndique paludibus capiunt: commissoq̃; prælio magnam Remorum manum, quæ auxilio Romanis erat, trucidant. Deinde cum opportunum ipsi locū insidijs prouisum occupassent, atque hoc comperto Romani ad insidiarum locum instructi ordinatiq̃ue venissent, commisso prælio Romani Gallos fugientes eisdem locorū munitionibus, quibus clausi fuerant, incluserunt, cunctosq̃ue ad internecionem cæci-

cæciderunt. Ibi Choreus vel fugam vel deditiōem detrectans, Romanos, ne viuis caperetur instanter occidendo, vt occideretur, coegit. Igitur cum pacatam esse vniuersam Galliam Cæsar, neque ausuram fore ad aliquos aspirare motus arbitraretur, legiones in hiberna dimisit: ipse autem Ambiorigis fines, qui tot bella excitauerat, horrenda hominum strage vastauit. At vero C. Caninius legatus bellum apud Pictōnas inuenit: vbi magna hostium multitudo impeditam itinere legionem circundedit, atque ad extremum discrimen adduxit. Porro autem Fabius legatus, acceptis Caninij literis, in Pictōnas proficiscitur, ibique à captiuis de opportunitate locorum certior factus, inopinantes hostes opprimit magnisque stragibus factis, plurimas prædas agit. Deinde cum Caninio signum aduentus sui dedisset, Caninius totis castris subito exiliuit, seseque iniecit hosti. Ita Fabio ex alia parte, & Caninio ex altera insistente, maximo & diuturno bello innumere Gallorum copiae trucidatæ sunt. Inde Fabius in Carnutes profectus est. Sciebat enim Dumna cum ducem antiquissimum, rebellionis totius incentorem, ab hoc bello elapsam,

lapsū, si Armoricis gentibus adiunctus
esset, maximos iterum tumultus in Gallia
esse moturum; sed eos adhuc ipsa nouitate
trepidātes, mira virtute & celeritate per-
domuit. Interea Drapes vnaque Lucterius,
cum adesse Caninium & legiones in
finibus suis viderent, vndique collectis
copijs oppidum Vxellodunum occupāt.
Hoc oppidum in editissima montis ar-
ce pendeat, duabusque partibus per
abrupta latera non paruo flumine cinge-
batur: medio deinde descensu largissimo
fonte securum, plurimaque introrsum
copia frumenti tutum, irritos procul dis-
cursus hostiū despiciebat. Caninius quod
solum Romana prouisione potuit, am-
bos duces cum parte copiarū plurima in
campum euocatos, maximo praelio supe-
rauit. Nam vno è ducibus interfecto, al-
ter cum paucissimis fugit, nullus in oppi-
dum rediit, sed ad id oppugnandum Cæ-
sare opus fuit. Itaque certior per nuntios
factus Cæsar accurrit: circumspectisque
omnibus videt, si expugnare vi moliatur,
ludo & spectaculo hostium delendū esse
exercitum suū: vnum solum esse præsidium,
si quoquo modo hostes aqua arceantur.
Sed & hoc quoque, nisi Cæsar nō po-
tuisset:

tuisset: siquidē fons, quo ad potū utebantur, medio diuexi montis latere fundebatur. Cæsar ad proximū fontis admoueri vineas, turremq; extrui iubet. Fit magnus illico concursus ex oppido. Quibus sine periculo præliantibus, Romani quamuis pertinaciter obsisterent, crebriusque succederent, complures tamen trucidantur. Igitur extruitur agger & turris pedum sexaginta, cuius vertex adæquare fontis locum posset, vt vel ex equo tela conijci queant, vel præcipitata desuper saxorū volumina non timeri. Oppidani aut vbi examinari siti non solum pecora sua, verum etiā infirmiores hominum ætates vident, cupas pice, seuo & scandulis repletas, ac deinde immisso igne, in prona præcipitāt, easq; ipsi toto oppido effusi subsequuntur. Ardentibus machinis, cū graue præliū suis Cæsar ac periculosum videret, cohortes in circuitū oppidi ire velociter per occultū imperat, atq; vndique subito vastū clamorē attollere. Quo factō consternati oppidani, dū recurrere ad muniendū oppidū volunt, ab oppugnatione turris vel demolitione aggeris recesserūt. Illi tamē qui ad incidēdas fontis venas sub obtetu aggeris tuti cuniculos perfodiebant, re-

pertos in abstruso aquarum meatus, per multa diuidendo tenuari in semetipsis, consumi que fecerunt. Oppidani fonte siccato, vltima desperatione correpti, deditiōem sui faciunt. Cæsar autem omnibus qui arma tulerant, manus sustulit, & vitam reliquit, quo testator esset etiam posteris pœna improborum. Multum enim ad coarcendam audaciam valet propositum punitionis exemplum, cum ipsa miseri præsens forma viuentis, & ad recordationē admonet conscios, & ad sciscitationem cogit ignaros.

Miseream & calamitatem Gallie acceptā à Cæsare subijcit quasi sub oculos.

CAPVT XII.

defectam-
que

EXhaustis atque edomitis Gallis, securus Cæsar cum legionibus in Italiam redijt, nullos post se Gallorum motus pertimescens, certo se sciēs minimè aliquos, qui vel moueri audeant, vel si moueātur, timendi sint, reliquisse. Constitui nunc ante oculos velim exanguem * defectam-
que Galliam, post illas ardentissimas febres internosque æstus vitalium mollioratorrentes, vt sese habeat, quanta macie, quantoque pallore sit, quàm demissa ac resoluta iaceat, quàm ipsos quoque necessarij

cessarij officij motus , ne eundem incursum malorum reuocent , pertimescat. Irruit enim in eam repentino impetu Romanus exercitus, veluti fortissimo corpori fortior lues : quæ tanto grauius accenditur, quanto impatientius toleratur. Sitiebat misera, cum instante gladio, profiteri sponsonem seruitutis æternæ, auulsis insuper obsidibus , cogeretur. Sitiebat, vt dixi, notam illam omnibusque suauissimam velut aquæ gelidæ dulcedinem libertatis: quantoque eam magis subtrahi intelligebat, tanto auidius desiderabat. Hinc illa tam frequens contra vetita præsumptio inuadebatur, & pro defendenda libertate, importuna libertas: præreptaque insatiabiliter potiundi licentia, quod male conceptam perniciem restinguere videbatur, augebat. Hinc Romanus ante pugnam insidiator argutior, hinc in pugna hostis infestior, hinc post pugnam victor immitior, hinc omnia ad domandam impatientiam crudescētia, hinc iam nec remedijs credebatur. Itaque si interrogare possem hanc, de qua loquimur, nationem, quid tunc, cum hæc ipsa sustinebat, de illis temporibus iudicaret, responderet, vt arbitror, dicens: Sic me illa tunc

hæc æstas
quæ

febris exanguem reddidit, ac frigidam fecit, vt etiam * hæc quæ omnes pene perstrinxit, feruefacere vel commouere nequiuerit: atque ita me Romani inclinauerunt, vt nec ad Gothos surgam. sed ne ipsa quidem Roma clades quas intulit, euitauit. Exercitæ diu actæque sunt per totos mundi cardines potentiæ ducum, viresque legionum: quæ in sese concurrentes, eius damno vincerent, cuius periculo vincerentur.

De Crassi auaritia, rebus cōtra Parthos gestu, & interitu.

CAPVT XIII.

NAm victorem Cæsare de Gallia reuersum ciuilia bella comitata sunt, aliaque grauissima mala, interfecti apud Parthos Crassi & trucidati exercitus precesserunt. Anno ab vrbe condita sexcentesimo XCVII. Crassus in consulatu collega Pompeij prouinciam sortitus in Parthos, homo inexplibilis cupiditatis, Audita in Hierosolymis templi opulētia, quam Pompeius intactam reliquerat, in Palæstinam diuertit, Hierosolymā adit, templum peruadit, opes diripit. Inde per Mesopotamiam tendēs, in Parthiam quacunq; iter habuit, socijs ciuitatibus auxilia in-

lia indixit, pretia exegit: moxque vt Euphratem tranſijt, illico Vageſem legatū ab Orode rege Parthorum ad ſe miſſum, obuium habuit. à quo vehementer increpitus eſt, quod cōtra fœdus Luculli, Pōpeij auaritia inductus, Euphratē tranſierit. Quamobrem ſine mora futurum, vt pro auro Parthico ſerico ferro oneraretur. Itaque cum prope Carras ventum eſſet, Parthi ſubito ingruentes cum Surena & Sillace præſectis ſagittis oppreſſere Romanos. Cecidēre ibi plurimi ſenatores, aliquot etiā conſulares & prætorij viri. Crāſſus quoq; filius Craſſi, lectiſſimus iuuenis, in acie occiſus eſt. Præterea quatuor cohortes cū Vargunteio legato, medijs deprehenſæ cāpis & interſectæ ſunt. Surenas rapto equitatu Crāſſum perſequi intendit; eumque circūuentum, ac fruſtra colloquium eius petentem interfecit, quāuis viuum auferre maluiſſet. Pauci noctis beneficio liberati, Carras confugerunt. Cognita clade Romanorum, multæ orientis prouinciæ à ſocietate vel fide populi Romani deſeciſſent, ni Calſius collectis ex fuga militibus paucis, intumeſcentem Syriam egregia animi virtute ac moderatione preſiſſet: qui & Antiochū copiasque

que eius ingentes prælio vicit & interfecit: Parthos quoque ab Orode in Syriam missos, iamq; ingressos Antiochiam, bello expulit, ducemque eorum Olacen interfecit.

De mutabilitate Romani imperij, prædictorū velut epilogus.

CAPVT. XIII.

Igitur Romani status agitur semper alterna mutatio, & velut forma oceani maris, quæ omni die dispar, nunc succiduis per septem dies attollitur incrementis, nunc insequentibus totidem diebus naturali damno & defectu interiore subducitur. Vt enim de proximis ordiar, Cimbris Tigurinisque vincentibus cum apud Rhodanum flumen Romanus exercitus perierit, arētissimas Roma sensit angustias, refusa continuo clade Cimbrorum, magnis elataproventibus, priorum oblita defectuum est. Hanc deinde recētissimæ prosperitatis iactantiam Italicum bellum & dilaceratio Syllanæ castigat. Rursus post hanc domesticam intestinamq; perniciem, qua vsque ad medullas pene euiscerata & exesa est, paribus propemodum spatijs temporum non solum reparata, verū etiam extenta est, cum Lucullus Asiam, Pom-

Pompeius Hispaniam, Cæsar Galliã perdomuit, Romanumque imperium vsque ad extremos propemodum terræ terminos propagatum est. Hanc nūc amplissimam dilatationem vastissima ruina consequitur. Apud Parthos enim consul Romanus occiditur, exercitusque deletur, atrocissimū illud Pompeij & Cæsaris bellum ciuile conseritur, & inter hæc Roma ipsa repentino correpta incendio concrematur. Anno siquidem ab vrbe condita DCC. incertum vnde concretus plurimā vrbis partem ignis inuasit, neque vnquam antea tanto incendio correptam ac vastatam ciuitatem ferūt. Nam quatuordecim vicos cum vico iugario consumptos fuisse memoriæ proditum est. Hinc iam bellum ciuile committitur, quod magnis iamdudum dissentionibus ac molitionibus parabatur.

De bello ciuili, quod cruentissimū Cæsar & Pompeius gesserunt.

CAPVT XV.

NAm rediens Cæsar victor ex Gallia, discerni sibi absenti alterum consulatum poposcit. Cōtradictum est à Marcello consule, annitente Pompeio. deinde decretum est à senatu, vt in urbem Cæsar non

non nisi dimisso exercitu veniret, & ex Marcelli cōsulis auctoritate ad legiones, quæ apud Luceriam erant, Pompeius cum imperio missus est. Cæsar Rauennam sese contulit. M. Antonius & Q. Cassius tribuni plebis pro Cæsare intercedentes, interdicante Lentulo consule, curia foro-
que prohibiti ad Cæsarem profecti sunt, Curione Cœlioque simul comitantibus. Cæsar Rubicone flumine trāsmeato, mox ut Ariminum venit, quinque cohortes, quas tunc solas habebat, cum quibus (ut ait Liuius) orbem terrarum adortus est, quid factū opus esset edocuit. Deplorans iniurias suas, causam belli ciuilis pro restituendis in patriam tribunis, esse testatus est. Inde per Antonium septem cohortes, quæ apud Sulmonem morabantur, & Lucretio recipit. tres legiones, quæ cum Domitio apud Corfinium morabantur, ad partes suas traduxit. Pompeius atque omnis senatus, crescentibus Cæsaris viribus trepidi, tanquam Italia pulsi, in Græciam transuecti, Dyrrhachiū gerendi belli sedem delegerunt. Cæsar Romam venit, negatamque sibi ex ærario pecuniam fractis foribus inuasit, protulitque ex eo auri pondo IIIIM. cētum trigintaquinque, argen-

argenti pondo prope DCCCC. millia.
Inde digressus Ariminū ad legiones, mox
alpes transuectus, Malsiliam venit: ad quā
oppugnandā, cur receptus non esset, Tri-
bonium cū tribus legionibus relinquens,
ad Hispanias contendit, quas L. Afranius;
& M. Petreius, & M. Varro Pompeiani
duces cum legionibus obtinebant. Ibi
multis prælijs Petreium Afraniumque su-
peratos, cōposita pactione, dimisit. In vl-
teriore vero Hispania duas legiones à M.
Varrone suscepit. Similiter & duces eius,
hoc est, Curio Catonem Sicilia expulit,
Valerius Cottam Sardinia, Tiberonem
Africa Varus eiecit. Cæsar Malsiliam re-
diens obsidione domitam, vita tantum &
libertate concessa, cæteris rebus abrafit.
At vero Dolabella partium Cæsaris, in
Illyrico per Octauium & Libonē victus,
copijsque exutus, ad Antonium fugit. Ba-
sillus & Sallustius diuidentes singulas le-
giones quibus præerant, similiter & An-
tonius, Hortensius quoque ab infimo
mari cum classe concurrens, omnes pa-
riter aduersus Octauium & Libonē pro-
fecti & victi sunt. Antonius cum se Octa-
uio cum quindecim cohortibus dedis-
set, omnes ad Pompeium à Libone dedu-
cti sunt.

ductus

Et sunt. Curio ex Sicilia in Africam cum
 exercitu transgressus est: quem Iuba rex
 continuo exceptum cum omnibus copijs
 trucidavit. Octavius Salonas oppugnare
 conatus, omnes pene copias quas duxit a-
 misit. Coelius desciuit à Cæsare, ac se Mi-
 loni exuli iunxit. Cumque ambo seruatorū
 manu Capuam oppugnare molirētur, oc-
 cisi sunt. Bibulus apud Corcyram pudore*
 victus, quod custodiēcius quam pela-
 go & oppido prætendebat, hostis illuse-
 rat, inedia sese vigilijsque confecit. Ap-
 Claudius censorinus, qui iussu Pompeij
 Græciam tuebatur, iam abolitam Pythici
 oraculi fidem voluit experiri: quippe ab
 eo adaſta vates deſcēdere in ſpecum, reſ-
 pondiſſe fertur de bello conſulenti: Nihil
 ad te hoc Romane bellum pertinet Eubœ
 æcœla obtinebis. Cœla autem vocant Eu-
 boicum ſinum. Ita Appius perplexa incer-
 tus ſorte diſceſſit. Admonet nos aliquid
 obtreſtatoribus noſtris cōſultor iſte con-
 ſulere. Querūtur utique fide Chriſtiano-
 rum ſibi ſācra interdīcta ceremoniasque
 ſublatas, & ob hoc maxime, quod extis
 vaticinijsque ceſſantibus, futuræ clades,
 quia ſciri nequeunt, non vitantur. Cur er-
 go longe ante imperium Cæsaris natiui-
 tatem-

tatemque Christi, sicut ipsorum auctores attestantur, abolita fuerat Pythici oraculi fides? Abolita autem ideo, quia contempta. Porro autem quare contempta, nisi quia vel falsa, vel vana, vel dubia? Vnde prudenter poëta præmonuit: Inconsulti abeunt, sedemque odere Sibyllæ. Et ne forte parui id pendant, quod contemptu abolitum atque antiquatum fuit, hoc est, aut nume aut sedem, Apollo ille Pythius erat, quem ferunt magno illo Pythone serpente interfecto, totius vaticinationis auctore & principe, hæredem & sedis & diuinationis & numinis extitisse: ibique eum reddere elegisse responsa, vbi orta cum auctore ipsa diuinationis videbatur: præterea quem per alias quoque terrarum partes spumantibus buccis, rabidoque discursu omnis furiatorum ructat inlantia, ad quem plurimi terrarum reges, quasi ad viuam vocem consulti numinis cucurrerunt, cui sæpissimè ipsi quoque Romani opulentissima dona miserunt. At si Apollo iste Pythius paulatim discernente experientia contemptus, relictus, atque abolitus est, quid viuum de mortua pecude, quid verum de amente muliercula sperari potest? Quid postremo, inflauit cum pin-

Kk guis

guis ebur Tyrrenus ad aras, expositis, opimæ pecudis intestinis, non finget esuriens? Nam sicut ipsi fatetur, vel obscura, vel falsa dicendo, ipse Apollo seducit. Quamobrem æquo animo ferant, si imitari interim nolunt, nos id veritatis iudicio etiam prohibere, quod potuerunt maiores eorum vel experiendo contemnere. Interea apud Dyrrachium multi orientis reges ad Pompeium cum auxilijs conuenerunt. Quo cum Cæsar venisset, Pompeium obsidione frustra cinxit ipse terram quindecim millium passuum fossa præstruens, cū illi maria paterent. Pompeius castellum quoddam propinquum mari, quod Marcellinus tuebatur, euertit, præsidiaque Cæsaris, quæ ibidem morabantur occidit. Cæsar Torquatum legionemque vnam, vt expugnaret, aggressus est. Hoc periculo sociorum Pompeius cognito, omnes eò copias contraxit: in quem se ilicò Cæsar omiſsa obsidione cōuertit. Torquatus autē è vestigio prorumpens, auersum insecutus est. Ita Cæsar's milites anticipiti periculo territi, ipso Cæsare frustra obsistente, fugerunt. Pompeius vero Cæsar's quoq; testimonio victor, persequentem reuocauit exercitum. quatuor millia
militum

militum Cæsarîs, cæturiones viginti duo, equitesque Romani complures in eo prælio cæsi sunt. Cæsar inde citato agmine per Epirum in Thessaliam perrexit. Pompeius cum maximis copijs secutus, bellumque commissum est. Itaque instituitur vtrinque acies. Pompeius octoginta octo cohortes triplici ordine locauit. Fuerunt autem peditum quadraginta millia, equites in sinistro cornu sexcenti, in dextro quingenti, præterea reges multi, senatores, equitesque Romani plurimi, absque leuium armaturarum magna copia. Cæsar similiter octoginta cohortes triplici ordine disposuit: cui fuerunt non minus quàm triginta millia peditû, equites mille. Videre ibi & gemere erat, contractas Romanorum vires in campis Pharsalicis ad occisionem mutuam constitisse: quas si concordia rexisset, nulli populi; nulli reges ferre potuissent. Prima congressione equitatus Pompeij pulsus, sinistra latera nudauit. Deinde cum diu vtrinque dubia sorte cæderentur, atque ex alia parte Pompeius inter hortandum diceret, Parce ciuibus, nec tamen faceret: ex alia vero Cæsar hoc faceret, quod vrgeret, dicens, Miles, faciem feri: tandem vniuersus

Pompeij fugit exercitus, castraque direpta sunt. Cæsa sunt in eo prælio Pompeianorum quindecim millia, centuriones triginta tres. Hic exitus pugnae ad Palæophasalum fuit. Pompeius fugiēs in ostio Penei amnis onerariam nauem nactus, in Asiam transijt. Inde per Cyprum in Aegyptum venit: ibique mox ut litus attigit, iussu Ptolemæi adolescentis, in gratiam Cæsaris victoris occisus est. Pompeij vxor filijque fugerunt. Cætera Pompeiana classis direpta est, omnibus qui in ea erant crudelissimè trucidatis: ibique & Pompeius Bithynicus occisus est. Lentulus vero vir consularis apud Pelusium interfectus est. Cæsar compositis apud Thessaliam rebus, Alexandriam venit, perlatoque ad se ac viso Pompeij capite anuloque, fleuit. Cumque se in regiam recepisset, eludebatur à tutoribus, quo minus pecuniam acciperet, templa sua astu spoliantibus, ut & regiones thesauros vacuos esse ostenderent, & in inuidiam Cæsaris populum concitarent. Præterea Achilles dux regius, imbutus semel Pompeij sanguine, Cæsaris quoque necem meditabatur. Nā iussus exercitum dimittere cui præerat, viginti millium armatorum, non modo spre-

spreuit imperium, verum & aciem direxit. In ipso prælio regia classis forte subducta, iubetur incendi. Ea flamma cum partem quoque urbis inuasisset, quadringenta millia librorum, proximis forte ædibus condita, exussit: singulare profecto monimentum studij, curæque maiorum, qui tot tantaque illustrium ingeniorum opera congelerant. Vnde quamlibet hodieque in templis extent, quæ & nos vidimus armariâ librorum: quibus direptis exinanita ea à nostris hominibus nostris temporibus memorent, quod quidem verum est: tamen honestius creditur, alios libros fuisse quæsitos, qui pristinas studiorum curas emularentur, quam aliam ullam fuisse tunc bibliothecam, quæ extra quadringenta millia librorum fuisse, ac per hoc euasisse credatur. Cæsar postea insulam ubi Pharus est, cepit. Eò Achilles cum Gabinianis militibus venit. Ingens pugna commissa est. magna ibi Cæsarianorum militum multitudo cecidit: omnes etiam interfectores Pompeij interfecti sunt. Cæsar vi insistentium hostium pressus, scapham ascendit: qua mox pondere sublequentium grauata acmersa, per CC. passus ad nauem vna manu eleuata, qua char-

* facillitate.

tas tenebat, natando peruenit. mox nau-
li certamine pulsatus, magna* felicitate
classẽ regiam aut depresit aut cepit.

*Cæsar Alexandrinis regem reddidit, Alexandri-
am subigit, ciuesq; multos cedit.*

CAPVT XVI.

ALexandrinis petentibus, regem red-
didit, monitum, vt magis amici-
tiam Romanam, quàm arma experiri stu-
deret. Qui tamen ilicò vt liber fuit, bel-
lum intulit, sed continuo cum toto exer-
citu suo & ipse deletus est. Nam viginti
millia hominum in eo bello cæsa referũ-
tur, duodecim millia cū septuaginta lon-
gis nauibus dedita, quingenti ex victori-
bus cecidisse referuntur. Rex ipse adole-
scens scapha exceptus vt fugeret, multis
insilientibus merfus necatusque est. Cor-
pus eius ad litus deuolutum, indicio lo-
ricæ aureæ cognitum fuit. Qua Cæsar A-
lexandriã præmissa, Alexandrinos omnes
ad deditiõem desperatione cõpulit, re-
gnumq; Aegypti Cleopatrac dedit. Inde
Syriam peruagatus, Pharnacẽ in Ponto
vicit. Postea vero quàm Romam venit, di-
ctator & consul creatus, in Africam tran-
siit, & apud Thapsum cū Iuba & Scipione
pugnauit, maximamq; ibi hominũ multi-
tudinẽ

tudinē interfecit. Castra vtriusque direpta sunt, sexaginta elephantis capti. Cato sese apud Uticam occidit. Iuba percussori iugulum, pretio dato, præbuit. Petreius eodem se gladio perfodit. Scipio in naui qua ad Hispanias fugere contendēs vento coactus in Africā redierat, semetipsum iugulauit. In eadē naui etiam T. Torquatus occisus est. Cæsar Pompeij Magni nepotes, filiamq; Pompeiam, simulq; cum his Faustum Syllam & Afranium & Petreium filium iussit occidi. Inde quatuor triumphis urbē ingressus, disposito recuperatæ Reip. statu, continuo in Hispanias contra Pompeios Pompeij filios profectus, decimo septimo quam egressus ab urbe fuerat die, Saguntum peruenit: statimque aduersus Pompeios duos & Labienum atque Attium Varum, multa bella & varia sorte gessit. Vltimū bellum apud Mundā urbem gestū est, vbi tantis est viribus dimicatū, tantaq; cædes acta, ut Cæsar quoque, veteranis etiā suis cedere non erubescens, cum cædi cogique aciem suam cerneret, præuenire morte futurum victi dedecus cogitarit, cū subito versus in fugam Pompeiorum celsit exercitus. Et quidem eo die hoc bellum actum

est, quo Pompeius pater ab vrbe bellum gesturus aufugerat: quatuorq; annis hoc ciuile bellum indefinenter toto orbe tonuit. T. Labienus & Attius Varus in acie cæsi sunt. Sex. Pompeius cum centesimo equite aufugit. Frater eius Cn. Pompeius contracta celeriter non parua Lusitanorum manu, cum Cæsonio congressus & victus, fugiensque interfectus est. Munda ciuitas cum immensa hominum cæde, Cæsare oppugnante, vix capta est.

De Cæsaris interitu, & ob eum tumultibus & bellis.

CAPVT XVII.

CÆsar Romam redijt: vbi dum reipublicæ statum contra exempla maiorū clementer instaurat, auctoribus Bruto & Cælio, cōscio etiam plurimo senatu, in curia viginti & tribus vulneribus confossus interiit. In qua coniuratione fuisse amplius sexaginta conscios ferunt. Duo Bruti & Caius Cassius alijq; socij, strictis pugionibus in Capitolium secesserunt. Diu deliberatum est, vtrum Capitolium cum auctoribus cædis oporteret incendi. Corpus eius raptum populus dolore instimulatus in foro fragmentis tribunalium ac subselliorum cremauit. Percensuit

cenſuit latitudinem regni ſui Roma cladi-
bus ſuis, atq; in ſuam conuerſa cædem,
ſingulas quaſque gentes ibidem, vbi do-
muit, vindicauit. Aſiæ, Europæ, atque A-
fricæ, non dico tribus mundi partibus,
ſed totis trium partiû angulis, edidit gla-
diatores ſuos: feriatisque inimicis ſpecta-
culum miſeræ vltionis ingeſſit. Nec ta-
men ſufficit ipſas quoq; cum auctoribus
cauſas fuiſſe conſumptas: recidiua ſemina
in eodem agro germinant, magna conti-
nuo metentibus malorum incrementa cû
magno ſudore factura. victor ciuiliſ belli
à ciuibus Cæſar occiditur, in cædem vni-
us trahuntur, agmina conſciorum. Certû
enim erat, quia Cæſar indigne peremptus,
plures poſſet habere vltiores. Plurimaque
nobilitas vna ſimul catena ſcleris copu-
latur, ne forte tanta malorum materia nô
belli magnitudine ſuppleatur, ſed vindi-
ctæ breuitate tenuetur. Medeam illam fa-
bulæ ferunt, dentes quorſdam occiſi ſeu iſ-
ſe ſerpentis, è quibus quaſi competens ſe-
mini ſeges, armati homines terra emerſe-
rint, ſeſeque mox inuicem pugnâdo pro-
ſtrauerint. Et quidem hoc poëtarum cõ-
menta finxerunt: noſtra autem Roma Cæ-
ſare occiſo, quâta de cineribus eius agmi-

na armata parturijt? Quāta bella in testi-
moniū miseræ fecunditatis non legenda
pueris, sed spectanda populis excitauit? &
tamen horum omnium malorum initium
superbia est. Inde exarserunt bella ciuilia,
inde iterum pullularunt. Non ergo iniu-
sta cædes est eorum qui eam iniuste conse-
ctantur, si ambitionis æmulatio per ipsos
atque in ipsis & agitur & punitur, donec
qui detrectauere collegium, discant fer-
re dominatum: summaque imperij totius
ad vnum redacta, longe aliud omnes ho-
mines viuendi genus subeant, vt omnes
humiliter placere studeant, non insolent-
ter offendere. Sed ad tam salubrem humi-
litis doctrinam magistro opus est. Itaq;
opportune cōpositis rebus, Augusti Cæ-
saris temporibus natus est dominus Chri-
stus: qui cū in forma dei esset, formam ser-
ui humiliter assumpsit: vt tunc demum a-
ptior fieret humilitatis institutio, quando
iam per totum mundum pœna superbiæ
omnibus esset exemplo.

Philip. 2.

De Cesare Octauio Augusto, rebusq; per eū gestis.

CAPVT XVIII.

ANno ab vrbe cōdita DCCX. inter-
fecto Iulio Cæsare, Octauianus qui
testamento Iulij Cæsaris auūculi & hære-
ditatem

ditatem & nomē assumpserat, idemq; qui
postea rerū potitus Augustus est dictus,
simul vt Romanū adolescens admodum
venit, indolem suam bellis civilib. nouit.
Nam, vt breuiter coaceruationem malo-
rum explicem, bella civilia quinque ges-
sit, Mutinense, Philippense, Perusinum, Si-
culum, Actiacum: è quibus duo, hoc est,
primum & nouissimum, aduersus Mar-
cum Antonium, secundum aduersus Bru-
tum & Cassium, tertium aduersus L. An-
tonium, quartum aduersus Sex. Pompei-
um Cnei Pompeij filiū confecit. Antoni-
us à senatu hostis pronuntiatus, D. Brutū
apud Mutinam obsidione concluserat.
Consules Hirtius & Pansa & cū his Cæ-
sar ad liberandum Brutum, expugnan-
dumq; Antonium missi. Pansa primo ve-
niens, exceptus insidijs, inter suorum cla-
des, ipse quoq; pilo grauitè vulneratus,
ab eodem vulnere interpositis diebus est
mortuus. Hirtius auxilium collegæ fe-
rens, magnas Antonij copias vasta strage
deleuit. Cæsar eatenus castra custodijt.
Secunda aduersus Antonium pugna ma-
gnæ vtrinq; strages actæ sunt. Namque
tūc ibi Hirtius cōsul occisus est, victus fu-
it Antonius, Cæsar victoria potitus est, cui
D. Bru-

D. Brutus de cōiuratione occisi Iulij Cæsaris confessus, preces pœnitentiæ fudit: Dolabella Trebonium vnum ex interfectoribus Cæsaris Smyrnæ interfecit: Dolabellam senatus hostem pronuntiauit. Consulum occisorum vterque exercitus Cæsari paruit. Postea D. Brutus in Gallia à Sequanis captus & occisus est. Basilus autem æquè vnus de percussoribus, manu seruorum suorum necatus est. Lepido satisfagente, Cæsar Antonium recepit in gratiam: atque ob fidem reconciliatæ gratiæ, filiam eius matrimonio sortitus est. Inde cum ad urbem accelsissent, ac rumor de futura proscriptione ortus esset, C. Thoranius vir prætorius nihil tale metuens, incursum militum domi suæ interfectus est, alijque complures trucidati sunt. Itaque ne latius atque effrenatius incircumscripta cædes ageretur, centum triginta & duum senatorum nomina in tabula proposita sunt, primùm Lepidi præcepto & nomine, deinde Antonij, tertio Cæsaris. Ibi Antonius Tullium Ciceronem inimicum suum, ibi L. Cæsarem auunculum suum, & (quod exaggerando sceleri accessit) viua matre proscripserat. ibi Lepidus L. Paullum fratrem suum in eundem proscrip-

scriptorum gregem coniecerat. Adiecti sunt postea ad numerum proscriptorum triginta equites Romani. Multæ diu & variæ cedes actæ, domus proscriptorum, direptis omnibus, dirutæ sunt. At Dolabella in Syria multa cum Calsio bellageffit, à quo victus sese interfecit. Brutus & Calsius magnis exercitibus comparatis apud Athenas conuenerunt, totamque Græciam depopulati sunt. Rhodios Calsius terra marique oppugnatos ad dediti-
onem coëgit, quibus præter vitam nihil reliquit. Igitur Cæsar & Antonius eosdē in Macedoniam magnis bellorum apparatibus persecuti, ad mortē compulerunt: quamuis manifestissimè illa tunc pugna non virtute partis Antonij, sed Cæsaris felicitate confecta sit. Cæsar enim tunc eger, cum se in castris capiendæ quietis causa tenere statuisset, hortatu & precibus medici sui, qui per somnium admonitum sese fatebatur, vt ea die castris Cæsarem salutis ipsius causa educeret, in campum æger inter copias egressus est, ac mox castra eius ab hostibus capta sunt: sed rursus Cæsariani milites Calsij castra ceperunt. Quare ad desperationem adacti Brutus & Calsius, immaturam sibi mortem ante belli

belli terminum consciuerunt. Nam inuitatis percussoribus Calsius caput, Brutus latus præbuit. At Romæ Fulvia vxor Antonij, focrus Cæsaris, dominatum vt mulier agitabat: incertum in hac mutatione consularis regijque fastigij, vtrum deficientis potentiaë vltima, an incipientis prima nominanda, certe etiam in eos insolens, per quos vt insolesceret, agebatur. Nam & Cæsarem reuerlum apud Brundisium contumelijs, factionibus, insidijsque petijt. A quo propulsata, ad Antonium concessit in Græciam. Sex Pompeius postquã se in proscriptorum numerũ relatum comperit, conuersus in latrocinia, omnem oram Italiaë cædibus rapinisque vastauit. Sicilia prærepta, com meatibusque impeditis, Romã fame affecit. Mox cum eo pacem triumviri, vt non dicã tyranni, id est, Lepidus, Cæsar, Antoniusque fecerunt. Sed continuo cum contra pactum Pompeius fugitiuos adlegeret, vt hostis habitus est. Mena libertus Pompeij, cū sexaginta nauium classe ad Cæsarẽ defecit, eidemque classi ipse iussu Cæsaris præfuit. Idemque continuo cū Statilio Tauro aduersus Menecratẽ Pompeianum ducẽ nauale bellum gessit. Deinde ipse Cæsar aduersus

uersus eodẽ Pompeianos cruentissimũ
bellũ nauale confecit: sed cõtinuo victri-
cem classẽ pene vniuersam apud Scylla-
ceũ naufragio amisit. Ventidius Persas &
Parthos in Syriam irrumpẽtes, tribus bel-
lis maximis fudit, regemq; eorum Pacorũ
in acie interfecit, ea scilicet die qua Cra-
sus à Parthis fuerat occisus. Antonius vno
vix castello expugnato, pacem cum An-
tiocho fecit, vt ipse tantam rem consum-
masse videretur. Ventidium Syriæ præfe-
cit, iussitq; vt Antigono bellum infer-
ret: qui Iudæos tunc forte debellauerat,
captisq; Hierosolymis, templum spolia-
uerat, regnumq; Herodi dederat: quem
continuo victum in deditionem recepit.
Mena libertus cum sex nauibus ad Pom-
peium redijt, à quo clementer receptus
Cæsaris classẽ incendit, quamuis nu-
per Cæsar alteram secundo naufragio
perdidisset. Idemq; Mena postea ab A-
grippa nauali prælio circunuentus, cum
sex triremibus ad Cæsarẽ transijt. Sed hũc
Cæsar tertio transfugam, indulta tantum
vita, legnem reliquit. Deinde Agrippa in-
ter Mylas & Liparas aduersus Democha-
rem & Pompeium nauale prælium gessit,
ac vicit, ibiq; tunc naues triginta aut de-
mersit,

merſit, aut cepit: reliquis laceratis Pompeius Meſſanam confugit. Cæſar interea Taurominium traiecerat, quem repentinò impetu Pompeius afflixit. Vnde multis demerſis nauibus ſuis, ac magna multitudine ſuorum militũ perdita, in Italiam Cæſar aufugit, nec interueniẽte mora, in Siciliam redijt: ibique Lepidum ex Africa aduentantem obuium habuit, ſummas ſibi partes terrore, minis ac ſuperbia vendicantem. Poſt dies paucos Agrippa iuſſu Cæſaris à litore cum acie inſtructa proſpectantis, atrociffimo nauali præliò aduerſus Pompeium conſlixit & vicit. Nam CLXIII. naues aut demerſit aut cepit. Pompeius cum decem & ſeptem nauibus vix elapſus euafit. Lepidus magna vīginti legionum inſolentia tumens, cum Meſſanam militibus permiſſam deripuiffet, ipſum Cæſarem ad ſe venientem ſemel atque iterum ſpreuit, ac potius telis appeti iuſſit: quæ ille, collecta in læuum brachium lacerna, repellendo vitauit. Mox immiſſo equo ad ſuos reuerſus, inſtructo exercitu aduerſus Lepidum veniens, plurimas legiones Lepidi paucis interfectis, tranſire in ſuam partem compulit. Lepidus tandem intelligens, quo vanitas ſua
tende-

tenderet, deposito paludamento, assumptoque veste pulla, supplex Cæsari factus vitam & bona impetrauit, perpetuo quidem emendatus exilio. Taurus Cæsaris præfectus totam penè Siciliam ferro perterritam, conterritamque in fidem recepit. quadraginta quatuor legiones sub Vnius tunc imperio Cæsaris erant. Milites multitudine ferociores, quosdam pro accipiendis agris tumultus excitauerunt. Sed Cæsar animo ingens viginti millia militum exauكتورauit, triginta millia seruatorum dominis restituit, sex millia quorum domini non extabant, in crucem egit. Quans urbem ingressus, vt in perpetuum tribunitiæ potestatis essent, à senatu decretum est. His diebus trās Tiberim è taberna meritoria fons olei terræ exundauit, ac per totum diem largissimo riuo fluxit.

De rebus ab Antonio gest. & bello Actiaco.

CAPVT XIX.

ANtonius vero postquam Araxem transmisit, omnibus vndique malis circumuentus, vix tandem Antiochiam cum paucis redijt. Nam cum multitudine equitum & sagittariorū ab omnibus prælijs, quæ plura tētauit, victus semper effu-

Ll

geret,

geret, tum præterea incertis & ignotis regionis locis impeditus, grauissima fame ad nefandos cibos coactus est, plurimiq; militum sese hostibus dediderunt. Inde in Græciam transijt, iussitque Pompeium, qui victus à Cæsare exercitum bellumque reparabat, cum paucis ad se venire. Pompeius fugiens, à Titio & Furnio Antonianis ducibus sæpe terrestri naualiq; bello victus & captus, ac post paululū interfectus est. Cæsar Illyricum Pānoniam, partemque Italiæ bellis subegit & domuit. Antonius Artabanen Armeniæ regem, proditione & dolo cepit: quem argentea catena vinctum ad confessionem thesaurorum regionum coëgit. Expugnatoque oppido, in quo conditos esse prodiderat, magnam vim auri argentiq; abstulit. Qua elatus pecunia, denuntiari bellū Cæsari, atque Octauiæ sorori Cæsaris, vxori suæ repudium indici iussit, & Cleopatram sibi ex Alexādria occurrere imperauit. Ipse Actiū, vbi classem cōstituerat, profectus, cum prope tertiam partem remigum fame absumptam offendisset, nihil motus: remi, inquit, modo salui sint. Nam remiges non deerunt, quoad Græcia homines habuerit. Cæsar ducentis triginta rostratis na-

tis nauibus à Brundisio in Epirum profectus est. Agrippa vero præmissus à Cæsare, multas onerarias naues, frumēto atq; armis graues, ab Aegypto, Syria, Asiaque ad subsidiū Antonio veniētes cepit. Pera-gratoq; Peloponnesium sinu, Methonā urbem validissimo Antoniano præsidio munitam, expugnauit. Inde Corcyram cepit, fugientes nauali prælio persecutus, profligauit: multisque rebus cruentissimè gestis, ad Cæsarem venit. Antonius defectu & fame militum suorum permotus bellum maturare instituit, ac repente instructis copijs, ad Cæsaris castra processit, & victus est. Tertio post pugnā die, castra Antonius ad Actium trāstulit, nauali prælio decernere paratus. ducen-tæ triginta rostratæ fuēre Cæsaris naues, & triginta sine rostris, triremes velocitate liburnicis pares, & octo legiones classi superpositæ, absque cohortibus quinque prætorijs. Classis Antonij CLXX. nauium fuit, quantum numero cedens, tantum magnitudine præcellens. Nam decem pedum altitudine à mari aberant. Famofum & magnum hoc bellum apud Actiū fuit. Ab hora quinta vsque in horā septimam, incerta vincendi spe, grauissimè

ipsumq; cōtinuo apud Pharū vicit. Antonius equestre aduersus Cæsare bellū iniit, in eo quoque miserabiliter victus aufugit. Kalendis Sextilibus prima luce Antonius cum ad instruēdam classem in portum descenderet, subito vniuersæ naues ad Cæsarem transferunt. Cumque vnico præsidio spoliatus esset, trepidus se cum paucis recepit in regiam. Deinde imminente Cæsare, turbataque ciuitate, idem Antonius sese ferro tranſuerberauit, ac semianimis ad Cleopatram in monimentum, in quod se illa mori certa condiderat, perlatus est. Cleopatra postquam se ad triumphum seruari intellexit, voluntariam mortem petens, serpentis (vt putatur) morsu in sinistro tacta brachio, exanimis inuēta est, frustra Cæsare etiā Psyllos admovente, qui venena serpentum è vulneribus hominū haustu reuocare atque exugere solent. Cæsar Alexandria, vrbe omnium longe opulentissima & maxima, victor potitus est. Nam & Roma in tantum opibus eius aucta est, vt propter abundantiam pecuniarū, duplicia quàm vsq; ad id fuerant, possessionum aliarumque rerum venalium pretia statuerentur. Occisi sunt iussu Cæsaris, maior Antoni

filius, & P. Canidius infestissimus quidē
semper Cæsari, sed & Antonio infidus, &
Calsius Parmensis, vltima violatæ partis
Cæsaris victima, & Q. Quinius ob eā ma-
ximē notā, quod obscenissime lanificio
textrinoq; reginæ senator populi Roma-
ni præesse non erubuerat. Dehinc Cæsar
pedestribus copijs in Syriam venit, dein-
de in Asiam ad hiberna concessit, ac post
per Græciam Brundisium peruectus est.

*De triumpho Cæsaris, & nomine Augusti, monar-
chia Rom. & Epiphanijs nostris, deinde fontis olei
explicatio.*

CAPVT XX.

ANno ab vrbe condita DCCXXV.
ipso imperatore Cæsare Augusto
quinq; & L. Apuleio consulibus, Cæ-
sar victor ab oriente rediens, octauo Idus
Ianuarias urbē triplici triumpho ingres-
sus est: ac tum primum ipse Ianī portas, so-
pitis omnibus finitisque bellis ciuilibus,
clausit. Hoc die primum Augustus con-
salutatus est. Quod nomen cūctis antea in-
uiolatum, & vsque ad nunc cæteris in-
ausum dominis, tantum orbis licite vsur-
patum apicē declarat imperij: atq; ex eo-
dem die summa rerū ac potestatum penes
vnum cœpit esse & mansit, quod Græci
monar-

mōnarchiam vocant. Porro aut hunc eundem esse diem, hoc est, octauum idus Ianuarias, quo nos Epiphania, hoc est, apparitionem siue manifestationem dominici sacramenti obseruamus, nemo credentiū siue etiam fidei contradicentum, nescit. De quo nostræ istius fidelissimæ obseruationis sacramento vberius nunc dicere, nec ratio, nec locus flagitat: vt & quærentibus reseruasse, & negligentibus non ingessisse videamur. Hoc autē fideliter cōmemorasse ideo par fuit, vt per omnia vēturi Christi gratia præparatum Cæsaris imperium comprobetur. Nam cum primum, Caio Cæsare auunculo suo interfecto, ex Apollonia rediens urbem ingrederetur, hora circiter tertia, repente liquido ac puro serenoq; die circulus ad speciem cœlestis arcus orbē solis ambiit. quasi eum vnum ac potētissimum in hoc mundo, solumq; clarissimū in orbe monstraret, cuius tempore venturus esset, qui ipsum solē solus, mundumq; totum & fecisset & regeret. Deinde cū secūdo in Sicilia receptis à Pompeio & Lepido legionibus, triginta millia seruorū dominis restitisset, & quadraginta quatuor legiōes solus imperio suo ad tutamē orbis terrarū

distribuisse, ouansque urbem ingressus, omnia superiora populi Romani debita donanda, literarum etiam monumentis abolitis, censuisset, in diebus ipsius fons olei largissimus, sicut superius expressi, de taberna meritoria per totum diem fluxit. Quo signo quid euidentius, quam in diebus Cæsaris toto orbe regnantis, futura Christi natiuitas declarata est? Christus enim lingua gentis eius in qua natus est, vnctus interpretatur. Itaque cum eo tempore quo Cæsari perpetua tribunicia potestas decreta est, Romæ fons olei per totum diem fluxit: sub principatu Cæsaris Romanoque imperio per totum diem, hoc est, per omne Romani tempus imperij, Christum & ex eo Christianos, id est, vnctum, atque ex eo vnctos, de meritoria taberna, hoc est, de hospita largaque ecclesia affluenter, atque incessabiliter processuros, restituendosque per Cæsarem omnes seruos, qui tamen cognoscerent dominum suum, cæterosque, qui sine dominio inuenirétur, morti supplicioque dedendos, remittendaque sub Cæsare debita peccatorum in ea urbe, in qua spontaneum fluxisset oleum, euidentissima his qui prophetarum voces non audie-

diebant, signa in cœlo, & in terra prodigia prodiderunt. Tertio autem, cum urbem triumphans quintum consul ingressus est, eo scilicet die, quem supra nominauimus, cum & Ianum post ducentos annos primum ipse clausit, & clarissimū illud Augusti nomen assumpsit, quid fidelius ac verius credi aut cognosci potest, concurrentibus ad tantam manifestationem, pace, nomine, die, quàm hunc occulto quidem gestorū ordine, ad obsequium præparationis eius prædestinatum fuisse: qui eo die, quo ille manifestandus mundo post paululum erat, & pacis signum prætulit, & potestatis nomen assumpsit? Quid autem in quarto reditu cum finito Cantabrico bello, pacatisque omnibus gētibus, Cæsar urbē repetijt, ad contestationē fidei, quam expromimus, actum sit, ipso ordine melius proferetur.

Cæsar quomodo Hispanias ingressus, Cantabros Asturesq; vicerit. Drusus quos in Germania subegerit, & Cossus in Africa, deq; Tiberij, Quintilij Vari & Agrippæ gestis.

CAPVT XXI.

ANno ab vrbe condita DCCXXVI. Imperatore Augusto Cæsare sexies, & bis M. Agrippa consulibus, Cæsar parum in Hispania per ducentos annos

actum intelligens, si Cantabros atque Astures duas fortissimas gentes Hispaniæ suis uti legibus fineret, aperuit Iani portas, atque in Hispanias ipse cum exercitu profectus est. Cantabri & Astures Galleciæ provinciæ portio sunt, qua extentum Pyrenæi iugū haud procul secundo oceano sub septentrione deducitur. Hi non solum propriam libertatem tueri parati, verum etiam finitimorum præripere ausi, Vaccæos & Turmodigos & Autrigonas assiduis eruptionibus populabantur. Igitur Cæsar apud Segisamam castra posuit, tribus agminibus totā pene amplexus Cantabriam. Diu fatigato frustra atque in periculum sæpe deducto exercitu, tandem ab Aquitanico sinu per oceanum incautis hostibus admouere classem atque exponi copias iubet. Tunc demum Cantabri sub mœnibus * Belgicæ maximo congressi bello & victi, in Vinnium montem natura tutissimū confugerunt, ubi obsidionis fame ad extremum pene consumpti sunt. * Aracillū deinde oppidum magna vi ac diu repugnans, postremo captū ac dirutum est. Præterea vltiores Galleciæ partes, quæ montibus sylvisq; confite oceano terminātur, Antistius & Firmius legati

Atticæ

Racilium

legati magnis grauibꝫ bellis perdo-
muerunt. Nam & Medullium montem
Minio flumini imminentē, in quo se ma-
gna multitudo hominum tuebatur, per
quindecim millia passuū fossa circunse-
ptū obsidione cinxerunt. Itaq; vbi se gens
hominū trux natura & ferox, neq; tolerā-
dæ obsidioni sufficientē, neq; suscipiendo
bello parē intelligit, ad voluntariā mor-
tem seruitutis timore concurrit. Nam se
pene omnes certatim igne, ferro, ac vene-
no necauerūt. Astures vero positis castris
apud Asturā flumē. Romanos, nisi prodi-
ti præuentiq; essent, magnis consilijs viri-
busq; oppressissent. Tres legatos cū legi-
onibus suis in tria castra diuisos, tribus æ-
que agminibus obruere repēte moliti, su-
orū proditione detecti sunt. Hos postea
Carisius bello exceptos, non parua etiam
Romanorū clade superauit. Pars eorum
prelio elapsa Lanciā confugit. Cumq; mi-
lites circundatam urbem incendio adori-
ri pararent, dux Carisius, & à suis cessati-
onem impetrauit incendiij, & à barbaris
voluntatē deditiōis exegit. Studiosè e-
nim nitebatur integram atq; incolumē ci-
uitatē victoriæ suę testē relinquere. Can-
tabricæ victoriæ hunc honorem Cæsar
detulit,

detulit, vt tunc quoque belli portas clau-
stro cohiberi iuberet. Ita tunc secundo
per Cæsarem, quarto post urbem condi-
tam clausus est Ianus. Post hoc Claudius
Drusus Priuignus Cæsaris Galliam Rhe-
tiamque sortitus, maximas fortissimas-
que gētes Germaniæ, armis subegit. Nam
tunc veluti ad cōstitutum pacis diem fe-
stinarent, ita omnes ad experientiam belli
decisionemue fœderis vndatim gentes
commoueantur: aut suscepturæ condi-
ciones pacis, si vincerētur: aut vsuræ qui-
eta libertate, si vincerent. Norici, Illyrij,
Pannonij, Dalmatæ, Mœsi, Thraces, Da-
ci, Sarmatæ, plurimi que & maximi Ger-
maniæ populi, per diuersos duces vel su-
perati, vel repressi, vel etiam obiectu ma-
ximorum fluminum Rheni Danubijque
seclusi sunt. Drusus in Germania primo
Vsiabetes, deinde Técteros & Cattos per-
domuit. Marcomannos pene ad interne-
cionem cæcidit. Postea fortissimas nati-
ones, & quibus natura vires, cōsuetudo
experientiam virium dabat, Cheruschos,
Sueuos & Sicambros pariter vno bello,
sed etiam suis aspero, superauit. Quorum
ex eo considerari virtus ac feritas potest,
quod mulieres quoque eorum, si quando
c. iij. b. præ-

præuentu Romanorum interplaustra sua concludebantur, deficientibus telis, vel qualibet re, qua velut telo vti furor possit, paruos filios collisos humi in hostiū ora iaciebāt, in singulis filiorum necibus bis parricidæ. Tunc etiam in Africa Musolanos & Getulos latius vagantes Cossus dux Cæsaris arctatis finibus coërcuit, atque Romanis limitibus abstinere metu compulit. Interea Cæsarem apud Tarracconem citerioris Hispaniæ urbem legati Indorum & Scytharum toto orbe transmissis, tandem ibi inuenerunt, vltra quod iam quærere non possent, refuderuntque in Cæsarem Alexandri Magni gloriam: quem sicut Hispanorum Gallorumque legatio in medio oriente apud Babylonem contemplatione pacis adiit: ita hūc apud Hispaniam in occidentis vltimo supplex cum gentilitio munere eous Indus, & Scythaboreius orauit. Cantabrico bello per quinque annos actō, totaque Hispania in æternam pacem cum quadam respiratio-
ne lassitudinis reclinata ac reposita, Cæsar Romam redijt. Quibus etiam diebus multa per se, multaque per duces & legatos bella gessit. Nam inter cæteros & Piso aduersum Vindelicos missus est. Qui-
bus

bus subactis, victor ad Cæsarem Lugdunū venit. Pannonios nouo motu intumescētes Tiberius priuignus Cæsaris cruentissima cæde deleuit. Idemque continuo Germanos bello arripuit, è quibus quadraginta millia captiuorum victor abduxit. Quod reuera bellū maximum & formidolosissimū quindecim legionibus per trienniū gestum est, nec fere vllum maius bellum, sicut Suetonius attestatur, post Punicum fuit. Sub eodem vero tempore Quinctilius Varus cum tribus legionibus à Germanis rebellantibus, mira superbia atque auaritia in subiectos agēs, funditus deletus est. quam reipub. cladē Cæsar Augustus adeo grauitè tulit, vt sepe per vim doloris caput parieti collidens, clamaret: Quinctili Vare, redde legiones. Bosporanos vero Agrippa superauit, & signis Romanis, quæ illi quondam sub Mithridate sustulerant, bello recuperarit, victos ad deditionem coëgit. Parthi quasi toto terrarum orbe vel domito, vel pacato, omnium oculis signarentur, atque in se solos omnis vigor Romani imperij vertendus esset, quippe quos pristina vlciscēdę Crassianę cædis conscientia mordebat, vltro signa, quæ Crasso interfecto abstulerant,
ad

ad Cæsarem remiserunt:regijsque obfidi-
bus traditis, firmū fœdus fideli supplica-
tione meruerunt.

*Octavius Augustus composita vndique pace, Iani
ipse tertio clausit, & rempub. composuit, de q̃ cen-
su Cæsaris acto.*

CAPVT XXII.

ANno ab V. C.DCCLII. Cēsar Au-
gustus ab oriente in occidentē, à se-
ptentrione in meridiem, ac per totū ocea-
ni circulum cunctis gentibus vna pace
compositis, Iani portas tertio ipse tunc
clausit. Quas ex eo per duodecim fere an-
nos quietissimo semper obseratas otio i-
psa etiā rubigo consignauit: nec prius vn-
quam nisi sub extrema senectute Augusti
pullatæ Atheniēsiū seditione & Daco-
rum commotione patuerunt. Clausis igitur
Iani portis, remp. quā bello quæ siue-
rat, pace enutrire, atq; amplificare studēs,
leges plurimas statuit, per quas huma-
num genus libera reuerentia disciplinæ
morem gereret. Domini appellationem,
vt homo declinauit. Nam cum eodē spe-
ctante ludos, pronuntiatum esset * à quo-
dam mimo, O dominum æquum & bo-
num, vniuersique, quasi de ipso dictū es-
set, exultātes approbauissent, statim qui-
dem

In mimo

dem manu vultuque indecoras adulationes repressit, & in sequenti die gravissimo corripuit edicto, dominumque se posthac appellari ne à liberis quidem aut nepotibus suis vel serio vel ioco passus est. Igitur eo tempore, id est, eo anno quo firmissimam verissimamque pacem ordinatione dei Cæsar composuit, natus est Christus: cuius aduentui pax ista famulata est, in cuius ortu audientibus hominibus exultantes angeli cecinerunt, Gloria in excelsis deo, & in terra pax hominibus bonæ voluntatis. Eodemque tempore hic ad quem rerum omnium summa cōcesserat, dominum se hominum appellari non passus est: imò non ausus, quo verus dominus totius generis humani inter homines natus est. Eodem quoque anno tunc primū idem Cæsar, quē his tantis mysterijs prædestinauerat deus, censum agi singularū ubique provinciarum, & cenferi omnes homines iussit, quando & deus homo videri, & esse dignatus est. Tunc igitur natus est Christus, Romano censui statim ascriptus ut natus est. Hæc est prima illa clarissimaque professio, quæ Cæsarē omnium principem, Romanosque rerum dominos singillatim cunctorum hominum

edita

edita ascriptione signauit, in qua se & ipse, qui cunctos homines fecit, inueniri hominem, ascribiq̃ue inter homines uoluit. Quod nunquam penitus ab orbe condito atque ab exordio generis humani in hūc modum, ne Babylonio quidem vel Macedonico, ut non dicam minori cuiquam regno concessum fuit. Nec dubium quin omnium cognitioni, fidei, inspectioni q̃ue pateat, quòd dominus noster Iesus Christus hanc urbem nutu suo auctam defensionemq̃ue, in hūc rerum apicem prouexerit, cuius potissimè uoluit esse cum uenit, dicendus utique ciuis Romanus, census professione Romani. Quāobrem quia ad id temporis peruentū est, quo & dominus Christus hunc mundum primum aduētū suo illustrauit, regnumq̃ue Cæsari tranquillissimum dedit, hunc quoque sextum libellum hoc fine concluderim: ut germinantia tempora Christiana, magisq̃ue inter reprimentium manus crescentia, & quæ adhuc in prouectu posita, horum ipsorum, quibus hæc respondere cogimur insectatione, mordentur, septimo libello, si tamen adiuuante domino suffecerim, comprehendam: ut quoniam ab initio & peccare homines & pu-

niri propter peccata non tacui, nunc quoque quæ persecutiones Christianorum actæ sint, & quæ ultiones secutæ sint, absque eo quod omnes ad peccandum generaliter proni sint, atque ideo singillatim corripiantur, expediam.

FRANC FABRICII MARCO-
DVRANI IN PAVLI
Orosij librum Sextum

Annotationes.

In Caput primum.

Discesserunt omnes adytis) *Verba sunt Virg. Excessere omnes adytis, arisq; relictis*
Aenec. 2. DCLXII. ut dixi, anno) *Dictum hoc est libro superiore cap. 19. ubi de spatio belli Mithridatici in Annotationibus scripsimus.*

In Caput secundum.

Postquam Nicomedem) *Eadem Eutrop. lib. 5. Lege appiani Mithridaticum, & Iustini lib. 38. Crudeli præcepit edicto) De hoc edicto præter Appianum Livijs lib. 78. Florus lib. 4. cap. 5. Eutrop. lib. 5. Hinc Cicero pro lege Manilia ait, Mithrida-*

tem vna die tota Asia, tot in ciuitatibus, vno nuntio, atque vna literarum significatione ciues Romanos necandos, trucidandosq; denotasse. Sylla cui post consulat. Sylla ad bellum Mithridaticum profectus fuit post Consulatum, cum iam Cinna Consulei accusationem per Verginium Tribunum pleb. compararet, Plutarchus in Sylla. Septemplici muro comunitum) Sic Florus, Mox subruto Piræi portu, sex quoque & amplius muris munito. Munierat eū pluribus muris contra Syllæ impetum Archelaus, vt scribit Appianus. Iusto prælio cum Archelao conflictit.) Hoc prælium in Bæotia ad Chæroneam commissum fuit: in quo ex CXX. millibus Archelai vix decem millia Chalcidem effugisse Appianus, Plutarchus, & Eutropius scribunt. Quare in Liuiana epitoma 82. vbi legitur, cæsis hostium centum millibus, scribendum puto, cx. millibus. Lectissima LXX. millia.) Eundem numerum habet Eutropius: sed apud Appian. & Plutarchum sunt ὀκτὼ μυριάδες, id est, Lxxx. millia, quæ Mithridates cum Dorylao ad Archelaum misit. Secundo prælio XV. millia.) Cum in omnibus libris Orosii, quinquaginta millia, legatur, ego tamen non dubitavi, xv. millia, ex Eutropio meo manuscripto (nam impressi xx. millia habent) reponere: cum præsertim Appi. scribat, ἡ πωλεμίων ἀπώλοντο ἀμφὶ μυρίας καὶ πενταχισχιλίας, & sequentes numeri, si L. millia legas, constare non possint. Commissum hoc secundum prælium fuit ad Orchomenum, Appianus, Plutarchus, Florus. Digenes Archelai F.) ὁ πᾶς ἀρχελάου διογένης, Appianus. διογένης ὁ τῆς ἀρχελάου γυναικὸς υἱός,

Plutar. Cumque iam MDC.) ἀμφὶ τὸ χιλίους
 καὶ ἑξακοσίους ἀνδρας habet quoque Appianus, quem
 hac de re consule. Interea Fimbria) Cum L. Valeri-
 us Flaccus in Marij locum consul suffectus, à Cinna,
 ut Sylla ad bellū Mithridaticum succederet, missus,
 in Asiam traiecisset, à C. Flauio Fimbria interfectus
 est. Appianus in Mithridatico, Plutarchus in Sylla,
 Strabo lib. 13. Liuius 82. Velleius 2. Fimbria meminit
 Cicero in Bruto. Ad Miletopolim.) Vide Strabonē
 lib. 12. Eumque mari coartare) Hic locus verbi su-
 peruacaneis deprauatus à nobis è manuscriptis resti-
 tutus est. Plutarch. in Lucullo eandem rem exponens
 inter cetera sic inquit, εἰφιμερία τότε πειθεῖς ὁ
 λούκουλος οὐ μακρὰν ὦν περίηγαγεν ἰκῆσε τὰς
 ναῦς, καὶ σιωπῶντα τὸν λιμένα τῷ σόλῳ, πέρας ἀνέ-
 χεν ὁ πόλεμος. id est, Si Lucullus qui nō longe aberat,
 tum Fimbria consilium secutus naues eò circum-
 duxisset, portūque obiecta classe obstruxisset,
 bellum confectum fuisset. Iliensibus iratus) De ilij
 excidio Appianus & Strabo libro 13. Apud Thyati-
 ra) πρὸς θυατείροις, Plutarchus in Sylla. Fannius &
 Magius) Ita legitur in omnibus manu descriptis li-
 bris. hancq; veram lectionem iudico: nā etsi impres-
 sus liber Appiani habeat λουκίους μάγνιοντες καὶ φάνι-
 ον, ego tamen lego, μάγνιοντες καὶ φάνιον. cum praefer-
 tim Asconius Verrina tertia hos eosdem L. Magium,
 & L. Fannium appellet, quamuis in Ciceronis libris
 corruptè sit, L. Magio, & L. Rabio. M Mariū) Ap-
 pianus hunc μάγχιον οὐ οάριον, siue ut Interpres Cā-
 didus legit, οὐ άριον appellat. Sed Plutarchus in Lu-
 cullo, Mariū cum Orosio nominat. Cum P. Ruti-
 lio)

lio) Rutilium M. Cottæ legatum fuisse arbitror: Nā Mithridates Cottam apud Chalcedona terra fudit, mari exiit classe pulcherrima, ut ipse scribit in epistola ad Arsacem, quæ ex lib. 4. Histo. Sallustij extat. Sed de hac re, sicut & de Cyzicenorum obsidione lege Appianum & Plutarchum. De Cyzico etiam Cicero pro lege Manilia, pro Murena, & pro Archia. Nam amplius quàm quindecim millia.) Lucullus ad Rhindacum fluuium consecutus eos, qui in Bithyniam à Mithridate mittebantur, magnum eorū numerum interfecit: cepit vero equorum millia vi. virorū millia xv. Ita Plutarchus & Appianus. Camposque Inarimos) Vulgo legitur, Camposq; & in eremos. Ego particulam, &, in nullis vetustis inueni. Sed bi. partim, camposq; inheremos, partim, cāposq; inharemos, habent. Vnde adductus sum, ut crederem Orosum Camposq; Inarimos, scripsisse. Notum est illud Homeri in Catalogo, εἰν ἀρίμοις. ὅθι πασι τοῦ ποταμοῦ ἐμμεραι ἑνωάς. Vbi cum Græci omnes εἰν ἀρίμοις duabus vocibus legant, & ἀρίμα vel in Cilicia vel in Syria aut Lydia collocent: Plinius tamen li. 3. cap. 6. Aenariam insulam Homero Inarimen dictam scribit. Virgilius quoque, Ovidius, Horat. Lucanus cateriq; poëta Latini Inarimen dixerunt. Ita putavi Liuium etiam, vel quem alium, à quo historiam Orosius sumpsit, campos Inarimos, dixisse: cum præsertim Scepsius, ut est apud Strabonem lib. 13. probabiliorum eorum sententiam iudicauerit, qui Arimos in exusta Mysia regione constituūt: & Xanthus tradat, Arimum quendam in his locis regnasse. Deiotarus rex Gallogræc.) Idem est in Epitoma Li-

uiana li. 49. Phrygiam inuaserat Eumachus Mithridatis praefectus, de quo Appianus. Plusquam CCC. millia.) Plutarchus in Lucullo, λέγοντα δὲ τὸ παντὸς ἀκολούθων τε καὶ μαχίμων ὄχλῳ μυριάδες δυπολυδὴ τῶν τετρακοντα λείψασα διαφθαρήνα. Sub monte Olympo Prusam.) Impressi libri omnes pro Prusam, habent, prius Athan. sed cum posterior vox à manuscriptis absit, atq; in vno prin sam, legatur, ego, Prusam scripsi. Plinius libr. 5. capit. vlt. A Cointus in Bithynia Prusa, ab Annibale sub Olympo condita. Appian. βάρβας ἧ πρῆσιδά εἶλε τὴν πρὸς τῷ ὄρει. De Prusiade, quae antea Cius dicebatur, Strabo lib. 12. LXXX. rostratas naues) Appianus ναῦς ἀμφὶ τὰς ἐξήκοντα habet. Ac post Amisum.) Ita recte manuscripti. vide Appianum & Plutarchum.

In Caput tertium.

Catilina incesti accusatus) Huius iudicii meminist Asconius in orat. Ciceronis contra competitors. vbi scribit hanc Fabiam virginem vestalem fuisse sororē Terentiae Ciceronis. Vnde in Plutarchi Catone legendū, ὅτι δὲ πατὴρ τῆς ἀδελφῆς τῆς χικέρωνος γυναικὸς ἐκινδύνευσεν. M. Lucullus) Dere à M. Lucullo contra Bessos & Thracas gesta, Eutrop. & Sex. Rufus. Eodem tempore Metellus) Cn. Pompeio, M. Crasso primum Coss. an. DCLXXXIII. L. Metellus Verri in Sicilia successit. Res nota est ex Ciceronis Verr. & Asconio. Pyrganione) Duplicem scripturā huius archipiratae in nostris manuscriptis inuenimus: alij eū Pergamanonē in suis libris nominant.

narrant. Nam XXX. millia) Legitur &, XX. millia. At Plutarchus peditum C. millia caesa, equitum, quorum millia LV. erant, paucos effugisse tradit. Is imminente hieme) Nisibis, quam Græci Antiochiam Mygaonicam nominant, capta fuit L. Merello & Q. Marcio Coss. auctore Dione li. 35. vide quoque Appianum & Plutarchum.

In Caput quartum.

Iisdem diebus piratæ) De bello piratico, quod & maritimu nominatur, accurate Dio. l. 36. & Plutarchus in Pompeio. De eodem Cicero pro lege Manilia, Liuius li. 99. Florus li. 3. ca. 6. Velleius & Eutropius. Eodē tempore Cretam) De bello cretico Xiphilinus in Pompeio, Liuius li. 98 & seq. Florus li. 3. ca. 7. Velleius li. 2. Pompeius successor Luculli) Pompeio bellum Mithridaticum mandatum fuit lege Manilia, quam Cicero suasisit, Appianus, Plutarchus & Diod. Bellum nocte commissum est) De hoc prælio nocturno præter Appianum, Plutarchum & Dionem Florus libr. 3. cap. 5. Eutrop. libr. 6. ubi scribit Pompeium XL. millibus occisis, triginta tantum de exercitu suo perdidisse, & duos centuriones. Senibus laisis & ægris) In alijs est, senibus laxis & ægris ego è Gualtheri libro, senibus lassu emendavi. Sic Dio. libr. 36. πόλιν ἐν τῷ χωρίῳ ἐν ᾧ ἐνεκχήει συνώκισε τοῖς τραυματίαις, καὶ τοῖς ἀφελικετέροις τῷ στρατιῷ τῷ id est. Urbem eo loco, ubi victoriam pepererat, vulneribus & ætate confectis militibus condidit. Senes lassos eodē modo Seneca dixit. Orodii Albanorum

banorum regis) In Gualtheri li est, Hierodis, in alijs, Horodis. Orodus quod erat in impressu reliquum & Florus Orodem nominat. qui ab Appia. ὀροΐ-
ζης, à Dione ὀροΐσους dicitur: Artocem regem Ibe-
riæ) ἄρτωκίω hunc quoque Dio. li. 37. nominat, qui in Appiani libris mendosè ὤτοκος dicitur. ὅδε κύρτον mendosè habent pro κύρτον, nec aliter Candidus In-
terpres legit.

In Caput quintum.

Terræmotus adeo grauis) De hoc terramotu Diodor lib. 37. καὶ ὁ σεισμὸς μέγιστος δὴ τὸ πῶποτε σωσσεχθεὶς αὐτοῖς, πολλὰς τῶν πόλεων ἐφθίρεσεν. id est, Terræmotus maior apud illos tū quam vnquā alias extitit, multas vrbes euertit. Castor Mithridatis præfectus.) κάστωρ φαγαγορέως Appiano dicitur, qui φαναγόρειαν nominat, quæ hic in vetustis libris, Phanagoriū appellatur. Vide Strabonem lib. 7. Quatuor filios) Hi fuerunt Artaphernes, Darius, Xerxes & Oxathres, auctor Appianus. Exipodram) De hoc alij quod sciam nihil, nisi fortè hic est Xiphares, quo de Appianus Macharem) Hoc nomen, quod in vulgatis libris variè corruptum est, in manuscrip-
tis rectè legitur. Græci quoque hunc μαχάρεω vocant. Gallum quendam militem) In epitoma 102. est, a milite Gallo, nomine Bithoco. Auctor de viris illustrib. Gallum Sithocum nominat. Verum cū Appianus hunc Βιτοίτον nominet, vide ne vtrobique Bitocum sit scribendum.

In Caput sextum.

Anno ab V.C.DCLXXXIX.) *Alijs est annus ab V.C.DCXC. Cum Orosio facit Eutropius lib. 6. Ituræos primum) De Ituræeorum ἑξασταῖς castellis à Pompeio euersis Strabo lib. 16. In Ciceronis Philippicis hi Ithyrei non satis emendate nominantur. Quam Petram) Arabum rex Aretas, quem Pompeius vicit & cepit, βασιλεὺς τῆς περὶ τὴν πέτραν ἀράβων dicitur à Plutarcho in Pompeio. Apud Petram vero Aretas regiam suam habebat, Iosephus libro 14. Antiquit. a. cap. 2. Lege Dionem lib. 37. Vix tertio mense.) Idem scribit Iosephus lib. 14. cap. 8. quem lege Per L. Vettium) Hic est L. Vettius index, quo de Cicero in Vatinius, & epist. 24. lib. 2. ad Atticum Eum Dio. lib. 38. λούχιον ἐν ἐτλίον nominat. apud Appianum hoc nomen vnico τ non recte scribitur: Plutarchi quoque libri in Lucullo mendoσὲ βετέλιόν τινα pro βέτλιον habent.*

In Caput septimum.

Anno ab V.C.DCXCIII.) Eutropij libri impressi omnes, etiam is quem Sconhouius edidit, hunc annum urbis cond. DCXCVIII. faciunt: verum noster manuscriptus rectè DCXCIII. habet. In Fastis Capit. hic annus est DCXCIII. Lege Vatinia) P. Vatinus Tribunus pl. hanc legem ad populum tulit Cesare & Bibulo Coss. de qua Suetonius in Iulio. Cum legionibus septem) Eutropius sic, Decreta est ei Gallia & Illyricum legionibus decem. Plutarchus in Cesare scribit ipsum Galliam cisalpinam & transalpinam adiuncto Illyrico accepisse in quinquennium cum legionibus quatuor. Nam populus Cesari Galliam ci-

teriolem & Illyricum in quinquennium cum tribus legionibus dedit: Senatus vltiorelem cum vna legione adiecit, auctore Dione libro. 38. Hanc historiã Suetonius) Nos eam ab ipso Cesare summa diligentia simul & eloquentia expositam non sine fructu libenter & legimus ipsi & discipulis nostris interpretamur Bis vicit.) Primum pagum Tigurinum in transitu Araris fluminis vicit, deinde ceteros insecutus post variam fortunã superauit, Caesar & Dio. libro 38. In vno manuscripto est, bis vix vicit. Latorbrogiorum.) Caesar hos Lacobrigos nominat. Ad CLVII. millia) Summa omnium, inquit Caesar, fuerunt ad millia CCCLXVIII. Plutarch. τεράκοντα μὲν αὐτῶν μυριάδες ὄντες εἶκοσι ἡ ἑκατόμηναι μέγας δέκτω id est. Summa omniũ fuerunt millia CCC. eorum qui arma ferre possent millia CXC. Ex his & XLVI) Strabo lib. 4. de bello Heluetiorum, ὅτε πολέμῳ, inquit, περὶ τετράκοντα μυριάδες σώματόν τ' διεφθάρησαν, id est, In quo bello ad CCC. millia hominum perierunt. in quo numero ego vitium subesse arbitror. Edures) Legitur & Euduses, siue Eudures. Apud Casarem hi sunt Sedusi. de quibus varia sententia feruntur. Supra obduēt. saliere) De hac re Florus libr. 3. cap. 10. Post hæc Belgarũ) Quæ hic vsque ad finem capitis sequuntur, ea copiosè Caesar li. 2. & Diomitio li. 39. persequuntur. Sexaginta millia armat.) Caesar Bellouacos polliceri millia armata quinquaginta scribit. Idem Atrebatibus xv. millia tribuit. Menapij nouem) Ita manuscripti. impressi decem. Caesar Menapios VII. millia pollicitos scribit. Aduatici XVIII.) In vno manuscripto est,

pto est, *Atuati*. *Casar* *catuacos* cum *xix. millibus* habet. *Cæresi*, *Cæmani*) In nostris manuscriptis omnibus est, *Cerofi*, *Cemani*. *Casar* illos *Caresos*, hos *Pamanos* vocat. In vulgatis *Orosii* libris, *Cenomani*, mendosè legebatur. *Robertus Stephanus*, què honoris causa nomine, hanc *Epitomen rerum gestarū à Casare in Gallia sub Eutropij nomine Commentariis Casariis emēdatissimè diligentissimèq; à se impressis adiunxit*, ibiq; ex *Casare* hac nomina restituit.

In Caput octauum.

Qua hoc capite *Orosius* comprehendit, ea copiosè *Casar* li. 3. *Com.* persequitur. quibus studio si vtriusq; lingua coniungent ea quæ sunt apud *Dionem* lib. 39. *Pacunij primipilaris*) Hic *primipili centurio à Casare P. Sextius Baculus* nominatur. *Ambiuaritos*) *Pro his Casariis libri, Ambiliates*, habent.

In Caput nonum.

Qua hoc capite *Orosius*, ea *Casar* lib. 4. & 5. *Cō.* exposuit. De iisdem *Dio.* li. 39. & *Plutarchus* in *Casare*. *Sicambros*) In manuscriptis nostris est, *Sygā-bros*. *Dio.* συγγάμβρους nominat. Ibiq; *Labienus*) *Labienus* est in vetustis, & *Roberti* libro. *Casar* li. 5. *Q. Laberium Durum* habet. *Androgorio*) In *Gualtheri* libro est, *Andragio*. *Casar*, *Mandubratium* vocat.

In Caput X.

Cū *Eburonibus* & *Aduaticis*.) In nostris manuscriptis fere omnibus hic & supra ca. 7. *Atuatici* nominantur, quos vulgo *Aduaticos* vocāt. *Dio.* quo-

que illos ἀρεωατικὸς appellat. Hos Caesar lib. 5. *Cotta & Sabino interfectis se cum Ambiorige coniunxisse ait.* Ad Ciceronem) Q. Tullium Ciceronem Marci fratrem, Caesaris legatum, Caesar lib. 5. Dio. li. 40. Vallum pedū X.) Caesar ped. xi. habet. Ex eo quod sequitur, per millia passuum quindecim, cognoscitur quomodo sit legēdum apud Caesarem, ubi quidam libri xv. ceteri x. millia passuum habent. in qua varietate haeret Glareanus Per culmina.) Roberti liber habet, per culmea culmina. Tu lege Caesarem. Cum duabus legionibus) Plutarchus scribit Caesarem tū habuisse ἐπ' αὐχισχίλις τετὸ σὺμπαντας. Nam LX. millia.) Hunc numerum eorum, qui Q. Ciceronis castra obsederunt, edit etiam Plutar. in Caesare. Indutiomarus.) Ἰνδύτιόμαρος, Dio. Repentina eruptione prostravit.) Eruptione, recte quoq., Rob. cum vulgo in impressis male, irruptione, legatur. Sed intelligens) Qua deinceps vsque ad finem capitis sequuntur, ea sunt apud Caesarem lib. 6. Com. & Dionem libr. 40. Hostemque locis notissimum.) In Roberti libro est, hostemq., loci gnarissimum.

In Caput XI.

Hoc capite breuiter perstringuntur ea quae Caesar lib. 7. & Hirtius lib. 8. copiose exposuerunt. Oppidū nomine Cenapum.) Cenapum, est quoque in vetustis, corruptè omnino: Rob. Stephanus, Genabum. scripsit. Verum cum ea, quae huius oppidi obsidioni Orosius tribuit, ad Auaricum euenisse ex Caesare & Dionē constet, mihi dubium non est, quin pro hoc, illud
irrepsit-

irrepperit In quoddam castellum) Gergoniam Caesar nominat. γεργούϊαν, Strabo, γοργουΐαν Dio. Dum hæc ad Alesiam) Verba Caesaris usurpat, quamvis nihil quod ad Alesiam gestum sit. descripserit. Hoc vero oppidum Mandubiorum in manuscriptis Orosii & Caesaris libris rectè Alesia nominatur. Nā & Plutarchus in Casare ἀλησίαν vocat, & Diodorus Siculus lib. 4 scribit Herculem hoc oppidū condidisse, atque ἀπὸ τῆς κατὰ τὴν στρατείαν ἀλῆς ἀλησίαν nominasse Guil. Xylander, qui in Dione conuertendo è corruptissimo exemplari egregia ingenij sui documenta dedit, rectè vidit ἐς σαλεισίαν mendosè in libro esse pro ἐς ἀλεισίαν. Apud Strabonem lib. 4. legitur, περὶ ἀλλησίαν πόλιν μανδιβούλων. Peditum CCL. millia) Caesar peditum circiter CCXL. millia habet. Romanos ne viuis cap.) Roberti liber habet, Romanos vt viuis caperetur instantes, occidendo vt occideretur coegit. Tu lege Hirtium lib. 8. Comment. Scandulis repletas) In manuscriptis est, scindulis: nos ex Hirtio, scandulis, scripsimus cum Roberto. A scindendo autem, vt vult Isidorus, dictæ sunt scandule: quæ sunt parua tabellæ, ex robore vel alio ligno assulatim secto. vnde Vitruuius lib. 2. cap. 1. quibusdā nationibus ex scandulis robusteis ædificia constitui scribit. Cornelius vero Nepos, scandula contentam fuisse Romam vsque ad bellum Pyrrhi annis CDLxx. auctor est. Lege Plinium lib. 16. cap. 10.

In Caput XIII.

Anno ab V.C.DCXCvii.) Idem numerus est in manuscripto nostro Eutropio, cum in impressis sit
annus

annus vr̄bis conditæ DCXCIX. Caterum ex ratione Capitulinorum Faſtorum annus, quo Cn. Pompeius & M. Cræſſus iterũ Coſ. fuerũt, eſt DCXCVIII. Cræſſus vero prouinciæ cupidus in ipſo Conſulatu paludatus in Syriã proſectus fuit, Plutarchus & Dio. Audita in Hieroſolymis) Hanc rem narrat Iosephus li. 14. Antiqua 12. quæ lege. Vageſem) Ita ſcripſi ex Gualtheri libro. Plutarchus in Cræſſo, & Appianus in Parthica (ſi modo liber ille ab Appiano ſcriptus eſt) ἐὺαγίωλον habent. Cum Surena & Syllace) Vulgo mendosè, Sylacen, legitur. Apud Plutarchum eſt, σιλᾶκος, Parthos ab Orode) De re à Caſſio cõtra Parthos geſta, & Oſace duce occiſo Cicero epiſt. 20. li. 5. ad Attic. Dio. li. 40e

In Caput XIII.

Anno ſiquidem ab V.C.DCC.) Hoc incendiũ. quod, maxima vr̄bis parte deleta, prodigij loco eſt habitum, fuit L. Paullo, C. Marcello coſ. anno DCCIII Obſequens de eodem Liuij auctõritatem adducit Oroſius lib. 7. cap. 2.

In Caput XV.

A Marcello conſule) Roberti liber hoc amplius habet, Bibulo, à Catone. Caterum de hiſ diſſenſionibus cum omnes multa ſcribant, putidum eſſet, hic velle aliquid annotare. Lege Caſarem, Appianum, Plutarchum & ceteros. Q. Caſſius) Ita omnes hunc nominat, exceptis Oroſii libris, in quibus Publij prænomen habet. Curione Cælioque) Hic eſt M. Cælius Ruſus, de cuius interitu paulo poſt. quod ego annotan-

notandum propter Dionem putavi, apud quem initio libr. 41. χαλκίλιχου pro χαλίου, seu porius κοιλίου bis mendosè legitur. Negatam ex ærario pecuniam) Interposuit se huic rei L. Metellus Tribunus pl. Appian. lib. 2. Diod. 41. Lucan. libr. 3. At vero Doiabella) Hunc locum studiosi diligenter legere debent, cum tota hæc res à Cesare non longe ab initio li. 3. de bello civili descripta interciderit. Eadē breuiter narratur ab Appiano & Dione. sed à Lucano fusiùs describitur li. 4. Vide Florum lib. 4. ca. 2. Basilus) Lucanus li. 4. Et Basilum videre ducem. Sed de hoc nomine dicemus ca. 18. Curio ex Sicilia) Quæ hic de Curionis interitu, & Salonarum opugnatione, item de M. Calio & T. Milone perstringuntur, eâ Caesar copiosè narrat. Ap. Claudius) Hanc rem exponit Valerius li. 1. ca. 8. Vide Lucanum li. 5. Eubææ cœla) In impressis Valery libris est. Eubææ cellā, in manuscripto, Eubææ cœlam, & deinde, cœla Eubææ, Lucanus, Solusq; quietem Euboici vasta lateris conualle tenebis. Pythone serpente) De Pythone Callimachus in Apollinem,

Πυθῶ τοι χατίοντι σαυήντετο δοαμόνιος θῆρ
Αἰνὸς ὄφις. τὸν μὲν σὺ χατῆναρος, ἄλλον ἐπ'

ἄλλῳ

βάλλον ὠκὺν οἷόν. id est,

Horridus occurrit serpens fera bestia, Pytho:

Quem tu descendens perimis citò fatifero arcu.

Continua volucres dum dirigit arte sagittas.

Dionysius Afer δράκοντα δελφύνῳ appellat. Tibul-

lus libr. 2. ubi Delphica Pytho? Inflavit cum pin-

guis) Versus est Virgilij de secundo libro Georg.

Ipse

Ipse terram XV. millium pass.) Munitionis spatium Caesar non expressit, sicut nec Lucanus initio lib. 6. Appianus lib. 2. *ἡ δὲ ἑὴν διακοσίῃς καὶ χίλις* edit. Florus scribit Casarem Pompeij castra XVI. millium vallo obduxisse. Quod Marcellinius) Lentulus Marcellinus quaestor, Caesar. Cæsaris quoque testimonio victor) Hoc praelio commisso ad Dyrrachium victus Caesar, Pompeio non instāte negavit eum vincere scire, Suetonius in Iulio, Plutarchus in Pompeio & Casare. Quatuor millia milit.) Plutarchus in Pompeio *διτεχνίλις* habet. Centuriones Caesar lib. 3. Com edit XXXII non XXII. Pompeius LXXXV-III. cohōrtes. De numero copiarum non idem omnes scripserunt: quo de Appianus lib. 2. Parce civibus.) Ita scripsimus ex vetustis nec aliter est apud Florum. Pompeius fugiens.) De Pompeij fuga & interitu Caesar libro 3. Plutarchus in Pompeio, Appianus libro 2. Dio. 42. Velleius libr. 2. Pompeius Bithynicus.) Q Pompeius A F. qui Bithynicus dictus est, Cicero in Bruto. Lentulus.) L. Lentulus Crus, qui anno superiore Cos. fuerat: eum Caesar scribit à Rege comprehensum in custodia necatum esse. Ea flamma) Hanc bibliothecam laudās Liuius, elegantia regū curiaq; egregiū id opus ait fuisse, ut est apud Senecā de tranquillitate vitæ: ubi quadraginta, non quadringenta millia librorū Alexandria arsisse legitur. Bibliotheca Alexandrina incensa meminit Plutarchus in Casare, & Dio. lib. 42. De omni re gesta cum Alexandrinis præter ceteros copiosè Hirtius.

In Caput XVI.

Pharnacem in Pontō) De Pharnace & re cum
 gesta, Hirtius de bello Alexan. Dio. li. 42. & alij. Di-
 ctator & consul) Orosius secutus fortasse Liuium,
 hic aperte Casarem anno vr̄bis DCCVII. Dictatorem
 & Consulem III. creatum ostendit. quamuis hac Di-
 ctatura non omnes annales suffragantes habeat. qua
 de re Sigonius in Fastis. De bello Africo extat Hirtij
 Commentarius. De eodem omnes alij scriptores. qua-
 re in re aperta nostris verbis minimè opus est. Iuba
 percussori) Dio. scribit Iubam cum Petreio ferro
 congressum, atque ita vtrumque perussisse. Florus tra-
 dit Petreium super mensas Iubam, & se interfecisse.
 De Scipionis interitu prater historicos Seneca li. 3. E-
 pist. Continuo in Hispanias) De bello Hispaniensi
 extat Cōmentarius Hirtij nomine. De eodē Pluta. &
 Dio. li. 43. Attium Varum) Attius recte in libris ve-
 tustis legitur. Nam & Dio. τοῦ πωλίου ἀπὸ τῶν οὐράων
 nominat. Vulgares libri modò Actiū, modò Acciū ha-
 bent. In Plutarh. Catone mendosè οὐράρος ἀπὸ τῶν νο-
 catur. Et quidem eo die) Plutarchus in Casare de
 pralio Mundenſi, ταῦτ' ἐστὶν τὴν μάχην ἐν ἧ ἡ τῇ
 διονυσίων ἐορτῇ, καὶ θ' ἦν λέγεται καὶ πομπῆος μά-
 γνος ὑπὲρ τὸν πόλεμον ἔξελθῆναι: διὰ μέσθ' ᾧ χρόνος ἐ-
 νίαυτ' τεσσάρων διήλθε. id est, Hoc pralium secun-
 dum Caesar Liberalibus fecit, quo die Pompeius Ma-
 gnus primū ad hoc bellū profectus dicitur. cum inter-
 ea quatuor anni effluxissent. Sex. Pompeius) Hec
 nos ex Roberti Stephani libro sic restituimus: cum in
 alijs libris è duobus fratribus Cn. Pōpeius aufugisse.
 Sextus interfectus contra historiae veritatē legatur.
 Cū Cæsonio) Cæsonio est etiā in vetustis. sed vide

ne potius legendum sit, Cefennio. Nam Dio hūc Cefennium Lentonem vocat : cuius mentio est Philippica XII.

In Caput XVII.

Quomodo Caesar Idibus Martijs in curia Pompeij xxii. vulneribus confossus fuerit, Suetonius, & omnes alij scribunt. Amplius LX. conscios) Suetonius, Conspiratum est in eum à LX. amplius. quorum nonnullos Cicero nominat Phili. 2. plures Appianus li. 2. Medeam illam) Fabula est in Apollonij Argonauticis lib. 3. & Ouidij Metamorph. lib. 7.

In Caput XVIII.

Octavianus) Ita recte manuscripta exemplaria. Nam C. Octavius Iulij Caesaris testamento adoptatus more Romanorum dictus fuit, C. Iulius Caesar Octavianus, Dio. lib. 47. Cæsaris auunculi) Iulium Cæsarem Octavianum auunculum nominat etiam infra cap. 20. & Suetonius in Augusto ait, Nihil conuenientius ducens. quam necem auunculi vindicare, cū tamen auunculus magnus fuerit, nescio autem an Orosius Octavianum ex sorore Caesaris natum putauerit. quē errorem Io. Pierius Carol. Sigonius, ac postremo Guilhel Xylander (qui in Dionis historia conuertenda & emendanda præclara ingenij sui documenta dedit) refutarunt. Antonius hostis) Historiarum non aliunde commodius adulescentes, quam ex Ciceronis epistolis & Philippicis cognoscent. Legendi sunt etiam Plutarchus, Appianus, Dio. & Paterculus. Panfa primo veniens.) De pugna Mutinensi extat

extat epistola Galbae ad Ciceronem lib. 10. Epist. Fa-
mi. Dolabella Trebo.) Hæc Dio. li. 47. & Appia-
nus 3. Postea D. Brutus in Gallia) D. Brutus non
à Sequanis, sed à Capeno Sequano occisus fuit, vt Li-
uius ait li. 120. vel in dæmo Capeni ab ijs quos Anto-
nius miserat, vt Paterculus scribit. Basillus) Appia-
nus libro tertio extremo, τῷ δὲ αὐτῷ χρόνῳ καὶ μινού-
κιος βασιλλος, σφαγὴς καὶ ὁδε καίσαρος, ὑπὸ τῷ θερα-
πόντῳ ἀνῆρέθῃ. i. Eodem tempore Minucius Basillus
vnus de percussoribus Caesaris à seruis suis interfectus
est. Bene igitur gentis Minucia cognomen Basillus
in libris vetust. scribitur, nec probo quod Hieronymus
Ferrarius Philippica secunda vnum librum secutus
contra ceterorum fidem Basillum in Basilium muta-
uit. Immo vero non dubito quin li. 3. de Off. & apud
Caesarem V. de bello Gall. legendum sit, L. Minucius
Basillus. Nā & Plutarchus in Sylla λέει, ἰὼν βασιλλον
habet, & cognomina non in ius, sed in ius desinunt vsi-
tate. C. Thoranius) De hoc Appia. li. 4. Suetonius in
Augusto, & Valer. vt puto, li. 9. ca. 11. Centū trigin-
ta & duum) In epitoma Liuian li. 120. est, cxxx. Se-
natorum nomina. Pluta. in Antonio scribit, ccc. pro-
scriptos à Triumuiris occisos fuisse. Igitur Cæsar &
Antonius) De bello Philippensi Plutarchus in Anto-
nio & Bruto, Appian. li. 4. Dio 47. Liuius 124 Florus
li. 4. ca. 6. Velleius, Eutropius, & alij. Hortatu & pre-
cibus medici) De hoc somnio medici Dio. Amicum
suum hunc fuisse ipse scripsit, auctore Plutarcho in
Antonio. At Romæ Fulvia) De Fulvia insolentia
Plutarchus in Antonio, & Dio lib. 48. Sex. Pompe-
ius) De Sex. Pompeio rebusq; ab eo & cum eo gestis

Liuius libr. 127. & sequentibus. Appianus libr. 5. Dio.
 48. & 49 Florus libr. 4. cap. 8. Cum Statilio Tau-
 ro) Dio lib 48. Menam non cum Tauro, sed cū Cal-
 uisio Sabino bellum aduersus Menecratē gessisse tra-
 dit. Scyllaceum) Dio σκύλακον habet, Appianus
 σκύλακιον. Virgil. lib. 3. Aeneid. Nauisfragum Scyla-
 ceum dicit. quo in loco de huius nominis ratione Pie-
 rius & Erythraeus. Ventidius Persas) De re à P. Ven-
 tidio prospere cum Parthis gesta Plutarchus in Anto-
 nio, Dio li. 48. & 49 Flor. li. 4. cap. 9. Valerius lib. 6.
 cap. 10. iussitque vt Antigono) Lege Iosephum lib.
 14. Antiquit. Aduersus Democharem) In alijs
 corrupte est, Democham. δημοχάμω Appianus &
 Dio nominant. Suetonius quoque Democharem bene
 habet. Lepidus magna XV. legio) De Lepidi dis-
 fensione cū Octauiano, & quomodo coactus fuerit
 abdicare copiosè Dio. li. 49. Appia. 5. Velleius 2. Veste
 pulla) In quibusdam pura, mendosè legitur. Dio,
 ἔϋυτω ἔϋκείνος ἡναγκάδι ἐβελοντῆς ἐν ἐδῆτι-
 φαῖ ἰκέτης αὐτῷ γενέσθαι. id est, Hoc modo Lepidus
 quoq; adactus, assumpta veste pulla retro supplex Ce-
 sari factus est. Velle. etiam scribit, Lepidum pullo ve-
 latum amiculo genibus Caesaris aduolutum. Tau-
 rus totam pene Siciliam) Vide ne, Africā, potius
 legendū sit. Nam Tauri virtute Octauianus vtran-
 que Africā obtinuit, auctore Dione Ex Africa eum
 triūphasse indicant tabula Capitolina, in quibus est,
 T. STATILIVS. T. F. TAVRVS PRO COS EX AFRICA. A.
 DCCXIX. PRIDIE K. IVL. Ouans urbem ingressus)
 Hinc in Capitolinis triumphus est, IMP. CÆSAR DI-
 VIE. C. N. II. III. VIR R. P. C. II. OVANS EX SI-
 CILIA.

CILIA. A. DCCXVII. IDIB. NOVEMBR.

In Caput XIX.

Antonius vero postquam) *De infelici bello Antonij cum Parthis præter Plutarchum lege Velleium. A Titio & Furnio*) Ita recte libri antiqui. Vulgo, *Tito & Formo*, corruptè legitur. Sex. Pompeiū à M. Titio & Furnio occisum scribūt quoq; Appia & Dio. Titij meminit Velleius. Antonius Artabanem) Hanc historiam lege in Dionis li. 49. & in epitoma Liuiana 122. Ipsum Actium) *De bello Actiaco*, quo Antonius & Cleopatra victi sunt à Cesare Plutarchus in Antonio, Dio. libro 50. Florus lib. 4. ca. 11. Eutropius lib. 7. Velleius & alij. P. Canidius) Ita recte libri manuscripti, cum vulgo Caninius legatur. Vide Plutarchum & Velleium. Cassius Parmensis) Huius meminit quoq; Velleius. Apud Appianum libro quinto est, *Κλῆσιος ὁ παρμησιος*.

In Caput XX.

Anno ab vrbe condita DCCXXV.) Ita numerat etiā Dio. li. 51. Collega autem Caesaris in quinto consulatu Sex. Appuleius, non Lucius ab alijs omnibus appellatur. VIII. Idus Ianuar.) Caesar si Macrobius lib. 1. Saturnal. sequimur, Sextili mense, non Ianuario triplici triumpho ingressus est urbem. Nā cum primū) Hoc ex Suetonij Augusto descriptū est. Refert idē Iulius Obsequens. Cū & Ianū) De Iano clauso mentio fuit initio libri primi. Hinc Virgilius Aen. dixit, *Claudetur belli porta*. Augusti nomen) Cesare à senatu ceterisq; ciuibus sententia Munatij Planci augustum dictum fuisse ante diem XVI. K.

566 IN LIBRVM VI. ANNOTAT
Febr. se septimum & M. Vipsamo Agrippa Coss. Cen-
sorinus scribit.

In Caput XXI.

Cæfare sexies, & bis M. Agrippa) Agrippam
hoc anno iterum Consulem fuisse Cassiodorus quoq;
testatur. Recte igitur Guil. Xylander apud Dionem
initio li. 53. vbi τὸ γ legitur, scribendū monet τὸ β. De
bello Cantabrico Dio, & Florus lib. 4. cap. vlt. Idem
de alijs quoque bellis, quorum hic mentio. sunt legen-
di. Post hoc Claudius Drusus) Bellum cum Rhe-
tis gestum est Druso & Pisone Coss. anno urbis dcc-
xxxviii. Cossus dux) De hoc & rebus ab eo gestis
Diodor. libr. 55.

In Caput XXII.

Iani portas tertio) Augustum Ianum ter clau-
sisse Suetonius etiam testatur. Domini ap-
pellationem) Hac descripta sunt è
Trāquilli Augusto. Censum
agi) Censui hic è Lu-
ca satis notus
est.

PAVLI

PAVLI OROSII
HISPANI ADVERSVS
PAGANOS HISTORIA-
RVM LIBER SEPTIMVS.

Vnum solum verumq³ deum, mundi omniumq³ conditorem, atque adeo potentiam suam ac patientiam, per vnum hoc est Christum, voluisse hominibus innotescere.

CAPVT I.



Vfficientia vt arbitror documenta collecta sunt, quibus absque vilo arcano, quod paucorum fidelium est, probari de medio queat, vnum illum & verum deum, quem Christiana fides prædicat, & condidisse mundū creaturamq^{ue} eius cum voluit, & disposuisse per multa, cum per multa ignoraretur, & confirmasse ad vnum, cum per vnicum declaratus est, simulq^{ue} potentiam patientiamq^{ue} eius multimodis argumentis eluxisse. In quo quidem angustas, deiectasq^{ue} mentes offendi paulisper intelligo, quod tantæ potentiæ patientia tanta miscetur. Si enim potens erat, inquit, creare mundum, componere pacem mun-

di, insinuare mundo cultum ac notitiam
sui, quid opus fuit tanta, vel ut ipsi senti-
unt, tam pernicioſa patientia, ut in ultimo
erroribus, cladibus, laboribusque homi-
num fieret, quod à principio virtute eius,
quem prædicas dei, ſic potius cœpiſſe po-
tuiſſet? Quibus quidem veraciter respon-
dere poſſem, ad hoc ab initio creatū & in-
ſtitutū humanum genus, ut ſub religione
cum pace ſine labore viuens, fructu obe-
dientiæ æternitatem promereretur: ſed
ab uſum bonitate creatoris, libertatem in-
dulgentis in contumacem vertiſſe licen-
tiam, atque ex contemptu in obliuionem
defluxiſſe, iuſtamque nunc eſſe pa-
tientiam dei, & iuſtam in vtramque partem,
ut nec contemptus diſperdat in totum,
cui miſereri velit, & affici laboribus, dum
velit, ſinat contemptus potens. Deinde
ſubſequens eſſe, iuſtè ſemper adhibere
quamuis ignorantibus gubernationem, cui
aliquando pie reſtituturus ſit pœnitenti
antiquæ gratiæ facultatem. Sed hæc quo-
niam etſi veriſſimè fortiſſimèque dicun-
tur, fidelem tamen atque obedientem
requirunt: mihi autem, videro an aliquan-
do credituris, certè nunc cum incredulis
actio eſt, promptius ea proferam, quæ
ipſi &

ipsi & si probare noluerint, improbare non possint. Itaque quantum ad conscientiam humanarum mentium pertinet, vtique sub reuerentia religionis & confessione, cultuque supernæ potentiaë viuimus, distante dūtaxat fide: quia nostrū est fateri, ex vno & per vnum deum constare omnia: illorum tam multos deos putare, quā multa sunt elementa. Si potentiaë dei, inquit, quem prædicatis fuit, vt Romanum imperium tam amplum, ac tam sublime fieret, cur igitur patientia eiusdem obfuit vt ante non fieret? Quibus sub eodem verbo respōdebitur: Si potentiaë deorum, quos prædicatis fuit, vt Romanū imperium tam amplū ac tam sublimē fieret, cur igitur patientia eorundem obfuit vt ante non fieret? an ipsi dij nondum erant? an adhuc Roma ipsa nō erat? an illi non colebantur? an hæc nondum idonea imperio videbatur? Si nondum erant dij, cessat intentio. Vt quid enim iam ibi eorum discussio moram, vbi ne ipsam quidem inuenio naturam? Si autem erant dij, aut potentia eorum, vt ipsi iudicant, aut patientia in culpa est: vel patientia, si fuit: vel potentia, si defuit: aut si magis suadibile videtur fuisse, tunc quidē deos

qui prouehere potuissent, sed nondum extitisse Romanos qui prouehi iure possent. Nos auctorem rerum potentiam, nō artificem scientiam, quærimus. De dijs quippe (vt putant) magnis, non de fabris vilissimis quæstio est, quibus nisi materia accedat, ars cessat. Si enim præscisse illis ac voluisse præsto semper fuit, immo etiam subiacente præsciētia, quia apud omnipotentiam de operibus duntaxat suis, hoc est, præscire, quod velle, quodcunque illud præsciebatur, cui voluntas astipularetur, nō expectari oportuit, sed creari: maxime cum & Iouem illum suum acervos formicarum in populos hominum ludo vertere solitum ferant. Porro autem de cura, cærimoniarum nec recensendum arbitror: quoniam inter sacra continua incessabilibus cladibus nullus finis, ac nulla requies fuit, nisi cum saluator mundi Christus illuxit: cuius aduētui prædestinatam fuisse imperij Romani pacē, & si iam sufficienter ostendisse me arbitror, paucis tamen adhuc supplere conabor.

Babylonem & Romam, regnumq; illius & huius in plerisq; omnibus conuenire. De quatuor mundi monarchijs, de incendio quodam Romæ, Christi & Abraham sæculis.

Caput

CAPVT II.

PRincipio secundi libelli cum tēpo-
ra Romanæ condicionis stili tenore
perstringerem, multa conuenienter inter
Babyloniam vrbe[m] Assyriorū tunc prin-
cipem gentium, & Romam æque nunc
gentibus dominantem, compacta conscri-
psi. fuisse illud primum, hoc vltimum im-
periū: illud paulatim cedens, at istud sen-
sim conualescens: defluxisse illi sub vno
tempore nouissimum regem, isti primum
fuisse: illam deinde tunc inuadente Cyro
captam velut in mortem concidisse, cum
istam fiducialiter assurgentē, post expul-
sos reges, liberis vti cœpisse cōsilijs: præ-
cipue cum vindicante libertatem suam
Roma, tunc quoque Iudæorum populus,
qui apud Babyloniam sub regibus serui-
ebat, in sanctam Hierusalē recepta liber-
tate redierit, templumque domini sicut à
prophetis prædictum fuerat, reformarit.
Præterea intercessisse dixeram inter Ba-
bylonium regnum, quod ab oriente fue-
rat, & Romanum, quod ab occidēte con-
surgens hæreditate orientis enutriebatur,
Macedonicum Africanumque regnum,
hoc est, quasi à meridie ac septentrione
breuib[us] vicib[us] partes tutoris curatoris-
que

quetenuisse. Orientis & occidentis regnum Babylonium & Romanum iure vocitari, neminem vnquam dubitasse scio. Macedonicū regnum sub septétrione esse cū ipsa cęli plaga, tū Alexandri Magni aræ positæ vsq; ad nunc sub Ripheis montibus docent. Carthaginē vero vniuersæ præcelluisse Africæ, & non solū in Siciliam, Sardiniā, cæterasq; adiacentes insulas, sed etiā in Hispaniam regni terminos tetendisse, historiarū simul monimenta urbiumq; declarant. Dictum est etiam vastatæ per Medos Babyloniæ, & irruptæ per Gothos Romæ pares admodum annorum numeros cucurrisse. Nunc autem his illud adiicio, quo magis clareat vnum esse arbitrum sæculorum, regnorum, locorumque omnium Deum. Regnum Carthaginense à conditione vsque ad euersionem eius, paulo amplius quam septingentis annis stetit: æque regnum Macedonicum à Carano vsque ad Persem paulò minus quam DCC. vtrumque tamen septenarius ille numerus, quo iudicantur, omnia terminauit. Roma ipsa etiam quāuis ad aduentum domini nostri Iesu Christi perfectō prouheretur imperio, tamē paululum, & ipsa in occurso numeri huius of-

ius offendit. Nam septingentesimo conditionis suæ anno, quatuordecim vicos eius, incertum vnde consurgens flamma cōsumpsit, nec vnquam, vt ait Liuius, maiore incendio vastata est, adeo, vt post aliquot annos, Cæsar Augustus ad reparationem eorum, quæ tunc exusta erant, magnam vim pecuniæ ex ærario publico largitus sit. Poteram quoque ostendere, eundem duplicatum numerum mansisse Babylonæ, quæ post mille quadringentos & quod excurrit annos, vltimè à Cyro rege capta est, nisi præsentium contemplatione reuocaret. Illud sane libèter adijcio, quia primi illius regum omniū Nini) quamuis & pater eius Belus obscure primus regnasse referatur) illius ergo Nini anno, post quā regnare cœperat XLIII. natus est sanctus ille Abraam, cui dictæ sunt repromissiones, ex cuius femine promissus est Christus: deinde nūc primus istius imperatorum omniū Augusti Cæsaris (quamuis & pater eius Cæsar metator imperij potius quam imperator extiterit) istius inquam Cæsaris, postea quā imperare cœpit, emenso propemodū anno XLII. natus est Christus, qui Abraæ sub Nino primo rege fuerat repmissus. Natus est
autem

autem VII. Kalend. Ianuarij, quando primum incrementa omnia anni veniētis incipiunt. Ita factum est, vt cum Abraam XLIII. anno natus sit, sub finē XLII. natiuitas Christi conueniret, vt iam non ipse in parte tertij anni, sed in ipso potius tertius annus oriretur. Qui annus, quantis, quā nouis, quamque inusitatis bonis abundauerit, satis etiam me non proferente compertum haberi arbitror. toto terrarū orbe vnā pax omnium, non cessatione, sed abolitione bellorum, clausæ, Iani gemini portæ, extirpatis bellorum radicibus, nō repressis, census ille primus & maximus fuit, cum in hoc vnum Cæsaris nomē vniuersa magnarum gentiū creatura iurauit, simulque per communionem census, vnus societatis effecta est.

Christus quando ad hominum salutē natus, quomodo statim vexatus. de ingenti Romæ fame, & iugi pace.

CAPVT III.

Igitur anno ab vrbe cōdita DCCLII. natus est Christus, salutareim mundo afferens fidem, vere petra medio rerū posita: vbi comminueretur, qui offenderet: qui crederet, saluaretur. vere ignis ardēs, quem qui sequitur, illuminatur: qui tentat, ex-

tat, exuritur. Ipse est Christus, Christianorum caput, saluator bonorum, malorum punitor, iudex omnium, qui formam subsecuturis verbo & opere statuens, quo magis doceret patientis in persecutionibus, quas pro vita æterna exciperent, esse oportere, mox vt virginis partu editus mundo apparuit, de passionibus suis cœpit. Namque eum rex Iudææ Herodes si. *Matth. 2.* mul vt natum comperit, necare decreuit, plurimosque tunc paruulos, dum vnum insectatur, occidit. Hinc malignis improbè incurrentibus digna punitio est. Hinc in quantū tranquillè agitur mundus, credentium gratia, in quantum perniciosè inquietatur, blasphemantium pœna est: securis per omnia Christianis fidelibus, quibus aut æternæ vitæ requies in tuto, aut etiam huius in lucro est quod promptius cum per ordinem referam, ipsis rebus ostendam. Postquam redemptor mundi dominus Iesus Christus venit in terras, & Cæsaris censu ciuis Romanus ascriptus est, dum per duodecim, vt dixi, annos, clausæ belli portæ beatissima pacis tranquillitate cohibentur, Caium nepotem suum Cæsar Augustus ad ordinandas Aegypti Syriæque prouincias misit, qui præte-

præteriens ab Aegypto fines Palæstinæ,
apud Hierosolymam in templo dei tunc
sancto & celebri adorare contempsit, sic-
ut Suetonius Tranquillus refert. Quod
Augustus, vbi per eum comperit, prauo
vltus iudicio, prudenter fecisse laudauit.
Itaque anno imperij Cæsaris quadragesi-
mooctauo, adeo dira Romanos fames cõ-
secuta est, vt Cæsar lanistarum familias,
omnesque peregrinos, seruorum quoque
maximas copias, exceptis medicis & præ-
ceptoribus, trudi vrbe præceperit. Ita pec-
câte principe in sanctum dei, & correpto
per famem populo, quãtatem offensio-
nis qualitas vltionis ostendit. Deinde, vt
verbis Cornelij Taciti loquar, sene Au-
gusto Ianus patefactus, dum apud extre-
mosterrarum terminos nouæ gentes sæ-
pe ex vltu, & aliquando cum damno quæ-
runtur, vsque ad Vespasiani durauit im-
perium. Hucusque Cornelius. Cæte-
rum & tunc capta euerfaque vrbe Hie-
rosolymorum, sicut prophete prænuntia-
uerunt, extinctisque Iudæis, Titus qui ad
vindicanum Domini nostri Iesu Christi
sanguinem iudicio dei fuerat ordinatus,
victor triumphans cum Vespasiano patre
Ianũ clausit. Igitur etsi sub extremis Cæ-
saris

laris temporibus apertus est Ianus, tamen per multa ex eo tempora, quamuis in pro-
 cinctu esset exercitus, nulla bella sonue-
 runt. Vnde etiā dominus ipse Iesus Chri-
 stus in euāgelijs, cum temporibus illis in
 summa tranquillitate vniuersus mundus
 ageret, cunctasque gentes pax vna vela-
 ret, & à discipulis suis interrogatus esset,
 de conclusione temporum subsequenti-
 um, inter cætera sic ait: Audituri autem e-
 stis prælia & opiniones præliorum. vide-
 te ne turbemini. Oportet enim hæc fie-
 ri: sed nondum est finis. Consurgete-
 nim gens in gentem, & regnum in regnum,
 & erunt pestilentia, & fames & terræmo-
 tus per loca. Hæc autem omnia initia sunt
 dolorum. Tunc tradent vos in tribulati-
 onem, & occident vos; & eritis odio om-
 nibus gentibus propter nomen meū. Hoc
 autem diuina prouidentia docens, & cre-
 dentes præmonendo firmavit, & incredu-
 los prædicendo confudit.

Matth. 24.

*De vita & gestis Tyberij Caesaris, quomodo Chri-
 stum amplexus sit, de eius crudelitate in pluri-
 mos.*

CAPVT IIII.

ANno ab vrbe condita septingente-
 simo LXVII. post mortem Augusti
 Cæsa-

Cæsaris Tiberius Cæsar imperium adeptus est, mansitque in eo annis viginti & tribus. Hic per semetipsum nulla bella gessit, sed ne per legatos quidē aliqua grauiā, nisi quod tantum aliquantis in locis præcogniti cito gentium tumores comprimebantur. Sane quarto imperij eius anno Germanicus Drusi filius, Caligulæ pater, de Germanis, ad quos ab Augusto sene missus fuerat, triumphauit. Ipse autem Tiberius plurima imperij sui parte, cum magna & graui modestia Reip. præfuit, adeo vt quibusdam præsidibus augenda prouincijs tributa suadētibus, scripserit: Boni pastoris esse, tondere pecus, non deglubere. At postquam passus est dominus Christus, atque à mortuis resurrexit, & discipulos suos ad prædicandū dimisit, Pilatus præles Palæstinæ prouinciæ ad Tiberium imperatorem atque ad senatum retulit de passione & resurrectione Christi, consequentibusque virtutibus, quæ vel per ipsum palam factæ fuerant, vel per discipulos ipsius in nomine eius fiebant, & de eo quod cærtatim crescēte plurimorum fide Deus crederetur. Tiberius cum suffragio magni fauoris retulit ad senatum, vt Christus Deus haberetur.

beretur. Senatus indignatione motus, cur non sibi prius secundum morem delatum esset, vt de suscipiendo cultu prius ipse decerneret, consecrationem Christi recusauit, edicto긑ue constituit exterminandos esse vrbe Christianos: præcipue cum & Seianus præfectus Tiberij, suscipiendæ religioni obstinatissimè contradiceret. Tiberius tamen edicto accusatoribus Christianorum mortem cõminatus est. Itaque paulatim immutata est illa Tiberij Cæsaris laudatissima modestia, in pœnam contradictoris senatus. Nam regi, quæcunque voluntate faciebat, voluptas erat: atq; ex māluctissimo principe sæuissimabestia exarsit. Nam plurimos senatorum proscripsit & ad mortem coëgit. Vingtī sibi patricios viros consilij causa elegerat, horum vix duos incolumes reliquit, ceteros diuersis causis necauit. Seianum præfectum suum res nouas molientē interfecit. Filios suos Drusum & Germanicum, quorū Drusus naturalis, Germanicus adoptiuus erat, manifestis veneni signis perdidit. Filios Germanici filij sui interfecit. Referre singillatim facta eius horret animus, pudet긑ue. tāta libidinis & crudelitatis rabie efferbuit, vt qui spre-

uerant Christo rege saluari, rege Cæsare punirentur. Huius tamen imperij anno duodecimo noua & incredibilis clades apud Fidenatium urbem accidit. Amphitheatri cauea populo gladiatorium munus spectâte collapsa est, & plusquam viginti millia hominum occidit. Dignum sane posteris tantæ correptionis exemplum, tunc ad spectandas hominum mortes auidos homines conuenisse, quando pro salute hominum prouidēda Deus homo esse voluisset. Deinde anno eiūdem XVII. cum dominus Iesus Christus volūtariē quidem se tradidit passioni, sed impie à Iudæis apprehensus, & patibulo suffixus est, maximo terræ motu per orbem factō, laxa in montibus scissa sunt, maximarumque urbium plurimæ partes plus solita cōcussione ceciderunt. Eadē quoque die ad horam diei sextā sol in totum obscuratus, tetraque nox subito obducta terris est, & sicut dictum est, Impiaque æternam timuerunt sæcula noctem. Vique adeo autem neque lunā lumini solis, neque nubes obstitisse manifestum est, vt XIII. ea die lunam tota cœli regione interiecta, longissimè à conspectu solis abfuisse, & stellas tunc diurnis horis, vel potius

tius in illa horrenda nocte toto cœlo fulsisse referatur. Quod non solum sanctorum euangeliorum fides, sed etiã aliquanti Græcorum libri attestantur. Iam hinc post passionem domini, quẽ Iudæi quantum in ipsis fuit persecuti sunt, continuæ clades Iudæorum, donec exinaniti dispersique deficiant, incessabiliter strepunt. Tiberius si quidem iuuentutem eorum per speciem sacramenti in prouincias grauioris cœli relegauit, reliquos gentis eiusdem vel similia sectantes vrbe submouit, sub pœna perpetuæ seruitutis, nisi obtemperassent. Sane Asiæ ciuitates illo terræmotu dirutas, tributo dimisso, propria etiã libertate donauit. Hic ambiguus signis veneni obiit.

C. Caligula Cesaris mores, res gestæ & crudelia facinora.

CAPVT V.

ANno ab vrbe condita septingentesimo XC. tertius ab Augusto Caius Caligula cepit regnare, mansitque in imperio annis nō plenīs quatuor, homo ante se omnium flagitiosissimus, & qui vere dignus Romanis blasphemantibus, & Iudæis persecutoribus punitor adhibitus videretur. Hic, vt breuiter magnitudinem

Q o 3 crude-

crudelitatis eius exprimam, exclamasse fertur: Vtinam populus Romanus vnā ceruicem haberet. Sæpe etiam de conditione temporum suorum conquestus est, quod nullis calamitatibus publicis insignirétur. O beata germina tēporis Christiani, quantum præualuistis in rebus humanis, vt etiam crudelitas hominis magis potuerit clades desiderare, quā inuenire. Ecce de tranquillitate generali feritas ieiuna conqueritur. Furor impius intus Sæua sedens super arma, & centum vinctus ahenis. Post tergū nodis, fremit horridus ore cruento. Serui rebelles & fugitiui gladiatores perterrituere Romam, euertere Italiam, Siciliam deleuere, iam pene vniuerso humano generi toto orbe metuendi. In diebus autem salutis, hoc est, temporibus Christianis, conuellere quietem non potest vel Cæsar infestus. Hic siquidem magno & incredibili apparatu profectus quærere hostem viribus ociosis, Germaniam Galliamque percurrens, in ora oceani circa prospectum Britanniæ restitit. Cumque ibi Minocynobellinum Britannorum regis filiū, qui à patre pulsus cum paucis oberrabat, in deditionem recepisset, deficiente belli materia, Ro-

nam redijt. Iſdem autem diebus Iudæi,
qui iam tunc ob paſſionem Chriſti meri-
tis vbique cladibus exagitabantur, apud
Alexandriam ſeditione excitata, proſti-
gati cæde, atque vrbe propulſi, expro-
médarum querelarû cauſa Philonẽ quen-
dam virum ſane in primis eruditum, le-
gatum ad Cæſarem miſerunt. Sed Cali-
gula cum omnibus hominibus, tum præ-
cipue Iudæis infeſtiſſimus, ſpreta legati-
one Philonis, omnes Iudæorum ſacras æ-
des, atque in primis antiquum illud in Hi-
eroſolymis ſacrarium profanari ſacrifici-
is gentiliũ, ac repleri ſtatuſ ſimulacriſ-
que imperauit, ſequẽ ibi vt Deũ coli præ-
cepit. Pilatus autem præſes, qui ſententi-
am damnationis in Chriſtũ dixerat, poſt-
quam plurimas ſeditiones in Hieroſoly-
mis excepit, ac fecit, tantis irrogante Ca-
io angoribus coartatus eſt, vt ſua ſe tranſ-
uerberans manu, malorum compendium
mortis celeritate quæſierit. Caius Ca-
ligula libidinibus ſuis etiam illud ſcele-
ris adiẽcit, vt ſorores ſuas primum ſtu-
pro pollueret, deinde exilio damnaret:
qui poſt omnes ſimul exules iuſſit occi-
di. Ipſe autem à ſuis protectõribus occi-
ſus eſt. Duo libelli in ſecretis eius reperti

sunt, quorum alteri pugio, alteri gladius pro signo nominis ascriptum erat: ambo lectissimorum virorum vtriusque ordinis senatorij & equestris nomina & notas continebant morti destinatorum. Inuenta est & arca ingens variorum venenorum, quibus mox Claudio Cæsare iubente demersis, infecta maria traduntur non sine magno piscium exitio, quos enecatos per proxima litora passim æstus eiecit. Magnum vero indicium miseræ Dei, propter suffragium gratiæ in populum continuo ex parte crediturum, & propter iræ temperamentum, in populum, tunc infideliter obstinatum, ut quanta multitudo hominum præparatam mortem euaserit, ex multitudine interfectorum piscium disceretur: omnibusque notesceret, quid tanta veneni moles arte aucta, agere in misera ciuitate potuisset: quæ negligenter effusa, etiam maria corrumpit.

Claudij Tiberij Cæsaris vita & res gesta, & grauissima sub eo fames Romæ.

CAPVT VI.

ANno ab vrbe condita DCCXCV. Tiberius Claudius ab Augusto quartus, regnum adeptus est, mansitque in eo annis quatuordecim. Exordio regni eius

Petrus

Petrus apostolus domini nostri Iesu Christi Romam venit, & salutarem cunctis credentibus fidem fideli verbo docuit, potētissimisque virtutibus approbavit. Atque exin Christiani Romæ esse cœperūt. Sensit hoc collatum fidei suæ Roma beneficium. Nam cum interfecto Caligula multa de abrogando imperio, ac repub. in antiquum ordinem restituēda, euertendaque penitus Cæsarum vniuersa familia senatus & consules decreuissent, Claudius mox vt confirmauit imperium, magna atque adhuc Romæ incognita vltus clementia, ne in tantam nobilium multitudinem vltio si esset cœpta, sæuaret biduum illud, quo de reipub. statu infœliciter consultatum actumque fuerat, memoriæ exemit, omniumque factorum dictorumue in eo veniam & obliuionem in perpetuum sanxit. Ita illam præclaram & famosam Atheniensium amnestiam, quam quidem Romæ inducere Iulio Cæsare interfecto senatus, Cicerone suadente, tentauerat: sed Antonio & Octauiano propter vltionē extincti Cæsaris irrumpentibus, in irritū cesserat: hanc Claudius, quamuis multo truculentiore causa in cædem conspiratorum stimularetur, vltronea clementia

○○ 5 nullo

* dato.

nullo expetente firmavit. Accidit etiam eodem tēpore præsētis gratiæ Dei grande miraculum: siquidem Furius Camillus Scribonianus Dalmatiæ legatus, bellū ciuile molitus, legiones multas fortissimæque ad sacramenti mutationem pellexerat. Itaque die * dicto, vt in vnum vndiq; ad nouum imperatorem conueniretur, nèque aquilæ ornari, neque cōuelli quoquo modo signa moueriue potuerūt. Exercitus tanta & tam inusitata miraculi fide motus, & conuersus in pœnitentiam, Scribonianum quinto statim die destitutum interfecit, seque sacramento prioris militiæ continuit. Tristius ac perniciosius vrbi Romæ nihil vnquā fuisse, quàm bella ciuilia, satis notum est. Itaque propter aduentum apostoli Petri, & tenera Christianorum germina, vix dum adhuc pauca ad sanctæ fidei professionē erumpentia, hanc exorientem tyrannidem, & consurgens istud ciuile bellum neget quisquam diuinitus esse compressum, qui præteritis temporibus de compressione bellorum ciuiliū simile probarit exemplum? Claudius quarto imperij sui anno, cupiens se vtilem reip. ostentare principem, bellum vbique & victoriam vnde-

vndecunque quæsiuit. Itaque expeditionem in Britāniam mouit: quæ excitata in tumultum propter non redditos transfugas videbatur, transuectusque in insulam est, quā neque ante Iulium Cæsarem, neque post eum quisquā adire ausus fuerat. Ibi que, vt verbis Suetonij Tranquilli loquar, sine vlllo prælio ac sanguine intra paucissimos dies plurimam insulæ partem in deditionem recepit. Orcadas etiam insulas vltra Britāniam in oceano positas, Romano adiecit imperio, ac sexto quādam profectus erat mēse Romam redijt. Conferatur nunc, si cuiquam placet, insula & insula, tempus & tempus, bellum & bellum, Cæsar & Cæsar. Nam de fine nihil profero: quoniam hoc felicissima victoria, illud acerbissima clades fuit: & sic demum Roma cognoscat, per eius latentem providentiam in augendis rebus antea se partem felicitatis habuisse, cuius agnitione suscepta, plenissima felicitate perfruitur, in quantum non tamen blasphemiarum offendiculis deprauatur. Eodem anno imperij eius fames grauissima per Syriam facta est, quā etiam prophetæ prænuntiauerant: sed Christianorum necessitatibus apud Hierosolymam, conuectis

uectis ab Aegypto frumentis, Helena A-
diabenorum regina cōuerſa ad fidē Chri-
ſti, largiſſimē miniſtrauit. Anno imperij
eius quinto, inter Theram & Theraſiam
inſula de profundo emicuit triginta ſta-
diorum ſpatio extenta. Anno eius ſepti-
mo, ſub procuratore Iudææ Cumano, in
Hierofolymis tanta ſeditio in diebus azy-
morum exorta eſt, vt in portarum exitu
populo coartato, triginta millia Iudæorū
cæde proſtrata & compreſſione ſuffoca-
ta referantur. Anno eiſdem nono, expul-
ſos per Claudium vrbe Iudæos, Iosephus
refert. ſed me magis Suetonius mouet,
qui ait hoc modo: Claudius Iudæos im-
pulſore Chriſto aſidue tumultuātes Ro-
ma expulit. Quod, vtrum contra Chriſtū
tumultuantes Iudæos coërceri & compri-
mī iuſſerit, an etiā Chriſtianos ſimul ve-
lut cognatæ religionis homines voluerit
expelli, nequaquam diſcernitur. Verun-
tamen ſequenti anno tanta fames Romæ
fuit, vt medio foro imperator correptus
à populo conuitijs & fragminibus panis
turpiſſimē infeſtatus, ægre per Pſeudoty-
rum in palatium refugiens furorem exci-
tatæ plebis eualeſerit. Paruo autem interce-
dētē tempore trigintaquinque ſenatores
&

& trecentos simul equites Romanos minimis causis interfecit: ipse autem manifestis veneni signis est mortuus.

Neronis Claudij Caesaris fœdi mores, & scelestæ facinoræ.

CAPVT VII.

ANno ab vrbe condita octingentesimo octauo Nero Cæsar ab Augusto quintus, principatû adeptus est, mansitque in eo annis non plenis quatuordecim, Caij Caligulæ auunculi sui erga omnia vitia ac scelera sectator, immò transgressor, petulantiam, libidinem, luxuriam, auaritiam, crudelitatem nullo non scelere exercuit. siquidem petulantia percitus omnia pene Italix ac Græciæ theatra perlustrans, assumpto etiam varij vestitus dedecore, * ceritos, citharistas, tragædos & aurigas sæpe sibi superasse visus est. * scenicos Libidinibus porro tantis exagitatus est, ut ne à matre quidem vel sorore vllâue consanguinitatis reuerentia abstinuisse referatur, virum in vxorem duxerit, ipse à viro ut vxor acceptus sit. Luxuriæ vero tam effrenatæ fuit, ut retibus aureis piscaretur, quæ purpureis funibus extrahebantur: frigidis & calidis lauaret vnguentis. Qui etiam nunquam minus M. carrucis conse-

confecisse iter traditur. Denique vrbis Romæ incendium voluptatis suæ spectaculum fecit. Per sex dies septemque noctes ardens ciuitas, regios pauit aspectus. Horrea quadro structa lapide, magnæque illæ veterum insulæ, quas discurrens adire flamma non poterat, magnis machinis quondam ad externa bella præparatis, labefactatæ atque inflammatæ sunt ad monumentorum bustorumque diuersoria infelici plebe compulsa. Quod ipse ex altissima illa Mæcenatiana turre prospectans, lætusque flammæ (vt aiebat) pulchritudine, tragico habitu Iliadē decantabat. Auaritiæ autem tam præruptæ extitit, vt post hoc incendium vrbis, quam se Augustus ex lateritia marmoreâ reddidisse iactauerat, neminem ad reliquias rerū suarum adire permiserit. cuncta quæ flamme quoquo modo superfuerant, ipse abstulit. Centies centena millia sestertiū annua ad expensas à senatu sibi conferri imperauit. Plurimos senatorum, nulla extante causa, bonis priuauit. Negotiatorum omnium sub vna die, tormentis quoque adhibitis, omnem penitus censum absterfit. Crudelitatis autem rabie ita efferratus est, vt plurimam senatus partem interfece-

terfecerit, equestrem ordinem pene destituerit. Sed ne parricidijs quidem abstinent, matrem, fratrem, sororem, vxorem cæterosque omnes cognatos, & propinquos sine hæsitatione prostrauit. Auxit hanc molem facinorum eius temeritas impietatis in deum. Nam primus Romæ Christianos supplicijs & mortibus affecit, ac per omnes prouincias pari persecutione excruciarî imperauit: ipsumque nomen extirpare conatus, beatissimos Christi apostolos Petrum cruce, Paulum gladio occidit. Mox aceruatim miseram ciuitatem obortæ vndique clades oppressere. Nam subsequente autumno tanta vrbi pestilentia incubuit, vt triginta millia funerum in ratione Libitinæ venirent. Britânica deinde clades è vestigio accidit, qua duo præcipua oppida, magna ciuium fociorumque clade & cæde direpta sunt. Præterea in oriente magnis Armeniæ prouincijs amissis Romanæ legiones sub iugum Parthicum missæ, ægreque Syria retenta est. In Asia tres vrbes, hoc est, Leodicea, Hierapolis, Colossæ terræmotu cõciderunt. At vero Nero postquam Galbam in Hispania imperatorem creatum ab exercitu cognouit,

totus

totus animo ac spe concidit. Cumque incredibilia perturbandæ, immò subruendæ reipub. mala moliretur, hostis à senatu pronuntiatus, & ignominiosissimè fugiens, ad quartum ab vrbe lapidem sese ipse interfecit, atque in eo omnis Cælarum familia consumpta est.

De Galba, Othonis & Vitellij imperio, & moribus & facinoribus.

CAPVT VIII.

ANno ab vrbe condita octingentesimo XXIII. Galba apud Hispanias usurpauit imperium: qui mox vt Neronis mortem comperit, Romam venit. Cumque omnes auaritia, sæuitia, segnitiaque offenderet, Pisonem sibi nobilem industriumque adolescentem in filium atque in regnum adoptauit: cum quo septimo mēse imperij sui ab Othone iugulatus est. Luit Roma cædibus principum, excitationisque ciuilibus bellis, recentes Christianæ religionis iniurias: & signa legionum illa, quæ sub aduentu in urbem Petri apostoli diuinitus coërcita cōuelli nullo modo ad excitandum ciuile bellum valuerāt, quod per Scribonianum parabatur, Petro in vrbe interfecto, & Christianis poenarū diuersitate laniatis, toto se orbe soluerunt.

runt. De Hispania siquidem illico Galba surrexerat: quo mox oppresso, Otho Romæ, Vitellius in Germania, Vespasianus in Syria imperia simul atque arma rapuerunt. Pro bent sane etiam inuiti potentiam simul & clementiam dei, qui Christianis temporibus offenduntur, quanta celeritate tantorum incēdia bellorum & excitata sunt & repressā, cum & antea minimis causis magnæ ac diuturnæ clades agitarentur, & nunc maximi vndique cōcrepantes magnorum malorum fragores, minimo negotio sopirentur. Iam enim erat Romæ, quamuis persecutione vexata ecclesia, quæ iudici omnium Christo etiam pro inimicis & persecutoribus supplicaret. Igitur Otho, cum Galba & Pisone Romæ interfectis inter tumultus, cædesque inuasisset imperium, ac mox creatum imperatorem in Gallia per Germanicas legiones Vitellium comperisset, bellum ciuile molitus, tribus primū leuibus prælijs, hoc est, vno apud Alpes, alio circa Placentiam, tertio circa locum, quem Castoris vocant, contra Vitellianos duces congressus victor extitisset, quarto apud Bebriacum prælio, cum animaduertisset suos vinci, mense tertio quàm imperare

cœperat, sese interfecit. Vitellius victor Romam venit: vbi cum multa crudeliter ac nequiter ageret, incredibili etiam voracitatis appetitu humanam vitā probris aggrauaret, postquam de Vespasiano comperit, primum deponere molitus est imperium: postea à quibusdam animatus, Sabinum Vespasiani fratrem nihil mali tum suspicantem, cum ceteris Flauianis in Capitolium compulit: succensoq; templo, & mixta simul flamma ruinaque, omnes in vnum pariter interitum ac tumultum dedit. Pòst deficiēte in Vespasiani nomen exercitu suo destitutus, appropinquantibus iam hostibus trepidus, cum se in quandam proximam palatio cellulam còtrusisset, turpissimè inde protractus, cum per viam sacram nudus duceretur, passim cunctis finum in os eius coniectantibus, in forum deductus, VIII. quàm regnum præsumpserat mense, apud Gemonias scalas minutissimorum ictuum crebris compunctionibus excarnificatus, atque inde vncò tractus, & in Tiberim merfus, etiam communi caruit sepultura. Multis autem & nefarijs modis per complures dies à Vespasiani militibus, aduersum senatum populumque Romanum

manum indiscreta cæde sæuitum est.

Vespasiani Augusti & Titi imperium quomodo rebellantes Iudeos compresserit; ad hæc urbē Hierosolymam cum templo solo aquauerit. De cæteris eorum gestis.

CAPVT IX.

ANno ab vrbe condita octingentesimo vigesimoquinto, breui illa quidem sed turbida tyrannorum tempestate discussa, tranquilla sub Vespasiano duce serenitas redijt. Nanque vt paulo * altius * latius repetam, Iudæi post passionem Christi destituti in totū gratia Dei, cum omnibus vndique malis circumuenirentur, quibusdam in Carmelo mōte seducti fortibus; quæ portenderent exortos à Iudæa duces rerum potituros fore, prædictumque ad se trahentes, in rebellionem exarserunt. Extinctisq; Romanis præsidijs, legatum quoq; Syriæ suppetias ferentem, rapta aquila & cæsis copijs, fugauerunt. Ad hos Vespasianus à Nerone missus, Titum filium suum maiorem inter legatos habuit. Nā multas & validas legiones secum in Syriam traiecit. Itaque cum Iudæos multis eorum oppidis captis, in urbem Hierosolymorū, præcipue ob diem festū cōgregatos obsidione clausisset, cognita

Neronis morte, hortatu plurimorum regum & ducum maximè Iosephi Iudæorū ducis sententia, qui captus, cum in vincula conijceretur, constantissimè dixerat (sicut Suetonius refert) cōtinuo se ab eodem, sed imperatore, soluendum, imperium adeptus est: relictoq; in castris ad procurationem obsidionis Hierosolymorū filio Tito, per Alexandriam profectus est Romam. Sed cognita interfectione Vitellij, paulisper Alexandriæ substitit. Titus vero magna ac diuturna obsidione Iudæos premens, machinis cunctisq; bellicis molibus non sine multo suorum sanguine tandem muros ciuitatis irrupit. Sed ad expugnandam interiorem templi munitionem, quā reclusa multitudo sacerdotum ac principum tuebatur, maiore vi & mora opus fuit. Quod tamen postquam in potestatem redactum opere atque antiquitate suspexit, diu deliberauit, utrū tanquam incitamentum hostium incenderet, an in testimoniū victoriæ reseruaret. Sed ecclesia dei iam per totum orbem vberri-
mè germinante, hoc tanquam effœtum ac vacuum, nulliq; vsui bono commodum, arbitrio Dei auferendum fuit. Itaque Titus imperator ab exercitu pronuntiatus,
templum

templum in Hierosolymis incendit ac diruit: quod à die conditionis primæ vsque ad diem euersionis vltimæ, manserat annis MCII: Muros vrbs vniuersos solo adæquauit. DC. millia Iudæorum eo bel-
interfecta, Cornelius & Suetonius referunt. Iosephus vero Iudæus, qui ei tunc bello præfuit, & apud Vespasianum propter prædictum imperium veniam gratiamque meruerat, scribit vndecies centena millia gladio & fame perisse, reliquias vero Iudæorum diuersis actas conditionibus toto orbe dispersas: quarum numerus ad nonaginta millia hominum fuisse narratur. Vespasianus & Titus imperatores, magnificum agentes de Iudæis triumphum, urbem ingressi sunt. Pulchrum & ignotum antea cunctis mortalibus inter trecentos viginti triumphos, qui à conditione vrbs vsque in id tempus acti erant, hoc spectaculum fuit, patrem & filium vno triumphali curru vectos, gloriosissimam ab his, qui patrem & filium offenderant, victoriam reportasse. Qui continuo omnibus bellis ac tumultibus domi forisque compressis, pacem totius orbis pronuntiauerunt, & Ianum geminum obsecratis cohiberi claustris, sexto demum

* Samo-
thracia.

ipsi post urbem conditam censuerunt. Iure enim idem honos ultioni passionis domini impensus est, qui etiam natiuitati fuerat attributus. Tunc deinde sine ullis bellorum tumultibus in immensum Respublica Romana prouehitur: siquidem Achaia, Lycia, Rhodus, Byzantiû, * Samos, Thracia, Cilicia, Commagene, tum primum redactæ in prouincias, Romanis iudicibus legibusq; paruerunt. Nono autem imperij eius anno tres ciuitates Cypri terræ motu corruerunt, & Romæ magna pestilentia fuit. Vespasianus autem in villa propria circa Sabinos nono anno principatus sui profluuiò vêtis mortuus est. Anno ab urbe cõdita octingentesimo vigesimo octauo, Titus segregatis à numero principû Othone & Vitellio, ab Augusto octauus biennio post Vespasianum regnauit. Cuius tanta tranquillitas in imperio fuit, vt nullius omnino sanguinem in republica administrâda fuisse referatur. Et tamen tunc Romæ orto repenti incendio, plurimæ ædes publicæ concrematae sunt. Abruptum tunc etiam Vesuij montis verticem magna profudisse incendia ferunt, torrentibusque flammarum vicina regionis cum urbibus hominibusq; delese.

deleſſe. Titus cum ingenti omnium luſtu
in eadem villa, qua pater eius, morbo aſ-
ſumptus eſt.

*De Flauij Domitiani Caſaris imperio, rebus ge-
ſtis & facinoribus.*

CAPVT X.

ANno ab vrbe condita octingēteſi-
mo triceſimo, Domitianus Titi fra-
ter, ab Auguſto nonus, fratri ſucceſſit in
regnū. Qui per annos quindecim ad hoc
paulatim per omnes ſclerum gradus cre-
uit, vt confirmatiſſimam toto orbe Chri-
ſti eccleſiam, datis vbique crudeliſſimæ
perſecutionis ediſtis, conuellere auderet.
Is in tantam ſuperbiam prolapſus fuit, vt
dominū ſeſe ac deum vocari, ſcribi, coli-
que iuſſerit. Nobiliſſimos è ſenatu, inui-
diæ ſimul ac prædæ cauſa, alios palam in-
terfecit, alios in exilium truſit, ibique tru-
cidari imperauit. Libidinis intemperātia
quicquid cogitari poteſt, fecit. Plurimas
vrbis ædes, deſtructis populi Romani re-
bus, extruxit. Bellū aduerſum Germanos
& Dacos per legatos geſſit pari reip. per-
niciæ, cū & in vrbe ipſe ſenatū populūq;
laniaret, & foris male circumactum exer-
cituſ alſidua hoſtes cæde conficerent.

Nam quanta fuerint Diurpaneſi Dacorū

Pp

4

regis

regis cum Fusco duce prælia, quantæque Romanorum clades, longo textu euoluere, nisi Cornelius Tacit. qui hanc historiam diligentissimè contexuit, de reticendo interfectorum numero, & Sallustium Crispum, & alios auctores quamplurimos sanxisse, & se ipsum idem potissimū elegisse dixisset. Domitianus tamen prauissima elatus iactantia, sub nomine superbiorum hostium de extinctis legionibus triumphauit. Idemque efferatus superbia, qua se deum coli vellet, persecutionem in Christianos agi secundus à Nerone imperauit. Quo tempore etiā beatissimus Iohannes apostolus in Patmum insulam relegatus fuit. Inter Iudeos quoque acerbitate tormentorum & cruentissimæ quæstionis exquiri genus David, atque interfici præceptum est, dum prophetis sanctis & inuidetur, & creditur, quasi adhuc futurus esset ex semine David, qui regnū posset adipisci. Continuo tamē Domitianus crudeliter in palatio à suis interfectus est: cuius cadauer populari sandapila per vespillones exportatum, atq; ignominiosissimè sepultum est.

Coccej Nerua Caesaris imperium.

CAPVT XI.

Anno

ANno ab vrbe condita octingentesimo quadregesimo sexto, quamuis Eutropius quinquagesimum hūc esse annum scripserit, Nerua admodum senex à Petronio præfecto prætorio, & Parthenio spadone interfectore Domitiani, imperator decimus ab Augusto creatus, Traianum in regnum adoptauit, per quē reuera afflictæ Reip. diuina prouisione cōsuluit. Hic primo edicto suo cunctos exules reuocauit: vnde & Iohannes apostolus hac generali indulgentia liberatus, Ephesum redijt: emensoque anno imperij sui, Nerua confectus morbo diem obijt.

D. Vlpij Traiani Caf. Augusti imperium, & res geste.

CAPVT XII.

ANno ab V. C. DCCCXLVII. Traianus genere Hispanus, XI. ab Augusto, reipub. gubernacula Nerua tradente suscepit, ac per annos decem & nouē tenuit. Apud Agrippinam Galliæ urbem insignia sumpsit imperij: mox Germaniam trans Rhenum in pristinum statum reduxit: trans Danubium multas gentes subegit. Regiones autem trans Euphratem & Tigrim sitas prouincias fecit. Seleuciam

P p

s

& Cte-

& Ctesiphontē & Babylonē occupauit. In persequendis sane Christianis errore deceptus, tertius à Nerone cū passim re-
pertos cogi ad sacrificandū idolis, ac de-
trectantes interfici præcepisset, plurimi-
que interficerentur, Plinij Secundi, qui in-
ter cæteros iudices persecutor datus fue-
rat, relatu admonitus, eos homines præ-
ter confessionē Christi honestaq; conuē-
tacula nihil contrariū Romanis legib. fa-
cere, fiducia sane innocentis cōfessionis
nemini mortē grauem ac formidolosam
videri, rescriptis illico leniorib. tēpera-
uit edictū. Veruntamen continuo Romæ
aurea domus, à Nerone totis priuatis pu-
blicisq; rebus impensis condita, repētino
conflagrauit incendio: vt intelligeretur
missa etiā ab alio persecutio in ipsius po-
tissimē monumentis, à quo primū exorta
esset, atq; in ipso auctore puniri. Terrēmo-
tu IIII. vrbes Asiæ subuersæ, Helea, My-
rina, Pitane, Syme & Græciæ ciuitates
duæ, Opuntiorū & Oritorū. Tres Gala-
tiæ ciuitates eodē terræmotu dirutæ. Pan-
theon Romæ fulmine concrematū. Ter-
ræmotus Antiochiā pene totam subruit
ciuitatē. Incredibili deinde motu sub vno
tēpore Iudæi, quasi rabie efferati, per di-
uersas

uerfas terrarum partes exarserunt. Nam & per totam Libyam aduersus incolas atrocissima bella gesserunt: quæ adeo tunc interfectis cultoribus desolata est, vt nisi postea Hadrianus imperator collectas illuc aliunde colonias deduxisset, vacua penitus terra, abraſo habitatore, mansisset. Aegyptum vero totam & Cyrené & Thebaida cruētis seditionibus turbauerūt. In Alexandria autem commisso prælio victi & attriti sunt. In Mesopotamia quoq; rebellantibus iussu imperatoris bellū illatū est. Itaque multa millia eorum vasta cæde deleta sunt. Sane Salaminam urbem Cypri, interfectis omnibus accolis, deleuunt. Traianus, vt quidā ferunt, apud Seleuciam Iſauriæ urbem profluuiū ventris extinctus est.

D. Aelius Hadrianus Caesar, eiusq; imperium.

CAPVT XII.

ANno ab vrbe condita octingentesimo sexagesimo septimo Hadrianus consobrinæ Traiani filius, XII. ab Augusto principatum adeptus, vno & viginti annis imperauit. Hic per Quadratum discipulum apostolorum, & Aristidem Atheniensem, virum fide sapientiaque plenumque, & per Serenum Granium legatū,
libris

libris de Christiana religione compositis instructus atque eruditus, præcepit per epistolam, ad Minucium Fundanum proconsulem Asiæ datam, vt nemini liceret Christianos sine obiectu criminis aut probatione damnare. Idem quoque continuò pater patriæ in senatu vltra morem maiorum appellatur, & vxor eius Augusta. Hadrianus rempublicam iustissimis legibus ordinauit, bellum contra Sauro-matas gelsit & vicit. Iudæos sane perturbatione scelerum suorum exagitatos, & Palæstinam prouinciam, quondam suam depopulantes, vltima cæde perdomuit: vltusque est Christianos, quos illi Cotheba duce, quod sibi aduersus Romanos non assentarentur, excruciabant. Præcepitque, ne cui Iudæo introeundi Hierosolymam esset licentia, Christianis tantum ciuitate permissa: quam ipse in optimum statum, murorum extructione reparauit, & Aeliã vocari de prænomine suo præcepit.

D. Antonini Pij Cæsaris imperium.

CAPVT XIII.

ANno ab vrbe condita octingentesimo octogesimo octauo, Antoninus cognomẽto Pius, decimustertius ab Augusto

gusto imperator creatus, cum liberis suis Aurelio & Lucio, viginti & non plenis tribus annis remp. gubernauit, adeo tranquille & sancte, vt merito pius, & pater patriæ nominatus sit. Huius tamen temporibus Valentinus heresiarches, & Cerdo magister Marcionis Romam venerūt. Verum Iustinus philosophus librum pro Christiana religione compositum Antonino tradidit, benignumq; eū erga Christianos homines fecit. Antoninus ad duodecimum ab vrbe lapidem morbo correptus, interijt.

M. Antoninus Verus quid in imperio suo gesserit.

CAPVT XV.

ANno ab vrbe condita DCCCCXI. Marcus Antoninus Verus, decimus quartus ab Augusto, regnū cum Aurelio Cōmodo fratre suscepit, mansitque in eo annis decē & nouem. Hi primi rempub. æquo iure tutati sunt, bellum deinde cōtra Parthos admirabili virtute & felicitate gesserūt. Lucius Antoninus Verus ad id bellū profectus est. Vologæsus enim rex Parthorū, graui eruptione Armeniā, Cappadociam, Syriamque vastabat. Sed Antoninus per strenuissimos duces magnis

gnis rebus gestis, Seleuciam Assyriæ urbem super Hydaspem fluuiū sitam, cū quadringentis millibus hominum cepit, & cum fratre de victoria Parthica triūphauit, ac non multò post, dum cum fratre in vehiculo sedet, casu morbi, quē apoplexiam Græci vocant, suffocatus interiit. Eo defuncto, Marcus Antoninus solus reipub. præfuit. sed in diebus Parthici belli persecutiones Christianorum quarta iam post Nerorem vice, in Asia & in Gallia graues præcepto eius extiterunt, multiq; sanctorum martyrio coronati sunt. Secuta est lues plurimis insula prouincijs: totāque Italiam pestilentia tanta vastauit, vt paucissimæ villæ, agri atque oppida sine cultore atq; habitatore deserta, in ruinas syluasque concesserint. Exercitum vero Romanorum, cunctasque legiones per longinqua latè hiberna dispositas, ita consumptas ferunt, vt Marcomanicum bellum, quod continuo exortum est, non nisi nouo delectu militum, quem triennio iugiter apud * Carnotum Marcus Antoninus habuit, gestum fuisse referatur. Hoc quidem bellum prouidentia Dei administratum esse cum plurimis argumentis, tū præcipue epistola grauissimi ac modestissimi

Carnunti-
um,

stiffissimi imperatoris apertiffimè declaratum est. Nam cum insurrexissent gentes immanitate barbaræ, multitudine innumerabiles, hoc est, Marcomani, Quadi, Vandali, Sarmatæ, Sueui, atque omnis pene Germania, & in Quadorum vsque fines progressus exercitus, circunuetulque ab hostibus, propter aquarû penuriâ, presentius sitis quàm hostis periculû sustineret: ad inuocationê nominis Christi, quâ subito magna fidei constâtia quidam milites effusi in preces palam fecerunt, tanta vis pluuiæ effusa est, vt Romanos quidê largissimè ac sine iniuria refecerit, barbaros autem crebris fulminû ictibus perterritos, præsertim cum plurimi eorum occiderentur, in fugam coëgerit. Quorum terga Romani vsque ad internecionem cædêtes, gloriosissimam victoriam, & omnibus pene antiquorum titulis præferendam, rudi paruoque militum numero, sed potentissimo Christi auxilio, reportarunt. Extare etiam nunc apud plebsque dicuntur literæ Imperatoris Antonini, vbi inuocatione nominis Christi p milites Christianos, & sitim illam depulsam, & collatâ fatetur fuisse victoriâ. Idêque Antoninus Commodum filium suum
assum-

assumpsit in regnum, præteriti etiam temporis per omnes prouincias tributa donauit, omniaque simul fiscalium negotiorum calumniola monimenta congesta in foro iussit incendi, seuerioresque leges nouis constitutionibus temperauit. Postremo in Pannonia cōstitutus, repentino morbo diem obiit.

L. Antonini Commodi, P. Aelij Pertinacis, & Didij Iuliani Caesarum Augg. imperia.

CAPVT XVI.

ANno ab vrbe condita nongentesimo tricesimo, Lucius Antoninus Cōmodus, decimusquintus ab Augusto patri succelsit in regnum: māsitque in eo annis tredecim. Aduersus Germanos bellum feliciter gelsit. Cæterum per omnia luxuriæ & obloenitatis dedecora deprauatus, gladiatorijs quoque armis sæpissimè in ludo depugnauit, & in amphitheatro feris sese obiecit frequenter: interfecit etiam quamplurimos senatores, maxime quos animaduertit nobilitate industriaque excellere. Flagitia regis, pœna vrbis insequitur. Nam fulmine Capitolium ictum, ex quo facta inflammatio bibliothecam illam maiorum cura studioque compositam, ædesque alias iuxtà sitas, rapaci turbine

bine concremauit. Deinde aliud incendi-
um postea Romæ exortum, ædem Vestæ
& palatium, plurimamque vrbis partem
solo cœquauit. Commodus cunctis in-
commodus, in domo Vestiliani strangu-
latus interiisse fertur, hostis generis hu-
manietiam viuus iudicatus. Post hunc à
senatu creatus est senex Aelius Pertinax;
XVI. ab Augusto, qui sexto mense quàm
regnare cœperat, Iuliani Iurisperiti sceler-
e in palatio occisus est. Iulianus interfe-
cto Pertinace, inuasit imperium: sed mox
à Seuero apud pontem Muluium bello ci-
uili victus, & interfectus est mense septi-
mo postquam cœperat imperare. Ita inter
Pertinacem & Iulianum vnus annus ab-
sumptus est.

*De imperio Septimij Seueri Pertinacis Caesaris
Aug. quomodo Christianos afflixerit.*

CAPVT XVII.

ANno ab vrbe condita nongentesi-
mo quadragesimo quarto, Seuerus
genere Afer Tripolitanus, ab oppido Le-
pti: qui se ex nomine imperatoris, quē oc-
cisum ultus fuerat, Pertinacem appellari
voluit, decimus septimus ab Augusto de-
stitutum adeptus imperium, decē & octo
annis tenuit. Hic natura sæuus, multis
Qq semper

semper bellis laceratus, fortissimè quidè
rempub. sed laboriosissimè rexit. Pelcen-
nium nigrum, qui in Aegypto & Syria
ad tyrannidem aspirauerat, apud Cyzicū
vicit & interfecit. Iudæos & Samaritas
rebellare conantes ferro coërcuit. Par-
thos & Arabas Adiabenosque superauit.
Quinta post Neronem persecutione Chri-
stianos excruciauit, plurimi que sanctorū
per diuersas prouincias martyrio coro-
nati sunt. Hanc profanam in Christianos
& ecclesiam Dei præumptionem Seueri,
coelestis ultio è vestigio acta subsequi-
tur. Nam continuo rapitur, vel potius re-
trahitur in Galliam Seuerus è Syria ad ter-
tiū ciuile bellum. vnum iam enini Romæ
aduersum Iulianum, aliud in Syria contra
Pescennium gesserat, tertium Clodius
Albinus Iuliani in occidendo Pertinace
socius, qui se in Gallia Cæsarem fecerat,
suscitabat: cuius bello multum vtrunque
Romani sanguinis fuscum est. Albinus ta-
men apud Lugdunum oppressus & inter-
fectus est. Seuerus victor in Britannias
defectu pene omnium sociorum trahi-
tur. vbi magnis grauibusque prælijs sæpe
gestis, receptam partem insulæ à cæteris
indomitis gentibus vallo distinguendam
puta-

putauit. Itaque magnam fossam firmissimumque vallum crebris insuper turribus comminutum per centum triginta & duo millia passuum à mari ad mare duxit. Ibi-que apud Eboracum oppidum morbo obijt, relinquens duos filios, Bassianum & Getam. quorum Geta hostis publicus iudicatus, interijt: Bassianus Antonini cognomine assumpto, regno potitus est.

De Aurelij Antonini Caracallæ, Opilij Macrini, M. Aurelij Antonini Heliogabali, & Aurel. Alexandri Seueri imperijs.

CAPVT XVIII.

ANno ab vrbe condita nongentesimo sexagesimo secundo, Aurelius Antoninus Bassianus, idemque Caracalla, decimus octauus ab Augusto principatum adeptus est, mansitque in eo annis non plenis septem. Vixit patre asperior, omnibus libidine intemperantior, qui etiam nouercam suam Iuliam vxorem duxerit. Hic contra Parthos bellum moliens inter Edessam & Carras ab hostibus circumuētus, occisus est. Post hūc decimus nonus ab Augusto Opilius Macrinus, qui præfectus prætorio erat, cū filio Diadumeno inuasit imperiū: sed emenso anno continuo apud Archelaidē militari tumultu

voluntate imperator ab exercitu, post-
quàm bellum in Germania prospere gesse-
rat creatus, persecutionem in Christianos
sextus à Nerone exercuit. Sed continuò,
hoc est, tertio quàm regnabat anno, à Pu-
pieno Aquileiæ interfectus, & persecuti-
onis & vitę finem fecit. Qui maxime pro-
pter Christianam Alexandri, cui succel-
lerat, & Mamææ matris eius familiam,
persecutionem in sacerdotes & clericos,
id est, doctores, vel præcipue propter O-
rigenem presbyterum miserat. Anno ab
vrbe condita nongentesimo XCI. Gor-
dianus vigesimustertius ab Augusto im-
perator creatus est, mansitque in eo annis
sex. Nā Pupienus interfecto Maximini,
& frater eius Albinus, qui vsurpauerant
imperium, in palatio mox interfecti sunt.
Gordianus admodum puer in orientem
ad bellum Parthicum profecturus, sicut
Eutrop. scribit, Iani portas aperuit: quas
vtrum post Vespasianū & Titum aliquis
clauferit, neminem scripsisse memini, cum
tamen eas ab ipso Vespasiano post an-
num apertas, Cornelius Tacitus prodat.
Igitur Gordianus ingentibus prælijs ad-
uersum Parthos prospere gestis, suorum
fraude haud longe à Circesio super Eu-
phratem

phratem interfectus est.

Imperium M. Iulij Philippi cum filio.

CAPVT XX.

ANno ab vrbe condita nongentesimo XCVII. Philippus vicesimus-quartus ab Augusto imperator creatus, Philippum filium suum consortem regni fecit, mansitque in eo annis septem. Hic primus imperatorum omnium Christianus fuit, ac post tertium imperij eius annum, millesimus à conditione Romæ annus impletus est. Ita ludis magnificis augustissimus omnium præteritorum hic natalis annus à Christiano imperatore celebratus est. Nec dubium est, quin Philippus huius tantæ deuotionis gratiam & honorem ad Christum & ecclesiam reportarit, quando vel ascensum fuisse in Capitoliū, immolatasque ex more hostias nullus auctor ostendit, Ambo tamen, quauis diuersis locis, tumultu militari & Decij fraude interfecti sunt.

Quincti Traiani Decij, & Galli Hostiliani cum Volusiano filio imperium.

CAPVT XXI.

ANno ab vrbe condita millesimo quarto, Decius civilis belli incensor & repressor, occisis Philippis, XXV.

ab

ab Auguſto inuaſit imperium, tenuitque annis tribus. Idem continuo, in quo ſe etiam ob hoc Philippos interfeciſſe docuit, ad perſequendos interficiendosq; Chriſtianos, VII poſt Neronem feralia diſperſit edicta, plurimosque ſanctorum ad coronas Chriſti de ſuis crucibus miſit. Idemq; filium ſuum Cæſarem legit, cum quo ſimul cōtinuo in medio barbarorum ſinu interfectus eſt. Anno ab vrbe condita milleſimo ſeptimo, Gallus Hoſtilianus viceſimūſextus ab Auguſto regnum adeptus, vix duobus annis cū Voluſiano filio obtinuit. Exoritur vltio violati nominis Chriſtiani, & vſquequo ad profligandas eccleſias edicta Decij cucurrerunt, eatenus incredibilium morborum peſtis extenditur. nulla fere prouincia Romana, nulla ciuitas, nulla domus fuit, quæ non illa generali peſtilentia correpta atque vaſtata ſit. Hac ſola pernicie inſignes Gallus & Voluſianus, dum contra Aemilianum nouis rebus ſtudentem bellum ciuile moliuntur, occiſi ſunt. Aemilianus tamen tertio menſe inuaſæ tyrannidis extinctus eſt.

Valerianus & Gallienus quomodo & quamdiu impetraverint. Interim de perſecutione eccleſiæ,

eiusq; per varia bella & tyrannorum conspirationes ultione.

CAPVT XXII.

ANno ab vrbe condita millesimo X. duo imperatores vigesimo septimo post Augustum loco creati sunt. Valerianus in Rhetia ab exercitu Augustus est appellatus. Romæ autem à senatu Gallienus Cæsar creatus, mansitque Gallienus in regno infœliciter annis quindecim, respirante paulisper ab illa supra solitum iugi & graui pestilentia humano genere. Prouocat pœnam suam obliuiosa malitia. Impietas enim flagella quidem excruciat lentit, sed à quo flagellatur, obdurata non sentit. Vt de superioribus taceam, facta à Decio Christianorum persecutione totum Romanum imperium pestilentia magna vexauit. Mentita est iniquitas sibi, prauo in perniciem suam circumuenta iudicio pestilentiam communis casus esse, accidentemque ex morbis mortem, naturæ finem esse, non pœnam. Rursus igitur atque in breui iram dei sceleratis actionibus prouocat, exceptura plagam, cuius aliquâdo meminisse cogatur. Valerianus siquidem mox vt arripuit imperium octauus à Nerone, adigi per torméta Christianos

stianos ad idololatriam, abnegantesque interfici iussit, fulo per omnem Romani regni latitudinem sanctorum sanguine. Valerianus illico, nefarij auctoꝝ edicti, à Sapore Persarum rege captus, imperator populi Romani, ignominiosissima apud Persas seruitute consenuit: hoc infamis officij continua, donec vixit, damnatione sortitus, vt ipse acclinis humi, regem semper ascensurum in equum non manu sua, sed dorso attolleret. Et Gallienus quidem tam claro Dei iudicio territus, tamque misero collegæ permotus exemplo, pacem ecclesijs trepida satisfactione restituit, Sed nõ compensans iniuriæ ultionisque mensuram vnus impij, quamuis perpetua & supra modum abominanda captiuitas, contra tot millia excruciatæ sanctorum, iustorumque sanguis ad Deum clamans, in eadem sese terra vbi fulus est, vindicari rogat. Non enim de solo constitutore præcepti iusto supplicium iudicio flagitabatur, sed etiam executores, delatores, accusatores, spectatores, ac iudices, postremo omnes qui iniustissimæ crudelitati vel tacita voluntate assentiebantur, quia Deus secretorum cognitor est, & quorum maxima per omnes prouincias

pars hominum versabatur, eadem ultionis plaga corripere iustum erat. Soluuntur repente vndique permissu Dei ad hoc circumpositæ relictæque gentes, laxatisque habenis, in omnes Romanorum fines inuehuntur. Germani Alpibus, Rhetia, totaq; Italia penetrata, Rauenam usq; perueniunt. Alamanni Gallias peruagantes, etiam in Italiam transeunt. Græcia, Macedonia, Pontus, Asia, Gothorum inundatione deletur. Nam Dacia trans Danubium in perpetuum auferitur. Quadi & Sarmatæ Pannonias depopulantur. Germani ultiores abrapotiuntur Hispania. Parthi Mesopotamiam auferunt, Syriamq; corrodunt. Extant adhuc per diuersas prouincias in magnarum urbium ruinis parue & pauperes * ædes, signa miseriarum, & nomen indicia seruantes: ex quibus nos quoque in Hispania Tarraconem nostram ad consolationem miseriarum recentis ostendimus. Et ne quid forte Romani corporis ab hac dilaceratione cessaret, conspirant intrinsecus tyranni, consurgunt bella ciuilia, funditur ubique plurimus sanguis Romanorum, Romanis barbarisque seuiuentibus. sed cito ira Dei in misericordiam vertitur, & cœptæ ultionis maior forma quam

* sex

ma quam pœna in mensuram plenitudinis reputatur. Igitur primus Genuus, qui purpuram imperij sumplerat, apud Myrsam occiditur. Postumus in Gallia inuasit tyrannidē, multo quidem reipublicæ cōmodo. Nam per decē annos ingenti virtute ac moderatione vsus, & dominantes hostes expulit, & perditas prouincias in pristinam faciem reformauit, seditione tamen militum interfectus est. Aemilianus apud Moguntiacum, cum res nouas moliretur, oppressus est. Post mortem Postumi Marius ibidem inuasit imperium, sed continuo interfectus est. Deinde Victorinus à Gallis vltro creatus, & post paululum occisus est. Huic successit Tetricus, qui tunc Aquitanicæ præsidatus administrabat officium, multasque seditiones militum pertulit. Ac vero in oriente per Odenatum quendā, collecta agresti manu, victi repulsiq̃ue Persæ, defensa Syria, recepta Mesopotamia est, & vsque ad Ctesiphontem rusticani Syriæ cum Odenato suo vincendo venerunt. Gallienus autē cum repub. deseruisset, ac Mediolani libidinibus inseruiret, occisus est.

Flavius Claudius, Aurelius Quintillus, & Valerius Aurelianus imperatores.

CAPVT XXIII.

ANno ab vrbe condita millesimo vicesimoquinto, Claudius XXVIII. voluntate senatus sumpsit imperium, statimque Gothos iam per annos quindecim Illyricum Macedoniamque vastantes bello adortus, incredibili strage deleuit, cui à senatu clypeus aureus in curia, & in Capitolio statua æque aurea decreta est. sed cōtinuò apud Syrmium priusquam biennium in imperio expleret, morbo correptus interiit. Claudio mortuo, Quintillus frater eius ab exercitu imperator electus, vir quidem moderationis vnicae, & solus fratri præferendus, XVII. imperij die interfectus est. Anno ab vrbe condita millesimo vicesimo septimo, Aurelianus vicesimus nonus imperiũ adeptus, quinque annis & sex mensibus tenuit, vir industria militari excellētissimus. Expeditione in Danubiũ suscepta, Gothos magnis prælijs profligauit, ditionemque Romanam antiquis terminis statuit. Inde in orientem conuersus, Zenobiam, quæ occiso Odenato marito suo Syriã receptã sibi vindicabat, prælij magis terrore quàm prælio

prælio in potestatem redegit. Tetricum in Gallia minimè sufficientem, sustinere seditiones militum suorum, scribentemq; etiam, Eripe me his inuicte malis, ac per hoc proditorè exercitus sui, sine labore superauit. Sic orientis & aquilonis receptor magna gloria triumphauit: urbem Romam muris firmioribus cinxit. Nouissimè cum persecutionem aduersus Christianos agi, nonus à Nerore decerneret, fulmen ante eum magno pauore circumstantium ruit, ac non multo post in itinere occisus est.

Claudius Tacitus, Annius Florianus, Aurel. Valerius Probus, & M. Aurelius Carus imperatores.

CAPVT XXIIII.

ANno ab vrbe condita millesimo tricesimo secundo, Tacitus tricesimus adeptus imperium, sexto mense occisus in Ponto est. Post quem Florianus parem regni sortem ferens, tertio demum mense apud Tarsum interfectus est. Anno ab vrbe condita millesimo tricesimo tertio, Probus tricesimus primus regnū sortitus, obtinuit annis sex & mensibus quatuor. Gallias iam dudum à barbaris occupatas, per multa & grauia prælia deletis tandem

tandem hostibus, ad perfectum liberauit. Bella deinde ciuilia equidē plurimo sanguine duo gessit: vnum in oriente, quo Saturnium tyrannide subnixum oppressit & cepit: aliud, quo Proculum & Bonosum apud Agrippinam magis prælijs superatos interfecit. Ipse autem apud Syrmium in turre ferrata militari tumultu interfectus est. Anno ab vrbe cōdita millesimo tricesimonono, Carus Narbonensis, tricesimussecundus suscepit imperium, ac biennio tenuit. Qui cum filios suos Carinum & Numerianum consortes regni effecisset bello Parthico, postquā duas nobilissimas Parthorum vrbes Cochē & Ctesiphontem cepit, super Tigridem in castris fulmine ictus interijt. Numerianus, qui cum patre fuerat, rediens, fraude Apri soceri sui interfectus est.

C. Aurelius Valerius Diocletianus quomodo imperauerit, & quid sub eo perq̃, eum gestū sit. Romanum imperium primo dissectum.

CAPVT XXV.

ANno ab vrbe cōdita millesimo quadagesimoprmo, Diocletianus tricesimustertius ab exercitu imperator electus, annis viginti fuit. Statimquē vt potestatis copiam habuit Aprum interfectorem

Storem Numeriani manu sua interfecit. Carinum deinde, quem Carus Cæsarem in Dalmatia reliquerat, flagitiosè viventem, difficillimo bello & maximo labore superavit. Dehinc cum in Gallia Aman- dus & Aelianus collecta rusticorum manu, quos Vacaudas vocabant, perniciosos tumultus excitavissent, Maximianum cognomento Herculium Cæsare fecit, misitque in Gallias: qui facile aggressi hominum imperitam & confusam manum militari virtute compescuit. Deinde Carausius quidam, genere quidem infimus, sed consilio & manu promptus, cum ad observanda oceanii litora, quæ tunc Franci & Saxones infestabant positus, plus in perniciem, quàm in prouectum reipublicæ ageret, ereptam prædonibus prædam nulla ex parte restituendo dominis, sed sibi soli vindicando, æcendens suspicionem, quia ipsos quoque hostes ad incur sandos fines artificii negligentia permetteret, quamobrem à Maximiano iussus occidi, purpuram sumpsit, ac Britannias occupavit. Igitur per omnes Romani imperij fines subitarum turbationum fragores concrepuerunt. Carausio rebellante in Britannijs, Achilleo in Aegypto, cū & Africam

Quin-

Quinquegentiani infestarent, Narseus etiam rex Persarum orientem bello premeret. Hoc periculo Diocletianus permotus Maximianum Herculum ex Cæsare fecit Augustum, Constantium vero & Maximianum Galerium, Cæsares legit. Constantius Herculi Maximiani priuignam Theodoram accepit vxorē: ex qua sex filios fratres Constantini sustulit. Carausius Britannia sibi per septem annos fortissimè vindicata ac retenta, tandem fraude Allecti socij sui interfectus est. Allectus postea ereptam Carausio insulam per triennium tenuit, quem Asclepiodotus præfectus prætorio oppressit, Britanniamque post decem annos recepit. Constantius verò Cæsar in Gallia primo prælio ab Alamannis profligato exercitu suo vix ipse surreptus est: secundo autem secuta est satis secunda victoria. Nam paucis horis sexaginta millia Alamannorum cæsa referuntur. At Maximianus Augustus Quinquegentianos in Africa domuit. Porro autem Diocletianus Achilleum obessum per octo menses apud Alexandriam cepit & interfecit. Sed immoderata victoria vsus Alexandriam direptioni dedit, Aegyptum totam proscriptionibus

bus cædibusque fœdauit. Præterea Galerius Maximianus, cum duobus iam præliis aduersus Narseum conflixisset, tertio inter Gallinicum & Carras congressus & victus, amissis copijs, ad Diocletianum refugit. A quo arrogatissime excepit, ita ut per aliquot millia passuum purpuratus ante vehiculum eius cucurrisse referatur. Veruntamen hac contumelia quasi cote ad virtutem usus est, per quam detrita regij fastus rubigine, aciem mentis expedit. Itaque mox per Illyricum & Mœsiam vndique copias contraxit, raptimque in hostem reuersus, Narseum magnis consilijs viribusque superauit. Extinctis Persarum copijs, ipsoque Narseo in fugam acto, castra eius inuasit, vxores, sorores, liberosque cepit, immensam vim gazæ Persicę diripuit, captiuos quamplurimos Persarum nobilium abduxit. Reuersus in Mesopotamiam, à Diocletiano plurimo honore susceptus est. Postea per eisdem duces strenue aduersus Carpos, Basternasque pugnatum est. Sarmatas deinde vicerunt: quorum copiosissimam captiuam multitudinem per Romanorum finium disperdere præsidia. Interea Diocletianus in oriente, Maximianus Herculus

in occidente vastari ecclesias, affligi interficique Christianos decimo post Nerone loco preceperunt. quæ persecutio omnibus ferè antè actis diuturnior atque immanior fuit. Nam per decem annos incendijs ecclesiarum, proscriptionibus innocentum, cædibus martyrum incessabiliter acta est. Sequitur terræmotus in Syria, ex quo apud Tyrum & Sidonem passim labentibus tectis, multa hominū milia prostrata sunt. Secundo persecutionis anno Diocletianus ab inuito exegit Maximiano, vt simul purpuram imperiumq; deponerent, ac iunioribus in remp. substitutis, ipsi in priuato otio consenescerent. Itaq; sub vna die Diocletianus apud Nicomediam, Maximianus apud Mediolanum, potestatē imperij simul cultumq; posuerunt. Galerius & Constantius Augusti, primi Romanum imperiū in duas partes determinauerunt: Galerius Maximianus Illyricum, Asiam & orientem: Constantius Italiā, Africam, Hispaniā, & Gallias obtinuit. Sed Cōstantius vir trāquillissimus, Galliatantum: Hispaniaque contentus, Galerio ceteris partibus celsit. Galerius duos Cæsares legit, Maximinum, quem in oriente constituit, & Seuerum, cui

cui permisit Italiam, ipse in Illyrico constitutus. Constātiū vero Augustus summæ mansuetudinis & ciuilitatis, in Britannia mortem obiit. qui Constantinum filium ex concubina Helena creatum imperatorem Galliarum reliquit.

Constātinus Magnus imperator Cas. Augu. Interim obiectiones aduersariorum de nouissima decennialiq; ecclesie vastatione pulchrè diluit.

CAPVT XXVI.

ANno ab vrbe condita millesimo sexagesimo primo, Cōstantinus tricesimusquartus ab Augusto gubernacula imperij à Constantio patrē suscepit, quæ vno & triginta annis foelicissimè tenuit. Occurritur mihi subito, & tripudijs quibusdam insultatur: Eia, inquiunt, tandē in foueas nostras diu expectate venisti; hic te decursurum opperiebāmur, hic delapsū opprimimus, hic cōfusum tenemus. Sustinuimuste hactenus artificiosè quodammodo & callide fortuitas temporum mutationes Christianorū vltionibus coaptantem. Et interdum quidem verissimilium specie permoti, vtpote homines ignari diuinorum secretorū, timore paluimus, sed nunc euacuauit Maximianus noster omnem scenam fabulæ tuæ,

nostræque religionis antiquitatem columnainexpugnabilis fulsit. Per annos decem euersæ sunt ecclesiæ vestræ, vt etiã tu fateris: dilacerati cruciatibus, exinanimi mortibus toto orbe Christiani. Teneamus euident testimonium tuum, nullam superiorem persecutionem adeo vel grauem vel diuturnam fuisse. Et tamen ecce inter tranquillissima temporum bona, ipsorum quoque imperatorum, qui ista fecerunt, inusitata felicitas. Nulla domifames, nulla pestilentia, nullum foris bellum nisi volũtarium, quo exerceri vires, non periclitari, queant. Res præterea humano generi huculque incognita, multorum simul regum patiens consortium, & magna concordia, potestasque communis, alias nunquam, nunc in cõmune prospiciens. Deinde etiam quod absque vlla hætenus mortalium notitia est, imperatores illi maximi quippe & persecutores, honore deposito & assumpta quiete, priuati, quod beatissimum homines, & summum bonum vitæ bonæ iudicant, & hoc tunc velut præmij loco, auctores persecutionis adepti sunt, quando accensa persecutio, medio sui tempore toto orbe sæuebat. An etiam hanc beatitudinem illis

tempo-

temporibus pœnaliter accidisse aſſeris & nos hinc quoque terrere moliris? Quibus humiliter reſponderim, me plurima cura pietatis accinctum, commonere de veris, non terrere de falſis. Decem perſecutiones à Nerone vſq; ad Maximianum eccleſia Chriſti paſſa eſt. Nouem (vt ego dixi) vltiones, vt ipſi non negant, calamitates è veſtigio conſecutæ ſunt. Nec in verbo premor, vtrum debitæ vltiones, an fortuitæ permutationes fuiſſe videantur, quæ tamen meo ſuoq; teſtimonio clades fuerunt. In decima hæſitatum putant miſeri & cæci, non videntes tanto eam ipſis fuiſſe grauiorem, quâto minus intellecta eſt. Impius enim flagellatur, & non ſentit: quod cum expoſitum fuerit, inuiti licet propter ipſam rerum fidem fatebuntur: quia ex illa Maximianæ perſecutionis maxima punitione iſta ſunt vulnera, quibus etiam nunc iſti dolent, & intantû dolent, vt etiam clament, noſq; ad reclamandum laceſſant ſolicitos fieri, qualiter conticeſcant.

Collatio populi Iſraëlitici & Chriſtiani, Aegyptiaci item & Romani, quomodo illi pro Deo in afflictionibus, hi à Deo in plagis ſimilia ferè paſſi ſunt.

IN primo libello expositū à nobis est, Pompeium Trogum & Cornelium Tacitum commemorasse nō plene quidem, nostrum vero Moysen, etiam ipsorum testimonio fidelem, fideliter, sufficienterque dixisse, Aegyptios & regem eorū, cum populum Dei seruire intentū & paratum Deo suo impediendæ deuotionis instinctu, ad lutum paleasque reuocarent, decem acerbissimis plagis fuisse vexatos. Deinde violentia malorum edomitos, non solum coëgisse festinantem, sed etiam proprijs suis argenteis & aureis vasis accumulauisse. Pōst oblitos plagæ suæ, & cupidos prædæ indebitæ, inuidos etiam religionis alienæ, dum innocentes auide persequuntur, mari rubro vltimè receptos omnes funditus interijisse. Quod ego nunc refero ac renuncio, etsi sorte fide non acceptatum, exitu tamen probandum, quia hæc in figurā nostri facta sunt. Vterque populus vnius Dei est, vna populi vtriusque causa. Subdita fuit Israelitarū synagoga Aegyptijs, subdita est Christianorum ecclesia Romanis. Persecuti sunt Aegyptij, persecuti sunt & Romani. Decē ibi contradictiones aduersus Moysen, hic

hic decē edicta aduersus Christū. Diuerse
ibi plagæ Aegyptiorum, diuersæ hic ca-
lamitates Romanorum. Nam vt etiā ipsas
inter se plagas, in quantum tamen figura
formæ cōparari potest, conferā, ibi prima
habuit correptio, sanguinē vulgo vel ma-
nasse de puteis, vel in fluminibus cucur-
risse: hic prima sub Nerone exegit plaga,
vt vbique morientium sanguis esset, vel
morbis in vrbe corruptus, vel bellis in
orbe profusus. Ibi sequēs plaga prodidit,
perstreperes persultantesque in penetra-
libus ranas, inediæ propemodum causam
habitoribus atque exilij fuisse: hic se-
quens sub Domitiano pœna, similiter o-
stendit satellitum militumq; eius impro-
bis effrenatisque discursibus cruentissimi
iussa principis exequentium, ad inopiam
pene omnes ciues Romanos adactos exi-
lioq; dispersos. Ibi tertia vexatio habuit
cyniphes, musculas scilicet paruissimas
ac seuiissimas, quæ medijs sæpe æstibus
per loca squalida coadunatim vibrando
densatæ, & in nullo volatu allabi solent,
capillisque hominū ac pecudum setis cū
vrente morſu interfieri: hic itidē tertia sub
Traiano plaga Iudæos excitauit: qui cum
antea vbique dispersi ita iam quasi non

essent, quiescerent, repentino omnes calore permoti, in ipsos inter quos erant, toto orbe sauerunt, absque magnis multarum urbium ruinis, quas crebri terræmotus iisdem temporibus subruerunt. Ibi in quarta plaga muscæ caninæ fuerunt, reuera alumnæ putredinis, vermiumque matres: hic itidem quarta sub Marco Antonino plaga, lues plurimis infusa prouinciis, Italiam quoque cum vrbe Roma vniuersam exercitumque Romanum per longinquos limites & diuersa hyberna dispersum, in mortem dissolutum, putredini simul ac vermibus dedit. Ibi quinta correptio pecorum ac iumentorum repentino interitu expleta est: hic similiter quinta ultione sub persecutione Seuero creberimis ciuilibus bellis propria viscera & adiumenta reipub. hoc est, plebes prouinciarum, & legiones militum comminutæ sunt. Ibi sexta vexatio intulit vesicas efferuescentes, hulceraque manantia: hic etque sexta punitio, quæ post Maximini persecutionem fuit, qui specialiter episcopos & clericos omissa turba populari, hoc est, ecclesiarum primates trucidari imperauerat, intumescens crebro ira atque inuidia, non per vulgi cædem, sed per vulnera

nera mortesque principum ac potentium
* exaltata est. Ibi septima plaga numerat^{cxhalata}
tur coacta aëre grando profusa, q̄ homi-
nibus iumentisque satis exitio fuit: hic si-
militer VII. sub Gallo & Volusiano, qui
persecutori Decio mox interfecto succe-
sserant, plaga extitit, corrupto aëre pestis
infula: quæ per omnia Romani regni ab
oriēte in occidentem spatia, cum omne
propemodum genus hominum & pecu-
dum neci dedit, tum etiā corripit lacus,
infecit pabulatabo. Icti octauā Aegypti
contritionem fecere excitatæ vndique lo-
custæ, tenentes, terentes, tegentesque om-
nia: hic octauam æque in subuersionē Ro-
mani orbis excitatę vndique intulere gen-
tes, quæ cædibus atque incendijs cunctas
prouincias deleuerunt. Ibi nona turbatio
diuturnas crassas ac pene tractabiles tene-
bras habuit, plus omnino periculi com-
minata quàm fecit: hic itidem nona cor-
reptio fuit, cum Aureliano persecutionē
decernenti, diris turbinibus terribile ac
triste fulmen sub ipsius pedibus ruit, osten-
dens quid, cum ultio talis exigeret, tantus
posset ultor, nisi & clemens esset & pati-
ens: quanquam intra sex ab hinc menses
succidui tres imperatores, hoc est, Aure-
Rr 5 lianus,

lianus, Tacitus & Florianus, diuersis cau-
sis interfecti sunt. Ibi postredecima pla-
ga, quæ & nouissima omnium fuit, inter-
fectio filiorum, quos primos quique genu-
erant: hic nihilominus decima, id est, no-
uissima pœna est omnium idolorum perdi-
tio, quæ primitus facta in primis amabât.
Ibi rex potentiam Dei sensit, probauit, &
timuit, ac per hoc populum Dei liberum
abire permisit: hic rex potentiam Dei sen-
sit, probauit & credidit, ac per hoc popu-
lum Dei liberum esse permisit. Ibi nunquã
populus Dei postea ad seruitutem retra-
ctus, hic nunquam populus Dei ad idolo-
latrîam coactus est. Ibi Aegyptiorum vasa
pretiosa Hebræis tradita sunt: hic in eccle-
sias Christianorum præcipua paganorum
templa cesserunt. Sanè illud, vt dixi, de-
nunciandum puto, quia sicut Aegyptijs
post has decem plagas dimissos Hebræos
persequi molientibus, irruit per superdu-
ctum mare æterna perditio: ita & nos li-
bere quidam peregrinantes, superuentura
quandoque persecutio gentilium manet,
donec mare rubrum, hoc est, ignem iudi-
cij, ipso domino nostro Iesu Christo du-
ce & iudice, transeamus. Hi vero in quos
Aegyptiorum forma transfunditur, per-
missa

missa ad tempus potestate seruientes, grauissimis quidē permissu Dei Christianos cruciatibus persequuntur. Veruntamen idem omnes inimici Christi cū rege suo Antichristo accepti stagno ignis æterni, quod magna impediēte caligine, dū non videtur, intratur, perpetuam perditionē immortalibus arsure supplicijs fortiētur.

De Constantini magni Augusti, Maxētij, Licinij, & Maximiani imperijs, & rebus gestis. Item de Ario heretico, eiusq; dogmate damnato.

CAPVT XXVIII.

Igitur mortuo, vt dixi, Constantio in Britannijs, Constātinus imperator est creatus, primus imperatorū Christianus, excepto Philippo, qui Christianus annis admodum paucissimis ad hoc tantū constitutus fuisse mihi visus est, vt millesimus Romæ annus Christo potius, quā idolis dicaretur. A Constantino autem semper omnes Christiani imperatores vsque in hodiernum diē creati sunt, excepto Iuliano, quem impia (vt aiunt) machinantē, exitiabilis vita deseruit. Hæc est lenta illa Paganorū pœna, sed certa. Hinc sani insaniunt, hinc non vulnerati compungūtur, hinc ridētes gemūt, hinc viuentes deficiunt, hinc secreto excruciantur, quos nemo perse-

persequitur, hinc iam paucissimi remanserunt, qui nunquam aliquo persequente puniti sunt. Veruntamen qualis tunc persecutores illos, de quorum impunitate nō solum gloriari, sed etiam insultare conantur, finis mansit, expediam. Constantino in Gallijs strenuissimè rempub. procurāte, prætoriani milites Romæ Maxentium filium Herculij, qui priuatus in Lucaania morabatur, Augustum nuncupauerunt. Maximianus Herculus iam ex Augusto priuatus, & adhuc publicus persecutor, occasione filij sollicitatus, qui imperium abiecerat, arripuit tyrannidem, Galerius Augustus Seuerum Cæsarem aduersus Maxentium Romam cū exercitu misit. Seuerus cum urbem obsideret, militum suorū scelere desertus & proditus, atque ex eo fugiens, Rauēnæ interfectus est. Herculus Maximianus persecutor, & ex Augusto tyrannus, confirmatum iam in imperio filium yeste ac potestate regia spoliare conatus, conuicijs autem ac tumultibus militum palam conterritus, in Galliam profectus est, vt Cōstantino genero æque dolis iunctus auferret imperium: sed per filiamprehensus & proditus, deinde in fugam versus, Malsiliæ oppressus

sus & interfectus est. Porro Gallerius occiso Seuerio Licinium imperatorem creauit. Cumque persecutionem à Diocletiano & Maximiano missam ipse atrocioribus edictis accumulauisset, ac postquam per annos decem omni genere hominum exhaustis provincias, putrefacto introrsum pectore, & vitalibus dissolutis, cum ultra horrorem humanæ miseriæ etiam vermes eructaret, neque medici ultra iam foetorem ferentes, crebro iussu eius occiderentur, à quodam medico constantiā ex desperatione sumente increpitus, iram Dei esse pœnam suam, atque ideo à medicis non posse curari, edictis latè missis, Christianos de exilijs reuocauit. Ipse autem cruciatus non sustinens, vim vitæ suę attulit. Ita nunc Resp. sub nouis quatuor principibus fuit, Constantino & Maxentio filijs Augustorum, Licinio autem & Maximiano hominibus nouis. Constantinus pacem ecclesijs, post decem annos, quàm à persecutoribus vexabatur, indulxit. Deinde inter Constantinū & Maxentium bellum ciuile exortum est. Maxentius sæpe multis prælijs fatigatus, vltimè ad pontem Muluiū victus & interfectus est. Maximianus persecutionis Christiano-

rum

rum incentor executorque infestissimus, apud Tarsum dū ciuile bellum contra Licinium disponit, interijt. Licinius repentina rabie suscitatus, omnes Christianos ē palatio suo iussit expelli. Mox bellum inter Licinium ipsum & Constantinum efferbuit. Sed Constantinus Licinium sororis suæ virum in Pannonia primum vicit, deinde apud Cibalas oppressit. Vniuersa Græcia potitus, Liciniū crebris bellis terra marique assurgentē & repressum, tandem ad deditionem coëgit: sed Herculij Maximiani soceri sui motus exemplo, ne iterum depositam purpuram in perniciem reip. sumeret, priuatū iussit occidi, quamuis omnibus iam ministris nefariæ persecutionis extinctis, hunc quoque in-

* exercere quantum* exercere potuit persecutionē, digna punitio flagitaret. Constantini filij, Crispus & Constantinus, & Licinius adolescēs, Licinij augusti filius, Constantini autem ex sorore nepos, Cæsares sunt creati. His diebus Arius Alexandrinæ urbis presbyter, à veritate fidei catholicæ deuians, exitiabile plurimis dogma constituit. Qui simul vt primum Alexandria vel notus vel notatus inter confusos vulgo sectatores insectatoresque factus est,

ab

ab Alexandro eiusdem tunc vrbis episcopo pullus ecclesia est. Cumque homines, quos in errorem seduxerat, etiam in seditione excitaret, apud Niceam urbem Bithyniæ cōuentus CCCXVIII. episcoporum factus est, per quos Arianum dogma exitiabile & miserū euidentissimè deprehensum, palā proditum ac reprobātū est. Sed inter hæc latent causæ, cur vindicem gladium & destinatam in impios punitiōem Constantinus imperator etiam in proprios egit affectus. Nam Crispum filium suum & Licinium filium, sororis filium interfecit. Præterea multas gentes diuersis prælijs subegit. Urbem nomine suo Romanorum regum vel primus vel solus instituit. Quæ sola expers idolorum, ad hoc breuissimo tēpore condita à Christiano imperatore prouecta est, vt sola Romæ, tot sæculis miserijque prouectæ, forma & potentia merito posset æquari. Tū deinde primus Constantinus iusto ordine & pio vicē vertit edicto, siquidē statuit citra vllā hominum cædem paganorum tēpla claudi. Mox Gothorū fortissimas & copiosissimas gentes in ipso barbarici soli sinu, hoc est in Sarmatarū regione delevit. Calocerum quendā in Cypro aspi-

rantem

rantem nouis rebus oppressit. Tricennalibus suis Dalmatium Cæsar ē legit. Cumque bellum in Persas moliretur, in villa publica iuxta Nicomediam, dispositam bene rempub. filijs tradens diem obiit.

Constantinus, Constantius & Constans imperatores. Interim de Magnentio arripiente imperiū, & Decentio.

CAPVT XXIX.

ANno ab vrbe condita millesimo nonagesimosecundo, Constantinus tricesimus quintus cū Constantio & Constante fratribus suis adeptus imperium, vigintiquatuor annis tenuit. Fuit inter successores Cōstantini & Dalmatius Cæsar fratris filius, sed continuo militari factione decerptus est. Interea maligna semper aduersus Deum verum diaboli insensatio, quæ ab initio mūdi vsque ad nūc, à sincero fidei religionisq̃ue tramite, offusis errorum nebulis, lubrica hominum corda perturbat, postquam Christianis imperatoribus summam regiæ potestatis in meliora vertentibus ecclesiam Christi zelo idololatriæ persequi destitit, aliud machinamentum, quo per eosdem Christianos imperatores Christi ecclesiā vexaret, inuenit. Fit igitur Ario noui erroris auctori,

auctori, cæterisque discipulis ipsius ad familiaritatem Cōstantij imperatoris prōptus aditus & facilis via. Suadetur Constantio, vt quosdam in Deo gradus credat: & qui per ianuam ab errore idololatriæ fuerat egressus, reuersus in sinū eiusdem, in Deo deos quærit, & tanquam per pseudothyrum inducitur. Peruerso igitur zelo potestas armatur illusa, & sub nomine pietatis vis persecutionis agitur. De noua nominis electione contenditur, vt Arrianorum potius ecclesiæ quàm catholicorum sint. Sequitur terræmotus horribilis, qui plurimas orientis vrbes solo strauit. Constantinus dum Constantem fratrem bello insectatur, incauta petulantia periculis sese offerens, à ducibus eius occisus est. Constans aduersus Persas & Saporem, qui Mesopotamiam vastauerant, nouem prælijs parum prospere decertauit. Seditiōe nouissimè atque intemperantia militum nocte adoriri pugnam coactus, patratam pene victoriam insuper victus amisit. Post cum se intolerandis vitijs dedisset, ac pœna prouincialium fauorem militum compararet, Magnentij dolis in oppido cui Helena nomē est, in proximo Hispaniæ interfectus est. Magnen-

tius enim apud Augustodunum arripuit imperium, quod continuo per Galliam, Africam, Italiamque porrexit. In Illyrico autem Vetricanionem ætate grandævum, imperatorē sibi milites creauerunt, virum natura simplicem, cunctisq̃ue iucundum, sed qui ne prima quidē vnquam literarū elementa didicisset. Itaque cū primas literas literarumq̃; syllabas imperator senex, interdum inuitus meditaretur, à Constantio qui tunc in Magnentium, vltione fratris accensus, bellū parabat, deponere iussus imperium, abijciens cum literis purpuras, contentusq̃ue priuatis ferijs, palatiū simul scholamq̃ue dimisit. Nepotianus deinde Romæ Constantini sororis filius, gladiatorum manu fretus, inuasit imperium. qui deinde cū improbus ac per hoc inuisus cunctis esset, à Magnentianis ducibus oppressus est. Sequitur bellum illud horribile inter Constantium Magnentiumque apud Mursam urbem gestum, in quō multa Romanarum virium profligatio etiā in posterum nocuit. Magnentius tamen victus aufugit, ac non multō pōst apud Lugdunū propria se manu interfecit. Decentius quoq; frater eiusdem, quē Cæsarē Gallis præfecerat, apud Senonas laqueo

laqueo vitam finiuit. Constantius continuo Gallum patruum filium, Cæsaré legit: quem rursus crudeliter ac tyrannice agentem, paulò postquam creauerat, occidit. Syluanum quoque per Gallias rebus nouis inhiantem, mature circumueniendum opprimendumq; curauit. Igitur Syluano interfecto, Iulianum patruelè suum, Galli fratré Cæsarem creatum misit ad Gallias. Itaque Iulianus Cæsar euersas oppressasque ab hostibus Gallias strenuissimè in integrum restituit. Alamannorum paruus copijs magnam multitudinem fudit. Rheno Germanos reuinxit. His elatus successibus, fastigiù usurpauit Augusti: & mox Italiam Illyricumq; peruadens, Constantium Parthicis prælijs occupatum, regni parte priuauit. Constantius Iuliani scelere comperto, dimissa expeditione Parthorù, dū ad ciuile bellū reuertitur, itinere inter Ciliciā Cappadociamq; defunctus est. Ita ille qui discissa pace & vnitæ fidei catholicæ, Christianos aduersus Christianos armās, ciuili (vt ita dicā) bello ecclesiæ mēbra dilacerauerat, totū inquietum tempus imperij sui, molestissimumque spatium vitæ suæ, bellis ciuilibus etiam per propinquos & consanguineos

neos excitatis, exercuit, exegit, expendit.

Fl. Claudius Iulianus Imperator Cæs.

CAPVT XXX.

ANno ab vrbe cōdita millesimo cētesimo decimosexto, Iulianus dudū Cēsar, pōst aut tricesimū sextus ab Augusto regno potitus, anno vno & mensibus octo imperij summā solus obtinuit, Christianam religionem arte potius quā potestate infectatus, vt negaretur fides Christi, & idolorum cultus susciperetur, honoribus magis prouocare, quā tormentis cogere studuit. Aperto tamen præcepit edicto, ne quis Christianus docendorum liberalium studiorum professor esset. Sed tamen sicut à maioribus nostris compertum habemus, omnes vbique pròpmodum præcepti conditiones amplexati, officium quā fidem deserere maluerunt. Iulianus autem bellū aduersus Parthos parans, cum Romanas vires contractas vndique ad destinatam secum traheret perditionem, Christianorum sanguinem dijs suis vouit, palam persecuturus ecclesias, si victoriam potuisset adipisci. Nam & Amphitheatrum Hierosolymis extrui iussit, in quo reuersus à Parthis, episcopos, monachos, omnesque eius loci sanctos,

sanctos, bestijs etiam arte sæuioribus obijceret, spectaretque laniandos. Itaq; postquam à Ctesiphonte castra mouit, dolo cuiusdam trāsfigæ in deserta perductus, cum vi sitis & ardore solis, atque insuper labore arenarum confectus periret exercitus, imperator tanto rerū periculo anxius, dum per vasta deserti incautius euagatur, ab obuio quodam hostium equite conto ictus interijt. Sic misericors Deus impia consilia impij morte dissoluit.

Iouinianus imperator Cas. August.

CAPVT XXXI.

ANno ab vrbe condita millesimō cētesimo decimoseptimo, Iouinianus tricesimusseptimus imperator, in summo rerum discrimine ab exercitu creatus, cū & locorum iniquitate captus, & hostibus circumseptus, nullam euadēdi facultatem nancisceretur, fœdus cum Sapore Persarum rege, etsi parum putant dignum, satis tamen necessarium pepigit: quippe vt tutum & incolumem Romanum exercitum non solum ab incursu hostium, verum etiam à locorum periculo liberaret, Nisibin oppidum & partem superioris Mesopotamiæ, Persis concessit. Inde dū ad Illyricum rediens, per Galatiam iter

agit, cum in cubiculum quoddam nouum
sele cubitum recepisset, calore prunarum
& nidore parietum nuper calce illitorum,
aggrauatus & suffocatus, octauo demum
mense quam imperare ceperat, vitam fi-
niuit.

*Fla. Valerius Valentinianus imp. Caf. Augu. cum
Valente fratre. De q², Gratiano iam Casare.*

CAPVT XXXII.

ANno ab vrbe condita millesimo cen-
tesimo decimooctauo, Valentinia-
nus tricesimusoctauus apud Niceam con-
sensu militum imperator creatus est, man-
sitque in eo annis vndecim: qui cum Chri-
stianus integra fide sacramentum militiæ
gereret, & sub Iuliano Augusto tribunus
scutariorum, iussus ab imperatore sacri-
lego aut immolare idolis, aut militia exce-
dere, fideliter sciens & grauiora Dei esse
iudicia & meliora promissa, sponte disces-
sit, Ita parua interiecta mora, Iuliano in-
terfecto, ac mox Iouiniano mortuo, qui
pro Christi nomine amiserat tribunatum,
retribuente Christo, in locum persecutoris
sui accepit imperium: qui postea fratrem suum
Valentem participem fecit imperij, & Pro-
copium tyrannum pluresque postea satel-
lites eius occidit. Terræmotus per totum
orbem

orbem factus, ita turbatum quoque pelagus exculsit, vt per vicinas terrarum campestrium partes refuso mari, plurimæ insularum vrbes concussæ & subrutæ, perijisse referantur. Valens ab Eudoxio episcopo Arriani dogmatis assertore & baptizatus & persuasus, in sæuissimam hæresim declinauit: sed malignam infectionem diu texit, nec voluntati potestatem admiscuit, quoad viuentis fratris auctoritate compressus est. Contemplabatur enim de eo quantam vim in vlciscenda fide imperator posset exercere, qui tantam constantiam pro retinenda quondam miles habuisset. Horum anno imperij tertio, Gratianus Valentiniani filius imperator est factus. Eodem anno apud Atrebatas vera lana de nubibus pluuiæ mixta defluxit. Præterea Athanaricus rex Gothorum Christianos in gēte sua crudelissimè persecutus, plurimos barbarorum ob fidem interfectos, ad coronam martyrij sublimauit, quorum tamen plurimi in Romanum solum non trepidi velut ad hostes, sed certi, quod ad fratres pro Christi confessione fugerunt. Valentinianus Saxones gentem in oceani litoribus & paludibus inuijs sitā, virtute atq; agilitate terribilem,

bilem, periculofam Romanis finibus, eruptionem magna mole meditantem, in ipsis Francorum finibus oppreffit. Burgundionum quoque nouorum hostium nouum nomen, qui plusquam octoginta millia (vt ferunt) armatorum, ripæ Rheni fluminis infederunt. Hos quôdam subacta interiore Germania à Drulo & Tiberio adoptiuis filijs Cælaris, per castra difpofitos, aiunt in magnam coaluiffe gentem: atque ita etiam nomen ex opere præfumpfiffe, quia crebra per limitem habitacula conftituta, Burgos vulgo vocant: eorumque efle præualidam & perniciofam manum, Galliæ hodieque testes funt, in quibus præfumpta poffeffione confiftunt: quamuis prouidentia Dei omnes Chriftiani modo facti catholica fide, noftriſque clericis quibus obedirent receptis, blande, manſuete, innocenterque uiuant, non quaſi cum ſubiectis Gallis, ſed vere cum fratribus Chriftianis. Anno autem vndecimo imperij ſui, Valentinianus, cum Sarmatæ ſeſe per Pannonias diffuſiſſent, eaſque vaſtarent, bellum in eos parans, apud Brigitionem oppidum ſubita effuſione ſanguinis, quod Græce ἀπόπληξις vocatur, ſuffocatus & mortuus eſt.

Poſt

Post quem Gratianus filius eius occidentis imperium tenuit. Valente patruo in orientis partibus constituto, Valentinianum etiam fratrem suum paruum admodum, socium creauit imperij.

Valens imperator, quomodo Christianos punierit, & qua bella gesserit, de q³ Gratiani imperio.

CAPVT XXXIII.

ANno ab vrbe condita millesimo centesimo vicesimo octauo, Valens tricesimus nonus imperium quatuor annis Valentiniano mortuo tenuit, cui soli cum impie ageret, & potuisset erubescere, illico velut effrenata libertatis audacia legē dedit, vt monachi, hoc est, Christiani, qui ad vnum fidei opus, dimissa secularium rerum multimoda actione, se redigūt, ad militiam cogerentur. Vastas illas tunc Aegypti solitudines, arenasque diffusas, quas propter sitim ac sterilitatem periculosissimamque serpētum abundantiam conuersatio humana non nosset, magna habitantium monachorum multitudo compleuerat. Huc tribuni & milites missi, qui sanctos ac veros milites Dei alio nomine persecutionis abstraherent, interfecerunt ibi agmina multa sanctorum. Quæ autem

per diuerſas vbique prouincias, his ſimilibusq; iuſſis aduerſus eccleſias catholicas, & rectæ fidei populos geſta ſint, ſatis ſignificatum ipſa reticēdi electione ſufficiat. Interea in Africæ partibus Firmus ſeſe, excitatis Maurorum gentibus, regē conſtituens, Africam Mauritaniamque vaſtauit. Cēſareā urbem nobiliſſimā Mauritanix dolo captam, deinde cædibus incendijsque completam, barbaris in prædam dedit. Igitur comes Theodoſius, Theodoſij qui poſt imperio præfuit, pater, à Valētiniano miſſus, effuſas Maurorum gentes multis prælijs fregit, ipſum Firmum afflicto & oppreſſum coëgit ad mortem. Poſt cum experientiſſima prouidentia totam cum Mauritania Africā meliorem priſtinis legibus reddidiſſet, inſtimulante & obrepente inuidia iuſſus interfici, apud Carthaginem baptizari in remiſſionem peccatorum præoptauit: ac poſtquam ſacramentum Chriſti, quod quæſierat aſſecutus eſt, poſt glorioſam ſæculi vitam, etiam de vitæ æternitate ſecurus, percuſſori iugulum ultro præbuit. Gratianus interea imperator admodum iuuenis, cum inæſtimabilem multitudinē hoſtium Romanis inſulam finibus cerneret,

ncret, fretus Christi potentia, longe impari militum numero sese in hostē dedit: & continuo apud Argentariam oppidū Galliarum, formidolosissimum bellum incredibili felicitate confecit. Nam plus quàm triginta millia Alamannorum, minimo Romanorum detrimēto in eo prælio interfecta narrantur. Tertiodecimo autem anno imperio Valentis, hoc est, paruo tempore postea quàm Valens, per totum oriētem ecclesiarum lacerationes, sanctorumq; cædes egerat, radix illa miseriarū nostrarum copiosissimos simul frutices germinauit; siquidem gens Hunnorū diu inaccessis seclusa montibus, repentina rabie percita, exarsit in Gothos: eosque sparsim conturbatos, ab antiquis sedibus expulit. Gothi transito Danubio fugiētes, à Valēte sine vlla fœderis pactiōe suscepti, ne arma quidem, quo tutius barbaris crederetur, tradidere Romanis. Deinde propter intolerabilē auaritiā Maximi ducis, fame & iniurijs adacti, in arma surgētes, victo Valētis exercitu, per Thraciā sese miscētes, simul omnia cēdibus, incendijs, rapinisq; fœdarūt. Valens egressus de Antiochia, cū vltima infelicis belli sorte traheretur, fera peccati maximā

pœni-

pœnitentia stimulatus, episcopos cæterosque sanctos reuocari de exilijs imperauit. Itaque decimoquinto imperij sui anno lachrymabile illud bellum in Thracia cum Gothis, iam tunc exercitatione virium rerumque abundantiâ instructissimis, gelsit. Vbi primo statim impetu Gothorum, perturbatæ Romanorum equitum turmæ, nuda peditum deseruere præfidia. Mox legiones peditum vndique equitatu hostium cinctæ, ac primum nubibus sagittarum obrutæ, deinde cum amentes metu sparsim per devia cogerentur, funditus cæstæ, gladijs insequentum contisque perierunt. Ipse imperator cum sagitta saucius, versusque in fugam, ægre in cuiusdam villulæ calam deportatus lateret, ab insequentibus hostibus deprehensus, subiecto igne consumptus est: & quo magis testimonium punitionis eius & diuinæ indignationis terribili posteris esset exemplo, etiam communi caruit sepultura. Consoletur se, sed in hoc solo peruicacia miseriaque gentilium, quia temporibus & regibus Christianis tantæ simul congestæ clades, pressam reipub. onerare ceruicem: euersæ prouinciæ, deletus exercitus, imperator incensus. Magnū

gnum reuerà hoc est ad nostrū dolorem,
magisque miserum, quo magis nouum.
Sed quid hoc ad consolationem proficit
paganorum, qui palam peruident & in his
quoque persecutorem ecclesiarum fuisse
punitū? Vnus Deus vnam fidem tradidit,
vnam ecclesiam toto orbe diffudit, hanc
aspicit, hanc diligit, hanc defendit. Quo-
libet se quisquis nomine tegat, si huic nō
sociatur, alienus: si hanc impugnat, inimi-
cus est. Consolentur se gentiles inquantū
volunt, Iudæorum hæreticorumque sup-
plicijs: tantum & vnum Deum esse, & e-
undem personarum acceptorem non esse,
vel ex hac potissimum Valentis extincti
probatione fateantur. Gothi antea per le-
gatos supplices poposcerunt, vt illis epi-
scopi, à quibus Christianæ fidei regulam
discerent, mitterentur. Valens imperator
exitiabili prauitate doctores Arriani do-
gmatis misit. Gothi primæ fidei rudimen-
tum quod accepere, tenuerunt. Itaque iu-
sto Dei iudicio ipsi cum viuum incende-
runt, qui propter eum etiam mortui, vitio
erroris arsi sunt.

*Gratianus imperator quanta prudentia imperiū
rexerit. Theodosius orienti & Thracia imperat.
deq; Arcadio & Maximo.*

Caput

ANno ab vrbe cōdita millesimo cē-
tesimo XXXII. Gratianus quadra-
gesimus ab Augusto, post mortem Valen-
tis sex annis imperium tenuit, quamuis
iamdudum antea cum patruo Valente &
cum Valentiniano fratre regnaret: qui cū
afflictum ac pene collapsum reip. statum
videret, eadem prouisione qua quondam
legerat Nerua Hispanum virum Traia-
num, per quem respublica reparata est,
legit & ipse Theodosium eque Hispanum
virum, & restituendæ reipub. necessitate
apud Syrmium purpuram induit, orien-
tisque & Thraciæ simul præfecit imperio:
in hoc perfectiore iudicio, quia cum in o-
mnibus humanæ vitæ virtutibus iste par
fuerit, in fidei sacramento religionisque
cultu sine vlla cōparatione præcelsit: si-
quidē ille persecutor, hic propagator ec-
clesiæ. Ita illi ne vnus quidem proprius fi-
lius quo successore gauderet, indultus est:
huius aut orienti simul atq; occidenti per
succiduas vsq; ad nunc generationes glo-
riosa propago dominatur. Itaque vt The-
odosius afflictam Remp. ira Dei reparan-
dam credidit misericordia illius, omnem
fiduciam sui ad opem Christi conferens,
maximas

maximas illas Scythicas gentes, formi-
datasque cunctis maioribus, Alexandro
quoque illi Magno, sicut Pompeius Cor-
neliusque testati sunt, euitatas, nunc autem
extincto Romano exercitu, Romanis e-
quis armisque instructissimas, hoc est, A-
lanos, Hunnos & Gothos, incunctanter
aggressus, magnis multisque prælijs vi-
cit. Urbem Constantinopolim victor in-
trauit: & ne parua ipsam Romani exerci-
tus manu assidue bellando deterreret, fœ-
dus cum Athanarico rege Gothorum per-
cussit. Athanaricus autem continuo ut
Constantinopolim venit, diem obiit. Vni-
uersæ Gothorum gentes, rege defun-
cto, aspicientes virtutem benignitatemque
Theodosij, Romano sese imperio dedi-
derunt. In iisdem etiam diebus Persæ, qui
Iuliano interfecto alijsque imperatoribus
sæpe victis, nunc etiam Valente in fugam
acto, recentissimæ victoriæ satietatē cru-
da insultatione ructabant, ultro Constā-
tinopolim ad Theodosium misere lega-
tos, pacemque supplices poposcerunt:
ictumque tunc fœdus est, quo vniuersus ori-
ens usque ad nunc tranquillissimè fruitur.
Interea cum Theodosius in oriente suba-
ctis barbarorum gentibus, Thracias tan-
dem

dem ab hoste liberas reddidisset, & Arcadium filium suum consortem fecisset imperij, Maximus vir quidem strenuus & probus, atque Augusto dignus, nisi contra sacramenti fidem per tyrannidem emerfisset, in Britannia inuitus propemodum ab exercitu imperator creatus, in Galliam transijt: vbi Gratianum Augustū subita incurfione perterritum, atque in Italiam transire meditantem, dolis circūuentum interfecit, fratremque eius Valentinianum Augustum Italia expulit. Valentinianus in orientem refugiens, à Theodosio paterna pietate susceptus, mox etiam imperio restitutus est.

Theodosius imperator Caesar Augustus quæ bella gesserit. Interim de Maximo, Andragatij & Valentiniani interitu. deq; Arbogaste & Eugenio tyranno, per Theodosium deletis.

CAPVT XXXV.

ANno ab vrbe condita millesimo centesimo XXXVIII. Theodosius XLI interfecto per Maximum Gratiano, imperium Romani orbis solus obtinuit, mansitque in eo annis vndecim, cum iam in orientis partibus sex annis Gratiano viuente regnasset. Itaque iustis necessarijsq; causis ad bellum ciuile permotus, cum è duobus

duobus Augustis fratribus, & ultionem
vnius interfecti sanguis exigeretur, & re-
stitutionem miseria alterius exulantis o-
raret, posuit in Deo spem suam, seque ad-
uersus Maximum tyrannum sola fide ma-
ior (nam longe minor erat vniuersa appa-
ratus bellici comparatione) proripuit.
Aquileiæ tunc Maximus victoriæ suæ spe-
ctator infederat. Andragathius comes e-
ius summam belli administrabat: qui cum
largissimis militum copijs, ipsaque ma-
gnarum copiarum fortitudine, præcellen-
te consilio, omnes incredibiliter Alpium
ac fluminum aditus communisset, ineffa-
bili iudicio Dei, nauali expeditione dum
incautum hostem præuenire & obruere
parat, sponte eadē, quæ obstruxerat clau-
stra, deseruit. Ita Theodosius nemine
sentiente, vt non dicam repugnāte, vacu-
atas trāsmisit Alpes, atque Aquileiam im-
prouisus adueniens, hostem illū magnum
Maximū trucē, & ab immanissimis quo-
que Germanorum gētibus tributa ac sti-
pendia solo terrore nominis exigentem,
sine dolo & controuersia clausit, cepit
& occidit. Valentinianus, recepta Italia,
potitus imperio est. Andragathius comes
cognita Maximi nece, præcipitem sese è
Tt nauī

navi in vndas dedit, ac suffocatus est. Theodosius incruentam victoriam Deo procurante suscepit. Ecce regibus & temporibus Christianis qualiter bella ciuilia cū vitari nequeunt, transiguntur. Ad victoriam peruentum est, irrupta est ciuitas, correptus tyrānus, & hoc parū est. Ecce à parte alia victus hostilis exercitus, atque ipso tyranno truculentior comes tyranni ad mortem coactus, tantæ dissolutæ elusæque insidiæ, tanti apparatus exinaniti sunt: & tamen nullus dolos instruxit, nullus aciem disposuit, postremo nullus (si dici licet) gladium de vagina extulit. Formidolosissimum bellum sine sanguine vsque ad victoriam, & in victoria duorū morte cōfectum est. Et ne hoc quisquam casu factum putet, quo magis potētia Dei qua & dispensantur & iudicātur vniuersa, propalato sui testimonio declarata, obstrepentium mentes vel ad confusionē, vel ad fidem cogat, dicorem & ignotam omnibus, & omnibus notam. Post hoc bellum quo Maximus interfectus est, multa vtique, sicut omnes recognoscimus, Theodosium filiumque eius Honorium vsque ad nunc & externa bella & ciuilia subsequuta sunt: & tamen omnia pene vsque

que in hodiernum diem, & quidem cum fructu simplicis sanctæque victoriæ, vel nullo, vel minimo sanguine quieuerunt. Igitur Valentinianus iunior regno restitutus, extincto Maximo, eiusque filio Victore, quæ imperatorem Gallis Maximus reliquerat, ipse in Galliã transiit: vbi cū tranquilla rep. in pace ageret, apud Vienne dolo Arbogastis comitis sui, vt ferunt, strangulatus, atque vt voluntariã sibi consciuisse mortem putaretur, laqueo suspensus est. Mortuo Valentiniano Augusto, Arbogastes Eugenium tyrannum mox creare ausus est, legitque hominem cui titulum imperatoris imponeret, ipse acturus imperium: vir barbarus animo, consilio, manu, audacia, potentiaque nimius, contraxit vndique innumeras, inuitasque copias, vel Romanorum præsidij, vel auxilijs barbarorum, alibi potestate, alibi cognatione subnixus. Historiam notam etiam oculis plurimorum, quàm melius qui spectauere nouerunt, dilatari verbis non opus est. Potentia Dei, non fiducia hominis, victorem semper extitisse Theodosium, Arbogastes iste præcipuū in vtroque documentū est: qui & tunc, cū Theodosio paruit, tantis instructū præsi-

dijſ Maximū ipſe minimus cepit: & nunc cum aduerſus eundem Theodoſium collectis Gallorum Francorumque viribus exundauit, nixus etiam præcipuo cultu idolorum, magna tamen facilitate ſuccubuit. Eugenius atque Arbogaſtes inſtructas acies campis expedierant, arcta Alpium latera atque ineuitabiles tranſitus, præmiſſis callidè inſidijs occuparant: vt etiam ſi numero ac viribus impares forent, ſola tamen belli diſpoſitione victores. At vero Theodoſius in ſummis alpibus conſtitutus, expers cibi ac ſomni, ſciens quod deſtitutus ſuis, neſciēs quod clauſus alienis, dominum Chriſtum ſolus ſolū qui poſſet omnia, corpore humi fuſus, mēte cælo fixus, orabat. Dehinc poſtquā in ſomnē noctem præcū continuatione tranſegit, & teſtes propemodū, quas in pretiū præſidij cœleſtis appenderat, lachrymarum lacunas reliquit, fiducialiter arma corripuit ſolus. Sciens ſe eſſe nō ſolū ſigno crucis tuendū, ſed & victoriā adepturū, ſigno crucis ſe muniens, ſignū victoriæ dedit, ac ſigno crucis ſignū prælii dedit, ac ſe in bellū, etiā ſi nemo ſequeretur, victor futurus immiſit. Prima ſalutis via extitit Arbitrio, hoſtiliū partium co-

mes:

mes: qui cum ignarum imperatorem circumpositis excepisset insidijs, conuersus ad reuerentiam præsentis Augusti, nõ solum periculo liberauit, verumetiam instruxit auxilio. At ubi ad contigua immiscendæ pugnæ spatia peruentum est, continuo magnus ille & ineffabilis turbo ventorum in ora hostium ruit. Ferebantur per aërem spicula missa nostrorum atque ultra mensurâ humani iactus manu in aëre reportata, nusquam propemodum cadere, priusquam impingerent, sinebantur. Porro autem turbo cõtinuus ora pectoraque hostium nunc illis grauitèr scutis euerberabat, nunc impressis pertinaciter obstrueta claudebat, nunc auulsus violèter destituta nudabat, nunc oppositis iugiter in terga trudebat: tela etiã quæ ipsi vehemèter intorserât, excepta vêtis impetu supinata, ac retrorsum coacta, ipsos infelicitèr configebant. Prospexit sibi humane conscientiæ pauor: Nam continuo sese, parua suorum manu fusa, victori Theodosio hostilis prostrauit exercitus. Eugenius captus atque interfectus est. Arbogastes sua se manu perculit. Ita & hic duorum sanguine bellum ciuile restinctum est, absque illis decem millibus Gothorû,

quos præmissos à Theodosio Arbogastes
delesse funditus fertur, quos utiq; perdi-
disse lucrum, & vinci vincere fuit. Nō in-
sulto obtrektoribus nostris. Vnū aliqd
ab initio vrbis conditę bellum proferant,
tā pia necessitate susceptū, tam diuina feli-
citate confectū, tā clemēti benignitate so-
pitū, vbi nec pugna grauē cædem, nec vi-
ctoria cruentā exegerit vltionem: & for-
tasse concedā, vt nō hæc fidei Christiani
ducis cōcessa videantur, quāuis ego hoc
testimonio non laborē, quando vnus ex
ipsis poëta quidē eximius, sed paganus p-
uicacissimus, huiusmodi versibus & Deo
& homini testimonium tulit, quibus ait:

Onimium dilecte Deo, tibi militat æther,

Et coniurati veniunt ad classica venti.

Ita cœlitus iudicatū est, inter partē etiam
sine præsidio hominū de solo Deo humi-
liter sperantē, & partē arrogantissimē de
viribus suis, & de idolis præsumentē. The-
odosius aut cōposita tranquillataq; Rep.
apud Mediolanū constitutus, diem obiit.

*De imperio & rebus gestis Arcadij, Theodosii iu-
nioris & Honorij Caesarum. De Gildonis perfidia
ac molitionibus, tamen per Mascezilem com-
pressis.*

CAPVT XXXVI.

ANno ab vrbe condita millesimo cētesimo XLIX. Arcadius Augustus, cuius nunc filius Theodosius orientem regit, & Honorius Augustus frater eius, cui nunc Respub. innititur, XLII. loco commune imperium, diuisis tantum sedibus tenere cœperunt: vixitque Arcadius post patris excessum annis duodecim, imperijque summam Theodosio filio suo paruo admodum moriēs, tradidit. Inter ea Gildo comes, qui in initio regni eorū Africæ præerat, simul vt defunctū Theodosium comperit, siue, vt quidam ferunt, quadam permotus inuidia, Africam orientalis imperij partibus iungere molitus est: siue, vt alia tradit opinio, minimam in paruulis spem fore arbitratus, præsertim cum absque his non facile antea quisquam pusillus in imperio relictus, ad maturitatem virilis ætatis euaserit: isti-que propemodum soli inueniantur, quos ob egregiam patris ac suam fidem & diuisos & destitutos Christi tutela prouexerit. Africam excerptam à societate Reip. sibi usurpare ausus est, gentili magis licentia contentus, quàm ambitu regie affectionis inflatus. Huic Mascezil frater fuit, qui nouarum rerum molitiones in

fratre perhorrescens, relictis apud Africanam militiam duobus filiis adolescentibus, in Italiam redijt. Gildo & absentiam fratris & præsentiam filiorum eius suspectam habens, adolescentes dolo circumuentos interfecit. Ad hunc iam vt hostem bello insequendum Mascezil frater missus est, quem idoneum procurandæ reip. fore propriæ orbitatis recens dolor pollicebatur. Igitur Mascezil iam inde à Theodosio sciens, quantum in rebus desperatissimis oratio hominis per fidem Christi à clementia Dei impetraret, Caprariam insulam adiit, vnde secum sanctos seruos Dei aliquot permotos precibus suis sumpsit: cum his, orationibus, ieiunijs, psalmis dies & noctes continuans, sine bello victoriam meruit, ac sine cæde vindictam. Ardalion fluminis nomen est, quod fluit inter Thebastem & * Metrideram ciuitates: vbi cum parua manu, hoc est, cum quinque millibus (vt aiunt) militum, contra septuaginta millia hostium castra metatus, cum interiecta mora excedere loco, oppositaq; præiacentis vallis angustias transgredi vellet, intercurrente nocte, beatum Ambrosium episcopum, Mediolani paulo ante

* Amme-
deiam

antè defunctum, per somnium sibi videre
visus est, significantem manu & impacto
ad humum ter baculo dicentem: Hic, hic,
hic. Quod ille prudenti coniectura intel-
lexit, merito annuntiatis fidem victoriæ,
verbo locum, numero diem significari.
Subsistit, ac tertio demum die, post nocte
orationibus hymnisque peruigilem ab
ipsis cœlestium sacramentorum mysteri-
is, in hostem circumfusus procelsum: &
cum ad eos qui primi occurrerant, pia pa-
cis verba iactaret, signiferum quendam
insolenter obfistentem, & iamiamque pu-
gnam excitantem, gladio percussit in bra-
chio: eumque manu debilem, ipso vulnere
coëgit pronum inclinare vexillum. Quo
viso, reliquæ cohortes deditionem iam
fieri priorum existimantes, certatim sese
ad Malcezelem signis tradidere conuer-
fis. Barbari quorum magnam multitudi-
nem Gildo ad bellum deduxerat, defectu
militum destituti, in diuersa fugerunt.
Gildo & ipse fugam molitus, arrepta na-
ui, vt in altum prouectus, ac deinde reuo-
catus in Africam est, post aliquot dies
strangulatus interiit. Periclitaremur sub
tantorum miraculorum relatu, quasi præ-
sumpta mentiendi impudentia, nisi adhuc

vocem nostram consciētia eorum, qui interfuere, præcurreret. Nullę aguntur insidię, nulla corruptio, septuaginta millia hostium vincuntur pene sine pugna: fugit victus ad tēpus, ne plus audeat victor iratus. Trāsportatur in diuersum locū, vt nesciat frater occidi, quo vindicatur occiso. Sane idē Mascezil elatus rerum secundarum insolentia, posthabito sanctorum consortio, cum quibus antea Deo militās vicerat, etiam ecclesiā temerare ausus est, atque ex ea quosdam non dubitauit extrahere. Secuta est pœna sacrilegū. Nam iisdem superstitionibus atq; insultatibus, quos ab ecclesia ad pœnam protraxerat, post aliquantum tempus solus & ipse punitus est: probauitque in se vno, ad vtrumq; semper diuinum vigilare iudicium: quando & cum sperauit, adiutus, & cum contempsit, occisus est.

De Ruffini & Stiliconis scelere: itē Rhadagaisi regis Gothorum, quomodo Romam terruerit & victus sit.

CAPVT XXXVII.

INterea cum à Theodosio imperatore seniore, singulis potissimis infantū cura & disciplina vtriusque palatii cōmissa esset, hoc est, Ruffino orientalis aulae, Stili-

Stiliconi occidētalis imperij, quid vter-
que egerit, quidūc agere conatus sit, exi-
tus vtriusque docuit: cum alius sibi, alius
filio suo affectans regale fastigium, vt re-
bus repente turbatis, necessitas Reip. sce-
lus ambitus tegeret, gentes barbaras ille
immisit, hic fouit. Taceo de Alarico rege
cum Gothis suis sæpe victo, sæpe conclu-
so, semperque dimisso. Taceo de infelici-
bus illis apud Polentiam gestis, quū bar-
baro & pagano duci, hoc est, Sauli, sum-
ma belli commissa est: cuius improbitate
reuerēdisimi dies & sanctū pascha vio-
latum est, cedentiūque hosti propter reli-
gionē, vt pugnaret extortum est: cū qui-
dē, ostēdente in breui iudicio Dei, & quid
fauor eius posset, & quid ultio exigeret,
pugnantes vicimus, victores victi sumus.
Taceo de ipsorū inter se barbarorum cre-
bris dilacerationibus, cū se inuicē Gotho-
rū cunei duo, deinde Alani atque Hunni
varijs cædibus populabantur. Rhadagai-
sus omniū antiquorū præsentiūq; hosti-
um longe immanissimus, repētino impe-
tu totam inundauit Italiam. Nam fuisse
in populo eius plusquàm ducenta millia
Gothorum ferunt. Hic supra hanc incre-
dibilē multitudinem indomitāq; virtu-
tem

tem paganus & Scythæ erat : qui , vt mos est barbaris huiusmodi gentibus, omnem Romani generis sanguinem dijs suis propinare deuouerat. Hoc igitur Romanis arcibus imminente, fit omnium paganorum in vrbe concursus. Hostem esse cum vtique virium copia, tum maximè præsidio deorum potètem : urbem autem ideo destitutam & mature periturâ, quia Deos & sacra perdiderit. Magnis querelis vbi-que agitur & continuo de repetendis sacris celebrandisq; tractatur. Feruent tota vrbe blasphemix, vulgo nomen Christi tanquam lues aliqua præsentium temporum probris ingrauatur. Itaque ineffabili iudicio Dei factum est, vti, quoniam in permixto populo pijs gratia, impijs pœna debebatur, oportebatq; permitti hostes, qui insuadibilem in plurimis, & contradicentem ciuitatem seuerioribus solito flagris coarguerent, non tamen eos qui indiscrete cunctos intemperata cæde delerent, duo tunc populi Gothorum cū duobus potentissimis regibus suis per Romanas prouincias baccharentur: quorum vnus Christianus priorq; Romano, & (vt res docuit) timore Dei mitis in cæde, alius paganus barbarus, & vere Scythæ,

tha, qui non tantum gloriam aut prædam
quãtum inexaturabili crudelitate ipsam
cædem amaret in cæde: & hic iã receptus
sinu Italiæ, Romam è proximo trementē
terrore quassabat. Itaque si huic vltioni
potestas permetteretur, quem Romani ob
hoc præcipue timendum arbitrabantur,
quia favorem Deorum sacrificiorum ob-
sequijs inuitaret, & immoderatio cæde
sine fructu emendationis arsisset, & error
nouissimus peior priore creuisset: quan-
do quidem in pagani & idololatræ manus
incidisse, non solum paganis residuis de
instaurando cultu idolorum esset indu-
bitata persuasio, sed etiam Christianis pe-
riculosa confusio, cum & hi terrentur
præiudicio, & illi confirmarentur exem-
plo. Quamobrem iustus dispensator hu-
mani generis Deus perire paganum ho-
stem voluit, & Christianum præualere
permisit, vt pagani blasphemantesque Ro-
mani, & illo confunderentur perditio &
hoc punirentur immisso: maxime cum im-
peratoris Honorij admiranda in rege cō-
tinentia, & sanctissima fides non parum
diuinæ misericordiæ mereretur. Concede-
duntur quidem aduersus immanissimum
illum hostem Rhadagaisum, aliorum ho-
stium

stium cum copijs suis inclinati ad auxiliũ
animi. Ad sunt Vldin & Sarus Hunnorũ
& Gothorum duces præsidio Romano-
rum: sed non finit Deus rê potentia suæ,
virtutẽ hominum & maxime hostium vi-
deri. Contritum diuinitus Rhadagai-
sum, in Fæsulanos montes cogit: eiusque
(secundum eos qui parcissimè referunt)
ducenta millia hominũ inopum consilij
& cibi, in arido & aspero môtis iugo, vr-
gente vndiq; timore cõcludit: agminaq;
quibus dudum angusta videbatur Italia,
latendi spe in vnum ac paruum verticẽ tru-
dit. Quid multis morer? Non disposita in
bellum acies fuit, non furor timorque in-
certa pugnae prætulit, non cædes acta, nõ
sanguis effusus est, non postremo (quod
felicitatis loco deputari solet) damna pu-
gnæ euentu compensata victoriæ, edenti-
bus, bibētibus ludentibusq; nostris, tanti
illi tamque immanes hostes, esurientes &
sitientes languentesque confecti sunt. Pa-
rum hoc est, nisi captum & catenatum ac
subiugatum sciant, quem timuere Roma-
ni: illumque idololatrã suum, cuius sacri-
ficia se magis pertimescere quã arma fin-
gebāt, sine prælio victum ac vinctum sub
iugo catenisq; despiciant. Igitur rex Rha-
dagai-

dagaisus solus spem fugæ sumens, clā suos
deferuit, atq; in nostros incidit: à quibus
captus, ac paulisper retentus, deinde in-
terfectus est. Tanta vero multitudo capti-
uorum Gothorum fuisse fertur, vt vilissi-
marum pecudū modo, singulis aureis pas-
sim greges hominū venderentur. Sed ni-
hil superesse Deus de eodē populo finit.
Nam illico cunctis qui emebantur moriē-
tibus, quod improbi emptores eorum nō
impēderunt turpiter pretijs, expēderunt
misericorditer sepulturis. Igitur ingrata
Roma, quæ sicut nunc sensit, non ad re-
mittēdam, sed ad reprimendā idololatrię
præsumptionem, iudicis Dei obliquā mi-
sericordiam, ita continuo propter viuo-
rum mortuorumque sanctorum piam re-
cordationem, Dei iram passura non ple-
nam, si forte cōfusa pœniteat, & per expe-
rientiam fidem discat, ab incurſu Alarici
regis & hostis, sed Christiani, aliquantu-
lo ad tempus spatio, differtur.

*De molitionibus Stiliconis comitis, eiusq; & Eu-
cherij interitu.*

CAPVT XXXVIII.

INterea comes Stilico Vádalorum im-
bellis, auaræ, perfidæ & dolosæ gentis
genere editus, paruipēdens quòd sub im-
peratore

peratore imperabat, Eucherium filiū su-
um, sicut à plerisque traditur, iam inde
Christianorum persecutionem à puer o
priuatoque meditantem, in imperio quo-
quo modo substituere nitebatur. Quam-
obrem Alaricum cunctamque Gothorū
gentem pro pace optima & quibuscun-
que sedibus suppliciter ac simpliciter o-
rantem, occulto fœdere vouens, publicè
autem & belli & pacis copia negata, ad te-
rendam terrendamque Rempub. reserua-
uit. Præterea gentes alias copijs viribus-
que intolerabiles, quibus nunc Galliarum
Hispaniarumque prouinciæ premuntur,
hoc est, Alanorum, Sueuorum, Vandalorū,
ipsoque simul motu impulsorū Bur-
gundionum, vltro in arma sollicitans, de-
terso semel Romani nominis metu, susci-
tauit eas interim ripas Rheni quaterere, &
pullare Gallias voluit, sperans miser sub
hac necessitatis circumstantia, quia & ex-
torquere imperium genero posset in fili-
um, & gentes barbaræ tam facilè compri-
mi quàm commoueri valerent. Itaque vbi
imperator Honorio exercituiq; Roma-
no hæc tantorum scelerum scena patefa-
cta est, commoto iustissimè exercitu, oc-
census est Stilico: qui vt vnum puerum pur-
puram

puram indueret, totius generis humani sanguinem dedit. Occisus est & Eucherius, qui ad conciliandum sibi fauorē paganorum, restitutione templorum & euersione ecclesiarum imbuturum se regni primordia minabatur, paucique cum iisdem satellites tatarum molitionum puniti sunt. Ita minimo negotio paucorumque pœna, ecclesiæ Christi cum imperatore religioso & liberatæ sunt & vindicatæ. Itaque post hæc tanta augmenta blasphemiarum, nullamque pœnitentiam, vltima illa diuque suspensa urbē pœna consequitur.

Quomodo Roma per Gothos irrupta fuerit, depredata & incensa, solis Christianis tutis & liberis.

CAPVT XXXIX.

Adest Alaricus, trepidā Romam ob-
sidet, turbat, irrumpit. Dato tamen
præcepto prius, vt si qui in sancta loca
præcipueque in sanctorum apostolorum
Petri & Pauli basilicas confugissent, hos
in primis inuiolatos securosque esse sine-
rent. Tum deinde inquantū possent præ-
dæ inhiantes, à sanguine temperarēt. Ac-
cidit quoque quo magis illa urbis irruptio
indignatione Dei acta, quàm hostis for-
titudi-

titudine probaretur, vt beatus Innocentius Romanæ ecclesiæ episcopus, tanquam iustus Loth subtractus à Sodomis, occulta prouidētia Dei apud Rauēnam tūc positus, peccatoris populi non videret excidium. Discurrētibus per urbem barbaris, forte vnus Gothorum idemque potēs & Christianus, sacram Deo virginem iā etate prouectam, in quadam ecclesiastica domo reperit: cum quæ ab ea aurū argentumque honestè exposeret, illa fideli constātia esse apud se plurimum, & mox proferendum spondit, ac protulit. Dumque expositis opibus, attonitum barbarū magnitudine & pondere ac pulchritudine, ignota etiā vasorum qualitate intelligeret, virgo Christi ad barbarum ait: Hæc Petri apostoli sacra ministeria sunt. Præsume, si audes. de facto tu videris. Ego quia defendere nō valeo, neque tenere audeo. Barbarus vero ad reuerentiam religionis, timore Dei & fide virginis motus, ad Alaricū hæc per nuntiū retulit: qui continuo reportari ad apostoli basilicam vniuersa, vt erant, vasa imperauit: virginē etiam simulque omnes qui se adiungerēt Christianos, eodem cum defensione deduci. Ea domus à sanctis sedibus longo,
ut se-

vt ferunt, & medio interiectu vrbis aberat. Itaque magno spectaculo omnium disposita per singulos singula, & super capita elata palam aurea atque argentea vasa portantur, exertis vndiq; ad defensionem gladijs, pia pompa munitur. Hymnis Deo Romanis barbarisque concinētibus, publice canitur. Personat latè in excidio vrbis salutis tuba, omnesque etiā in abditis latentes, inuitat ac pullsat. Concurrunt vndique ad vasa Petri, vasa Christi: plurimi etiam pagani Christianis professione, si non fide, admiscuntur: & per hoc tamen ad tēpus, quo magis confundantur, euadunt. Quanto copiosius aggregātur Romani confugientes, tanto auidius circumfunduntur barbari defensores. O sacra & ineffabilis diuini iudicii discretio. O sanctum istud & salutare flumē, quod parua exortū domo, dū beato alueo in sanctorum sedes tendit, oberrantes periclitantesq; animas in salutis sinum pia rapacitate peruexit. O præclara illa Christianæ militiæ tuba, quæ generaliter cūctos dulcissimo ad vitā modulamine inuitās, quos ad salutem inobedientes non suscitauit, inexcusabiles reliquit ad mortem. Mysterium hoc quod in transferendis vasis,

dicendis hymnis, ducendis populis fuit, tanquam magnum cribrū fuisse arbitror, per quod ex congregatione populi Romani tanquam ex magna massa frumenti, per omnia ex vniuerso ambitu ciuitatis latebrarum foramina effluxere grana viua, siue occasione siue veritate cōmota, omnia tamen de præsente salute credentia, ex horreo dominicæ præparationis accepta sunt. Reliqua vero sicut stercore, & velut palcæ, ipsa vel incredulitate vel inobedientia præiudicata, ad exterminium atque incendium remanserūt. Quis hæc perpédere plenis miraculis, quis prædicare dignis laudibus queat? Tertia die barbari, quam ingressi urbem fuerant, sponte discedunt, factō quidem aliquantarum ædium incendio, sed ne tantō quidem, quantum septingentesimo conditiōnis eius anno casus effecerat. Nam si exhibitam Neronis imperatoris sui spectaculis inflammationem recenscam, procul dubio nulla comparatione æquiparabitur secundum id, quod excitauerat lasciuia principis, hoc quod nūc intulit ira victoris. Neque vero Gallorum meminisse in huiusmodi collatione debeo, qui continuo pene anni spatio incensæ euersæque urbis

urbis attritos cineres possederunt. Et ne quisquam forte dubitaret, ad correptionem superbæ lasciuia, & blasphemæ ciuitatis hostibus fuisse permissum, eodem tempore clarissima urbis loca fulminibus diruta sunt, quæ inflammari ab hostibus nequiuert.

De irruptione vastationeq; Alanorum, Sueuorū & Vandalorum. Item de Gratiano tyranno & Constantino imperatore apud Britānos. Deq; Didymi & Veriniani gestu & interitu.

CAPVT XL.

ANno itaque ab vrbe condita M. cētesimo sexagesimo quarto, irruptio urbis per Alaricū facta est: cuius rei quāuis recens memoria sit, tamen si quis ipsius populi Romani & multitudinē videat, & vocem audiat, nihil factum, sicut etiam ipsi fatentur, arbitrabitur, nisi aliquātis adhuc existentibus ex incendio ruinis forte doceatur. In ea irruptione Placidia Theodosij principis filia, Arcadij & Honorij imperatorum soror, ab Ataulpho Alarici propinquo capta est, atq; in vxorem assumpta, quasi eam diuino iudicio velut speciale pignus obsidem Roma tradiderit, ita iuncta barbari potētissimi regis coniugio, multo Reip. cōmodo fuit.

Interea ante biennium Romanę irruptionis, excitatę per Stiliconem gentes Alannorum, vt dixi, Sueuorum Vandalorum, multęque cum his alię, Francos proterunt, Rhenum transeunt, Gallias inuadunt, directoque impetu Pyrenęum usque perueniunt: cuius obice ad tempus repulsę, per circũiacentes prouincias refunduntur. His per Gallias bacchantibus, apud Britannias Gratianus municeps eiusdem insulę tyrannus creatur, & occiditur. Huius loco Constantinus, ex infima militia propter solą spem nominis, sine merito virtutis eligitur. qui continuo vt inuasit imperiũ, in Gallias transijt. Ibi sæpe à barbaris incertis fœderibus illus, detrimento magis Reipub. fuit. Misit verò in Hispaniam iudices, quos cũ prouincię obediēter accepissent, duo fratres iuuenes nobiles & locupletes, Didymus & Verinianus non assumpsere, ne aduersus tyrannum quidem tyrannidem, sed imperatori iusto aduersus tyrannum & barbaros, tueri sese patriamque suam moliti sunt. Quod ipso gestę rei ordine patuit. Nam tyrānidem nemo, nisi celeriter maturatā secretò inuadit, & publicè armat. cuius summa est assumpto diademate ac purpu-

purpura, videri antequam sciri. Hi vero plurimo tempore seruulos tantum suos ex proprijs prædijs colligētes, ac vernaculis alentes sumptibus, nec dissimulato proposito absque cuiusquam inquietudine ad Pyrenæi claustra tendebant. Aduersus hos Constantinus Constantem filiū suum, proh dolor, ex monacho Cæsarem factum cum barbaris quibusdā, qui quondam in foedus recepti atque in militiā allecti, Honoriaci vocabantur, in Hispanias misit. Hinc apud Hispanias prima mali labes. Nam interfectis illis fratribus, qui tutari priuato præsidio Pyrenæi alpes molebantur, his barbaris quasi in pretium victoriæ, primum prædandi in Palatinis campis licentia data: dehinc supradicti montis claustrorumque eis cura permissa est, remota rusticanorum fideli & utili custodia. Igitur Honoriaci imbuti præda, & illecti abundantia, quo magis scelus impunitum foret, atque ipsis sceleris plus liceret, prodita Pyrenæi custodia, claustrisque patefactis, cunctas gentes quæ per Gallias vagabantur, Hispaniarum prouincijs immittunt, ipsdemque ipsi adiunguntur: vbi actis aliquamdiu magnis cruentisque discursibus, post graues re-

rum atq; hominum vastationes, quarum ipsos quoque modo pœnitet, habita forte, & distributa vsque ad nunc possessione consistunt.

Dictorum velut epilogus. Item omnes omnia iuste sustinuisse. siue p̃i siue imp̃i fuerint.

CAPVT XLI.

MUltanunc mihi de huiusmodi rebus facultas loquendi foret, si nō secundum omnes homines apud vniuscuiusque mentem consciētia secreta loqueretur. Irruptæ sunt Hispaniæ, cædes vastationesque passæ sunt. Nihil quidem novum. hoc enim nunc per biennium illud, quo hostilis gladius sævit, sustinere à barbaris, quod per ducentos quondam annos passæ fuerunt à Romanis, quod etiam sub imperatore Galieno per annos propemodum duodecim, Germanis evertentibus exceperunt. Veruntamen quis non se, qui sui suorumque actuum vel etiam cogitationum conscius, iudicia Dei metuit, iuste omnia passum, vel etiam parva sustinuisse fateatur? aut qui se non intelligit, Deumque non metuit, quomodo non iuste ista & quidem parva sustinuit? Quæ cuncta ita sint, illud tamen clementia Dei eadem pietate qua dudum prædixerat,

xerat, procurauit, vt secundum euangelium suum, quo incessabiliter commonebat, Cum vos persecuti fuerint in vna ciuitate, fugite in aliam, quisque egrediens quò abire vellet, ipsis barbaris mercenariis ministris ac defensoribus vteretur. Hoc tunc vltro ipsi offerebant. Et qui auferre omnia interfectis omnibus poterant, particulam stipendij ob mercedem seruitij sui & transuecti oneris flagitabāt. Et hoc quidem à plurimis factum est. Qui autem non crediderunt euangelio Dei, quasi contumaces, vel si etiam non audierunt, dupliciter contumaces, non dederunt locum iræ, iuste à superueniente ira comprehensi & oppressi sunt. Quanquā & post hoc quoque cōtinuo barbari execrati gladios suos, ad aratra conuersi sunt, residuosque Romanos vt socios modo & amicos fouent, vt inueniantur iam inter eos quidam Romani, qui malint inter barbaros pauperē libertatē, quàm inter Romanos tributariam sollicitudinem sustinere. Quanquam si ob hoc solum barbari Romanis finibus immixti forent, quod vulgo per orientem & occidentem ecclesiæ Christi Hunnis, Sueuis, Vandalis & Burgundionibus, diuersisque & in-

Matth. 10.

Rom. 11.

numeris credentium populis replentur, laudanda & attollenda Dei misericordia videretur: quandoquidē & si cum labefactione nostri, tātæ gentes agnitionē veritatis acciperent, quā inuenire vtiq̃ue nisi hac occasione nō possent. Quid enim damni est Christiano ad vitā æternam inhianti, huic sæculo quolibet tēpore & quoquo pacto abstrahi? Quid autē lucri est pagano in medio Christianorum aduersus fidem obdurato, si paulo diutius diē protrahat, quandoquidem morituro desperata conuersio est? Et quia ineffabilia sunt iudicia Dei, quæ nec scire omnia, nec explicare quæ scimus, possumus, breuiter expresserim correptionem iudicis Dei, quoquo pacto accidat, iustē sustinere qui sciunt, iuste sustinere qui nesciunt.

Recitat catalogum quendam tyrannorum, qui tandem omnes opera Constantij comitis deleti fuerint.

CAPVT XLII.

ANno ab vrbe condita millesimo cētesimo sexagesimo quinto, Honorius imperator videns, tot oppositis tyrannis, nihil aduersum barbaros agi posse, ipsos prius tyrānos delere iubet. Constitutio comiti huius belli summa commissae est.

est. Sensit tunc demum Resp. & quam utilitatem in Romano tandem duce receperit, & quam eatenus perniciem per longa tempora barbaris comitibus subiecta tolerarit. Igitur Constantius comes in Galliã cum exercitu profectus, Constantinũ imperatorem apud Arelatũ ciuitatẽ clausit, cepit & occidit. Iam hinc, vt de catalogo tyrannorũ quã breuissimẽ loquar, Constantem filium Constantini, Gerontius comes suus, vir nequã ac improbus, apud Viennam interfecit, atque in eius locum Maximum quendam substituit. Ipse vero Gerontius à suis militibus occisus est. Maximus exutus purpura, destitutusque à militibus Gallicanis, qui in Africã traiectione, deinde in Italiam reuocati sunt, nunc inter barbaros in Hispania egens exulat. Iouinus postea vir Galliarum nobilissimus, in tyrannidem mox vt assurrexit, cecidit. Sebastianus frater eiusdem, hoc solum vt tyrannus moreretur, elegit. Nam continuo vt est creatus, occisus est. Quid de infelicissimo Attalo loquar, cui occidi inter tyrannos honor & mori lucrum fuit? In hoc Alaricus imperatore factus, infectus, relictus ac defectus, citius his omnibus actis pene quã dictis, mimum

* descen-
dens

mimum risit, & ludum spectauit imperij.
nec mirum si iure hac pompa miser lusus
est, cuius ille umbratilis consul Tertullus
aulus est in curia dicere, Loquar vobis pa-
tres conscripti consul & pontifex, quorū
alterum teneo, alterum spero, sperans ab
eo qui non habebat spem, & maledictus
utique quia spem suam posuerat in homi-
ne. Attalus itaque tanquam inane imperij
simulachrum cum Gothis vsque ad Hispa-
nias portatus est: vnde * discedens naui,
incerta moliens, in mari captus, & ad Cō-
stantium comitem deductus, deinde impe-
ratori Honorio exhibitus, truncata ma-
nu, vitæ relictus est. Heraclianus interea
Africæ comes missus, cum idem Attalus
umbram gestaret imperij, Africam stre-
nuè aduersum iudices ab eo missos turba-
tus, consulatum assecutus est. quo elatus
supercilio, Sabinum domesticum suum,
virum ingenio calidum, industriaque so-
lertem & sapientem nominandum, si ani-
mi vires tranquillis studijs accommoda-
uisset, generum allegit: cum quo quorū-
dam periculorum suspiciones dum pati-
tur, fecit, atque aliquandiu Africana an-
nona extra ordinem retenta, ipse tandem
cum immensa, certe temporibus nostris
& la-

& satis incredibili classe nauium, Romam contendit. Nam habuisse tunc IIIMCC. naues dicitur: quem numerum ne apud Xerxem quidem præclarum illum Persarum regem, nec Alexandrum magnū, vel quenquam alium regum fuisse, historiæ ferunt. Is simul vt cum agmine militum ad urbem pergens litore egressus est, occurſu comitis Marini territus & in fugā verſus, arrepta naui, ſolus Carthaginem redijt, atque ibi continuo militari manu interfectus eſt. Sabinus gener eius Conſtantinopolim fugit. vnde poſt aliquantum temporis retractus, exilioq; damnatus. Hunc omnem catalogum, vt dixi, vel manuſcriptorum tyrannorum, vel inobedientium ducum, optima Honorius imperator religione & felicitate meruit, magna Conſtantiuſ comes induſtria & celeritate confecit: meritò ſane, quia in hiſ diebus præcipiente Honorio & adiuuante Conſtantio, pax & vnitas per vniuerſam Africam eccleſiæ catholicæ reddita eſt: & corpus Chriſti, quod nos ſumus, redintegrata diſciſſione ſanatum eſt. Impoſita executione ſancti præcepti Marcellino tribuno viro, in primis prudenti & induſtrio, omniumque ſtudiorum bonorum

norum appetentissimo, quem Marinus comes apud Carthaginem (incertum zelo stimulatus, an auro corruptus) occidit: qui cōtinuo reuocatus ex Africa, factusque priuatus, vel ad pœnam, vel ad pœnitentiam conscientiae suae dimissus est.

Quomodo Gothi expulsi, quid Ataulphus rex eorum instituerit. De Segerico & Vallia regibus Gothorum.

CAPVT XLIII.

ANno ab vrbe condita millesimo centesimo sexagesimo octauo, Constātius comes apud Arelatum Galliae urbem consistens, magna rerum gerendarum industria, Gothos Narbona expulit, atque abire in Hispaniā coēgit, interdīcto praecipue, atque intercluso omni com meatu nauium, & peregrinorum vsu commerciorum. Gothorū tunc populis Ataulphus rex praeerat: qui post irruptionem urbis ac mortem Alarici, Placidia, vt dixi, captiua sorore imperatoris in vxorē assumpta, Alarico in regnum successerat. Is vt saepe auditum, atque vltimo exitu eius probatū est, satis studiosē sectator pacis, militare fideliter Honorio imperatori, ac pro defendenda Romana republica impendere vires Gothorū praoptauit. Nam
ego

Nam ego quoq; ipse virum quendā Narbonēsem illustris sub Theodosio militiæ, etiam religiosum prudentemque & grauem apud Bethleem oppidum Palæstinæ, beatissimo Hieronymo presbytero referente, audiui se familiarissimum Ataulpho apud Narbonam fuisse: ac de eo sæpe sub testificatione didicisse, quod ille, cum esset animo, viribus, ingenioque nimius, referre solitus esset, se in primis ardentem inhiasse, vt oblitterato Romano nomine, Romanum omne solum, Gothorum imperium & faceret & vocaret: essetque, vt vulgariter loquar, Gothia, quod Romania fuisset: fieretq; nunc Ataulphus, quod quondam Cæsar Augustus. At vbi multa experientia probauisset, neque Gothos vllō modo parere legibus posse propter effrenatam barbariem, neque ipub. interdici leges oportere, sine quibus Resp. non est Resp. elegisse se salutem, vt gloriam sibi de restituendo in integrum, augendoque Romano nomine Gothorum viribus quæreret, habereturque apud posteros Romanę restitutionis auctor, postquam esse non poterat immutator. Ob hoc abstinere à bello, ob hoc inhiare pæc nitebatur, præcipue Placidæ vxoris suæ, forminæ

foeminæ sane ingenio acerrimæ & religionis satis probatæ, ad omnia bonarum ordinationum opera persuasum & consilio temperatus. Cumque eidem paci petendæ atque offerendæ studiosissimè insisteret, apud Barcinonem Hispaniæ urbem dolo suorum, ut fertur, occisus est. Post hunc Segericus rex à Gothis creatus, cum itidem iudicio Dei ad pacem pronus esset, nihilominus à suis interfectus est. Deinde Vallia successit in regnum, ad hoc electus à Gothis, ut pacem infringeret: ad hoc ordinatus à Deo, ut pacem confirmaret. Hic igitur territus maxime iudicio Dei, quia cum magna superiore ab hinc anno Gothorum manus instructa armis navigijsque, transire in Africam moliretur, in XIIII. passuum Gaditani freti tempestate correpta, miserabili exitu perierat: memor etiam illius acceptæ sub Alarico cladis, cum Gothi in Siciliam transire conati, in conspectu suorum miserabiliter arrepti & demersi sunt, pacem optimam cum Honorio imperatore, datis lectissimis obsidibus pepigit. Placidiam imperatoris sororem honorifice apud se honesteque habitam, fratri reddidit. Romanæ securitati periculum suum obtulit, ut aduersum

uersum cæteras gentes, quæ per Hispani-
as consediscent, sibi pugnaret, & Roma-
nis vinceret: quamuis & cæteri Alanorū,
Vandalorum, Sueuorumq; reges eodem
nobiscum placito depacti forent, mandan-
tes imperatori Honorio: Tu cum omni-
bus pacem habe, omniumque obsides ac-
cipe: nos nobiscum conflagimus, nobis
perimus, tibi vincimus: immortalis vero
quæstus erit Reipub. tuæ, si vtrique pere-
amus. Quis hæc crederet, nisi res doce-
ret? Itaque nunc quotidie apud Hispani-
as geri bella gentium, & agi strages, ex
alterutro barbarorum crebris certisque
nuntijs discimus, præcipue Valliam Go-
thorum regem insistere patrandæ paci fe-
runt. Ex quo utcunque concesserim, vt
licenter Christiana tempora reprehен-
dantur, si quid à conditione mundi vs-
que ad nunc simili factum felicitate doce-
atur. Manifestauimus, vt arbitror, atque
ostendimus, nō magis verbo penè, quàm
digito innumera bella sopita, plurimos
extinctos tyrannos, compressas, coangu-
statas, addictas, exinanitasque immanissi-
mas gètes minimo sanguine, nullo certa-
mine, ac pene sine cæde. Superest vt ob-
trectatores nostros molitionum suarum

pœniteat, veritatique erubescant, deum-
 que verū & solum, qui potest omnia, cre-
 dant, timeant, diligant, sequantur: cuius
 omnia, & quæ mala putant, bona esse di-
 dicerunt. Explicui, adiuuante Christo, se-
 cundum tuum præceptum, beatissime pa-
 ter Augustine, ab initio mundi vsque in
 præsentem diem, hoc est, per annos quin-
 que M.DCX. & VIII. cupiditates & pu-
 nitiones hominum peccatorum, confi-
 ctationes sæculi & iudicia Dei, quàm bre-
 uissimè & quā simplicissimè potui, Chri-
 stianis tamen temporibus, propter præ-
 sentem magis Christi gratiam, ab illa in-
 credulitatis confusione discretis. Ita iam
 ego certo & solo, quem cōcupiscere de-
 bui, obedienciæ, meæ fructu fruor.

De qualitate autem opusculo-
 rum tu videris; qui præ-
 cepisti: tibi adiudican-

da, si edas: per te

iudicata, si

deleas.

FRANC.

FRANC FA

BRICII MARCO-

DVRANI IN PAVLI

Orosij librum Septimum

Annotations.

In Caput secundum.

PRincipio secundi.) *Lege caput primum libr.*
 2. Emeriso propemodum anno 42.) *Hic*
numerus Christi nati est etiam apud Eusebium. sunt
tamen qui 41. & alij, qui 44. imperij Augusti Chri-
stum natum scribunt.

In Caput tertium.

Anno ab V.C.DCCLII.) *Caſſiodorus ſcribit*
Chriſtum natum Cn. Lentulo, M. Meſſalla Coſſ. qui
cadunt in annum vrbiſ DCCL. Sicut Suetonius.)
In Auguſto cap. 93. Capta vrbe Hieroſoly.) Lege
infra cap. 9.

In Caput quartum.

Tiberij vitam & res geſtas hic breuiter perſtri-
ctas copioſe habes à Dione, Tacito, Suetonio & Zo-
nara deſcriptas, Pilatus præſes) De Pontio Pilato
Palæſtina præſide, cuiusq; rebus lege Joſephũ Antiquit.
libr. 18. Epistoſa Pilati ad Tiberium de reſurrectione
Chriſti extat apud Egeſippum. Deinde anno eiuf-
dem XVII.) Numerum hunc reliquimus, quamuis
non ſine cauſa Eusebium ſequantur plures, qui paſ-
ſionem

691 IN LIBRVM SEPTIMVM
sionem Christi in Tyberij annum XVIII. confert.

In Caput quintum.

De Caligula Suetonius & Dio, item Eutropius libro 7. & Eusebius in historia Ecclesiast libro 2. Minocynobellinum) Suetonius in Caligula cap. 44. Admimocinum Bellini Bataurorum regis filium, habet. Spreta legatione Philonis) De hac legatione Eusebius libro 2. cap. 5. Iosephus libro 18. Antiquit. cap. 10. Pilatus autem) Pilatus anno secundo imperij Caligula sibi manus intulit. Cassiodorus & Eusebius.

In Caput sextum.

De Claudio Casare, Suetonius, Dio. Eutropius & Sex .Aurelius. Imperavit annis XIII. mensib. VIII. dieb. XX. Iosephus li. 20. Antiq. ca. 5. Xiphilinus in Epitoma Dionis. Exordio regni) Anno secundo, Saturnino & Venusto Coss. Cassiodorus. Lege Euseb. in Chronic. Biduum illud) Hic locus ita recte legitur in manuscriptis, vt cognoscitur ex Suetonij Claudio ca. 11. Vt verbis Suetonij) Suetonius in Claudio ca. 17. Fames grauissima) De hac fame Lucas in Actis Apostol. ca. 11. Iosephus Antiq. li. 20. ca. 2. Eusebius historia Eccles. li. 2. ca. 8. Inter Therani) Idē Cassiod. & Euseb. in Chronicis. De Thera & Therasia Strabo li. 10. Anno eius VII.) De hac seditione Iosephus Antiq. li. 20. ca. 4. Eusebius Eccles. hist. lib. 2. cap. 19. Sed me magis Sueto.) Sueton. in Claudio ca. 24.

In Caput septimum.

Neronis vitam & res gestas si vis cognoscere, lege
præter

prater Suetonium & Dionis epitomam. Taciti lib. 13. 14. 15. & 16. Urbis Romæ incendium.) De hoc incendio Tacitus lib. 15. Christianos supplicij) Meminit Tacitus li. 15. Suetonius ca. 16. lege Augustinũ de Ciuit. Dei li. 18. ca. 52. Egesippum li. 3. Euseb. historia Eccles. li. 2. cap. 25.

In Caput octauum.

Galba apud Hispanias) Lege Tacitum li. 15. & Sueton Sed Galba vita diligẽter à Plutarcho scripta inprimis legenda. Idem Othonem descripsit, de quo Xiphilinus, Suetonius, Eutrop. & alij. Bebriacum) Bebriacum habet etiam Tacitus li. 18. Eutrop. libr. 7. Suetonius & Sex. Aurelius. Sed non puto negligendũ quod in Gualtheri libro est, Betriacum: nam & Plutar. in Othone Βητριανὸν habet. Sabinum Vespas. fratrem) Xiphilinus in Vitellio de Sabino inquit, συγγενὴς οὗτος οὐστρασιανῶ. Cum Orosio Tacitus, Eutropius, ceteriq; faciunt.

In Caput nonum.

In Carmelo monte) Ita recte legitur in manu scriptis. Lege Suetonium in Vespasiano cap. 4. Sed de bello Iudaico Iosephi libri omnia abunde suppeditabunt. DC. millia Iudæor.) Idem numerus est apud Eusebium. Tu prater Iosephum lege Egesippum libro. 5. Iosephus vero) De bello Iudaico libro 7. ca. 17. Siquidem Achaia, Lycia) Eadem Eutrop. lib. 7. Suetonius in Vespasiano ca. 8. Anno ab V. C.) Titi vitam scribunt copiosè Xiphilinus & Suetonius, breuiter Eutropius & Sex. Aurelius. Vespasij) Incendium Vesuuij. montis lege apud Xiphilinum

linum in Tito. Meminit Suetonius in Tito cap. 8. & Plinius in Epistolis.

In Caput X.

De Domitiano Xiphilinus, Suetonius, Eutrop. & Aurelius victor. Diurpaneus) In Gualtheri li. est, Diurpanis. Xiphilinus Dacorum regem, Decebalum, nominat. Eum lege, quando Tacitus, cuius Orosius meminit, ad nos non pervenit. Beatissimus Iohannes) Sophronius scribit Iohannem Apost. in exilium relegatum anno XIII. imperij Domitiani. Idem est in Eusebii Chronicis.

In Caput XI.

De Nerua lege Xiphilinum, Eutropium, & Aurelium. Quamvis Eutropius) Eutropius initio libri octavi.

In Caput XII.

Per annos XIX.) His Xiphilinus ex Dione addit, menses VI. (Cassiodo. IIII. habet) dies XV. Plinij Secundi) Epistola Plinij ad Traianum de Christianis extat li. 10. Terræmotu) De hoc terræmotu Eusebius in Chronic. De Antiochia terræmotu Xiphilinus in Traiano. Apud Seleuciam.) Sic Eutrop. Euseb. & Cassiodo. At Xiphilinus ita, καὶ ἐς σελινοῦντα κελικίας ἐλθὼν, ἣν δὴ καὶ τραϊανὸς πολὺν καλῶς, θεαίφνης ἀπέψυξε.

In Caput XIII.

Hadriani vita ex Dione à Xiphilino, & à Spartiano descripta extat. Per epistolâ ad Minucium) Huius epistola exemplum legitur in Ecclesiast. historia Eu-

via Eusebii lib. 4. ca. 9. Iudæos sane perturb.) De hoc bello Xiphilinus, qui scribit Hadrianum colonia Hierosolymam deducta urbem, Aeliam Capitolinam appellasse.

In Caput XIII.

Antonini Pij vita ad Diocletianum scripta à Capitolino extat. Valentinus hæresiarches) Lege Eusebii historiam lib. 4. cap. 10. & deinceps. Iustini liber inter opera ipsius à Roberto Stephano impressus extat.

In Caput XV.

M. Antoninus) Huius quoque Antonini vitam Capitolin. descripsit. De eodem Xiphilinus è Dione. Secuta est lues) De hac peste Lampridius. & Eusebius in Chronico. Quidam milites) Mileteni hi milites erant. de quibus contra Dionem Xiphilinus in Antonino philosopho. Lege præterea Eusebium historia Eccles. lib. 5. cap. 5.

In Caput XVI.

Commodi vitam descripsit Lampridius. Xiphilinus, & Herodianus li. 1. Aelius Pertinax) Pertinacis vitam Capitolinus descripsit. De eodem Herodianus lib. 2. Xiphilinus, & Eutropius. Iuliani Iurispræriti.) De hoc Iuliano Spartianus, Xiphilinus, Herodianus, & alij. Pontem Mulvium) Sic libri manuscripti hoc nomen infra quoque edunt cap. 28. nec aliter in vetustis Sallustij libris scriptum inuenio.

In Caput XVII.

Seuerus genere Afer) Seueri vitam Spartianus scripsit.

scripsit. De eodem Xiphilinus & Herodianus lib. 2. & 3. Contra Pescennium) De Pescenio Nigro idem, quos modo nominavi. Victor in Britannias. De Sequeri expeditione in Britannias prater superiores scribit Cassiodorus.

In Caput XVIII.

Caracalla) Xiphilinus huius nominis ratione explicans χαρακτῆρον habet. Eius vitam Spartianus descripsit. De eodem Herodianus lib. 4. Opilius Macrinus) De hoc Capitolinus, Xiphilinus & Herodianus lib. 4. & 5. M. Aurelius Anto.) De Antonino Helio Gabalo Lampridius, & Herodianus lib. 5. Aurelius Alexander) Alexandri vitam Lampridius quoque scripsit. de eodem Herodianus lib. 6. Xerxem) Ita nominatur etiam à Cassiodoro, qui Herodiano est, ἀρταξέρξης ὁ περσῶν βασιλεὺς.

In Caput XIX.

Maximinus) Duorum Maximinorum patris & filij vitam descripsit Capitolinus. de eodem Herodianus lib. 7. & 8. Pupienus interf.) De Pupieno & Albino Eutropius li. 9. Pro Pupieno Capitolinus & Herodianus, Maximum habent. Idē tres Gordianos vno libro complexus est.

In Caput XX.

De Philippo patre, & Philippo filio Eutr. & Sex. Aurel. Millefimus à conditione) Millefimus annus urbis expletus est. 3. anno imperij Philip. Cassi.

In Caput XXI.

De Decio, item de Gallo & Volusiano Eutrop. lib. 9. &

9. & Sex. Aurel. Morborum pestis) Huius pestis inquit Euseb. testis est Cyprian. de mortal. lib.

In Caput XXII.

Valerianus in Rhetia) De Valeriano & Gallieno legendus est Trebellius Pollio, qui utriusque vitam scripsit. Conspirant intrinsecus tyranni) Tringta tyrannico tempore imperio Romano extiterunt: de quibus Pollionis liber extat.

In Caput XXIII.

Claudij vitam Trebellius scripsit, Aureliani Vopiscus, qui etiam Quintilli meminit. Lege praterea Eutropium & Aurelium. Eripe me his) Lege Pollionem in Tetrici tyranni vita.

In Caput XXIII.

Taciti, Floriani, Probi, Saturnini, Proculi & Bonosi vita à Flavio Vopisco descripta extant: quas lege. Syrmium) Herodiano libro 7. σίρμιον μεγίστη παρόντων πόλις est. Carus Narbon) De Caro Vopiscus, & Sex. Aurel. Eosdem de Carino & Numeriano consule. Cochem) Schonhouij Eutropius, Corchen, habet: meus manuscriptus, Soanen.

In Caput XXV.

Vacaudas) Schonhouij Eutropius habet, Baucadarum nomen, meus, Bagaudarum. Quae autem hic ab Orosio scribuntur, ea sunt quoque in Eutropij lib. 9. & apud Sext. Aurelium.

In Caput XXVIII.

Constantinus imperat) Constantini vitam copiosè

piosè Eusebius libris quinque descripsit. De eodè Sex. Aurelius & Eutropius. Arrius Alexádrinæ vrbis) De Arrio & concilio Niceno tam multa scriptores ecclesiastici, vt mihi tacendum putem. Vrbein nomine suo) Constantinopolim intelligit, quæ prius Byzantium erat.

In Caput XXIX.

De Constantini tribus filijs, qui illi in imperio successerunt, Eutropius libro vlt. Cui Helena) Eutropius scribit Constantem perijisse haud longe ab Hispanijs in castro, cui Helena nomen est. Schonhouius nō recte, castris, legit, quod ex Casiodoro & Hieronymi Chronico perspicitur. Vetraniōnem) Ita hoc nomen scribitur etiam in meo Eutropio.

In Caput XXX.

De Iuliano Eutropius & Sex. Aurelius: copiosissime vero Ammianus Marcellinus libro 22. & deinceps.

In Caput XXXI.

Iouimanus) De hoc Eutropius extremo libro decimo, Ammianus lib. 25 & Sex. Aurelius.

In Caput XXXII.

Quæ deinceps Orosius scribit, ea Paulus Diaconus quoque persequitur in sua historia, quam Eutropio adiunxit. Vnde qui volet, ea petere potest: nos, qui in ijs nihil quod annotatione opus habeat, inuenimus, hic finem facimus.

PAVLI OROSII,
 VIRI DOCTISSIMI
 LIBER APOLOGETI-
 CVS, CONTRA PELAGI-
 um, de arbitrij li-
 bertate.

Possibilitatis non est, ne-
 que præsumptionis meæ,
 beatissimi sacerdotes, sed
 arctissimæ ac penè extremæ
 vt ipsi agnoscitis, necessti-
 tatis: vt ego nunc videar. Quod qui-
 dem vt facerem, iniuria coactus sum:
 non solum defensor fidei meæ, sed etiam
 perfidiæ manifestator alienæ. Sicut enim
 purgationi propriæ studere debeo pro-
 pter conscientiam: conscientiam autē di-
 co non meam, sed alterius: ita & deprehen-
 sos in grege ouium lupos ostentare ad di-
 gitum cogor, propter fidem & zelum: ze-
 lum autem non meū dico, sed Christi: sed
 neque ego cūm sim minimus omnium, ali-
 quid temeritate præsumo. Mihi necessti-
 tas est iniuriam manifestare quam passus
 sum: cunctis pateat qui fecerūt. De i enim
 & vo-

& voluntas & ordinatio est, vt malum quod per patientiam tolerabatur, necessariè proderetur, & per contentionem furoris eorum ipsis dignam mercedem quam oportuit erroris sui recipientibus, non solum pessimorum denotatio fieret dogmatum: sed corripendarum manifestatio personarum. Patres enim & qui iam quieuerunt martyres & concordēs, Cyprianus, Hilarius & Ambrosius, & quibus etiam nunc permanere adhuc in carne necessarium est, qui sunt columnæ & firmamenta Ecclesiæ Catholicæ, Aurelius Augustinus & Hieronymus, multa iam aduersus hanc nefariam hæresim absque designatione nominum hæreticorum scriptis probatissimis ediderunt: quanquam & hæc venenatissimorum dogmatum abominatio habet etiam nunc viuentes mortuos, mortuosque viuentes. Nam Origenes & Priscillianus, & Iouinianus olim apud se mortui, in his viuunt: & non solum viuunt, verum etiam loquuntur: nunc verò Pelagius, & Cælestius; si in his perseuerauerint viuentes mortui, eccè aduersus Ecclesiam, quod miserum est, & quod multò miserius est, in Ecclesia palam sibilant, impijque

pijque serpentes vibrantibus infecta lin-
 guis ora lambentes, dum sanctam & mu-
 nitissimam sedem, cui subtiliter irrepse-
 re obsident: cunctos fideles ne ad illud
 firmissimum quondam in Syon refugi-
 um conuelemus, exterrent. Contra hunc
 serpentem suffocantemque halitum mul-
 ta utique beatissimi quos supra memo-
 rauimus viri, & multifaria suaueolen-
 tia scripturarum vnguenta conficiunt:
 & ad reficienda æstuantium corda po-
 pulorum, fragrantissimum thymiana
 cum oblatione orationis incendunt. Sed
 hoc parum est, incerto propemodum
 autore contendere, & contraria sub-
 stituendo contrariis, infectum pestife-
 ro halitu aërem temperare: nisi ipsi in
 medium protrahantur proteranturque
 serpentes. Qui cum tuendi solius capi-
 tis causa, reliquum concisioni atque
 iniuriæ corpus exponunt, nihil damni
 arbitantes, ea tantum sui parte à peri-
 culo libera, quæ multimodas venena-
 tasque in se obtinet linguas, si etiam mem-
 bris omnibus amputentur, nobis suffi-
 cere videtur, temperando saltem putori
 satisfacere, ipsos autem à penetralibus
 non mouere, quasi vllus exalationis lecti-
 da finis

de finis sit, nisi authore finito: & inter hæc illud Salomonis testimonium non occurrit, vnus ædificans, alius destruens, quis eorum proficiet nisi labor? Stat etiam immanissimus superbia Goliath, carnali potentia tumidus, omnia se per se posse confidens: caput, manus, totum in super corpus plurimo apparatu vestitus, habes post se armigerum suum: Qui & si ipse non dimicat, cuncta tamen æris & ferri suffragia subministrat. Et non mirum est, si competenter hunc locum prouidens scriptura pronunciat: vbi ait, Philistij stabant super montem ex hac parte. Ab ecclesia siquidem, hæreseos impugnator expellitur & nutrir in sinu Ecclesiæ hæreticus inuenitur: & propter hoc per spiritum sanctum inde Israel stare pronunciat, hinc hostis. Et hoc sæpe. Nam & rex Dauid vsque ad impium filium pius pater ab Hierusalem deposito regis habito fugatur: vbi protinus Absolon tyrannus ingreditur. Stat ergo Goliath, prohi dolor, ex hac parte, id est, in Ecclesia, & non solum stat, verum & prouocat: simulque per dies plurimos sanctum Israel manifesti timoris exprobrat. Ne, quæso, beatissimi sacerdotes quisquam me arbitretur

sub

sub prætextu speciei Goliath, Dauid nomine gloriari, vos me participem certaminis vestri esse voluistis, ut auxiliator non auctor accederem. Latebam siquidem in Bethleem ignotus aduena pauper. Quid miser ego sic loquor, iterum forsitan iactantiæ notandus? Quoniam quidem & ipse Dauid, & talis & inde processit. Latebam ergo in Bethleem, traditus à patre Augustino ut timoré Domini discerem, sedens ad pedes Hieronymi: inde Hierusalem vobis accersientibus vocatus adueni. Dehinc in conuentum vestrum vnà vobiscum, Ioanne Episcopo præcipiente, cōsedi. Illicò à pusillitate mea postulastis vniuersi, ut si quid super hac hæresi, quam Pelagius & Celestius seminarūt, in Affrica gestum esse cognoscerem, fideliter ac simpliciter indicarem. Exposui coronæ vestræ breuiter, ut potui, Celestium iam ad honorem presbyteri subrepentem, apud Carthaginem plurimis Episcopis iudicantibus proditum, auditum, conuictū, cōfessum, detestatumq; ab Ecclesia, ex Affrica profugisse: contra librum verò Pelagij B. Augustinum discipulis ipsius Pelagij prodentibus ac petentibus plenissimè respondere, extare etiam in manibus meis

episto-

epistolā supra memorati Episcopi, quam nuper ad Siciliam ordinasset, in qua multas quæstiones hæreticorum retulit. Quā etiam ibidem vt legerem, præcepistis: & legi. Ad hæc Ioannes Episcopus vt Pelagius coram intromitteretur expetijt. Cui & propter paternitatis ipsius reuerentiam, & propter actionis vtilitatem dū præsentē ab Episcopo rectius crederetis confutandum, intromittendi cōniuentia præstita est. Intromissum Pelagium vnanimiter oēs interrogastis: an hæc quibus Augustinus Episcopus respōdisset se docuisse cognosceret. Illicò ille respondit, Et quis est mihi Augustinus? Cumque vniuersi acclamarent blasphemantem in Episcopum, ex cuius ore dominus vniuersæ Africæ vnitatis indulserit sanitatem, non solum à conuētu illo, verum ab omni Ecclesia pellendum, Episcopus Ioannes illico eum hominem videlicet laicum in confessu presbyterorum reum hæreseos, manifestē in medio catholicorum sedere præcepit: & deinde ait, Augustinus ego sum: vt scilicet persona quasi præsentis assumpta, liberius ex autoritate eius quilibet debatur ignosceret, & dolentium animos temperaret. Cui mox à nobis di-

ctum

Etum est, Si Augustini personam sumis,
 Augustini sententiam sequere. Tunc idē
 episcopus nobis omnibus ait, Hæc quæ le-
 guntur, in alios dicta sunt, aut de Pelagio
 suggerendum putas? Si in ipsum autem Pe-
 lagium, quid dicatis expromite. Ego autē
 vobis annuentibus dixi. Pelagius mihi di-
 xit, docere se, hominem posse esse sine pec-
 cato, & mandata Dei facile custodire, si
 velit. Respondit Pelagius, audiētibus vo-
 bis: Hoc & dixisse me & dicere, negare
 non possum. Ego illicō prosecutus sum:
 Hoc in Cēlestio Africana Synodus dete-
 stata est: hoc Augustinus episcopus scri-
 ptis suis, sicut audistis, exhorruit: hoc in
 ipsius nunc Pelagij scriptis sua responsi-
 one condemnat: hoc & B. Hieronymus,
 cuius eloquium vniuersus Occidens, sic-
 ut ros in vellus, expectat. Multi enim iam
 heretici cum dogmatibus suis ipso oppu-
 gnante suppositi sunt, & in epistola sua
 quam nuper ad Ctesiphontem edidit, cō-
 demnauit. Similiter & in libro quē nunc
 scribit, collata in modum dialogi alterca-
 tione confutat. Hoc est enim lubricum in
 anchistro draconem tenere, ne possit ef-
 fugere. Porro autem Episcopus Ioannes
 nihil horum audiens, à nobis exigere co-
 nabatur,

Agit de Di-
 alogo, quē
 cōtra Pela-
 gianos cō-
 scripsit.

706 PAVLI OROSII APOLOGIA
nabatur, vt accusatores nos, ipso iudice fateremur. Responsum sapissimè est ab vniuersis. Nos accusatores huius non sumus, sed quid fratres tui, patres nostri senserint & decreuerint super hac hæresi, quã nunc laicus vulgò prædicat, intimamus: ne Ecclesiam tuam præfertim, ad cuius sinum conuolauimus, teignorante conturbet. At ille cum sæpe nos docendi simulatione in aliquam professionis speciem tentaret inducere dicebat, Quia ad Abraham dictum esset à domino, Ambula coram me & esto sine macula: & Zachariam & Elizabeth pronunciatos esse iustos ambos ante dominum, incedentes in omnibus iustificationibus Domini sine quærela: quod quidè ab Origene dictum, ab eo proferri compluribus nobis notum erat. Cui responsum per me est, Nos filij Ecclesiæ catholicæ sumus. Non exigas à nobis pater, vt doctores super doctores esse audeamus, aut iudices super iudices. Patres quos vniuersa per orbem Ecclesia probat, quorum communioni nos adhærere gaudeatis, damnabilia hæc esse dogmata decreuerunt. Illis probantibus, nos obedire dignum est. Quir interrogas filios quid senti-

Gen. 17.

Luc. 1.

sentiant, cum patres audias quid decernant? At quod ille diu disputas, & nostris propter imperitiam ignoti nobis interpretis, quem sapientissimè viri primarij & religiosi Posserius & Auitus presbyteri, & Dominus ex duce, vel prauè interpretantem, vel plura supprimentem, vel alia ex alijs suggerentem cōfutaerunt: nostris, vt dixi, actionibus vel interpolatis plerūque vel tacitis, Episcopus Ioannes ait. Si sine adiutorio Dei hoc hominem posse diceret, pessimum & damnabile erat. Nunc autem cum adijciat, posse hominem esse sine peccato, non sine adiutorio Dei, vos quid dicitis? An fortè vos Dei adiutorium denegatis? Cui respondi ego: Testibus & testificantibus etiam nunc nobis & supra memoratis viris, anathema ei, qui negat adiutorium Dei. Ego certè non nego: præcipue cum e contrario in hæreticos confutarim. Deinde cum intellecto iudice, & interprete prodito, clamaremus Latinum esse hæreticum, nos Latinos hæresim Latinis magis partibus notam, Latinis iudicibus differendam, à se prauè impudenter ad iudicandum, cum quidem nos accusatores non essemus, & vnus & suspectus ingereretur, dici à

pluribus necessarium fuit, Non potest
 quisquam idem & hæreticus esse & aduo-
 catus & iudex. Multisque alijs actitatis,
 Ioannes Episcopus nouissimam sententi-
 am protulit, confirmans tandem postu-
 lationem intentionemque nostram, vt ad
 beatum Innocentium Papam Romanum,
 Fratres & epistolæ mitterentur, vniuersi
 quod ille decerneret secuturi: sed vt hæ-
 reticus Pelagius imposito sibi eatenus si-
 lentio conticesceret, & vt nostri ab insulta-
 tione conuicti Ioannis confusi que tem-
 perarent, vniuersi in hanc sententi-
 am consensimus: gratiarum actione celebrata, pa-
 ce facta, & consummata ad pacis testimo-
 nium oratione discessimus. Nunc autem
 post dies quadraginta & septem, cum pri-
 mo Enceniorum die, vt solitus erā, quan-
 do aderam ad obsequium Ioannis Episco-
 pi cucurissem, statim ab eo notam falsi cri-
 minis pro gratia salutationis accepi. Ait
 enim mihi: *Quare ad me venis homo, qui*
blasphemasti? Volens, vt credo, intelligi,
 noli me tangere, quia mundus sum & abs-
 que peccato. At ego, nihil mihi congruius,
 interrogavi, quando, aut quo audiente,
 aut cuiusmodi illud est dictū, quod blat-
 phemix possit adscribi. Episcopus res-
 pondit,

pondit, Ego te audiui dixisse: quia nec cū Dei adiutorio possit esse homo sine peccato. Ego quidem beatissimi Sacerdotes, sicut & vos testes estis, & vniuersa fraternitas, & præterea sancti viri, qui huic testimonio amore veritatis assunt, statim testificatus sum, dicens, quia eiusmodi verbum, quod nunc à me dictum Episcopus intenderit, nunquam de ore meo antea processisset: quanquam hanc incontinentiam miseræ falsitatis ruminare sæpius crebra expositione, non tam me probasse, quàm aliū videar prodidisse. Concedo enim, vt qualecunque dictum illud est, dixerim, quomodo Latinum expers latinæ Græcus audiuit? Aut si audiuit sacrilegum verbum, cur non statim coarguit blasphemantem, vel vt leuius ageret, quasi incautum filium pius pater de cohibenda licentia periculosi sermonis admonnit? Sed contrario post plurimam magni temporis obliuionem, ipse per se accusationem intulit, ipse testimonium perhibuit, ipse iudicium promulgauit, omnium scelerum officia in suæ personæ autoritate suscipiens: præsertim Evangelica lectione instructus, Dominum nostrum Iesum nisi testimonio principis non fuisse dam-

natum. Et alio mihi latere fratres mei assis-
tebant: ex alio falsi fratres. Deinde in cō-
fessu eodem, ex vna mecum parte con-
siderant Auitus & Vitalis presbyteri, ex a-
liane scio quis ignotus interpret, & dein-
de probati & seculo & Deo viri Passerius
presbyter & Dominus ex Duce: qui am-
bo vt pro experientia ac fide sua adesse in-
terpretes dignarentur, ipso conueniente
Episcopo Ioanne à corona vestra conro-
gati deductique conuenerant. Medius
quoque vobis ipse fuit, quem in illa tunc
circumstantia non minus audisse, quàm
vidisse mirandum est, quomodo sermo
dimissus tantus aduersarios collegas au-
ditoresque præterierit, & inscias aures
gnari auditoris intrauerit. Sed ego calo-
re veritatis impulsus, latis vrgëor. Exce-
do professionis modum, Concedendum est
magis, vt Interpret errasse dicendo, quàm
Episcopus audiendo finxisse videatur,
& nunc ad vicem mercedis quam hæreti-
cis præstitit exigendæ, falsos in adiutori-
um sui testes quærere: quippe cum mira-
ri iam nemo debeat* conqueri, & existe-
re falsos testes in Hierusalem à sacerdoti-
bus atque senioribus: hoc sanguis Stephe-
ni clamat: hoc dominicæ crucis vexilla si-
gnificant:

conquiri

711
 gnificant: hoc etiam nūc excitata per eos
 persecutio manifestat. Sed hæc vtrum ab
 Episcopo temerè credita, an maliciosè fi-
 cta, an ignarè subaudita videantur, Chri-
 sto iudici discutienda commendo. Absit
 à me vnquam, vt ego pauper, peccator,
 ignotus, Episcopum & præcipue Hiero-
 solymæ audeam ad Episcopos prouoca-
 re. Mea mihi apud eminentissimam Tri-
 nitatem omnipotentia Dei, & apud vni-
 uersos seruos eius catholicos simplicitas
 & probatio, sat est. Testem inuoco Deum
 super animam meam beatissimi Sacerdo-
 tes, ~~ferrentibus~~ vobis hæc eadem mecū-
 que testantibus, nullam me in illo conuen-
 tu vestro ore meo protulisse blasphemiam,
 neque huiuscemodi verba quæ mihi
 ab Episcopo Ioanne sunt obiecta dixisse:
 hoc est, etiam cum Dei adiutorio nō pos-
 se esse hominem sine peccato. Satisfactum
 etiam contentioni opinionis ignaræ à no-
 bis ideo volo, ne forte à vobis quidem nō
 auditum, à me tamen dictum putantes,
 testimonio laboretis ambiguo: vulgo au-
 tem rumorique propterea, ne dum Epi-
 scopum mentiri posse nō crederet, alia in-
 nocentē credulitate estimaret peccare. Et
 inde quis ignoret autores, vel in accusa-

que siquidem præsumptione cordis Dei
 potentia derogarunt, vel illi dum ignem
 alienum, quasi hoc indigeret Deus, of-
 ferunt, vel isti dum resistentes Moyse in
 terram repromissionis introduci se posse
 diffidūt. Deus omnia potest, & quæ vult,
 semper potest. Quàm potens in faciendo
 de nihilo, tam facilis in perficiendo de fa-
 cto. Ipsi enim subest, cum velit, posse. Hoc ^{Sap. 12.}
 indulta secundum spiritum gratia confi-
 tetur, hoc secundum literam lex conscrip-
 ta testatur, hoc in vniuersis lex naturalis
 intelligit, hoc ordinatissimus mundi mo-
 tus ostendit. Quis enim Gentilium hoc
 audeat dicere, cui in prospectu semper
 sunt cœli terræque ac maris elementa di-
 stincta? Quis Iudæorū hoc suspicari que-
 at, ad quem tradita per Moysen legis sci-
 entia quantulacunque peruenerit, cum
 scriptum & agnoscat & credat, nuda di-
 scissis rubri maris fluctibus profunda pa- ^{Exod. 14.}
 tuisse, & tutum iter in pelago pediti præ-
 buisse terreno, diuisumque Iordanem re- ^{Iosue 3.}
 supinis in fontē refluxisse gurgitibus: vel
 mortalem, in corpore Heliam euectum ^{4. Reg. 2.}
 flammei currus igne, nec læsum: vel præ-
 paratis onustum escis Abacuc, vt ieiuno ^{Dan. 14.}
 inter elurientes ferās iusto prandium mi-

Ioan. 11.

Ibid. 9.

Matt. 8.

Ibid. 14.

Luc. 18.

Ioan. 15.

nistraret, vt vulgata narrat æditio, in mœto diei à ludæa in Babyloniam translatum fuisse protinus ac relatum? Quis hoc Christianus in cor suum, vel in atomo cogitationis admittat, qui sciat Lazarum quatrIduanum mortuum fœtētibus membris, ac liquida iam intra semet pelle fluitantibus, domini deuoto profiluiffe seruitio: qui legerit cæcum à natiuitate, eundemque iam ætatem habentem, vel factis subito vel resectis viguisse luminibus: qui probauerit ventos, fluctus ac tēpestates, simulque inuicē elementarix antia dominicæ increpationis audito mansuetasle præcepto: qui credat Petrū carnali sarcina grauem, & ter dominum continuò negaturum super tumidos fluctus pendulis incessisse vestigijs? Itaq; vniuersos homines arbitror, vel qui excellēti fide & sapiētia præditi sunt, vel qui se aliter habent, hoc quod Deus omnia potest venerari, credere, confiteri. Ideo enim generaliter ab vniuersa creatura dicitur omnipotēs, quia omnia potest. Et hoc est Deus sōlus, qui ait, Hæc apud homines impossibilia sunt. Atque alibi docet, dicens: Sine me nihil potestis facere. Potest ergo omnia in homine: qui vtique potest omnia.

Porro

Porro
vt dic
Clama
sum, &
sed al
Non e
Quid
dixer
rit, no
ba, no
est: cu
bona
nis. V
mecū
ergo
ratur,
consc
nō eg
mat A
Mem
mo ve
Et ru
nibus
li. Et i
Expe
non v
iero, n
secun

Porro autem quid superbit terra & cinis;
 vt dicat, homo potest, cum Deus possit?
 Clamat Apostolus, Gratia eius sum quod ^{1. Cor. 15.}
 sum, & gratia eius egena in me non fuit,
 sed abundantius illis omnibus laboraui:
 Non ego autem, sed gratia Dei mecum.
 Quid incaute præsumptor aspicias, quia
 dixerit, mecum? Attende quia præmise-
 rit, non ego. Quapropter in hæc duo ver-
 ba, non ego, & mecum, gratia Dei media
 est: cuius est verè & velle & perficere pro
 bona voluntate, & tamè voluntate homi-
 nis. Vnde & ille confusus est, vt diceret,
 mecû: quia dixerat, non ego. In voluntate
 ergo hominis gratia diuinæ virtutis ope-
 ratur, quæ & hoc ipsum velle donauit. Ita
 conscientia hominis profitetur vt dicat,
 nō ego: gratia Dei largitur, vt mecû. Cla-
 mat Apostolus: gratia Dei sum quod sum.
 Meminerat enim domini prædicātis: Ne- ^{Ioan. 6.}
 mo venit ad me, nisi quē pater attraxerit.
 Et rursum alibi: Ego aut vobiscû sum om- ^{Matt. 28.}
 nibus diebus vsq; ad cōsummationē secu-
 li. Et in alio loco de spiritu sancto, sic ait: ^{Ioan. 16.}
 Expedi vobis, vt ego eā: Nā si nō abiero,
 non veniet cōsolator ille ad vos. Si autem
 iero, mittam eum ad vos. Infelix ô homo,
 secundum veritatem sententiæ Dei, Pater
 te at-

te attrahit, Filius tecum est, & Spiritus
 consolatur, & in hac tanta diuinæ maie-
 statis circumstantia audes dicere, gratia
 quidē Dei adiuuante, sed mea possibili-
 tate sum quod sum? Afferis enim nunc
 post hanc sociam antiquo errori emēda-
 tionem, potest homo sine peccato esse cū
 Dei adiutorio: quanquam in libro tuo,
 quem testimoniorum titulatione signa-
 sti, hæc ipsa sententia, hoc modo con-
 scripta sit, posse hominem sine peccato
 esse, & facillē Dei mandata custodire, si ve-
 lit. Nulla ibi gratia, Dei nullū adiutori-
 um nominatum est: quālibet crebrò dicas
 de gratia Dei, non ideo negavi, quia non
 dixi, sed ideo dixisse accipiendus sum,
 quia non negavi. Quasi verò & Susanna
 ideo de adulterio confessa credenda sit,
 quia arguentibus alijs non negavit: aut te-
 stimonium fallorum testium Dominus Ie-
 sus quia tacuit, approbavit. Quod si apud
 vos, non negasse, dixisse est: & tacuisse,
 clamasse est: frustra David postulat, Pone
 domine custodiā pri meo, & ostium cir-
 cūstantiæ labijs meis: frustra & ego me
 non dixisse in quo arguor, testibus & te-
 stificatione confirmo, si alter audire po-
 tuit, quod meus sermo non dixit. Sed cō-
 cedo,

Psal. 140.

cedo, vt quod nequaquam dixeris, pro dicto accipiendum putes. Quid agimus ex eo quod inuenientes ex sensu diuersitatem sermonis, iuncturis discordibus non cohærent, quod ipsa quoque pagina discrepantia in se verba non recipit? Scribis enim, posse hominem sine peccato esse: & facile Dei mandata custodire, si velit. Et quemadmodum beatissimus pater Hieronymus de hac eadem sentetia in epistola, quam ad Ctesiphontem scribit, exposuit. Nouissimè quasi ex grauissimo somno expergiscens adijcis, non sine adiutorio Dei? In hoc enim repugnat tibi ipsa veritas, & redamat. Quid per fastidiosum tumorem, nauseantemque verecundiam non necessarium tibi in ore tuo adiutorium Dei detines, qui facilia tibi cuncta arbitraris? Summis labijs me honoras, Esa. 29. cor autem tuum longè est à me. Non est opus duobus in operatione, quod vni facile est: frustra que se gratia diuinitatis interferit, vbi fatetur se homo quod facile possit, si velit. Tu volenti facilia esse mandata dixisti: at ego etià illud aspero, quod & difficilia dicas compleri. Tamen quo modo per hominem posse promittas, dominum exprobras inuidiæ, qui adiuncto

iuncto adiutorio suo tentet ascribere, quod solus per voluntatem homo potuisset implere. Aut tolle homini, si velit, & gratiæ ascribe, quod possit: aut quia homini tribuis posse cum velit, remoue simulatam gratiæ palpatamque, nec coherente participationem, & nudam ex abundantia cordis proficere blasphemiam. Sed mearum ista partium non sunt latius indagare: præsertim vnde beatissimi patres, Augustinus & Hieronymus, plenissimam conuictæ hæreseos probationem Occidentalibus prouincijs tradiderunt. Ad propositam supra redeam quæstionem, ad quam non fiducia suscitatus ingenij, sed iniuria motus accessi. Dicis posse in hoc seculo esse hominem sine peccato cum Dei adiutorio. Tu dicis, potest homo: ego dico, potest Deus. Tres in camino pueros æstuans introrsum flamma non læsit. Quis eorum quod contra naturam factum est, potuit, vtrum ne ipsi, an quartus in medio eorum similis filio Dei? Leprosus exclamat, Domine si vis potes me mūdare, possibilitate voluntatē manifestans, volūtātē possibilitate confirmans. Ipse est enim solus, cui cum velit, posse subsistit. Accesserūt ad eum cæci, vt illuminarentur, orantes: quibus

Dan. 3.

Matth. 8.

bus ait Iesus, Creditis, quod posum hoc Matth. 9.
 facere? Dominus Christus summo præ-
 mio fidei dignum iudicat, si quis hæc fi-
 lium Dei posse crediderit, & Britanni-
 cus noster mox vt voluerit se posse con-
 fidit? Fideli paralitico dominus dicit, Ibidem.
 Constans esto fili, dimissa sunt tibi pec-
 cata tua: & nunc nouus magister mini-
 sterque mensarum, remissionem peccato-
 rum de sua magis ausus est possibilitate
 præsumere, nec de domino expectat au-
 dire? Scribæ non intelligentes verita- Mar. 2.
 tem, murmurant & dicunt: Quis potest
 dimittere peccata, nisi solus Deus, & hic
 abolita esse iudicat, quæ Deum nesciat
 dimisisse? Ecce inflatus spiritu carnis tuæ,
 tanquam super nihil sit, libero superbus
 arbitrio, gloriaris & dicis, peccator sum
 quia volo, pecco dum volo, cum autem
 rursus voluero, possum esse sine peccato:
 Quod dicis, pecco cū volo, verū est: quia
 & quod opere nō feceris, cogitatione fe-
 cisti: rursus cum volo, non pecco, durum
 quidem ac difficile, nec per omnia sub-
 est, sed tamen aliquando fieri posse non
 dubium est: at verò posse esse sine pecca-
 to, qui aliquando peccauerit, impossibi-
 le est absq; sola gratia baptismi, vbi ex per-
 sona

sona domini dicitur, Remissa sunt tibi peccata tua Quod suadeor credere: quia permittor audire. Possum ergo esse sine peccato, in hac duntaxat corruptione qua vivimus, non suscipio, non præsumo, non audio. Si enim David orat ad dominum, Tibi soli peccaui & malum coram te feci: & secundum Apocalypsim Ioannis, iudicandi sunt mortui ex his, quæ coram Deo peccauerunt, ex his quæ scripta sunt in libris recipientes secundum opera sua, cur meum circa me præsumo iudicium, si me scio etiam de ipso iudicandum? Aut si libri illi sacri nunquam nisi in iudicio aperiendi, pariter vitæ nostræ bona malaque suscipiunt, examē iudicij in pondere præbituri, quomodo sine examine in hac vita & ante mortem abolutos esse cognoscimus, quos non solum post mortem, verum etiam post resurrectionem legimus proferendos? Ego in potestate habui peccare: liberari à peccato in potestate non habeo. Precari meum est, absolui non meum. Vbi verò peccato me dedi, servus factus sum accusatoris, reus iudicis. Possum propter assiduarum precum premissa suffragia de bono iudice spem ferre: innocentem sine timore conscientiam ante promul-

Psal. 50.

promulgationem sententię vendicare nō
possum. Dicit enim Apostolus, Nolite 1. Cor. 4.
ante tempus quid iudicare, donec veniat
dominus, qui & illuminabit occulta tene-
brarum, & manifestabit consilia cordiū:
& tunc laus erit vnicuique à Deo. Alio-
quin si in potestate hominis est, vt liberū
se ipse faciat à peccato suo: aut non est iu-
dex Christus, aut frustra est. Sed dicis, E-
go dixi hominem sine peccato, secūdum
hunc sensum. Peccator cū ingemuerit,
tunc saluus erit, hoc est, tunc ad salutem
incipiet pertinere: tamen sine peccato sta-
tim non erit. Dominus enim cum intras-
set domum Zachæi credentis, ait, Hodie Luc. 19.
salus domui huic facta est. Nunquid si v-
nus credidit, statim vniuersa domus fami-
lias sine peccato fuit, cui tunc vtiq; * ma- * maiore
ior domus credenti initium salutis intra-
uit? Nam & David cum peccasset inge-
muit. Et quamuis meruisset audire dimis-
sum sibi esse delictum, multo tamen post-
ea id ipsum exilio, & plurimo expiavit
obprobrio: vt manifestè & pena in pręsen-
ti reddita & remissio in futurum reddenda
videatur: & per hoc Deus multum mi-
sericordiæ ingemiscienti donauerit pec-
catori, vt peccatum quod morte dignum

722 PAVLI OROSII APOLOGIA
erat, temporaria castigatione purgaret.
Ananiæ de Paulo dicitur, quæ relâ de per-
secutione eius cum timore facienti, Ego
monstrabo illi quanta patietur propter
nomen meum: vt cùm Paulus ibi solueretur,
vbi ligasset persequendo Christum,
mox patiendo pro Christo, tribulatus vi-
que ad mortem in resurrectione glorifi-
catus existeret. Ita fit quia misericordia
& veritas præeunt semper faciem Dei, vt
si in tempore ab ingemiscente voluntarium
sacrificiũ, vt veritas in misericordia
fiat, contribulati spiritus & contriti cordis
offertur, in fine misericordia iudicio
præferatur. Dominus Christus venturus
in gloria Dei patris & creditur & speratur,
iudicaturus viuos & mortuos, à cuius
aspectu, vt scriptura testatur, Fugiet
cælum & terra: & existunt homines, qui
nec propter ignorantiam, vt non dicam, propter
conscientiam, iudicio superuenturo
subiectos esse se iudicent, & aduentum domini
illustrationemque fulgoris eius elementis
ardentibus, & mundo pereunte trepident.
Quos ex illis fore timeo, de quibus præmonet
dominus. Multi enim dicent in illa die,
homines scilicet de illa carnali arrogancia,
qua homines seducebant, &
non

A&.9.

Matth. 7.

non tam coram Deo, quàm adhuc apud
 semetipfos iusti, Domine, domine, nònne
 in nomine tuo prophetauimus, & in no-
 mine tuo virtutes magnas fecimus? Et
 tunc ego iurabo illis, & dicam: non noui
 vos, discedite à me operarij iniquitatis. *Psal. 14.*
 Dicitur per prophetam David in persona
 Christi: Domine quis habitabit in taber-
 naculo tuo, aut quis requiescet in monte
 tuo sancto? Qui ingreditur sine macula, *Ioan. 14.*
 & operatur iustitiam. Hoc est reuerà di-
 cere: qui potest esse, & est sine peccato.
 Nam & ipse de se dominus ait, Venit prin-
 ceps mundi huius, & nihil in me inuenit
 suum. Quid enim est diabolus? Haud du-
 biū quin peccatū. Ab initio enim diabo-
 lus mēdax est: & cōtrà dominus meus est,
 qui loquitur veritatē in corde suo, & nō
 egit dolum in lingua sua. Angelus magnus *Apoc. 5.*
 & fortis, scriptura testante, clamat in cœ-
 lo, Quis est dignus aperire librū, & solue-
 re signa eius? Nec quisquam poterat, neq;
 in cœlo, neque in terra, neque sub terra a-
 perire librum, neque perspicere eum. Flet
 multum Ioannes & luget, quod ex vni-
 uersitate rationalium creaturarum nemo
 dignus repertus esset, qui aperiret librū,
 vt videret eum. Flentem Ioannem vnus

è senioribus consolatur & dicit: Noli fle-
 re Ioannes, Ecce vicit Leo ex tribu Iuda,
 radix David, aperire librum & soluere si-
 gnaculus. Quis rogo iste liber est, quem de
 manu viuētis in secula nullus fuit dignus
 accipere, nisi qui ingreditur sine macula
 & operatur iustitiam? Parum est quia sine
 macula, parum quia agnus, nisi & occisus,
 nisi puritatem vitæ, passionis testimonio
 coronasset, habens septem cornua & ocu-
 los septem, qui sunt septem spiritus Dei:
 nec dubium, quin spiritus sapientiæ & in-
 tellectus, spiritus consilij & virtutis, spi-
 ritus scientiæ & pietatis, spiritus timoris
 domini. Quis ergo iste est liber? vt credo,
 iudicij. Pater enim non iudicat quem-
 quam, sed omne iudiciū filio dedit. Proch-
 dolor, cogor dicere, quod horruī cogi-
 tasse. Ecce nunc & Pelagius, qui ausus est
 profiteri, se esse sine macula atque pecca-
 to, consequenter arbitratur dignum se ad
 accipiendum librum atque iudicium: pro-
 ximumque est vt dicat sibi, Ego potesta-
 tem habeo ponendi animam meam, & ite-
 rum sumendi eam, & præparat se in thro-
 no Christi futurum esse cōsortem. Miser
 homo, qui non potius intelligit præpa-
 rare se Antichristi aduētui præcursorem,
 qui

Psal. 14.

Apoc. 5.

Ioan. 8.

qui cū fuerit reuelatus, extollit se super 2. Theff. 1.
 omne quod dicitur, aut quod colitur De-
 us: iuxta hunc qui se iam comparat in co-
 æquationem vnici filij Dei. Agnus Dei,
 filius Dei, vt accipiat librum de manu pa-
 tris præfert stigmata passionis, non iudi-
 cans perpetrata nisi in morte atque in
 resurrectione victoriam & ἀναμάρτητος me-
 us venire sibi posse perfectionem vitæ im-
 maculatæ manducanti, bibenti, dormien-
 ti quæ confirmat? Dominum nostrum le-
 sum post quadraginta dierum ieiunium
 ter diabolus tentans, ter quæ superatus re-
 liquit, & non reliquit in perpetuum, sed
 ad tempus, acrior vsque ad mortem cru-
 cis Apostolo præuaricante rediturus, &
 ἀπαθής noster victis sanè, vt sibi videtur,
 cum autore tentationibus, non posse se
 vltra tentari, perturbari quæ confidit? A-
 gnus ille perfectus, ille qui non solum pec-
 catum non habet, sed etiam tollit pecca-
 tum mundi, & qui habet cornua septem
 in capite, non ita ventilare sufficiat tenta-
 torem quin redeat, & noster hic mutilus,
 læuis in fronte μονοφτάλμος non necessari-
 um sibi æstimat munimen in capite, qui
 possibilitatem præsumit in carne? Miser,
 qui secundum Euangelium magis fortè si

Matth. 4.

Ioan. 15.

cæcus esset, peccatū non haberet. Sed forsitan quia septem oculi septē spiritus sunt, abundare se his omnibus iactat, & quasi interiorem hominem suam congestis septiformis gratiæ vigere virtutibus: præsertim qui sibi totidem dogmatum suorum titulis gloriatur. Vnde fieri potest, ut iudicio suo se arbitretur spiritu sapientiæ refertum, præcipuè cum dicat, facilia Dei esse mandata: spiritu intellectus sufficientem, maximè qui prænoscat & prædicat omnes peccatores simul cum impijs in æternum ignē esse dampnandos: spiritu consilij diuitem, qui moneat malū nec cogitandum: spiritu virtutis potentē, quo affirmet posse esse hominem sine peccato: spiritu scientiæ inflatum, quo sperat, nisi qui scientiam legis habuerit, sine peccato esse non posse: spiritu pietatis exuberantem, quo doceat inimicum velut amicum diligendum, oblitus quia ipse dixerit, Inimico omnimodis non credendum: spiritu timoris Dei cohonestatum, qui post multam crapulam nouissimè experges factus adiungit, posse hominem sine peccato esse, non sine adiutorio Dei, & per hos præsumptionum, ut arbitror, gradus non reformidat ascendere, usque in id elatus,

elatus, ut dicat, quia in similitudinē Christi perfectā sui potentia plenus, in toto super eum descenderit spiritus sanctus & manserit: cum tamen hoc illi soli à patre Deo datum sit, cui etiam dedit nomen, Philip. 2. quod est super omne nomen, qui solus sine peccato est & ingreditur sine macula, apud quē manet ipsum sanctitatis unguentum: Nos autem in odorem unguentorū Cant. 1. eius currimus, & interim super nos auræ vitalis afflatu dulcia vitæ spiramina domino præcedente captamus. Sed dicis: Cur tanta melacessis iniuria? Cur tam arrogātibus verbis invidia grauas? Ego ne me feruus comparare audeā domino meo? Ego ne terra & cinis conferā verbo Dei? Ego ne morti obnoxius, dici debeam victori mortis equalis? Bene quidē ō condemnata nequitia, dans testimoniū Deo, humiliaris in verbis, sed aliter sensus tuus clamat in paganis. Dicis, hominem posse esse sine peccato. Iterum ac sæpius repeto. Homo qui hoc potest, Christus est. Aut præsume nomē, aut depone fiduciā. Deus illud vni tantum donauit, & hoc non nisi primogenito in multis fratribus. Sic catholica Rom. 8. fide traditur, sic tenemus. Sanē dominus noster admonuit infideles, Ego veni in no-

Ioan. 5.

mine patris mei, & non me recepistis. Veniet alius in nomine suo: forsitā ipsum recipietis. Aut nobiscum illū cui credimus peccatores vnum sine peccato eundemq; vnigenitum sequere, aut si tu es ille alius, confiterē. Ipse est dominus Iesus, qui morte deuicta & diabolo triumphato ascendens in altum, captiuam duxit captiuitatem, dedit dona hominibus. De eius plenitudine nos oēs accepimus, sicut Apostolus docet: Vnicuique autem nostrum data est gratia secundum mensuram donationis Christi. Et ad Romanos idē magister gentium scribit: Dico enim per gratiam, quæ data est mihi, omnibus qui sunt inter vos non plus sapere quā oportet sapere, sed sapere ad sobrietatem. Et vnicuique sicut Deus diuisit mensurā fidei. Deinde ad Corinthios prædicat, Diuisiones verò gratiarum sunt: idem autem spiritus. Et diuisiones operationum sunt: idem autem Dominus. Et diuisiones ministratorum sunt, gratiarum atque virtutū. Subiecit. Hæc autem omnia operatur vnus atque idem spiritus, diuidēs singulis prout vult. Deinde per comparisonem membrorum in corpore hominis, manifestat corpus vnitatis. Ecclesiæ ex disparibus operum

Psal. 67.

Ioan. 1.
Ephes. 4.
Rom. 12.

1. Cor. 12.

Rom. 12.

Ioan. 1.

Ioh. 1.

oper
ueni
nitu
alte
cap
act
leo
que
sto
ni
m
et
de
q
u
a
a
c
n

operum modis, in vnam perfectionis conuenire concordiam, probans nullum penitus esse membrorum, quod non egeat alterius ope atque compage, ipso domino capite constituto, in quo omnes sensus ac thesauri sapientiæ & scientiæ sunt absconditi. Vnde & nobis dedit sensum, per quem sciremus, quod est verbum in Christo Iesu, in quo est omnis plenitudo diuinitatis corporaliter: in quem, iuxta testimonium Ioannis, descendens spiritus sanctus & permanens in ipso, esse dominum declarauit. Itaque si & nemo habet, nisi quia à te petit, & nemo nisi secundum diuisionem mensuramque accepit, & qui acceptum habet, ad ipsum custodiendum alieno eget auxilio, qua rogo amentia sibi de plenitudine promittit, qui in singularitate non sufficit? De domino Euangelista testatur, Erat autem lux vera, quæ illuminat omnem hominem venientem in hunc mundum. Dicit verò Dominus Apostolis suis, Vos estis lux huius mundi. Ibi in solo domino lux tota, quia vera: hic in cunctis Apostolis lux quidem, sed de luce quæ tota est. Et cum hoc in Apostolis ita est, in quorū electione vniuersum Ecclesiæ corpus assumptū est, quid nos, nos

Coloss. 2.

Ioan. 1.

Marc. 1.

Ioan. 1.

Matt. 5.

2 Pet. 1.

inquam, & singuli, quid post eos videri possumus, nisi secundum apostolum Petrum homines ignari, credentes tantum per fidem Evangelico propheticoq; sermoni, tanquam lucernæ lucenti in caliginoso loco? Quæ illustrati, etiam ipsi per-

Luc. 12.

suademur: vt præparatæ in operibus bonis sint lucernæ ardentes in manibus nostris, quæ multimodis tentationibus fatigatæ, & defectu semper proprio & verberare periclitantur alieno. Vnde & Dominus in Evangelio ait, Et si ipsa lux, quæ in nobis est, tenebræ sunt: ipsæ tenebræ quantæ erunt? Sed concedo, vt hoc quātulumcunque lumen est, indeficienti vique in finem vigore permaneat, id est, donum illud, quod sortitus est specialis gratiæ, non amittat, (Alioquin plenitudo lucis assistit in toto, caligo nō remanet: caliginem autem dico insipientiæ, de peccatis sordibus accidentem) quid si cōpetens ratio est, vt quantum de luce defuerit, tantum de caligine supersit? Porro autem difficillimum est, vt offendiculum caligo non habeat. Necesse est homini in quantitate luminis, & in reliquijs caliginis constituto, volenti bonū & non effugienti malum: & subsistere adiutorium & non deesse peccatum.

tum. Quod si cuiquam obscure dictum videtur, accipiat exemplum conuersationis humanæ. Duo singuli habent dona diuersa: vnus vt sit humilis in silentio, alter vt sit suadibilis in docendo. Ille cui silentium cordi est, si fortè poscatur rationem de fide reddere, putas ne nullam assumit in humilitate fallaciam? Aut faciliè arbitraris, vt simplex scurrilitate careat, lætus verbo, sollicitus iracundia, patiens negligentia, mitis pigritia, doctus iactantia, summissus inuidia, extra illam quæ est omnium bonorum operum caligo generalis, vanæ gloriæ concupiscentiam. Quod si hoc piè sanctèque intelligitur, vnusquisque nostrum assumat comparationem, vt magis semetipsum in melioris prælatione condemnet, quàm in minoris despectatione iustificet. Ita demùm inuicē membra sociabit, præcipuè si vna charitate veluti pelle ossa circundante neruisque iunctis indigentia sui conscius homo, hanc ipsam quam habet gratiam, donum intelligat esse non meritum: & magis ex eo vnde accepit glorietur in domino, quàm vnde non acceperit irascatur. Nos enim

Ephes. 2.

cùm essemus naturaliter filij iræ propter delictum nostrum, facti sumus filij misericor-

22

ricordiaꝝ propter clementiam domini, ni-
 hil digni nisi damnatione. Nō ingeramus
 domino de non accepto quærelam, sed
 de accepto gratiam repensem, gloriam-
 que soli illi creatori redemptori que no-
 stro domino Iesu Christo tribuamus, quē
 posuit Deus propiciatorem in sanguine
 suo, vt in nomine eius omne genu curue-
 tur, cœlestium & terrestrium & inferno-
 rum: quem in illa prædicta potestate iu-
 dicantem omnis caro videat, & cui omnis
 lingua fateatur. Vnde & Apost. ait, Ideo
 contendimus siue absentes, siue præsentēs
 placere illi: Omnes enim nos manifestari
 oportet ante tribunal Christi, vt referat
 vnusquisque propria corporis prout ges-
 sit, siue bonum, siue malum. Et alibi, Om-
 nes enim stabimus ante tribunal Dei. Pau-
 lus Apostolus dixit etiam se staturum an-
 te tribunal Dei, & propria corporis pro-
 ut gessit cum cæteris redditurum: con-
 trā autem Pelagius confidenter audet di-
 cere, ita consummo vniuersam in carne
 perfectionem, vt de iudicis bonitate ni-
 hil sperem. Iusti in illa die iudicis operum
 suorum glorias audientes, adhuc tamen
 velut ignorantes interrogabunt, Domi-
 ne quando te vidimus, & hæc fecimus ti-
 bi, &

Rom. 3.

Philip. 2.

2. Cor. 5.

Rom. 14.

Matt. 23.

bi, & hic noster scientissimus legis agnoscit, quo die, qua hora, quo monumento, vltimam sedem vltra quam nō sit alia plenissimæ sanctitatis intrabit? Aut forsitan reclamat & loquitur, Rectè mihi hæc amentix, vt non dicam, superbix ingereretur opprobria, si dicerem, sine adiutorio Dei hominē posse esse sine peccato: nunc autem quum adiutorium adijcio, nihil difficile assero. An tu fortassis Dei adiutorium negas? Cōcedo paulisper calumniæ tuæ, vt dum quod in te cōvincere volo, in me videar detegere, inueniamur simul, & ego in mei defensione purgator, & tu in tua confusione manifestior. Mea semper hæc est fidelis atque indubitata sententia, Deum adiutorium suum non solum in corpore suo, quod est Ecclesia, cui specialia ob credentium fidem gratiæ suæ dona largitur, verū etiam vniuersis in hoc mundo gentibus propter longanimitē sui æternamque clementiam subministrare, non vt tu asseris cū discipulo tuo Cælestio, cui iam apud Africanam Synodum occulta illa impiorum dogmatum natura contusa est, in solo naturali bono, & in libero arbitrio generaliter vniuersis vnā gratiam contributam: sed speciatim cotidie per

Matt. 5.

die per tempora, per dies, per momenta,
 per *ἄρνας* & cunctis, & singulis mini-
 strare. Dicit enim scriptura, Qui facit so-
 lem suum oriri super bonos & malos. Ac
 tu fortè respondes, Ordinem suum com-
 posita bene natura custodit, ac per hoc
 Deus elementarijs semel cursibus consti-
 tutis, facit inde quæ facit. Quid ergo
 de illa sententiæ parte, quæ sequitur o-
 pinaris? Dat pluuiam super iustos &
 iniustos, Vtique qui dat, cum vult dat,
 & vbi vult dat: vel dispensando dispo-
 sitam constitutionem, vel effundēdo pro-
 priam largitatem. Ac ne secundum amen-
 tiam impietatis tuæ etiam hoc euacuare
 mediteris, audi prophetam super hac ve-
 ritate testantem, Qui aduocat aquas ma-
 ris, & effundit eas super faciem terræ, do-
 minus nomen est illi. Quid verò dicam de
 spe vera generis humani, quia omnis qui
 arat, in spe arat. Sperare autem, non est
 possibilitatis propriæ, sed largitatis alie-
 næ. Cùm autem quis seminauerit, iactam-
 que sementem in sinu terræ cultor absco-
 derit, non habet vltra quod faciat, nisi vt
 oculos tēdat ad cœlum, oret non terram
 cui commisit, sed Deum cui credidit, vt
 labores eius vel matutino vel serotino
 imbre

Amos. 5.

1. Cor. 9.

imbre fœcûdet. Et vt spiritali testimonio
 etiam ad communes vsus perfruar, neque
 qui plantat, neque qui rigat quicquã sunt, ^{1. Cor. 3.}
 sed qui incrementum dat Deus. Quantũ
 ergo de Dei adiutorio gaudeam, per id
 metire, quod ministrari per singula etiã
 gentibus probo: vt manifestũ nobis esset,
 quem vsque in finem cauere, & quem sine
 cessatione inuocare debeamus. Diabolus ^{Iob. 1.}
 interrogatur à domino, Vnde ades? At
 ille respondit: Circuiens terram & pera-
 grans quæ sub cœlo sunt, adsum. Rogo
 te, sollicitudo ista diaboli bonæ volunta-
 tis, an malæ est? Fatearis necesse est omni-
 no malæ. Hoc enim & sequens exposu-
 latio eius ostendit. Manifestatio ista dia-
 boli tempore Iob facta est, scilicet tempo-
 re Moyfi. Certè tunc nulla Iudæa, nulla
 Hierusalem, nulla per orbem Ecclesia e-
 rat. Adhuc vniuersa gentilitas Dei noti-
 ciam non habebat, & iam tamen diabolus
 circuiens terrã, omnia quæ sub cœlo sunt
 peragrabat: atq; ad seducendũ & disper-
 gendũ humanum genus incessabili mali-
 ciæ suæ sollicitudine ferebatur. Itaq; cũ
 videas, hominibus ignaris tantam diaboli
 incubuisse nequitia in disperdendũ, nul-
 lã hinc credis Dei in custodiendo gratia
 præfu-

Psal. 29.

præfuisse? Aut fortè frustrà dictum putas, Domini est terra & plenitudo eius, orbis terrarum & vniuersi qui habitant in ea? At verò vt adesle adiutorium Dei, & per singula & per singulos manifestius probes: en ipse diabolus, dum testatur de vniuersitate, de vno interrogatur. Animaduertisti, inquit Deus, in puerum meū Iob, quia non est quisquam similis illi super terram? Nouit speciatim vnūquemque Dominus, nouit & diabolus. Ille potestate naturæ: iste labore nequiciæ. Ille vt tentet: ille vt probet. Iob contradicente aduersario à creatore laudatur. Vult dominus opus iudicare hominis, quod ipse operatur in eo: at verò de adiutorio etiam diabolus confitetur. Dicit enim, Nōne tu circūsepisti quæ sunt extra domum, & intra domum eius? Expetēte inimico famulum suum Deus spoliat per tentationem, non nudat: aufert substantiam & dat gratiam: Ecce, inquit, omnia quæcunque habet do in manu tua, sed ipsum noli tangere. Parū est. Inuidus furit, mortem conatur inducere, sed e contrario dispensatione Dei mouetur, gratia nō auferitur; expetita prædoni præda præmitur, & rursus prædæ suæ custos adhibetur. Dicitur

citur enim ad eū, Ecce trādo eū tibi, tantū animam eius custodi. Nemo ex hoc æstimet diabolū ad seducendam in corpore tantummodo animam laborare, nisi etiam ab ipso corpore vellendam: si non faucium infirmūque hominē miserentis Dei tutela muniret, & obuia, cunctis insidiarum eius conatibus semper occurreret. Habes, vt arbitror, etiam in Gētibus sufficientem cooperātis gratiæ probationē: accipe manifestam quoque significantiam de illo præcipuē dono, quod Ecclesię & corpori suo peculiare largitur. Paulus Apostolus ad Corinthios scribit, Gratias 1. Cor. 2. ago Deo meo semper pro vobis, in gratia Dei quæ data est vobis in Christo Iesu: quia in omnibus diuites facti estis in illo, in omni verbo, & in omni scientia, sicut testimonium Christi confirmatum est in vobis: ita vt nihil vobis desit in vlla gratia. Et iterum, Iustificati igitur ex fide, Rom. 5. pacem habeamus ad Deum, per dominum nostrum Iesum Christum: per quem & accessum habemus fidei in gratia ista, per quam stamus, & gloriamur. Vnde & Petrus Apostolus admonet, dicens, Recipi- 1. Pet. 1. entes finem fidei vestræ, salutem animarū. De qua salute exquisierunt atque scrutati

738 PAVLI OROSII APOLOGIA
sunt Prophetæ, qui de futura in nos grā-
tia Dei prophetauerunt. Ex quo eviden-
tissimè declaratum est, nemini hominum
deesse Dei adiutorium: præsertim cum &
seductor insistat, & insit infirmitas. Con-
sula euacuataque est calumnia cæci argu-
entis, qui ait, Fortè tu Dei adiutoriū ne-
gas? Sed quoniam de Iob fecimus mentio-
nem, dicamus quod & superiori testimo-
nio, recensitum est, domino dicente, Ho-
mo sine crimine, verax Dei cultor, absti-
nens se ab omni malo. Solet enim à vobis
sapissimè dictitari, ad probandum homi-
nē sine peccato posse esse, quia fuerit, hoc
est, quia & Iob testimonio Dei homo sine
crimine est dictus & verax. Et Zacharias
sine quærela in Euāgelio probatus osten-
ditur. Dixit dominus de Iob, Homo sine
crimine, nunquid dixit sine peccato? Pec-
catum enim cogitatio concipit, crimen
verò non nisi actus ostendit: Esse etiam si-
ne quærela eorum cognitioni iudicioque
ascribitur, quibus in promptu est, in facie
quidē mansuetudinem aspicere, sed cordis
bella nescire. Vnde & Paulus confidenter
iubet dicens, Oportet enim Episcopum
sine crimine esse. Et alibi generale dat te-
stimonium Corinthiis atque asserit, Ita
vt non

Luc. 2.
Iob. 1.
Peccatum.
Crimen.

Tit. 1.

1. Cor. 2.

vt non indigeatis vlla gratia, expectantes
 reuelationem domini nostri Iesu Christi:
 qui & confirmabit vos vsque in finem, si-
 ne crimine. Ecce Paulus quos testimonio
 suo vsque in finem confirmat esse sine cri-
 mine, mox eosdem in eadem epistola cor-
 ripit scribens: iam quidem omnino deli-
 ctum est in vobis, quod iudicia habeatis 1. Cor. 6.
 inter vos, Sub vno titulo ijsdemq; perso-
 nis, ecce sine crimine, ecce delictum: vnde
 declarat, nō statim sine delicto asseri, quē
 videas sine crimine nominari. Dixit enim Luc. 7.
 & Dominus Iesus, Venit Ioannes nō man-
 ducans neque bibens. Et iterum scriptum
 est, Esca illius erat locusta, & mel silue- Matt. 3.
 stre. Nunquid ex alterutro aut Ioannes
 non manducasse, aut Dominus sefellisse
 credendus est? Sed e contrario in vtroq;
 veritas est: quia & Ioannes in substantiā
 carnis escæ aliquid sumpserit, & rursus
 verē dixerit dominus in Ioannem, nec
 cum cæteris, nec id manducasse, quod
 cæteros: probans se scripturasque san-
 ctas, occultata sæpè scientia Dei, homi-
 num manifestare sententias. Quamobrem
 obsequenter accipitur, quotiescunque
 scriptura commemorat, & iustum &
 sine quærela pro captu temporis & se-

740 PAVLI OROSII APOLOGIA
cundum illud vltimum iudicium Dei, cui
vniuersorum conscientia subiicitur, &
lingua omnium confitetur. Deniq; liqui-
dò intellige, quia iustificatio Iob, passio-
numque eius in carnem permissio, proui-
do consilio Dei confusionem diaboli ar-
rogantis operata est: vt dum homo de ho-
nore creatoris, ipso domino probate lau-
datur, infidelitatis notam declinans ange-
lus puniretur. Rursus autem ne famulo
suo grauiorem plagam faceret, dum sana-
ret, & per curam carnis, animę vulnus in-
fligeret, hoc est, ne beatus Iob tãta tenta-
tione superata, duplicatisque omnibus &
restitutis in superbiam elatus, & iudicium
incideret diaboli, admonetur ab occultis
suis, vt & si à foris de iustitia laudaretur,
intus tamen ei se sciret subditum esse de-
bere à quo custodiretur. Dicit enim ad eũ
dominus. Quis est hic qui cœlat me con-
siliū, continens sermones in corde, &
me putat latere? Accinge tanquã vir lum-
bos tuos. Interrogabo: tu autem responde
mihi, Vbi eras cùm fundarem terram, in-
dica mihi, si nosti scientiam. Et post mul-
tam docendi correptionem, vel corripi-
endi doctrinam: respondens Iob domino
dixit, Quid ergo iudicor commonitus &
increpa-

Iob 37.

τῆς οὐρῆς

ἰσχυρῶν

μεβλάν,

Sic septua-

ginta.

increpatus à domino, audiens talia cùm
 nihil sim? Talis & Zacharias, homo sine Luc. 2.
 quærela, dignus honore hominū, dignus
 testimonio scripturarum, quē aliqua iam,
 vt arbitror, ex hoc inflatio titillabat, inci-
 piebatque plus credere famæ quàm con-
 scientiæ, per corripientem Angelum no-
 ta infidelitatis arguitur, & temperario si-
 lentio castigatur. Vnde & Paulus dicit, 1. Cor. 10.
 Itaque qui se existimat stare: videat ne ca-
 dat. Et quasi forma hominū de se ipse pro-
 nunciat dicens, Castigo corpus meum &
 in seruitutem redigo: ne fortè cum alijs 1. Cor. 9.
 prædicauerim, ipse reprobis efficiar. Ita
 sine crimine dici quenquam & sine quæ-
 rela: nō est perfectionis testimonium, sed
 conuersationis exemplum. De immacu-
 lato autem vbicunque scriptura pronun-
 ciat, sicut Dauid ait, Beati immaculati in Psal. 118.
 via, qui ambulant in lege domini, sana do-
 ctрина traditum reor, quia vere beati sint,
 qui sunt immaculati in via, hoc est, perfe-
 ctā fide in veritate gradientes: non decli-
 nantes hæretica prauitate, neque in dexte-
 ram, neque in sinistram. Via Christus est,
 qui per spiritum sanctum ducit ad patrē.
 Igitur qui sine macula atque lepra, nec
 conuolatus ab his quorū sermo serpit vt

Gen. 17.

cancer, venerandæ gloriæ trinitatis audit, credit, intelligit, beatus in fide immaculatusque consistit. Ex quo etiam dicitur ad Abraham, Ambula coram me, & esto sine macula. Necessariò enim Abraham, qui credidit Deo & reputatum est ei ad iustitiam, ut sit in eo quod credidit, vidit & gaudius est, perfectus esse ac sine macula commouetur, multarum gentium pater constitutus in fide, & fidelium sinus in requie ut simus omnes, qui speramus in Deo cum fidei Abraham. Beati immaculati in via, scriptum est: per fidem enim ambulamus non per speciem. At verò si vis de immaculato qualem David oras querit audire, vanam possibilitatis tuæ depone fiduciam, & prostratus in precibus cum Propheta oratione coniungere, flens pariter ac dicens, Delicta quis intelligit? Ab occultis meis munda me domine, & ab alienis parce seruo tuo. Si enim mihi non fuerint dominati, tunc immaculatus ero. Infelix ego homo, delicta quæ nondum intelligo, quando vitabo? Petrus diligit Christum, nec unquam à dilectione declinat, Testimonio dilectionis domini, nunc petra fundamenti Ecclesiæ constituitur, nunc Satanæ vocabulo depravatur.

Psal. 18.

Matt. 16.

Ibid. 8.

uatur. Vnum atque idem semper operanti; nunc dicitur, Non reuelauit hoc tibi caro & sanguis, sed pater meus, qui est in cœlis: Nunc rursus ingeritur, Non sapis quæ Dei sunt, sed quæ sunt hominum. Apostolus diligendo electus est, diligendo confusus: habens pro nimio amore peccatum. Siquidem annuncianti de passione sua Domino amoris impatientia dixerat: propitius tibi esto domine, non erit istud tibi. O misera miserorum. Si Petrus in aliquo Christum amando peccauit, delicta quis intelligit? Clamat Propheta & clamat in spiritu sancto: clamat ille, de quo dixerat dominus, Manus mea auxiliabitur ei, & brachium meum confortabit eum, & nihil proficiet inimicus in eo: & quid clamet attende, Ab occultis meis munda me domine. David ille electus secundum cor, ille quem promisit Deus facturum omnes voluntates suas, ille quem vnxit in regem, ille quæ prophetici spiritus sanctificatione donauit, stupens in obreptione peccaminum clamat ad dominum, vt ab occultis suis mundetur implorat, & dicitur ei à domino, in alio loco, Nō ædificabis domum nomini meo, eo quod sis vir bellator,

Psal. 88.

Ibid. 14.

1. Par. 17.

& sanguinem fuderis: quasi verò sordium.
abolitione cunctarum ita emundare eum
nequiverit, vt dignum digno operi præ-
pararet. David vsque ad mortē non emun-
datur, sed prælato in templi constructio-
ne sibi filio se ipse condemnat: & Goliath
cum Armigero suo calumniatur mihi, cur
dominus nō faciat in eo, quod nunquam
fecit in seculo? Dicit & Ecclesiastes, Ni-
hil sub sole nouum, nec valet quisquam
dicere, ecce hoc recens est, iam enim præ-
cessit in seculis quæ fuerunt ante nos: &
nouorum dogmatum instructor affirmat,
potest fieri, quod nunquam factum est.
Non requiras vtrum fuerit, quod posse
esse non ambiguis. Aedificari voluit De-
us templum nomini suo, & hoc, vt non
nisi innocens & bene immaculatus extru-
eret. Duo ad hoc Reges cunctis viribus e-
liguntur, vterque ad adiutorium: de cu-
stodia vtrique promittitur. Ad David si-
quidem dicit Deus, Veritas mea & mise-
ricordia mea cum eo. De Salomone verò
testatur, Ipsum elegi mihi in filium, & ego
ero ei in patrem. Ex his duobus templum
domini vnus præparat, alter ædificat: præ-
parat senex, perficit puer. Dignum est e-
nim vt sanctum domini templum sanctus
ædifi-

Pelagium
dicit &
Cœlestiū.

Eccles. i.

Psal. 88.

1. Par. 28.

ædificet. Præparat, vt dixi, senex, sed quasi postquam peccare cessauit: perficit puer, sed tamen penè cum adhuc peccare nõ cæpit. Ille ante peccauit: hic postea. Ille multo peccato ædificare non meruit: iste multum peccando quod ædificauerat, dereliquit. Et inter hæc mirabiliter sibi ordinatio sancta disposuit: vt inter duas ætates, quod perpetuum in homine esse non poterat, pro captu temporis inueniret.

Vterque aliquando non peccauit, tamen Rom. 3.

vterque sine peccato esse non potuit: vt sit Deus verax, omnis autem homo mendax: sicut scriptum est, Vani filij hominũ, mendaces filij hominum in stateris. Ha- Psal. 61.

bentes vtique gratiam & adiutorium Dei, tamen sine peccato esse, nec obtinere Dauid, nec Salomon valuit custodire, & Iouiniani filius vt omnipotens Deus pro ipso discipulisque eius tantum rerum ordinem mutet, sperat, quod si factum fortè non fuerit, Deum impossibilitatis accuset? Potest, inquit, homo esse sine peccato tamen cum Dei adiutorio. Quid faciam? Tolerabo interim pannum nouum, vestimento veteri colligatum, donec emendationis miseræ falsitatem peior scissura patefaciat. Concedo enim, vt contra

ducem veritatis loquentis, cū dixerit, potest homo si velit, dixisse videatur, potest homo cū adiutorio Dei. Nunc demū mihi veluti ad exordium propositionis sermo reuocandus est: & paulisper iniuriæ dolore seposito, cū reuerentia disputandi ad celsitudinem capitis recurrendum. Caput enim nostrū est Christus

Rom. 3.

Iesus, quem sicut Apostolus ait, Proposuit Deus propitiationem per fidem in sanguine ipsius ad ostensionem iustitiæ, propter remissionem præcedentium delictorum, in sustentatione Dei & ostensione iustitiæ eius in hoc tempore, vt sit ipse iustus & iustificans eum, qui ex fide est Iesu. Itaque propitiator per fidem in sanguine suo positus ad ostensionem formamque iustitiæ, ipse est mediator Dei & hominum, homo Christus Iesus. De quo Ioannes vsque ad ipsam pene inaccessibilem lucem introductus exclamat: In principio erat verbum, & verbum erat apud deum, & deus erat verbum. Hoc erat in principio apud deum, omnia per ipsum facta sunt. Ac post paululum exposita diuini operis veritate subiungit, Et verbum caro factum est, & habitauit in nobis: & vidimus honorem eius, gloriam tanquam

Ioan. 1.

vnici nati à patre, plenum gloria & veritate. Qui peccatum non fecit, nec inuen- Esaia 53.
tus est dolus in ore eius, qui tanquam agnus coram tondente, sic non aperiens os suum, cum flagellatus, crucifixus & mortuus est, qui aculeum mortis edomuit, qui à mortuis resurrexit, qui captiuam du- Psal. 67.
cens captiuitatem, ascendit in cœlos. Hic Rom. 8.
est vnigenitus in patre, primogenitus in Coloss 2.
multis fratribus: in quo est omnis plenitudo diuinitatis corporaliter. Hic ergo dominus Christus, hic inquam, filius Dei, in virtute patris & gloria: quæ in principio condidit, & redemit in medio, etiam in nouissimo iudicabit. Itaque post conditionem vniuersæ, quæ secundum voluntatem eius extitit creationis, compositis modum rebus imposuit, vt quod rationale factum fuerat, ratione subsisteret: & quod libero donarat arbitrio, ne in licentiam perditionis excurreret, præcepti lege restrinxit: vt cum creatura creatorem & domini donum agnosceret, & præcepti stabilitatem: in subiectione lapsus libertatem prospiciens, ad hoc tantum ipsa libertate vti vellet, vt per eam seruitutem quo regeretur eligeret, digno habit⁹ iudicio, vt ex prudēti seruitute defensionem,

748 PAVLI OROSII APOLOGIA
sionem, ita ex libera voluntate mercedē,
confirmante Apostolo qui ait: Si enim vo-
lens hoc ago, mercedem habeo. Duo lu-
minaria magna omnipotens Deus dixit
& facta sunt, præcepitque ut diuidant di-
em ac noctem & sint in signa, & tempora,
& dies, & annos. Nunquid hæc semel de-
creta distinctio, non usque in præsentem
permanet diem? Et tamen hæc ipsa, quæ sic
ordinato motu feruntur, creatori mutare
cum velit, potentia inerat, si ratio non te-
neret: quoniam in omnibus potentia Dei
ratio coniuncta est. Si enim esset apud cre-
atorem mutatio operum, qualiter à crea-
tura expectari posset observatio manda-
torum? Iussu à Deo est, ut germinet ter-
ra herbam, fœnum lignumque fructiferū,
hoc etiam nunc annuis vicibus incessabi-
li parturitione custodit. Et tamen iratus
sæpissimè Deus terræ, fructus negata im-
brium vbertate diminuit, & quod aufer-
re in totum potuit, maluit castigare, ut &
correctionem plaga ostenderet, & ordi-
nem natura seruaret. Fecit Deus hominē
de limo terræ, & vitalis spiritus insuffla-
tione viuentem posuit in paradyso deli-
ciarum: libero insuper donauit arbitrio
circumdaturumque mādato medio immor-
talitatis

talitatis & mortis: quamuis asserât tui, qui abundantiora de pectore tuo venena suxerunt, mortalem eum fuisse factum, nihilque eidem damni ex transgressione contigisse præcepti. At verò præuaricante homine, terra maledicatur, laboribus ac doloribus homo ipse conuultatur, vt in sudore faciei panem adquirat iubetur: nota mortis circumscribitur, donec in terram, de qua sumptus est, reuertatur. Eijcitur Adam de Paradyso, generat filios trahentes secum seminis infidelis originale peccatum: peccat humanum genus, Deû quoque pœnituit quod hominem fecisset in terra. O domine sustine paulisper stultitiam meam, donec qui sapiens & prudens videtur, erubescat & sentiat imprudentiam. Peccante vno homine, ex quo in vniuersam successionem dira contagia transferunt, regnumque in vniuersos mortis inualuit, pœnitette, ira laceris, doles: & vltique quo verbum caro factum passione, cruce, ac morte opus habeat commoueris. Fortè satius fuerat vnum deleri ilicò peccatorem, & mox alius secunda plasmatione substitueretur, quo ab omni sorde libera & immaculata propago descenderet. Ac hæc te Deus omnipotens quia non fecisse agno-

agnoscimus, non potuisse credimus? O

Matth. 16. Petre supra quam petram Christus suam

1. Cor. 3. fundavit Ecclesiam, & ô Paule qui fundamentum posuisti, præter quod aliud nemo potest ponere, qui est Christus Iesus, beati Apostoli columnæ & firmamenta veritatis, vos saltem huic qui consiliarius Deo est & mediator, sacris respō

1. pet. 1. dete sermonibus. Ait Petrus, Benedictus Deus & pater domini nostri Iesu Christi, per quem vocati estis in hæreditatem, incorruptibilem, & incōtaminabilem, conservatam in cœlis, vos qui in virtute Dei custodimini per fidem in salutem paratā reuelari in tempore nouissimo. Deinde

Ephes. 1. Paulus vas electionis, profert thesauros salutares, & ait: Benedictus Deus & Pater Domini nostri Iesu Christi, qui benedixit nos in omni benedictione spiritali in cœlestibus in Christo, sicut elegit nos in ipso ante mundi constitutionē, ut essemus sancti & immaculati in cōspectu eius in charitate, qua prædestinavit nos in adoptionem filiorū per Iesum Christum in ipsum, secundum propositum voluntatis suæ in laudem gloriæ suæ, in qua gratificauit nos in dilecto filio suo, in quo habemus redemptionem per sanguinem eius, remissionem

sionem peccatorum; secundum diuitias
 gratiæ eius, quæ superabundauit in nobis
 in omni sapientia & prudentia: vt notum
 nobis faceret sacramentum volûntatis suæ
 secundum bonum placitum eius, quod
 disposuit in eo, in dispensationem plenu-
 dinis temporû, restaurare omnia in Chri-
 sto, quæ in cœlis sunt & quæ in terra. Di-
 cit Petrus in salutem paratam reuelari in
 tempore nouissimo: testatur & Paulus,
 quod proposuit in eo in dispensationem
 plenitudinis temporum instaurare omnia
 in Christo: & nunc nobis nescio quis qua-
 si rana è cœno emergit & personat, Quid
 mihi est expectare tempus, expectare iudi-
 cium? Deus si potest, semper potest: si sem-
 per potest, personarû acceptor nō est. Po-
 test ergo, & modò potest: & in te verè
 personarû acceptor probandus, si quod
 in omnibus potest, & utiq; acturus in tem-
 pore suo est, in te solò antè tēpus faceret,
 quod neq; in Moysē fecit, cui vnū tantū-
 modo in hac vita peccatū exprobrauit;
 & tamen ante mortē remisit: quē ob hanc
 culpam mori iussit, ne terrā repromissi-
 onis intraret. Audiat ergo Salomonē, su-
 per ordinatione tēporum & Dei cōstitu-
 tionē testantē, Omnia tempus, habent, &

fuis ſpatijs tranſeunt vniuerſa ſub cœlo.
 Tempus naſcendi : & tempus moriendi.
 Tempus plantandi : & tempus euellendi,
 quod plantatum eſt. Tempus occidendi,
 & tempus ſanãdi. Deinde alio loco dicit:
 Vidi ſub ſole in loco iudicij impietatem,
 & in loco iuſtitie iniquitatem, & dixi in
 corde meo : Iuſtum & impiũ iudicabit
 Deus: & tẽpus omnis rei tunc erit. Quam-
 obrem ô homo vacue, ſi quam fiduciam
 habes, patienter expecta ordinem Dei,
 quem dignatus eſt & ipſe dominus expe-
 ctare qui fecit : factus ſub lege, qui fece-
 rat legem. Audi ipſum tibi dicentem, Nõ
 eſt veſtrum ſcire tempora, quæ pater po-
 ſuit in ſua poteſtate. Aut ſi vis apertius ac-
 cipere teſtimoniũ, quia cũ vtique poſſit
 Deus, tamen pro ipſa ſui ordinatione nõ
 faciat, dicit ad Petrum, An putas non poſ-
 ſe me modò rogare patrem meum, & ex-
 hibebit mihi pluſquàm duodecim legio-
 nes Angelorum? Sed quomodo comple-
 buntur ſcripturæ? Quia ſic oportet fieri.
 Vides ergo quia operator tẽporis, tẽpe-
 rat virtutes : & ratio diſpoſitionis, miſcet
 potentie patientiã. Deinde ait dominus,
 Reconde gladium in theca. Fieri enim nõ
 poteſt, vt calicem quem dedit mihi pater
 non

Matth. 6.

non bibam illum. Et tamē Deus nihil nō potest: nec est quicquam quod non faciat nisi fortē quod nolit, non oporteat, non proponat. Loquitur Paulus ad Thessalonicenses, significans de aduētū Antichristi: Nō retinetis, quod cū adhuc essem apud vos, hæc dicebā vobis? Et nunc quid detineat scitis: vt reueletur in suo tēpore. Tanta vis est decreti Dei, & tam irreuolubilis status constitutorum in suis quibusq; causis temporū, vt propter electos suos dies seculi abbreviari dixerit dominus, nō auferri: vt faceret temporū statutorum pro maiestate plenitudinem, pro pietate breuitatem: simulque & compendium misericordia caperet, & numerum mundus impleret, & tu vis iam? Ecce ego cum dolore misericordiæ loquor, tu, inquā, vis ō homo similis mei, vt tibi homines in hoc præsentī tempore, quod nunquā antea dictū in sacris voluminibus inuenitur, quēquam sine peccato esse respondeant, & si in hoc fortē consenserint, de die momentoque subscribant: nouam calumniæ machinam instruens, vt quod non fieri dicimus, non posse fieri dixisse videamur, & in quo præcipuē operantem in dispositionem quam statuit omnipotentiam prædi-

camus, ne impatienter infamare impotentiam iudicemur? Vanum, queso te, furores abijce: quoniam hoc ipsum ad peccatum proficit, de quo abstergendo possibilitatem temporis, non clementiam iudicis cogitasse. Hactenus de potentia Dei, quam predicamus & colimus, & de præfinitione temporum, quæ profundissimo ipsius sunt statuta consilio, dixisse sufficiat, de qua & si plura quæ sunt sanctorum scripta non essent, dæmonum saltem responsio sola sufficeret, qui propria damnati conscientia vociferantur ad dominum, Quid tibi & nobis fili Dei? Quid venisti ante tempus perdere nos? Quos cum intelligas de constitutione iudicii confidentes, cape certissimum ipsius contra te exemplum. Si illos in oppressione miserit homines comprehensos: ultimo tunc iudicio intelligis esse damnatos. Accipe & te ipsum hic imperturbabili emundatione purgandum. Sin autem, ut legitur, patientia Dei adhuc illis liberum indulget arbitrium: adhuc & te crede tentandum. Nunc ad aliam strictim traheo questionem, quam tu adversus omnes catholicos vibrare sæpe videris. Nam etiam in epistola tua illa lucubratisima hæc ipsa intelligere vix potuimus. Ita ista, inquam, ad Demetriadem, pu-

Marc. 1.

ellam (vt audio) sacram & sanctam, homo
 verecundissimus scribere nō erubuisti: do-
 cēs, vt credo, reuerentiā castitatis sub stro-
 pha Ioseph luxuriantis Dominae suae, vbi
 dixisti, contēpta frequēter Domina, pro-
 piores adolescenti tēdit insidias, secretū
 ac sine testibus manu impudēs apprehen-
 dit, inopportunā historiā obscœnissimo
 sermone contexēs: quanquam hoc quod
 neq; aptē, neq; decorē dicitur, tibi impu-
 tare non debeamus, cui neq; natales dede-
 runt, vt honestioribus studijs erudireris,
 neq; naturaliter prouenit, vt sciperes, sed
 illis dictatoribus tuis, qui miserū sensum
 miserrimo sermone cōscribūt, & te legē-
 dum cachinnis quasi titulū cōfusionis ex-
 ponunt. Inter hæc ergo huiusmodi sen-
 sum in eadem epistola indigestis sermoni-
 bus eructasti, quod plerique nostrorum
 dicerent, deum malam hominibus condi-
 disse naturam. Quod etiam ille Phinees
 tuus pedetentim nobis tentauit intēdere:
 vnde breuiter primū profiteor, deinde
 respondeo, Ante tribunal Christi in dex-
 tera inter agnos Dei non sit dignus assi-
 stere, nec mereatur videre dominū in re-
 gione viuorū, nec in gloria resurrectio-
 nis vita Iesu manifestetur in mortali cor-

pore eius, qui dicit deum aliquam malam vel hominis vel cuiusque rei condidisse naturam, vel qui liberum in aliquo tollit arbitrium: cum scriptum legerit, omnia quæcunque fecit deus, bona valde. Et de libero hominis arbitrio scriptum est: Deus creavit hominem inextinguibilem, & reliquit eum in manu consilij sui. Cæce & maligne, aliter enim tibi loqui nequeo, sensum dominicæ authoritatis, sensum propriæ fragilitatis, sensum communis intelligentiæ non habenti: nos naturam hominis infirmam dicimus esse, non malam. Nā si mala esset, bonum omnino nō caperet: nunc verò cum genuino affectu concupiscat bonum, & adhæreat bono, malumq; omnino fugiat, ubi in ea mala dicenda est esse substantia? Dominus clamat, Spiritus quidem promptus est, caro autē infirma. Clamat Abraham, Ego autem terra & cinis. Clamat Iob, Homo putredo, & filius hominis vermis. Clamat Esaias, O miser ego quoniam compunctus sum, quia cum sim homo, & immunda labia habeam, in medio quoq; populi immunda labia habētis habito. Clamat Hieremias, Anima in angustijs, & spiritus anxius clamat ad te: Vide Domine & miserere. Clamat Abacuc,

Mar. 14.

Gen. 18.

Iob. 25.

Esa. 6.

Baru. 3.

Abac. 3.

cuc, Custodiui, & expauit venter meus, à
 voce orationum intra me turbata est ha-
 bitudo mea. Clamat Daud, Exaudi me in Psal. 142.
 tua iustitia, & nō intres in iudicium cum
 seruo tuo, quia non iustificabitur in con-
 spectu tuo omnis viuens. Clamant omnes Luc. 8.
 apostoli infirmitatis timore turbati, Do-
 mine libera nos, perimus. Clamat Ioānes,
 Si dixerimus quoniam peccatum non ha- 1. Ioan. 1.
 bemus, ipsi nos seducimus, & veritas in no-
 bis non est. Clamat Iacobus, In multis e- Iacob. 3.
 nim offendimus omnes. Clamat Paulus, Rom. 7.
 Infelix ego homo, quis me liberabit de
 corpore mortis huius? Gratia Dei per Ie-
 sum Christum Dominum nostrum. Et vt
 generaliter vniuersorum clamet infirmi-
 tas, clamat spiritus sanctus in sanctis, Esa. 40.
 Omnis caro fœnum, & gloria hominis sicut
 flos fœni. Fœnum aruit, flos decidit: ver-
 bum aut domini manet in æternum. Con-
 tra has tam splendoras, perspicuasq; diui-
 norum nubes testimoniorum, audiat la-
 borans in gemitu suo mundus vniuersus
 Pelagium reclamantem: atque humili ve-
 ritati non solum verborum impudentia,
 sed etiam cauteribus resistētem. Aitenim
 in epistola, quam supra nominauimus, Ve-
 rum e contrario remisso ac fastidioso ani-

758 PAVLI OROSII APOLOGIA
mo ac nequam ore nos domino reclama-
mus & dicimus: Durū est, arduum est, nō
possumus, homines sumus, fragili carne
circūdāmur. Et ō cecā insaniam: & ō pro-
fanam temeritatē. Duplicis ignoratiæ ac-
cusamus scientiæ dominū: vt videatur ne-
scire, quod fecit: nescire, quod iussit. Et
quasi oblitus fragilitatis humanæ, cuius
autor ipse est, imposuerit homini quod
ferre nō possit. Quid rogo hac præsum-
ptione feralius? Quid hac increpatione
puerius? Exprobras Ecclesię catholicę,
cuius nos viscera sumus, quod quasi dice-
re desperādo videatur, quod Deus author
hominis imposuerit homini, quod ferre
nō possit: cuius tamē fidelissima est & ore
& humilitate professio: deū & primo om-
nia possibilia præcepisse, & nemine tamē
possibilia complente, propter quod sub-
ditus sit omnis mundus Deo, postea pon-
dus præcepti substituta gratiæ indulgen-
tia subleuasse. Veruntamē tu serue nequā,
& maligne, qui quod tibi dominus tuus
remisit, cōseruis tuis conaris exigere: tu-
um primū sensum discutio, & meum post-
ea si videtur explano. Tu qui non posse
ferre onus legis dixisse quosdam arguis,
ergo tu ipsum ferre posse confidis? O mi-
ser qui

Matt. 18.

fer qui secundum quod scriptum est, di-
 cis in corde tuo, Diues sum & ditatus, &
 nullius rei egeo, & nescis quia tu es miser Apoc. 4.
 & miserabilis & pauper, & cæcus & nu-
 dus, nunquid ad te locutus est Christus,
 Amen dico tibi, non tibi reuelauit caro Matt. 16.
 & sanguis, sed pater meus qui est in cœ-
 lis? Nunquid tibi dixit, tu vocaberis Ce-
 phas? Nunquid tibi spopondit, super hanc
 petram fundabo Ecclesiam meam? Atten-
 de enim quid Petrus Apostolus spiritu Act. 15.
 sancto docente commoneat, qui ait: Et
 nunc ergo vos quid tentatis Deum, impo-
 nere iugum collo discientium, quod ne-
 quenos ipsi, neque patres nostri potui-
 mus portare? sed gratia domini nostri
 Iesu Christi credimus nos posse saluos
 fieri, sicut & illi. Petrus Apostolus dicit,
 quia ille verè Deum tentet, qui nunc ho-
 mini onus legis moliatur imponere: con-
 trā autem tu obijcis & minaris, quod
 ille criminetur iniustitiæ Deum, qui per
 confelsionem propriæ infirmitatis, ad
 gratiam spiritus à litera occidente con-
 fugiat. Samuel, Helyas, Helisæus, E-
 saias, Hieremias, Daniel, Zachari-
 as, omnes sancti, vel Iudices, vel Reges,
 vel Prophetæ, patres sine dubio nostri
 sunt,

sunt, & neminem patrum Petrus affirmat, sed neque semetiplos, hoc est, Apostolos, cum essent Iudæi, onus legis ferre potuisse, sed fide Christi secundum spem gratiæ fuisse saluatos.

An fortè secundum te omnes isti sancti patres Dei adiutorium non habebant? Ecce Petrus increpat illos, qui graue iugum collo discipulorum ponere conabatur: tu e contrariò in scandalum Petri increpas eos, qui ad fidem Dei misericordiã confugiunt: & se per semetiplos onus legis ferre diffidunt. Sed tibi specialis inde portandi oneris fortasse fiducia est, quod balneis epulisque nutritus latos humeros gestas robustamque ceruicem: præferens etiam in frõte pinguedinem, sicut scriptum est: Tendet enim aduersus Deum manũ suam & contra omnipotentem roboratus est. Cucurrit aduersum eũ erecto collo, & pingui ceruici armatus est. Operuit faciem eius crassitudo, & de lateribus eius aruina dependet. At illi tales esse nõ possunt, quibus semper in corde loquitur Christus: Contendite per angustiam viã introire: lata est enim, quæ ducit ad mortem. Et Paulus Apostolus monet, Curam carnis ne feceritis in concupiscentijs. Est in me

Iob. 15.

Luc. 15.

Rom. 13.

in me veritas Christi, quia multū doleo p
 vobis. Iuxta sententiā enim beati patris mei
 Augustini, Nō est sani fiducia sed insani.
 De vno p̄cepto eodemq; primo, te si di-
 gnaris interrogo. In lege dominus per
 Moysen iubet, quod & in Euāgelij Chri-
 stus affirmat, Diliges dominū Deum tu- Matt. 22.
 um ex toto corde tuo, & ex tota anima
 tua, & ex totis viribus tuis: & secundum
 simile huic, Diliges proximum tuum tan-
 quam teipsum. Rogo te, responde nō mi-
 hi, sed Deo; non voce, sed conscientia, si
 ita ex toto corde Deū diligis, vt nullā vn-
 quam in eo cogitationem, quæ absq; timo-
 re & dilectione Dei intelligi possit, admit-
 tas: si ita in tota anima sequeris, vt susce-
 pta semel cruce in nullā penitus oblesta-
 tionē habita ad tempus iocunditatis suc-
 cedas: si ita in totis visceribus tuis calore
 charitatis ardes, vt nulla penitus per au-
 gmenta necessitatis infirma concupiscen-
 tijs aut desiderijs adquiescas. Deinde cū Rom. 14.
 scriptū sit, Omne quod nō sit ex fide pec-
 catum sit: & siue nobiliū locorū Episco-
 pos videris, siue potentes seculi viros, siue
 diuites sub religione videas, vtrum omni-
 no nihil vel adulationi, vel timori, vel spei
 acceptione personarū captus indulgeas,

nec quicquam in quo te cor tuū reprehendat, & conscientia remordeat, vel si nulla verba tempori potius quā veritati accommodata respondeas. Illud etiam consulo, vtrum æquē omnes Christianos sicut teipsum diligas. Nos enim sub vno capite, quod est Christus: & sub vna Ecclesia, quæ est Christus, omnes fratres sumus, & vnum corpus in Christo. Vtrum ergo sicut teipsum diligas omnes qui misericordiam Dei sperant, quos tamen noueris, confitere. Non enim te de ignotis cōsulo: quos ex eo te diligere arbitraris, quod quia non noueris, non odisti. Sed quid ego hæc à confessione tua exigo, cū conuersationem tuam vulgus agnoscat? Tu perfectus sine infirmitate, tu omnem legis sarcinam ferre possibilis, tu, inquā, homo inflate, sed vacue: audi si dignaris dominū saluatorem, te si tamē hoc poteris ad sancta reuocantē: Amen dico vobis, quisquis nō receperit regnū Dei, velut infans, nō intrabit illud. Infans nihil in se habet, nisi quod diligit blandientē, & quod panem suum non in sudore suo, sed in precibus sperans alimoniam vitæ, simplici petitione consequitur, quam fiduciali opere non meretur: quā tu cōparatione com-

monitus,

Luc. 9.

monitus, conuertere ad infantiam, vt reuertaris ad vitam. Et quoniam superius dixeram, de possibilitate oneris sustinendi, tuum primum sensum discutio: & meum postea si videatur, explano. Mea sententia est, quia & in hoc quoque peccamus, qui cū infirmi sumus, de infirmitate conquerimur, hanc esse intentionē legis arguentis, vt propter illa, quæ perperam fiunt, confugiatur ad gratiam domini miserantis, velut pædago cōcludente in eandem fidem, quæ postea reuelata est: vbi & remittantur quæ malè fiunt, & eadē gratia iuuāte non fiant. Proficiscens enim via, quamuis bene proficiscentes dicantur perfecti vistorēs: illa est autem perfectio summa, cui nihil addatur, cū id quò tenditur, cœperit possideri. Iam verò illud quod eis dicitur, ipse tu sine peccato es? reuera non pertinet ad eam rem, de qua vertitur quaestio: sed quod dicit negligentiae suæ potius imputari, quòd non est sine peccato bene quidem dicit, sed dignetur inde & orare dominum, ne illi hæc iniqua negligentia dominetur. Quam rogabat *Psalm.* quidam quando dicebat, Itinera mea dirige secundum verbum tuum, & ne do-

minetur

minetur mihi omnis iniquitas: ne dum sue diligētis quasi proprijs viribus fudit, neq; hīc ad veram iustitiam, neque illic vbi sine dubio perfecta desideranda est & speranda, perueniat. Et illud quod eis à quibusdam dicitur, nusquā esse scriptum his omnino verbis posse esse hominem sine peccato, facile refellit: quia non ibi est quæstio, quibus verbis dicatur quæque sentētia. Non tamen fortasse sine causa, cū aliquoties in scripturis inueniatur, homines dictos esse sine quærela, nō inuenitur, qui dictus sit sine peccato; nisi vnus solus de quo apertè dictum est, eū qui non noverat peccatū. Et eo loco vbi de sacerdotibus sanctis agebatur. Etenim expertus est omnia, secundū similitudinem sine peccato: in illa scilicet carne, quæ habebat similitudinē carnis peccati, quanuis nō esset caro peccati. Iā illud quomodo accipiendū sit, Omnis qui natus est ex Deo nō peccat, & non potest peccare, quia semen eius in ipso manet, cū ipse Apostolus Ioannes quasi non sit natus ex Deo, aut eis loqueretur, qui nondū essent nati ex Deo, apertè posuerit, Si dixerimus quia peccatum non habemus, nos ipsos seducimus, & veritas in nobis non est: in libris quos
ad Mar-

2. Cor. 5.

1. Ioan. 3.

1. Ioan. 1.

ad Marcellium de hac re scripsi, sicut potui explicare curavi. Et illud quod dictum est, Non potest peccare, pro eo dictum est, ac si diceretur, non debet peccare: non improbanda mihi videtur huius assertio. Quis enim insanus dicat debere peccari, cum ideo sit peccatum, quia non debet fieri? Sanè quod Apostolus Iacobus ait, Linguam autem nullus hominum domare potest, non mihi videtur ita intelligendum, quasi per exprobrationem dictum, tamquam diceretur: Ergone linguam nullus hominum domare potest? Tanquam obiurgans & dicens, Domare feras potestis, linguam non potestis? Quasi facilius sit linguam domare, quam feras. Non puto quod iste sit sensus in hoc loco. Si enim id sentiri vellet de facilitate domandæ linguæ, cætera sequerentur in bestiarum comparatione. Nunc verò sequitur. Inquietum malum, plena veneno mortifero; utique, nocentiore, quam bestiarum atque serpentum. Nam illud carnem interficit: hoc vero animam. Os enim Sap. 1. quod mentitur, occidit animam. Non ergo quasi id esset facilius, quam mansuefactio bestiarum, sanctus Iacobus illam sententiam pronunciauit, aut ea voce voluit pronunciari: sed potius ostendens, quan-

Marc. 1.

tum

tis & contentiones in cordibus vestris, nolite gloriari & mendaces esse aduersum veritatem. Non est ista sapiētia de sursum descendēs, sed terrena, animalis, diabolica. Vbi enim zelus & cōtentio, ibi inconstātia & omne opus prauū. Quæ aut de sursum est sapientia, primū quidem pudica est, deinde pacifica, modesta, suadibilis, plena misericordię & fructibus bonis, nō iudicans, sine * *simulac-* *tione* æmulatione. Hęc est sapientia, quæ linguā domat, de sursum descēdens, nō ab humano cor de prosiliens. An & istā quisq; abrogare audet gratiæ Dei, & tam superba vanitate ponet in hominis potestate? Cur ergo oratur, vt accipiatur, si ab homine est, vt habeatur? An & huic orationi contradicitur, ne fiat iniuria libero arbitrio? Quod si sibi sufficit possibilitate naturæ ad implenda omnia præcepta iustitiæ, contradicatur ergo & eidem Apostolo Iacobo admonenti & dicenti, Si quis autem vestrum indiget sapientia, postulet à Deo, qui dat omnibus affluenter, & non impropereat & dabitur ei. Postulet autem in fide nihil hæsitans. Hęc est fides ad quam præcepta compellunt, vt lex imperet, fides impetret, In multis offendimus omnes. Non enim &

Iacobus.

hoc

hoc iste Apostolus alio modò pronunciauit, sicut & illud quod ait, Linguam nullus hominum domare potest. Nec illud quisquam istis pro impossibilitate nò peccadi similiter obiecerit quod dictum est, Sapiencia carnis inimica est Deo. Legi enim Dei non est subiecta, nec enim potest: qui autem in carne sunt, Deo placere non possunt. Sapientiam quippe carnis dixit, non sapientiam de sursum descendentem: & in carne esse non eos, qui nondum de corpore exierunt, sed eos, qui secundum carnem viuunt, significatos esse, manifestum est. Non autem ibi est quaestio, quæ versatur. Illud est quod expecto ab isto audire: si qui secundum spiritum viuunt, & ob hoc etiam hic adhuc viuentes iam quodammodo in carne nò sunt, vtrum gratia Dei viuant secundum spiritum, an sibi sufficiant, iam data cum crearentur possibilitate naturæ in sua propria voluntate: cù plenitudo legis non sit nisi charitas, & charitas Dei diffusa sit in cordibus nostris, non per nosmetipsos sed per spiritum sanctum qui datus est nobis. Tractat etià iste de peccatis ignorantiae, & dicit hominem prauigilare debere ne ignoret, ideoque esse culpandam ignorantiam, quia id homo nescit

Rom. 8.

1. Tim. 1
Rom. 5.

nescit negligentia sua quod adhibita diligentia scire debuisset: dū tamē omnia potius disputet, quā ut oret, dicat, Da mihi *Psal. 118.* intellectū, ut discā mandata tua. Aliud enim est nō curasse scire, quæ negligentie peccata etiā per sacrificia quædā legis videbantur expiari: aliud intelligere velle, nec posse, & facere contra legē, non intelligendo quæ fieri velit: Vnde admonemur *Iacob 1.* petere à Deo sapientiā, qui dat omnibus, affluēter: utiq; his omnibus, qui sic petūt, & tantū petunt, quomodo & quantū res tanta petēda est, Diuinitus tamen expianda esse peccata cōmissa, & pro eis dominū exorandū fatetur, propter veniā scilicet promerendā: quia id quod factū est, facere infectum multum ab isto laudata potentia illa naturæ & voluntas hominis etiā ipsa fatente, non potest. Quare hac necessitate restat ut oret ignosci: ut autē adiuuetur ne peccet, nusquā dixit, non hic legi. Mirū de hac re omnino silentiū, cū oratio dominica utrumque petendum esse cōmoneat: & ut dimittantur nobis debita nostra, & ut non *inducamur in tenta-
 tionē. Illud ut præterita expientur: hoc ut **infera-*
 futura vitētur. Quod licet nō fiat, nisi vo-
 luntas adsit: tamen ut fiat, voluntas sola
 Ccc non

770 PAVLI OROSII APOLOGIA
nō sufficit. Ideo pro hac re, nec superflua,
nec impudēs domino immolatur oratio.
Nā quid stultius, quā orare, vt facias
quod in potestate habeas? Iam nunc vide-
te quod ad rem maximē pertinet, quomo-
dō humanam naturā tanquam omnino si-
ne vitio vllō sit, conatur ostendere: & cō-
tra apertissimas scripturas Dei luctetur
sapientia verbi, qua euacuatur crux Chri-
sti. Sed plane illa non euacuabitur, ista po-
tius sapientia subuertetur. Nam cū hoc
ostenderimus, aderit fortasse misericor-
dia Dei, vt & ipsum hęc dixisse pœnite-
at. Primò, inquit, de eo disputandum est:
quod per peccatum debilitata dicitur &
immutata natura. Vnde ante omnia quæ-
rendū puto, inquit, quid sit peccatum:
substantia aliqua, an omni substantia ca-
rens nomen, quo non res, non existentia,
non corpus aliquod, sed perperam facti a-
ctus exprimitur. Deinde adiungit, Credo
ita est. Et si ita est, inquit, quomodo potu-
it humanam debilitare vel mutare naturā,
quod substantia caret? Videte, quæso,
quomodo nesciens nitatur euertere me-
dicinalium eloquiorum saluberrimas vo-
ces: Ego dixi domine miserere mei, sa-
na animam meam, quia peccaui tibi. Quid
sana-

sanatur, si nihil est vulneratum, nihil la-
 ciatum, nihil debilitatum atque viciatum?
 Porro si est quod sanetur, vnde viciatum
 est? Audis confitentem, quid desideras
 disputantem? Sana, inquit, animam meam.
 Ab illo quære vnde viciatum sit, quod sa-
 nari rogat: & audi quod sequitur: quo-
 niam peccaui tibi. Hunc iste interroget,
 ab isto quærat, quod quærendum pti-
 tat, & dicat, O tu qui clamas, sana
 animam meam, quoniam peccaui, quid
 est peccatum? Substantia aliqua, an om-
 ni substantia carens nomen, quo non res,
 non existentia, non corpus aliquod, sed
 tantum perperam facti actus exprimitur?
 Respondit ille: ita est, vt dicis. Non
 est peccatum aliqua substantia, sed tantum
 hoc nomine perperam facti actus expri-
 mitur. Et contrà iste. Quid ergo clamas,
 sana animam meam, quoniam peccaui tibi?
 Quomodo potuit vitiari anima tua? Me-
 dico indiget: quia sana non est. Omnia
 quidē bona q̄ habet in formatiōe, vita, sen-
 su, mēte, à summo Deo habet, creatore &
 artifice suo, vitiū verò q̄ ista naturalia bo-
 na cōtenebrat & infirmat, vt illuminatiōe
 & curatione opus habeat, nō ab inculpa-
 bili artifice contractum est, sed ex origi-

Ephes. 2.

nali peccato quod cōmissum est libero arbitrio: ac per hoc natura pœnalis ad vindictā iustissimam pertinet. Si enim iā sumus in Christo noua creatura: tamen eramus natura filij iræ sicut & cæteri. Deus autē qui diues est in misericordia propter multā dilectionē qua dilexit nos cū essemus mortui peccatis conuiuificauit nos Christo: cuius gratia sumus salui facti. Hæc igitur gratia Christi, sine qua nec infantes, nec ætate grandes salui fieri possunt, non meritis redditur, sed gratis datur: propter quod & gratia nominatur. Iustificati, inquit, gratis, per sanguinē ipsius. Vnde hi qui non per illam liberantur, siue qui audire nondū potuerunt, siue quia obedire noluerunt, siue etiā cū per ætatem audire non possent, lauacrum regenerationis quod accipere possent, per quod salui fierent, non acciperunt, iustē utiq; damnantur: quia sine peccato non sunt, vel quod originaliter traxerūt: vel quod malis moribus addiderunt. Omnes enim peccauerunt, siue in Adā, siue in seipsis: & egent gloria Dei. Vniuersa igitur massa pœnas debet. Et si omnibus debitū damnationis suppliciū redderetur, non iniustē proculdubio redderetur. Qui ergo inde per gratiam

Rom. 3.

tiam liberantur: nō vasa meritorū suorum, sed vasa misericordiæ nominātur. Cuius misericordiæ, nisi illius qui Christū Iesum misit in hunc mundū peccatores saluos facere, quos præsciuit & prædestinavit, & vocavit, & iustificavit, & glorificavit? Quis igitur vīq; adeo demētissimē insaniat, vt nō agat ineffabiles gratias misericordiæ, quos voluit, liberātis, qui rectē nullo modo possent culpāre iustitiā, vniuersos omnino dānantis? Hoc si secundū scripturas sapiamus, nō cogimur contra Christianā gratiam disputare, & ea dicere, quibus demonstrare conemur naturā humanam neq; in paruulis medico indigere, quia sana est, & in maioribus sibi ipsam ad iustitiā si velit, posse sufficere. Acutē ipsi videntur hæc dicere: sed in sapientia Verbi, qua euacuatur crux Christi. Nō est ista sapientia de sursum descendēs, nolo quod sequitur dicere, ne amicis nostris quorū fortissima, & acerrima ingenia, non in peruersum, sed in directum currere volumus, facere existimemur iniuriā. Quantō igitur maiore zelo accēsus est libri huius quē misistis cōditor, aduersus eos qui peccatis suis patrociniū de natura humanæ infirmitatis perquirūt: tan-

774 PAVLI OROSII APOLOGIA
tò & multò ardentiore zelo nos oportet
accendi, ne euacuetur crux Christi: Eua-
cuatur autem, si aliquo modo præter illi-
us sacramentum ad iustitiam vitamq; æter-
nam perueniri posse dicatur, quod in li-
bro isto agitur, nolo dicere absciente, ne
illum qui eum scripsit, ne Christianum
quidem habendum iudicem, sed quidem
magis credo à nesciente, magnis sane viri-
bus, sed eas sanas volo, non quales phre-
netici habere consueuerunt. Nam prius
distinguit aliud esse, querere, an possit ali-
quid esse quod ad solam possibilitatem
pertinet: aliud, vtrumne sit. Hanc distin-
ctionem veram esse nemo ambigit: Con-
sequens enim est, vt quod est, esse potue-
rit: non est aut consequens, vt quod esse
potest, etiã sit. Quia enim dominus Laza-
rum suscitauit, sine dubio potuit: quia ve-
rò Iudã non suscitauit, nunquid dicendũ
est, non potuit? Potuit ergo, sed noluit.
Nã si voluisset, etiã hoc eadẽ potestate fe-
cisset: quia & filius, quos vult viuificat.
Sed hac distinctione vera atque manifesta
quò tendat, & quid efficere conetur, ad-
uertite. Nos, inquit, de sola possibili-
tate tractamus: de qua nisi quid certum con-
stiterit, transgredi ad aliud grauissimum
esse

esse atq; extra ordinē * dicimus. Hoc ver- * ducimus
 sat multis modis & sermone diuturno: ne
 quis eū aliud, quā de non peccandi pos-
 sibilitate quærere existimet. Vnde inter
 multa quibus id agit, etiā hoc dicit. Idem
 iterū repeto. Ego dico posse esse hominē
 sine peccato. Tu quid dicis? Nō posse esse
 hominē sine peccato? De posse, & nō pos-
 se: nō de esse, & nō esse cōtendimus. De-
 indē nonnulla eorū, quæ aduersus eos de
 scripturis proferri solent, ad istā quæstio-
 nem non pertinere, in qua quæritur, pos-
 sit ne an non possit homo esse sine pecca-
 to, iam commemorat: Nam nullus, in-
 quit, mundus est à sorde, & nō est homo,
 qui non peccet, & non est iustus in terra,
 & non est, qui faciat bonum, & cætera
 his similia, inquit, ad non esse, non ad non
 posse proficiunt. Huiusmodi enim exem-
 plis ostenditur, quales homines quidam
 tempore aliquo fuerint: non quod aliud
 esse non potuerint. Vnde & iure inueni-
 untur esse culpabiles. Nam si idcirco tales
 fuerūt, quia aliud esse nō potuerunt, cul-
 pa carent. Videte quid dixerit. Ego au-
 tem dico paruulum natum in eo loco, vbi
 ei non potuit per baptismum subueniri
 morte præuentū, idcirco talē fuisse, id est,

Iob. 15.

Rom. 5.

sine lauacro regenerationis exisse, quia
 esse aliud nō potuit. Absoluat ergo eū &
 aperiat ei contra sententiā domini regnū
 cœlorum Sed non eum absoluit Aposto-
 lus, qui ait, Per vnum hominem peccatū
 intrauit in mundum, & per peccatū mors,
 & ita in omnes homines pertransiit, in
 quo omnes peccauerūt. Rectè ergo ea dā-
 natione, quæ per vniuersam massam cur-
 rit, non admittitur, in regnum cœlorum:
 quāuis Christianus non solū non fuerit,
 sed nec esse potuerunt. Sed non dānatur,
 inquit, quia in Adam peccasse oēs, non
 propter peccatum nascēdi origine attra-
 ctum, sed propter imitationē dictum est.
 Si ergo ideo dicitur Adā auctor omniū,
 qui subsecuti sunt, peccatorū, quia primus
 in hominibus peccator fuit: cur non poti-
 us Abel, quàm Christus ponitur caput ho-
 minū iustorū, quia primus in hominibus
 fuit iustus? Sed de infante non loquor. Iu-
 uenis vel senex in ea regiōe defunctus est,
 vbi non potuit Christi nomen audire, po-
 tuit fieri iustus per naturam & liberum ar-
 bitrium, an non potuit? Si potuisse dicūt,
 ecce quod est crucem Christi euacuare,
 si sine illa quemquam per naturalē legem
 & voluntatis arbitrium iustificari posse

conten-

contendere. Dicamus & hic, ergo Christus gratis mortuus est. Hoc enim oēs possent, etiā si mortuus ille non esset. Et si iusti essent, quia vellent, essent: non quia iusti esse, non possent: Si autem sine Christi gratia iustificari omnino non potuit, etiā istum si audet absoluat secundū verba sua: quia idcirco talis fuit, quod alius esse nō potuit, culpa caruit. Sed obijcit sibi quasi ab alio dictū: & ait, Potest quidem esse sed per Dei gratiā. Deinde velut respondendo subiungit, Ago humanitati tuæ gratias, quod assertionē meam, quā dudum oppugnabas, non modo non oppugnare aut non confiteri solū contentus non es, verū et etiā non refugis cōprobare. Nam dicere, pōtest quidē, sed per illū, aut per illud, quid aliud est, quā non solū consentire quod posset esse, verū etiam quomodo vel qualiter posset ostendere? Nullus itaq; magis alius rei possibilitatē approbat, quā qui eius etiā qualitātē fatetur, quia nec absq; re qualitas esse potest. His dictis: iterum sibi obijcit. Sed tu, inques, hoc in loco Dei gratiā quando quidē eā non commemoras, videris abnuere. Deinde respondet: Egōne abnuo, qui rem confitendo, confitear necesse, & per quod ef-

fici res potest: an tu, qui rem negando, & quicquid illud est, per quod res efficitur, proculdubio negas? Oblitus est iam se illi respondere, qui rem non negat, cuius obiectionem paulò ante proposuerat, dicens: potest quidem esse, sed per Dei gratiam. Quomodo ergo illam, pro qua iste multum laborat, possibilitatem negat, qui etiam dicit, potest esse sed per Dei gratiam? Veruntamen quia isto dimisso, qui rem iam confitetur, agit adhuc aduersus eos, qui negant esse possibile hominem esse sine peccato, quid ad nos? Còtra quos vult agat, dùm tamen hoc confiteatur, quod impietate sceleratissima negatur, sine gratia Dei hominẽ sine peccato esse non posse. Dicit ergo, siue per gratiã, siue per adiutorium, siue per misericordiam, & quicquid illud est, per quod esse homo absq; peccato potest, confitetur quisquis rem ipsam fatetur. Fateor dilectioni vestræ cùm ista legerem, læticia repẽtẽ persusus sum, quod Dei gratiam non negaret, per quã solam homo iustificari potest, hoc enim in disputationibus talium maximè detestor & horreo, sed pergens legere cætera, primò ex datis similitudinibus cœpi habere suspectum. Ait enim, Nunc si di-

xero, homo disputare potest, auis volare, lepus currere, & non etiã per quæ hæc effici possint commemorauero, id est, linguam, alas, pedes num ego officiorũ qualitates negauĩ, qui officia ipsa confessus sum? Videtur certè hæc eum commemorasse, quæ natura valent, creata sunt enim hæc membra huiusmodi naturis, lingua, alæ, pedes, non tale aliquid posuit, quale de gratia intelligi volumus, sine qua homo non iustificatur: vbi de sanandis, non de instituendis naturis agitur. Hinc iam ego sollicitus cœpi legere & cætera, & me non falso comperi suspicatum: quò priusquam veniam, videte quid dixerit. Cum tractaret quæstionem de differentia peccatorum, & obijceret sibi, quod quædã sæpe irruant, non posse cuncta vitari, negauit debere argui, ne leui quidem correptione, si vitari omnino non possunt: scripturas vtique non aduertens noui testamenti, vbi didicimus, sicut Apostolus ait, Nunquid dicit figmētum ei qui se finxit, Rom. 5. quid me fecisti sic? Infirmittatis ei quærela propriæ virtutis ambitio est, quoniam occultè adiutorium Dei fastidit, qui peculiarem fortitudinem quærit. Et hic diabolus est, qui dicit, viribus faciam. Ego
autem

2. Cor. 11.

Psal. 62.

Matt. 28.

Psal. 122.

autem secundum Apostolum, gloriabor
semper in infirmitatibus meis: ut semper
dicat cor meum Deo, In velamento alarum
tuarum exultabo, adhæsit anima mea post
te: me suscepit dextera tua. Vnde & scri-
ptum est, Postulationes vestre innotescant
coram Deo: & pax Dei quæ superat omnem
mentem, custodiat corda & corpora ve-
stra in Christo Iesu. Habeo itaque, infirmi-
tatem: & gaudeo in cognitione infirmi-
tatis meæ. Cum enim infirmior, tunc po-
tens sum: potentem inuocando Deum, qui
me exaudit infirmum, qui nobis fidelissi-
mè repromisit: ego autem vobiscum sum om-
nibus diebus usque ad consummationem
seculi. Peculiare opus infirmitatis est, in
omni loco semper orare, ut omnipotens
Deus, qui spondit non deserere, etiã iu-
uare non cesset. Ecce enim scriptura cla-
mat infirmis: Quærite dominum & confir-
mami: quærite faciem eius semper. Cui
respondit vera & pia confessio: Ecce sicut
oculi seruorum in manibus dominorum
suorum: ita oculi nostri ad dominum Deum
nostrum donec misereatur nostri. Magna
& certa est de perfectione fiducia, cum om-
nipotens facit quod optat infirmus. Rur-
susque magna & certa est de confirmatio-
ne se-

ne securitas, cum omnipotens seruat, nec perdit infirmos, sicut scriptum est, *Ei au-* Ephes. 3.
 tem qui potest omnia abundantius facere quam petimus & intelligimus, secundum virtutē qua operatur in nobis: ipsi gloria in Christo Iesu. Quamobrē admonet Apostolus, Quæ sursum sunt sapite, nō quæ super terrā: mortui enim estis & vita vestra abscondita est cum Christo in Deo. Cū Christus apparuerit vita vestra, tunc & vos apparebitis cū ipso, in gloria. Vitæ fructus est sanctitas: sanctitas verò est, esse sine peccato. Si ergo incorruptionis gloria abscondita est ab omnibus hominibus in hoc tempore, tu quomodo hoc eodem tempore ipsa incorruptione posse te superindui gloriaris? Sicut enim corruptionis principium fuit homini declinare in peccatū, ita incorruptionis initium erit, non habere peccatum. Quis ergo illud ante iudicium Dei abscondit, aut de sinu Christi abstulit, & tibi tradidit? An fortē quia nō meretur eā in futuro de manu domini intelligis. Hæc præsummus instruit Paulus, & dicit, Cū autē mortale hoc induerit 1. Cor. 15.
 immortalitatem: tunc fiet sermo qui scriptus est, Absorpta est mors in victoriam. Vbi est mors victoria tua? Vbi est mors
 stimu-

mulus tuus? Stimulus autem mortis peccatum est. Per quod ostendit Apostolus, nullo modo eatenus quenquam insultare posse morti atque peccato, donec mortalitatem immortalitas, & corruptione incorruptio consequatur: & ubi infirmitate deleta virtus perfecta succedit, ubi non erit masculus & foemina, sed erunt omnes similes angelis Dei. Porro autem si quis iam in tantum cumulū sanctitatis excrescit, ut vivens in hac carne, vel masculū se esse, vel foeminā nesciat, si iam plenissima sui puritate percepta, nec habens vestimēta sordida, similis est angelis Dei, & si iam illa quae promissa est sanctis in specie solis claritate circundatur, dignè hanc perfectionem nō voce, sed habitu profitetur. Veruntamen praesumptio ista perditio est: quin potius huiusmodi homini expedit, ut nō suū cor, sed Paulū magistram Gentium audiat & sequatur, simulq; oret eū eo, cui oran-

2. Cor. 12. ti respōdeat dominus: Sufficit tibi gratia mea: virtus autē in infirmitate perficitur. Ita q; quod solū & in quo solo liberū arbitrium proficit: praebat se unusquisque nostrū Deo terrā voluntariā Dei aut agricul-

1. Cor. 9.

tura sumus: Dei aedificatio sumus. Mittat in agrū suū semen verbū, credat in corde, ipse

ipse plātet, ipse riget, ipse fœcūdet, ipse tribuat incrementum, qui est ver⁹ agricola.

Quòd solū tamen in nobis potest volūtarīa deuotio, ad continendā in se radicē seminis & nutriendos vberes partus fideliter subministret, semperq; orationib⁹ suis agricolā suū, ne inimicus zizania superseminare possit exsuscitet. Hæc sit eius in opere Dei cooperatio, cū spe nō dubia & charitate sincera. Ait enim domin⁹ Iesus:

Ego sum vitis, vos estis palmites: quodcūque habet, de vite habet. Nō enim, inq^t A-
Ioan. 15.
Rom. 11.

postolus, tu radicem portas, sed radix te. Quid se ergo extollit in fructibus, qui videtur in eo, cū totū pertineat ad vitā non solū vt possit, verum etiā vt sit? Alioquin excidetur & in ignē mittetur. Nō enim palmes, sed vitis potest: & q^d vitis potest, palmes ostēdit. Sufficit ergo vnicuiq; vt habeat. At verò vnde & vbi habeat, & humiliter agnoscat, & patiēter expetat: ne dū non habet, & habere se credit, id ipsum q^d habet auferatur ab eo. Primū hominē peccantē de paradyso eiecit Deus, deinde in cruce credētē primū in paradylū Christ⁹ induxit. Meritò ergo q^d diu in Paradyso nō sum, & in terra peregrinatiōis Adē manco, sine peccato me esse nō credo. Si autē

in Pa-

784 PAV. OROS. APOL DE ARB. LIB.
 in Paradyſum gratia Dei traductus fue-
 ro: ibi perfectione mea, & morte ſuperata,
 peccatoq; deleto, æternâ in cōſpectu Dei
 potentia eius gloriâ prædicabo. Hæcer-
 go vt potui beatiffimi Sacerdotes, cauſa
 fidei & ſimplicitatis expoſui. Non mihi
 ſuccenſeant, qui læſerunt, ſi in aliquo per
 * fortè ti- comparationes nominū * titulātur. De
 uillātur quæſtionibus verò æquanimiter ferāt, ma-
 giſque, ſi timor ē Dei habent, gaudeāt reſ-
 poſum fuiſſe quod verū eſt. Ego, teſte
 Ieſu Chriſto, odiſſe me fateor Hæreſim,
 non Hæreticū: ſed ſicut iuſtum eſt, inte-
 rim propter Hæreſim, Hæreticum vito:
 quia & prohibui, & corripui. Detestetur
 & damnet, ore pariter ac manu, & cūctis
 fraternitatis vinculo hærebit: quia
 ſcriptum eſt, Inuicem onera ve-
 ſtra portate: & ſic adim-
 plebitis legem
 Chriſti.

FINIS.



FINE



